

Barcode - 4990010202357

Title - Masik Basumati (Year19, vol.1)

Subject - LITERATURE

Author - Mukhopadhyay, Satishchandra, ed.

Language - bengali

Pages - 302

Publication Year - 1940

Creator - Fast DLI Downloader

<https://github.com/cancerian0684/dli-downloader>

Barcode EAN.UCC-13



4 990010 202357









পত্রিক  
১২৯,  
১৫১  
১৫৬  
১৪০  
৩০০  
৩১২  
৪৬১  
১০৯  
১০৯  
১১৫  
৬৫  
২১  
১৮২  
১৮০  
৫

শ বর্ষ ] ১৩৪৭ সালের বৈশাখ হইতে আশ্বিন সংখ্যা পর্যন্ত [ ১ম খণ্ড

### বিষয়ানুক্রমিক সূচী

লেখকগণের নাম	পত্রিক	বিষয়	লেখকগণের নাম	পত্রিক
<b>বঙ্গ-সংক্রান্ত :-</b>		<b>আলোচনা :-</b>		
বঙ্গ-সংক্রান্ত	শ্রী অশোকনাথ শাস্ত্রী ১	১। কঠোপনিষদ্	শ্রী বসন্তকুমার চট্টোপাধ্যায়	৬০১
শ্রীমত-বিবেক	শ্রী সত্যেন্দ্রনাথ বসু ৬২, ২১৫, ৪০১, ৬১৬, ৭৫১	২। সঙ্গীতের কীর্তনাম	শ্রী গৌরকিশোর গোস্বামী	৭৭
শ্রীমত-বিচার	শ্রী পঞ্চানন তর্করত্ন ২৫	৩। সময় বিভাগে ভারতের দান	শ্রী সুনন্দকুমার রায়	১৫৪
শ্রীমত-বিচার	শ্রী হারাণচন্দ্র শাস্ত্রী ১৬২	৪। শ্রীমত-পরিচয়	শ্রী অশোকনাথ শাস্ত্রী	৩০১
শ্রীমত-বিচার	শ্রী অশোকনাথ শাস্ত্রী ৩২১, ৫০৮	৫। পুরাণ-প্রসঙ্গ	শ্রী বিনায়ক সাত্তাল	৬৬০
শ্রীমত-বিচার	শ্রী শ্যামাচরণ কবিরত্ন ৪৮৯	৬। পতঞ্জলি-বিবচিত ব্যাকরণ-মহাভাষ্য	শ্রী হারাণচন্দ্র শাস্ত্রী	৭৫৫
শ্রীমত-বিচার	শ্রী আশুতোষ শাস্ত্রী ৭৩১	<b>বিজ্ঞান-জগৎ :-</b>		
শ্রীমত-বিচার	শ্রী পঞ্চানন তর্করত্ন ৮০২	১। বৈশাখ		১২
শ্রীমত-বিচার	শ্রী শ্রীজীব ভায়তীর্থ ৮০১	২। জ্যৈষ্ঠ		২৪২
শ্রীমত-বিচার	শ্রী অশোকনাথ শাস্ত্রী ৮২৫	৩। আষাঢ়		৪৫৬
শ্রীমত-বিচার	শ্রী হারাণচন্দ্র শাস্ত্রী ৮৩৩	৪। শ্রাবণ		৪২১
শ্রীমত-বিচার	শ্রী শশিভূষণ মুখোপাধ্যায় ৮৯৯	৫। ভাদ্র		৭৪১
<b>ব্য-সন্দর্ভ :-</b>		৬। আশ্বিন		৮৩০
শ্রীমত-বিচার	শ্রী মনমথনাথ ঘোষ ৩৩, ৪০১	<b>ইতিহাসের অনুসরণ :-</b>		
শ্রীমত-বিচার	এস্ ওয়াজেদ আলি ৭৩	১। বঙ্গদেশ কি আর্ধ্যাবর্তের বাহিরে	শ্রী শশিভূষণ মুখোপাধ্যায়	৮৪
শ্রীমত-বিচার	শ্রী কৃষ্ণ মিত্র ১৮৫	২। ভারতে মুসলমান-বিজয়		২৩০
শ্রীমত-বিচার	এস্ ওয়াজেদ আলি ৩৭৪	৩। পুষ্পমিত্র		৪৪৭
শ্রীমত-বিচার	শ্রী বতীন্দ্রনাথ বন্দ্যোপাধ্যায় ৫৫৬	৪। তরুণিলা		৫৭৮
শ্রীমত-বিচার	শ্রী বামনদাস মুখোপাধ্যায় ৬২৭	৫। ক্লাইভ ও মীরকাশি		৭৩৫
শ্রীমত-বিচার	শ্রী বগেন্দ্রনাথ মিত্র ৬৮১			

## বিষয়ানুক্রমিক সূচী

৪

	লেখকগণের নাম	পত্রাঙ্ক	বিষয়	লেখকগণের নাম	
	<b>বিঃদ্রঃ—</b>				
১।	যদি	৪	৪১।	নব পরিচয়	শ্রীদীনেন্দ্রকুমার দাস
২।	অভিমানী	২৪	৪২।	জয়' ও দান	শ্রীমধুসূদন চট্টোপাধ্যায়
৩।	খেয়া ঘাটে	২২	৪৩।	শ্রীগোবিন্দ	শ্রীনীলরতন দাশ
৪।	নিবেদন	৭২	৪৪।	মৃত্যুবরণ	শ্রীমতী জ্যোতির্ময়ী দেবী
৫।	বৈশাখ	৭৬	৪৫।	প্রেম-সমর্পণ	শ্রীটমানাথ সিংহ
৬।	আগামী কাল	৮৩	৪৬।	যাত্রা শুরু	শ্রীমহেশ্বরজ্ঞান আচার্য্য
৭।	কবির গান	৮৯	৪৭।	বরন'-বিদায়	শ্রীনিলা দেবী
৮।	মিলন-ব্যথা	৯৪	৪৮।	অমন কথা বোলো না	শ্রীশ্যামলা বসু চৌধুরী
৯।	সাঁঝে	১১৮	৪৯।	শেষ সুর	শ্রীনিলা দেবী
১০।	যাত্রা	১১০	৫০।	ভালোবাসা	শ্রীশৈলেন্দ্রনাথ চট্টোপাধ্যায়
১১।	চির নারী	১৫৩	৫১।	মানসের বৈরাগ্য	শ্রীনীলরতন দাশ
১২।	কঠিন কৌতুক	১৭৭	৫২।	লালালাভ	শ্রীকালিদাস বায়
১৩।	যক্ষান	২০৮	৫৩।	অসংশয়	শ্রীকালীপ্রসাদ ভট্টাচার্য্য
১৪।	বিস্ময়ের স্মৃতিকলক	২১৪	৫৪।	ভবা গঙ্গা	শ্রীকুমারজ্ঞান মল্লিক
১৫।	ফুলের ফসল	২২১	৫৫।	গান	শ্রীঅসমঞ্জ মৃগোপাধ্যায়
১৬।	অন্ধকার সর্কার চিত্রবন্দাবন		৫৬।	যক্ষ-প্রিয়ায় নিবেদন	শ্রীশ্যামলা বসু চৌধুরী
	শ্রীনীলরতন দাশ	২৪৫	৫৭।	বিশ্ব-চর্চিত কেন	শ্রীঅক্ষয়কুমার ভট্টাচার্য্য
১৭।	মানসপ্রিয়া	২৪৮	৫৮।	বাসনা	শ্রীমতী কল্যাণদেবী চট্টোপাধ্যায়
১৮।	অবসিকেষু	২৬৫	৫৯।	শব্দের রাণী এসেছে	শেফালি বসু
১৯।	সমাপিকা	২৭১			শ্রীহেমশঙ্কর চট্টোপাধ্যায়
২০।	অপরাধে	২৭২	৬০।	সংসার-ভ্রমণ	শ্রীকালিদাস বায়
২১।	চিরঞ্জীব	২৯৪	৬১।	আগমনী	শ্রীকাল্যাণদেবী দেবী
২২।	উৎসব-মাঝে	৩০০	৬২।	আগমনী	শ্রীকালিদাস বায়
২৩।	কিরে গেল আপন দেশে		৬৩।	কাশকুম্ব	শ্রীকুমারজ্ঞান মল্লিক
	শ্রীমতী সধেন্দ্রমুখী বায়	৩০৫	৬৪।	সংসার-স্মৃতি	শ্রীমহেশ্বরজ্ঞান আচার্য্য
২৪।	হে মোর মৃত্যু বন্ধু আমার		৬৫।	পাশের বাড়ীর মেয়ে	শ্রীকাল্যাণদেবী দেবী
	এস. এ. কাফর	৩৩৪	৬৬।	সহস্রাধ্য	শ্রীঅমরনাথ মৃগোপাধ্যায়
২৫।	ভাসি ও অশ্রু	৩৪৬	৬৭।	স্মৃতি	শ্রীপার্বতীমোহন সেনগুপ্ত
২৬।	নিধি	৩৫২	৬৮।	মানসী	শ্রীশচীন্দ্রমোহন সরকার
২৭।	আষাঢ় প্রথম দিনে	৩৭০			
২৮।	আষাঢ়	৩৭৮	<b>উপন্যাস ৪--</b>		
২৯।	কুম্ব	৩৮২	১।	বংশ-গৌরব	শ্রীমতী নীলমা দেবী
৩০।	ওগো কালো মেঘ	৩৯০			৪২।
৩১।	স্বরণে	৩৯৫	২।	পারাবার	শ্রীসৌরীন্দ্রমোহন মৃগোপাধ্যায়
৩২।	মৃত্যুশোক	৩৯৯			১৭, ৩১
৩৩।	কবি	৪১২	৩।	মুক্তির মূল্য	শ্রীহেমেন্দ্রপ্রসাদ
৩৪।	মৃত্যু পাখী ওঠে চুমে		৪।	'উট'-বোটের বোম্বটে	শ্রীদীনেন্দ্রকুমার দাস
	শ্রীকালীকঙ্কর চট্টোপাধ্যায়	৪৪৯			৩৩, ৩৫
৩৫।	ভবিষ্যৎ বন্ধ	৪৭০	<b>কবিতা-শিল্প-বাণিজ্য ৪--</b>		
৩৬।	কবির খাতির	৪৮০	১।	দিয়াশস্যের দেশীয় উপাদান	শ্রীনিকুঞ্জবিহারী দত্ত
৩৭।	গঙ্গাভীরে	৪৯৮	২।	বিবিধ শিল্পে তুষ্কর প্রয়োগ	
৩৮।	কণ-মাধুরী	৫০২	৩।	ভারতের ধনিক সম্পদ	
৩৯।	যেন বলা যায়	৫০৭	৪।	বাজাসার ফল	
৪০।	স্নেহময়ী	৫১০	৫।	ভারতীয় শিল্প-পরিষ্কার	শ্রীসৌরীন্দ্রমোহন মৃগোপাধ্যায়

## বিষয়ানুক্ৰমিক সূচী

বিষয়	লেখকগণের নাম	পত্রিক	বিষয়	লেখকগণের নাম	পত্রিক
<b>পাত্র ১—</b>			<b>ছোটদের আসর ১—</b>		
১। বার যেখানে বাধা	শ্রীপ্রফুল্লকুমার মণ্ডল	১১	১। গল্পনাট্য বৈঠক	শ্রীমদিলাল বন্দ্যোপাধ্যায়	১২১, ৪৫৬, ৫০৪, ৬২৭, ১৫১
২। স্বর্ণ দেউটি যেন তুলসীর মূলে	শ্রীযোগেন্দ্রকুমার চট্টোপাধ্যায়	৬৫	২। ফুটবল		১৫৬
৩। কেলা কতে	শ্রীঅসমঞ্জ মুখোপাধ্যায়	১১৯	৩। খেলনার শিক্ষা		১৪০
৪। সঙ্গুন-মেল	শ্রীসৌরীন্দ্রমোহন মুখোপাধ্যায়	১৫৪	৪। মৌ পিপীলিকা		৩০৬
৫। সিনেত্রী	শ্রীপৃথীশচন্দ্র ভট্টাচার্য	১৭০	৫। চোখের দেখা		৩১২
৬। জীবন-বীণা	শ্রীআশা বাসু	২০২	৬। বাত্ময়		৫৬১
৭। সাগরা	শ্রীমায়াদেবী বসু	২৩৭	৭। বানর		৫০৯
৮। পাখাওয়ালা	শ্রীযোগেন্দ্রকুমার চট্টোপাধ্যায়	২৮৭	৮। কশরতি		৭০৭
৯। মিস্ বেলা বোডিং হাটস্	শ্রীঅসমঞ্জ মুখোপাধ্যায়	১৫০	<b>নারী-মন্দির ১—</b>		
১০। নীর ও কীর	শ্রীমতী আশালতা সিংহ	৩৭১	১। প্যাটার্ণ প্রিন্টিং		১১
১১। কচি-শিক্ষা-সংসদ	শ্রীঅমিয়া সেনগুপ্ত	৩৯১	২। গালার কাজ		২১৫
১২। কঠিন সংসার	শ্রীসৌরীন্দ্রমোহন মুখোপাধ্যায়	৪৪০	৩। অয়েলক্লেথের টুকিটাকি		৪৬৫
১৩। ক্রমে ক্রমে	শ্রীঅসমঞ্জ মুখোপাধ্যায়	৫২৬	৪। উলের হাতবাগ		৩২১
১৪। স্বীকৃতি	শ্রীমতী পুষ্পলতা দেবী	৫৪১	৫। খেলার গহনা		৭৮২
১৫। সাথী	শ্রীপৃথীশচন্দ্র ভট্টাচার্য	৫৯৭	৬। বাগারে টে		৭৮৩
১৬। ভ্রম সংশোধন	শ্রীশ্ৰীশ্ৰী প্রসাদ ঘোষ	৬৫৭	৭। কাটিমের জীবজন্তু		১
১৭। অনিমেষের কপটতা	শ্রীহেমদাক্ষ বন্দ্যোপাধ্যায়	৬৮৫	<b>স্বাস্থ্য ও সৌন্দর্য্য ১—</b>		
১৮। বিপ্লবী	শ্রীযোগেন্দ্রকুমার চট্টোপাধ্যায়	৭১১	১। নিটোল দেহ		১০১
১৯। চাল	শ্রীসৌরীন্দ্রমোহন মুখোপাধ্যায়	৭৬৪	২। ঘুমপাড়ানিরা		২০৮
২০। চির-উপেক্ষিতা	শ্রীমায়াদেবী বসু	৭৮০	৩। আর এক ধার!		৪১৭
২১। সেনাট বয়	শ্রীঅসমঞ্জ মুখোপাধ্যায়	৮১৬	৪। ঝগড়		৪৬১
২২। সার্বজনীন দুর্গোৎসব	শ্রীশ্ৰীশ্ৰী প্রসাদ ঘোষ	৮৪০	৫। ক্ষীণ কটি		৩২২
২৩। মা	শ্রীসৌরীন্দ্রমোহন মুখোপাধ্যায়	৮৭৭	৬। মৃগাল-ভুৎ		৭৮৪
২৪। ঠৈম-তী	শ্রীমতী পুষ্পলতা দেবী	৮৭৬	৭। অন্ধের বাস		৭৮৭
২৫। প্রাণদর্শ	শ্রীমতী মায়াদেবী বসু	৯০৪	৮। নগনীর কমনীর		৩৪০
২৬। হিসাবে ভুল	শ্রীযোগেন্দ্রনাথ মিত্র	৯২৩	<b>সচিত্র প্রবন্ধ ১—</b>		
২৭। বিপ্লবী	শ্রীসৌরীন্দ্রমোহন মুখোপাধ্যায়	৯৬৪	১। রবার-ভায়বার		২৭০
<b>অশ্রু-অর্ঘ্য ১—</b>			২। হুঙ্ক		৪১৩
১। মৌলী মুজিবর রহমান		১৬৬	৩। মেঘমালা		৬০৪
২। পণ্ডিত অমল্যচরণ বিজ্ঞানভবন		১৬৭	৪। সিঙ্গাপুর		১২০
৩। স্বরেন্দ্রনাথ ঠাকুর		১৬৭	<b>রাজনীতিক প্রসঙ্গ ১—</b>		
৪। জর্জ ল্যান্সবেরী		ঐ	১। আন্তর্জাতিক পরিস্থিতি	শ্রীঅতুল দত্ত	১৫৬, ৩৩৫, ৪৭১, ৬৩৫, ৭১৬, ৯৫৬
৫। রমেন্দ্রনাথ গুপ্ত		১৬৮	২। যুদ্ধের কথা	শ্রীপ্রমথ চৌধুরী	২৪৬
৬। নগেন্দ্রনাথ সোহ		ঐ	৩। যুদ্ধ এবং ভারত	শ্রীশশিভূষণ মুখোপাধ্যায়	৫০৩
৭। মন্থননাথ মুখোপাধ্যায়		৪৮৭	<b>নাটক ১—</b>		
৮। স্বামী পরমানন্দ		৪৮৮	১। বন্ধুর বিয়ে	শ্রীস্বামীমোহন কর	৫১৩
৯। নটবর দত্ত		ঐ	<b>বক্তা ১—</b>		
১০। মণীশূবের মহারাজা		৩৪৮	১। আর কিছুকাল পবে	শ্রীযোগেন্দ্রকুমার চট্টোপাধ্যায়	৮১০
১১। সুশীলচন্দ্র ভট্টাচার্য		৫০৮			
১২। শর্ধাকুমার লোম		১৭৫			
১৩। ভূজঙ্গধর বাসু চৌধুরী		১৭৬			

বিষয়	লেখকগণের নাম	পত্রিক	বিষয়	লেখকগণের নাম	পত্রিক
<b>বৈজ্ঞানিক প্রবন্ধ :-</b>			<b>সাময়িক প্রসঙ্গ :- ( বর্ণানুক্রমিক )</b>		
১। বিজ্ঞানের দান		২০৫	২৮। বস্ত্র-লীনা সোণবাগ		১৬৪
২। বিমান আক্রমণ ও তাহার প্রতিকার	শ্রী বসন্তকুমার ঘোষ	২৬৬	২৯। বড় লাটের ঘোষণা		৬৪১
৩। বৃহস্পতি ও তাহার উপগ্রহ	শ্রী কানাইলাল মণ্ডল	৪৫০	৩০। বীমা-আইনের সংস্কার		২৭২
৪। সৃষ্টির নামুধ		১২২	৩১। বাজারে পণ্যবিক্রয় নিয়ন্ত্রণ বিল		২৭৩
<b>ভ্রমণ-কাহিনী :-</b>			৩২। বাঙ্গালা ভাষার আপত্তি		৮০১
১। কালিম্পং ও প্যাংটকের গিরি-শিখরে	শ্রী শরদিন্দু চট্টোপাধ্যায়	৫৫১	৩৩। বাঙ্গালায় মংস্তু ধরিবার ব্যবস্থা		৮১৬
২। পঞ্চনদের রাজধানীতে		৮৬৫	৩৪। ভারত সচিবের প্রস্তাব		১৬২
<b>দপ্তর :-</b>			৩৫। ভারতবর্ষীয় ব্যবস্থা পরিষদ		১৬৩
১। গ্রন্থ-পরিচয়ে বক্তৃতা	শ্রী শ্রীজীব জাম্বতীর্থ	৪৫৪	৩৬। ভারতে সমরসঙ্গ্রাম		৩২৩
২। শ্রীমদ্ভাগবতের প্রাচীনত্ব	শ্রী যুবেন্দ্রনাথ সেন	৭৭৭	৩৭। ভয় নাই ভয় নাই		৩২৬
<b>সাময়িক প্রসঙ্গ :- ( বর্ণানুক্রমিক )</b>			৩৮। ভারতের ভবিষ্যৎ		৪৬১
১। অচল অবস্থার প্রতিকার		৩২৫	৩৯। ভারতে সমরোপকরণ নির্মাণ		৪৮
২। অকারণ অপমান		৮০৬	৪০। ভাওয়ালের কুমার-সন্ন্যাসীর মামলা		৮০
৩। আজাদ সম্মেলন		১৬৪	৪১। ভারত-রক্ষা আইনের বিনিয়োগ		৮০
৪। আইন অমান্ত আন্দোলন		১৬৫	৪২। মন্ত্রিত্ব গ্রহণের পরামর্শ		১৬
৫। আমদানীর সংকোচন		৩২৭	৪৩। মহাত্মার ভুল		৪৮১
৬। আপৎ কালের আইন		৫৮৩	৪৪। মিলনের ধূয়া		৪৮৭
৭। আবেদনের মিলন প্রস্তাব		৪৮৫	৪৫। মানসল বুদ্ধি		৬৩
৮। উধাম সিংহের অপরাধের বিচার		৩২৭	৪৬। ম্যালেরিয়ায় সম্পূর্ণনী		৬৪১
৯। উপকূলরক্ষা বাঙ্গালী গোলন্দাজ		৪৮৩	৪৭। মাধ্যমিক শিক্ষা-সঙ্কট		৮০১
১০। এক টাকার নোট		৪৮৭	৪৮। যুদ্ধে শ্রী অরবিন্দের দান		৬৪১
১১। এক টাকার নোটের পুনঃ প্রচার		৬৪২	৪৯। রেলওয়ে দুর্ঘটনায় দণ্ড		১০১
১২। কংগ্রেস কার্যকরী সমিতির নির্ধারণ		৪৮৫	৫০। রেলওয়ে দুর্ঘটনা		৬৪১
১৩। কৃষিক্ষেত্র লাঘব আইন		৬৪৮	৫১। রবীন্দ্রনাথকে উপাধি দান		৬৪১
১৪। কংগ্রেস ও সরকার		২৭২	৫২। লর্ড জেটল্যান্ডের বক্তৃতা		৬৪১
১৫। গণ-সংস্কার সংগঠন		৩২৪	৫৩। লাট-ভবনে গমনাগমন		৬৪১
১৬। গণতন্ত্রবাদের অর্থ		১৭৫	৫৪। শর্করাসঙ্কট		৩২১
১৭। জমিদারদিগের কর্তব্য		৩২৭	৫৫। শিখ-নায়কের প্রস্তাব		৪৮১
১৮। দেশীয় রাজ্যে দায়িত্বপূর্ণ শাসন		৪৮৬	৫৬। সাক্ষরতার নমুনা		১০১
১৯। দিল্লীর প্রস্তাব গৃহীত		৬৪৫	৫৭। স্বাস্থ্যরক্ষাতত্ত্ব শিক্ষা		১০১
২০। দোকান-কর্মচারী আইন		২৭৪	৫৮। সুরেশ্বরী দেবীর স্মৃতিপূজা		১০১
২১। প্রতিশ্রুতির পুনরাবৃত্তি		১৬৩	৫৯। সুভাষচন্দ্রের শ্রেণ্ডার		৪৮১
২২। প্রচারের বাহাজুরী		১৬৬	৬০। সাম্প্রদায়িকতার চরম		৪৮১
২৩। পাটের আর্ডিন্যান্স		৩২৪	৬১। সৈন্য-সরবরাহে বাঙ্গালা		৬৪১
২৪। পাটের দবে সরকার		৪৮৫	৬২। সমবায়সমিতি বিল		৬৪১
২৫। পণ-প্রথা নিবারক আইন		৬৪২	৬৩। সিন্ধুদেশে অরাজকতা		৬৪১
২৬। 'ফ্লাউড', কমিশনের রিপোর্ট		৩২৩	৬৪। সমবায় আইনের পাণ্ডুলিপি		৬৪১
২৭। বৃটিশ জাতির বিপ্লব		১৬৪	৬৫। সিন্ধুর অরাজকতা		৬৪১
			৬৬। হীন আক্রমণ		৬৪১
			৬৭। গায়দারাবাদে হিন্দুসমিতি		৬৪১
			৬৮। হিন্দু লীগের বৈঠক		৬৪১
			৬৯। হলওয়েল মন্ত্রিসভা, অপসারণ		৬৪১





## লেখকগণের নামানুক্রমিক রচনা-সূচী

লেখকগণের নাম	বিষয়	পত্রাঙ্ক	লেখকগণের নাম	বিষয়	পত্রাঙ্ক	লেখকগণের নাম	বিষয়	পত্রাঙ্ক
শ্রীপৃথ্বীশঙ্কর ভট্টাচার্য			শ্রীবোগেন্দ্রকুমার চট্টোপাধ্যায়			শ্রীসতানারায়ণ দাশ		
১। অভিনেত্রী (গল্প)	১৭৮		১। স্বর্ণ দেউটি যেন তুলসীর মূলে (গল্প)	৬৫	১। ওগো কালো মেঘ (কবিতা)	৩		
২। সাধী "	৫২৭		২। পান্ডাওয়াল (গল্প)	২৮৭	শ্রীমতী সচিত্রা মুখোপাধ্যায়			
শ্রীপ্রমথ চৌধুরী			৩। বিপ্লবী (গল্প)	৭১১	১। হরিহর বৃদ্ধ (কবিতা)	৪৭		
১। যুদ্ধের কথা (প্রবন্ধ)	২৪৬		৪। আর কিছুকাল পরে (নক্সা)	৮২০	শ্রীমতী সুরেশ্বরমুখী রায়			
শ্রীমতী পুষ্পকতা দেবী			শ্রীধামিনীমোহন কর		১। ফিরে গেল আপন দেশে (কবিতা)	৩০		
১। স্বীকৃতি " (গল্প)	৫৪১		১। বন্ধু বিয়ে (নাটক)	৫১৩	শ্রীস্নেহরঞ্জন আচার্য			
২। গৈয়বতী "	৮৭৬		শ্রীযতীন্দ্রমোহন বন্দ্যোপাধ্যায়		১। যাত্রা শুরু (কবিতা)	৬১		
শ্রীপ্যারীমোহন সেনগুপ্ত			১। প্রাচীন ভারতে হিন্দু যুদ্ধের নীতি (প্রবন্ধ)	৫৩৬	২। সূর্যাস্তি "	২২		
১। স্মৃতি (কবিতা)	১৫৫		২। ভারতীয় শিল্পপরিচয় (৬২৩)		শ্রীসুধীররঞ্জন ঘোষ			
শ্রীবীরেন্দ্রকুমার গুপ্ত			শ্রীরামেন্দ্র দত্ত		১। স্বপ্ন-প্রিয়ার নিবেদন (কবিতা)	৭৩		
১। যদি (কবিতা)	৪		১। ফুলের ফসল (কবিতা)	১১৯	শ্রীসুরেন্দ্রনাথ সেন			
শ্রীবলসুন্দরকুমার চট্টোপাধ্যায়			২। পাশের বাড়ীর মেয়ে (কবিতা)	১২৮	১। শ্রীমদ্ভাগবতের প্রাচীনত্ব (৭৭)			
১। কঠোপনিষৎ (সমালোচনা)	১০		শ্রীরাধারাণী দেবী		শ্রীসৌরীন্দ্রমোহন মুখোপাধ্যায়			
শ্রীবসন্তকুমার ঘোষ			১। আগমনী (কবিতা)	৮৭৫	১। পাবাবার (উপন্যাস)	১		
১। বিমান আক্রমণ ও তাহার প্রতিকার	২৬৬		শ্রীশচীন্দ্রমোহন সরকার		২। বেঙ্গল মেল (গল্প)	১১		
শ্রীবিনয়ক সাকাল			১। অভিমাত্রী (কবিতা)	২৪	৩। কঠিন সংসার "	৪১		
১। পূরণ-প্রসঙ্গ (সমালোচনা)	৫৬৩		২। মানসী "	১৭১	৪। চাপ্পু "	৭৩		
শ্রীবেণু গঙ্গোপাধ্যায়			শ্রীশশিভূষণ মুখোপাধ্যায়		৫। বিপ্লবী "	১৬		
১। স্মরণে (কবিতা)	৩১৫		১। বঙ্গদেশ কি আত্মবাহুর বাহিরে	৮৪	শ্রীসৌমেন্দ্রমোহন মুখোপাধ্যায়			
শ্রীবামনদাস মুখোপাধ্যায়			২। ভারতে মুসলমান-বিজয়	২৩০	১। মা (গল্প)	৮		
১। শিশুপালন (প্রবন্ধ)	৬২৫		৩। পুষ্পমিত্র (প্রবন্ধ)	৩৮৭	শ্রীভারতচন্দ্র শাস্ত্রী			
শ্রীমদ্রনাথ ঘোষ			৪। যুদ্ধ এবং ভারত "	৫০৩	১। শাক্ত-সিদ্ধান্তের পরিচয় (প্রবন্ধ)	১৫		
১। দেশাত্মবোধের বাণী (প্রবন্ধ)	৩৩, ৪০১		৫। তত্ত্বশিক্ষা "	৭৭৮	২। পত্রঞ্জলি-বর্ষান্তে বাকরণ-মহাভাষা (প্রবন্ধ)	৭৫		
শ্রীমতী ধীধরী ঘোষ			৬। ক্রাইড ও মীরকাশিম "	৭৩৫	৩। শক্তিপূজা (প্রবন্ধ)	৮২		
১। নিবেদন (কবিতা)	৭২		৭। প্রাচীন মিশরে শক্তিপূজা	৮৯	শ্রীহিলা দেবী			
শ্রীমৃগালকান্তি রায়			শ্রীশ্যামাচরণ কবিরত্ন		১। কবি (কবিতা)	৪১		
১। স্মরণে (কবিতা)	১১৮		১। জগন্নাথমী (প্রবন্ধ)	৪৮৯	শ্রীহেমদাকান্ত বন্দ্যোপাধ্যায়			
শ্রীমণিলাল বন্দ্যোপাধ্যায়			শ্রীশরদিন্দু চট্টোপাধ্যায়		১। অনিমেঘের কপটতা (গল্প)	৬৬		
১। গুরু-দাতার বৈঠক (রূপকথা)	১২২, ৪৫৬, ৫৮৪, ৬১৭, ২৫১		১। কালিন্দ ও গ্যাংটকের গিরিশিখরে (ভ্রমণ)	৫৫৯	শ্রীহেমসুন্দরকুমার বন্দ্যোপাধ্যায়			
শ্রীমধুসূদন চট্টোপাধ্যায়			২। পঞ্চনদের রাজধানীতে "	৮৬৫	১। শরতের রাণী এসেছে শেফালি বনে (কবিতা)	৮		
১। কঠিন কৌতুক (কবিতা)	১৭৭		শ্রীশৈলেন্দ্রনাথ চট্টোপাধ্যায়		শ্রীহেমেন্দ্রপ্রসাদ ঘোষ			
২। অরসিকেশু "	২৬৫		১। ভালোবাসা (কবিতা)	৬৬৮	১। মুক্তির মূল্য (উপন্যাস)	১১, ২২২, ৩৫৫		
৩। ক্ষমা ও দান "	৫৭৭		শ্রীসত্যেন্দ্রনাথ বসু		২। ভ্রম-সংশোধন (গল্প)	৬৫		
শ্রীমায়াদেবী বসু			১। বৈষ্ণবমত-বিবেক (ধর্ম প্রবন্ধ)	৬২, ২১৫, ৪০৯, ৬১৬, ৭৫১	৩। সার্বজনীন দুর্গোৎসব	৮৫		
১। সাহারা (গল্প)	২৩৭							
২। চির-উপেক্ষিতা.	৭৮৮							
৩। প্রাণ-ধর্ম "	১০৪							

## চিত্রসূচী—বিষয়ানুক্রমিক

চিত্র	শিল্পী	পত্রাঙ্ক	চিত্র	পত্রাঙ্ক	চিত্র	পত্রাঙ্ক		
<b>সুসজ্জিত চিত্র :-</b>			<b>দ্বিবর্ণ চিত্র :-</b>			<b>মঠ ও মন্দির চিত্র :-</b>		
১।	নর্তকী—মিষ্টার টমাস	১	১।	লাবরেটরী	২৩০	১।	বৌদ্ধ গোস্কা—কালিম্পাং	৫৬৬
২।	নিদ্রালসা—শ্রীঅতুল বসু	৫০	২।	নকল চামড়ার কুশন	ত্রি	২।	শ্রীমারিয়াস্মান মন্দির	৭২৮
৩।	এরোপেনে রবারের কুশন গদি	১০৫	৩।	কাপড় পূর্বে জলিত	২৩১	৩।	টাইগার মন্দিরে বুদ্ধমূর্তি	৭৩৪
৪।	রবারের মিকিবেলুন	১০৮	৪।	কাপড় এখন অদাহ	ত্রি	৪।	সহিদগঞ্জ গুরুদ্বার	৮৬৬
৫।	বাইসিকুলে রবারের টায়ার	ত্রি	৫।	কিশোরীর শিরবন্ধনী	২৩২	৫।	ভিক্টোরিয়া স্মৃতি-মন্দির	৮৬৯
৬।	রবারের দস্তানা	১০৯	৬।	নকল ধাতুর আসবাব	ত্রি	<b>সমাধি চিত্র :-</b>		
৭।	রবারের হটওয়াটার বোতল	ত্রি	৭।	নকল ধাতুর পিয়ানো কেস	১৩৩	১।	সম্রাট জাহাঙ্গীরের সমাধি-সৌধ	৮৭১
৮।	হুধ আঠা জড়ো করা	১১২	৮।	স্বচ্ছ চা-দানি	ত্রি	২।	মুয়াজ্জাহানের সমাধি-গৃহ	ত্রি
৯।	তামিল বাতিকা	ত্রি	৯।	কয়লা হইতে বিবিধ বর্ণের সৃষ্টি	১৩৪	৩।	বাদশাহী মসজিদ	৮৭৪
১০।	টায়ারের বহর দেখুন	ত্রি	১০।	বেয়ণের স্নানের পোষাক, নকল টেবিল রুথ	ত্রি	৪।	ওয়াজির খাঁর মসজিদ	ত্রি
১১।	তাড়াতাড়ি—মিষ্টার টমাস	১৬৯	১১।	বয়ন পরীক্ষা	২৩৫	৫।	অর্জুনসিংহের সমাধি-মন্দির	৮৭৫
১২।	নিদ্রিতা জননী—শ্রীত্রজেন্দ্র আচার্য্য	২২৯	১২।	নকল পরিচ্ছদ	ত্রি	<b>শিল্প চিত্র :-</b>		
১৩।	তবল লাটেস্কে সূতা	২৭৩	১৩।	নকল সার্টিন	ত্রি	১।	নক্সাকাটা রুমাল	৯৯
১৪।	রবার বেলুন	২৭৪	<b>বিশিষ্টগণের চিত্র :-</b>			২।	ফেণ্টকাপড় ঢালা রঙ	১০০
১৫।	রবারের পাত	ত্রি	১।	দীনবন্ধু মিত্র	৩৩	৩।	কাঠি ধরিয়ান নক্সা ছাপুন	ত্রি
১৬।	রবার রং করা	ত্রি	২।	কিরণচন্দ্র বন্দ্যোপাধ্যায়	৩৪	৪।	এক রকম নক্সা	ত্রি
১৭।	রবারের খেলনা	২৭৫	৩।	গিরিশচন্দ্র ঘোষ	৩৫	৫।	আর এক রকম নক্সা	ত্রি
১৮।	রবারের আলনার ফ্রেম	ত্রি	৪।	জ্যোতিরিন্দ্রনাথ ঠাকুর	৩৬	৬।	তিন নম্বরের নক্সা	ত্রি
১৯।	অক্সিজেন মুখোস	২৭৬	৫।	মনোমোহন বসু	৩৭	৭।	গালাব কাজের নমুনা	২৯৫
২০।	রবারের বোটে জলবিহার	ত্রি	৬।	নাট্য-কবি গিরিশচন্দ্র ঘোষ	৩৯	৮।	সরঞ্জাম	২৯৬
২১।	রঙ্গের খেলা—মিষ্টার টমাস	৩২১	৭।	অমৃতলাল বসু	৪০	৯।	গালা নক্সা থাকতে থাকতে	ত্রি
২২।	আত্মহারা—শ্রীত্রজেন্দ্র আচার্য্য	৩৮১	৮।	অমূল্যচরণ বিজ্ঞানভূষণ	১৬৭	১০।	ফুলের গড়ন	২৯৭
২৩।	ভজন—শ্রীপ্রাণধন দাশ শর্মা	৪৪৫	৯।	সুরেন্দ্রনাথ ঠাকুর	ত্রি	১১।	প্যান থেকে গালা ঢালা	ত্রি
২৪।	তোমার নয়ন পানে ধায়িছে নয়ন—মিষ্টার টমাস	৪৮৯	১০।	জর্জ ল্যান্ডবারী	ত্রি	১২।	স্পাচুলা চালান	২৯৮
২৫।	কচ ও দেবযানী—শ্রীবাদল ধর	৫৪৯	১১।	রমেশচন্দ্র দত্ত	১৬৮	১৩।	অয়েল-রুথ পরানো	৫৩৫
২৬।	আত্মসমর্পণ—শ্রীমণি ভাট্টা	৫৮৯	১২।	বক্রিমচন্দ্র চট্টোপাধ্যায়	৪০৭	১৪।	ব্যাগের ফ্রেম	ত্রি
২৭।	চন্দন-চর্চিত নীল কলেবর—মিষ্টার টমাস	৬৪৯	১৩।	চণ্ডীচরণ সেন	৪০৮	১৫।	ওয়েষ্ট পেপার বাস্কেট	ত্রি
২৮।	সাগরের ডাক—শ্রীচাক্রচন্দ্র সেন গুপ্ত	৭০১	১৪।	প্রতাপচন্দ্র ঘোষ	৪০৩	১৬।	হাত ব্যাগ	৪৩৬
২৯।	বিভোর—শ্রীবিষ্ণুনাথ সোম	৭৬৫	১৫।	রাজকৃষ্ণ মুখোপাধ্যায়	৪০৪	১৭।	হাতী ও মাছ	ত্রি
৩০।	বিদেশিনী—মিষ্টার টমাস	৮০৯	১৬।	রমেশচন্দ্র দত্ত	৪০৫	১৮।	বইয়ের জ্যাকেট	ত্রি
৩১।	আবদার—শ্রীউপেন	৮৬৯	১৭।	বক্রিমচন্দ্র চট্টোপাধ্যায়	৪০৭	১৯।	জুতা রাখিবার পকেট	৪৬৭
৩২।	একালের রান্নাঘর	১২৯	১৮।	চণ্ডীচরণ সেন	৪০৮	২০।	উলের হাত ব্যাগ	৬২১
৩৩।	সেকালের রান্নাঘর	ত্রি	১৯।	স্বামী পরমানন্দ	৪৮৮	২১।	ট্রেস করিয়া ডিজাইন	৬২২
৩৪।	নকল ফুলদানিতে নকল ফুল	১৩৬	২০।	নটবর দত্ত	ত্রি	২২।	লেজি ডেজি ষ্টীচ	ত্রি
৩৫।	সেলুলোজ প্রাপ্তিকে তৈয়ারী চেয়ার	ত্রি	২১।	রবীন্দ্রনাথ ঠাকুর	৬৪৭	২৩।	আউট, লাইন ষ্টীচ	ত্রি
৩৬।	বেশ ভূষণ নকলে তৈয়ারী	ত্রি	২২।	মহীশূরের মহারাজা কৃষ্ণরাজেন্দ্র	৬৪৮	২৪।	হার ও ব্রেসলেট	৭৮২
<b>কর্ণনামক চিত্র :-</b>			<b>লেখা চিত্র :-অথবা ব্যঙ্গ চিত্র :-</b>			২৫।	ফুল পাতা	ত্রি
১।	শ্রীযুত সুভাষচন্দ্র বসু	৪৮৩	১।	বীরেন্দ্রকুমারীর কোর্টে প্রবেশ	৮১৩	২৬।	ছুঁচু দিয়ে বিধ	ত্রি
			২।	সভানেত্রী বলিলেন	৮১৪	২৭।	নক্সার ছাপ	৭৮৩
			৩।	ফান্তনি দস্তের অসমাপ্ত চিত্র	৮১৮	২৮।	এনামেল করা.টে	ত্রি
						২৯।	তারে ন্যাকড়া জড়ানোর ভঙ্গী	ত্রি
						৩০।	ঘোড়া	৭৮৪
						৩১।	কুমীর	

চিত্র	পত্রাঙ্ক	চিত্র	পত্রাঙ্ক	চিত্র	পত্রাঙ্ক
১৩৪।	৭২৫	<b>শক্তি-সাধনার চিত্র :-</b>		<b>প্রাণিচিত্র :-</b>	
১৩৫।	ঐ	১।	১০১	১।	৩০৬
১৩৬।	৭২৬	২।	ঐ	২।	৩০৭
১৩৭।	৭২৭	৩।	১০৩	৩।	ঐ
১৩৮।	৭২৯	৪।	ঐ	৪।	৩০৮
১৩৯।	৭৩০	৫।	ঐ	৫।	৪১১
১৪০।	ঐ	৬।	১০৪	৬।	ঐ
১৪১।	৭৩১	৭।	ঐ	৭।	৫২০
১৪২।	ঐ	৮।	২১৯	৮।	ঐ
১৪৩।	৭৩২	৯।	ঐ	৯।	ঐ
১৪৪।	ঐ	১০।	ঐ	১০।	৫২১
১৪৫।	৭৩৩	১১।	৩০০	১১।	ঐ
১৪৬।	৮৬৭	১২।	ঐ	১২।	ঐ
১৪৭।	ঐ	১৩।	ঐ	১৩।	৫২২
১৪৮।	৮৬৮	১৪।	৪৬৮	১৪।	ঐ
১৪৯।	ঐ	১৫।	ঐ	১৫।	ঐ
১৫০।	ঐ	১৬।	৪৬৯	১৬।	ঐ
১৫১।	৮৬৯	১৭।	ঐ	১৭।	৫২৩
১৫২।	৮৭০	১৮।	৬২৩	১৮।	ঐ
১৫৩।	৮৭৩	১৯।	ঐ	১৯।	৫২৪
১৫৪।	ঐ	২০।	ঐ	২০।	ঐ
১৫৫।	ঐ	২১।	৬২৪	<b>বৈদেশিক রাষ্ট্রনাযক</b>	
১৫৬।	৯৩৭	২২।	ঐ	<b>চিত্র :-</b>	
১৫৭।	ঐ	২৩।	ঐ	১।	৩২১
১৫৮।	৯৩৮	২৪।	৭৮৫	২।	ঐ
১৫৯।	৯৩৯	২৫।	ঐ	৩।	৩২২
<b>বিভিন্ন দেশের</b>		<b>চাঁদ খুঁজি</b>		৪।	৩২৩
<b>শর-নারী চিত্র :-</b>		২৬।	৭৮৬	৫।	৩২৪
১।	৪১৬	২৭।	ঐ	৬।	ঐ
২।	৪১৭	২৮।	ঐ	৭।	৪১১
৩।	ঐ	২৯।	৭৮৭	৮।	ঐ
৪।	৪২০	৩০।	৯৪৯	৯।	৪১২
৫।	৪২১	৩১।	ঐ	১০।	ঐ
৬।	৭২২	৩২।	ঐ	১১।	৪১৩
৭।	৭২৩	৩৩।	৯৫০	১২।	৬৩১
৮।	৭৩১	৩৪।	ঐ	১৩।	৬৩২

শিল্পীগণের নামানুক্রমিক চিত্রসূচী

শিল্পী	চিত্র	পৃষ্ঠার পৃষ্ঠ	শিল্পী	চিত্র	পৃষ্ঠার পৃষ্ঠ	শিল্পী	চিত্র	পৃষ্ঠার পৃষ্ঠ
শ্রীঅতুল বসু			শ্রীমিষ্টার টমাস—১।	নর্তকী	১	শ্রীপ্রাণধন দাশ শর্মা—১।	ভজন	৪৪১
১।	নিদ্রাসলা	৫৩	২।	তাড়াতাড়ি	১১৬	শ্রীব্রজেন আচার্য—১।	নিদ্রিতা জননী	২২১
শ্রীউপেন			৩।	রক্তের খেলা	৩২১	২।	আত্মহারা	৩৮১
১।	আবদার	৮৬১	৪।	তোমার নয়ন পানে ধাইছে	৪৮৯	শ্রীবাদল দর—১।	কচ ও দেবযানী	৫৪১
শ্রীচক্রসেন সেন গুপ্ত			৫।	চন্দন-চর্চিত নীল কলেবর	৬৪৯	শ্রীবিধনাথ সোম—১।	বিভোর	৭৮
১।	সাগরের ডাক	৭০১	৬।	বিদেশিনী	৮০১	শ্রীমণি ভাট্টা—১।	আত্মসমর্পণ	৫১



নর্তকী

বর্ষা, ১৩৪৭

[ শিল্পী--মিষ্টার টমাস







১৯শ বর্ষ ]

বৈশাখ, ১৩৪৭

[ ১ম সংখ্যা ]



## “দেবতা-মীমাংসা”



মহর্ষি জৈমিনি-কৃত পূর্ব-  
মীমাংসা বা কর্মমীমাংসা  
অথবা ধর্মমীমাংসা দর্শনের  
সূত্রাবলী বর্তমানে দ্বাদশ  
অধ্যায়ে বিভক্ত দেখিতে

সম্প্রদায়ের আচার্য্যবৃন্দ যে  
বিরাট বিচারের অবতারণা  
করিয়াছেন, তাহার অনুবাদ  
বা সংক্ষিপ্তসার প্রকাশ  
করাই বর্তমান প্রবন্ধের  
উদ্দেশ্য নহে; কিন্তু এই প্রসঙ্গে উত্তর মীমাংসার

পাওয়া যায়। এই কারণে এই মীমাংসা-শাস্ত্রকে ‘দ্বাদশ-  
লক্ষণ (১) জৈমিনীয় দর্শন’ বলা হইয়া থাকে। আবার মহর্ষি  
দাদরায়ণ-রচিত উত্তরমীমাংসা বা ব্রহ্মমীমাংসা অথবা  
বদান্ত-দর্শনের সূত্রসমূহ চারিটি অধ্যায়ে সম্বন্ধিত। এই  
সব বাদরায়ণ-কৃত ব্রহ্মসূত্রকে ‘চতুল্লক্ষণ বৈয়াক্ষিক দর্শন’  
এ ‘চতুল্লক্ষণ শারীরক-সূত্র’ নাম দেওয়া হয়।

সন্ধিস্থলে যে আর একটি তৃতীয় মীমাংসা অতি অস্পষ্ট-  
ভাবে আত্মপ্রকাশের প্রয়াস পাইতেছে, তাহার স্বরূপ-  
নির্ণয় সম্ভব কি না, তাহাই আপাততঃ আলোচ্য।

কর্মমীমাংসা ও ব্রহ্মমীমাংসা একই বৃহত্তর মীমাংসা-  
শাস্ত্রের দুইটি অবাস্তব ভেদ মাত্র, কিংবা উহারা পরস্পর  
স্বকবিহীন দুইটি পৃথক শাস্ত্র,—ইহা লইয়া বহু প্রাচীন কাল  
হতেই পূর্বোত্তর-মীমাংসাদর্শনের বিভিন্ন সম্প্রদায়ের মধ্যে  
ভেদ চলিয়া আসিতেছে। ভগবৎপূজ্যপাদ শ্রীশঙ্করা-  
চার্য্যের মতে পূর্বমীমাংসা ও উত্তরমীমাংসা সম্পূর্ণ পৃথক  
শাস্ত্র। পক্ষান্তরে, শ্রীরামানুজাচার্য্য প্রতিপাদনের প্রয়াস  
হইয়াছেন যে, পূর্বোত্তর-মীমাংসা একই মীমাংসাশাস্ত্রের  
দুইটি বিভিন্ন অংশ মাত্র। এ সম্বন্ধে অর্ধৈত ও বিশিষ্টার্ধৈত

পূর্বোত্তর-মীমাংসার একশাস্ত্রতা প্রতিপাদনের উদ্দেশ্যে  
আচার্য্য শ্রীরামানুজ তাঁহার ‘শ্রীভাষ্য’র উপক্রমমই (২)  
বৃত্তিকার ভগবান্ বোধায়নের মত উদ্ধৃত করিয়াছেন—  
“তদাহ বৃত্তিকারঃ—বৃত্তাৎ কর্ম্মাধিগমাদনন্তরং ব্রহ্ম-  
বিবিদিষেতি। বক্ষ্যতি চ—কর্ম্মব্রহ্মমীমাংসায়োরৈকশাস্ত্র্য-  
সংহিতমেতচ্চারীরকং জৈমিনীয়েন ষোড়শলক্ষণেনেতি শাস্ত্রৈ-  
কত্বসিদ্ধিরিতি।” অর্থাৎ—চতুরধারী শারীরক-মীমাংসা  
ষোড়শাধারী জৈমিনীয়-মীমাংসার সহিত মিলিত হইয়া  
একটি শাস্ত্রে পরিণত হইয়াছে।

আচার্য্য রামানুজ ও তাঁহার প্রমাণভূত ভগবান্

(১) ‘লক্ষণ’ শব্দের অর্থ ‘অধ্যায়’।

(২) বোধাই সঙ্কত ও প্রাকৃত প্রমাণমালা, নং ৬৮—শ্রীভাষ্য  
প্রথম খণ্ড, পৃ: ২।

বৃত্তিকারের মত স্বীকার করা বা না করা—স্বতন্ত্র কথা। কিন্তু উপরি-উদ্ধৃত বাক্যটির মধ্যে যে বলা হইয়াছে—  
‘ষোড়শাধ্যায়ী জৈমিনীয়-মীমাংসা ( “জৈমিনীয়েন ষোড়শ-  
লক্ষণেন” )—তাহার প্রকৃত তাৎপর্য কি? বর্তমানে উপ-  
লভ্যমান জৈমিনীয়-মীমাংসা ত মাত্র দ্বাদশাধ্যায়ে বিভক্ত  
দৃষ্ট হয়! এরূপ অবস্থায় ‘ষোড়শলক্ষণ’ শব্দটির সার্থকতা  
রক্ষা করা যায় কি প্রকারে?

এই গোলমালের সমাধান করিতে যাইয়া বিভিন্ন ব্যাখ্যা-  
কার ভিন্ন ভিন্ন মত প্রকাশ করিয়াছেন। নিম্নে কয়েক জন  
বিশিষ্ট ব্যাখ্যাকারের অভিমত প্রদত্ত হইল—

(১) পূজ্যপাদ মহামহোপাধ্যায় পণ্ডিতপ্রবর শ্রীযুক্ত  
হুর্গাচরণ সাক্ষ্যবেদান্ততীর্থ মহোদয় তাঁহার শ্রীভাষ্যের  
সংস্করণে ( পৃ: ৭, পাদটীকা ) বলিয়াছেন যে, মহর্ষি জৈমিনি-  
কৃত কশ্ম্মীমাংসার দ্বাদশ অধ্যায় ও মহর্ষি বাদরায়ণ-কৃত  
ব্রহ্মমীমাংসার চারিটি অধ্যায় মিলিয়া একত্রে ষোড়শ  
অধ্যায় হইয়াছে।

কিন্তু নিম্নোক্ত কারণে উক্ত মতের অনুসরণ করা সম্ভব-  
পর হয় না—

(ক) এইরূপে একশাস্ত্রতাসিদ্ধি ঘটিলে ‘মোট  
ষোড়শলক্ষণ’ মীমাংসাশাস্ত্র পাওয়া যায়; উহার মধ্যে  
‘দ্বাদশলক্ষণ’ মাত্রে মহর্ষি জৈমিনি-কৃত ও ‘চতুর্লক্ষণ’ মহর্ষি  
বাদরায়ণ-কৃত। অতএব, এ প্রকার ব্যাখ্যায় ‘জৈমিনীয়  
ষোড়শলক্ষণ’—এই বাক্যাংশের সার্থকতা রক্ষিত হয় না।

(খ) আচার্য্য রামানুজ-কর্তৃক উদ্ধৃত ভগবান্ বৃত্তি-  
কারের বাক্যাংশটি দেখিলেই মনে হয় যে, ‘জৈমিনীয়  
ষোড়শলক্ষণ’ শাস্ত্র ও চতুর্লক্ষণ ‘শারীরক’ শাস্ত্র—ইহারা  
উভয়েই এক পূর্বোত্তর-মীমাংসা শাস্ত্রের দুইটি অবাস্তর  
বিভাগ। অতএব, উভয়ে মিলিয়া মোট ‘বিংশতিলক্ষণ’  
গ্রন্থ হওয়া উচিত—‘ষোড়শলক্ষণ’ নহে।

(গ) এই স্থলে পূর্বোত্তর-মীমাংসার একশাস্ত্রতাক্রম  
প্রতিজ্ঞা সাধ্য। কিন্তু ‘জৈমিনীয় ষোড়শলক্ষণ’ কথাটির  
পূর্বোক্তরূপ ব্যাখ্যা স্বীকার করিলে সাধ্য প্রতিজ্ঞাকে সিদ্ধ  
বলিয়াই ধরিয়া লওয়া হয়।

এই সকল কারণে উক্ত ব্যাখ্যা সকলের মনঃপূর্ত হয় না।

(২) পণ্ডিতপ্রবর বাসুদেব শাস্ত্রী অভ্যাকর এই  
পত্রিকা লিখিয়াছেন—“যদ্যপি জৈমিনীয়ঃ দ্বাদশলক্ষণঃ

তথাপ্যাধ্যায়চতুষ্টিয়ায়কেন সঙ্ঘর্ষকাণ্ডেন সহ ষোড়শলক্ষণঃ  
বোধ্যম্” (৩)।

অর্থাৎ—যদিও জৈমিনীয় কশ্ম্মীমাংসা দ্বাদশাধ্যায়  
পরিমিত, তথাপি চতুরধ্যায়ায়ক ‘সঙ্ঘর্ষকাণ্ড’র সন্নি-  
যোগ করিলে উহাকে, ষোড়শলক্ষণ বলা খাইতে পারে

শাস্ত্রীজী খুব চতুরতার সহিত কার্য্য শেষ করিয়াছেন।  
‘সঙ্ঘর্ষকাণ্ড’ কাহার কৃত—উহা মুদ্রিত কি অদ্যপি অমুদ্রি-  
ত—তাহার কোনও উল্লেখ করেন নাই। অতএব,  
‘সঙ্ঘর্ষকাণ্ড’ সম্বন্ধে কিঞ্চিৎ আলোচনা হওয়া প্রয়োজন।

খৃষ্টীয় ১৮৯৪ অব্দে কাশীর ‘পণ্ডিত’ পত্রিকা হইতে  
পুনর্মুদ্রিত হইয়া ‘সঙ্ঘর্ষকাণ্ডম্’ নামে একখানি গ্রন্থ  
প্রকাশিত হইয়াছিল। তাহার ভূমিকায় গ্রন্থ-সম্পাদক  
সংসম্প্রদায়চার্য্য পণ্ডিতশ্রী শ্রীরামমিশ্র শাস্ত্রী মহাশয়  
লিখিয়াছেন যে, ‘সঙ্ঘর্ষকাণ্ডনিরূপণপর’ বলিয়া গ্রন্থখানির  
নাম হইয়াছে সঙ্ঘর্ষকাণ্ড। এ বিষয়ে প্রচলিত মতের  
উল্লেখ করিয়া তিনি বলিয়াছেন যে, জৈমিনি-কৃত  
ষোড়শাধ্যায়ী কশ্ম্মীমাংসার শেষ চারি অধ্যায়  
‘সঙ্ঘর্ষ’ ( পরিশিষ্ট ) কাণ্ড বলিয়া প্রসিদ্ধ। প্রমাণস্বরূপ  
তিনি সঙ্ঘর্ষকাণ্ডের টীকাকার ভাস্করভট্টের নিম্নলিখিত  
তিনটি শ্লোক উদ্ধৃত করিয়াছেন :—

“খণ্ডদেবকৃতভাট্টদীপিকা লক্ষণৈঃ কতিপয়ৈরসম্ভূতা।

ইত্যাদীক্ষ্য বৃধভাস্করাগ্নিচিন্তারতী বরিতরামভূব তাঃ ॥২॥

অদ্যাবধি কৃতিরেবাচস্তুবিহীনেতি দীপিকাখ্যাসীৎ।

ষোড়শকলাভিরধুনা পরিপূর্ণা ভাট্টচন্দ্রিকাত্মগাৎ ॥৩॥

আসীৎ ষোড়শলক্ষণী শ্রুতিপদা যা কশ্ম্মীমাংসিকা

সঙ্ঘর্ষাখ্যচতুর্থাভাগবিধুরা কালেন সাজায়ত।

গায়ত্রী ত্রিপদাঙ্কিকেব বিধুধৈরত্য়পি পাপঠ্যাতে

তাং পূর্ণামকরোচ্ছমেণ মহতা গম্ভীরজো ভাস্করঃ” ॥৪॥

( ভাস্করভট্টের ভাট্টচন্দ্রিকার উপসংহার )

অর্থাৎ—খণ্ডদেব-(৪)-কৃত ‘ভাট্টদীপিকা’ কতিপয় মধ্যায়ে

(৩) বোধ্যম্ সংস্কৃত ও প্রাকৃত গ্রন্থমালা নং ৭২—শ্রীভাঃ  
দ্বিতীয় খণ্ড, পৃ: ৫।

(৪) এই খণ্ডদেব ছিলেন একজন অতি প্রসিদ্ধ  
মীমাংসক। তিনি কাশীধামে অধ্যাপনা করিতেন। জগন্নাথ পণ্ডিত  
রাজ ( দারাদ সংস্কৃতভাষ্যাপক ) এই খণ্ডদেবের নিকট হইতে মীমাংসা  
অধ্যয়ন করিয়াছিলেন—ইহা তিনি ‘রসগঙ্গাধরে’ উল্লেখ করি-  
য়াছেন—“দেবাদেবাধ্যগীষ্ট শ্রবহরনগরে শাসনং জৈমিনীয়ম্” (২)।



অসম্পূর্ণ দেখিয়া অগ্নিহোত্রী পণ্ডিত ভাস্করের বাণী তাহা পরিপূর্ণ করিয়া দিল।

অগ্নাবধি ঋগ্বেদের এই গ্রন্থ, আত্মস্তুবিহীন বলিয়া ‘দীপিকা’ (ছোট দীপ) নামে প্রসিদ্ধ ছিল। অধুনা বোল কলায় (ষোড়শ অধ্যায়ে) পরিপূর্ণ হইয়া উহা ‘ভাট্ট-চন্দ্রিকা’র প্রাপ্ত হইল।

ষোড়শাধ্যায়ী শ্রুতিমূলা ধর্মমীমাংসা কালক্রমে সঙ্ঘ-সামক চতুর্থভাগবিহীন হইয়া দাঁড়াইয়াছিল। এই ত্রিভাগ-সাত্ত্বিক ধর্মমীমাংসা অগ্নাপি ত্রিপদা গায়ত্রীর মতই পণ্ডিতগণ-কর্তৃক পুনঃ পুনঃ পঠিত হইয়া থাকে। গন্তীরের পুত্র ভাস্কর তাহা অধুনা বহুশ্রমে পরিপূর্ণ করিয়া দিলেন।

বর্তমানে যাহা সঙ্ঘকাণ্ড নামে উপলভ্যমান, ভাস্কর-চন্দ্রিকা তাহার একমাত্র ব্যাখ্যাগ্রন্থ। অধুনা যাহা, আচার্য্য শবরস্বামী সঙ্ঘকাণ্ডের উপর গায়ত্রী রচনা করিয়াছিলেন। রামমিশ্র শাস্ত্রী মহোদয় তাহার সঙ্ঘকাণ্ডের ভূমিকায় উল্লেখ করিয়াছেন যে, ঋগ্বেদে শবরস্বামী-কৃত সঙ্ঘ-ব্যাখ্যানের দুই একটি বাক্য উদ্ধৃত দৃষ্ট হয়। কিন্তু সেই সকল উদ্ধৃত বাক্য হইতে সঙ্ঘকাণ্ড তাহার রচিত, তাহা স্থির করার কোনও উপায়ই নাই। অতএব, চন্দ্রিকা-কার ভাস্করভট্টের কথায় বিশ্বাস স্থাপন করিতে হইলে সঙ্ঘকাণ্ড মহর্ষি জৈমিনি-কৃত বলিয়াই ধরিতে হয় (৫)। আর ইহাতে ‘জৈমিনীয় ষোড়শলক্ষণ’ কথাটির সার্থকতাও কোনরূপে রক্ষিত হইতে পারে।

কিন্তু এই প্রসঙ্গে আর একটি বিশেষ আলোচ্য বিষয় আছে। বর্তমানে উপলভ্যমান সঙ্ঘকাণ্ড জৈমিনি-রচিত হইবে না, তৎসম্বন্ধেও যথেষ্ট সন্দেহের অবকাশ বিদ্যমান। কারণ—

(ক) সঙ্ঘকাণ্ডের সূত্ররচনামূল্যে মহর্ষি জৈমিনি। বাদরায়ণের সূত্ররচনারীতি হইতে সম্পূর্ণ স্বতন্ত্র। বস্তু সঙ্ঘকাণ্ড জৈমিনি-রচিত নহে—ইহা প্রতিপাদন পরিবার পক্ষে এই যুক্তিটি খুব সুদৃঢ় নহে। বরং কেহ

(৫) “জৈমিনির্বিসমলস্তুতিগাং মগ্নমাপ শুচিতাং মম চেতঃ” ভাট্টচন্দ্রিকা—উপসংহার শ্লোক ১) ভট্ট ভাস্করের এই উক্তি যিনি স্পষ্ট বুঝা যায়, তিনি সঙ্ঘকাণ্ডকে জৈমিনি-রচিত বলিয়া প্রতিষ্ঠাপিত করিতে চাহিয়াছেন।

কেহ এরূপ মতও প্রকাশ করেন যে, কাশীতে মুদ্রাপিত যে পুস্তকখানি অধুনা সঙ্ঘকাণ্ড বলিয়া প্রচলিত, তাহাকে মহর্ষি জৈমিনি-কৃত আসল সঙ্ঘকাণ্ডরূপে গ্রহণ করার বিপক্ষে বিশেষ কোন যুক্তি নাই; তবে উক্ত সংস্করণে সূত্ররূপে যে সকল শব্দ বা শব্দসমষ্টি ছাপা হইয়াছে, সেগুলি পূর্ণাবয়ব সূত্র নহে—সূত্রৈকদেশমাত্র। ভট্ট ভাস্কর তাহার টীকামধ্যে সূত্রাবয়বমাত্রই প্রতীকরূপে উদ্ধৃত করিয়াছিলেন, সম্পূর্ণ সূত্রগুলি উদ্ধৃত করেন নাই। এই কারণেই সঙ্ঘকাণ্ডের সূত্রৈকদেশগুলি জৈমিনীয় কাম্মীমাংসা বা বাদরায়ণের ব্রহ্ম-মীমাংসার সূত্রসমূহ হইতে ভিন্নজাতীয় বলিয়া বোধ হয়। প্রাচীন ব্যাখ্যাকারগণের সূত্রৈকদেশ প্রতীকরূপে উদ্ধার করার প্রথা সর্বজন-প্রসিদ্ধ—উহাতে বিস্মিত হইবার কিছুই নাই (৬)।

(খ) শ্রীভাষ্যে তৃতীয়াধ্যায়ে তৃতীয়পাদে আচার্য্য রামানুজ সঙ্ঘকাণ্ডের একটি সূত্রোক্ত করিয়াছেন—“তদুক্তং সঙ্ঘে—‘নানা বা দেবতা পৃথক্’ ইতি” (৭)। ভগবৎ পূজ্যপাদাচার্য্য শ্রীশঙ্করও ঐ সূত্রটির নিম্নলিখিত-রূপে উদ্ধার করিয়াছেন—“তদুক্তং সঙ্ঘে—‘নানা বা দেবতা পৃথগ্জানাতি’ ইতি” (৮)। কিন্তু বর্তমানে উপলভ্যমান সঙ্ঘকাণ্ডের কুত্রাপি ঐরূপ সূত্র পাওয়া যায় না। কেবল দ্বিতীয়াধ্যায়ের (চতুর্দশাধ্যায়ের) দ্বিতীয়পাদে দুইটি পৃথক্ সূত্র পাওয়া যায়—“তেষাং পৃথক্” (১৪।২।১৪) ও “নানা বা” (১৪।২।১৫)। ইহা হইতে কি এরূপ অনুমানের কোন বাধা হইতে পারে যে, আচার্য্য শ্রীশঙ্কর বা শ্রীরামানুজ সঙ্ঘকাণ্ডের যে সংস্করণ দেখিয়াছিলেন, বর্তমানে উপলভ্যমান সঙ্ঘকাণ্ড (অন্ততঃ কোন কোন অংশে) তাহার অনুরূপ নহে? (৯)

(৬) “...সম্ভাব্যতে কদাচিৎ বৃত্তিকারেণ ভাষ্যেণ সূত্রৈক-দেশা এব প্রতীকতয়া উদ্ধৃতা ন তু সাকল্যেন সূত্রাণীতি, প্রাচ্যাং হি বিহস্যামসকৃৎ দৃষ্টচরীয়াং রীতির্ঘণ্ডে একদেশমুপগম্যৈব ব্যাখ্যাভূমার-ভণ্ডে.....” সঙ্ঘকাণ্ড, কাশীসংস্করণ, রামমিশ্রশাস্ত্রী-কৃত ভূমিকা পৃঃ ১২।

(৭) ব্রহ্মসূত্র (৩।৩।৪২)—প্রদানাদিকরণ, বোধ্যই সংস্কৃত ও প্রাকৃত গ্রন্থমালা, নং ৬৮—শ্রীভাষ্য, প্রথম খণ্ড, পৃঃ ৬৫৯।

(৮) ব্রহ্মসূত্র (৩।৩।৪৩)—প্রদানাদিকরণ, শঙ্করভাষ্য—ব্রহ্মপ্রভা-ভাস্করী-শ্রীনির্ঘণ্ট সহ—বেঙ্কটেশ্বর সংস্করণ, পৃঃ ১১৩৮।

(৯) শ্রীরামমিশ্র শাস্ত্রী এই অসঙ্গতিটুকু উড়াইয়া দিবার জন্য

ব্রহ্মসূত্র-শাস্ত্র ভাষ্যের 'রত্নপ্রভা' ও 'শ্রায়নির্ঘণ' টীকাদ্বয়ে সঙ্ঘর্ষকাণ্ডের নামান্তর উল্লিখিত হইয়াছে— 'দেবতাকাণ্ড'। এই 'দেবতাকাণ্ড' শব্দটি এস্থলে বিশেষরূপে আলোচনার যোগ্য। শ্রীভাষ্যের 'তত্ত্বটীকা' নামক ব্যাখ্যানে 'তত্ত্বরত্নাকর' নামক গ্রন্থান্তর হইতে একটি উক্তি উদ্ধৃত হইয়াছে, অনুসন্ধিৎসুগণের কৌতুহল উদ্ভুক্ত করিবে—এই বিবেচনায় উক্ত বচনটি নিম্নে প্রদত্ত হইল—

“কশ্ম-দেবতা ব্রহ্ম-গোচরা সা ত্রিধোদভৌ সূত্রকারতঃ।

জৈমিনেমূর্নেঃ কাশকুৎসতো বাদরায়ণাদিতাতঃ ক্রমাৎ ॥”

( তত্ত্বটীকা, বৃন্দাবন-সংস্করণ, পৃঃ ৭৯ )

অর্থাৎ—জৈমিনি, কাশকুৎস ও বাদরায়ণ—এই তিন জন সূত্রকার হইতে যথাক্রমে কশ্ম, দেবতা ও ব্রহ্ম-বিষয়িণী মীমাংসা ত্রিধা বিভক্ত হইয়া উৎপন্ন হইয়াছিল।

এই শ্লোকটি হইতে স্পষ্ট বুঝা যায় যে, যাহা সাধারণতঃ সঙ্ঘর্ষকাণ্ড বলিয়া খ্যাত, তাহারই অপর নাম 'দেবতাকাণ্ড' বা 'দেবতামীমাংসা' ও উহা জৈমিনি-রচিত নহে— 'কাশকুৎস'-রূত (১০)। তবে বর্তমানে উপলভ্যমান সঙ্ঘর্ষকাণ্ড আর কাশকুৎস-রচিত 'দেবতামীমাংসা' একই গ্রন্থ কি না, বলা বড়ই কঠিন।

বলিয়াছেন যে, শাস্ত্রভাষ্যে বা শ্রীভাষ্যে সঙ্ঘর্ষকাণ্ডের 'সূত্রান্তর্পূর্কী' উদ্ধৃত হয় নাই—কেবল 'অর্থকথন' নাত্র করা হইয়াছে। কিন্তু এই দুইটি প্রাচীন ভাষ্যেই সখ্যমতাবে সূত্র উদ্ধৃত হইল না—অর্থ নাত্র কথিত হইল—ইহা নিশ্চয় করিতে কেমন যেন একটু বাধ-বাধ ঠেকে না কি?

(১০) মহর্ষি কাশকুৎস—অদ্বৈতবেদান্ত-সম্প্রদায়ের অতি প্রাচীন আচার্য্য। মহর্ষি বাদরায়ণ ব্রহ্মসূত্রে ( ১।৪।২২ ) অতিশয় প্রশংসার সহিত মহর্ষি কাশকুৎসের মতোলেখপূর্কক স্বকীয় মতের পোষকতা করিয়াছেন।

এইবার শ্রীভাষ্যে উদ্ধৃত ভগবান্ বৃত্তিকারের বচন অন্তর্নিহিত গৃঢ় অভিপ্রায়ের আলোচনা প্রয়োজন। শাস্ত্রিকত্বসিক্তি-প্রসঙ্গে বৃত্তিকার বলিতে চাহিয়াছেন পূর্বমীমাংসাশাস্ত্রকার মহর্ষি জৈমিনির প্রতিভা বিস্তৃতি লভ করিবার সঙ্গে সঙ্গে দেবতামীমাংসাকার মহর্ষি কাশকুৎসের নাম ক্রমশঃ বিস্তৃতির অতল জলে ডুবিতে আরম্ভ হইয়াছিল। ক্রমে লোক ভুলিয়া গেল যে, দেবতামীমাংসা কাশকুৎস-রূপ পূর্বমীমাংসাকার জৈমিনির নামেই উহা চলিতে লাগিল। অবশেষে দ্বাদশাধ্যায়ী পূর্বমীমাংসার তুলনায় চতুরধ্যায়ী দেবতামীমাংসার তুচ্ছত্ব লোকচক্ষুতে প্রতিপন্ন হওয়ার উহার পঠন-পাঠন পর্য্যন্ত লোপ পাইল। শুধু কিংবদন্তি রহিয়া গেল যে, জৈমিনিই সঙ্ঘর্ষকাণ্ডের রচয়িতা। সঙ্ঘর্ষকাণ্ডের বৃত্তিকার ভট্ট ভাস্কর এই নিমিত্ত সমগ্র ষোড়শলক্ষণী ধর্ম্মমীমাংসা জৈমিনি-রূত বলিয়া গোল বাধাইয়াছেন।

জৈমিনির দ্বাদশাধ্যায়ী 'কশ্মমীমাংসা' ও কাশকুৎসের চতুরধ্যায়ী 'দেবতামীমাংসা' একত্রে মিলিয়া যেকোন 'জৈমিনীয় ষোড়শলক্ষণী' ধর্ম্মমীমাংসা বলিয়া চলিত গিয়াছিল, সেইরূপ জৈমিনীয় ষোড়শলক্ষণী ধর্ম্মমীমাংসা ও বাদরায়ণের চতুর্লক্ষণী ব্রহ্মমীমাংসা ( শারীরক ) মিলিয়া একত্রে বৃহত্তর 'বিংশতিলক্ষণী মীমাংসা' রূপে চলিয়া যাইবার পক্ষে বাধা কি থাকিতে পারে? বৃত্তিকার ভগবান্ বোধায়নের এই নিগূঢ় অভিসন্ধিই পূর্বোক্ত-মীমাংসার একশাস্ত্রতা প্রতিজ্ঞা স্থাপনের মূল বলিয়া বোধ হয়। এই বিষয়ে সূধীগণের অবধান বিশেষ প্রয়োজন।

শ্রীঅশোকনাথ শাস্ত্রী

## যদি

আমি যদি পুষ্প হ'য়ে ফুটিতাম স্বর্গ-রমণীয়,

তাহলে হতাম সখি তব কাছে সব চেয়ে প্রিয়,

আকীর্ণ অলক-প্রান্তে শোভা পেয়ে আমি অনুপম  
বিরহজ্বালায় তব আনিতাম মধু-গন্ধে মম  
চিত্তকোষে কি প্রশান্তি ; কভু প্রেম-ফুলমালা হ'য়ে  
নন্দন-মদির-হর্ষ, সুরভিত মধু-নিশা ব'য়ে  
তব প্রাণ-বীণা মাঝে তুলিতাম অপূর্ক বন্ধার,  
সার্থক জীবনখানি স্বপ্নসাধে পূর্ণিত আমার।

কখনো ছিঁড়ি সে মালা বিরচিতে নব অনুরাগে,  
আবার সে গ্রন্থি টুটে' ঢল-ঢল ওষ্ঠ-অগ্রভাগে  
চুষন করিতে শুধু, কভু পুনঃ পরশ-পীড়নে  
ঝরায়ে দিতে গো মোরে শ্যামাঙ্গন নিকুঞ্জ-কাননে  
অলীক স্বপন হায় নাহি ফোঁটে পরিপূর্ণতায়,  
যদি তা ঘটিত কভু রহিতাম ক্লাস্ত প্রতীক্ষায়।

শ্রীবীরেন্দ্রকুমার



( উপন্যাস )

১

প্রথম বৈশাখের স্নিগ্ধ প্রভাত । সুনীল আকাশে প্রভাতারুণের প্রভা তখনও প্রখর হয় নাই । দামোদরের বক্ষঃ-প্রবাহিত স্নশীতল সমীরণ তখনও ধরণীকে মৃদু ব্যজন করিতেছে । প্রভাতের আলোক-প্লাবনে চারিদিক স্নাত, বিধৌত ; বিহঙ্গের সুমধুর কল-কাকলীতে চতুর্দিক মুখরিত । সমগ্র প্রকৃতি যেন উৎসবের সজ্জায় সুসজ্জিত ।

রেলপথের শাখার প্রান্তবর্তী একটি ক্ষুদ্র ষ্টেশনে একটি যুবক পাদচারণ করিতেছে । যুবকের মুখে আশা ও নিরাশার স্বন্দ্র আভাস প্রতিফলিত আর ধৈর্য ধারণ করা তাহার যেন অসাধ্য হইয়া উঠিয়াছে । অতিথিদের অভ্যর্থনার আয়োজনের কোন ক্রটি নাই, তথাপি সন্তোষের মন শাস্ত হইতেছে না । যদি সুনীল না আসে, তাহা হইলে যে তাহার এত আয়োজন সকলই রুখা হইবে ;—এত আশা, আনন্দ অপূর্ণ রহিয়া যাইবে । সুনীল যদি আসে, তবে তাহাকে যত্নে ও আদরে পরিতৃপ্ত করিবার আনন্দ এবং তাহাকে নিরাপদে কলিকাতায় তাহার স্ব-গৃহে পুনঃ প্রেরণের চিন্তাই এখন সন্তোষের ব্যাকুলচিত্ত আলোড়িত করিয়া তুলিয়াছে । ট্রেনের কিছু বিলম্ব আছে, কাজেই সুনীল আসিবার অনুমতি কি ভাবে পাইয়াছে—সন্তোষ তাহাই মনে মনে আলোচনা করিতে লাগিল ।

সুনীলের পিতা ধীরেন্দ্রনাথ দত্ত মহাশয় কখনও পল্লীগ্রাম দর্শন করেন নাই ; সভ্য জগতের লোক পল্লীগ্রামে বাইতে বা সেখানে বাস করিতে পারে, তাহা তিনি বিশ্বাস করিতে পারেন না । তাঁহার ধারণা, কলিকাতার বাহিরে বঙ্গভূমির সকল স্থানই বিপদ-সঙ্কুল !—সর্পাদি সর্পীসৃপের

ও ম্যালেরিয়ার ভয়ই তাঁহার সর্বাপেক্ষা অধিক । সন্তোষ তাঁহাকে কত বুঝাইয়াছে যে, গ্রীষ্মের সময় পল্লী-অঞ্চলে ম্যালেরিয়াও থাকে না, এবং সর্পাদিও সর্বদা বাহির হয় না । তথাপি বীরেন বাবুর আতঙ্ক দূর হইল না ; অথচ সন্তোষের বিনীত অনুরোধও তিনি উপেক্ষা করিতে পারিলেন না, তাই নিতান্ত অনিচ্ছায় একটি রাত্রির জন্য তিনি সুনীলকে তাহার বন্ধুর পল্লীভবনে গমনের অনুমতি দিলেন । সুনীল রোজে বাহির হইবে না, পুষ্করিণীতে স্নান করিবে না, সন্ধ্যার পর বাড়ীর বাহিরে গা বাড়াইবে না, জল ফুটাইয়া-লইবার পর সেই জল ঠাণ্ডা হইলে তাহাই পান করিবে, ইত্যাদি ব্যবস্থা অনুসারে কাজ হইবে—সন্তোষের নিকট এইরূপ প্রতিশ্রুতি পাইয়া বীরেন বাবু অবশেষে অগত্যা পুত্রকে পাঠাইতে সম্মত হইলেন ; কিন্তু তাঁহার উৎকর্ষা দূর হইল না ।

এইরূপ স্থির হইলেও বীরেন বাবু শেষ-মুহুর্তে পাছে মত পরিবর্তন করিয়া বসেন, ইহাই সন্তোষের ভয় ! ট্রেন প্ল্যাটফর্মে আসিয়া থামিলে সুনীলকে গাড়ী হইতে নামিতে দেখিয়া সন্তোষের আনন্দের আর সীমা রহিল না । কয়েক জন নির্মমিত ভদ্রলোক এবং সন্তোষের কয়েকটি সহপাঠীও সেই ট্রেনেই কলিকাতা হইতে আসিয়া পৌঁছিলেন । অন্যান্য অতিথি অপরাহ্নের ট্রেনে আসিবেন, এইরূপ স্থির ছিল । প্রথমে অন্য অতিথিগণকে সম্মুখের দুই তিনখানা গাড়ীতে পাঠাইয়া দিয়া সন্তোষ সুনীল ও অন্যান্য সহাধ্যায়ীগণকে শেষ গাড়ীতে তুলিয়া-লইয়া গৃহাভিমুখে যাত্রা করিল ।

পল্লীগ্রামের মনোরম দৃশ্য-বৈচিত্র্যের সহিত সুনীলের এই প্রথম পরিচয় । কনকপুরের পথে আসিয়া চতুর্দিকে

দৃষ্টিপাত করিয়া অভিনব পল্লীদৃশ্যে তাহার পিপাসিত চিত্ত আনন্দ ও বিস্ময়ে আপ্ত হইল। এইরূপ সুন্দর পাকা রাস্তা, তাহার দুই দিকে বাধা-রোসনাই পূর্বে সে করনাও করিতে পারে নাই। তাহার দুই তিন জন সহপাঠী বলিল, এমন পরিপাটী পথ পল্লীগ্রামে সচরাচর দেখা যায় না, বিশেষতঃ বাধা-রোসনাই তো গ্রামাঞ্চলে একেবারে নূতন। তাহার সন্তোষকে জিজ্ঞাসা করিলে সে বলিল, “হাঁ, ওগুলো নূতন হয়েছে বটে, আর রাস্তা সুরক্ষিত করতে ইউনিয়ন বোডে বিস্তর দরবার করতে হয়েছে, অর্থব্যয়ের তো কথাই নেই।”

দুই পার্শ্বে সুবিস্তীর্ণ শস্তক্ষেত্রের মধ্যে এই গ্রাম্য-পথ। পথের ধারে কোথাও ফলের বাগান, কোথাও শ্রামল কদলীকুঞ্জ, মধ্যে মধ্যে ক্ষুদ্র ক্ষুদ্র বিক্ষিপ্ত কৃষকদের পল্লী। প্রায় দুই ক্রোশ পথের মধ্যে স্থানে স্থানে দুই ধারেই বন; ঘনসন্নিবিষ্ট অশ্বখ ও বটের নিবিড় শাখা-পল্লব পরস্পরের সহিত মিলিত হইয়া চতুর্দিকে প্রসারিত হওয়ার পথ ছায়াচ্ছন্ন হইয়াছে, তাহাদের শাখায় শাখায় লতা; গুল্মাদিতে তাহাদের তলদেশ আবৃত। এই সব বনের ভিতরেও পল্লাবাসীদের পরিত্যক্ত পুরাতন গৃহের ভগ্নাবশেষ দেখা যাইতেছে। এত অল্প সময়ে কি করিয়া এই সকল বনের প্রাচুর্য হইল, কেহ কেহ তাহাই ভাবিতে লাগিল। যাহারা এই অঞ্চলের জমির উর্বরতার কথা জানিত, তাহারা এই সকল দ্রুত-বর্ধনশীল আগাছার প্রাচুর্য দেখিয়া বিস্মিত হইল না।

দেখিতে দেখিতে পথ কাঞ্চনপুর গ্রামে প্রবেশ করিল। পথের ধারে স্থানে স্থানে বিক্ষিপ্ত বিধ্বস্ত অট্টালিকার ভগ্ন-স্তুপ দেখিয়া সুনীল জিজ্ঞাসা করিল, “এ সব ভাঙ্গা বাড়ী কাদের?”

সন্তোষ বলিল, “গ্রামের ধনীদের পরিত্যক্ত বাস-ভবন। কলিকাতার বিলাসিতা ও ঐশ্বর্যে মুগ্ধ হয়ে গৃহস্বামীরা জন্মভূমিকে ভুলেছিলেন; আর তাঁদের বংশধররা নিজ গ্রামের গোরব কোনও দিন দেখেন নাই। তাঁরা ভুলেও কোন দিন গ্রামে আসেন না। অট্টালিকাগুলি সংস্কারের অভাবে ক্রমে জীর্ণ হ’য়ে ভেঙ্গে পড়েছে, তাই তাদের ঐ অবস্থা।”

সুনীল তখন একখানি সুরমা অট্টালিকা দেখাইয়া

বলিল “আর ওটা? ওটা দেখে তো মনে হয় এখনও ওখানে ভদ্রলোক বাস করচে।”

সন্তোষ বলিল, “ঐটিই তো জানেন্দ্র কাকার বাড়ী। জানেন্দ্র কাকা বাবার বাল্য-সহচর ছিলেন। তিনি এখন কাঞ্চনপুরের জমিদার। কাঞ্চনপুরের বসুমতী কনকপুরের মিত্র-বংশের দৌহিত্র-সন্তান। বসুমতী এখন ছয় পুরুষ কাঞ্চনপুরে জমিদারী করছেন।”

দেখিতে দেখিতে ঘোড়ার গাড়ী কনকপুরস্থ বাস-ভবনের দ্বারদেশে উপনীত হইল। সেই স্থান হইতে বাড়ীর প্রায় কোন অংশই দেখা যায় না, ভিতর পর্যন্ত গাড়ীর পথ, কিন্তু বুদ্ধ অভয়াচরণ মিত্র মহাশয় আজ দ্বারদেশেই অতিথিদের অভ্যর্থনা করিলেন। তিনি তাঁহার আদরিণী পৌত্রীর বিবাহ উপলক্ষে যে উৎসবের আয়োজন করিয়াছেন, তাহা সমস্তই স্বয়ং অভ্যাগত অতিথিগণকে দেখাইবার জন্য অত্যন্ত ব্যগ্র হইয়া উঠিয়াছেন। উৎসবের সফল আজ দ্বারদেশ হইতে অন্তঃপুর পর্যন্ত বিস্তৃত। স্তম্ভীয় পঞ্চবিংশতি বৎসর পরে কনকপুরের জমিদার-ভবন আজ সুসজ্জিত ইন্দ্রালয়ের ন্যায় সুসমামণ্ডিত। অভয়াচরণ বাবুর অপরিতুষ্ট আকাঙ্ক্ষা আজ যেন কিছুতেই পরিতুষ্ট হইতেছে না। কোথায় তাঁহার আধুনিক বিলাসিতার প্রতিবীতরাগ, আর কোথায় বা অতীতকালের গ্রাম্য প্রথা? তাঁহার সুবিস্তীর্ণ বাসভবন আজ বৈদ্যুতিক আলোকমালায় উদ্ভাসিত, এমন কি, অট্টালিকা-সংলগ্ন উদ্যানের দুর্গ-সমূহের শাখায় শাখায় আলোকসজ্জার ব্যবস্থা হইয়াছে। কলিকাতা হইতে মহা সমারোহে প্রয়োজনীয় উপকরণ সমস্ত আনীত হইয়াছে। অভয়াচরণ বাবুর বহু বৎসরের অতৃপ্ত আনন্দের রুদ্ধ উৎসমুখ হইতে সকল বাধা অপসারিত হওয়ার সেই উৎস যেন আজ সবেগে শতধারায় চতুর্দিকে উৎসারিত হইয়াছে। বহির্জগতও তাঁহার এই অনাবিল আনন্দ যোগদান করিয়াছে। অভয়াচরণ বাবুর স্বহস্তরচিত প্রমোদ-স্থান তাঁহার অন্তরের বিপুল পুলকের আভাস পাইয়াই যেন আজ অজস্র পুষ্পসস্তারে অপূর্ণ শোভাধারণ করিয়াছে;—স্বর্গের হর্ষমুখরিত নন্দনকানন যেন আজ এই পল্লীবন্ধে তাহার সকল শোভাসম্পদসহ অবতীর্ণ হইয়াছে।

গ্রামবাসীরাও আজ হর্ষোন্মত্ত। ধনী, দরিদ্র, রোগী, ভোগী, যুবা, বৃদ্ধ, বালক, বালিকা সকলেই আজ এই

আনন্দসুত্রে সম্বন্ধ। সকলে অক্লান্তভাবে উৎসবের আয়োজনে যোগ দিয়াছে। গ্রামবাসীরা তাহাদের জমিদার-বাড়ীতেই গত পাঁচ দিন অতিবাহিত করিয়াছে,—তাহাদের কাহারও গৃহে উনন জালিবার প্রয়োজন হয় নাই। সকল উৎসব আজ চরম সীমায় উঠিবে; আজ জমিদার বাবুর পৌত্রী শেফালিকার শুভ বিবাহ।

২

অতিথিগণের জিনিসপত্রাদি যথাস্থানে গুছাইয়া রাখিয়া সন্তোষ বন্ধুবর্গ সহ গ্রাম পরিদর্শনে বাহির হইয়া পড়িল। জমিদার-ভবনের পার্শ্বেই গ্রামের পাঠাগার; এরূপ বৃহৎ ও সম্বলবিস্তৃত সুবিস্তৃত পাঠাগার সচরাচর কোন সহরেও দেখিতে পাওয়া যায় না। বিদ্যালয়গামী অভয়াচরণ বাবু এই পাঠাগারে প্রতিদিন কয়েক ঘণ্টা বিদ্যালয়শীলনে রত থাকিতেন। গ্রামের অন্ত কোন অধিবাসী এই পাঠাগারের সহায়ত্ব করে না, এজন্য তিনি সর্বদাই আক্ৰোশ করেন। তবে সন্তোষকুমার যখন গ্রামে আসে, তখন তাহার অবসরকাল এই পাঠাগারেই অতিবাহিত হয়। পাঠাগারের অপর দিকে পাশাপাশি দুইটি সারস্বত প্রতিষ্ঠান,—একটি বালকদের ও অত্রটি বালিকাদের জন্য প্রাথমিক বিদ্যালয়। ইহার অল্প দূরে বালকদিগের জন্য উচ্চ ইংরাজী বিদ্যালয় ও তৎসংলগ্ন ছাত্রাবাস। নিকটস্থ বহু গ্রামের বালকরা এই বিদ্যালয়ে শিক্ষালাভ করে। দূরস্থ গ্রামের ছাত্রগণ ছাত্রাবাসেই বাস করে।

জমিদার-ভবনের উত্তরে প্রথমেই জমিদারী সেরেস্টা; ইহার একটি কক্ষে অভয়া বাবু প্রজাদের অভাব-অভিযোগ গ্রহণ করিতেন, তাহাদের বিরোধ নিষ্পত্তি করিতেন। অভয়া বাবুর চেষ্টায় তাঁহার গ্রামে বা মহলে এখন আর ঝগড়া বিসম্বাদ বড় একটা নাই। এমন কি, প্রজাদের ক্ষতিকর অভয়া বাবুর চেষ্টায় কাঞ্চনপুরের জমিদারদের হিত দীর্ঘকালব্যাপী বিরোধেরও অবসান হইয়াছে। এই সময় জমিদার-বাড়ীর উত্তানের ব্যবধানে যে প্রাচীর ছিল, তাহাতে দ্বার কাটিয়া অভয়া বাবু দুই বাড়ীর বালক-লিকাদের এক সঙ্গে খেলা-করিবার ব্যবস্থা করিয়াছেন। নামে জ্ঞানেন্দ্র বাবু ও সন্তোষের পিতা ছিলেন খেলার শ্রেষ্ঠ; পরে এক সঙ্গে থাকিত একদিকে সন্তোষের

ভগিনী শেফালিকা ও জ্ঞানেন্দ্র বাবুর কন্যা সুপ্রিয়া; আর অন্যদিকে সন্তোষ ও সুপ্রিয়ার জ্যেষ্ঠ ভ্রাতা রণেন্দ্র। খেলাধুলায় সন্তোষ ও রণেন্দ্র রণেন্দ্রের কনিষ্ঠ দুই ভ্রাতাকে ও গ্রামের অন্যান্য ছেলেদের খেলার সঙ্গী করিত। যখন বয়সের সঙ্গে সঙ্গে সন্তোষের বিদ্যালয়গামী বাড়িতে আর রণেন্দ্র অবনতির পথে নামিতে লাগিল, তখন তাহাদের এই বাল্যবন্ধুত্ব বিচ্ছিন্ন হইল। বঙ্গ-বংশে মিত্র-বংশের মত প্রগাঢ় বিদ্যালয়গামী ছিল না।

জমিদারী সেরেস্টা-সংলগ্ন গৃহে দাতব্য চিকিৎসালয় অভয়া বাবুর প্রতিষ্ঠিত। তিনি নিকটস্থ ভূমিতে একটি নলকূপ করাইয়াছেন। তন্নিম্ন, অদূরে যে সুন্দর পুষ্করিণী আছে, অভয়া বাবুর যত্নে ও চেষ্টায় তাহাতে বজ্রাদি ধৌত-করা এবং স্নান-নিষিদ্ধ হইয়াছে,—তাহা কেবল পানীয় জলের জন্য নির্দিষ্ট হইয়াছে।

কিছু দূরে কৃষকদিগের পল্লী,—তাহাদের ক্ষুদ্র মন্দির কুটারগুলি পরিষ্কার পরিচ্ছন্ন, তাহাদের চারিদিকে শস্তক্ষেত্র; সন্তোষের বন্ধুরা এই সকল দেখিয়া মুগ্ধ হইয়া বলিল, “কনকপুর সত্যই সোণার পুরী।”

গ্রাম-পরিদর্শনের পর তাহারা গৃহে ফিরিয়া স্নানের জন্য প্রস্তুত হইল। অন্তঃপুরের দক্ষিণদিকের বাগানের ভিতর দিয়া সকলে দামোদরের বাধান ঘাটে স্নান করিতে চলিল; কিন্তু সন্তোষের আপত্তিতে স্নানীলের যাওয়া হইল না। স্নানীলকে সে মন্দির-মণ্ডিত পারিবারিক স্নানাগারে লইয়া গেল।—স্নানাগার দেখিয়া স্নানীলের মনে হইল, সে কোনও আধুনিক সহরে আছে।

স্নানীল স্নান সমাপন করিয়া আরামগৃহে আসিল। সন্তোষ ও অন্যান্য বন্ধুরা তখনও নদী হইতে ফিরিয়া আসে নাই। তাহাদের সঙ্গে নদীতে স্নানের সুযোগে বঞ্চিত হইয়া স্নানীলের মনে হইল, পল্লী-প্রবাসের আনন্দ সে পূর্ণমাত্রায় উপভোগ করিতে পাইল না।

সেই কক্ষে একাকী বসিয়া অতীতের কত কথাই স্নানীলের মনে পড়িয়া গেল। সে পাঁচ বৎসর পূর্বের কথা; স্নানীল তখন সবে কলেজে ভর্তি হইয়াছে। সন্তোষ সেই বৎসরই ম্যাট্রিকুলেশন পরীক্ষায় সর্বোচ্চ স্থান অধিকার করিয়া কলিকাতায় তাহার সহিত একই কলেজে ভর্তি হইয়াছে। উভয়েই তখন আই. এন্স. সি শ্রেণীর ছাত্র।

কয়েক দিনের মধ্যেই উভয়ের বন্ধুত্ব প্রগাঢ় হইয়াছিল। সুনীল তাহার বন্ধুকে নিজের বাড়ীতে লইয়া বাইবার জন্ত অত্যন্ত ব্যগ্র হওয়ায়, ধনীগৃহে যাইতে সন্তোষকুমারের ইচ্ছা না থাকিলেও বন্ধুর আগ্রহপূর্ণ আমন্ত্রণ সে উপেক্ষা করিতে পারিল না। সন্তোষের কলিকাতার বাসা সুনীলদের বাড়ীর অদূরে অবস্থিত। ক্রমশঃ উভয় বন্ধুর যাতায়াত খুব বাড়িয়া গেল।

এই ঘনিষ্ঠতার সংবাদ ব্যারিষ্টার মিষ্টার বি. ডাটের (বীরেন্দ্রনাথ দত্তের) কণগোচর হইলে তিনি সুনীলকে ডাকিয়া জিজ্ঞাসা করিলেন, “ও ছেলেটা কে?”

সুনীল—“ও এবার ম্যাট্রিকুলেশনে ফাষ্ট হইয়াছে।”

বীরেন্দ্র—“তা’ তো হ’ল, কিন্তু ও কে—নাম-ধাম কিছু জান?”

সুনীল—“ওর নাম সন্তোষকুমার মিত্র। ওদের বাড়ী বর্ধমান জেলার কনকপুর গ্রামে।”

বীরেন্দ্র—“ওর আছে কে?”

সুনীল—“দেশে আছেন ওর পিতামহ, তিনি বৃদ্ধ, গ্রামের জমিদার। ওর পিতা পশ্চিমাঞ্চলে ডাক্তার ছিলেন, ওর বাল্যকালেই তিনি নারা গেলেন।”

বীরেন্দ্র—“পাড়াগোঁয়ে নগর ঘরের কোন ছেলের সঙ্গে বন্ধুত্ব—মানে—বেশী মিশামিশি না করাই ভাল; তবে ছেলেটা লেখা-পড়ায় ভাল শূন্টি, তা পড়াশুনার সুবিধা হয় তো ওর সঙ্গে আলাপ রাখা অবিশ্রী মন্দ নয়। তা তোমাদের কলেজে তো অনেক বড় লোকের ছেলেও পড়ে, তাদের সঙ্গে বন্ধুত্ব করতে পার না?”

সুনীল পিতার আদেশ পালন করিতে সর্বদাই প্রস্তুত, কিন্তু সুনীলের হৃদয় তখন সন্তোষের সহিত যে স্নদূঢ় বন্ধুত্ব-সূত্রে বন্ধ, সেই সূত্র ছিন্ন করা তাহার পক্ষে সহজ ছিল না। যাহা হউক, পিতার আদেশে সে সন্তোষের সহিত পাঠাভ্যাস আরম্ভ করিয়া দিল,—তাঁহাতে সে লাভবানই হইল। সাহিত্যে বিজ্ঞানে সে বেশ ব্যুৎপত্তি লাভ করিল এবং তাহার জ্ঞানভূষণও সমধিক বৃদ্ধিত হইল।

এইভাবে প্রায় দেড় বৎসর কাটিয়া গিয়াছে। হাইকোর্ট বন্ধ হওয়াতে মিষ্টার ডাট সপরিবারে শিমলা-শৈলে বায়ু-সেবন করিতে গিয়াছেন। সুনীলের কলেজ বন্ধ হয় নাই,

বিশেষতঃ কয়েক মাস পরেই তাহার পরীক্ষা—সুতরাং তাহাকে একাই বাড়ীতে থাকিতে হইয়াছে। সন্তোষ প্রত্যহই প্রভাতে ও সন্ধ্যায় সুনীলের বাড়ীতেই আসিয়া তাহার সহিত পাঠাভ্যাস করে। একদিন সন্ধ্যাকালে হঠাৎ সুনীলের ভেদ ও বমন আরম্ভ হইল। সন্তোষ ইহাতে অত্যন্ত উৎকণ্ঠিত হইয়া তৎক্ষণাৎ টেলিফোনে এক জন খাতানা ডাক্তারকে রোগী দেখিতে অনুরোধ করিল। সন্তোষ জানিত, বাঙ্গালী ডাক্তারের উপর দত্ত সাহেবের আস্থা নাই; এই জন্ত সে যাহাকে ডাকিল তিনি ইংরেজ ডাক্তার। ডাক্তার আসিয়া সুনীলের রোগ পরীক্ষা করিয়া তাহার কলেরা হইয়াছে বলায় সন্তোষ তাঁহাকে দিয়াই সুনীলের পিতার নিকট শিমলায় তার পাঠাইল। বাড়ীর ডাক্তারবাবুও আসিলেন বটে, কিন্তু তাঁহার আসিবার পূর্বেই ইংরেজ ডাক্তারের উপদেশ অনুসারে সন্তোষ সকল ব্যবস্থা শেষ করিল। সারারাত্রি ধরিয়া তিন জনের অক্লান্ত পরিশ্রমের ফলে পরদিন প্রভাতে সুনীলের রোগের প্রকোপ কিঞ্চিৎ প্রশমিত হইল।

সেবার ব্যবস্থা ডাক্তার বাবুকে করিতে বলিয়া সাহেব-ডাক্তার চলিয়া গেলেন। সন্তোষ নাস’ আনিতে রাজী হইল না। সে নিজেই সেবা-শুশ্রূষা করিয়া তাহার পীড়িত বন্ধুকে সুস্থ করিয়া তুলিবে। সন্তোষের আহার-নিদ্রার চিন্তা নাই, বিশ্ববিদ্যালয়ের পরীক্ষার আর অধিক বিলম্ব নাই, সেদিকেও তাহার লক্ষ্য রহিল না। বন্ধুর শুশ্রূষায় সে মনপ্রাণ বিনিয়োগ করিল। ডাক্তার বাবু আসিয়া নিজে রোগীর কাছে বসিয়া স্নানাহারের জন্ত সন্তোষকে জোর করিয়া তুলিয়া দিতেন।

চারি দিন পরে সুনীলের পিতা-মাতা গৃহে ফিরিলে সন্তোষ বাসায় বাইবার সুযোগ পাইল; পড়াশুনার কথা আবার তাহার মনে পড়িল। তাহাকে দেখিয়াই সুনীলের পিতা জিজ্ঞাসা করিলেন “তুমি আবার এ সময় এখানে কি করছ? রোগীর কাছে তোমার কি কাজ?” ডাক্তার বাবু তাঁহাকে বলিলেন, “সন্তোষের এখানে কি প্রয়োজন, তাই জিজ্ঞাসা করছেন? সন্তোষ এখানে না থাকলে আপনি এসে আপনার ছেলেকে দেখতে পেতেন কি? এরূপ নিষ্ঠার সঙ্গে অক্লান্তভাবে সেবা করিতে আমি কোন কাউকে দেখিনি।”—এ কথা শুনিয়া মিঃ ডাট সন্তোষকে

সংবাদ জানাইতে মুখ ফিরাইয়া দেখিলেন, সন্তোষ তখন  
দৃশ্য হইয়াছে; সেখানে নাই। সন্তোষ বুঝিল, তাহার  
কারিত্ব ফুরাইয়াছে, তাহার উৎকর্ষারও কারণ দূর হইয়াছে।  
সুতরাং সেখানে আর তাহার থাকিবার প্রয়োজন ছিল না।  
পরদিন সন্তোষ সুনীলের সংবাদ লইতে আসিলে সুনীলের  
মাতা তাহাকে ডাকাইয়া মিষ্টবাক্যে আদর করিলেন।  
সন্তোষ ডাটও তাহাকে কৃতজ্ঞতা জ্ঞাপন করিলেন। সন্তোষ  
ইহাতে অত্যন্ত কুণ্ঠিত হইয়া পড়িল।

কিন্তু সেই সময় হইতেই দত্তগৃহে সন্তোষ একটি বিশিষ্ট  
স্থান অধিকার করিল। সুনীলের মা তাহাকে মেহ-চক্ষে  
দেখেন, সুনীলের পিতাও পুত্রের সহিত সন্তোষের ঘনিষ্ঠতায়  
আর আপত্তি করিতেন না। সেই জন্যই সন্তোষ তাহার  
ভগিনীর বিবাহে সুনীলকে নিমন্ত্রণ করিতে চাহিলে  
মিষ্টার ডাট তাহার প্রস্তাব প্রত্যাখ্যান করিতে  
পারিলেন না। সুনীলকে সন্তোষের পল্লীভবনে যাইতে  
দিতে তাহার আপত্তি থাকিলেও তিনি মনুষ্যত্বের  
অমর্যাদা করিতে পারিলেন না। তিনি সুনীলের সকল  
দায়িত্বভার সন্তোষের হস্তে অর্পণ করিয়া তাহার  
গমনের অনুমতি দিলেন। পাঠক তাহা পূর্বেই জানিতে  
পারিয়াছেন।

এই সুযোগে সুনীলের বহুদিনের আশা পূর্ণ হইল।  
সে পল্লীজীবন সম্বন্ধে অভিজ্ঞতা লাভেরও সুযোগ  
পাইল। সন্তোষদের গৃহ দেখিয়া তাহার মন আনন্দে  
পূর্ণ হইল। তাহাদের সচ্ছল অবস্থার কথা সুনীল  
পূর্বেই শুনিয়াছিল, কিন্তু এই প্রাসাদোপম অট্টালিকা,  
গ্রাহাদের গৃহস্থালীর সুব্যবস্থার কথা, তাহাদের বংশ-  
গৌরবের পরিচয় প্রভৃতি তাহার অজ্ঞাত ছিল। বিনয়ী  
সন্তোষ কোন দিন প্রসঙ্গক্রমেও এ সকল বিষয়ের আভাস  
দিত্ত বন্ধুর নিকট প্রকাশ করে নাই।

সহযোগীদের আগমনে সুনীলের চিন্তায় বাধা পড়িল;  
তাহারা বলিল, “নদীতে স্নানে এমন আনন্দ তুই তো  
পালিনে। ওবেলা আমরা কোনও আপত্তি শুনব  
তোকে সঙ্গে নিয়ে যাবই। সন্তোষের কথা আমরা  
শুন না।”

সুনীল নিজেই রাজী হইল। সন্তোষ ভয়ে ভয়ে  
কবার আপত্তি করিলেও বুঝিল, তাহার আপত্তি বুঝা।

সেই দিন অপরাহ্নে স্নানার্থ নদীর ঘাটে উপস্থিত হইলে,  
যতীন, শচীন প্রভৃতি সুনীলকে ধরিয়া এক-রকম জোর  
করিয়াই জলে নামাইল। সে পূর্বে কোন দিন নদীতে  
নামিয়া স্নান করে নাই, একজন্ম জলে নামিতে তাহার বড়ই  
ভয়! তাহার কাতরতা লক্ষ্য করিয়া সন্তোষ তাহার  
পাশে কাঁপাইয়া পড়িল, এবং তাহাকে অল্প জলে টানিয়া  
আনিয়া নির্ভয় করিল। তাহার পর বন্ধুদের জলবিহার  
আরম্ভ হইল। তাহাদের আনন্দের আর সীমা নাই।

কিছুকাল পরে সেই ভৃত্য আবার নদীতীরে আসিয়া  
সন্তোষকে জানাইল, “আর দেবী করবেন না, কর্তাবাবু  
ডাকছেন।”—সন্তোষগৃহ লোহিত ভূপন তখন পশ্চিম গগনে  
চলিয়া পড়িয়াছে; নিম্নলী নীলাকাশে ভাসমান কয়েকখানি  
অল্পশুভ্র মেঘের প্রতিবিম্ব নদীরক্ষে প্রতিফলিত। দূর-  
কাশের কোথাও ভূপনকিরণান্তরঙ্গিত মেঘগুলি স্বর্ণাভ।  
অল্প পরেই দিবাের পশ্চিম দিগন্তসীমায় নামিয়া পড়িলে,  
দামোদরের বক্ষে যেন বিগলিত স্বর্ণের স্রোত বহিতে  
লাগিল। আকাশে মেঘের কোলে নানা রঙের খেলা চলিল।  
ক্রীড়ারত বৃন্দগণের ইচ্ছা নহে যে, সেই স্থান ভাগ করে;  
কিন্তু সন্তোষের জন্ম সকলকেই উঠিতে হইল। তাহারা  
তাড়াতাড়ি বাড়ী করিল।

সন্ধ্যাসমাগনে গৃহ ও উজ্জানিত বিদ্যুতের দীপমালা  
প্রজ্বলিত হওয়ায়—গৃহ অলকাপুরীর শোভা ধারণ করিল।  
সেই অট্টালিকা বিরূপ রূপে ও রুত সুন্দর, সন্তোষের বন্ধুরা  
এইবার তাহা বুঝিতে পারিল। এক জন বলিল, “সন্তোষ,  
এবারকার এ আসা মধুর নয়। আবার আমাদের আসতে  
হবে।” অল্প সকলে এই প্রস্তাবের সমর্থন করিলেও সুনীল  
নীরব রহিল। তাহাকে নীরব দেখিয়া প্রমথ বলিল, “কি  
সুনীল, তুমি চুপ করে রইলে যে? তোমার বৃদ্ধি আর  
এখানে আসতে ইচ্ছা নাই?”

সুনীল,—“আসবার ইচ্ছা থাকলেও আমার কি আর  
তা ঘটে উঠবে?”

যতীন,—“না এলে পল্লীজীবন কি করে দেখা হবে?  
কাজের বাড়ীতে সন্তোষদের কিছুই এবার দেখাবার সময়  
হ’ল না। এমন কি, ওর ঠাকু’মা আর বোনের সঙ্গে  
পরিচয় পর্যন্ত হ’ল না।”

সুনীল কুণ্ঠিতভাবে বলিল,—“সবই সত্য, কিন্তু বাবা আর যে রাজী হবেন না।”

বাড়ী ফিরিয়া সস্তোষ নিজের ঘরে যাইবার সময় বলিয়া গেল, “তোমরাও ভাই আমার একটু ছুটি দিয়ে নিজের বাড়ীর মত যেখানে ইচ্ছা ঘুরে বেড়াও।”

সে পুরাতন প্রাচীন ভৃত্যকে বলিল, “ভোলা কাকা, তুমি এঁদের জল-খাবার আর চা এনে দাঁও, দেখো, এঁদের ঘেন কোন অসুবিধে না হয়।”

সুনীল যখন অভয়া বাবুর নিকট উপস্থিত হইল, তখন বৈঠকখানায় বহু লোকের সমাগম হইয়াছিল। অভয়া-চরণ বাবু হাসিমুখে সকলের অভ্যর্থনা করিতেছিলেন। তিনি সস্তোষকে দেখিয়া বলিলেন, “এস দাদা, প্রস্তুত ত? তুমি তোমার পিসেমশায়ের সঙ্গে বর আন্তে যাও।” অনন্তর তিনি তাঁহার একমাত্র জামাতা প্রতুলচন্দ্রকে ডাকিয়া বলিলেন, “বাবা, আজ বিমল নাই, তুমিই আমার ছেলের কাজ কর। সস্তোষ ছেলেমানুষ, তোমারই উপর সব ভার। আমি এরই মধ্যে ক্লাস্ত হয়ে পড়েছি, সর্কাস আমার শিথিল হয়ে পড়েছে; উৎসাহ আছে, কিন্তু শক্তির অভাব। আজ যেন সকলের মান-মর্যাদা বজায় থাকে, সে ভারও তোমার উপর। আমার ভরসা ক’রো না, আমি অকর্মণ্য। বাঁদের কাজ তা’রা আজ নেই, তাদের ভার-বওয়া কি আমার সাধ্য?”—বলিতে বলিতে বুদ্ধের চক্ষু সজল হইয়া উঠিল।

প্রতুল বাবু ও সস্তোষ তাঁহার আদেশ পালনে অগ্রসর হইলেন। সেই সঙ্গে অভয়া বাবু ও অন্যান্য অনেকে ফটক পর্য্যন্ত তাঁহাদের সঙ্গে চলিলেন। তাঁহারা যখন গাড়ীতে উঠিবেন, সেই সময় দেখা গেল, নায়েব বসুমহাশয় দ্রুতপদে সেই দিকে আসিতেছেন। তাঁহাকে ফিরিতে দেখিয়া ইহার কারণ জানিবার জন্ত সকলেই উৎসুক হইলেন। এ সময় ত তাঁহার ষ্টেশনেই থাকিবাব কথা। বর ও বর-যাত্রীদের অভ্যর্থনার জন্ত ষ্টেশনে না থাকিয়া তিনি ফিরিয়া আসিলেন কেন?

তিনি নিকটে আসিলে অভয়া বাবু জিজ্ঞাসা করিলেন, ব্যাপার কি বোসজা! তুমি যে এরই মধ্যে তাড়াতাড়ি বাড়ী ফিরে এলে?”

নায়েব মহাশয়ের সর্কশরীর তখনও উত্তেজনার ও

ক্রোধে কম্পমান; তাঁহার মুখে কথা নাই!—তিনি একখানি পত্র অভয়া বাবুর হাতে দিয়া মনস্থির করিবার চেষ্টা করিলেন। অভয়া বাবুর পত্রপাঠ শেষ হইবার পূর্বেই নায়েব মহাশয় কিঞ্চিৎ আত্মসংবরণ করিয়া বলিলেন, “বর আসবে পরের গাড়ীতে, কিন্তু বরযাত্রীরা আগের গাড়ীতেই এসেছে। সঙ্গে এসেছেন বরের কাকা। তিনি গাড়ী থেকে নেমেই বলেন, ‘আমরা তোমাদের সব জুয়াচুরি টের পেয়েছি! নিজে যে-বউ ঘরে তোলে-নি, তা’রই মেয়ে আমাদের গছানোর চেষ্টা! ও-সব এমনি হয় না, তার জন্ত টাকা খরচ করতে হয়।’—বাবু, ওঁরা ভদ্রলোক হ’লে কি এ-সব কথা মুখে আন্তে পারতেন?”

পত্র পাঠ করিয়া অভয়াচরণ বাবু উত্তেজিত স্বরে বলিলেন, “বাবা প্রতুল, এরা বলতে চায় যে, আমি ছেলের বিবাহ দিয়ে কুলভ্রষ্ট হয়েছি; তাই আমাকে জাতে উঠবার জন্যে নগদ হুড়ি হাজার টাকা ওদের দিতে হবে। হাঁ, ওদের ঘুস দিতে হবে! এ অপমান বরদাস্ত করা আমার অসাধ্য। এই সব ইতর-প্রকৃতি লোকের সঙ্গে আমি আত্মীয়তা করতে চাইনে। তুমি যাও, ওদের সঙ্গে দেখা ক’রে বল, ওদের বংশে আমি কন্যা সম্প্রদান করব না। যে ঘরে আমার পৌত্রী নববধূর উপযুক্ত মর্যাদার সঙ্গে সাদর অভ্যর্থনা না পাবে, যে ঘরে আমার গৃহের লক্ষ্মীস্বরূপিণী স্বর্গীয়া কুলবধূর সম্মান ও মর্যাদা অটুট থাকবার সম্ভাবনা নেই, সে ঘরে আমার পৌত্রী পদস্পর্শ ক’রে তার পা কলুষিত করবে না।”

বৃদ্ধ ক্রমে অধিকতর উত্তেজিত হইয়া বলিলেন, “আমার পাপের আজ প্রায়শ্চিত্ত হ’ল! আমার স্বর্ণ-প্রতিমা গৃহ-লক্ষ্মীকে ঘরে না আনার ফলে আমার গৃহ আজ লক্ষ্মীছাড়া হ’য়েছে।”—আরও কি বলিতে গিয়া অভয়া বাবু চেতনা হারাইলেন। সস্তোষ নিকটেই ছিল, তাঁহাকে ধরিয়া, অল্প কয়েক জনের সাহায্যে হাতের উপর শায়িত অবস্থায় একে-বারে তাঁহার শয়ন-কক্ষে লইয়া চলিল। গ্রামের ডাক্তার তখন দাতব্য চিকিৎসালয়ে কার্যে ব্যস্ত ছিলেন, সংবাদ পাইয়া তিনি তৎক্ষণাৎ আসিয়া পড়িলেন। রোগীকে সাবধানে পরীক্ষা করিয়া বলিলেন, “ভয় নাই, কর্তাবাবুর এখনই চেতনা-সঞ্চার হ’বে। তবে এখন ওঁকে সাবধানে রাখতে হবে; কোনও রকম উত্তেজনা বিপজ্জনক হ’তে



পারে। অনেক দিন ধরে তাঁর blood-pressure বেড়েছে। এর পর বাড়াবাড়ি হলে সামলিয়ে উঠা কঠিন হবে।”

এই আকস্মিক হুঃসংবাদে চারিদিকে ছন্দহীন পড়িয়া গেল। গ্রামের গণ্যমান্ত সকলেই, এবং নিমন্ত্রিত বিচক্ষণ ব্যক্তির প্রতুল বাবুকে কর্তব্য সম্বন্ধে নানা পরামর্শ দিতে লাগিলেন। প্রথমে কথা উঠিল, গাত্রহরিদ্রার পর বিবাহ অসমাপ্ত রাখা সমাজবিরুদ্ধ কার্য। এই প্রসঙ্গে এক জন মুকুবি বলিলেন, “এমন সময় আর অন্য পাত্র পাবে কোথায়? কর্তাবাবুর পক্ষে ২০০০০ টাকা অতিরিক্ত ব্যয় করা আদৌ কঠিন নয়; তারা যখন দাবী করেছেন, তখন ঐ টাকা দিয়ে সাতপাকটা ত শেষ কর; তার পর এক-রকম করে বিয়েটা এগন হয়ে যাক। পরে সব ঠিক হয়ে যাবে।”

কিন্তু কতাপক্ষের অনেকেই এই অশোভন প্রস্তাবের প্রতিবাদ করিয়া বলিলেন, “সে কিছুতেই হবে না, হতে পারে না। এ রকম অভদ্র ব্যবহার অসহ;—তার চেয়ে এক কাজ করা যাক, সকলে দল বেঁধে গিয়ে বরটিকে জোর করে এনে বিয়ে দেওয়া যাক।”—সন্তোষের বন্ধুরা সেই স্থানেই ছিল, তাহারা সকল কথা শুনিয়া সবিনয়ে বলিল, “বরং চলুন, আমরাও আপনাদের সঙ্গে যাই। বর আমাদের সমবয়সী শিক্ষিত যুবক, তাকে আমাদের কষ্টের কথা বুঝিয়ে বলে বিয়েতে রাজি করা হয় ত তেমন কষ্ট হবে না। তাঁর মত হলে তার অভিভাবকরা হয় ত সন্তোষের সঙ্গে পারবেন যে, তাঁদের প্রস্তাব ভদ্রোচিত হয়নি। আর সেই সঙ্গে আপনিও বরের বাবাকে ভাল করে বুঝাবেন। তিনি এত বড় কুলীন, বিশেষতঃ রাজা খেতাব পেয়েছেন—তাঁর মন কি এতই সঙ্কীর্ণ হবে? সমাজের উন্নয়নের চেয়ে টাকা কি বড় মনে করবেন?”—সংসার-নিহীন শিক্ষিত যুবকরা স্বাভাবিক উদারতা বশতঃ কাজটি সহসাহ্য বলিয়াই মনে করিল।

কিন্তু প্রতুল বাবু সকল কথা শুনিয়া বলিলেন, “টাকা ওয়া কোন মতেই চলবে না। চেতনা হওয়ার পর যা যদি শুনতে পান—তাঁর ইচ্ছার প্রতিকূলে কাজ করা হচ্ছে, তাহলে তিনি এতই রাগবেন যে, তা সামলাতে পারায় হয় ত তাঁর প্রাণের হানি হবে। রাগ হলে জ্ঞান থাকে না। আর এ কাজে পণ সম্বন্ধে তাঁর

সঙ্কল্পও অটল। তবে যদি বরের বাপ দেনা-পাওনার কথা না তোলেন, তাহলে তাঁর ভাইয়ের এই অশিষ্ট ব্যবহার বাবা ক্ষমা করতেও পারেন। দেখা যাক কি হয়।”

অতঃপর প্রতুল বাবু সন্তোষের কয়েক জন বন্ধু ও গ্রামের প্রধান দুই-চারি জনকে সঙ্গে লইয়া রেলস্টেশনে যাত্রা করিলেন। কিন্তু তাঁহাদের সকল চেষ্টাই ব্যর্থ হইল। বরকে সন্তোষের বন্ধুরা বৃথাইবার চেষ্টা করিলে সে বলিল, “আমার বাবা কাকা যা’ ক’রবেন, তার ওপর আমার কি করবার থাকতে পারে? আমি তাঁদের সবাধ্য হওয়ার শিক্ষা পাইনি মশায়!” তাহার মন্তব্য শুনিয়া ক্রুদ্ধ যুবকরা তাহাকে বিলক্ষণ হুকথা শুনাইয়া দিল বটে, কিন্তু তাহাতে কোন ফল হইল না।

রাজা-সাহেবও প্রতুল বাবুর প্রস্তাব প্রত্যাখ্যান করিলেন। তিনি বলিলেন, “অর্থ বিনিময়ে যে আপনাদের মেয়ে নিতে রাজী হয়েছি, তাতে আপনারা ধস্তা হয়েছেন মনে করা উচিত। গায়ে-হলুদ ঐ মেয়ের সঙ্গে হয়েছে বলেই আমরা এতখানি ভদ্রতা দেখিয়েছি; কিন্তু আপনারা যদি প্রায়শ্চিত্তস্বরূপ টাকা দিতে না পারেন, তা হলে অনর্থক আর দোকানদারী করবেন না। আমার ছেলের বিয়ের জন্তে হুশিস্তার কোন কারণ নেই; এই বোকামীর ফল আপনারাই ভোগ করুন।”

আর অপমানের বোঝা বাড়াইয়া কোন ফল নাই বুঝিয়া—প্রতুল বাবুর হতাশমনে গৃহে ফিরিলেন। কাঞ্চনপুর দিয়া যাইবার সময় তাঁহারা দেখিলেন, জ্ঞানেন্দ্র বাবুর গৃহে মহা-সমারোহ আরম্ভ হইয়াছে। সন্ধান লইয়া তাঁহারা জানিতে পারিলেন, সেই রাত্রিতেই তাঁহার কন্যা সুপ্রিয়ার বিবাহ হইবে। পরে সকলে জানিতে পারিলেন, পূর্বদিন জ্ঞানেন্দ্র বাবুই লোক পাঠাইয়া বরপক্ষকে সকল কথা জানাইয়া প্রস্তাব করিয়াছিলেন, রাজা-সাহেব যদি তাঁহার কন্যাকে পুত্রবধুরূপে গ্রহণ করেন, তাহা হইলে তিনি ২৫০০০ টাকা নগদ ও ২৫০০০ টাকার অলঙ্কারাদি বর-কনেকে যৌতুক দিবেন। এ বিবাহটা জ্ঞানেন্দ্র বাবুই ভাবিয়া দিয়া শেষ-মুহুর্তে নিজের কন্যার বিবাহের ব্যবস্থা করিয়া ফেলিয়াছেন।

এখন উপায়? সকলেই এই চিন্তায় কাতর। [ক্রমশঃ  
শ্রীমতী নীলিমা দেবী।

# বিজ্ঞান-জগৎ

## আগাটার পিছল

নদীতে বা প্রকৃতি নামিনে চীনে অনেক সময় ভীষণ পিছলে পা পিছলাইয়া আছে; খাইতে হয়! পিছলে শুককাইয়া ন পড়িয়া পা রাখিয়া নামিনার সঙ্গে উপায়—ক'খানা পুরাতন মোটর-



পিছল-ঘাটে সহায়

টায়ার ফেলিয়া সেই টায়ারে পা রাখেন; পূর্ব সহজে নামিতে পারিবেন। যেকোনো টায়ার রাখিবেন, সে জায়গায় আগে শুইতে বালি ছড়াইয়া তবে টায়ার বিছাইবেন। তাহা শুইলে পিছলে পা শুককাইবার কোনে! আশঙ্কা থাকিবে না।

## বাইসিকলের নব কলেবর

ইতালীতে নব কলেবরে বাইসিকল তৈয়ারী হইতেছে। এ গাড়ীর সামনে দেওয়া হইতেছে খুব ছোট একটি চাকা; অর্থাৎ

পিছনের চাকার আকার যেমন আছে, তেমনি রাখা হইয়াছে; শুধু সামনের চাকাখানি খুব ছোট করা হইয়াছে। এ গাড়নের বাইসিকলে



বাইসিকলের নতন রূপ

উঠা-নানা করা পূর্ব সহজ অথচ গাড়ীর গতিতে এতটুকু প্রবেশ থাকিবে না।

## আগুনের সঙ্গে লড়াই

লগুনের ফায়ার-লিগেডে অগ্নি-রক্ষকদিগের কাজ খুব নিরাপদ হইয়াছে। মানুষের প্রাণ এবং সম্পত্তি রক্ষা করিবার জন্য রক্ষকদিগকে অল্পস্বল্প লেলিহান অগ্নি-মুখে প্রবেশ করিতে হয়; ধাতব আচ্ছাদনে সে সময় অগ্নিতাপ হইতে নিজেদের রক্ষা করা যায় না। এখন অগ্নি-রক্ষকদিগের জন্য এ্যাশবেষ্টশ-নির্মিত ছাতা, এ্যাশবেষ্টশ-নির্মিত পরিচ্ছদ, দস্তানা ও মুখোশ প্রভৃতি



আগ্নের বৃকে দাঁড়াইয়া আগ্নের সঙ্গে যুদ্ধ

হইয়াছে। এ পোবাক অঙ্গে পরিয়া অগ্নিসমূহে কাঁপ দিলেও  
গায়ে এতটুকু আঁচ লাগিবে না!

### রক্ষা-লেপ

এ যুদ্ধে লগুনের অধিবাসীদের মনে সর্বদাই আতঙ্ক—বিমান-পথে



ওভারকোট-লেপ

জায়াগরা সহসা আসিয়া যদি আক্রমণ করে, কি করিয়া প্রাণ বাঁচিবে? আক্রমণ আসন্ন হইবামাত্র তাঁর শব্দ-বন্ধারে সকলকে সংহত দিবার যে ব্যবস্থা হইয়াছে, সে ব্যবস্থা নানি খুব পাকা! বান্দে লগুনের অধিবাসীরা নতুন প্রণালীতে প্রস্তুত এই লেপ গায়ে চাপাইয়া শয়ন করিবেন এবং সংহত জাগিবামাত্র এই লেপে চাঁকতে আপাদ-মস্তক আবৃত করিয়া নির্দিষ্ট নিরাপদ নীড়ে গিয়া আশ্রয় লইতে পারিবেন। এ লেপ হইলে চাঁকতে কাপ-সামেত ওভার-কোট বনিয়া উঠিবে; এবং তাহাতে আপাদ-মস্তক ঢাকা থাকিবে।

### কুঞ্চিত-কেশিনী

মাথার চুল কুঞ্চিত করিয়া যে সন স্কেশিনী বেশের দক্ষ সাধন করিতে চান, তাঁদের জন্য এক রকম নতুন চিকণী তৈয়াবী হইয়াছে। নকল ধাতুতে এ চিকণী তৈয়াবী। চিকণীর সঙ্গে কেশ কুঞ্চিত করিবার জন্য ছোট একটি বস্তু সংলগ্ন আছে। এই ছোট বস্তুটি চিকণীর দ্বিধাভিন্ন হাতলে প্রবিষ্ট করিয়া একটু চাপিয়া দিলে চিকণীর সঙ্গে লাগিয়া আঁটিয়া বসিবে; তখন এ চিকণীতে মাথার চুল আঁচড়াইলে চুল কুঞ্চিত হইবে। সেই কোঁকড়া চুলে মাথার







কেশ-কুকন কাঁকুই

কাঁট আটকাইয়া দিন, কোঁকড়া চুলের পাক খুলিবে না। নিত্য দিনের অভ্যাসে চুল ক্রমে চিরকুঞ্চিত শ্রীতে বিভূষিত থাকিবে।

### গোলাপী আতর

প্রেরের বছ পল্লীগ্রামে গোলাপ ফুলের বড় বড় বাগিচা আছে। গ্রামের, কৃষকেরা গোলাপ ফুলের ফসল ফলায়! এই ফুল হইতে তারা যে-ভাবে গোলাপ-নির্ধ্যাস বা আতর প্রস্তুত করে, তার প্রণালী সহজ। অঙ্কুট গোলাপ-কঁড়ি বিপুল ভাবে সংগ্রহ করিয়া বেতের ঝড়িতে রাখা হয়। তার পর বোটা কাটিয়া ফুলের গোটা পাপড়ি লইয়া সেগুলি তামার পাত্রে রাখিয়া সে পাত্রে পরিষ্কার জল দেয়; দিয়া কাঠের ডালে ফুটাইয়া লয়। ফুটাইবার সময় তামার পাত্রটি কয়লা দিয়া ঢাকিয়া রাখে। আগুনের তাপে জল শুকাইয়া বাষ্পে পরিণত হয়। তখন পাপড়িগুলি সস্তূর্ণণে ছাঁকিয়া এক প্রকার 'কনভেলি' তৈলপ্রয়োগে তাহাকে তরল করা হয়, এই তরল-সার আবার কাঠের মূছ ডালে চড়াইলে তৈল-বাষ্পে গোলাপ-স্বরভিত ঘন নির্ধ্যাস মিলে। এই নির্ধ্যাস 'অটো-রোজ'!



পোষাক পরিয়া যেমন খুশী বাঁকুন-ঘুকুন



খেলার বস্ত্র

পড়েন। তাই আজ ফুটবল-খেলোয়াড়ের দেহ-রক্ষার জন্ম বস্ত্র নির্মিত হইয়াছে। এ বস্ত্রের নাম "ফুটবল প্রোটেক্টর-গার্ড"। প্রোটেক্টরে কুশন-প্যাড দেওয়া আছে। সে প্যাড কাঁধে, বুকে পাঁজরের উপর ভারী চামড়ার স্ট্রাপের সাহায্যে আঁটিয়া খেলা নামিলে ধাক্কা বা পতনে দেহের অস্থি-পঞ্জর ভাঙ্গিবার বিদ্যুৎ আশঙ্কা থাকিবে না। এ প্রোটেক্টর ইলাস্টিক (স্থিতিস্থাপক কাপড়) সর্ববিধ-ভাবে নড়িতে-চড়িতে ছুটিতে-পড়িতে খেলোয়াড়ে এতটুকু অস্বাচ্ছন্দ্য ঘটিবে না।



গোলাপ-কঁড়ি তোলা

### ফুটবল-খেলোয়াড়ের বস্ত্র

ফুটবল খেলিতে গিয়া ধাক্কাধাক্কিতে আছাড় খাইয়া কত খেলে হাত-পা, গলার হাড়, অস্থি-পঞ্জর ভাঙ্গিয়া জন্মের মতো! অকস্মণ্য হই

সচল 'বাড়ী'

আমেরিকার কারখানায় বাড়ী-ঘরের অর্ডার দিলে তারা খাট-পালঙের মত বাসোপযোগী চার্চের বাড়ী-ঘর তৈয়ারী করিয়া দিতেছে। বাড়ী-ঘর তৈয়ারী হইলে ট্রাক-গাড়ীতে করিয়া সে বাড়ী-ঘর ঠিকানা-মাফিক পৌছাইয়া দয়। 'কটেজ' ও 'বাঙলো' প্যাটার্ণের বাড়ী-ঘর তৈয়ারী হইতেছে। তবে অনেক বন্দী কামরার প্রয়োজন থাকিলে টেবিল, মালমারি, খাটের ব্যাটম, ছত্রী প্রভৃতির তো স্বতন্ত্রভাবে সেগুলি আনিয়া সচল-বাড়ীর সঙ্গে কয়েমিভাবে লাগিয়া লগুয়া চলে। এ বাড়ী-ঘর ঝড়ে নড়িবে না—ভূমিকম্পে নড়িবে না—পোকা-মাকড়ে এ বাড়ী-ঘর কুরিয়া খাইবে না; এ ঘরের দেওয়াল আগাগোড়া 'ইকি পুরু। শুইবার ঘর; সবার ঘর; রান্নাঘর; বাথরুম—সমস্তই এ কাবখানার কারি-ঘরের কম্প্রীট ছাঁদে বানাইয়া




গাড়ীতে বাড়ী চালান

বহিয়া লইয়া যান—কোন অসু-বিধা নাই!

ঘরের বিস্কুট

ইলেকট্রি সিটির কল্যাণে অনেকেই আজ ঘরে বহু অসাধ্য-সাধন করিতেছেন। বেশভূষার কথা ছাড়িয়া দিয়া বিচিত্র ভোজ্য-রচনায় বিদ্যা-তরঙ্গ আজ বহু গৃহিণীকে বহুভাবে গৃহস্থালী-কাজে সহায়তা করিতেছে। সম্প্রতি এক রকম বৈদ্যুতিক উত্তন (over) তৈয়ারী হই-য়াছে; এ উত্তনের কল্যাণে ঘরে



সচল বাড়ীর ডয়িং-রুম



ঘরে বিস্কুট তৈয়ারী

তেছে। ঘরের ছাদে কাঠ বা টালি কুচিমাকিক দেওয়া চলে। এ ঘর-বাড়ীতে ব্যয় পড়ে অল্প তার উপর ক্রুপের পাচ খুলিয়া বেখানে খুলী প্যাক করিয়া লগেজের মতো বাড়ী-ঘর

বসিয়া সাত মিনিটে একরাশ বিছুট তৈয়ারী করিতে পারেন।  
উন্নের আকার বৈজ্ঞানিক ইঞ্জীবিদ্যের অমুরূপ।

সময় চেয়ারের দুই হাতার উপর কিম্বা খাটের উপর  
তক্তাখানি বিছাইয়া নিন—এক দিকে পায়ার উপর তক্তার  
ভর থাকিবে এবং চেয়ারের হাতা বা খাটের উপর থাকিবে  
আর এক দিককার ভর। এখন এ টেবিল স্বচ্ছন্দে ব্যবহার  
করুন। ক্রুপ টানিয়া টেবিলকে যেমন-খুশী উঁচু-নীচু করিতে  
পারেন।

**বিষবাপ্প-রোধের পোষাক**

যুদ্ধের সংকট-নিবারণের জন্ত পাংলা অয়েল-সিঙ্গে এক রকম পোষাক



পোষাক গায়ে



পোষাক হাতব্যাগে



এক-পায়ার টেবিল

তৈয়ারী হইয়াছে। এ পোষাক প্রনাণ-সাইজের; অথচ মুড়িলে  
মুঠার মধ্যে ভরা যায়। মুড়িয়া এ পোষাক হাত-ব্যাগের  
মধ্যে অনায়াসে তুলিয়া রাখুন; প্রয়োজন-মতো বাহির করিয়া  
গায়ে দিবেন। পোষাকটি পুৰা প্রথের—খর্খাং টুপি, ব্লাউজ,  
ট্রাউজার, দস্তানা এবং জুতা সব আছে। এ পরিচ্ছদের কোথাও  
এতটুকু অঙ্গহানি হয় নাই।

**এক-পায়ার টেবিল**


সেলাই, খেলা, চা-পান, লেখাপড়া—স্বচ্ছন্দভাবে এ সব কাজ  
করিবার জন্ত একপায়ার টেবিলের সৃষ্টি হইয়াছে। একটিমাত্র  
পায়ার খাঁজ কাটিয়া বহু ক্রুপ খাঁটিয়া দিন। ব্যবহারের

**ফাটা ডিশ**


ডিশ, পেয়লা প্রভৃতি যদি ফাটিয়া যায়, তাহা হইলে সে ফাটা  
পেয়লা-ডিশ ফেলিয়া দিবেন না! কড়ায় নাটা-তোলা দুধ ঢালিয়া  
সেই ছুদের সঙ্গে ছুদের পাখে ফাটা ডিশ-পেয়লা রাখিয়া ছুদের  
সঙ্গে 'বয়েল' বা সিদ্ধ করিয়া লইবেন। ফাটার জগা প্লেট-ডিশে  
অস্থবিনা ভোগ করি-  
বেন না; ফাটা ডিশ-  
প্লেট এ প্রক্রিয়ায়  
কলে আস্ত ডিশ-  
পেয়লার মতোই  
ব্যবহার হইবে।



ছুদের পাখে ফাটা ডিশ







( উপন্যাস )

৮

ভোরের দিকে ঘুম ভাঙ্গিয়া চোখ মেলিতে উষাঙ্গিনী দেখে, ট্রেন চলিয়াছে এবং শীটে আসন-পিঁড়ি হইয়া বসিয়া বীণা খোলা জানলা দিয়া বাহিরের পানে চাহিয়া আছে... অনিদ্রায় চিন্তায় মলিন মুখ—হৃ'চোখে যেন রাজ্যের চিন্তা বিজড়িত! বীণা বসিয়া আছে পুতুলের মতো... যেন চেতন-হারা!

পাশাপাশি কামরায় বসিয়া যাত্রীরা দুমাইতেছে। তিনকড়িও নিদ্রাচ্ছন্ন। বীণা শুধু জাগিয়া আছে।

উষাঙ্গিনী ডাকিল—সলিলা...

বীণা চমকিয়া উঠিল... বৃকের মধ্যে সে চমকের ঢেউ লাগিল।

বীণা ফিরিয়া চাহিল।

উষাঙ্গিনী বলিল,—সারা রাত এমন জেগে বসে' আছে?

যুহু মলিন হাস্তে বীণা বলিল—ঘুম হলো না। ট্রেনে ঘুমের অভ্যাস নেই তো।...তোমার ঘুম হ'য়েছিল পিঁশিমা? কোনো কষ্ট হয়নি?

উষাঙ্গিনী বলিল,—না।...

কথাটা বলিয়া উষাঙ্গিনী বাহিরের পানে তাকাইল... বাহিরে সবুজ মাঠ-বাটের ফাঁকে-ফাঁকে বাঙলার পল্লী দেখা দিয়া আবার তখনি বনের আড়ালে লুকাইতেছে... উষাঙ্গিনী বলিল,—বোধ হয় এসে পড়েছি। মাঠ-জলার পরে মাঝে মাঝে লোকালয় দেখা যাচ্ছে... তুমি মুখ-হাত ধোবে না? এ-সব কামরার নতুন ব্যথক্রমগুলো দেখছি, ভালো...

বীণা বলিল,—তুমি আগে মুখ ধুয়ে এসো। তার পর তুমি এলে আমি যাবো'খন!

উষাঙ্গিনী বাথরুমে ঢুকিল...

বীণার এবার সত্যই চেতনা ফিরিয়াছে! এতক্ষণ যেন কোন্ স্বপ্নলোকে বিচরণ করিতেছিল! রাজ্যে অন্ধকারের আব'ছায়ায় বসিয়া-বসিয়া শুধু দেখিয়াছে, বাহিরে নানা বেশে ছায়ার ছুটাছুটি... মাঝে-মাঝে সে ছুটাছুটির উপর দাঁড়ি পড়িয়াছে,—তখন স্তিমিত আলোর ...ঘুমঘোরে হ'চারি জন লোকের ছুটাছুটি, একটু কলরবের ঝাপটা—তারপর আবার সেই মাঠে-বাটে 'ছায়ার ছুটাছুটি...

এখন উষাঙ্গিনীর কথায় মনের ঘোর কাটিয়া চোখে পড়িল জীবন্ত পৃথিবীর নূতন রূপ! মনে পড়িল, কোথা দিয়া একটা রাত্রি কাটিয়া গেছে! কাল সে কোথায় ছিল... তার পর চকিতে কোথা দিয়া কোথায় আসিয়া দাঁড়াইয়াছে! যেখানে আসিয়াছে, এখানে দাঁড়াইয়া থাকিবে, সে-উপায় নাই! সামনে অগ্রসর হইতে হইবে! ফিরিয়া যাইবে,—পিছনে সে-পথের চিহ্ন-অবধি মুছিয়া কেলিয়া আসিয়াছে! উষাঙ্গিনী বলিল, আসিয়া পড়িয়াছি। তার মানে:..?

বীণা শিহরিয়া উঠিল।...

চোখের সামনে আলো স্পষ্টতর হইয়া উঠিতেছে... যেখানে ষত আব'ছায়া ছিল, আবরণ ছিল, অস্পষ্টতা ছিল, তার রন্ধে-রন্ধে আলো প্রবেশ করিয়া এখন সব স্পষ্ট রেখায় ফুটাইয়া তুলিতেছে!...

রাত্রির সে-অস্পষ্টতার নিজেকে ঢাকিয়া-ঢুকিয়া কোনোমতে চালাইয়া লওয়া যায়... কিন্তু দিনের এ আলোর ছন্দ-আবরণকে কি করিয়া ঢাকিবে?... চোখের সামনে ছায়া-সৃষ্টিতে আসিয়া দাঁড়াইল সস্তোষ, সলিলা, কীরোনামস্রী, পিঁট-মিঁট, সিঁট... কাতু-মাসীর বাড়ী...

সে-বাড়ীতে কাজের ভিড়...সে-ভিড়ে জ্যোতি...বিজয়া!...  
মহাদেওয়ার সেই হাসি-ভরা মুখখানা পর্যাস্ত...

তারা ছিল যেন মস্ত সহায়!...এখন...যদি তারা  
জানিতে পারে, কি হুঃসাহসে ভর করিয়া বীণা কতখানি  
মিথ্যা-ছলনার আশ্রয় লইয়াছে...

বীণার হুঁচোখ বাপ্পাচ্ছন্ন হইয়া উঠিল...

নিখাস ফেলিয়া বীণা ভাবিল, তাই করিবে না কি?  
ফিরিয়া যাইবে? তিনকড়ি গাঙ্গুলির পানে চাহিল।  
এখনো ঘুমাইতেছেন! সরল ভদ্রলোক! কি-বিখাসে তাকে  
সঙ্গে আনিয়াছেন! আর এই উষাঙ্গিনী...

রোগে যে ব্যথাই পাক্, তার মতো উষাঙ্গিনীর  
মনে ভয় নাই...শঙ্কা নাই!

বীণার বুকের উপর দিয়া যেন সারি-সারি কামানের  
গাড়ী চলিয়াছে!

উষাঙ্গিনী আসিয়া পাশে বসিল, বলিল,—এবার তুমি  
যাও সলিলা...মুখচোখ ধুয়ে এসো। এই নাও তোয়ালে  
আর সাবান...

বীণার হাতে উষাঙ্গিনী সাবান ও তোয়ালে দিল।  
তার পর বাহিরের পানে তাকাইয়া বলিল,—এবারে বোধ  
হয় বর্দ্ধমান আসবে...মনে হচ্ছে যেন! কতবার গেছি  
তো এ-পথে! তুমি বোধ হয় এদিকে কখনো আসোনি?

যেন কোন্ অতল পাতাল-গহ্বর হইতে বীণা বলিল,  
—না...

উষাঙ্গিনী বলিল—যাও, দেরী করো না। তুমি এলে  
বাবাকে ডেকে দেবো। তার পর তিন জনে বসে গল্প করবো।  
...একবার রাজপুরীতে প্রবেশ করলে তোমার সঙ্গে  
হয় তো আর এমন গল্প করা হবে না। .. এত ভালো  
লাগছে তোমায় যে সে কি বলবো!

বীণার বুকখানা যেন ফাটিয়া চূর্ণ হইবে!...কি হুর্ভাগিনী  
সে! এমন স্নেহের কথা বলিবে এমন আপন-জন তার  
কেহ নাই! বেচারী সলিলা! তার জন্ত পৃথিবীতে  
স্নেহ-প্রীতির এমন ভাগ্য...এ সব ছাড়িয়া কোথায়  
গেল সলিলা? যাইবার তার কি প্রয়োজন ছিল?

মুখ-হাত ধুইয়া বীণা ফিরিয়া আসিল...মনকে সবল  
স্বদৃঢ় করিয়া। না, পুরানো কথার চিন্তায় মনকে

আচ্ছন্ন হইতে দিবে না! যে-বাস্তব কঠিন বেশে সামনে  
আসিতেছে, তার সামনে দাঁড়াইবে...দাঁড়ানো ছাড়া এখন  
আর তার অন্য উপায়ও নাই!

উষাঙ্গিনী বাহিরের পানে চাহিয়াছিল; বীণাকে  
ফিরিতে দেখিয়া বলিল,—বসো...

বীণা বলিল,—না, বসবো না পিশিমা! তোমাকে  
খেতে দিতে হবে। কমলালেবু আনি...

—থাক্, লেবু খেয়ে খেয়ে লেবুতে অরুচি ধরে গেছে...

—তা'হলে আপেল খাও...

উষাঙ্গিনী বলিল,—না, গাড়ীতে আর খাবো না। একে-  
বারে সেই বাড়ীতে গিয়ে খাবো'খন!...বাবাকে ডাকি...  
তার পর হুঁজনে ব'সে চারিদিক দেখি আর গল্প করি।

তিনকড়িকে উষাঙ্গিনী ডাকিয়া দিল। তিনি উঠিলেন।  
বলিলেন—বাঃ, সকাল হ'য়ে গেছে! তাই তো...বর্দ্ধমান  
পেরিয়ে এসেছি না কি রে?

উষাঙ্গিনী বলিল,—বোধ হয়, না!

তিনকড়ি বলিলেন,—তা'হলে বর্দ্ধমানে পৌঁছলেই চায়ের  
ব্যবস্থা করা। আমার দিদি চা খাবেন তো?

বীণা বলিল—আমি?...না ছোট দাহু...চা আমি  
খাই না।

তিনকড়ি বলিলেন,—ভালো, ভালো দিদি...ও অভ্যাসটা  
আর করো না। পৃথিবীতে খাবার মতো কত জিনিষ  
রয়েছে...তা ছেড়ে চা খাবে কি-হুঃখে?...তা'হলে তোমরা  
কিছু খেয়ে নাও! ফল রয়েছে...জামাই মিষ্টি কিনে দেছে।  
হুঁজনে খাও...

উষাঙ্গিনী বলিল—আমি কিছু খেতে পারবো না,  
বাবা! সলিলা থাক্।

উষাঙ্গিনীর মুখে সলিলা-নাম শুনিয়া বীণা আবার  
চমকিয়া উঠিল। কিন্তু না, চমকাইলে চলিবে না...চমুকানো  
নয়...

বীণা বলিল,—আমিও খাবো না। খিদে নেই  
ছোট দাহু...

তিনকড়ি বলিলেন,—এ-বয়সে তোমাদের খিদে আর  
থাকবে কি দিদি! খিদে পেতে দেবে না!...খিদে বয়স  
আসুক, তখন বুঝবে, অখিদে কি-বস্তু...

কথাটা বলিয়া তিনকড়ি হাসিলেন।

তার পরে বলিলেন,—না, না...তা হয় না। বেশ, ফল না খাও, বর্ধমান আসছে। বর্ধমানের সীতাভোগ-মিহিদানা...তাই খেয়ো!...পশ্চিমেই রইলে দিদি...বাঙলা দেশের খাবার তো খেলে না! খেয়ো এই বর্ধমানের সীতাভোগ-মিহিদানা...খাশা জিনিষ! তোমার পশ্চিমের লোক কি মিষ্টি তৈয়েরী করতে জানে?...ছঃ...ছঃ...ছঃ জমিয়ে তাতে ঠেঁশে চিনি-গুড় মিশিয়ে খালি ঐ প্যাড়া আর প্যাড়া!...এই যে তোমার পিশিমা...স্বস্তুর-বাড়ী থেকে এসে আগে-আগে কেবল বলতো, কান্না পায় বাবা মিষ্টি মুখে দিতে বসে! তোমার পিশিমা মিষ্টিটা খুব ভালোবাসে কি না সন্দেশ, রসগোল্লা, লেডিগেনি...

তিনকড়ি গাঙ্গুলি আবার হাসিলেন...

সলজ্জ-হাস্তে উষাজ্জিনী বলিল—তুমি মুখ-হাত ধোও গে...না হ'লে কখন বর্ধমান এসে যাবে, তোমার আর সীতাভোগ-মিহিদানা কেনা হবে না!

তিনকড়ি গাঙ্গুলি বাথরুমে গেলেন।

উষাজ্জিনী বলিল—সত্যি সলিলা, এদেশের মিষ্টি খুব ভালো...

বীণা বলিল,—কিন্তু কাশীতেও সন্দেশ, রসগোল্লা, লেডিগেনি—এ-সব পাওয়া যায়, পিশিমা...

হাসিয়া উষাজ্জিনী বলিল—কেন পাওয়া যাবে না? বাবার ঐ রকম কথা! বাবা সন্দেশটা খুব ভালোবাসেন। ...আমি তখন এলাহাবাদে...বাবা গিয়ে ছ'দিন ছিলেন। ওখানকার বাঙালীর দোকান থেকে ফরমাশ দিয়ে তোমার পিশেমশায় বাবার জন্তে সন্দেশ তৈয়েরী করিয়ে আনালেন। একটুখানি মুখে দিয়ে বাবা আর খেলেন না। কত বললুম, বাবা বললেন—ছ্যাঃ, এদেশের সন্দেশ না কি আবার মানুষে খায়! তোমার পিশেমশায় বললেন—বাঙালীর দোকান...তারা কলকাতা থেকে ময়রা আনিবে ভিয়েন ফরাচ্ছে! বাবা বললেন—ময়রা এলে কি হবে? সে ময়রা বাঙলা দেশের গরুর দুধ এখানে পাবে কোথায়? সে ছানা? এখানকার জল-বাতাসে সে-ছানা তৈয়েরী হয় না...সে-পাকও এখানে হয় না...তার উপর আবহাওয়া লে' একটা বস্তু আছে তো!

কথা শেষ করিয়া উষাজ্জিনী হাসিতে লাগিল।

বীণার চমৎকার লাগিল। এ-মানুষটিকে ক'বণ্টাই

বা দেখিয়াছে! প্রথম যখন দেখে, তখন তার মনের মধ্যে চলিয়াছে বজ্র-বিদ্যুতের ঘনঘটা... লেলিহান অগ্নিশিখার যেমন মুহুমুহু শিহরণ, তেমনি প্রাণঘাতী গর্জন! তার পর ঐ শাস্ত স্বর, মিষ্টমধুর বাণী! সে-স্বরে কত স্নেহ-মমতা! তারপর বীণাকে নিঃসংশয়ে এতখানি বিশ্বাস! তার পর টেশন, ট্রেন...এবং দেখা হইল এই উষাজ্জিনীর সঙ্গে!... এই একটি রাত্রির পরিচয়ে তিনকড়ি গাঙ্গুলিকে এমন নির্ভরযোগ্য স্নেহশীল পরমাত্মীয় বলিয়া মনে হইয়াছে! ভাবিল, যদি তেমন হয়...তিনকড়ি গাঙ্গুলিকে সব কথা বুঝাইয়া বলিবে...তিনি হইবেন সহায়!

কিন্তু এ-কথা বার-বার কেন ভাবে? না, না, না... আর সে ভাবিবে না। সে বীণা নয়, বীণা নয়। বীণা মরিয়াছে। সে সলিলা...

উষাজ্জিনী বলিল—বাড়ীর কাছে যতই আসছি, মন তত বেশ আকুল হয়ে উঠছে! কেবলই মনে হচ্ছে, ট্রেনটা যদি আরো জোরে চলতো! তোমার কি মনে হচ্ছে, সলিলা?

উষাজ্জিনী বীণার পানে চাহিল...বীণার চোখে কেমন ছায়া! সে-ছায়ার স্পর্শে তার দৃষ্টি যেন ক্লাস্ত, আতুর!

উষাজ্জিনীর মনে হইল, ভয়? বীণার মনে ভয় হইবার কারণ আছে। যাদের কখনো জানে নাই...যাদের কখনো দেখে নাই...জানার মধ্যে যাদের সম্বন্ধে জানিয়াছে শুধু বিরোধ আর অপ্রীতি...সে-বিরোধের ফলে বাপ নির্বাসিত, মায়ের মর্যাদা লাঞ্চিত! আজ চিঠি পাইলে কি হইবে, যাকে লইয়া ও-বাড়ীর সঙ্গে তার সম্পর্ক, সেই সন্তোষদা... তাঁকে বিসর্জন দিয়া ও-রাজ্যকে বীণার কি আচ্ছ রাজ্য বলিয়া মনে হইবে?...

এ কথা মনে হইবামাত্র উষাজ্জিনী চুপ করিল... নিমেষের জন্ত। তার পর বলিল,—তোমার গা ছম্ছম্ করছে...না? যত আপন-জনই হোন, এ্যাঙ্গিন যাদের চেনো না, জানো না...বিশেষ সন্তোষদার কথা, বৌদি'র কথা বড় মনে জাগছে...না? শুয়ে আমি অনেকক্ষণ যুমোতে পারিনি! কেবলি ওই কথা ভেবেছি। মনে হচ্ছিল, আহা, আজ যদি সন্তোষদা থাকতো, বৌদি থাকতো, তোমার এ আসা কত সুখের হতো...কতখানি সার্থক হতো!

প্রত্যেকটি কথা তীরের মতো বীণার বুকে বিঁধিতেছিল।  
বুকের ভিতরটা রক্তে রক্তময়। বীণা কিছু বলিল না  
...তার চোখের কোণে একরাশ বাষ্প ঠেলিয়া আসিল।

উষাঙ্গিনী বলিল—সস্তোষদার কথা মনে পড়ছিল।  
কাকেও কোনো দিন ভয় করেনি। যা ভালো বলে' নিজে  
বুঝেছে, কারো কথায় তা ত্যাগ করেনি!...জ্যাঠামশায়ের  
সঙ্গে তর্ক হতো। 'দেখেছি তো!...একটা ব্যাপার আমার  
আজ্ঞা মনে আছে!...ই পিশিমা...পিশিমার কে গুরু ছিল  
...সেই গুরু এসে ও-বাড়ীতে ক'দিন ছিল। একদিন পাশের  
কোন দোকানে সস্তোষদা বুঝি গুরুকে দেখে, চপ-কাটলেট  
খাচ্ছে। দেখে গুরুকে বলে—এ কি গুরুজী! আমাদের  
ওখানে নিরমিষ ছাড়া কিছু ছুঁতে চান না—আর এখানে  
বসে' এই কার্য্য করছেন! গুরু ভয়ে এতটুকু! তার পর  
বাড়ীতে এসে গুরু বুঝি পিশিমাকে বলে, এখন চলে যাবো;  
তোমাদের কতাবাবুর ছেলে আমাকে যা-তা বলে' অপমান  
করেছে। পিশিমা হৈ-হৈ রব তুললে। সস্তোষদা তখন  
গুরুর হাঁড়ি দিলে হাতে ভেঙ্গে। পিশিমা বললে,—প্রণাম  
কর, পায়ের ধুলো নে, নিয়ে মাপ চা। সস্তোষদা বললে,  
কেন? কি দোষে? ক'খখনো না! উনি খেলেন চপ-  
কাটলেট...আর আমি চাইবো মাপ? না!...পিশিমা  
এক-দিন এক-রাত্রি কিছু মুখে দিল না। জ্যাঠামশায়  
বললেন, ওরে, শোন বাবা কথাটা! সস্তোষদা বললে,  
দোষ করতুম, উনি আমাকে ধরে' সাতশো ঘা জুতো  
মারলেও কথা কইতুম না। তা নয়...কিছুতে সস্তোষদাকে  
কেউ নোয়াতে পারেনি! এ তো ছোট কথা...তবে  
কাণ্ডটা চোখে দেখেছি কি না...

বীণার মুখে কথা নাই। ছ'চোখের বাষ্প-রাশি তখন  
কথার বাতাসে জলধারায় পুঞ্জিত হইয়া উঠিয়াছে!

উষাঙ্গিনী দেখিল, বীণার চোখে পুঞ্জিত অশ্রু...  
বলিল—কেঁদো না সলিলা...অদৃষ্ট...না হ'লে এমন হবে  
কেন, বলা? তবু জ্যাঠামশায়ের মন হয়েছে...  
তোমাকে ফিরিয়ে আনলেন...এতে আমাদের অনেক দুঃখ  
ঘুচলো তবু!

বীণা নিরুত্তর। চোখের সামনে বহির্বিষ ছায়ার মতো  
ছুটিয়া-ছুটিয়া সরিয়া চলিয়াছে...ও-বিশ্ব যেন নিজেকে সরাইয়া  
বীণাকে কলিকাতার কাছে, আরো-কাছে ঠেলিয়া দিতেছে!

উষাঙ্গিনী বলিল—তোমার কাছে সস্তোষদার আর  
বৌদির ছবি আছে সলিলা?

ছিল ছবি...সস্তোষ চারুলতা ও সলিলার ফটো...  
গুপ্ত-ছবি...সেখানা বীণা রাখিয়া আসিয়াছে; সঙ্গে আনে  
নাই! আর একখানা ছবি...সস্তোষের আর চারু-  
লতার। সে ছবি বীণা সঙ্গে আনিয়াছে। কি জানি,  
যদি কেহ প্রমাণ চাহিয়া বসে?

বাষ্প-জড়িত কণ্ঠে বীণা কহিল,—আছে।

উষাঙ্গিনী বলিল—এখন নয়, পরে দেখিয়ে। বৌদি'র  
ছবি আছে?

মুখে কথা ফুটিল না। মাথা নাড়িয়া বীণা জানাইল,  
আছে।

উষাঙ্গিনী বলিল—একবারটি দিয়ে..বাবাকে দিয়ে  
তার এনলার্ভমেন্ট করিয়ে আমি কাছে রাখবো। বৌদির  
কি নাম ছিল সলিলা? তোমার মার নাম?

কম্পিত-কণ্ঠে বীণা বলিল—চারুলতা দেবী।

ট্রেনের গতি ঈষৎ মত্তর...

উষাঙ্গিনী বলিল—নিজের বোনের মতো আমার দেখতো  
সস্তোষদা...তেমনি ভালো বাসতো।...কর্মচারীর মেয়ে  
ব'লে ভাবতো না!...কি-মাহুষ যে ছিল...

তিনকড়ি গাঙ্গুলি বাথরুম হইতে আসিলেন, আসিয়া  
খোলা জানলা দিয়া মুখ বাড়াইয়া বলিলেন—বর্দ্ধমান এসে  
গেল রে...এক-গাদা সিগনাল দেখা যাচ্ছে...

কামরার ঘুমন্ত যাত্রীরা জাগিয়া ধীরে ধীরে উঠিয়া  
বসিতেছিল।

৯

বর্দ্ধমান। তিনকড়ি গাঙ্গুলি ছাড়িলেন না। নামিয়া  
গিয়া আট-দশ টাকার সীতাভোগ-মিহিদানা কিনিয়া  
আনিলেন।

হাসিয়া উষাঙ্গিনী বলিল—ট্রেনে যেতে হ'লে বর্দ্ধমানের  
সীতাভোগ-মিহিদানা কিনতেই হয়, না বাবা?

তিনকড়ি গাঙ্গুলি বলিলেন,—এ-কথা বলি  
কেন রে?

উষাঙ্গিনী বলিল—এখনকার কথা জানি না। বিয়ের

মাগে যদিন তোমাদের কাছে ছিলুম, দেখেছি তো. ট্রেনে  
হ'রে বাইরে গেলে ফেরবার সময় তুমি সীতাভোগ-  
মিহিদানার ঝড়ি নিয়ে ফিরেছো...

উচ্চহাস্য করিয়া তিনকড়ি গাঙ্গুলি বলিলেন,—যা  
লেছি! জিনিষটার আমার মোহ আছে। শুধু আমি  
কন, বাঙালী-প্যাসেঞ্জারদের মধ্যে ক'জন না কিনে ছাড়ে  
লতো?...এই ট্রেনেই তার প্রমাণ পাবি...আমাদের এই  
গমরাতেই ঝাপ্...

তারপর তিনকড়ি গাঙ্গুলি বীণার পানে চাহিলেন,  
বলিলেন—এ-জিনিষ তুমি কখনো খেয়েছো দিদি?

বীণা বলিল,—না...

—খাও, খাও...বেশী নয়। একটা-একটা ক'রে!  
মুখে দিলে বুঝবে, বুড়ো ছোট দাছ কেন এত সাধ্য-সাধনা  
ফরছিল। খাও দিদি...লক্ষ্মীটি!

স্নেহের এ অমুরোধে 'না' বলা চলিল না। বীণাকে  
হাইতে হইল একটা সীতাভোগ, একটা মিহিদানা।

তিনকড়ি গাঙ্গুলি সাগ্রহ-দৃষ্টি মেলিয়া দেখিলেন—  
বলিলেন তোমাকে যা বলেছিলুম, কেমন, ভালো নয়?

বীণা বলিল,—ভালো।

তিনকড়ি গাঙ্গুলি বলিলেন—তবু আগেকার মতো  
মার হয় না। ফাঁকির কারবার শুরু হয়েছে দিদি!...  
মালের দস্তুর! গিয়ে তোমার দাছকে বরং জিজ্ঞাসা করো...  
নশা তাঁর আরো বেশী। হু'জনে একবার আসছিলুম  
খি গয়া থেকে, বর্ধমান পাশ করবার আগে থেকে কর্তা  
তার-বার আমাকে তাগিদ দিয়ে ব'ললেন, আমার কামরায়  
ধাকো...টাইমটেবল্ দেখে ঘড়িতে এ্যালার্ম দিয়ে  
ঠাখো...ট্রেন কখন বর্ধমানে পৌঁছুবে! থামলে, অন্ততঃ  
টিচ টাকার সীতাভোগ-মিহিদানা আমার চাই। বুঝলে  
দিদি, এই তো তোমার সঙ্গে চললো সীতাভোগ-মিহিদানার  
ঝড়ি...হয় তো তোমার চেয়ে এদের সেখানে বেশী আদর  
দখে তোমার হিংসা হবে!...বুঝলে?

এ-কথা, এ-হাসি বীণার কাণে শুধু স্পর্শ দিতেছিল;  
গাণ ছাড়িয়া মনে প্রবেশ করিল না। প্রবেশের  
থ নাই। হুশিস্তার বোঝা জমিয়া পথ বন্ধ করিয়া  
ধিয়াছে!

ট্রেন চলিয়াছে...হু'পাশে সূর্য্য-কিরণে উজ্জ্বল কত

পল্লী...কত মাঠ...কত পথ...দীঘি-পুকুর...লোকজনের কত  
স্নেহ-নীড়...

অবশেষে হাওড়া ষ্টেশন...

বীণা বসিয়া আছে নিস্পন্দের মতো...তিনকড়ি গাঙ্গুলি  
লগেজপত্র গুছাইতে ব্যস্ত...উষাঙ্গিনী বলিল—এবার নামতে  
হবে। ট্রেন থামবে!

যাত্রার শেষ হইয়া গেল?...

কোথা হইতে কে আসিয়া কাণের কাছে কেবলই বলিতে  
লাগিল—পিশিমা...পিশিমা...পিশিমা!

ট্রেন থামিল!

কুলি ডাকিয়া তার ঘাড়ে লগেজপত্র চাপাইয়া তিনকড়ি  
গাঙ্গুলি নামিলেন...সঙ্গে উষাঙ্গিনী ও বীণা।

প্ল্যাটফর্মে হু'পা অগ্রসর হইতেই লোকনাথের সঙ্গে দেখা।  
লোকনাথ বলিল,—কর্তা নিজে এসেছেন। ষ্টেশনের বাইরে  
মোটরে ব'সে আছেন...

তিনকড়ি গাঙ্গুলি বলিলেন,—একেই বলে' রক্তের  
টান!

বলিয়া তিনি ফিরিলেন বীণার পানে; বলিলেন—দাছ  
তোমাকে নিয়ে যেতে নিজেই এসেছেন দিদি...

সামনে লোকনাথকে দেখিয়া বীণা ভাবিল, ইনিই  
তবে? তার পা কেমন বাধিয়া গেল। চকিতে সে নিস্পন্দ,  
নিথর।

আশ-পাশ দিয়া যাত্রীর দল ভিড় করিয়া চলিয়াছে...  
যেন তরঙ্গ!

তিনকড়ি গাঙ্গুলি বলিলেন,—তিনি গাড়ীতে ব'সে  
আছেন। আর ইনি হ'লেন কর্তাবাবুর দূত। আমাদের  
লোকনাথদা'।

পাকা চুল, সাদা গৌফ...মনটি স্নেহে-ভরা...মুখে মিষ্ট  
হাসি...লোকনাথ বলিল,—দেখি দিদি...একবার দাঁড়াও  
তো...

লোকনাথ একাগ্র দৃষ্টিতে বীণার মুখের পানে চাহিয়া  
রহিল; তার পর বলিল,—সস্তোষের মুখের সঙ্গে মিল আছে  
তিনকড়ি...?

বীণা শিহরিয়া উঠিল...সন্দেহ করিয়াছে?

উষাঙ্গিনী বলিল,—আছে ছোট-জেরু...ঠাউরে দেখুন...

চোখ দু'টিতে যেন সস্তোষদা'র চোখ বসানো রয়েছে ! চোখ দু'টি দেখলেই সস্তোষদাকে মনে পড়ে...

লোকনাথ বলিল,—হবে ! আমাদের এ বাসাত্তুরে চোখ...আমাদের চেয়ে তোমরা স্পষ্ট দেখবে মা ! এসো দিদি...

যেন লোকারণ্য...পাশাপাশি ঘেঁষাঘেঁষি ঠাশাঠাশি... শুধু লোক আর লোক ! বীণা কাহাকেও চেনে না... কাহাকেও জানে না ! পৃথিবীতে এত লোক আছে... বীণা কখনো কল্পনা করে নাই। বিমূঢ়-দৃষ্টিতে দেখিয়া বীণা ভাবিতেছিল, এত লোক কোথায় ছিল ? কোথায় চলিয়াছে ? তার মতো এরাও...

লোকনাথ আর তিনকড়ি চলিয়াছে আগে-আগে ; পিছনে পাশাপাশি চলিয়াছে সে আর উষাজিনী। বীণার হাত উষাজিনী আঁটিয়া ধরিয়াছে...হঠাৎ বীণার খেয়াল হইল—এমন করিয়া তাকে ধরিয়াছে কেন ? বীণা পাছে পলায় ?

পলাইবার জন্ত প্রাণ তার অস্থির ! যেখানে যত ভয় ছিল, সব ভয় তার মনে আসিয়া জড়ো হইয়াছে ! বৃকের মধ্যে যা' হইতেছে...

বীণা চলিয়াছে...নিজের গতিবেগে নয়...চলিয়াছে উষাজিনীর টানে...

ঐ মোটর। মোটরে বসিয়া এক বৃদ্ধ ভদ্রলোক। এত বয়সেও চোখ মুখের দীপ্তি মলিন হয় নাই। ভদ্রলোক সাগ্রহ দৃষ্টিতে লোকারণ্যের পানে তাকাইয়া ছিলেন... তিনকড়িকে দেখিবামাত্র নামিয়া আসিলেন...ভিড় ঠেলিয়া...আবেগ-ভরে।

ডাকিলেন - তিনকড়ি...

তিনকড়ি বলিলেন—এই যে...আপনার হারামণি এনেছি...

—কৈ ? কৈ ?

উষাজিনী বলিল,—দাচ্...

চকিতের জন্য তারাচরণ রায়ের দৃষ্টির সহিত বীণার চোখের দৃষ্টি মিলিল...সে দৃষ্টি বীণা বার-বার দেখিল—সঙ্গে সঙ্গে মনের যত ভয়, যত সংশয় অদৃশ হইয়া গেল।

ভিড়ের মাঝখানেই ভূমিষ্ঠ হইয়া বীণা তারাচরণের পায়ে প্রণাম করিল...পায়ের ধূলা লইল।

উত্তেজনার ঘোরে সে পড়িয়া যাইতেছিল, তারাচরণ র সাবেগে বীণাকে তুলিয়া বৃকে চাপিয়া ধরিলেন...বীণা মাথায় মাথা রাখিলেন। বৃকে এতদিন যত বেদনা হাহাকার পুঞ্জিত ছিল, সে-সব বীণার বৃকের স্পর্শে যেন মুছিয়া ফেলিবেন !

তার পর দু'হাতে বীণাকে ধরিয়া বলিলেন— একব ভালো ক'রে দেখি দিদি...

তারাচরণের মুখের পানে বীণা চাহিয়া রহিল। বালিতে লাগিল, আমাকে আশ্রয় দাও গো—তোমার গভীর স্নেহে নিরাপদ আশ্রয় ! আমি নীচ...আমি হীন...আঁচোর ! জীবনের এ পারাবারে কোথাও কূলের রেখা দাঁট নাই ! নৈরাশ্রে হৃৎখে আমি বড় কাতর...এত-বড় পৃথিবীতে কোথাও আমার কেহ নাই যে স্নেহ করে ! তোমার স্নেহে ধারায়...ওগো তুমি...

বীণার দুই চোখ নিম্নীলিত হইয়া আসিল—দেহে মনে অবসাদ...

কিছুক্ষণ অপলক দৃষ্টিতে বীণার পানে চাহিয়া থাকিবার পর তারাচরণ রায় মস্ত একটা নিশ্বাস ফেলিলেন।

তার পর তিনকড়ির পানে চাহিয়া বলিলেন,—বাড়ী চলো। তোমরাও এসো...এসো মা উষা...

তিনকড়ি গাঙ্গুলি বলিলেন,—আমরা আলাদা গাড়ী করছি ; মোট-ঘাট আছে।

তারাচরণ বলিলেন,—না, না, না। লোকনাথ আছে—তাকে মোটঘাট বুঝিয়ে দাও...লোকনাথ ট্যান্ডিতে ক'রে মোটঘাট নিয়ে আসবে। তোমরা এসো আমার গাড়ীতে। আমরা একসঙ্গে যাবো...আমার দিদি, আমি, উষা আর তুমি...

তাহাই হইল। চার জনে গাড়ীতে উঠিয়া বসিলেন ! ড্রাইভার গাড়ী ছাড়িল।

তারাচরণ রায়ের মুখে কথা নাই...বীণা নীরব নিম্পন্দ। তার মনে হইতেছিল, সে যেন আর এক দেশে আর এক মৃত্তিতে নূতন জন্ম লইয়াছে!...সঙ্গে সঙ্গে মনের দ্বারে আবার আসিয়া দাঁড়াইল কীরোদামণী...মিণ্ট, পিণ্ট, সিণ্ট... তাদের পিছনে সেই মহাদেও...

গাড়ী আসিল হাওড়ার পুলের উপর...

তারাচরণ কহিলেন—উষা এখন কেমন আছিস মা ?

—ভালো আছি, জ্যাঠামশায়।

তারচরণ কহিলেন—এ-বয়সে তোরা আর শান্তিতে  
রাস করতে দিলিনে মা...এ কি কম যাতনা!

উষাঙ্গিনী বলিল—রোগের যাতনার চেয়ে ঐ যাতনা  
আমারো আরো বেশী মনে হয়। জ্যাঠামশাই! আমরা  
একটু ভালো থাকলে তোমরা কত ভালো থাকো! তবু...  
তারচরণ রায় বলিলেন—হু'জনে ভাব হয়েছে তো?...  
মানে সলিলার সঙ্গে?

উষাঙ্গিনী বলিল—হয়নি? খুব ভাব হয়েছে।  
চমৎকার মেয়ে সলিলা। সন্তোষদার গুণগুলি সব পেয়েছে  
। জানো জ্যাঠামশাই, কিছুতে সেকেণ্ড ক্লাশে  
এলো না। বললে, না একসঙ্গে যাবো...পিশিমার অস্থখ  
...পিশিমার কখন কি দরকার হবে না হবে!...গাড়ীতে  
আমার কত সেবা করেছে...যেন গিন্নী-বান্নী মা-ঠাকরুণ!  
সত্যি জ্যাঠামশাই!

উষাঙ্গিনীর মুখে উচ্ছ্বসিত বাক্যলহরী...তারচরণ  
সতৃষ্ণ নয়নে চাহিয়া আছেন বীণার পানে আর বীণা  
বসিয়া আছে কাঠের পুতুল!

উষাঙ্গিনী বলিল—একটি রাত্রে সলিলা আমায় এমন  
করেছে জ্যাঠামশায় যে আমার ইচ্ছে হচ্ছে, ওকে ছাড়বো  
না...ওর সঙ্গে তোমার ওখানে গিয়ে উঠি...ওর পাশে-  
পাশে থাকি!

তারচরণ কহিলেন--তাই চ'না...আমাদের ওখানেই  
থাকবি।

উষাঙ্গিনী কোনো জবাব দিল না।

তারচরণ বলিলেন—দোটানার পড়ে গেলি...না?  
ও-বাড়ীতে মা...এ-বাড়ীতে সলিলা...এঁা?...তা বেশ,  
বাড়ীতে গিয়ে মাকে দেখে-শুনে তারপর আসবি...কেমন?  
মা আসতে দেবে তো?

উষাঙ্গিনী বলিল—কেন দেবে না?

—তা'হ'লে?

উষাঙ্গিনী বলিল—আজ থাক জ্যাঠামশাই! তোমার  
নাংনি এলো...চেনো না, জানো না...আজ ওকে  
কাছে-কাছে রেখে ওর সঙ্গে ভাব করো...আমরা তো  
আছিই..

তারচরণ রায় বলিলেন—আসিস্ মা! তো'র সঙ্গে

যখন ভাব হয়েছে,...না'হ'লে ওর মন কেমন করবে তো!  
প্রথম-প্রথম...নতুন জায়গা...চারদিকে সব নতুন...

উষাঙ্গিনী বলিল—আসবো বৈ কি জ্যাঠামশাই, আমি  
রোজ আসবো।

—তাই আসিস মা...

তার পর সকলে চুপ...

তারচরণ রায় এ নীরবতা ভঙ্গ করিলেন, ডাকিলেন—  
তিনকড়ি...

তিনকড়ি গাঙ্গুলি বসিয়াছিলেন সামনের শীটে  
ড্রাইভারের পাশে...তারচরণ রায়ের আহ্বানে বলিলেন—  
ডাকচেন?

তারচরণ কহিলেন—হ্যাঁ। সেখানে তারা কোনো  
আপত্তি করেনি?

সংক্ষেপে সারিবার জন্ত তিনকড়ি গাঙ্গুলি বলিলেন—  
না.. আপত্তি করবে কেন?

তারচরণ রায় বলিলেন—আমার বড্ড ভয় হ'য়েছিল।  
ভেবেছিলুম, হয় তো বলবে, এ্যা'দিন দাজুর এ-মায়  
কোথায় ছিল? তাতে আর কিছু না হোক, সলিলা মনে  
ব্যথা পেতো।

তিনকড়ি গাঙ্গুলি বলিলেন,—খুব বুদ্ধিমতী মেয়ে  
...আর হবে না বা কেন? কি বাপের মেয়ে!...আমাকে  
কি যত্ন-আদর করলে, দাজুর কাছ থেকে গিয়েছি...দাজুর  
লোক!..ভগবানের দেওয়া মায়...ওর কি মার আছে?

তারচরণ রায় বলিলেন,—হু'...

তার পর আবার স্তব্ধতা...

তারচরণ রায় আবার কথা কহিলেন, বলিলেন—  
তোমাদের নামিয়ে দিয়ে যাবো? না, আগে আমরা  
নামবো?

উষাঙ্গিনী কহিল—আগে তোমরা নামো জ্যাঠা-  
মশায়। সলিলা কাল সারা-রাত গুমোরনি...ঠায় জেগে  
কাটিয়েছে!...তোমাদের দেখবে বলে কতখানি ব্যাকুল...  
ওতে কি ঘুম হয়! ও বড্ড ক্লান্ত হয়েছে...ছেলেমানুষ...

তারচরণ রায় বলিলেন,—বেশ...তাই হবে। আগে  
আমাদের নামিয়ে তার পর তোমরা বাড়ী য়ো...

আবার নীরবতা...  
 বাহিরে সারা সहर ইহারি মধ্যে কাজের নেশায় মত্ত  
 হইয়া উঠিয়াছে...  
 বীণা চাহিয়াছিল বাহিরের দিকে...এ যেন আর এক  
 পৃথিবী! এর কোনোখানটার সঙ্গে তার কোনো পরিচয়  
 নাই! ..এত ভিড়...এত লোক...এত গাড়ী-ঘোড়া...  
 উষাকিনী ডাকিল—সলিলা...  
 নিখাস ফেলিয়া বীণা উষাকিনীর পানে চাহিল।  
 উষাকিনী বলিল,—কেমন লাগছে কলকাতা?

মৃদু-কণ্ঠে বীণা কহিল—ভালো।  
 তারাচরণ রায় বলিলেন—আর এই বুড়ো দাছকে?  
 বীণা তারাচরণ রায়ের পানে চাহিল। মনে হইল, যে  
 স্বপ্ন! মুখে কথা ফুটিল না।  
 নিখাস ফেলিয়া তারাচরণ রায় বলিলেন—আমাকে  
 ভালো লাগছে না? না দিদি?  
 মাথা নাড়িয়া কম্পিত মৃদু-কণ্ঠে বীণা কহিল—ভালো  
 লাগছে দাছ।

[ ক্রমশঃ ।

শ্রীসৌরীন্দ্রমোহন মুখোপাধ্যায়

## অভিমানী

সেদিন নীরবে নিয়েছে বিদায়, কোন কথা নাহি বলে',  
 শুধু একবার নীরবে চাহিয়া নীরবে গিয়াছে চলে' !  
 তবুও তাহার চিঠি পাব বলে পিয়নের পথ চাহি,  
 বুকেতে লইয়া অভিমান-জ্বালা বেদনার গান গাহি !  
 ভাবি গেছে ভুলে ভুলের স্বপনে অতীত মিলন-গীতি,  
 থেকে-থেকে শুধু বুকে জলে' উঠে মধুর মিলন-স্মৃতি !

ফাগুন নিশায় ব্যথা বেদনায় তারি ছবি মনে জাগে,  
 নব রূপ ধরে' তারি মুখখানি নব নব অমুরাগে !  
 জীবনের মোর সব কাজ মাঝে আসিয়া চলিয়া যায় ;—  
 একা আমি বসে' অভিমান বুকে কাঁদি ব্যথা-বেদনায় !  
 তারে কত ছবি,—কত ভাবি সে ত হয় ত স্মৃতেতে আছে,  
 আমার প্রেমের মূল্য কিছুই নাহিক তাহার কাছে !  
 এমনি করিয়া দিন চলে যায় রাত্রি ফিরিয়া আসে,  
 স্বপনে তাহার সেই মুখখানি অভিমান-ভরে হাসে।

হঠাৎ সেদিন পিয়ন আসিয়া দিয়ে গেল চিঠিখানি,  
 কম্পিত-হাতে তুলিয়া লইয়া পড়িলু কয়টি বাণী—  
 “আজ কয়দিন রাণী গেছে ছেড়ে পৃথিবীর সব মায়া,”—  
 চোখের উপর বিশ্ব লাগিল ছায়া পুতলীর ছায়া।  
 আরো লিখিয়াছে—“আজ কটা দিন তোমার কথাটি বটে  
 মরণ-কণের প্রহর গণেছে ভাসিয়া নয়ন-জলে'।  
 কত অভিমান বুকে করে' করে' ভুল বুঝিয়াছি তা'রে,  
 সব ব্যথা আজি কাঁটা হ'য়ে বুকে ফুটে উঠে বারে বারে।

ওগো অভিমানী ! ভুল বুঝে গেছ মনটি দেখনি ভুলে,  
 সারাটি জীবন—জীবন কাঁদিছে তোমারি চরণ-মূলে।  
 আমার বুকের গোপন বারতা এবারও রহিল বুকে,  
 কত অভিমান কাঁদিয়া মরেছে ফোটেনি কখন মুখে !  
 তোমার বুকের সব অভিমান হেথায় গিয়াছ রেখে।  
 আমার বুকের অভিমান জ্বালা জীবনে গেলে না দেখে।

শ্রীশচীন্দ্রমোহন সরকার ( বি-এল )





## যুক্তির মূল্য

১৬

কাশেম রসুলানের জ্ঞান প্রবেশ-দ্বারের পরপারে অপেক্ষা করিতেছিল। সেদিন কেন যে এক জন বাদী রসুলানের সহিত আসিল, তাহা সে অনুমানও করিতে পারে নাই। গৃহে যাইয়া বাদীকে অর্থ দিয়া বিদায় করিয়া দিয়া গৃহদ্বার রুদ্ধ করিয়া রসুলান বলিল, “এই বার।”

কাশেম বলিল, “কি?”

রসুলান বলিল, “এই বার কেলা ফতে।”

“ব্যাপার কি?”

তখন রসুলান সে দিনের ঘটনা বিবৃত করিয়া বলিল, “রবিদিন নেজমার মহলে নবাবের আগমনের পূর্বেই সে নেজমার উদ্ধার সাধন করিবে। তাহার সাফল্যে দৃঢ় বিশ্বাস কাশেমকে বিশ্বিত করিল। কথায় বলে না ঠাচারাইলে (আহার্য যে খাওয়া যাইবে সে) বিশ্বাস নাই। সেই প্রাসাদ হইতে ছদ্মবেশে রসুলান নেজমাকে লইয়া আসিবে—কেহ জানিতে পারিবে না; তাহার পর তাহারাই রাজ্য ত্যাগ করিয়া যাইবে—কেহ বাধা দিতে পারিবে না—ইহাও কি সম্ভব হইবে? পদে পদে বিপদের যে সম্ভাবনা আছে, তাহা কি রসুলান ধারণাও করিতে পারে না?”

রসুলান বলিল, “আমার কাষ—আমি নেজমাকে আমার কাছে আনিয়া দিব। আমার কাষ সেই পর্যন্ত; তাহার পর—” রসুলান কটাক্ষে যেন বিছাৎ চমকাইয়া আসিয়া বলিল—“তাহার পর তুমি যদি স্পর্শমণি পাইয়া তাহা রক্ষা করিতে না পার, তবে সে তোমার ভাগ্য বা আমার দোষ।”

কাশেম সে কথায় চমকিয়া উঠিল। যে আশঙ্কা তাকে অধিকার করিয়াছিল, তাহার বন্ধন যেন দৃঢ়তর হইল।

তাহাকে চিন্তিত দেখিয়া রসুলান বলিল, “তোমরা যে জীলোককে ভীকু বল, সে কেবল তোমাদের দৌর্ভাগ্য গোপন করিবার জ্ঞান।”

কাশেম সে কথার যাথার্থ্য অনুভব করিল। রসুলান এই ব্যাপারে যে সাহস দেখাইয়াছে, তাহা তাহার কল্পনাভীতই বটে। সে-ই ভীত—রসুলানের ভয় নাই; সে-ই দ্বিধাবিচলিত—রসুলান দৃঢ়সঙ্কল্প। সে বলিল, “রসুলান, তোমাদের সম্বন্ধে কাফেরদিগের ধারণাই বোধ হয় সত্য।”

সহসা কাফেরদিগের ধারণার কথায় রসুলান বিস্মিত হইল; জিজ্ঞাসা করিল, “কেন?”

“হিন্দুরা নানারূপ দেবীমূর্তি পূজা করে—দেবীর আসন বা বাহন সিংহ, দেবীর হস্তে অস্ত্র, দেবীর স্তংহারমূর্তি।”

শুনিয়া রসুলান বিস্মিত হইল। সে কখন কোন হিন্দু দেবীপ্রতিমা দেখে নাই। সে বলিল, “কিন্তু তুমিই ত বলিয়াছিলে, হিন্দুনারীরা স্বামীর চিতায় পুড়িয়া মরিত!”

কাশেম বলিল, “তোমরা সবই পার। এই দেখ—তুমিই কি করিতেছ। আমার জ্ঞান তুমি কি বিপদের সম্মুখীন হইতেছ। আমার ভয় হইতেছে—তোমার ভয় নাই।”

স্বামীর কথায় রসুলানের মনে হইল, তাহার সব চেষ্টা সার্থক হইয়াছে। সে চেষ্টা যে সফল হইবে, সে বিষয়ে তাহার আর সন্দেহ রহিল না। সে স্বামীকে বলিল, “আমি নেজমাকে আনিয়া দিব। তাহার পর কি করিতে হইবে, তাহা তোমাকে স্থির করিতে হইবে।”

কাশেম এই বিষয়ে আপনাকে সম্পূর্ণভাবে রসুলানের পরামর্শাধীন করিয়াছিল। সে জিজ্ঞাসা করিল, “তুমি কি করিতে বল?”

“সে কথা আমার নহে।”

কাশেম ভাবিতে লাগিল।

রসুলান বলিল, “প্রাসাদের লোক জানিতে পারিবার পূর্বেই আমাদিগকে এ রাজ্যের সীমা অতিক্রম করিয়া যাইতে হইবে।”

রাজ্যের সীমা অতিক্রম করিলেও যে বিপদের সম্ভাবনা থাকিতে পারে, তাহা কাশেম জানিত—কারণ, বোম্বাই সহরে বাওলা নামক ধনী ব্যবসায়ীর হত্যার কথা দিল্লীতে বিশেষ ভাবেই আলোচিত হইয়াছিল। বিশেষ করখানি সাম্প্রদায়িকতা-প্রচারক সংবাদপত্র নর্সকী মমতাজ ও বাওলা উভয়েই মুসলমান বলিয়া বাওলার হত্যা যে হিন্দু সামন্ত রাজার জন্ত সজ্জাটিত হইয়াছিল—সন্দেহ করা হয়, তাহাকে উগ্রভাবেই গালি দিয়াছিল। কিন্তু পাশা যখন হস্তচ্যুত হইয়াছে, তখন আর ভাবিয়া ফল নাই—“দান” যাহা পড়িবে—তিনটিই হউক, আর ছ’তিন-নয়ই হউক, আর কচে বারই হউক—তাহাই গ্রহণ করিতে হইবে। সে পলায়নের পস্থা নির্ণয়ে মনোনিবেশ করিল।

শেষে স্থির হইল, রাজ্যসীমার বাহিরে যে রেলস্টেশন আছে, তথা হইতে ভাড়াটিয়া মোটর যান আনা হইবে এবং নেজমা যদি আইসে, তবে সেই মোটরে তিন জন পলাইয়া সেই স্টেশনের পরবর্তী স্টেশনে যাইয়া ট্রেনে উঠিবে। কিন্তু কোথায় যাইবে? কাশেম বলিল, দিল্লীতে যাওয়া নিরাপদ হইবে না। বাঘ শিকার করিয়া যে জীবের শব পরে—আহারের জন্ত রাখিয়া দেয়, তাহার গুহা হইতে কেহ তাহা লইয়া যাইলে সে যেমন ক্রোধে ক্ষিপ্তপ্রায় হইয়া তাহার সন্ধান করে, নবাব দিল্লীতে যে তেমনই ভাবে নেজমার ও তাহাদিগের সন্ধান করিবেন—সে বিষয়ে সন্দেহের অবকাশ থাকিতে পারে না। সুতরাং দিল্লী তাহাদিগের পক্ষে নিরাপদ না হইয়া বিপদের কেন্দ্রই হইবে।

রসুলান বলিল, “তবে কোথায় যাইবে?”

কাশেম বলিল, “আপাততঃ নিরুদ্দেশ যাত্রা। যে কাষের যে ফল, তাহাই ফলিবে। আপাততঃ প্রদেশের বাহিরে কোথাও যাইতে হইবে, তাহার পর অবস্থা বুঝিয়া ব্যবস্থা।

এই বার রসুলান একটু আশঙ্কানুভব করিল। তাহা লক্ষ্য করিয়া কাশেম বলিল, “তোমার সাহসই আমাকে ভীতি হইতে রক্ষা করিয়াছে—এখন কি তুমি ভয় পাইলে?”

রসুলান বলিল, “না।”—কিন্তু তাহার সেই অস্বীকৃতি প্রকাশের ভাবেই তাহার ভাবান্তর বুঝা গেল।

কাশেম বলিল, “তবে চল, আমি যাহা বলিয়াছি, তাহাই করা যাউক। নেজমা বেগম-মহল আলো করিয়া থাকুক, আমি আমার কুটারের আলো লইয়া নিরাপদ স্থানে ফিরিয়া যাই।”

“না, তাহা হইবে না। সাফল্যের রুদ্ধ দ্বার মুক্ত করিয়া কে কবে পলাইয়া যায়?”

কাশেম বলিল, পরদিন সে যখন ট্যাক্সী ভাড়া করিতে রেল-স্টেশনে যাইবে, তখন স্টেশনে জিজ্ঞাসা করিয়া বুঝিয়া আসিবে—আপাততঃ তাহারা কোথায় যাইবে। রসুলানের নিকট কত টাকা ছিল, তাহাও কাশেম জানিয়া লইল।

সমস্ত রাত্রি কাশেমের নয়নে নিদ্রার স্পর্শ অনুভূত হইল না। সে ভাবিতে লাগিল, এ যেন একান্ত অনির্দিষ্ট লক্ষ্য লইয়া সে তরঙ্গচঞ্চল সমুদ্রে তরী ভাসাইতেছে। সে কেবলই ভাবিতে লাগিল—কুকর্ণে সে নেজমাকে প্রতিশ্রুতি প্রদান করিয়াছিল, আর তদপেক্ষাও কুকর্ণে সেই প্রতিশ্রুতি পালন করিবার সঙ্কল্প করিয়াছিল। এখন কি সত্য সত্যই ফিরিয়া যাইবার পথ রুদ্ধ? নেজমার উদ্ধার-সাধন যদি হয়, তবে—তাহার পর? তাহাতে তাহার যেমন কেবল দায়িত্বভার বদ্ধিত হইবে, তেমনই নেজমার হয়ত কেবল অনিষ্ট করাই হইবে। নবাবের অন্তঃপুরে স্থানলাভ অনেক নারী সৌভাগ্য বলিয়া বিবেচনা করে—ইরানী-পল্লীতে অনেকেই নেজমাকে সৌভাগ্যবতী বলিয়াছে। হয়ত তথায় সে নবাবের চিত্তহরণ করিতে পারিবে। কিন্তু তথা হইতে পলাইয়া আসিয়া তাহার অনিশ্চিত অদৃষ্ট কর্তৃক সে কোথায় নীতা হইবে? এ সব কথা কি রসুলান বুঝিবে না?

রসুলান গাঢ় নিদ্রায় অভিভূতা ছিল—সাফল্যের সম্ভাবনার আনন্দলাভ করিয়া সে ঘুমাইয়াছিল।

রাত্রি শেষ হইবার পূর্বেই কাশেম জীকে জাগাইল। জাগিয়াই রসুলান বলিল, “তুমি কি এখনই স্টেশনে যাইবে?”

কাশেম হান্ত সঘরণ করিতে পারিল না। সে রসুলানকে তাহার চিন্তার কথা বলিল।

রসুলান কিন্তু কোন কথাই “কাণে তুলিল” না। সে

বলিল, “যদি শেষ মুহূর্ত্তে এমন করিবে, তবে দিল্লী হইতে আসিলে কেন—এত কষ্টই বা সহ করিলে কেন?”

কষ্ট কে সহ করিয়াছে, তাহা কাশেম বিশেষরূপই জানিত—সব কষ্টই রসুলান সহ করিয়াছে। কাষেই এখন যদি রসুলান ফিরিয়া যাইতে অসম্মত হয়, তবে তাহা অসম্মত মনে করা যায় না। তাহার জন্মই রসুলান বিপদ গ্রাহ্য করে নাই। অগত্যা কাশেম বলিল, “ভাল—তুমি যাহা বলিবে, তাহাই হইবে।”

রসুলান বলিল, “তুমি সকালেই যাইয়া গাড়ী ঠিক করিয়া আইস। গাড়ী যেন অপরাহ্নেই আসিয়া অপেক্ষা করে। গাড়ী আসিলে, দেখিয়া আমি প্রাসাদে যাইব।”

“আজ কি অপরাহ্নে বেগম-মহলে যাইবে?”

রসুলান হাসিয়া বলিল, “সন্ধ্যার অন্ধকার সহায় না হইলে কি ‘বেগম-মহলের’ আলো চুরী করিয়া আনা যায়?”

দোকান-ঘরের দ্বার মুক্ত করিয়াই কাশেম দেখিল, সম্মুখের গৃহের যে যুবকের সহিত সে এক দিন রুঢ় ব্যবহার করিয়াছিল, সে অল্প দিনেরই মত দ্বারের পার্শ্বে মোড়ায় বসিয়া একখানি সংবাদপত্র পাঠ করিতেছে। কাশেম পথ পার হইয়া তাহার সম্মুখে যাইতেই সে উঠিয়া দাঁড়াইয়া জিজ্ঞাসা করিল, “আমার কাছে কি কোন কাষ আছে?”

কাশেম বলিল, “এখানে কি একখানা বাইসাইকল ভাড়া পাওয়া যাইতে পারে?”

“তাহা ত বলিতে পারি না। তবে—বাইসাইকলের দাম যাহা হইয়াছে, তাহাতে ভাড়া লওয়া অপেক্ষা কিনাই ভাল।”

“আমার এক ঘণ্টার জন্য এক বার প্রয়োজন।”

যুবক হাসিয়া বলিল, “এ-ই কথা। কখন প্রয়োজন?”

“এখন।”

“যদি আপনার আপত্তি না থাকে, আমার গাড়ীখানি লইলে আমি বাধিত হইব।”

“ধন্যবাদ।”

যুবক যাইয়া গাড়ী আনিয়া দিল।

সেই বাইসাইকলে কাশেম তখনই রাজ্যের সীমার বাহিরে রেল-ষ্টেশনে গেল।

রসুলান উৎকণ্ঠিত হইয়া স্বামীর প্রত্যাবর্তন প্রতীক্ষা

করিতেছিল। তাহাকে ফিরিতে দেখিয়া নিম্নতলে যাইয়া অর্গলবন্ধ দ্বার রুদ্ধ করিয়া দিল।

কাশেম আসিলেই সে দ্বাররুদ্ধ করিয়া জিজ্ঞাসা করিল, “কি হইল?”

রুমালে কপালের ঘর্ম মুছিতে মুছিতে কাশেম বলিল, “তোমার কাষ, না হইলে কি চলে?”

রসুলান বলিল, “কাষটা কাহার তাহা তুমি ভালরূপই জান। তবে তোমার কাষ আমি আমার বলিয়াই মনে করি।”

স্ত্রীকে আদর করিয়া কাশেম বলিল, “সে কথা কি আবার আমাকে বলিয়া দিতে হইবে?”

তাহার পর সমস্ত দিন উভয়ে পরামর্শ হইল। রসুলানের মনে আশা ও আগ্রহ; কাশেমের মনে আশঙ্কা ও উৎকণ্ঠা।

রসুলান যথারীতি গৃহকার্য্য সম্পন্ন করিয়া বস্ত্রাদি গুছাইতে আরম্ভ করিল। তাহার ইচ্ছা, যেন একটুও বিলম্ব না হয়। বিলম্বে যে বিপদের সম্ভাবনা, তাহা কুশ্রেমণ্ডে বুঝিয়াছিল—রসুলানের অপেক্ষাও অধিক বুঝিয়াছিল।

আহারাদির পরই রসুলান সব কাষ শেষ করিয়া লইল—একটা পাত্রে সামান্য কিছু আত্মরক্ষাও লইল; ফিরিয়া আসিবার পর আর আহার করিবার সময় হইবে না।

ক্রমে অপরাহ্ন হইল। কাশেম বার বার গবাক্কের নিকটে যাইয়া ট্যাক্সী আসিল কি না, লক্ষ্য করিতে লাগিল। বার বার যাইয়া ফিরিয়া আসিবার পর যে বার সে দেখিতে গেল, সেই বার দেখিল, ট্যাক্সী আসিয়াছে। তাহার সহিত চালকের ব্যবস্থা ছিল, চালক একটু হরিদ্রা-বর্ণের পাগড়ী পরিধান করিয়া আসিবে। চালক জানিত, সামন্ত রাজ্যে অনেক বিশ্বাস্যকর ঘটনা ঘটে—সেই জন্য সে তাহার কাষের জন্য অতিরিক্ত পারিশ্রমিকও স্থির করিয়া লইয়াছিল এবং কথা ছিল, গাড়ীতে উঠিয়াই সব টাকা দিতে হইবে।

গাড়ী আসিয়াছে শুনিয়া রসুলান নিশ্চিন্ত হইল।

সে তাহার হাত-বাক্সটিতে গোটা কয়েক সামান্য পণ্য তুলিয়া লইল এবং সন্ধ্যার অন্ধকরণ পূর্বে কাশেমকে যাইবার জন্য প্রস্তুত হইতে বলিল।

কাশেমের মনে তখন আশা অপেক্ষা আশঙ্কাই প্রবল হইয়াছে। তাহার মনে হইল, সে রসুলানকে বলে—

“ট্যান্সী আসিয়াছে—চল, আমরা ছুই জন চলিয়া যাই।” কিন্তু রসুলানের আগ্রহ দেখিয়া এবং রসুলান যে কখনই নিরস্ত হইবে না তাহা বুঝিয়া, সে আর কোন কথা বলিল না।

কিন্তু সে রসুলানের সঙ্গে সঙ্গে যেন কলে চালিত হইয়া পথ অতিক্রম করিতে লাগিল। সে প্রাসাদের যত নিকটে আসিতে লাগিল, তাহার মন ততই অধিক শঙ্কাকুল হইতে লাগিল। তাহার মনে হইতে লাগিল, সে তাহার বন্ধের স্পন্দন-শব্দ শুনিতে পাইতেছে।

পথ শেষ হইল। উভয়ে বেগম-মহলের প্রবেশ-দ্বারের সম্মুখে আসিল।

সন্ধ্যার অন্ধকার তখন চারিদিকে ব্যাপ্ত হইয়া পড়িতেছে। বেগম-মহলের নিয়ম সন্ধ্যার পর বিশেষ অসুস্থি ব্যতীত বাহিরের কোন লোককে প্রবেশ করিতে দেওয়া হয় না। সেই জন্ত প্রহরীরা দ্বার মুক্ত করিল না—রসুলান ছাড় দেখাইলেও বলিল, “তুমিই ত তোমার ছাড়—বেগম-মহল ত তোমার ঘর হইয়াছে—তোমার ভাগ্য ভাল, প্রতিদিনই তোমার জিনিষ বিক্রয় হয়। কিন্তু—”

রসুলান বলিল, “কিন্তু কি?”

“দিনের আলো নিভিলেই ডবল ছাড় প্রয়োজন হয়—তাহাই নিয়ম।”

“আমি বেগম-সাহেবার আদেশে তাঁহার কাছে আসিয়াছি—আমার জন্ত নহে। আমার কাছে তাঁহার আদেশই নিয়ম। যদি যাইতে না দাও, আর আমার সন্ধানে তিনি লোক পাঠান, তবে তাঁহাকে বলিয়া দিব—যাইতে দেও নাই।”

সে কপট কোপ প্রকাশ করিয়া কাশেমকে বলিল, “আমরা কিরিয়াই যাইব।”

রসুলান জানিত, বেগম-মহলে বেগম-সাহেবার নামে সকলেই ভয় পায়। তাহার কথা শুনিয়াই প্রহরীর ভাবান্তর লক্ষিত হইল। সে বলিল, “অত রাগ কর কেন?”

তাহার পর প্রহরী রুদ্ধ দ্বারের অপর দিকে প্রহরীকে জিজ্ঞাসা করিল, “কি করিব?”

প্রহরী একটু চিন্তা করিয়া উত্তর দিল। বেগম-মহলে সকলেই জানিত, এই পণ্যবিক্রয়কারিণী খাস বেগম-সাহেবার

অনুগ্রহ অর্জন করিয়াছে। যে স্থানে ভাল কেহ করিতে পারুক আর না-ই পারুক, মন্দ সকলেই করিতে পারে, সে স্থানে সকলকেই ভয় করিয়া চলিতে হয়। প্রহরী বলিৎ বিক্রয়কারিণী প্রতিদিনই আসিয়া থাকে; সে নিশ্চয় বেগম-সাহেবার আদেশে যাইতেছে—দ্বার মুক্ত কর হউক।

সন্ধ্যাগমের সঙ্গে সঙ্গে দ্বারে তালা বন্ধ করা হইয়াছিল বাহিরে প্রহরী ও ভিতরে প্রহরী চাবী খুলিল। তাহা পর দ্বার অনর্গল হইল। তখন বেগম-মহলের মধ্যে বাহিরে বৈজ্যতিক আলো জলিতেছে।

রসুলান বেগম-মহলের মধ্যে যাইলেই প্রধান প্রহরী জিজ্ঞাসা করিল, “আজ অসময়ে কেন?”

রসুলান বলিল, “বেগম-মহলের ব্যাপারে কখন সম আর কখন অসময় বুঝা যায়। আজ নবাব কোন নৃত বেগমের মহলে যাইবেন। প্রসাধিকাকে নূতন বেগম বলিয়াছেন, দিল্লীর সুরমায় তিনি নয়ন-পল্লব রঞ্জিত করিতে চাহেন। বেগম-সাহেবা সেই জন্ত এই গরিবকে আদে করিয়াছেন—দিল্লীর সুরমা আনিয়া দিতে হইবে।”

“তাহাতে আর দুঃখ কি? বুঝিয়া মূল্য লইও।”

“পরিশ্রমের মত মূল্য দরিদ্ররা কি কখন পায় এই ত আমার প্রভুকে দিল্লীতে যাইতে হইয়াছিল তিনি আসিয়াছেন—আর আমি আদেশ পালন করিতে আসিয়াছি। এত শ্রমের ও ব্যয়ের পরিবর্তে কি পাই তাহা বেগম-সাহেবাই বলিতে পারেন।”

“দেখ, সে তাঁহার মজি, আর তোমার ভাগ্য।”

“গরিবের ভাগ্য সর্বদাই হুর্ভাগ্য—মাতা নহে-বিমাতা।”

রসুলান মহলের দিকে চলিয়া গেল।

১৭

বেগম-মহলে প্রবেশ করিয়া রসুলান ষথারীতি পরিদর্শক নিকটে গমন করিল। পরিদর্শিকা অসময়ে তাহাকে দেখিয়া তাহার আগমন-কারণ জিজ্ঞাসা করিলে সে বলিল “বাদী আপনাকে বলে নাই যে, আজ নবাব সাহেব নেজ বেগমের মহলে যাইবেন?”

শুনিয়া পরিদর্শিকা হাসিল—বলিল, “সে সংবাদও কি

তুমি আমাকে দিবে? কিন্তু নবাব সাহেব সেই মহলে আসিবেন—তাহাতে তোমার কি? তুমি কি—?”

কথা শেষ হইবার পূর্বে রসুলান বলিল, “কাল আমি যখন আসিয়াছিলাম, সেই সময় আমাকে দিল্লীর সুরমা আনিতে আদেশ করা হইয়াছিল। কালই দিল্লীতে লোক পাঠাইয়া উহা আনাইয়া আমার প্রভু পাঠাইয়া দিয়াছেন।”

“বেগম-সাহেবার ফরমায়েশ?”

“হাঁ—তবে নেজমা-বেগমের জন্ত।”

“নেজমা বেগমের সৌভাগ্য।”

সন্ধ্যা হইলে বেগম-মহলের প্রবেশ-দ্বার রুদ্ধ হয়—তখন আর বাদী ব্যতীত প্রায় কেহ মহলে থাকে না; সেই জন্ত দিনের সতর্কতায় শৈথিল্য লক্ষিত হয়। পরিদর্শিকার নিকট দিবাভাগে সর্বদাই একজন বাদী থাকে—কখন কি প্রয়োজন হয়। এখন কেহ তথায় ছিল না। একবার “বাদী” বলিয়া ডাকিয়া কাহাকেও না পাইয়া পরিদর্শিকা রসুলানকে বলিল, “তুমি ত পথ জান—বেগম-সাহেবার মহলে যাও।”

রসুলান যাহা চাহিতেছিল, তাহাই পাইল। সে বেগম-সাহেবার মহলে যাইয়া তথা হইতে নেজমা-বেগমের মহলে গেল।

মহলের সে অংশে আজ যেন উৎসবের সজ্জা। বারান্দার চীনা মাটির টবে—প্রস্তুত-কুমুম নানা ফুলগাছ, বারান্দার মধ্যস্থলে একটি ফোয়ারা—গোলাবজল পাঁচটি ধারায় উঠিয়া আধারে পড়িতেছে,—সুগন্ধ ছড়াইতেছে, বারান্দার হর্ষাতল রক্তবর্ণ কোমল গালিচার মণ্ডিত—তাহার আভা উজ্জ্বল বৈজ্যতিক আলোকে প্রাচীরে প্রতিকলিত হইয়াছে, ক্ষুদ্র মর্শ্বরের টেবলের উপর উজ্জ্বল ধাতুপাত্রে গুণ্ণুল পুড়িতেছে,—রসুলান তথায় উপনীত হইয়া বাদীকে বলিল, “বেগম-সাহেবা যে সুরমা আনিতে হুকুম করিয়াছিলেন—তাহা আনিয়াছি, নেজমা বেগমকে দিতে হইবে।”

বাদী বলিল, “এত দেবী?”

“কি করিব বল, দিল্লীতে লোক পাঠাইয়া আনাইতে ইয়াছে।”

“কিন্তু প্রসাধিকা ত বেগমকে সাজাইয়া চলিয়া গিয়াছে।”

“তুমি সংবাদ দাও—সুরমা আমিও পরাইতে পারি।”

“এখন বেগম বিশ্রাম করিতেছেন”—বলিয়া বাদী অনিচ্ছায় পর্দার বাহির হইতে ভিতরে যাইবার অসুমতি চাহিল।

নেজমা জিজ্ঞাসা করিল, “কি চাহ?”

“দিল্লীর সেই বেচনেওয়ালী সুরমা লইয়া আসিয়াছে।”

“আসিতে দাও।”—সে কি রসুলানের আগমন প্রতীক্ষা করিতেছিল?

বাস্তবিক নেজমার বিশ্রামের প্রয়োজন হইয়াছিল—কেন না, সে একান্ত শান্ত হইয়া পড়িয়াছিল। মহলে তাহার অধিকৃত অংশে নবাব সাহেব আসিবেন, বেগম-সাহেবার এই নির্দেশদানের পর হইতে তাহাকে আর বিশ্রাম দেওয়া হয় নাই। উপদেশে ও প্রসাধনে—আয়োজনে ও সজ্জাপরিবর্তনে সে এতটুকু অবকাশ লাভ করিতে পারে নাই। নবাব স্বামী নহেন—প্রভু ও নবাব। সেকালে রজালয়ে অস্তিনর-কালে রাজা যেমন কখন রাজবেশ ত্যাগ করিয়া দেখা দিতেন না, নবাব তেমনই তাহার বেগমদিগের নিকটেও নবাব ব্যতীত কখন আর কিছু নহেন। দেবতাও তাহার তুলনায় সহজলভ্য; কারণ, সাধনার পর তাহাকে—

“যে চিনিতে পারে জিনিতে পারে

কিনিতে পারে বিনামূলে।”

সেই খসের গন্ধে সুরভিত কিংখাবের আবরণাবৃত গৃহসজ্জায় সুসজ্জিত কক্ষে—বিলাস-মন্দিরে প্রবেশ করিয়া রসুলান চমকিয়া উঠিল। প্রসাধিকা নেজমার প্রসাধন শেষ করিয়া গিয়াছিল—একখানি পুরু গদীওয়ালী চেয়ারে অঙ্গ এলাইয়া দিয়া নেজমা বিশ্রাম করিতেছিল—সে বিশ্রাম দেহের, মনের নহে। কারণ, তাহার মন চিন্তায় ও আতঙ্কে চঞ্চল হইয়াছিল। ঘরের আলোক নির্বাপিত ছিল—কেবল পার্শ্বে বেশ-পরিবর্তন কক্ষের মুক্ত দ্বারপথে একটি সবুজ বাতির মৃহ আলোক কক্ষে ক্ষীণ আলোক বিস্তার করিতেছিল। পর্দা সরাইয়া রসুলান যখন কক্ষে প্রবেশ করিল, তখন বাদী বাহির হইতে বোতাম টিপিয়া দিলে ঘরের বৈজ্যতিক বর্ষিকার ঝাড়ে সব বর্ষিকার আলোক

জলিয়া উঠিল। রসুলানের মনে হইল, কে যেন শত শত উজ্জল আলোকফুলিঙ্গ কক্ষে প্রক্ষিপ্ত করিল। নেজমার অঙ্গের অলঙ্কারের হীরকগুলি হইতে সেই সব আলোকফুলিঙ্গ বাহির হইল। কি ঐশ্বর্য! ইহা তাহার মত লোকের কল্পনাভীত।

তাহার পর রসুলান প্রশংসমান দৃষ্টিতে কক্ষের চারিদিকে চাহিয়া দেখিল। কিন্তু তাহার দৃষ্টি যখন সেই ঐশ্বর্যের কেন্দ্রে অবস্থিত ঐশ্বর্যের অধিকারিণীর উপর পতিত হইল, তখন সে যেমন মনে করিল—সে ঐশ্বর্য সেই রূপবতীর উপযুক্ত বটে, তেমনই সবিস্ময়ে লক্ষ্য করিল— তাহার মুখে মৃত্যুর পাণ্ডুলেপ, তাহার দৃষ্টিতে আতঙ্ক— শিকারী চিত্তাব্য যখন হরিণীকে ধরিবার মত নিকটস্থ হয়, তখন বৃক্কি হরিণীর চক্ষুতে এমনই আতঙ্ক-বিকাশ দেখা যায়।

গত রাত্রিতে সে গোপনে রসুলানের প্রদত্ত দ্রব্য পরীক্ষা করিয়াছে—বাদীর বসন। কিন্তু সে রসুলানের অর্থাৎ কাশেমের উহা প্রদানের কারণ, অনেক চিন্তা করিয়াও, বুঝিতে পারে নাই। সে ঐ বেশে বেগম-মহল হইতে পলায়ন করিবে, ইহাই কি সঙ্কেত? যদি তাহাই হয়, তবে সেই বিপদবহুল পথে সে কোথায় যাইবে? দীর্ঘকাল যে পক্ষী পিঞ্জরে বদ্ধ থাকে, সে যদি ঘটনাক্রমে এক দিন পিঞ্জর-দ্বার মুক্ত দেখিয়া বাহির হয়, তবে তাহাতেই সে মুক্তি লাভ করে না। উড়িবার অনুশীলনভাবে তাহার গতি মন্থর হয়, আর অপরিচিত অবস্থায় তাহার অল্প পক্ষীর শিকার হইবার সম্ভাবনা অত্যন্ত অধিক হয়। সে কি করিবে? সত্য বটে, রসুলান সন্ধ্যায় প্রস্তুত থাকিবার কথা বলিয়া গিয়াছে, কিন্তু তাহাতে নেজমা নির্ভর করিতে পারে নাই—সন্ধ্যাও অতীত হইয়া গিয়াছিল। নেজমা রসুলানের দিকে চাহিল।

রসুলান জিজ্ঞাসা করিল, “প্রস্তুত?”

নেজমা বলিল, “হাঁ।”

“বাদীর পোষাক কোথায়?”

নেজমা উঠিল—পার্শ্বের কক্ষে যাইয়া যে স্থানে তাহা লুকাইয়া রাখিয়াছিল, সেই স্থান হইতে সেটি বাহির করিল। রসুলান বলিল, “বেগমের বেশ ত্যাগ করিতে যদি অনিচ্ছা না হয়, তবে তাহা ত্যাগ করিয়া বাদীর বেশে ঐ রূপ আবৃত কর।”

রসুলান নেজমাকে সেই কক্ষে রাখিয়া আপনি সম্মুখের কক্ষে আসিল—যদি বাদী কোন সংবাদ দেয়।

অল্পক্ষণ পরে নেজমা বাদীর বেশে—সেই বোরকার অঙ্গ আবৃত করিয়া আসিয়া রসুলানের সম্মুখে দাঁড়াইল।

রসুলান বলিল, “এই বার একটা জিনিষ আনিবার ছল করিয়া বাদীকে সরাইয়া দিতে হইবে।”

এই সময় মহলে একটা ঘণ্টা বাজিয়া উঠিল। মহলে বাদী বদলের তাহাই সঙ্কেত।

নেজমা বলিল, “বাদী এখনই চলিয়া যাইবে।”

বলিতে বলিতে বাহির হইতে বাদী যাইবার অনুমতি চাহিল।

নেজমা বলিল, “যাও।”

রসুলান নেজমাকে বলিল, সে কথায় কথায় বাদীদিগের নিকট জানিয়া লইয়াছিল, বাদী বদলের সময় সকল বাদীকে বড় বাদীর ঘরে উপনীত হইতে হয়—যে দল কাষ করিতেছিল, তাহারা ছুটি পায়—আর এক দল তখন কাষ প্রেরিত হয়। বেগম-মহলের কাষ—তাড়াতাড়ি হয় না; এই সময় কিছুক্ষণ অনেক মহলাংশে বাদী থাকে না। সে নেজমাকে বলিল, “ভগবান আমাদের সহায়। চল। তুমি দ্রুত যাইও, যেন বাদীর বড় বাদীর ঘরে যাইতে বিলম্ব হইয়াছে—সে সেই জন্ত দ্রুত যাইতেছে।”

নেজমা এই ব্যাপারে সর্বোতোভাবে রসুলানের উপর নির্ভর করিয়া কাষ করিতেছিল; সব বিপদের সম্মুখীন হইতে প্রস্তুত হইয়াছিল। সে জানিত, রসুলান উপলক্ষ-মাত্র—সে কাশেমের বুদ্ধিতেই চালিতা হইতেছে। যে কাশেম তাহাকে প্রদত্ত প্রতিশ্রুতি পালনের জন্ত অসাধ্য সাধন করিয়াছে, তাহার প্রতি নির্ভরশীলতা নেজমার হৃদয়ে আসন গ্রহণ করিয়াছিল। সেই নির্ভরশীলতার ভাব তাহাকে আকৃষ্ট করিয়াছিল—অদৃশ্য কালীতে কিছু লিখিলে তাহা যেমন তাপ পাইলে প্রকাশ পায়, কাশেমের প্রতি তাহার আকর্ষণ তেমনই প্রকাশ পাইয়াছিল। সে কি ভালবাসার তাপে?

কক্ষ ত্যাগ করিবার পূর্বে নেজমা রসুলানের নির্দেশে কক্ষের আলোক নির্কাপিত করিয়া দিল।

কক্ষ হইতে বাহির হইয়া নেজমা রসুলানের উপ-দেশান্তরে একটু দ্রুতগতিতে তাহার নির্দিষ্ট পথে অগ্রসর

হইল। মনে মুক্তির আনন্দ, আশঙ্কাকে নিশ্চিন্ত করিয়া দিল। কিন্তু রসুলান অবিচলিত ধৈর্য্যে অগ্রসর হইল। এত দিন সে তাহার কার্যের শুরুত্ব অনুভব করিতে পারে নাই—আজ সে তাহা অনুভব করিতেছিল। আজ সামান্য একটু ক্রটি হইলে আর রক্ষা নাই। পিচ্ছিল পার্কৃত্য পথে যাহাকে অগ্রসর হইতে হয়, এক বার পদ-অগনেই তাহাকে মৃত্যুবরণ করিতে হয়। আজ ধরা পড়িলে তাহাকে যে মৃত্যুবরণ করিতে হইবে, তাহা নিষ্ঠুরতায় অতুলনীয়। আর সে অবস্থা কেবল তাহারই হইবে না—নেজমারও তাহাই হইবে। আজ সে কেবল আপনার জন্তই দায়ী নহে।

মহলের একাংশের পর অপরাংশ অতিক্রম করিয়া উভয়ে অগ্রসর হইল। তখনও কোন কোন বাদী নির্দিষ্ট স্থানে যাইতেছিল—কারণ, যাহারা বেগমদিগের কাছে ব্যস্ত ছিল, তাহারা কাষ শেষ না করিয়া যাইতে পারে না।

রসুলানের পরিচিত বেশই তাহার ছাড় ছিল। বেগম-সাহেবার মহলের একজন বাদী বলিল, “কি ভগিনী, আজ কত পাইলে?”

রসুলান বলিল, “হিসাব হয় নাই।”

“কিন্তু আমাকে সেন ভুলিও না।”

“ভগিনী কি ভগিনীকে ভুলে?” বলিয়া সে বলিল, “আমার পথটা ঠাহর হইতেছে না—দেখাইয়া দিবে?”

“চল”—বলিয়া বাদী পথনির্দেশ করিয়া দিল। রসুলান ও নেজমা সেই পথে অগ্রসর হইল এবং হর্ষ্য অতিক্রম করিয়া উত্তানের পথে আসিয়া উপনীত হইল।

যে সময় বাদী বদল হয়, সেই সময় উত্তানের ও পথের আলোকের অর্ধাংশ নির্কাপিত হয়। আলোকের মূহুর্তা রসুলানের সহায় হইল।

উভয়ে রুদ্ধ দ্বারের নিকটে আসিলে প্রহরীদিগের এক জন জিজ্ঞাসা করিল, “কাষ শেষ হইল?”

“হাঁ—আধা-শেষ।”

“সে কি?”

“দেখিতেছ না, বাদীকে সঙ্গে লইয়া যাইতেছি?”—সে নেজমাকে দেখাইল।

“কেন?”

রসুলান মূহুর্তে বলিল, “নেজমা-বেগমের জন্ত সুরমা

দিতে গিয়াছিলাম, দেখিয়া বেগম-সাহেবার সখ হইল—ঠাহারও সুরমা চাহি!”—বলিয়া রসুলান একটু চাপা হাসি হাসিল।

প্রহরী বলিল, “বল কি? হাতীর গোথে সুরমা!”

“চূপ! চূপ! যদি কেহ শুনিতে পায়, তোমারও ধড়ে মাথা থাকিবে না—আমারও নহে।”

প্রহরী সে কথা যথার্থ অনুভব করিল; বলিল, “আবার কি আসিতে হইবে?”

“না। বাদীই সুরমা লইয়া আসিবে।”

প্রহরী দ্বারের চাবী খুলিয়া মহলের দিকের অর্গল সরাইয়া দিল—বাহিরে প্রহরীদিগকে বলিল, দ্বার খুলিয়া দিতে হইবে—বেগম-সাহেবার আদেশ। সঙ্গে সঙ্গে সে বলিয়া দিল—বাদী ফিরিয়া আসিবে। ঐ কথা বলিবার উদ্দেশ্য—প্রহরীরা যাইবার সময় নূতন দলকে সে কথা বলিয়া যাইবে।

বাহিরের দিকেও চাবী খুলা হইল। দ্বার মুক্ত হইলে রসুলান ও নেজমা বেগম মহল হইতে বাহির হইয়া গেল।

কাশেম চিন্তাকুলচিত্তে বাহিরে অপেক্ষা করিতেছিল। বাহির হইয়াই রসুলান তাহাকে বলিল, “বেগম-সাহেবার আদেশ, আজই ঠাহার জন্ত সুরমা দিতে হইবে। ঠাহার বাদী সঙ্গে যাইতেছে, লইয়া আসিবে। বড়লোকের খেয়াল।”

প্রহরী রঙ্গ করিয়া বলিল, “টাকায় বাধের চূপও পাওয়া যায়।”

রসুলান বলিল, “কিন্তু যাহারা সে হুধ সংগ্রহ করিতে যায়, তাহাদের যে জীবনাস্তও হইতে পারে।”

“লোভ।”—তাহার পর রসুলানকে উদ্দেশ্য করিয়া সে বলিল, “আজ যে সুরমা ছড়াইতে ছড়াইতে চলিয়াছ!”

সুরমা নেজমার কেশ ও অঙ্গ হইতে বাহির হইতেছিল। প্রহরীর কথায় রসুলান চমকিয়া উঠিল—তবে কি সে বিপদ অতিক্রম করিতে পারিল না? প্রত্যাশমতীত্বের পরিচয় দিয়া সে বলিল, “কেন, গরিবের কি কোন সখ হয় না?”

প্রহরী বলিল, “বিশেষ সে যদি বেগম-মহলে গভীরত করে।”

“আমি সুরমা দিতে যাইতেছিলাম; আর নেজমা

বেগমের প্রসাধন শেষ করিয়া প্রসাধিকা বাহির হইতে-  
ছিল—যে বাটিতে তেল ঢালিয়া সে বেগমের চুলে দিয়াছিল,  
তাহা তাহার হাতে ছিল। সে ঘর হইতে বাহির হইতেছিল  
আর আমি ঘরে প্রবেশ করিতেছিলাম—ধাক্কা লাগিয়া  
বাটির তেল ছিটকাইয়া আমার বোরকায় পড়িয়াছে।”

“তোমার ভাগ্যে বেগমগিরীর ঐটুকুই ছিল।”—  
বলিয়া প্রহরী অশিষ্টভাবে হাস্য করিল।

রসুলান, কাশেম ও নেজমা বেগম-মহল পশ্চাতে  
রাখিয়া একটু অগ্রসর হইলে রসুলান নেজমাকে  
বলিল, “বোরকায় রূপ ঢাকিয়াছ—গন্ধ লুকাইতে পার  
নাই।”

রসুলানের ব্যবহারে কাশেমের বিন্ময়ের অবস্থা  
রহিল না।

তাহারা কাশেমের অধিকৃত গৃহে আসিল—স্বা-  
খুলিয়া গৃহে প্রবেশ করিল। তথায় নেজমা বাদী-  
বেশ বর্জন করিয়া রসুলানের একটি বোরকা পরিধা-  
করিল।

তিন জন ট্যাক্সীর কাছে আসিয়া গাড়ীতে উঠিয়া  
আয়োজন করিলে চালক বলিল, “ভাড়া?”

কাশেম প্রস্তুত হইয়া আসিয়াছিল—তাহাকে টাক-  
দিল। চালক তাহা গণিয়া লইল।

ট্যাক্সী চলিল।

[ ক্রমশঃ

শ্রীহেমেন্দ্রপ্রসাদ ঘোষ।

## খেয়া-ঘাটে

দিবালোক যায় চ'লে পশ্চিমে পড়েছে চ'লে  
ক্ষীণ-তেজা দিনান্ত তপন।

মাথার উপর দূরে বক-পাঁতি যায় উড়ে  
কেশে রেখে তাদের স্বপন।

ওপারের পানে চাহি বসে আছি, তরী বাহি  
কাণ্ডারী করিছে খেয়া পার।

খেয়াঘাটে বসি হেরি, আমারো ত নেই দেরি,  
কে যেন গো ডাকে বার বার।

মানভার, লজ্জাভার, ঋণভার, সজ্জাভার,  
মায়া-মোহ-শৃঙ্খলের বোঝা

সাথে মোর হাতে ঝাড়ে, শির পৃষ্ঠ লুকাই তারে  
পার হওয়া মোর নয় সোজা।

ভারমুক্ত নাহি হ'লে 'মোরে পার কর' ব'লে  
কাণ্ডারীরে ডাকিব কি করি?

তরী বাহি যায় আসে কোন ভার লয় না সে  
কোন ভার নয় না সে তরী।

সব চেয়ে গুরু ভার মনোবাস বাসনার  
ভারী যেন বিশাল পাষণ।

কেমনে এ ভার কাটে ভাবি ব'সে পার-ঘাটে,  
স্মরি নৌকা-বিলাসের গান।

\* \* \*

“মানস-গঙ্গার জল ঘন করে কলকল,  
ছকুল বহিয়া যায় চেউ,

গগনে উঠিল মেঘ পবনে বাড়িল বেগ,  
তরঙ্গী রাখিতে নেই কেউ।\*

ছকুলে বহিছে যায় কাঁপিছে রাখার গায়  
নন্দমুত নবীন কাণ্ডারী,

তরঙ্গী নবীন নয় ভর দিতে করি ভয়  
ভাঙ্গা নায় বসিতে না পারি।”

কান্ন কয়, “এই নদী পার হ'তে সাধ যদি  
দূর কর—ছুড়ে ফেল ভার।”

পুন কয় নীলমণি, “কীর-সর-দধি-ননী  
ভারো সব নীরে বসুনার।

বলয় নুপুর হার আদি সব অলঙ্কার,—  
এ সবে রেক না মনতা,

অই সব ভার ধরি টলমল মোর তরী  
লঘু কর তব তুলনতা।

শুধু এই ভার কেন? তব বসনেরো জেন,  
ভারটুকু এ তরী না নয়।

পার হবে ভরা নদী, জয় কর স্বরা যদি  
সব মায়া সব লজ্জা ভয়।”

\* \* \*


জানি না কি ভাবি কবি এঁকেছেন এই ছবি  
হয় ত বা রসেরই কৌশল!

আজি খেয়া-ঘাটে পড়ি অই চিত্র শুধু স্মরি  
চোখে মোর ঝরে অশ্রুজল।

বেদনা-বিধুর চিতে সেই অশ্রুজলে তিতে  
বাসনা-বসন হয় ভারী।

বসনে গুষ্ঠিত মন বাসনা-কুষ্ঠিত জন  
অকূলে কেমনে দিবে পাড়ি!





## দেশাত্মবোধের বাণী

( উনবিংশ শতাব্দীর বাঙ্গালা নাট্য-সাহিত্যে )

বাঙ্গালা সাহিত্যে প্রথম উল্লেখযোগ্য নাটকাদি সংস্কৃত বা ইংরেজী উপাখ্যান বা নাটক অবলম্বনে, অথবা রাজ্যিক ব্যাধির প্রতিকারকল্পে প্রধানতঃ রচিত হয়। রচয়িতা সিকদারের 'শুভদ্রা হরণ,' রামনারায়ণ তর্করত্নের 'দীপ সংহার,' 'রত্নাবলী,' 'শকুন্তলা,' কালীপ্রসন্ন সিংহের 'ক্রমোৎসর্গ,' 'মালতী-মাধব,' 'সাবিত্রী-সত্যবান,' মধু-নের 'শশিষ্ঠা,' হরচন্দ্র ঘোষের 'ভানুমতী-চিত্তবিলাস,' 'রবিরিযোগ নাটক' প্রভৃতিতে কিম্বা কোলিষ্ঠপ্রথার দোষ-শর্নার্থ রচিত রামনারায়ণের 'কুলীন-কুলসর্কস্ব' নাটকে ঘরা দেশাত্মবোধের সেই বাণীর প্রতিধ্বনি শুনিতে পাই না, যে বাণী রামগোপাল ঘোষ, দক্ষিণারঞ্জন মুখো-পাধ্যায়, তারাচাঁদ চক্রবর্তী, কৃষ্ণমোহন বন্দ্যোপাধ্যায়, ককৃষ্ণ মল্লিক, কিশোরীচাঁদ মিত্র প্রমুখ বাগ্মীদের গোনাদিনী বক্তৃতায়, কিম্বা রাজা রামমোহন রায়, চন্দ্র মুখোপাধ্যায়, 'হিন্দু-পেট্রিয়ার্ট'-এর প্রবর্তক ও 'পলী'র-সম্পাদক গিরিশচন্দ্র ঘোষ প্রভৃতি নূতন জাতীয়-নের স্রষ্টা মনীষীদের উদ্দীপনাময়ী রচনায় ইতঃপূর্বেই প্রকাশ করিয়াছিল।

বাঙ্গালী নাট্যকারদের মধ্যে, বোধ হয়, দীনবন্ধুই সর্ব-প্রথমে তাঁহার চিরস্মরণীয় 'নীলদর্পণ' নাটকে দেশের-ত অবস্থার প্রতি দেশবাসীর দৃষ্টি আকর্ষণ করিয়া-দেদের হৃদয়ে দেশাত্মবোধের বীজ রোপন করেন। তিনি-র সর্বত্র পরিভ্রমণ করিয়া সকল শ্রেণীর ব্যক্তির সহিত-স্বা অপরূপ অভিজ্ঞতা লাভ করিয়াছিলেন, এবং উদার-দৃষ্টির সহিত তাঁহার পরিদৃষ্ট বিষয়ের চিত্রগুলি সূনিপুণ-কায় অঙ্কিত করিয়াছিলেন। বঙ্কিমচন্দ্র লিখিয়াছেন :—

বিষয়ের বিষয়, বাঙ্গালা সমাজ-সম্বন্ধে দীনবন্ধুর বহুদর্শিতা।-শ্রেণীর বাঙ্গালীর দৈনিক জীবনের সকল খবর রাখে, এমন-দী লেখক আর নাই। এ বিষয়ে বাঙ্গালী লেখকদিগের এখন-চিন্তনীয় অবস্থা। তাঁহাদিগের অনেকেই লিখিবাব সোপা-জাচ্ছে, লিখিবাব শক্তি আছে, কেবল যাহা জানিলে তাঁহাদের-সার্থক হয়, তাহা জানা নাই। তাঁহারা অনেকেই দেশবৎসল,

দেশের মঙ্গলার্থ লেখেন, কিন্তু দেশের অবস্থা কিছুই জানেন না।-কলিকাতার ভিতর স্বশ্রেণীর লোকে কি করে, ইহাই জানেন। স্বদেশ-সম্বন্ধীয় জ্ঞানের সীমা। কেহ বা অতিরিক্ত ছই চারিখানা পল্লীগ্রাম-বা ছই একটা ক্ষুদ্র নগর দেখিয়াছেন, কিন্তু সে বুঝি কেবল পথ-ঘাট,-বাগান-বাগিচা, হাট-বাজার। লোকের সঙ্গে মিলেন নাই।-দেশ-সম্বন্ধীয় তাঁহাদের যে জ্ঞান, তাহা সচরাচর সংবাদপত্র হইতে



দীনবন্ধু মিত্র

প্রাপ্ত। সংবাদপত্র-লেখকেরা আবার সচরাচর (সকলে নহেন)-এ শ্রেণীর লেখক—ইংরেজেরা ত বটেনই। কাজেই তাঁহাদের-কাছেও দেশ-সম্বন্ধীয় যে জ্ঞান পাওয়া যায়, তাহা দার্শনিকদিগের-ভাষায় রক্ষুতে সর্বজ্ঞানবৎ ভ্রম-জ্ঞান বলিয়া উড়াইয়া দেওয়া ঘাইতে-পারে। এমন বলিতেছি না যে, কোন বাঙ্গালী লেখক গ্রামা-প্রদেশ-ভ্রমণ করেন নাই, অনেকে করিয়াছেন; কিন্তু লোকের সঙ্গে-মিশিয়াছেন কি? না মিশিলে যাহা জানিয়াছেন, তাহার মূল্য কি?

বঙ্গালী লেখকদিগের মধ্যে দীনবন্ধুই এ বিষয়ে সর্বোচ্চ স্থান পাইতে পারেন।”

‘নীলদর্পণে’ জাতি-বৈরভাব পোষণ করিয়া দীনবন্ধু বিদেশীয় নরনারীর চরিত্র-দোষ অতিরঞ্জিতভাবে আঁকিয়াছেন কি না এবং তাহাদিগকে দেশবাসীর নিকট অশ্রদ্ধ করিয়া তুলিবার জন্ত সচেত্রে ছিলেন কি না সে বিচার কণ্ঠ্য প্রয়োজন নাই। নীলদর্পণের প্রথম কণ্ঠ্য ‘কুৎসিত’ দীনবন্ধু স্বগ্রামের প্রতি যে মমতা জাগাইয়া তুলিয়াছেন, বর্তমান যুগে (যখন Back to the villages ধূম উঠিয়াছে—দেশবাসীকে গ্রামান্তনোন্মুখী করিবার জন্ত আন্দোলন হইতেছে, তখন) তাহা বিশেষভাবে আমাদিগকে আকৃষ্ট করে :—

“সাদু। আমি তখন বসেছিলাম, কর্তা মহাশয়, আর এ দেশে থাকা নয়, তা আপনি গুলেন না। কাপালের কথা বাসী হলে খাটে।

“গোলোক। বাপু, দেশ ছেড়ে যাওয়া কি মুখের কথা? আমার এখানে সাতপুরুষ বাস। স্বর্গীয় কর্তারা যে জমাজমী করে গিয়েছেন, তাতে কখনও পরের চাকরী স্বীকার কত্তে হয়নি। যে ধান জন্মায়, তাতে সৎসরের খোরাক হয়, অতিথিসেবা চলে, আর পূজার খরচ কুলায়; যে সরিষা পাই, তাহাতে তেলের সংস্থান হইয়া ৬০।৭০ টাকার বিক্রী হয়। বল কি বাপু, আমার সোণায় স্বরপুর, কিছুরই ক্লেণ নাই। ক্ষেতের চাল, ক্ষেতের ডাল, ক্ষেতের তেল, ক্ষেতের গুড়, বাগানের তরকারি, পুকুরের মাছ। এমন স্তরের বাস ছাড়তে কার হৃদয় না বিদীর্ণ হয়? আর কেই বা সহজে পারে?”

কবির হেমচন্দ্রের ‘ভারত সঙ্গীত’ প্রভৃতি রচিত হইবার পরে, রাজনারায়ণ বসুর প্রেরণায় নবগোপাল মিত্রের ‘হিন্দুমেলা’ প্রতিষ্ঠার পরে, বঙ্গালীর স্বদেশপ্রেম বিশেষভাবে নাট্য-সাহিত্যে আত্মপ্রকাশের চেষ্টা পায়। বাণীর বর-সন্তান শ্রীযুক্ত অম্বরূপা দেবীর ও শ্রীযুক্ত সৌরীন্দ্রমোহন মুখোপাধ্যায়ের ধূলমাতামহ কিরণচন্দ্র বন্দ্যোপাধ্যায় মহাশয় “ভারতমাতা” নামক যে একাঙ্ক নাটিকা লিখিয়াছিলেন, তাহা শ্রীশ্রী থিয়েটারে ১৮৭৩ খৃষ্টাব্দে অভিনীত হয় এবং দর্শকমণ্ডলীর প্রাণে অননুভূতপূর্ব দেশপ্রেমোদ্দীপক ভাবের সঞ্চার করে। সূত্রধারের মুখোচ্চারিত নিম্নোক্ত স্বদেশ-প্রেমোদ্দীপক সঙ্গীতটি উদ্ধৃত হইল :—


“হে ভ্রাতঃ ভারতবাসী দেখ না চাহিয়ে।

পাইতেছ কি বাতনা মোহ-মদে মতিয়ে।

রিপুর হইয়ে দাস, করিতেছ সর্বনাশ,  
ভুগিছ অশেষ ভোগ, লোভ-কুপে পড়িয়ে।  
হিংসারূপা পিশাচিনী, অতিশয় মায়াবিনী,  
মজ না মজ না হয় তার প্রেমে ভুলিয়ে।”

তৎপরে সূত্রধার অভিনয়ের উদ্দেশ্য এইরূপে ব্যক্ত করিয়াছে ;—

“ভারত-ভূমির ও ভারতসন্তানগণের বর্তমান দুঃবস্থা দর্শনই “ভারতমাতার” উদ্দেশ্য। যতপি সমাগত সুধীমণ্ডলীর একজনও এই অভিনয় দর্শনে ভারতমাতার দুঃখ দূর কোবুতে একদিনও যত্ন পান, তাহা হ’লেই আমার ও গ্রন্থকর্তার শ্রম সফল।”



কিরণচন্দ্র বন্দ্যোপাধ্যায়

গ্রন্থমধ্যে স্বিজেন্দ্রনাথ ঠাকুরের “মলিন মুখ-চন্দ্রমা ভারত তোমারি” ইত্যাদি পদসম্বলিত সুপ্রসিদ্ধ স্বদেশ-সঙ্গীত এবং উক্ত ভাবোদ্দীপক আরও কয়েকটি সঙ্গীত সন্নিবিষ্ট হইয়াছিল। যে স্থানে অত্যাচার-প্রণীড়িতা ভারতমাতা তাঁহার পরলোকগত সন্তান—হিন্দুপেট্রি রট-সম্পাদক স্বদেশবৎসল হরিশ্চন্দ্র মুখোপাধ্যায়, ‘হিন্দুপেট্রি রট’ ও ‘বেঙ্গলীর’ প্রবর্তক ও প্রথম সম্পাদক দেশপ্রাণ গিরিশচন্দ্র ঘোষ, মহাত্মা রাজা রামমোহন রায় ও ‘ভারত-বর্ষের ডিমস্বিনিস্’ দেশহিতৈষী বাণী রামগোপাল ঘোষকে সাক্ষর্যনে করণস্বরে ডাকিতে ডাকিতে মুর্ছা গেলেন, এবং অলস সুধসুপ্ত সন্তানগণকে অল্পযোগ করিয়া বলিলেন ;—

“ঈশ্বর তুমি কোথায়? হতবিধে! তোর মনে কি এই ছিল?  
হুঃ, বাবা! তোরাই কি আমার তারা রে? আমার সেই একদিন  
হার এই একদিন! কোথায় হরিশ, কোথায় গিরিশ, কোথায়  
রামমোহন, কোথায় রামগোপাল।”

—সেই স্থানটি দর্শকগণকে বিশেষভাবে বিচলিত করিত।  
একজন প্রত্যক্ষদর্শীর মুখে শুনিয়াছি, যে, যে মর্গভেদী  
ধরুণকণ্ঠে ভারতমাতা তাঁহার আক্ষেপোক্তি উচ্চারিত  
ধরিয়াছিলেন, তাহা স্মরণ করিলে চল্লিশ বৎসর পরেও  
তাঁহার শরীর রোমাঞ্চিত হইয়া উঠে। মনীষী রাজকৃষ্ণ

কোথায় হরিশ, কোথায় গিরিশ,  
কোথা ফেলি গেলি মায়।”

‘ভারতমাতা’র শেষভাগে রঙ্গমঞ্চে “একতা” আবির্ভূত  
হইয়া বলিতেছেন,—

“ভাতৃগণ, অনৈক্য, আত্মাভিমান ও স্বজাতি-হিংসাই তোমাদের  
সর্বনাশের মূল। যতদিন তোমাদের অন্তর হতে এ সকল ভাব  
দূরীভূত না হবে, ততদিন তোমাদের মঙ্গলের সম্ভাবনা নাই।  
এখন সকলে আমার আশ্রয় গ্রহণ কর ও কাঁদামনোবাক্যে  
জননীর দুঃখনাশ ব্রতে ব্রতী হও।

কেন ডর ভীক, কর সাহস আশ্রয়,  
‘যতো ধন্যস্ততো জয়’,  
ছিন্ন-ভিন্ন গীনবল,  
ত্রিকোতে পাটবে বুল,  
মায়ের মুখ উজ্জ্বল করিতে কি ভয়?”

দেশপ্রেমোদ্দীপক উৎকৃষ্ট নাটকের  
অভাবে নব প্রতিষ্ঠিত জাতীয় রঙ্গমঞ্চে  
হেমচন্দ্রের ‘ভারত-সঙ্গীত’ প্রভৃতি দেশাত্ম-  
বোধক কবিতা এই সময়ে আত্মিক্তি  
করা হইত। যখনই কোন বস্তুর অভাব  
তীক্ষ্ণভাবে অনুভূত হয়, তখনই তাহার  
সৃষ্টিও হইয়া থাকে,—ইহাই প্রাকৃতিক  
নিয়ম। এই সময়ে বাঙ্গালী সাহিত্য-  
ক্ষেত্রে স্বদেশ-প্রেমোদ্দীপক নাটক রচ-  
য়িতারও আবির্ভাব হইল। ১৮৭৪ খৃষ্টাব্দে  
জ্যোতিরিন্দ্রনাথ ঠাকুর “পুরুবিক্রম”  
রচনা করিলেন। বঙ্কিমচন্দ্র উৎকৃষ্ট  
“বীররসের খতিয়ান” বলিয়াছিলেন।  
গ্রেট জ্ঞানলাল থিয়েটারে উহার অভিনয়  
বাঙ্গালীকে নবভাবে উদ্দীপ্ত করিয়া  
ভুলিল। রসরাজ অমৃতলাল বলিয়াছেন,  
“পুরুবিক্রমের জায় উৎকৃষ্ট নাটক



‘বেঙ্গলী-সম্পাদক’ গিরিশচন্দ্র ঘোষ

খোপাধ্যায়ের “ভারতমাতা (জাতীয় নাট্যশালা)” শীর্ষক  
বিতায় এই নাটিকা অভিনয়ের বর্ণনা আছে। কবিতাটির  
প্রথম কয় পংক্তি এইরূপ :—

“দেখিয়া দুখিনী জাহ্নন্যস্ত তুমি,  
বলে “ওহে বিধি, কোথা আছ তুমি?  
ছাড়িলেন লক্ষী আমার যে কালে,  
কেন না গেলাম তুমি পাতালে?”

প্রকাশিত হইতে দেখিয়া আমরা আনন্দে উৎফুল্ল হইলাম।”  
পুরুরাজ যেখানে গ্রীক(=Ionian=যবন)দের বিরুদ্ধে  
যুদ্ধযাত্রার জন্য সৈন্যগণকে উত্তেজিত করিতেছেন, ওজাস্ব-  
তার তাহার তুল্য বাণী বঙ্গসাহিত্যে ছন্দিত :—

ওঠ! জাগ! বীরগণ! দুর্দান্ত যবনগণ,  
গৃহে দেখ করেছে প্রবেশ।

হও সবে একপ্রাণ,                    মাতৃভূমি কর ত্রাণ  
শত্রুদল করহ নিঃশেষ ।  
বিলম্ব না সহে আর,                    উলঙ্গিয়ে তরবার,  
ফলস্তু অনল সম চল সবে রণে ।  
বিজয়-নিশান দেখ উড়িছে গগনে ।

যবনের রক্তে ধরা হোক প্রবমান,  
যবনের রক্তে নদী হোক বহমান,  
যবন শোণিত বৃষ্টি করুক বিমান,  
ভারতের ক্ষেত্র তাহে হোক ফলবান ।

এত স্পর্ধা যবনের,                    স্বাধীনতা ভারতের  
অনায়াসে করিবে হরণ ?  
তারা কি করেছে মনে,                    সমস্ত ভারত-ভূমে,  
পুরুষ নাহিক একজন ?

“বীর-যোনি এই ভূমি,                    যত বীরের জননী,”  
না জানে একথা তারা অবোধ যবন ।  
দাও শিক্ষা সমুচিত দেখুক বিক্রম ।

ক্ষত্রিয় বিক্রমে আজ কাপুক মেদিনী,  
অনুক ক্ষত্রিয় তেজ দীপ্ত দিনমণি,  
ক্ষত্রিয়ের অসি হোক ফলস্তু অশনি,  
চৌদ্দ লোক কেঁপে যাক শুনি সেই ধনি ।

পিতৃ-পিতামহ 'সবে,                    ছাড়ি দুঃখময় ভবে,  
গিয়াছেন চলি দারা পুণ্য দিব্যধাম ।  
রয়েছেন নেত্রপাতি,                    দেখ যেন যশোভাতি,  
না হয় মলিন,—থাকে ক্ষত্রকুল নাম ।

শদেশ-উদ্ধার তরে,                    মরণে যে ভয় করে,  
দিক্ সেই কাপুকযে, শতধিক্ তারে ।  
পচুক সে চিরকাল দাসত্ব-আধারে ।  
স্বাধীনতা বিনিময়ে,                    কি হবে সে প্রাণ লয়ে  
যে ধরে এমন প্রাণ দিক্ বলি তারে ।

যায় যাক প্রাণ যাক,                    স্বাধীনতা বেঁচে থাক  
বেঁচে থাক চিরকাল দেশের গৌরব ।  
বিলম্ব নাহিক আর,                    খোল সবে তলবার,  
এ শোন এ শোন যবনের রব ।

এইবার বীরগণ !                    কর সবে দৃঢ়পণ,  
মরণ শরণ কিম্বা যবন নিধন,  
যবন নিধন কিম্বা মরণ শরণ,  
শরীর পতন কিম্বা বিজয় সাধন ।

পুরুবিক্রমের পর “আলাউদ্দীনে”র সময়ের ঘটনা লইয়া  
জ্যোতিরিন্দ্রনাথের লেখনীমুখে “সরোজিনী” নাটকের

সৃষ্টি । উহার একস্থলে বিজয় সিংহের মুখ দিয়া গ্রন্থকার  
বলিতেছেন :—

“সর্বদাই দৈবের মুখাপেক্ষা করে থাকলে হুয্য দ্বারা কোণ  
মহৎ কার্যই সিদ্ধ হয় না । আমাদের কার্য্য ত আমরা করি  
তারপর যা হ'বার তা হ'বে । ভবিষ্যতের প্রতি দৃষ্টি কর্তে গেলে  
আমাদের পদে পদে ভীত হ'তে হয় । না মহারাজ ! ভবিষ্যদ্বাণী  
দৈববাণীর কথা শুনে যেন আমরা কতকগুলি অলৌকিক বিঘ্নের আশঙ্কা  
না করি । যখন মাতৃভূমি আমাদের কাণ্ড্য কর্তে বলচেন, তখন  
তাই যথেষ্ট, আর কোনদিকে দৃষ্টিপাত করবার প্রয়োজন নাই ।  
মাতৃভূমির বাক্যই আমাদের একমাত্র দৈববাণী । দেবতার  
আমাদের জীবনের একমাত্র হস্তা কর্তা সত্য ; কিন্তু মহারাজ !  
কৌতিল্য আমাদের নিজের চেষ্টার উপরেই নির্ভর করে । অতএবে  
অদৃষ্টের প্রতি দিকপাত না করে, পৌরুষ আমাদের কাণ্ড্য  
যেতে বলবে,—চলুন আমরা সেইখানেই যাই ।”



জ্যোতিরিন্দ্রনাথ ঠাকুর

এই নাটকেরই একস্থানে রাজপুত্র-রমণীগণের চিত্তায়  
জীবনাত্তির দৃশ্য—

“হল্ হল্ চিত্তা দ্বিগুণ দ্বিগুণ, পরাণ সঁপিবে বিধবা বালা”—

প্রভৃতি গীতাংশ বঙ্গরমণীর হৃদয়ে পতিপ্রেম ও দেশপ্রেমে  
বস্ত্রা বহাইয়া দিত, এমন কি, অভিনেত্রীরাও আত্মবিস্মৃতি  
হইয়া রক্তমঞ্চের প্রজ্জ্বলিত অগ্নির সংস্পর্শে আসিয়া কেশ-  
বেশ পুড়াইয়া ফেলিত !

১৮৭৯ খৃষ্টাব্দে রাণা প্রতাপসিংহকে অবলম্বন করিয়া

জ্যোতিরিন্দ্রনাথ 'অশ্রমতী' নামক যে নাটক রচনা করেন, তাহাতে প্রাতঃস্মরণীয় রাণার স্বদেশপ্রেম স্বভাবতঃই প্রতিফলিত হইয়াছে এবং পরবর্তী লেখকগণকে প্রেরণা দান করিয়াছে। তাহার পরে রচিত 'স্বপ্নময়ী' নাটকেও জ্যোতিরিন্দ্রনাথ এই ধারা অব্যাহত রাখিয়াছিলেন। উহাতে তিনি বিদ্রোহী শোভা সিংহকে দেশপ্রেমিকরূপে চিত্রিত করিয়াছেন। শোভা সিংহের নিকট দেশপ্রেমে দীক্ষিতা স্বপ্নময়ী যথার্থ মাতৃমূর্তির দর্শন পাইয়া একস্থানে বলিতেছেন :—

“কে আমারে বক্ষে ক'রে করেছে পোষণ ?  
কে মোরে অচল গ্নেহে বক্ষে ধরে আছে ?  
কার স্তনে বহিতেছে জাহ্নবীর ধারা ?  
ধন-ধাত্ত রত্নে পূর্ণ কাচার ভাণ্ডার ?  
কে মোর পিতার পিতা, মাতার জননী ?  
কোথা হতে পিতা মোর পেয়েছেন জ্ঞান ?  
কোথা হতে মাতা মোর পেয়েছেন গ্নেহ ?  
কে তিনি আমার মাতা ?—তিনি জন্মভূমি ।  
এ সেই জননী মম মোর জন্মভূমি ।  
সেই মাতা গ্নেহময়ী জননী মোদের ।  
দ্যাখো দ্যাখো আজি তাঁর একি চরদশা,  
বাম হস্তে ছিল গাঁর কমলার বাস  
দক্ষিণ কমল করে দেবী বোধাপানি  
সেই দুই হস্তে আজি পড়েছে শৃঙ্খল ।”

আর একস্থানে দেখিতে পাই, শোভা সিংহ তাঁহার অনুচরগণকে দেশজননীর কিরীটশোভার জন্ত স্বাধীনতারত্ব অর্জন করিয়া আনিতে এই ভাবে উদ্দীপ্ত করিতেছেন :—

“দূর আকাশের তলে ওই যে রতন ফলে  
আনিতে কে ষা বি তোরা  
এই বেলা আয় রে—  
মায়ের আঁধার ভালে পরাবি ও রত্নখানি  
কে আসিবি আয় তোরা  
মিছা দিন যায় রে ।  
সম্মুখে দুর্গম পথ প্রত্যেক কণ্টক তার  
মাড়াইতে হবে বটে  
রক্তময় চরণে.  
কি ভয় কি সের ভয়, আসুক সহস্র বাধা  
মাতৃমুখ উজ্জলিবি  
কি ভয় রে মরণে !”

১৮৭৪ খৃষ্টাব্দে সুকবি মনোমোহন বসু, যিনি পূর্বেই 'রামাভিষেক' ও 'সতী নাটক' লিখিয়া প্রসিদ্ধিলাভ

করিয়াছিলেন, তিনি বহুবাজারস্থ বঙ্গ-নাট্যসমাজের অভিপ্রায়ানুসারে 'হরিশ্চন্দ্র নাটক' প্রণয়ন ও প্রকাশিত করেন। উহা পৌরাণিক নাটক হইলেও রাজা হরিশ্চন্দ্রের স্থলাভিষিক্ত, বিখ্যামিত্র মুনির প্রতিনিধি তুঙ্গ স্বীপের নাগেশ্বরের শাসন-পদ্ধতির যে পরিচয় প্রদত্ত হইয়াছিল, তাহাতে সহজেই স্বদেশবাসীর মনে বিদেশীয় শাসকের অকল্যাণকর শোষণনীতির স্বরূপ বোধগম্য হইয়াছিল, এবং স্বাদেশিকতার ভাব বদ্ধমূল করিয়াছিল। এই গ্রন্থেই—



মনোমোহন বসু

“দিনের দিন, মনে দান, হয়ে পরাধান ।  
অনা ভাবে শীর্ণ, চিত্ত! ধরে জীর্ণ, অপমানে তনু ক্ষাণ ।”

এবং—

“আয়-কর স্তনে গায়ে আসে ধর ।  
অস্থিভেদা রথ্যা-কর কি হৃৎকর !  
লবণটুকু ষাব, তাতেও লাগে কর !”

প্রভৃতি সঙ্গীত সন্নিবিষ্ট ছিল।

এই সময়েই হাইকোর্টের সুপ্রসিদ্ধ উকীল শ্রীনাথ দাস মহাশয়ের পুত্র, বাঙ্গালার সাধারণ রক্তমঞ্চের অল্পতম প্রতিষ্ঠাতা ও সমাজ-সংস্কারক উপেন্দ্রনাথ 'শরৎ-সরোজিনী' ও 'সুরেন্দ্র-বিনোদিনী' নামক দুইখানি নাটকে স্বদেশবাসীর মনে জাতীয়তাবোধ ও দেশপ্রেম জাগরিত করেন।

‘স্বরেন্দ্র-বিনোদিনী’ নাটকের সমালোচন প্রসঙ্গে ‘অমৃত বাজার পত্রিকা’র শিশিরকুমার ঘোষ লিখিয়াছিলেন :—

“নীলদর্পণের পর আর যত নাটক লিখিত হইয়াছে, তাহাতে দেশের মঙ্গল হয় নাই তাহা আমরা বলি না, কিন্তু ‘স্বরেন্দ্র-বিনোদিনী’র গ্রন্থকর্তা নাটক লেখার একটা নতুন আকার দিয়াছেন। তিনি দেখাইয়াছেন যে, একজন গ্রন্থকর্তা নিজেই গৃহে অবস্থিতি করিয়া গ্রন্থরচনা দ্বারা দেশের কত মঙ্গল সম্পাদন করিতে পারেন। যিনি বেঙ্গল থিয়েটারে ‘স্বরেন্দ্র বিনোদিনী’র অভিনয় দেখিয়াছেন, তিনি দৃঢ়কপে জানিতে পারিয়াছেন যে, এদেশের ম্যাজিষ্ট্রেটেরা কিরূপ অধঃপ্রবল প্রতাপবিত, স্টীফেন সাগেবের নতুন দণ্ডবিধি আইন তাহাদের হস্তে কি ভয়ানক যন্ত্র, কাবাগারবাসীরা কত কুপার পাত্র, এবং তাহাদের উপর গভর্ণমেন্ট কত নিস্পীড়ন করেন। যাহারা এইরূপ গ্রন্থ রচনা করেন, তাহারা দেশের পরমোপকারী এবং যাহারা দেশভিত্তিক, তাহাদের সকলের এইরূপ গ্রন্থকর্তাকে উৎসাহ প্রদান করা উচিত।”

মনোমোহনের ‘হরিশচন্দ্র’ এবং উপেন্দ্রনাথের ‘শরৎ-সরোজনীর’ অভিনয় বাজালা সরকার কর্তৃক নিষিদ্ধ হইয়াছে বলিয়া উহা হইতে কোন অংশ উদ্ধৃত করিয়া উহার বিস্তৃততর পরিচয় প্রদান করা সম্ভব নহে।

১৮৭৬ খৃষ্টাব্দে প্রিন্স অব ওয়েল্‌স্ (পরে সম্রাট সপ্তম এড্‌ওয়ার্ড)কে হাইকোর্টের জুনিয়র গভর্ণমেন্ট প্লাডার ও বঙ্গীয় ব্যবস্থাপক সভার সদস্য জগদানন্দ মুখোপাধ্যায়ের অন্তঃপুরিকাগণ অভ্যর্থনা করিলে তৎকালে হিন্দুসমাজ উহার তীব্র প্রতিবাদ করে। উহাতে জাতীয়তার অপস্থ বটিয়াছে’ এবং জাতির দাস-মনোভাব প্রকাশ পাইয়াছে মনে করিয়া ‘বাজীমাতে’র কবি হেমচন্দ্রপ্রমুখ বহু প্রসিদ্ধ ব্যক্তি জগদানন্দের কার্যের প্রতি কটাক্ষপাত করিয়া তীব্র বিজ্ঞপবাণ বর্ষণ করিয়াছিলেন। উপেন্দ্রনাথ দাসও এই সময়ে ‘জগদানন্দ নাটক’, ‘হুম্মান-চরিত’ প্রভৃতি রচনা করিয়া কর্তৃপক্ষের বিরাগভাজন হন, এবং পুলিশ কমিশনার স্যার ষ্টুয়ার্ট হগ-এর আদেশে পুলিশ-সুপারিন্টেন্ডেন্ট মিষ্টার ল্যাঙ্ক উক্ত প্রহসনগুলির অভিনয় বন্ধ রাখিতে অহুঙ্ক হইলে Police of Pig & Sheep নামে তাহাদের বিজ্ঞপ করেন। অনেকে অহুমান করেন, এই বিরাগ-বশতঃ ‘স্বরেন্দ্র-বিনোদিনী’ নাটকে যুরোপীয় ম্যাজিষ্ট্রেটের মানহানি ও অশ্লীল দৃশ্য প্রদর্শনের জন্য উপেন্দ্রনাথ ও রসরাজ অমৃতলাল বসু পুলিশ কোর্টে অভিযুক্ত হইয়া এক মাসের জন্য দণ্ডাজালাভ করিয়াছিলেন। হাইকোর্টে

আপীলে উভয়েই নির্দোষ বলিয়া মুক্তি পান। কিন্তু সরকার এই ঘটনার পর প্রয়োজন অনুসারে কোন বিশেষ নাটকের অভিনয় বন্ধ করিতে পারেন এইরূপ আইন ( Dramatic Performance's Control Act ) বিধিবদ্ধ করা আবশ্যিক মনে করিয়াছিলেন। উহাতে নাট্য-সাহিত্য রচনার গ্রন্থকার-গণের স্বাধীনতা যথেষ্ট স্বল্প হয়, এবং দেশপ্রেমোদ্দীপক নাটকাবলী রচনার পরিবর্তে তাঁহারা প্রধানতঃ সামাজিক ও ধর্মমূলক নাটক রচনার প্রবৃত্ত হন। দেশ-প্রেমোদ্দীপক উৎকৃষ্ট নাটকের অভাবেই বঙ্কিমচন্দ্র ও রমেশ দত্তের উপজ্ঞাসাবলী, এবং মাইকেল, হেমচন্দ্র ও নবীনচন্দ্রের বীররসাত্মক কাব্যাদি নাটকাকারে পরিবর্তিত হইয়া রঙ্গমঞ্চে অভিনীত হইত।

নাট্য-কাব গিরিশচন্দ্র ঘোষের পৌবাণিক নাটকাবলীই সর্বাপেক্ষা সমাদৃত হইলেও তাহা বহু নাটক স্বদেশবাসীর হৃদয়ে দেশাত্মবোধের উন্মেষ ও বিকাশ করিয়াছিল। বঙ্কিম শ্রীযুক্ত হেমেন্দ্রনাথ দাশগুপ্ত তদ্বিচিত ‘গিরিশ-প্রতিভার’ “জাতীয়তার গিরিশচন্দ্র” শীর্ষক পরিচ্ছেদে দেখাইয়াছেন, “গিরিশচন্দ্রের স্বদেশপ্রেম খাঁটি বাঙ্গালীর স্বদেশপ্রেম, তাহার রাজনীতি গভীর দেশাত্মবোধে অনুপ্রাণিত। তাহার দেশাত্মবোধে বিলাতীর নাম মাত্র গন্ধ নাই, খাঁটি বাঙ্গালার জল-মাটির উহা অহুরূপ। গিরিশচন্দ্র যে স্বদেশ-প্রেম প্রচার করিয়াছেন, তাহার প্রথম ভিত্তি জাতির আত্ম-বোধ জাগরণে, পথ আত্মনির্ভরশীলতার ও আত্মত্যাগে, বিকাশ আত্মবিকাশে।” যদিও তাহার সর্বশ্রেষ্ঠ দেশ-প্রেমোদ্দীপক নাটকাবলী—সিরাজউদ্দৌলা, মীরকাশিম ও ছত্রপতি শিবাজী,—স্বদেশী যুগে,—বিংশ শতাব্দীর প্রারম্ভে রচিত, তথাপি, উনবিংশ শতাব্দীর শেষ-পাদে রচিত তাহার বহু নাটকে দেশাত্মবোধের বাণী প্রতিধ্বনিত হইয়াছে।

১৮৯০ খৃষ্টাব্দে প্রকাশিত “চণ্ড” নাটকে চণ্ডের দেশ-প্রেমের কথা স্মরণ করুন। যিনি স্বার্থ স্বদেশপ্রেমিক, তিনিই ধীরভাবে চণ্ডের স্মরণ আত্মবিচারে প্রবৃত্ত হইতে পারেন,—

“অস্ত্রের গুঁড় ফল কর. অবেষণ  
মন। পশি অভ্যন্তরে গুহৃতম স্তবে  
হের কোথা স্বার্থ লুকায়িত। উচ্চ আশ.  
উন্নতি প্রয়াস, আছে কি গোপনে ধরি

স্বদেশ-বৎসল ভাব ? আধিপত্য-লিপ্সা,  
কিবা চিত্তোন্মেষিত চিত্তে চালিত অস্তর ?  
সত্য-তত্ত্ব কর নিরূপণ । দেখ মন,  
স্বার্থশূন্য নহে কি অস্তর ? কহ তব  
আছে কি সন্দেহ তায় ? প্রকাশ সত্বর ।  
পাপ ইচ্ছা লুকায়িত রহে ধর্ম-ভাণে,  
ভুলায় মানবে, পুষ্ট হয় হৃদি মাঝে,  
শেষে করে আপন প্রকাশ, কৃতদাস  
হেবে যবে মন ।”



নাট্য-কবি গিরিশচন্দ্র ঘোষ

১৮৯০ খৃষ্টাব্দে কংগ্রেস উপলক্ষে প্রকাশিত “মহাপূজা”  
নামক ‘রূপকে’ও তিনি এই উপদেশ দিয়াছেন,

“শিখো হৃদি উচ্চশিক্ষা, মাতৃমস্ত্রে লস দীক্ষা  
তাজ স্বার্থ মাগি তিক্ষা রহ জননী-সেবায় ।”

দেশীয় শিল্পের উন্নতি বিনা যে দেশোন্নতির উপায় নাই,  
একথা তিনি বিশেষভাবে স্মরণ করাইয়া দিয়াছেন।—  
তিনি লক্ষ্মীর মুখে ব্রিটনিকাকে বলিয়াছেন,—

“কিন্তু এই হৃৎ মনে, ভারত-সম্ভানগণে,  
— কোন মতে শিখিল না আপন নির্ভর ;—  
শিল্পকার্যে নিয়োজিত করিল না কর ।

এ হৃৎ কহিব কারে, তব খেত পুত্র দ্বারে,  
পরিষেয় বস্ত্র তবে অধীন সকলে,—  
খেতপুত্র শিল্পবলে গৃহে দীপ হলে !  
লবণের প্রয়োজন, নিত্য জানে জনে জন,  
তব পুত্র হতে তাহা ক্রয় করি আনে ;  
শিল্পী নাহি হয় কেহ, শিল্প নীচজ্ঞানে ।  
প্রিয় ভগ্নী সরস্বতী, নানা বিদ্যা দিল সতী,  
করিতেন যদি হয় এই ভ্রাস্তি দূর—  
ভারতের সমকক্ষ হ'ত কোন পূর্ব ?  
সুজলা সুফলা বামা, ফল ফুলে সাজে শ্যামা,  
বৈজ্ঞানিক শিল্প-বিনা সকলি বিফল,  
শারীরিক শ্রম বিনা শরীর দুর্বল ।”

যখন ব্রিটনিকা সরস্বতীকে জিজ্ঞাসা করিলেন,—

“বল সতি, কি কারণে, ভারত সম্ভানগণে,  
এতদিন শিল্প বিদ্যা করনি প্রদান,—  
চিরদিন শিল্প জ্ঞান উন্নতি-সোপান ।”—

তখন সরস্বতী বলিতেছেন,—

“অনুমতি মম প্রতি, কর নাহি ভাগ্যবতি,  
রাজোৎসাহ একমাত্র শিল্পের সহায় ;—  
সে সাধ্য-বিনা শিল্প সদা নিরূপায় ।  
ছিল শিল্প নানা মত, খেত-শিল্প-তেজে হত,  
নিরুৎসাহে শিল্পকার্য না কুরে গ্রহণ ;—  
ভারতসম্ভানে দেহ আশ্বাস বচন ।”

জাতীয় মহাসম্মেলন সম্বন্ধে গিরিশচন্দ্র একস্থানে  
বলিতেছেন :—

“ইহার প্রথম উদ্দেশ্য, ভারতের ভ্রাতৃত্বভাব । এ বিস্তীর্ণ ভারত-  
ভূমির নানা প্রদেশে ভিন্ন ভিন্ন জাতি ও বর্ণের পরস্পর আলিঙ্গন ;  
আমরা জাতিতে ভিন্ন,—পরস্পর ধর্মে ভিন্ন,—কর্মে ভিন্ন,—ভাষায়  
ভিন্ন,—কিন্তু এক দেশবাসী ও এক রাজ্যেশ্বরের প্রজা, রাজনৈতিক  
বিষয়ে আমরা এক-জাতি ; ভারতের স্বার্থের সচিত আমাদের স্বার্থ  
একীভূত ; ভারতের ধনাগমে আমরা ধনী, ভারতের সম্ভানে আমরা  
মানী, ভারতের উন্নতিতে আমাদের উন্নতি ; একত্রে—রাজনৈতিক  
আন্দোলনে আমরা রাজনৈতিক উন্নতি লাভ করিব ।”

১৮৯৭ খৃষ্টাব্দে রচিত ও অভিনীত ‘হীরক জুবিলী’তে  
গিরিশচন্দ্র এইরূপ আভাস দিয়াছেন যে, রাজোৎসাহ পাইলে  
ভারতবর্ষ কেবল বাণিজ্য, কৃষি ও শাসন-কার্যেই যে উন্নতি  
লাভ করিতে পারে এরূপ নহে, দেশরক্ষার অধিকার পাইলে  
একতাবদ্ধ ভারতবাসী তাহাও করিতে সমর্থ ;

“কেন মা দুর্গ-নির্মাণ ? কেন এত বেতনভোগী গোরা সৈন্য ?  
কেন এত অর্থব্যয় ? চেয়ে দেখ তোমার রাজপুত্র সম্ভান দণ্ডায়মান,

চেয়ে দেখ, রণত্রয় রাজবংশল শিখ, মারহাট্টা, মাদ্রাজী, পার্শি অসিকরে দণ্ডায়মান। তুর্গের প্রয়োজন নাই, আনরাই তোমার দৃঢ়প্রাচীর। তোমার শিক্ষা, তোমার নামে বরণলীলা; তুবনে কে এমন অস্ত্রধারী আছে যে, এ প্রাচীর ভেদ করতে পারে? আমরা একতাবিহীন, কিন্তু তোমার নাম দৃঢ় একতা বন্ধন। যদি প্রয়োজন হয়, জগজ্জন দেখবে যে, ভারতে ভিক্টোরিয়ার অধিকার-আক্রমণ বাতুলের স্বপ্নমাত্র। মা! অস্ত্রধারী সন্তানের কামনা পূর্ণ কর, ভারত-রক্ষার অধিকার দাও।”

১৮৯৭ খৃষ্টাব্দেই প্রকাশিত “মায়াবসান” নাটকে গিরিশচন্দ্র কালীকিঙ্করের মুখে যাহা বলিয়াছেন, তাহা বিশেষভাবে প্রণিধানযোগ্য। তিনি একস্থানে বলিতেছেন,—

“আমি ইংরাজের অনুকরণের বিরোধী। ইংরাজের আচার-ব্যবহার ইংরাজের উপযোগী,—ভারতের অহিতকর।”

অতঃপর,—

“আপনারা বলেছেন, পলিটিক্যাল ইউনিটা হয়েছে, আর রাজ্য শাসনের ব্যয় কমাতে চান; ভাল, সে ব্যয়-কমান আপনাদের হাতে আছে, সেইটে আগে করুন। গ্রাম, পল্লী, সহর মোকদ্দমায় উৎসন্ন যাচ্ছে, সব বড় লোক একত্র হয়েছেন, পঞ্চায়েত করে মোকদ্দমার সর্বনাশ-নিবারণ করুন; তাতে বিস্তর জজের মাইনে কমে যাবে, কোর্ট-ফি বেঁচে যাবে, কোপুলীরা কাঁড়ী কাঁড়ী টাকা নিয়ে যাচ্ছে, সে টাকা দেশে থাকবে।”

\* \* \* \* \*

“মোড়ে মোড়ে মদের লোকান তুলে দিন। বহু লোক একত্র হয়েছেন, যে মদ খাবে, তাকে সামাজিক শাসন করুন; নিজ নিজ দৃষ্টান্ত দ্বারা সাধারণকে শিক্ষা দিন। চক্ষের উপর দেখছেন, দীন দরিদ্র প্রভৃতি ইংরেজী চালে চলে, আয় অনুসারে ব্যয় করতে পারে না; তাতে যে কি সর্বনাশ হচ্ছে একটু চিন্তা করলেই বুঝতে পারেন। এমন কুটার নাই, যেখানে মদের বোতল, স্লিপ বোতাম, সাবান সেঁধুন নাই; যদি বড় লোক একত্র হয়ে থাকেন, সাধারণকে সুনীতি শিক্ষা দিন, পরিমিতাচারী হ’তে বলুন, বিলাতে টাকা না পাঠিয়ে, সেই টাকায় দীন দরিদ্রের সাহায্য করুন।”

এইরূপে নানাস্থানে গিরিশচন্দ্র আমাদেরকে স্বদেশের সর্ববিধ উন্নতির প্রতি অবহিত হইতে বলিয়াছেন। তাহার মতে, “যিনি যথার্থ লোকহিতকারী, তিনি একাই সহস্র, তাঁর কার্য কখনই বিফল হয় না।”

রসরাজ অমৃতলাল তাঁহার প্রহসনগুলিতে ভণ্ড তথাকথিত দেশহিতৈষিগণকে শ্লেষ ও বিদ্রূপবাণে জর্জরিত করিয়া যেভাবে প্রকৃত দেশাত্মবোধে উদ্বোধিত করিয়াছেন, সেরূপ অতি অল্প নাট্যকারই পারিয়াছেন। তাঁহার গ্রন্থাবলীর সর্বত্রই স্বদেশের প্রতি ভক্তি, স্বকীয় সমাজের প্রতি দরদ এবং স্বদেশের প্রতি নিষ্ঠা প্রকটিত হইয়াছে। আমরা তাঁহার গ্রন্থাবলী হইতে যদৃচ্ছক্রমে কয়েকটি স্থান

উদ্ধৃত করিতেছি। “বাবু”তে স্বদেশসেবক (!) যতীকৃষ্ণ ভ্যাটাভ্যাল কোন হৃদশাগ্রস্ত গ্রামবাসীকে বলিতেছেন :—

“এ্যা, ইংরেজী জানেননা; তবে সে গ্রাম থাকলেই বা বি আর গেলেই বা কি, সে গ্রামের জন্ত আমি কিছু করতে পারিনে তা হ’লে গোড়ায় একটা বড়-রকম চাঁদা তুলতে হবে; হাল গর লাঙ্গল সব বেচে আমায় একটা ফণ্ড তুলে দিক্, আমি সেখানে একটা স্কুল খুলে দিচ্ছি, আগে ইংরেজী পড়তে শিখুক, তবে তাদের জন্ত আমাদের মত সভ্য লোকদের দয়া হবে, Sympathy পাবে।”

পুনশ্চ,—

“দেখছি তোমরা অতি অসভ্য জায়গায় থাক; দেশহিতৈষিতা: কি কি দরকার, কিছুই জান না, তোমাদের গ্রামের উন্নতি:



রসরাজ অমৃতলাল বসু

প্রতিকার করতে যাব, আমি ইন্টারমিডিয়েটে গেলে আমায় চিনবে কে? ফার্স্ট ক্লাশে খাবার-আসবার টিকিটের ঠিক কর, আর আমি কেলনারের হোটেলে খাব, লেকচার দেব, তার জন্ত একজন ফিরিশ্চী রিপোর্টার এখান থেকে নিয়ে যেতে হবে, তার সেকেণ্ড ক্লাশের ভাড়া—আর ফি যে ক’টাকা নেয়। তার পর আমি যাচ্ছি, তার জন্তে রাজসাহী, ঢাকা, যশোর, পাটনা, বেনারস, বোখাই, মাদ্রাজ, মিলান, বিলেত আর যে যে জায়গায় আমাদের ব্রাঞ্চ সভা আছে, সেখানে টেলিগ্রাম পাঠাতে হবে :—ষ্টেশন থেকে গ্রামে গ্রামে যাবার জন্ত পাকী ঠিক করো আর গ্রামে চুকতেই দেবদারু-পাতা দিয়ে নিশেন-টিশেন দিয়ে একটা দটক বাঁধা থাকবে,—রাত্রিবে আলো ৩৬য়া চাই, আর নহবত—আর কলকাতা থেকে একদল সখের কনুমাট নিয়ে যেতে পার ত ভাল হয়।”



“কালাপানি”তে বিলাতগমনেচ্ছ দেশবাসীকে সর্বাগ্রে দেশের সহিত ঘনিষ্ঠতর সম্বন্ধ স্থাপনের ইঙ্গিত করা হইয়াছে।

যথা,—

“সাধুরাম। সমুদ্রযাত্রা না করলে, নানাবিধ দেশ না দেখলে মনের উন্নতি হয় না।

তিনকড়ি। ভারতবর্ষের ভিতর বোধ হয় বরানগর, হাওড়া, দমদমা, বালিগঞ্জ প্রভৃতি এক রাজ্য দেশ থেকে অন্য রাজ্য দেশ সকলগুলিই মশায়ের দেখা হয়েছে, এখন বাকি খালি বিলাত!

সাধু। ভারতবর্ষে আবার দেখবার আছে কি? ভারতবর্ষ কি আবার একটা দেশ! এই ভারত উদ্ধার করবার জন্যই ত আমরা বিলাত যেতে চাই।

তিন। চৌদ্দ পুরুষ উদ্ধারের জন্তে তো বাবা, গয়ায় গিয়ে গদাধরের পাদপদ্মে পিণ্ডি দিতে হয়, বিলাতে গিয়ে বাবা, ভারতের পিণ্ডিটা কার পাদপদ্মে দেবে?

মাখন। যখন বিলাত থেকে ভারত উদ্ধার করে ফিরে আসবো, তখন টের পাবে কি পিণ্ডি কার পাদপদ্মে দিয়েছি। স্বাধীনতা কাকে বলে তাতো জান না? খালি দাসত্ব করতে শিখেছ, এই যে ভারতবাসীরা বড় চাকরী পায় না, দেখ দেখি তার একটা উপায় করে আসতে পারি কি না?

তিন। এ কথা আর উত্তর নাই, চাকরী না করলে কি স্বাধীনতা বজায় থাকে!

হুলাল। আচ্ছা রেখে দাও, চাকরীকে নাই স্বাধীনতা বলে, যদি জাগাজে করে ইংলণ্ড, ফ্রান্স, জার্মানি, আমেরিকা এসব জায়গায় না যাওয়া যায়, তাহলে বাণিজ্যের উন্নতি করা যাবে কি প্রকারে? বৈদেশিক বাণিজ্য ভিন্ন কখনও জাতীয় উন্নতি হ'তে পারে না।

তিন। দেশে যে বাবা, এমন কিছু বাণিজ্যের ফালাও করে বসেছ, তাতো কৈ দেখতে পাচ্ছিনে; উন্নতি তো পরে করবে, স্ক্রুটা এখন থেকে কবে নমুনা দেখাও না কেন? এই যে পুরুবাহুক্রমে রেয়তের রক্ত, হাওনোট, আর কোম্পানীর কাগজের সুদে দেহখানা পুষ্ট কচ্ছো, অপাত্রে দানের ভয়ে মুষ্টি ভিক্ষা পর্যন্তও তো বন্ধ করা হয়েছে।

উভয়ে। Hear! Hear!

তিন। জমিয়েছ তো বিস্তর, কিছু ভাঙ্গিয়ে কেন ব্যবসা বাণিজ্য কর না; তিসি ভূমি-খাটা অসভ্যতা হয়, কে মাথার দিব্য দিয়ে বারণ করেছে বাবা, কলকল্যাণ কর না; বিলাত থেকে, মার্কিন থেকে কাগড়ের, কাগজের, ছুরি কাঁচির কল আনাও; আপাততঃ না হয় ইংরেজ চাকর রেখে চালাও, ক্রমে শিখে নাও।

\* \* \* \* \*

সাধু। শুধু দেশী বাণিজ্যতে ভালরকম লক্ষী-লী হয় না, দেশের ধনবৃদ্ধি করা চাই।

তিন। এই এক কথা শিখেছ কি না, “বাণিজ্যে বসতি লক্ষীঃ”—ভাল, তার পরের কথাটা জানা আছে কি? “তদর্থে কৃষিকর্মণি”—আচ্ছা, লক্ষীর একবারে কোটা বালাখানা করতে না পার, নেহাত হালফিল একখানা আটচালা-মতন করে দাও না বাবা। কৃষিকর্মে তো বাণিজ্যের অর্ধেক ফল, তা চাষ বাস কর না কেন? দেশ-যুড়ে মাঠ পড়ে আছে, তা ত আর বিলাত থেকে মাথায় করে আনতে হবে না?

হুলাল। এইবার মামা ধরা পড়েছে, আপনার কাঁদে আপনি পড়েছে।

মাখন। Trap in his own catch.

হুলাল। বিলাত না গেলে, ভাল রকম বৈজ্ঞানিক চাষবাগ শেখা যাবে কোথেকে? হাঁ হাঁ বাবা, মামা এর জবাব আর তোমার গাঁজার বুদ্ধিতে কুলুচ্ছে না।

তিন। বাবা, দেশে থেকে দাঁড়ি-টানাটা রপ্ত কর না, তার পর যখন মহামহিম পাঠ দেখবার উপযুক্ত হবে, তখন বিলাত-ফিলাত যাবার কথা বোঝা যাবে। এই তো বাবা তুমি একজন দিগ্গজ জমীদার, একেবারে বিলাতি রকম না হয়, নিজের এলেকাতে পরলা পরলা একটু দেশী-রকম চাষ আরম্ভ কর দেখি, কেমন না ফল হয় দেখা যাক। এই তো বাবা বারমাসে দুর্ভিক্ষ লেগেই হয়েছে। এ বছর কি? না, বৃষ্টি হয়নি, সব শুকিয়ে গেল। যত দোষ সেই বৃড়ো বেটা ভগবানের উপর চাপান হচ্ছে, কিন্তু আসল কথাটা তলিয়ে একবার কেউ দেখেন না।

\* \* \* \* \*

মাখন। আচ্ছা, তুমি বিলাত যাওয়ার উপর এত চটা কেন?

তিন। কৈ চটার কথা তো কিছু কইনে বাবা; প্রাণে বিশেষ সম্বন্ধ থাকে বা বেশী প্রয়োজন হয়, তুমি যমালয়ে গেলেও আমার আপত্তি নাই; তবে আমার কথাটা হচ্ছে যে, এখনও টের কাজ আছে বা—দেশে থেকেই করতে পার।

“একাকারে”ও অনেকস্থানে দেশীয় কৃষি-শিল্পের উন্নতি দ্বারা স্বাধীনভাবে দেশোন্নতি ও জাতীয় তাবসংরক্ষণের ইঙ্গিত আছে। একস্থানে লিখিত আছে:—

“আমাদের উন্নতি কর্তে হ'লে তোমরা বাকি পেছনো মনে কর, সেই পেছতে হবে, সাহেবী-ধরণ সামনে আদর্শ রেখে হিন্দু উন্নতি কর্তে হ'লে যতই চেষ্টা করবে, ততই অধঃপাতে যাবে; হিন্দুর উন্নতির উপায় সেই পুরাতন হিন্দুর আদর্শ।”

শ্রীমদ্বাখনাথ ঘোষ।





## ষষ্ঠ পর্ব

ডাইনী-বুড়ীর ভবিষ্যদ্বাণী

(বক্তা—ইংরেজ যুবক পিটার)

আমাদের কথা শেষ হইবার পূর্বেই মেরী নৈশ অন্ধকারে অদৃশ্য হইলে তাহার জন্ত আমার বড়ই হুচিন্তা হইল। আমস আমাকে তাহার অহুসরণ করিতে না বলিলেও আমি দ্রুতবেগে সমুদ্রতটে উপস্থিত হইয়া তাহাকে খুঁজিতে লাগিলাম; অবশেষে তাহাকে গিরিপাদমূলে এক খণ্ড পাথরের উপর উপবিষ্ট দেখিলাম। সে ছই হাতে মুখ ঢাকিয়া ফুলিয়া ফুলিয়া কাঁদিতেছিল। তাহার বুকফাটা রোদনে আমি বড়ই বিচলিত হইলাম। আমি তাহার সমহুঃখী।

আমি মেরীর সখুখে কাঁকিয়া-পড়িয়া তাহার স্বল্প স্পর্শ করিয়া কোমল স্বরে বলিলাম, “মেরী!”

মেরী আমার আহ্বানে সাড়া দিল না। আমি পুনর্বার ডাকিলাম, “মেরী!”—এবার মেরী মাথা তুলিয়া আমার মুখের দিকে চাহিল। শুভ্র নক্ষত্ররাশির মূঢ় আলোকে দেখিলাম, তাহার মুখমণ্ডল শোণিত-সংস্পর্শরহিত, এবং অশ্রুধারায় প্রাবিত।

মেরী ভগ্নস্বরে বলিল, “পিটার, উঃ কি কষ্ট!”

আমি কোন কথা না বলিয়া নিঃশব্দে তাহার পাশে বসিয়া-পড়িলাম; তাহার পর তাহার হাতখামি নিজের হাতের ভিতর লইয়া সহানুভূতিভরে তাহার মুখের দিকে চাহিয়া রহিলাম। তাহার সর্বত্র তখনও কাঁপিয়া কাঁপিয়া উঠিতেছিল; ধমনীতে শোণিতের শ্রোত প্রধর।

মেরী ক্রণকাল নীরব থাকিয়া অক্ষুট স্বরে বলিল, “পিটার, বাবা আমাকে কি বলিল, তাহা তুমি গুনিয়াছ কি?—কি ভয়ানক কথা!”

আমি বলিলাম, “মেরী, উহার কথায় তুমি কাণ দিও না। উহার কথাই ঐ রকম! তোমার বাবা এক এক সময় আমাকে কি রকম ভয়ানক কথা বলে, তাহাও তুমি জান ত? কিন্তু সে সকল কথা কোন দিন আমি কাণে তুলি না। কি বলিতেছে, তাহা না বুঝিয়াই যা’ তা’ বলা উহার অভ্যাস! তাহা গুনিয়া রাগ করিতে নাই।”

মেরী মাথা নাড়িয়া বলিল, “না পিটার, তোমারই বুঝিবার ভুল! বাবা যাহা বলে, তাহা বুঝিয়াই বলে। আমি এখান হইতে চলিয়া যাইতে পারিলেই বাঁচিতাম; আর একদিনও এখানে আমার থাকিবার ইচ্ছা নাই। আমি এই কদর্য স্থান হইতে চিরবিদায় লইতে চাই, পিটার!”

আমি বলিলাম, “সে যাহা হয় পরে হইবে, এখন ঘরে চল মেরী!”

মেরী অধীর স্বরে বলিল, “তুমি আবার আমাকে বাবার কাছে যাইতে বলিতেছ? ঐ সকল দুর্ভাগ্য গুনিতে যাইব? ছিঃ!”

আমি বলিলাম, “তোমাকে আর কোন কথা গুনিতে হইবে না; তোমার বাবা এতরূপ ঘুমাইয়া পড়িয়াছে।”

মেরী আমার কথার আর প্রতিবাদ না করিয়া ধীরে ধীরে উঠিয়া দাঁড়াইল; আমি তাহার হাত ধরিয়া এক-রকম টানিয়া-লইয়াই বাড়ীর দিকে চলিলাম।

কয়েক মিনিট পরে গৃহে প্রত্যাগমন করিয়া বুঝিতে পারিলাম, আমার অহুমান সত্য নহে, আমস্ তখনও শয়ন করে নাই; সে তখন পাকশালার অগ্নিকুণ্ডের অদূরে বসিয়া চিন্তাকুল চিন্তে ধূমপান করিতেছিল। তাহাকে দেখিয়া মেরী আর মুহূর্তমাত্র সেখানে না দাঁড়াইয়া দ্বিতলে তাহার শয়ন-কক্ষে চলিয়া গেল। সুতরাং আমস্ তাহাকে আর কোন কথা বলিবার সুযোগ পাইল না।

মেরী কোথায় চলিয়া গিয়াছিল, আমস্ সে কথা

আমাকে জিজ্ঞাসা না করিয়া কঠোর স্বরে বলিল, “কাল সকালে আমি স্থানান্তরে যাইব, তোমাকেও আমার সঙ্গে যাইতে হইবে; তুমি খুব সকালে উঠিয়া আমার সঙ্গে যাইবার জন্ত প্রস্তুত হইবে।”

আমি তাহার কথার মর্ম বুঝিতে না পারিয়া জিজ্ঞাসা করিলাম, “আমাদিগকে স্থানান্তরে যাইতে হইবে; আমরা কি চিরদিনের জন্ত এ স্থান ত্যাগ করিয়া যাইব?”

আমস্ মাথা-নাড়িয়া গর্জন করিল, “চিরদিনের জন্ত কোন চুলোয় যাইব? আমরা ঘর-বাড়ী ছাড়িয়া চিরকালের জন্ত কোথাও যাইব না। কাল সকালে আমি স্বাইএ যাইব; তোমাকেও আমার সঙ্গে যাইতে হইবে, এই কথা বলিয়াছি। এই সোজা কথাটাও তোমার বুঝিবার শক্তি নাই! তোমার মত নিরেট গাধা আর কখনও দেখি নাই!”

আমি তাহার কথার প্রতিবাদ না করিয়া বলিলাম, “সেখানে আমাদের কত বিলম্ব হইবে?”

আমস্ বলিল, “কাল সন্ধ্যার পরই আমরা এখানে ফিরিয়া আসিব।”

আমি বলিলাম, “বুঝিলাম; কিন্তু আমাদের এখানে ফিরিবার পূর্বেই যদি কোন ‘ইউ’-বোট আসিয়া পড়ে?”

আমস্ কঠোর স্বরে বলিল, “দিনের আলো থাকিতে কোন ‘ইউ’-বোট এখানে আসে না, তাহা কি তুমি জান না? এই সোজা কথাটা এতদিনে তোমার বুঝিতে পারা উচিত ছিল। হিটলারের অমুচরগুলো অন্ধকার গাঢ় না হইলে এখানে আসিবে না। কিন্তু ফার্মসের সন্ধান লইবার জন্ত অস্ত্রাস্ত্র লোক এখানে আসিতে পারে। এই জন্তই আমি তোমাকে সঙ্গে লইয়া যাইব। মেরীকে আমি বিশ্বাস করিতে পারি। আমি জানি, মেরীকে জেরা করিয়া কেহ তাহার মুখ হইতে সত্য কথা বাহির করিয়া লইতে পারিবে না, তাহার মুখ বুজিয়া থাকিবার অভ্যাস আছে; কিন্তু শয়তানী বুদ্ধিতে তুমি পরিপক্ব হইলেও সত্য কথা গোপন রাখিতে পারিবে না; জেরায় পড়িয়া তুমি সব গোলমাল করিয়া ফেলিবে, সর্বনাশ করিয়া বসিবে,— এই জন্তই ত তোমাকে ভয়!”

তাহার এই মন্তব্য শুনিয়া আমার কিছুই বলিবার ছিল বিশেষতঃ, দীর্ঘকাল তাহার আশ্রয়ে বাস করিয়াও

মিথ্যা কথা আমার মুখে বাধিয়া যাইত,—আমার এই ক্রটি অস্বীকার করিবার উপায় ছিল না। অগত্যা আমি নির্বাক রহিলাম।

কিন্তু আমস্ তখনও আমাকে নিষ্কৃতি-দান করিল না; সে ক্ষণকাল নীরব থাকিয়া বলিল, “আমার সেখানে যাইবার ইচ্ছা ছিল না; কিন্তু বাধ্য হইয়া যাইতে হইতেছে। আমার ঘরে দুই সপ্তাহ চণিবার মত মদ সঞ্চিত ছিল। ফার্মস্ আমার আতিথ্য গ্রহণ করিয়া মরিল তাহাতে ক্ষতি নাই; কিন্তু আধ-জার মদ সমস্তই সে গিলিয়া সাবাড় করিয়া মরিয়াছে! ঘরে আর একবিন্দুও মদ নাই। কাজেই উহা সংগ্রহ করিবার জন্ত স্বাইএ না যাইলে চলিতেছে না। তা’ ছাড়া, সেখানে যাইবার আরও একটি কারণ আছে।”

সেই কারণটি কি, আমস্ আমার নিকট তাহা প্রকাশ করিল না; আমিও সে কথা তাহাকে জিজ্ঞাসা করিলাম না। সে তাহার মেটে পাইপটা পুনর্বার মুখে জুড়িয়া, অগ্নিকুণ্ডের আরও নিকটে সরিয়া বসিল। আমি পাক-শালার এক কোণে বসিয়া রহিলাম। সে আপন মনে বিড়-বিড় করিয়া কি বলিতে লাগিল।

কথাগুলি সে অমুচর স্বরে বলিলেও আমি তাহা শুনিতে পাইলাম।

আমস্ বলিল, “কাজটা করিতে আমার সাহস হয় না। অস্ত্র লোক এতদিন তাহার মুণ্ডপাত না করিয়া নিশ্চিন্ত হইতে পারিত না; কিন্তু আমি শুনিয়াছি, তাহাকে হত্যা করিলে সর্বনাশ হইবে। সে শাপ দিলে তাহা হাড়ে-হাড়ে ফলিয়া যাইবে। জানি না, এ কথা সত্য কি না; কিন্তু সত্য হইতেও পারে। বড়ই সঙ্কটে পড়িয়াছি! কি যে করিব—কিছুই স্থির করিতে পারিতেছি না! বড়ী বাঁচিয়া থাকিতে আমি নিরাপদ নহি।”

হঠাৎ সে নীরব হইল, এবং তাহার কথাগুলো আমি শুনিতে পাইয়াছি তাবিধা সে সক্রোধে আমার বুকের দিকে চাহিল; তাহার ভাল চোখটা হইতে যেন আগুনের হুকা বাহির হইতে লাগিল! তাহার পর সে আমাকে বলিল, “হরিকেন লঠনটা লইয়া তুমি সমুদ্রতটে বাও; যদি আজ রাত্রে হঠাৎ কোন ‘ইউ’-বোট আসিয়া পড়ে, তাহা হইলে তাহাকে সাক্ষেতিক আলো দেখাইবে।”

তাহার আদেশ শুনিয়া আমি উঠিয়া দাঁড়াইলাম, এবং বলিলাম, “বেশ, আমি যাইতেছি।”

চন্দ্রনির্মিত পুরাতন জ্যাকেটটা তাড়াতাড়ি পরিয়া লইলাম। আমার গরম কোট নাই; ‘ইউ’-বোটের প্রতীকার দীর্ঘকাল সমুদ্রতীরে বসিয়া-থাকিয়া শীতে কষ্ট পাই দেখিয়া কোন কাপ্তেন দয়া করিয়া উহা আমাকে উপহার দিয়াছিল। সেই জ্যাকেট দ্বারা দেহ আবৃত করিয়া, আমি হরিকেন লঠনটি জালিয়া-লইয়া মেঘাঙ্ককার-সমাচ্ছন্ন বর্ষণোন্মুখ রাত্রিতে একাকী বিজন সমুদ্রকূলে যাত্রা করিলাম। নিশ্চল আকাশে অল্প সময়ের মধ্যেই মেঘ ঘনাইয়া আসিয়াছিল। সমুদ্রতটে উপস্থিত হইয়া ‘ইউ’-বোটের প্রতীকার আমি গিরিপাদমূলে বসিয়া রহিলাম। অবশেষে নিশাবসানে উষালোকে চরাচর উদ্ভাসিত হইল। সারা রাত্রি আমাকে জাগিয়া কাটাইতে হইল। আমি ভাবিলাম, রাত্রির ত অবসান হইল, কিন্তু জীবনে আমার এই তমোময়ী ছুঃখ যামিনীর অবসান হইবে কি ?

প্রভাতে আমি উঠিয়া দাঁড়াইলাম। সারারাত্রি এক স্থানে বসিয়া-থাকায় হাত-পা আড়ষ্ট হইয়াছিল। প্রভাতে ‘ইউ’-বোট আসিবে না বুঝিয়া আমি আড়ষ্ট হাত-পা ডলিয়া অবসাদ-শিথিল দেহে বাড়ী ফিরিলাম।

দীর্ঘ রাত্রি জাগিয়া-থাকায় আমার চক্ষু জ্বালা করিতেছিল; নিদ্রাঘোরে চক্ষুর পাতা জড়াইয়া আসিতেছিল। আমি পাকশালায় প্রবেশ করিয়া তাড়াতাড়ি আমার পরিচ্ছদ ও বুট-জোড়াটা খুলিয়া ফেলিলাম, এবং বিচিলী-গুলি সেই কক্ষের এক কোণে বিছাইয়া-লইয়া তাহার উপর শ্রান্ত দেহ প্রনারিত করিলাম। শয়ন মাত্রই আমি নিদ্রাভিভূত হইলাম।

সূর্যোদয়ের পর আমদের আস্থানে আমার নিদ্রাভঙ্গ হইল। আমি তত-বেলা পর্যন্ত ঘুমাইয়া অমার্জনীয় অপরাধ করিয়াছি—এই ভাবে আমসু তর্জন-গর্জন করিতে লাগিল। আমি তৎক্ষণাৎ উঠিয়া জামা-জুতা পরিয়া সমুদ্রতটে তাহার অনুসরণ করিলাম। আকাশে তখনও অল্প অল্প মেঘ ছিল; এবং বায়ুর বেগ প্রবল হইলেও তাহা আমাদের অনুকূল ছিল। আমসু আমাকে তাহার বোটে তুলিয়া লইলে বোটখানি অনুকূল বায়ুপ্রবাহে স্বাই-দ্বীপ অভিমুখে ধাবিত হইল।

আমসু কি উদ্দেশ্যে স্বাই দ্বীপে যাইতেছিল, তাহা বুঝিতে পারিলাম না। সে বলিয়াছিল বটে যে, মত সংগ্রহের জন্য তাহার সেখানে গমন করা প্রয়োজন, কিন্তু তাহার সেখানে গমনের অন্য কারণ ছিল—তাহাও সে বলিয়াছিল; আমার মনে হইল, সেই কারণটি সে আমার নিকট প্রকাশ না করিলেও তাহাই প্রধান কারণ।

আমসু বোটে উঠিয়া আমাকে কোন কথা বলিল না; সে নির্ণিমেষ নেত্রে আমাদের দ্বীপের দিকে চাহিয়া রহিল। আমি আর কখন আমাদের বাসস্থান হইতে স্থানান্তরে গমন করি নাই। এই জন্ত নূতন স্থানে যাইতেছি ভাবিয়া আমার মনে যথেষ্ট আনন্দ হইলেও আমদের ভাবভঙ্গি দেখিয়া সেই আনন্দ স্থায়ী হইল না; বরং কি এক অনিশ্চিত বিপদের আশঙ্কায় আমার মন ব্যাকুল হইয়া উঠিল। যাহা হউক, দীর্ঘকাল পরে স্বাই দ্বীপের গিরিমালা আমাদের দৃষ্টিগোচর হইলে আমার মনের ভার লঘু হইল। আরও কিছুকাল পরে আমরা স্বাই দ্বীপের বালুকাময় তটদেশে অবতরণ করিলাম।

তখন মধ্যাহ্নকাল অতীত হইয়াছিল। বায়ুর উদ্দাম বেগ তখন হ্রাস হইয়াছিল। দ্বীপটির চতুর্দিক নিস্তব্ধ; কোনও দিকে জনমানবের সাড়া-শব্দ পাইলাম না। সমুদ্রতট হইতে আমি আমদের অনুসরণ করিলাম। বহু দূর হইতে সমুদ্রচর গল পক্ষীর কণ্ঠস্বর আমাদের কর্ণগোচর হইতে লাগিল। সেই তীব্র স্বরে যেন ক্ষুধিত জীবনের আর্তনাদ ধ্বনিত হইতেছিল।

জীবনে সর্বপ্রথম এই নূতন স্থানে আসিয়া চলিতে চলিতে আমার মন উত্তেজনার পূর্ণ হইল। এখানে কি দেখিব, কি নূতন অভিজ্ঞতা লাভ করিব, তাহা বুঝিতে পারিলাম না!

কিছু দূর চলিতে চলিতে আমরা উচ্চ ভূমিখণ্ড অতিক্রম করিলাম। তাহার পর পথের মোড়-ঘুরিতেই প্রায় পঞ্চাশ গজ দূরে অবস্থিত একখানি ক্ষুদ্র কুটার আমাদের দৃষ্টিগোচর হইল। কুটারখানির ছাদ টালিনির্মিত, এবং তাহার দেওয়ালগুলি চূণকাম-করা। দেওয়ালের স্থানে স্থানে ছিদ্র, সেই সকল ছিদ্র-পথে বিবর্ণ শিলাখণ্ড দেখা যাইতেছিল। সেই সকল প্রস্তর দ্বারা পুরাতন প্রাচীরের জীর্ণ-সংস্কার হইয়াছিল। কুটারের নিকটে উপস্থিত

হইয়া বুঝিতে পারিলাম—কুটীরখানি বহু পুরাতন, এবং অত্যন্ত নোংরা, যেন দীর্ঘকাল সেখানে সম্মার্জনী ব্যবহৃত হয় নাই!

কুটীরের সম্মুখে একখানি ক্ষুদ্র বাগান, তরি-তরকারীর বাগান বলিয়াই মনে হইল; কিন্তু তাহাতে যত্নের কোন পরিচয় পাইলাম না। বাগান জঙ্গলে পূর্ণ; কয়েকটা মোরগ সেই বাগানের নিকট চরিয়া বেড়াইতেছিল। অপরাহ্নের রৌদ্র প্রতিফলিত হওয়ায় সেই স্থানটি শ্রীভ্রষ্ট ও পরিত্যক্ত বলিয়া মনে হইতে লাগিল।

স্থানটি আমদের সুপরিচিত বলিয়াই মনে হইল; কারণ, সে অসঙ্কোচে কুটীর-দ্বারে উপস্থিত হইয়া বাঁপের দরজায় একটা ধাক্কা দিল।

দরজা অল্প খোলা ছিল। তাহার করাঘাতের শব্দে একটা বৃদ্ধা কুটীরের ভিতর হইতে নীরস স্ত্রীত্ব খন্থনে আওয়াজে বলিয়া উঠিল, “এসো আমস্ জোবি! কুটীরের ভিতরে এসো; আমি তোমারই প্রতীক্ষা করিতেছি। তোমার প্রতিপালিত ছেলেটি তোমার সঙ্গে আসিয়াছে, তাহাকেও লইয়া এসো।”

আমস্ আমাকে তাহার অনুসরণের জন্ত ইঙ্গিত করিয়া সেই কুটীরে প্রবেশ করিল। মুহূর্ত্ত পরে আমিও সেই অন্ধকারাচ্ছন্ন কুটীরের মধ্যস্থলে উপস্থিত হইলাম। কুটীরের ভিতর একরূপ ভূগর্ভ যে, সেই বন্ধ বায়ুতে আমি হাঁপাইতে লাগিলাম। আমার শ্বাসরোধের উপক্রম হইল!

সেই কুটীরের অন্ধকার আমার চক্ষুতে সজ্জ হইলে আমি সম্মুখে চাহিয়া অগ্নিকুণ্ডের পার্শ্বস্থ একখানি টুলের উপর উপবিষ্টা একটা বৃদ্ধাকে দেখিতে পাইলাম। বৃদ্ধার মুখের দিকে চাহিয়া আতঙ্কে আমার চক্ষু কপালে উঠিল! সেরূপ অদ্ভুত—সেরূপ ভীষণ কদাকার নারীমূর্ত্তি আমি কখন কল্পনা করিতে পারিতাম না। সে নারী, কি কোন হিংস্র জন্তু তাহা আমি বুঝিতে পারিলাম না!

সে বৃদ্ধা; তাহার দেহ একরূপ ক্ষীণ যে, অস্থির উপর কুঞ্চিত স্বকের আবরণ ভিন্ন দেহে মাংসের অস্তিত্ব ছিল বলিয়া মনে হইল না। বাদামী স্বকের নীচে স্থূল শিরাগুলি ফুলিয়া উঠিয়াছিল। তাহার মুখ পেচকের মুখের মত, কিন্তু দীর্ঘ নাসিকার অগ্রভাগ বক্র; চক্ষু দু’টি কোটরগত, কিন্তু চক্ষু-তারকা অস্বাভাবিক উজ্জ্বল,—তাহা ধ্বঙ্-ধ্বঙ্

করিয়া জ্বলিতেছিল। তাহার দস্তহীন মুখে পাতলা ওষ্ঠ। হাতের আঙ্গুলগুলি অস্থিসার ও দীর্ঘ; আঙ্গুলাগ্রে দীর্ঘ নখগুলি বক্রাকার। তাহার হাতে একখান লাঠী, কিন্তু হাত ধর-ধর করিয়া কাঁপিতেছিল। মস্তকের রুক্ষ কেশদাম উর্গার মত; তৈলাভাবে তাহাতে জট বাধিয়াছিল। বিবর্ণ কুঞ্চিত ললাটে স্থূল শিরাগুলি ফুলিয়া-উঠিয়া মুখমণ্ডলের ভীষণতা বর্ধিত করিয়াছিল। তাহার স্বকের হাড় উচু হইয়া উঠিয়াছিল। তাহার মাথার একটা ক্ষুদ্র, বিবর্ণ, জীর্ণ ছত্রিদার টুপি। রুক্ষবর্ণ আলখেল্লা একরূপ দীর্ঘ যে, তাহা তাহার পদদ্বয় আবৃত করিয়া বহুদূর পর্য্যন্ত প্রসারিত ছিল।

বৃদ্ধা নীরস স্বরে বলিল, “সরিয়া এসো আমস্ জোবি! আমার আরও কাছে এসো। হাঁ; নিক ও আমি সত্যই তোমার প্রতীক্ষা করিতেছিলাম।”

তাহার কথা শুনিয়া ভাবিলাম—নিক আবার কে?

কিন্তু তাহার কথা শেষ হইবার সঙ্গে সঙ্গে রুক্ষবর্ণ কি-একটা চতুর্ভুজ জন্তু পশ্চাৎ হইতে বৃদ্ধার পাশে লাফাইয়া পড়িল। আমি তীক্ষ্ণ দৃষ্টিতে চাহিয়া দেখিলাম, তাহা একটা প্রকাণ্ড রুক্ষবর্ণ বিড়াল! যেন কালো বাঘ! বিড়াল অত বড় হয়, একরূপ আমার ধারণা ছিল না। তাহার স্ত্রগোল চক্ষু দু’টি যেন আঙনের ভাঁটা! বিড়ালটা তৎক্ষণাৎ টলে উঠিয়া বৃদ্ধার পাশে ঝুঁড়ি-মারিয়া বসিয়া পড়িল। বিড়ালটাকে দেখিয়া ভয়ে ও ঘৃণায় আমার সর্বাস্ত শিহরিয়া উঠিল; মনে হইল, শয়তান এই বিড়ালের মূর্ত্তিতে বৃদ্ধাকে সকল বিপদে রক্ষা করিতেছে। বিড়ালটার যে চক্ষুতারকা কিছুকাল পূর্বে অগ্নিবর্ণ দেখিয়াছিলাম, ক্ষণকাল পরে তাহা গাঢ় সবুজবর্ণে পরিণত হইল।

বৃদ্ধার আস্থানে আমস্ তাহার ঠিক সম্মুখে উপস্থিত হইয়া কয়েকটি রৌপ্যমুদ্রা তাহার কোলের কাপড়ের উপর ফেলিয়া দিল; তাহার পর নীরস স্বরে বলিল, “আমার বরাতি মদ এবং অন্যান্য জিনিসের জন্ত এই টাকাসুলি তোমাকে দিলাম। মদ চোলাই করিয়া ঘরে রাখিয়াছ ত? তাহা লইয়া আজ সন্ধ্যার পূর্বেই আমাকে বাড়ী ফিরিতে হইবে।”

বৃদ্ধা আমদের কথা শুনিয়া ঈষৎ বিজ্ঞপের স্বরে বলিল, “হাঁ, তোমাকে সন্ধ্যার পূর্বেই ফিরিতে হইবে তাহা

জানি। তুমি সন্ধ্যার পূর্বে বাড়ী না ফিরিলে রাত্রিকালে যদি জান্মাণ 'ইউ'-বোট আসে, তাহা হইলে তোমার জিয়ার তাহাদের যে তেল আছে, তাহা কিরূপে তাহারা সংগ্রহ করিবে? কিন্তু আমস্ জোবি, তুমি টাকার লোভে যে খেলা আরম্ভ করিয়াছ, তাহা অত্যন্ত বিপজ্জনক খেলা! হাঁ, সাংঘাতিক বিপজ্জনক! যাহা হউক, তুমি বাড়ী ফিরিবার পূর্বে আমার দুই হাতের মুঠা-ভরিয়া টাকা দিয়া যাও, তাহা হইলে আমি তোমার ভাগ্য-ফল গণনা করিয়া বলিয়া দিব।”

এই কথা বলিয়া বৃদ্ধা হী-হী শব্দে হাসিয়া টাকার জন্ত আমসের সম্মুখে উভয় করতল প্রসারিত করিল।

আমস্ বৃদ্ধার মুখের উপর অবজ্ঞাপূর্ণ দৃষ্টি নিক্ষেপ করিয়া নীরস স্বরে বলিল, “তোমার জন্ত যে টাকা আনিয়া-ছিলাম, তাহা সমস্তই তোমাকে দিয়াছি; তথাপি তোমার আশা মিটিতেছে না! বৃদ্ধা হইয়াছ, তবু তোমার এত লোভ!—কিন্তু তুমি জানিয়া রাখ—ভাগ্যফল জানিবার জন্ত আমার বিন্দুমাত্র আগ্রহ নাই। আমি তাহা শুনিতে চাই না।”

বৃদ্ধা উত্তেজিত স্বরে বলিল, “শুনিতে চাও না? হাঁ, তুমি তাহা শুনিতে চাইবে না বটে; কারণ, তাহা শুনিবার জন্ত যে সাহসের প্রয়োজন, সে সাহস তোমার নাই। তা, আমি তোমার নিকট টাকা পাই বা না-পাই, তোমার ভাগ্যফল আমি এখনই গণিয়া—”

বৃদ্ধার কথা শেষ হইবার পূর্বেই আমস্ উত্তেজিত স্বরে বলিল, “মুখ বুজিয়া বসিয়া থাক হারামজাদি বৃদ্ধি! যদি ও-সব কথা একটাও আবার মুখে আনি—তাহা হইলে—”

এই পর্য্যন্ত বলিয়াই, আমার বলিতে লজ্জা হইতেছে— আমস্ বৃদ্ধার সম্মুখে কুকিয়া-পড়িয়া তাহার গালে প্রচণ্ড বেগে এক চড় মারিল!

আমার মনে হইল, সেই চড় খাইয়া বৃদ্ধী তৎক্ষণাৎ ফুরিয়া-পড়িয়া পঞ্চদশ লাভ করিবে; কিন্তু বৃদ্ধীর কঠিন প্রাণ, সে মরিল না। সে তাহার শোণিত-সম্পর্কহীন, বিবর্ণ, শুক গালে আমসের স্থল, পরিপুষ্ট করতলের প্রচণ্ড আঘাত সহ করিয়া কোটরগত চকুর যে দৃষ্টি আমসের মুখের উপর নিক্ষেপ করিল, সেই অলস দৃষ্টির দাহিকাশক্তি

থাকিলে সেই স্থানেই আমস্কে ভস্মরূপে পরিণত হইতে হইত!

বৃদ্ধার একক জীবনের একমাত্র সঙ্গী 'নিক্' নামক সেই কৃষ্ণবর্ণ বিকটাকার হোঁদা বিড়ালটা বৃদ্ধার কোলের কাছে বসিয়া ছিল। আমস্ বৃদ্ধার গালে চড় মারিবামাত্র বিড়ালটা অগ্নিময় দৃষ্টিতে আমসের মুখের দিকে চাহিয়া, তীক্ষ্ণ দস্তশ্রেণী উদ্ঘাটিত করিয়া ক্রুদ্ধ ব্যাঘ্রের শ্রায় গর্জন করিল; তাহার সর্ব-শরীরের লোমরাজি কদম্বকেশরের শ্রায় কণ্টকিত হইয়া শরীরটা তিনগুণ ফুলিয়া উঠিল, এবং ক্রুদ্ধ ব্যাঘ্র যে ভাবে শিকারের উপর লাফাইয়া পড়ে—সে আমসের কণ্ঠনালি লক্ষ্য করিয়া সেই ভাবে লাফাইতে উত্তত হইল; তাহা দেখিয়া বৃদ্ধা বিড়ালটার পিঠে হাত বুলাইয়া মুহু স্বরে তাহাকে কি আদেশ করিল। বিড়ালটা অত্যন্ত গম্ভীর 'ম্যাও' শব্দ উচ্চারণ করিয়া স্থির ভাবে বসিয়া রহিল। তাহার লোমাক্তিত দেহ মুহূর্ত মধ্যে স্বাভাবিক আকার ধারণ করিল।

অতঃপর বৃদ্ধা আমসের মুখের উপর অগ্নিময় দৃষ্টি নিক্ষেপ করিয়া ক্রোধ-কম্পিত কণ্ঠে তীব্র স্বরে বলিল, “আমস্ জোবি! বিনা-দোষে তুমি এই অসহায়, দুর্বল বৃদ্ধাকে যে প্রহার করিলে, তোমাকে শীঘ্রই ইহার ফলভোগ করিতে হইবে। তোমার ভাগ্যে কি আছে তাহা শুনিতে চাও না, সে সাহস তোমার নাই, তাহা আমি জানি; তথাপি এখনই তোমাকে তাহা শুনাইয়া দিতেছি।—আমি বৃদ্ধা, আমার দৃষ্টিশক্তি ক্ষীণ, এজন্য আমি দূরের বস্তু স্পষ্ট দেখিতে পাইতেছি না; দেখিতেছি—কেবল শীতের প্রভাতের পুঞ্জীভূত শুভ্র কুস্মাটিকাস্তর! প্রভাত-রোদ্রে ঐ কুস্মাটিকারূপিণী অপসারিত হইল; এবার আমি সেই স্থানে একটি প্রশস্ত আঙ্গিনা স্পষ্ট দেখিতেছি! উহা কোন কিম্বার প্রাঙ্গণ কি? ঠিক বুঝিতে পারিতেছি না! কিন্তু সেই প্রাঙ্গণে একদল সুসজ্জিত সৈন্য দেখিতেছি; উহাদের প্রত্যেকের হস্তে উত্তত রাইফেল! আর কিছু দূরে একটি প্রাচীরে পিঠ রাখিয়া একজন লোক দাঁড়াইয়া আছে! মুখ দেখিয়া চিনিলাম, ঐ লোকটি তুমি! আমস্ জোবি—তুমি! কিন্তু তোমার উভয় হস্ত রজ্জুবদ্ধ, এবং উভয় চক্ৰ ব্যাণ্ডেজে আবৃত; দেওয়ালে পিঠ-দিয়া দাঁড়াইয়া তুমি কিছুই দেখিতে না পাইলেও আমি দেখিতেছি

সৈনিকেরা রাইফেল-হস্তে অদূরে দণ্ডায়মান দলপতির আদেশের প্রতিকার—”

বৃদ্ধার কণ্ঠস্বর কি উগ্র, কি ভীষণ! স্নগস্তীর বজ্রনাদের ছায় তাহার প্রত্যেক শব্দ আমার কর্ণে প্রবেশ করিতে লাগিল! এই কঠোর বাণী আমসেরও বোধ হয় অসহ্য হইল; সে বৃদ্ধার কথা শেষ হইবার পূর্বেই চিৎকার করিয়া বলিল, “শীঘ্র মুখ বন্ধ কর্ বড়ি! যদি আর একটা কথাও তোর মুখ হইতে বাহির হয়—তাহা হইলে আমি”—ক্রোধে ভয়ে আমসের গুহ কণ্ঠ হইতে আর কোন কথা বাহির হইল না।

কিন্তু বৃদ্ধা তাহার ভাবভঙ্গি দেখিয়া খিল-খিল করিয়া হাসিয়া উঠিল, নীরস স্বরে বলিল, “আমস্ ফ্রোবি, আমি স্পষ্ট বুদ্ধিতে পারিতেছি, তোমার মাথায় খুন চাপিয়াছে। হাঁ, আমার কথা মনে হইলেই আমাকে খুন করিবার জন্ত তোমার হাত নিস্-পিস্ করে। কিন্তু ইচ্ছা থাকিলেও তুমি কোন দিন আমাকে হত্যা করিতে পারিবে না। শুনিতেছ আমস্ ফ্রোবি! আমাকে হত্যা করা তোমার অসাধ্য। এ পুরুষ মানুষের কাজ, এ কাজ তোমার নয়।”

আমস্ যথাসাধ্য চেষ্টায় আত্ম-সংবরণ করিয়া বলিল, “এ কাজ মানুষেরই হউক, আর পিশাচের হউক, তোমার মৃত্যুর দিন ঘনাইয়া আসিয়াছে, বড়ি! শীঘ্রই তোমাকে কাহারও হাতে মরিতে হইবে, এ কথা স্থির জানিও। বাহ! হউক, তুমি মূল্য পাইয়াছ, আমার জন্ত মদ চোলাই করিয়া কোথায় রাখিয়াছ বল, তাহা লইয়া চলিয়া যাই।”

বৃদ্ধা ধরের কোণে অঙ্গুলি নির্দেশ করিয়া বলিল, “ধরের ঐ কোণে তাঁড় আছে, লইয়া যাও। কিন্তু এ কথা যেন তোমার স্মরণ থাকে যে, তোমার জীবনের যে সূতা তুমি প্রতিদিন পাকাইয়া সরু করিতেছ, তাহা এই বৃদ্ধা যে কোন মুহূর্তে ছিঁড়িতে পারিবে, ইহা ভুলিও না আমস্ ফ্রোবি!”

আমস্ বৃদ্ধার কুটীর-দ্বারে আসিয়া বলিল, “কিন্তু তুমিও স্মরণ রাখিও—শীঘ্রই একদিন আমি তোমার ও-মুখ চিরকালের জন্য বন্ধ করিয়া দিব।”

বৃদ্ধা বলিল, “একদিন আমাকে হত্যা করিবে? কিন্তু সে জন্য আর বিলম্ব করিবার প্রয়োজন কি? আমি দুর্বল, বৃদ্ধা—সম্পূর্ণ অসহায় বৃদ্ধা, আজই আমাকে হত্যা করিতে রাখা কি? যখন এখানে আসিয়া পড়িয়াছ—তখন কাজটা শেষ করিয়াই যাও না।”

কিন্তু আমস্ আর কোন কথা না বলিয়া, আমাকে তাহার অহুসরণের জন্য ইঙ্গিত করিয়া পথে বাহির হইল।

আমি নিঃশব্দে আমসের অহুসরণ করিয়া সমুদ্রতীরে উপস্থিত হইলাম, এবং বোটে উঠিয়া বসিলাম। আমি বুদ্ধিতে পারিলাম, যেখানেই হউক, বৃদ্ধা আমসকে মুঠার পুরিয়াছিল; ইচ্ছা হইলেই সে তাহাকে চূর্ণ করিবে। আমসও তাহা জানিত। তবে তাহার মুখ শুকাইয়া গিয়াছিল। তাহার মুখ হইতে কোন কথা বাহির হইল না।

সন্ধ্যার অন্ধকারে আমসের বোট আমাদের দ্বীপের দিকে ফিরিয়া চলিল। আকাশ মেঘাচ্ছন্ন, সেই জন্য আমরা আকাশের কোন দিকে একটিও নক্ষত্র দেখিতে পাইলাম না। আমস্ নিঃশব্দে বোট চালাইতে লাগিল।

আমরা দ্বীপের নিকট উপস্থিত হইলে আমস্ সমুদ্রের অন্য দিকে অঙ্গুলি প্রসারিত করিয়া বলিল, “দেখ দেখ, ঐ ডাহিনে চাহিয়া দেখ।”

আমি সেই দিকে চাহিয়া অন্ধকারাচ্ছন্ন মন্থ্র-বন্ধে একটি উজ্জ্বল আলোক দেখিতে পাইলাম। উহা জাপ্রাণ ‘ইউ’-বোটের সাক্ষেতিক আলোক!

আমি আমস্কে বলিলাম, “একপান ‘ইউ’-বোট আসিয়াছে দেখিতেছি!”

আমস্ ককশ স্বরে বলিল, “তাহা আমার জানা আছে। আমি যে মুহূর্তে তোমাকে তীরে নামাইয়া দিব, সেই মুহূর্তেই তুমি আমার পাকশালায় গিয়া হরিকেন লঠনটা লইয়া তাড়াতাড়ি সাগর-বেলায় ফিরিয়া আসিবে। উহার দীর্ঘকাল আমাদের জন্য ওখানে প্রতীক্ষা করিবে না। প্রায় এক ঘণ্টা হইল অন্ধকার হইয়াছে; সূতরাং উহার বোধ হয় এক ঘণ্টা ধরিয়াই আমাদের প্রতীক্ষা করিতেছে।”

আমি বাড়ী হইতে হরিকেন লঠন লইয়া সমুদ্রতটে ফিরিয়া আসিলাম। লঠনটা উর্ধ্বে তুলিয়া সাক্ষেতিক আলোক দেখাইলে ‘ইউ’-বোটের কাপ্তেন পিউজেল তাহার ‘ইউ’-বোট হইতে তীরে আসিল।

আমি কাপ্তেন পিউজেলকে পূর্বেও দেখিয়াছিলাম। লোকটা প্রকাণ্ড জোয়ান; কর্কশভাবী এবং অত্যন্ত আড়ম্বরপ্রিয় মাজী।

কাপ্তেন পিউজেল তীরে আসিয়া, আমসের মুখের উপর ভীষণ দৃষ্টি নিক্ষেপ করিয়া সক্রোধে বলিল, “তুমি কোথায়

গিয়াছিলে ফ্রোবি! আমি এক ঘণ্টা ধরিয়া সাঙ্কেতিক আলোক দেখাইতেছি, কিন্তু তোমার সাড়া নাই!”

আমস্ বলিল, “উহা তোমার মিথ্যা কথা; সন্ধ্যার পর এখনও এক ঘণ্টা উত্তীর্ণ হয় নাই। তুমি কি বলিতে চাও, সন্ধ্যার অন্ধকার গাঢ় হইবার পূর্বেই তোমার ‘ইউ’-বোট জলের উপরে উঠিয়াছিল? আমি জানি, অন্ধকার গাঢ় না হইলে তোমাদের এখানে আসিবার নিয়ম নাই।”

কাপ্তেন বলিল, “তুমি ঐভাবে স্পর্কা প্রকাশ করিও না; আমি তোমার স্পর্কা ক্ষমা করিব না ফ্রোবি!”

আমস্ উত্তেজিত স্বরে বলিল, “স্পর্কা আবার কি? যাহা সত্য কথা তাহাই বলিয়াছি। সত্য কথা বলিতে ভয় পাইব, আমাকে সেরূপ কাপুরুষ মনে করিও না। আমি তোমাদের আশ্রয়দাতা, এবং তোমরা আমারই অনুগ্রহপ্রার্থী, এ কথা ভুলিও না।—আমি নিজের কোন কাজে একটু দূরে গিয়াছিলাম, কিন্তু তোমাদের অস্থবিধা হইতে শ্রমে ভাবিয়া তাড়াতাড়ি ফিরিয়া আসিয়াছি; এখন হাতের কাজ শেষ করিয়া সরিয়া পড়। তোমার সঙ্গে বাজে তর্ক করিবার স্পৃহা আমার নাই।”

আমসের মন ভাঙ নাই, এবং এ সময় তাহাকে চটাইয়াও লাভ নাই বুঝিয়া কাপ্তেন আর কোন কথা না বলিয়া বোটের সাহায্যে তৈলের গুদাম হইতে তৈল সংগ্রহ করিতে লাগিল।

কাপ্তেনের ‘ইউ’-বোটে তৈলের পিপাগুলি উত্তোলিত হইলে কাপ্তেন আমাদের সঙ্গে আসিয়া আমসের পাকশালার প্রবেশ করিল। আমস্ মেরীকে জিজ্ঞাসা করিয়া জানিতে পারিল, বড়-দেশ হইতে কোনও ব্যক্তি ফার্গসের সন্ধান লইতে আসে নাই। আমস্ এই সংবাদে নিশ্চিত হইয়া অতিশয়সংকারে প্রবৃত্ত হইল। সে কাপ্তেন পিউজেলকে এক মগ মত্ত পান করিতে দিয়া অগ্নিকুণ্ডের পার্শ্বে তাহার চেয়ারে বসিয়া পাইপ টানিতে লাগিল।

কয়েক মিনিট পরে আমস্ কাপ্তেন পিউজেলের চেয়ারের দিকে ঝুঁকিয়া-পড়িয়া তাহাকে লক্ষ্য করিয়া বলিল, “শোন কাপ্তেন, তোমাকে ছই একটি কথা বলিতে চাই। আজ আমি কোথায় গিয়াছিলাম, সে কথা তোমার নিকট প্রকাশ করা মানা কারণে আমি কর্তব্য মনে করি।”

কাপ্তেন পিউজেল প্রস্তরনির্মিত জায় হইতে টিনের

মগে আর খানিক মদ ঢালিয়া লইয়া বলিল, “বেশ ত, কি বলিবে বল। কিন্তু আমার সময় বড় অল্প, তোমার বেশী কথা শুনিতে পারিব না। আমাকে শীঘ্রই বোট লইয়া রওনা হইতে হইবে।”

আমস্ বলিল, “আমি সজ্জেকপেই সকল কথা শেষ করিতে পারিব। ইহা যে কেবল আমার নিজেরই কথা এরূপও নহে, এই ব্যাপারের সহিত আমার, তোমার, এবং প্রত্যেক ‘ইউ’-বোটের কাপ্তেনেরই ঘনিষ্ঠ সম্বন্ধ আছে।”

কাপ্তেন বিস্ময় প্রকাশ করিয়া বলিল, “বটে! তবে ত আমাকে তাহা শুনিতেই হইবে।”

আমস্ কাপ্তেন পিউজেলের আরও নিকটে তাহার চেয়ারখানি সরাইয়া লইয়া-গিয়া অত্যন্ত গম্ভীর ভাবে বলিল, “শোন পিউজেল, যদি আমি তোমাকে বলি, এখানে তোমরা ‘ইউ’-বোটের তৈলাদি সংগ্রহের জন্ত যে আজ্ঞা স্থাপন করিয়াছ—ইংরেজরা তাহার সন্ধান পাইবে এরূপ আশঙ্কার কারণ ঘটয়াছে,—তাহা হইলে সে কথা শুনিয়া তুমি কি করিবে?”

আমসের কথা শুনিয়া কাপ্তেন পিউজেল চমকিয়া উঠিয়া ছই এক মিনিট নির্ঝাকভাবে বসিয়া রহিল; তাহার পর আমসের মুখের উপর প্রদীপ্ত দৃষ্টি স্থাপন করিয়া ব্যাকুল স্বরে বলিল, “তুমি কি বলিতে চাও, ঐরূপ বিপদের সম্ভাবনা ঘটয়াছে? কেহ কি তোমাকে সন্দেহ করিয়াছে?”

আমস্ ধীরে ধীরে মাথা নাড়িয়া মৃদুস্বরে বলিল, “না, আমাকে কেহ সন্দেহ করিয়াছে—এ কথা আমি বলিতেছি না; কিন্তু তোমাদের ‘ইউ’-বোটের এই আজ্ঞা যে সম্পূর্ণ নিরাপদ নহে, ইহাও অস্বীকার করিতে পারিতেছি না। একটি ব্যাপারে ইহার মঙ্গলামঙ্গল নির্ভর করিতেছে।”

কাপ্তেন পিউজেল উত্তেজিত স্বরে বলিল, “বটে! সেই ব্যাপারটি কি, আমি তাহা জানিতে চাই। তুমি আমাকে আর ধাঁধায় ফেলিয়া রাখিও না; ভগিতা রাখিয়া শীঘ্র সকল কথা খুলিয়া বল। ইহার উপর সমগ্র জাতির জাতির ভবিষ্যৎ সময়-মীতি নির্ভর করিতেছে।”

আমস্ বলিল, “এই অঞ্চলের একটি বৃড়ী বতরুণ পর্যাপ্ত মুখ না খুলিতেছে—ততরুণ তুমি, আমি, জার্মান ‘ইউ’-বোটের এই বিরাট প্রতিষ্ঠান নিরাপদ। কিন্তু আর কতদিন তাহার মুখ বন্ধ থাকিবে—তাহা অস্বপ্নান করা আমার অসাধ্য!”



কাপ্তেন পিউজেল নড়িয়া-চড়িয়া চেয়ারে সোজা হইয়া বসিয়া ব্যাকুল স্বরে বলিল, “তোমার কথা বুঝিতে পারিলাম না! তুমি হেঁয়ালীর ভাষা ত্যাগ করিয়া সরল ভাবে সকল কথা খুলিয়া বলিবে আমস্ ক্রোবি?”

আমস্ বলিল, “আমার কথা যে জটিল বা হর্কোধ্য—এরূপ মনে করিবার কারণ কি? আমার কথার মর্ম অত্যন্ত সহজ। আমি বলিতেছি—তুমি যে মত্তপান করিয়া এক খুদী হইয়াছ—এই মত্ত আমি অদূরবর্তী ক্লাইপের কুটারবাসিনী এক বৃদ্ধার নিকট হইতে কিনিয়া আনি; সে স্বয়ং ইহা সেখানে চোলাই করে। তুমি শুনিয়া শঙ্কিত হইবে যে, তোমরা এখানে কি করিতেছ—তাহা সেই বৃদ্ধার অজ্ঞাত নহে। জার্মান ‘ইউ’-বোটের পেট্রলের শুদাম-সংক্রান্ত সকল কথাই তাহার সুবিদিত।”

কাপ্তেন মুখ বিকৃত করিয়া বলিল, “তুমিই বুঝি মদের ঘোঁকে ঐ সকল কথা তাহার নিকট প্রকাশ করিয়া ফেলিয়াছ?”

আমস্ বলিল, “আমি? আমি ত পাগল নহি যে, নিজের হাতে গলায় ছুরি দিব! ও সত্বে আমি কোন কথাই তাহাকে বলি নাই।”

কাপ্তেন অবিশ্বাসভরে বলিল, “তুমি তাহাকে না বলিলে এ কথা সে কিরূপে জানিতে পারিল?”

আমস্ বলিল, “সে কিরূপে জানিতে পারিল, তাহা আমি কিরূপে বলিব? কিন্তু যেক্রমেই হউক, সে ইহা জানিতে পারিয়াছে, এবং সে জানিতে পারিয়াছে বলিয়াই তাহার মুখ বন্ধ রাখিবার জন্ত তাহাকে ক্রমাগত টাকা দিতে হইতেছে।”

কাপ্তেন বলিল, “যুস্?”

আমস্ বলিল, “যুস্ ভিন্ন আর কি? কথাটা সে কাশ করিবে, এই ভয় দেখাইয়া আমার নিকট যখন-খন টাকা আদায় করিতেছে। এইভাবে জার্মান সরকারের নৌ-বিভাগকে সাহায্য করিবার জন্ত এ পর্যন্ত আমি বত টাকা পাইয়াছি, তাহার অধিকাংশই ঐ বৃদ্ধীর টে গিয়াছে, তথাপি তাহার আশ মিটিতেছে না! কথাটা কাশ করিয়া দিবে বলিয়া আমাকে সর্বদা ভয় দেখাইতেছে। দিবারাত্রি আমার মন হুশিস্তার পূর্ণ; আমার গণে এক বিন্দু শাস্তি নাই! যদি আমি কোন দিন

তাহাকে টাকা দিতে না পারি, তাহা হইলে উপকূলের ইংরেজ প্রহরীর নিকট এ কথা সে প্রকাশ করিবে, এ বিষয়ে আমার বিন্দুমাত্র সন্দেহ নাই।”

কাপ্তেন বলিল, “অবস্থা যখন এইরূপ সঙ্কটজনক, তখন তুমি ইহার প্রতিকারের ব্যবস্থা সত্বে উদাসীন কেন? আমি কখন উহাকে এভাবে প্রশ্রয় দিতাম না।”

আমস্ বলিল, “প্রশ্রয় দিতে না? তুমি কি করিতে, বল ত শুনি।”

কাপ্তেন বলিল, “ঐ রকম একটা হর্কল, অসহায় বৃদ্ধার মুখ বন্ধ করিবার জন্ত তাহাকে সরাইয়া-দেওয়া আমি আদৌ কঠিন মনে করিতাম না। এত দিন তাহাকে সাবাড় করিতাম।”

আমস্ তীব্রস্বরে বলিল, “তুমি তাহাকে হত্যা করিতে, এই কথা বলিতে চাহিতেছ? ও কথা আমিও তাবিরাছি; কিন্তু—” আমস্ কথাটা শেষ না করিয়া হঠাৎ নীরব হইল।

কাপ্তেন পিউজেল উত্তেজিত স্বরে বলিল, “কিন্তু আবার কি? ‘কিন্তু’ বলিয়া থামিলে কেন? অতি সহজ কাজ; ইহাতে চিন্তার কি কারণ থাকিতে পারে?”

আমস্ কুণ্ঠিত ভাবে বলিল, “আমল কথাটা কি জান? ঐ কাজ করিতে আমার সাহস হয় নাই; তাহা বুঝিতে পারিয়া বৃদ্ধীটা আমাকে কাপুরুষ বলিয়া উপহাস করিতেছিল; বলিতেছিল, উহা পুরুষ মানুষের কাজ।”

কাপ্তেন সবিস্ময়ে বলিল, “তোমার সাহস হয় নাই! এ রকম সহজ কাজে সাহস না হইবার কারণ কি? তুমি যে এ রকম ভীক, কাপুরুষ—তাহা আমার জানা ছিল না।”

আমস্কে ভীক বলায় সে অত্যন্ত গরম হইয়া উঠিল; উত্তেজিত স্বরে বলিল, “তুমি আমাকে ভুল বুঝিয়াছ; আমি ভীক বা কাপুরুষ নহি। এই বৃদ্ধীটা ডাইনী। আমাদের দেশে প্রবাদ আছে—যে ব্যক্তি ডাইনীকে হত্যা করে, তাহার জীবন অতিশয় হয়, ইহলোকে এবং পরলোকেও তাহার দুর্গতির সীমা থাকে না! আমার অভিশাপ-ভাজন হইবার ইচ্ছা নাই।”

কাপ্তেন অবিশ্বাসভরে হাসিয়া বিক্রমের স্বরে বলিল, “তোমার দেখিতেছি কুসংস্কারের অন্ত নাই! ইহা তোমাদের ইংরেজ-জাতিরই বৈশিষ্ট্য। একটা অসহায় হর্কল বৃদ্ধা—তুমি বলিতেছ সে তোমার কঠোপাঙ্কত

সমস্ত অর্থ ধাওয়া দিয়া আত্মসাৎ করিতেছে, অথচ এই উৎপীড়নের প্রতিকার করিবে, ততটুকু শক্তি তোমার নাই! তাহার অভিসম্পাতের ভয়ে কাঁপিয়া মরিতেছ! এই বীরস্বৈ নির্ভর করিয়া তোমরা আমাদের বিরুদ্ধে যুদ্ধ ঘোষণা করিয়াছ, এবং বলে ও কৌশলে আমাদের বিরুদ্ধে যুদ্ধ পরাজিত করিবে বলিয়া ঘরে-বাহিরে দস্তপ্রকাশ করিতেছ! তোমার কথা শুনিয়া হাসি পাইতেছে জেগাবি!”

কাপ্তেন পিউজেল এই সকল কথা বলিতে বলিতে হঠাৎ অত্যন্ত উত্তেজিত হইয়া উঠিল এবং ক্রুদ্ধস্বরে বলিল, “তুমি যে বিষয়ের উল্লেখ করিলে উহার আরও একটা দিক আছে আমস্ জেগাবি! তোমাকে ভয় দেখাইয়া উৎকোচ আদায় করা অপেক্ষা তাহা অধিকতর সহজজনক। তুমি যাহা বলিলে তাহা হইতে বুদ্ধিতে পারিলাম, এই বুড়ী পিশাচী যদি তোমার নিকট আশাহুরূপ অর্থ না পাওয়ার আমাদের এই গুপ্ত আড্ডার কথা শক্রপক্ষের নিকট প্রকাশ করে, তাহা হইলে ইংরেজ ফৌজ হঠাৎ কোন দিন এই দ্বীপ আক্রমণ করিয়া সব লুণ্ঠ করিয়া যাইবে। তোমার সর্বনাশ হইবে, এবং আমাদের ‘ইউ’-বোটের কার্য-পরিচালনও অসাধ্য হইবে। তাহার ফলে ইংরেজের ও নিরপেক্ষ জাতি সমূহের জাহাজ নির্ভয়ে সমুদ্রে সমুদ্রে বিচরণ করিবে। জার্মানীর ভবিষ্যতের আশা বিলুপ্ত হইবে। জার্মানীর এই ক্ষতি পরিপূরণের আশা নাই।”

আমস্ উৎসাহভরে বলিল, “হ্যাঁ, ও-কথা সম্পূর্ণ সত্য; এ অবস্থায় তুমি কি করিতে চাও? আমি ত সকল অসুবিধার কথাই তোমার নিকট প্রকাশ করিয়াছি। এখন ইহার সকল দায়িত্ব তোমাদের।”

কাপ্তেন পিউজেল টেবিলের উপর সবেগে মুঠাঘাত করিয়া আবেগভরে বলিল, “হ্যাঁ, ইহার সকল দায়িত্ব আমাদের। তুমি কি আশা করিতেছ, আমাদের ভবিষ্যৎ বিপদ সম্বন্ধে আমি সকল কথা জানিয়াও এ বিষয়ে উদাসীন প্রকাশ করিয়া, এবং ইহার প্রতিকারের কোন ব্যবস্থা না করিয়া—এখন হইতে প্রস্থান করিব? না, আমার সহযোগীগণকে ভবিষ্যতে এখানে আসিয়া বিপন্ন

হইতে না হয়, তাহার ব্যবস্থা না করিয়া—এই বৃদ্ধার কণ্ঠ চির-নীরব না করিয়া আমি এই স্থান ত্যাগ করিব না।”

আমস্ আশ্চর্যচিত্তে বলিল, “এই কাজ তুমি কিরূপে সম্পন্ন করিবে? তোমার অভিপ্রায় কি?”

কাপ্তেন বক্ষঃস্থল স্ক্রুত করিয়া সগর্বে বলিল, “আমার অভিপ্রায় কি, তাহা তুমি শীঘ্রই জানিতে পারিবে। আমি আজ রাত্রেই একরূপ ব্যবস্থা করিব যে, সেই জ্বীলোকটা ভবিষ্যতে আমাদের কোন অনিষ্ট করিতে না পারে। আজ রাত্রেই তাহার কণ্ঠ চির-নীরব হইবে। তোমরা ইংরেজরা কোন দুরূহ কার্যে প্রবৃত্ত হইবার পূর্বে কেবল চিন্তা কর, সেই সুযোগে আমরা সবেগে কার্যক্ষেত্রে লাফাইয়া-পড়িয়া কার্যোদ্ধার করি। সোভিয়েট সরকারের জ্ঞান মহাশত্রুর সহিত হঠাৎ আমরা চুক্তি করিয়া ফেলিব, ইহা কি তোমরা কোন দিন আশা করিয়াছিলে? আমরা যখন অস্ত্রিয়া, চেকোস্লোভাকিয়া, পোল্যান্ড প্রভৃতি দেশে প্রাধান্য স্থাপন করিলাম, তখন তোমরা দূরে দাঁড়াইয়া কেবল তর্জন গর্জন করিতে লাগিলে! আমরা যখন কাজ করি, তখন তোমরা বক্তৃতা কর; আমাদের প্রতি দস্যবৃত্তির आरोপ করিয়া আত্মপ্রসাদ লাভ কর। কিন্তু ‘বলং বলং বাহুবলং’ এ কথা তোমাদের স্মরণ থাকা উচিত। আমি কি ভাবে এখানে কাজ শেষ করি, তাহা আজ রাত্রেই জানিতে পারিবে।”


আমস্ বলিল, “জটিল সমস্যা বটে, তোমাদের লেফ্‌টে-নাণ্ট হাগেন আমার আশ্রয়ে বাস করিয়া, একজন নির-পরাধ ইংরেজকে হত্যা করিয়া রাতারাতি ‘ইউ’-বোটে উঠিয়া পলায়ন করিল; তাহার অপকর্মের জের আমাকেই সামলাইতে হইতেছে! আবার তুমি ঐ ডাইনী বুড়ীকে হত্যা করিয়া নির্বিঘ্নে পলায়ন করিবে; কিন্তু এই সকল অপকর্মের পরিণাম কি, তাহা কি ভাবিয়া দেখিয়াছ? আমি কিন্তু গভীর রহস্যাকারে বিন্দুমাত্র আলো দেখিতে পাইতেছি না। এই প্রকার জবরদস্তির সাহায্যে সত্য কত দিন গোপন থাকিবে?”

কাপ্তেন কোন উত্তর না দিয়া চিন্তা করিতে লাগিল।

[ ক্রমশঃ

শ্রীদীনেশকুমার রায় ।





## যার যেখানে ব্যথা

মালতী তার স্বামীকে চিঠি লিখতেছিল। না লিখিয়া পায় নাই; চিঠি না পাইলে বাবুর ভারী রাগ হয়। অথচ চিঠি লিখিবার তার কত যে অসুবিধা এখানে, তা সে হয় তা বোঝে না। কাগজ, দোয়াত, কলম—এ সব সরঞ্জাম কাথায় যে থাকে, তা' খুঁজিয়া পাওয়াই ভার। নানা প্রলোভনে ছোট ভাইটিকে বশীভূত করিয়া তবে লিখিবার সরঞ্জামগুলির জোগাড় হইয়াছে।

কিন্তু কয়েক লাইন লিখিবার পর আর চিঠির খোরাক খুঁজিয়া মেলে না; অথচ চিঠি নিতান্ত ছোট হইলেও বাবুর মন ওঠে না! অনেক ভাবিয়া-চিন্তিয়া মালতী লিখিল:—

“এ জায়গাটা মন্দ নয়। চারিদিক ফাঁকা। এত দাঁকা জায়গা আমার ভাল লাগে না কিন্তু। ও-পাশে শুধু একখানা একতলা বাড়ী। আমাদের দোতলার ঘর থেকে চার ভেতরের অনেকটা দেখা যায়। শুন্‌লুম, ও-বাড়ীর বোটি গেছে বাপের বাড়ী, শীগ্ৰি আসবে। সে এলে কিন্তু আমি খুব খুসী হবো। গল্প করবার লোকের তখন আর সম্ভাব হবে না।

বাক্সের ভিতর হইতে সে ঠিকানা-লেখা খামখানি বাহির করিল; তাহাতে চিঠিটা পুরিয়া মোড়ক আঁটিয়া গাইকে তাহা ডাক-বাক্সে ফেলিতে পাঠাইল। তার পর রদালানের এক পাশে যেখানে বৃদ্ধা ঠাকুরমা (তাহার বাপের পিসীমা) একরাশ তেঁতুল তালিয়া বীজ কাটিতে-ছিলেন, সেইখানে সে আসিয়া বসিল।

—আমি তেঁতুল কাটবো, ঠাকুরমা!

—বরকে চিঠি লেখা শেষ হ'লো রে?

—খ্যৎ! কে বললে আমি চিঠি লিখছিলাম?

—চিঠি লিখে আবার মিছে কথা বলছিস্ কেন তাই?

মাজকালকার মেয়েদের চিঠি নইলে কি প্রেম করা হয় রে?

মালতী একখানা বাঁটি টানিয়া-লইয়া হাসিয়া বলিল,—  
গ, তোমাদের বয়স-কালে ও-বিষয়ে ত কেউ জানতো না ঠাকুরমা!

ঠাকুরমা হাসিয়া বলিলেন—সেদিন ও-বাড়ীর বাবুটির একখানা চিঠি ভুল ক'রে পিওন আমাদের ও-বাড়ীতে দিয়ে গিয়েছিল। আমি চিঠি দেখেই বুঝতে পারলুম—গিন্নী ও-চিঠি লিখেছেন বাবুকে বাপের-বাড়ী থেকে।

মালতী হাসিমুখেই বলিল,—তোমার বুঝি খুব ইচ্ছে হচ্ছিল—সেটা খুলে পড়বার?

—তা ভাই, পড়তে জানলে কি আর না পড়তুম?

মালতী বলিল,—বোঁটা এলে কিন্তু আমি বাঁচি! বাবা বেছে বেছে এমন জায়গায় বাড়ী করলেন যে, কারো সঙ্গে একটা কথা কইবার যো নেই! আচ্ছা, ও-বাড়ীটা ওরা দোতলা করলে না কেন ঠাকুরমা?

—ও-বাড়ী ওদের নিজেদের না কি যে, দোতলা করবে? দোতলা করা অমনি মুখের কথা কি না?

—বোঁটা তোমাদের সঙ্গে কথা কয়?

—ও মাগো! ও-সব হচ্ছে ফেসিয়ান্ সুন্দরী মেয়ে যে গো, আমাদের সঙ্গে কথা কইবে কি?

—ও খুব সুন্দরী বুঝি?

—তা, রঙটা কটা বৈ কি! ইঁা, খুবই কটা। থাকে তোমরা বল ফর্সা। মুখ-চোখও মন্দ নয়। তার ওপর শুন্‌লুম আবার হারমণি বাজিয়ে গান গায়; যেন চুড়োর ওপর ময়ূরপাখা! আমরা হলুম বুড়ো-হাবড়া সেকলে মনিষি। তুই এসেছিস্ তোর সঙ্গে যদি কথা টকা কয়।

মালতী একমনে তেঁতুলের বীজ কাটিয়া তেঁতুলগুলি বুঁড়িতে রাখিতে লাগিল। ঠাকুরমার মন্তব্য শুনিয়া কোন কথা বলিল না।

উত্তরে মালতীর স্বামী লিখিয়াছে—“সেখানে তোমার একটি সঙ্গী খুঁজে পেয়েছ জেনে খুব খুসী হলুম। এতদিনে বোধ হয় তার সঙ্গে তোমার রীতিমত আলাপ জমে গেছে। গল্প পেলে তোমার খাবার কথাই মনে থাকে না। তার

সঙ্গে আলাপে মসৃণ হ'লে, ভয় হয়, পাছে আমাকেও একেবারে ভুলে যাও।”

মুখের একটা ভঙ্গি করিয়া নিজের মনে মালতী বলিল,  
—চণ্ড।...

চিঠিতে লিখিল,—“আমার যেমন বরাত! বোটার কথা যা শুন্‌লুম, তাতে ওর সঙ্গে ভাব করবার সখ আমার আর নেই। মাগো! যা দেমাক্‌ তার! বড়লোকই না হয় হ'লো, তা তার জন্যে এতো গুমোর মানুষের যে কি ক'রে হয়, তা তো আমি বুঝতে পারিনে!”

শেষের কয়টা ছত্র লিখিতে গিয়া মালতীকে আবার একখানা কাগজ খরচ করিতে হইল। প্রথমে লিখিয়াছিল বোটি অপক্লপ সুন্দরী। কিন্তু ও-কথাটা লিখিবার পর মনের কোন্‌খানে কি যেন একটা খোঁচা খচ-খচ করিয়া বিঁধিতে লাগিল। নিজে যে সে কালো, এটা যতই স্বীকার করিবার ইচ্ছা থাক, স্বীকার করিবার যো নাই যে একেবারেই। কিন্তু নিজে হইতে স্বামীর কাছে ও-প্রসঙ্গটা তুলিবার দরকারই বা কি? যে ব্যাপারে নিজের গলদ, সেটাকে পাশ-কাটাইয়া যাওয়াই বরং সব দিক্‌ দিয়া ভালো; সুতরাং মালতী প্যাড হইতে লেখা কাগজখানি ছিঁড়িয়া ফেলিয়া অল্প একখানা কাগজে আগাগোড়া চিঠিখানা নূতন করিয়া লিখিয়া ফেলিল।

বউটি কয় দিন হইল বাপের বাড়ী হইতে আসিয়াছে। সে-দিন গাড়ীটা যখন ওদের দরজায় আসিয়া দাঁড়াইল, মালতী তখন কুয়াতলায় বসিয়া কাপড় কাচিতেছিল। ভিজা কাপড়েই ছুটিতে ছুটিতে সে একেবারে উপরের ঘরে গিয়া জানালা হইতে উঁকি মারিয়া দেখিবার চেষ্টা করিল; কিন্তু বোটি কখন যে গাড়ী হইতে নামিয়া বাড়ীর উঠান পার হইয়া ঘরের ভিতর ঢুকিয়াছিল, তাহা জানিতে না পারায় মালতী অনেক চেষ্টা করিয়াও তাহাকে দেখিতে পাইল না।

নীচে হইতে মা বিরক্তিতে বলিলেন,—মেরে দিন দিন যে কি রকম খিজিই হচ্ছে! তাহার পর ধমকের স্বরে ডাকিলেন—বলি হ্যাঁ রে, ভিজে কাপড়ে দাঁড়িয়ে আছিস্, অসুখ করবে না?

আবার নীচে নামিয়া আসিতে আসিতে মালতী বলিল,—বাবা রে বাবা, তোমরা একটুতেই এমনি কর! পান থেকে চুগটুকু খস্লে আর রক্‌ নেই!

ঠাকুরমা বলিলেন,—তা, আমাদেরই যে দোষ হলে ভাই! অসুখ-বিসুখ করলে নাভ-জামাই ভাববে, আমরাই সব কুপথ্যি করিয়ে—

মালতী রাগ করিয়া বলিল,—হ্যাঁ গো, অসুখ এমনি করলেই হোলো আর কি!

কিন্তু বাকী যে কথাটা ঠাকুরমা বলিলেন, সেটা নিজের মনে মালতীরও অস্বীকার করিবার উপায় ছিল না। যে রাগী এবং মুখফোড় মানুষ—তাহার পক্ষে সবই সম্ভব। তাহার রাগকে মালতীর বড় ভয়!

মাঝে মাঝে ও-বাড়ীর বোটির গলার আওয়াজ শোনা যায়। তাহার কণ্ঠস্বর বেশ মিহি; কিন্তু মানুষটি একবারও চোখে পড়ে না! সময়ে সময়ে মালতী উপরের ঘরের জানালার ধারে তার উল্‌বোনার সরঞ্জামগুলি লইয়া বসিয়া যায়, কিন্তু ও-বাড়ীর দিকে সতর্ক দৃষ্টি রাখিতে গিয়া বোনার ঘর সব ওলট-পালট হইয়া যায়; আবার বোনার দিকে বেশী নজর দিতে গিয়া মনে হয়, বোটা হয় তো এইমাত্র বাহিরে আসিয়া আবার ভিতরে চলিয়া গেল। খানিকক্ষণ এই ভাবে বসিয়া-থাকিয়া তাহার মনে হয়, এমনি করিয়া বসিয়া বসিয়া পাহারা দেওয়াটা হয় তো উচিত হইতেছে না। উহারা বুঝিতে পারিলে কি মনে করিবে? তার পর সে আন্তে আন্তে জানালার কবাট প্রায় বন্ধ করিয়া, সামান্য একটু ফাঁক রাখিয়া বসিয়া থাকে। কিন্তু আবার নিজের মনের কাছেই সে যেন কুণ্ঠিত হইয়া পড়ে; রাগও হয়! কি এমনি গরজ তার, এ ভাবে লুকাইয়া এই প্রতিবেশিনী-টিকে দেখিবার? তার রূপ আছে, বেশ; সে রূপ লইয়া তার ঘরেরই শোভা বৃদ্ধি করুক, ইচ্ছা হয় রূপের গর্ব করুক; তার জন্তে মালতীর মাথাব্যথা করিবার কি প্রয়োজন? কেন তার এই ব্যাকুলতা?

কিন্তু মংসারে সব 'কেন'র উত্তর খুঁজিয়া-পাওয়া দুষ্কর। মালতী আবার বোটিকে দেখিবার জন্ত উসুখুসু করে, এবং দেখা না পাওয়ার শেষ পর্যন্ত নিজের উপর বিরক্ত হয় ও রাগ করে!

সামনেই তাদেরই বাড়ীর সামিল খানিকটা পতিত জমি। সেখানে ছই চারিটা অশ্রু-জাত বাজে গাছ। বাঁকড়া আমগাছটা এবার মুকুলে ছাইয়া গিয়াছে। তারই





সুমিষ্ট গন্ধ পড়ন্ত-বেলার ঠাণ্ডা বাতাসে মিশিয়া চারিদিকে ভাসিয়া বেড়াইতেছে। গোটা শিমুল গাছটা ফুলে-ফুলে একেবারে লাল হইয়া উঠিয়াছে। কাদের একটা চাকর ফুটুফুটে একটি ছোট ছেলেকে কোলে লইয়া মাটা হইতে একটা শিমুল ফুল কুড়াইয়া খোক্কার মুখের কাছে ধরিয়া তাহাকে খেলা দিতেছিল। দিব্যি ফুটুফুটে, গোলগাল ছেলেটি! কাদের ছেলে কে জানে!

মালতী চাকরটাকে ডাকিল। জিজ্ঞাসা করিল, কোন্ বাড়ীতে সে কাজ করে?

ও! মালতী যা ভাবিয়াছিল, তাই! পাশের বাড়ীর বোটেরই ঐ ছেলে। সত্যিই ভারী সুন্দর! না হইবেই বা কেন? ওদের সবারই যখন এমন রূপ!

...এই খোক্কার মতই হয় তো ওর মায়ের মুখ আর গায়ের রঙ। সুতরাং অহঙ্কার একটু কেনই বা তার না হইবে?

ইচ্ছা হইলেও কিন্তু মালতী চাকরটাকে ডাকিয়া খোক্কারে কোলে লইতে পারিল না। বোটা যদি জানিতে পারে, হয় তো ভাবিবে...কত কি হয় তো ভাবিতে পারে। কি দরকার পরের ছেলে কোলে করিবার?

অকারণেই যেন মনের কোন্খানে খানিকটা ব্যথা জমিয়া ওঠে। তাহারও তো একটি খোকা হইতে পারিত, কিন্তু হইল না। আর—আর তাহার ছেলে হইলে সে নিশ্চয়ই তাহার মতই ত কালো হইত। সেই কালো ছেলেকে কেমন করিয়া সে পাঁচ জনের সম্মুখে বাহির করিত? বিশেষতঃ, ও-বাড়ীর বোটের ছেলের কাছে তাহার কালো ছেলেকে সে কেমন করিয়া দাঁড় করাইত? নাঃ, ছেলে না হইয়াছে সে সব দিক্ দিয়া ভালোই হইয়াছে। যে কালো, সংসারের পথ তাহার পক্ষে বড়ই দুর্গম!

নানা রকমের এলোমেলো চিন্তা মালতীকে পীড়ন করিতে থাকে। এমনও মনে হয়, এ-রকম যদি কোন ওষু বা মন্ত্র থাকিত, তাহার সাহায্যে কালো মানুষ ফসাঁ হইতে পারে, তাহা হইলে মালতী একবার চেষ্টা করিয়া দেখিত। আর, এই সুসংবাদ পাইলে স্বামী তার নিশ্চিতই পরম আগ্রহে তাহার সমর্থন করিত। পুরুষ মানুষ কে বাহাই বলুক, ফসাঁ রঙের বিশেষ পক্ষপাতী। না হইবেই বা কেন? নিতান্ত নিরুপায় না হইলে সে কখনো

কালোকে সহ্য করিতে পারে না। সত্যিই, মালতী সে জন্ত স্বামীকে যেমন শ্রদ্ধা করে, তেমনি স্বামীর প্রতি করুণাও তার কম নয়!

পরের দিন স্বামীকে চিঠি লিখিতে বসিয়া মালতী লিখিতে লাগিল,—

“কাল রাতে আমি স্বপ্ন দেখেছি, যেন আমি মরে গেছি। তুমি আমার জন্তে খুব কাঁদছো। তার পর কিন্তু তুমি আমাকে ভুলে গেছ। ভুলে গিয়েই আবার বিয়ে ক’রে এনেছ একটা টুকটুকে সুন্দরী মেয়েকে। তার পর তোমার একটা খোকা হ’য়েছে—ফুটুফুটে অতি সুন্দরী একটা ছেলে।...”

চিঠি পড়িয়া তার নিজেরই ভারী মজা লাগিল! স্বপ্ন না-হয় সে সত্যিই দেখে নাই; কিন্তু কি আশ্চর্য্যভাবে তার মনের কথাগুলি সে চিঠিতে লিখিয়া ফেলিয়াছে! চিঠি পড়িয়া স্বামী হয় তো রাগ করিবে! করুক! তাহাকে রাগাইয়া মালতী খুব আনন্দ পায়।

হঠাৎ সে দিন দেখা গেল ও-বাড়ীর সেই বোটিকে। ওৎ পাতিয়া বসিয়া থাকিয়া নয়, অত্যন্ত সহজ ভাবে অল্পক্ষণের জন্ত দেখা। উপরের ঘরের বিছানা পাতিয়া জানালাগুলি বন্ধ করিতে গিয়া অসুমনস্কভাবে ও-বাড়ীর উঠানে চোখ পড়িয়া গেল। বোটি তখন একখানা শুকনো কাপড় কুচাইয়া তুলিতেছিল। মুখখানি তার অতি অল্পই নজরে পড়িল। রঙ ফসাঁই তো, বেশ ফসাঁ! তার উপর আবার পরণে কি সুন্দর একখানি সাড়ী! সাড়ীর যেমন রঙ, তেমনি অল্পঅল্পে পাড়। এত সুন্দর সাড়ী মালতীর একখানিও আছে কি? বোধ হয় নাই।

মাকে সে বলিল, ও-বাড়ীর বোটি এমনি সুন্দর একখানি সাড়ী পরেছে আজ দেখলুম। তেমন ধারা সাড়ী কোন দিন আমাকে দাও তোমরা! এদিকে বলো—এতো দীর্ঘ, ততো দাম; অথচ সেই সব দামী কাপড়ের ছিরি দেখে অঙ্গ হিম হয়ে যায় আর কি!

মা হাসিয়া বলিলেন,—কি জানি বাপু, আমরা কি ছাই অত-শত দেখতে পাই? এতো বলি, ভালো কাপড় আনতে! এবার সুবোধ এলে তাকেই আমি টাকা দোব, তুই বাছা তোর পছন্দমত সাড়ী আনিয়ে নিস।

—ছাই, সে-ই যেন এনে দেবে ! যেমন বাবার পছন্দ, তেমনি ওর ! বোটের সঙ্গে ভাব হ'লে ওকে দিয়েই আনিরে নিতুম। তা বাবা, ওর যা গিদের ! তা হবে না কেন বল মা ? যে রকম ভাল ভাল কাপড়-জামা পরে, নিশ্চয় অনেক টাকা ওদের। ছেলের জন্তে একটা চাকরও রেখেছে।

মা বলেন,—তা হবে। ওরা সহরে মেয়ে। টাকা-কড়ি বেশ আছে বৈ কি ! আমাদের মত তো আর ধান, আলু, আর গুড়—এই সব নেড়ে-চেড়ে ওদের খেতে হয় না ?

বোটের সম্বন্ধে মালতীর শ্রদ্ধা দিন দিন বেশ বাড়িয়া উঠিল। কিন্তু সে শ্রদ্ধা আকর্ষণ করা দূরে থাক, ক্রমশঃই যেন তফাতে সরাইয়া লইয়া যায় ! ঠাকুরমা বলিয়াছিলেন, 'আবার হারমণি বাজিয়ে গান গায়।' অনেক দিন পরে সে-দিন তাহাও শোনা গেল।

বাসন্তী পূর্ণিমার চাঁদ নবমীতে পৌঁছিয়াছে। ওদের বাড়ীর সদর দরজার পাশেই একটা হাসনা-হেনার ঝোপ, সেখান হইতে একটা ঘন সুগন্ধ শুভ্র জ্যোৎস্নার সহিত এমন ভাবে মিশিয়া গেছে, যেন জ্যোৎস্না আর সুগন্ধকে তফাৎ করিবার একেবারেই যো নাই। সেই সুরভিত জ্যোৎস্নাকে স্বাক্ষরিত করিয়া শোনা গেল তার গান—

“ফাগুন্ যে-দিন আস্তো দধিণ বারে,  
সে-দিন কিশলয়ের মেলায়,  
কতই খেলা কিশোর-বেলায়  
ছিল কোয়েল-ডাকা পিয়াল-বনছায়ে।”

মালতী একেবারে তন্ময় হইয়া গুনিতে লাগিল। কি সুন্দর মিষ্ট গলা ! গানের উপর মালতীর ভারী কোঁক। গুন্ গুন্ করিয়া সে হুই একটা গানের কলি গাহিতেও পারে। কিন্তু ঐ পর্য্যন্ত ! বোটা যেন সকল দিক্ দিয়াই—সত্যই যাহাকে বলে, 'রূপে লক্ষ্মী, গুণে সরস্বতী !' আর, তাহার না আছে রূপ, না আছে গুণ ! পাড়ারগায়েই বিবাহ হইয়াছে। স্বামী লেখা-পড়া জানেন ভালই ; কিন্তু বিবর-সম্পত্তি দেখা-শুনা করেন গ্রামে বসিয়াই। নিজে গান গুনিতে ভালবাসেন। কিন্তু বোকে গান শিখাইবেন, এ ইচ্ছা বোধ হয় স্বপ্নেও কোন দিন তাঁর মনে স্থান পায় নাই।

মালতী মনে মনে ভাবিল, জীবনটা শুধু ওদের জন্তই,

অর্থাৎ যাহারা ছ-মুঠা ভরিয়া পাইয়াছে এ জীবনে যাহা কিছু আকাঙ্ক্ষার বস্তু। কিন্তু মালতীর মত মেয়ের কি যে সার্থকতা বাঁচিয়া থাকিবার !

বোটা গারিতেছিল,—

“পলাশ লাজে হাস্তো পাশে,  
কাপ্তো বেণু বঁধুর ত্রাসে,  
হরষ ভরে বর্তুতো শিরীষ  
ত্রস্ত ছুটি পারে।”

তন্ময়তার মাঝখান দিয়া মালতীর চোখের উপর ভাসিয়া ওঠে একটা চিত্র। তাদের গ্রামের বাড়ীর সংলগ্ন বাগানটিতে এমনি জ্যোৎস্নার বজ্রা বহিত। এমন দিনে সামনের কৃষ্ণচূড়া গাছটা ফুলে-ফুলে আচ্ছন্ন হইয়া থাকিত। তাহারই নীচে দিয়া একটা সরু পায়ের-চলা পথ ঘাসের বৃকের উপর দিয়া চলিয়া গেছে একবারে সেই বাঁধা-ঘাট পর্য্যন্ত। ঘাটের দুই পাশে দুটি কামিনী ফুলের গাছ। কখনো সেই কামিনীর, কখনো কৃষ্ণচূড়ার পুষ্পিত পল্লব ছিঁড়িয়া তার স্বামী তার খোঁপায় গুঁজিয়া দিতে আসিত। মালতী বলিত, আমি নাকি সাঁওতালনি গো, যে মাথায় ঐ সব গুঁজতে যাবো ?—সে ছুটিয়া পলাইত, এবং শেষ পর্য্যন্ত ধরা-পড়িয়া স্বামীর বাহুবন্ধনের মাঝখানে হাঁপাইয়া এলাইয়া পড়িত। বাড়ীর সকলে যখন ঘুমাইত, এমনি কত রাত্রি চলিয়াছে তাদের জীবনের বসন্ত-উৎসব। হুঁজনে বাঁধা-ঘাটে বসিয়া নীলাভ আকাশব্যাপী শুভ্র জ্যোৎস্নার বিপুল রক্তত প্লাবনের পানে চাহিয়া থাকিত।

স্বামী বলিত,—এই রকম জ্যোৎস্নার মাঝখানে বসে' আমার কি মনে হয় জানো ? মনে হয়—এ ঠিক যেন কোন্ মায়াপুরীর রাজকত্তা—ঘুমিয়ে আছে কার রূপোর কাঠির মূহুস্পর্শে।

মালতী হাসিয়া বলিত,—আর তুমি যেন সেই রাজ-পুতুর, যে তার ঘুম ভাঙাবে সোণার কাঠি ছুঁইয়ে।

..... গানের সুরটা যেন কেমন জড়াইয়া-জড়াইয়া কাণে আসিয়া লাগিতেছে। মালতীর ছুটি চোখের পাতা যেন তন্ময় ভারী হইয়া আসিতেছে। মনে হইতেছে, যে গান গারিতেছে, সে সেই মায়াপুরীর রাজকত্তা ছাড়া আর কেউ নয় !



মালতীর পক্ষে কিন্তু ইহা একেবারে দুঃসহ হইয়া উঠিয়াছে। মনে-মনে সে তাই ঠিক করিয়া ফেলিয়াছে, নিজেই যাচিয়া-গিয়া এক দিন বৌটির সঙ্গে আলাপ করিবে, তাতে অপমান যা-ই কিছু তার হোক না কেন!

মাকে বলিল,—বৌটা তো কৈ এলো-না একবারও আমাদের বাড়ীতে?

মা বলিলেন,—ও মা গো! ওরা বড়লোকের মেয়ে আমাদের বাড়ীতে আসবে কেন? তোর যে আর ঘুম হচ্ছে না ঐ ভেবে!

—সত্যিই ঘুম হচ্ছে না। তোমাদের যেমন, সারা-সহরে বাড়ী করবার আর জায়গা পেলো না! এমন এক-জন মেই যে, ছ'দণ্ড বসে' গল্প করি। সহরে বাড়ী করলে, তা বাপু এমন জায়গায় করো, যেখানে পাঁচ জন মানুষ বাস করে।

মা হাসিয়া বলিলেন, এখানটা যে একেবারে বন ছিল রে, এই সব মতুম বাড়ী হচ্ছে। পাঁচ বছর বাদে দেখবি, চার ধারে লোক গিস্-গিস্ করবে!

—হ্যা গো! এখন যে কি করে' দিন কাটে তার ঠিক নেই, তা আবার পাঁচ বছর পরে! তার চেয়ে যা মনে করে করুক গে, আমি চল্লুম ওদের বাড়ীতে। আলাপ করবো তার আবার কি? বাঘ তো নয়, যে খেয়ে ফেলবে।

মালতী উপরে আসিয়া একখামা ভাল জরিপাড় সাড়ী ও একটা রঙীন সিকের ব্লাউজ পরিল। আয়নাতে মুখখানি ভাল করিয়া ঘুরাইয়া-ফিরাইয়া দেখিয়া খামিকটা ইতস্ততঃ করিয়া বাস্তব হইতে পাউডার ও স্নো বাহির করিল।

সত্যিই, মুখের রঙটা অনেকখানি ফিকে দেখাইতেছে বৈ কি! মনে মনে খুশী হইয়া একটু হাসিল।

সিঁড়িতে নামিতে গিয়া মায়ের সঙ্গে দেখা। মা বলিলেন,—ও-মা, যা ভেবেছি, ঠিক তাই! এমনি ভূতের মতো জাড়া হ'য়ে যার বুঝি? গয়নার্গাটীগুলো বুঝি বাস্তব ভরে' রাখ'বার জঞ্জাই তৈয়েরী হয়েছে? চল, দেখি।  
—বলিয়া তিনি মায়ের হাত ধরিয়া টানিয়া লইয়া গেলেন আবার ঘরের ভিতর।...

মিনিট দশেক পরে মালতী ও-বাড়ীর সদর দরজায়

আসিয়া শিকল নাড়িল। শিকল ঝন্-ঝন্ করিল; সঙ্গে সঙ্গে হুড়্-হুড়্ করিয়া উঠিল মালতীর বুকের ভিতরটার। অথচ, কেন যে, তাহার কোন কারণই সে খুঁজিয়া পাইল না।

বৌটি দরজা খুলিয়া-দিয়াই প্রথমটা একেবারে বিবর্ণ হইয়া উঠিল। তার পর রুদ্ধনিশ্বাসে বলিল,—আমুন, আমুন! আপনি এসেছেন? আমি ভাবলুম বুঝি—

মালতী বলিল,—ঘুমুচ্ছিলেন বুঝি? আমি এসে ঘুম ভাঙিয়ে দিলুম—

বৌটি হাসিয়া বলিল,—ঘুমবার জালা! এই তো এতক্ষণে দস্তি ছেলেটা ঘুমুলো।

মালতী লক্ষ্য করিয়া, একখানি পেরাজী-রঙের ফুণ্ড-তোলা ছাপা সাড়ী তার পরণে, গায়ে ঐ রঙেরই একটি ব্লাউজ আছে বটে, কিন্তু কাপড়খানা এমন করিয়া জড়াইয়া পরিয়াছে যে, ব্লাউজের পূর্ব সামাগ্রাই নজরে পড়ে মাত্র।

তত্ত্বপোষের উপর একখানি সিঙ্গাপুরী মাহুর পাতা, তাহারই উপর ছ'জনে বসিল। মালতী এক একবার তার মুখের পানে হাঁ করিয়া চাহিয়া থাকে, তার পর তাড়াতাড়ি চোখ ঘুরাইয়া লইয়া যা-হোক একটা কথা পাড়ে। বৌটি সে প্রশ্নের পূর্ব অন্নই জবাব দেয়, কোন রকমে ছই চারিটা কথা বলিয়া যেন কর্তব্য শেষ করে। প্রাণ খুলিয়া সে যে মালতীর সঙ্গে আলাপ করিতে পারিতেছে না, এটুকু মালতী বেশ স্পষ্টই বুঝিতে পারিল। থাকিয়া-থাকিয়া সে যেন একেবারে অন্তমনস্ক হইয়া পড়ে। যেন এমনিভাবে ছ'জনে বসিয়া গল্প করিবার অন্তরালে তাহার কোথায় রীতিমত একটা অস্থবিধা রহিয়াছে, অথচ সে কথা মুখ ফুটিয়া বলিবারও নহে।

মালতী একবার বলিয়া ফেলিল,—তোমার কিন্তু ভারী অন্তমনস্ক দেখাচ্ছে। আমি এসে হয় তো অস্থবিধে করলুম তোমার—

—না না, ও কি বলছেন আপনি! আমার আবার অস্থবিধে কি?

মালতী বলিল,—কিন্তু বেলাও তো শেষ হ'য়ে এলো! এখনো হয় তো অনেক কাজই বাকী পড়ে আছে।

—কাজ? তা, কাজ তো এখনো সবই বাকী তাই! কাজের কি শেষ আছে?—বলিয়া সে একটুখানি ম্লান

হাসি হাসিল। পরক্ষণেই তাড়াতাড়ি বলিল,—তা, কাজ রোজই আছে, কিন্তু রোজই তো আপনাকে পাবো না!

—তা পাবে না, যত দিন না আমাদের বাড়ীতে তুমি এক দিন যাচ্ছে। কবে যাবে বল।

—কবে যাবো? যাবো বৈ কি! যে-কোনো দিন গেলেই তো হোল! এত কাছে যখন বাড়ী—

—হ্যাঁ, যেও কিন্তু। তুমি গেলে তবে কিন্তু আমি আবার আসবো। এই বলে রাখছি।

সেদিন মালতী বাড়ী ফিরিল মনের ভিতর অনেকখানি প্রফুল্লতা লইয়া। বোটী শীঘ্রই আসিবে বলিয়াছে। মালতীর পক্ষে সে একটা শুভদিন।

মালতী কথায়-কথায় তার নামটিও জানিয়া লইয়াছে। চমৎকার নাম, চিত্রা! যে ভালো, তার সবই ভালো; আর তার নিজের নামটাও কি ভালো হইতে নাই? বাগদীদের যে বুড়ীটা তার খণ্ডরবাড়ীতে শান ভানিতে আসে, তাহার নামও মালতী! কি বিশী নাম!

হ্যাঁ, চিত্রা সত্যই সুন্দরী। কিন্তু নিতান্ত যেন গো-বেচারী-গোছের। কলিকাতার মেয়ে বলিয়া যেন মনেই হয় না। তাহার এমনি ভয় হইয়াছিল, না-জানি কত-না লম্বা-লম্বা কথা বলিবে; মালতীকে হয় তো থ হইয়া থাকিতে হইবে! কিন্তু কথা ববং মালতীই বেশী বলিয়াছে। সে যেন বড় বেশী জড়সড়; গায়ের কাপড়টুকু কেমন যেন একটু বিশেষ সাবধানে দেহের চারিদিকে টানিয়া দিয়া বসিয়া ছিল। কেন, কে জানে! একটা কথা মালতীর মনে হইল।  
—হয় তো তাহাই।

মালতী নিজের মনে না হাসিয়া পারে না। চিত্রার খোকা এই সবে মাস-ছয়ের হইয়াছে। তা, এমন তো কত জনেরই হয়। তার মেজ-জায়েরও তো ঠিক এমনিই।

এতে আর অত লজ্জা করিবার কি আছে? পাগল আর কাহাকে বলে! দাঁড়াও না, এবার দেখা হইলে মালতী এমনি মজা করিবে!

রোজই মালতী মনে করে, আজ সে আসিবে, এবং তার উপরের ঘরখানিতে তার জন্ত বেশ একটু গোছগাছ করে। একখানা ভাল সাড়ী পরিয়া সারা হুপুর্টা প্রতীকার বসিয়া থাকে। কিন্তু বেলা পড়িয়া যায়, সে আর আসে না। এক-একবার উপরের ঘরের জানালার গিরা

দাঁড়ায়, ও-বাড়ীর দিকে সতৃষ্ণ দৃষ্টিতে চাহিয়া থাকে কিন্তু কাহারও দেখা মেলে না। মালতী বিরক্ত হইয়া সরিয়া যায়।

নাঃ, বোটী রীতিমত গর্কিতা। অহঙ্কার ছাড়া এ আর কিছুই নয়। একটা সাধারণ ভক্ততাও কি নাই? অথচ মুখে বলে সহরের মেয়ে! এর চেয়ে পাড়াগাঁই তো হাজার গুণে ভালো!

কয় দিন হইল, মালতী ও-বাড়ীর দিকের জানালাগুলো পর্যন্ত একবারও খোলে নাই, পাছে ও-বাড়ীর দিবে তাকাইতে-গিয়া বোটীর সঙ্গে চোখোচোখি হইয়া যায় ও-দিকে যে একটা বাড়ী আছে, এবং সেখানে কোন লোক বাস করে, সেটুকু পর্যন্ত তুলিবার চেষ্টায় সে একাগ্র হইয়া উঠিয়াছে।

কয় দিন হইয়া গেল, স্বামীর চিঠির কোন জবাব দেওয় হয় নাই। রাত্রে সে লিখিতে বসিল। অন্ত্য কথার পর লিখিল,—

“এখানে আমার একদম ভাল লাগে না। বাবা যে কেন সখ'রে গ্রামের বাড়ী ছেড়ে এখানে বাড়ী কর্ত্তে এলেন, আমি তা একেবারেই বুঝতে পারিনে। তোমাকে মাঝে মাঝে সহরে যাবার কথা বলি, কিন্তু সে সখ মিটেছে আমার। সহরে কোনো সুখ নেই। তার চেয়ে ওখানে আমাদের ঢের ভালো। হালদার-বাড়ীর গঙ্গাজল বোধ হয় এত দিনে ফিরে এসেছে? ঠৈঠকখানা-বাড়ীর বাতাবী-লেবুর গাছটাতে খুব ফুল ধরেছে তো? লিচু গাছটাতে এবার কি রকম লিচু ধরেছে লিখতে ভুলো না; সত্যি লিখো। তুমি হয় তো হাসবে, কিন্তু সত্যিই আমার সেখানকার জন্মে মন কেমন করছে।”

স্ত্রীর এ-চিঠির স্বেবোধ আর কোন উত্তর দিল না। ঠিক করিল, শশরীরে সেখানে আবির্ভূত হইয়া একেবারে সোর-গোল তুলিয়া দিবে।

তাহার খণ্ডরের গ্রামের বাড়ীতে সে কয়েকবার গিয়াছে; কিন্তু সহরের এই নূতন বাড়ীতে আজ পর্যন্ত যায় নাই। বাড়ীটা না কি সহরের এক প্রান্তে, সম্পূর্ণ অচেনা ব্যঙ্গ আগে হইতে একটা খবর দিলে অংশ মন্দ হইত না, কিং তাহাতে মালতীর স্মৃতি অনেকখানি কম হইয়া পড়ি-

যেন। এসব ব্যাপারে আকস্মিকতার অনেকখানি মূল্য আছে বৈ কি!

পথে আসিতে আসিতে মালতীর শেষ চিঠিখানির কথাই স্মবোধ ভাবিতেছিল। মালতীর বহু দিনের সাধ সহরে আসিয়া বাস করিবার। স্মবোধ ভাবিতেছিল, সহরে বাপের বাড়ীতে গিয়া সে সাধ আরও বাড়িয়া যাইবে, কিন্তু হঠাৎ এমন আশ্চর্য্যভাবে সে-সখ মিটিয়া গেল কি করিয়া, তাহা সে বুঝিয়া উঠিতে পারে না!

অধুনা-অভ্যস্ত তাহাদের গ্রাম্য নীড়খানির বাহিরে কৰ্ম্মচঞ্চল পৃথিবীর পানে চাহিয়া স্মবোধের আজ মনে হইতেছে, নিজেও সে যেন অনেকটা পিছাইয়া পড়িয়াছে। সেই-ই যে একদিন কলিকাতার হোটেলের থাকিয়া দেশ-বিদেশের ছাত্রদের সঙ্গে হল্পোড় করিয়া দিন কাটাইয়াছিল, সে কথা যেন সে আজ নিজেকেই বিশ্বাস করাইতে পারে না। আজ যখন তার সেই সব অন্তরঙ্গ সহ-শাঠিদের কথাই একে একে মনে পড়িতেছিল, সেই সময় সহসা তাহাদেরই এক জনের সঙ্গে অপ্রত্যাশিত সাক্ষাৎ অণ্ডাল ষ্টেশনের চায়ের ষ্টলে।

—আরে কে, স্মবোধ না?

পাশের আগন্তুকটির দিকে চাহিয়াই স্মবোধ অবাক। একমুখ হাসিয়া বলিল,—কে হে অশেষ যে? আশ্চর্য্য! এই মাত্র আমি ঠিক তোমাদের কথাই ভাবছিলুম। সেই অশেষ গুপ্ত, প্রবীর চাটুয্যে, কিরণ সরকার ইত্যাদি হোটেলের নামজাদা সহচরবৃন্দ।

চেম্বার টানিয়া বসিয়া-পড়িয়া অশেষ বলিল,—তার খবর কি? কোথায় আছ?

স্মবোধ বলিল,—একবার বর্ধমান যাবো। তুমি—

—বর্ধমান যাচ্ছে? আর আমি বর্ধমান থেকেই সূঁছি, যাবো আসানসোল। ঐ যে ট্রেনটা দাঁড়িয়ে রয়েছে, ১০ মিনিট এখানে ষ্টপেজ! বড় চায়ের তেপ্টা গিলো, তাই এক কাপ—দাও হে এক কাপ তাড়াতাড়ি! যের জন্তে ট্রেন ফেল করতে পারবো না কিন্তু! তার-র? তোমার ডাউন ট্রেনের তো এখনো প্রায় তিন কারাটার দেবী।

—হ্যাঁ, ঐ রকমই হবে। উঃ, তোমার সঙ্গে কত দিন যে দেখা! তাই ভাবি, দেখা না হওয়াটাও যেমন

আশ্চর্য্য, হওয়াটাও তো তেমনি। প্রবীর কি কচ্ছে হে? সে না কি একটা কি বড় গোছের—

—হ্যাঁ, মুন্সেফী পেয়েছে। কিরণ গুনলুম লোহার কারবারে মোটা লাভ করেছে। আর আমি কি করছি শুধোলে না যে?

—সত্যিই তো, কি কর্চো বল না?

—আমি? দস্তুর মতো বাঙ্গালীর টাউশনটা বজায় রেখেছি হে, বুঝলে? অর্থাৎ, কেরাণীগিরি করছি, রাজ-ভাষায় যাকে বলে গবর্ণমেন্ট সার্ভেণ্ট।

—তা, মন্দ কি? যে বাজার! কত লোক যে ঐ চাকরীর জন্তেই ত্রিভুবন চেষ্টা বেড়াচ্ছে!...কোথায় আছ? আসানসোলে বুঝি?

—না হে, বর্ধমানে। হ্যাঁ, তুমিও তো বর্ধমানে যাচ্ছে বললে না? যে রকম রাজবেশ, শগুরবাড়ী নয় তো?

স্মবোধ হাসিল।

—আরে, বল কি? সত্যিই শগুরবাড়ী? বর্ধমানে? কি আশ্চর্য্য!

হঠাৎ ইঞ্জিনের হইসুল শোনা গেল। অশেষ বলিল,—আচ্ছা শুভ্বাই। বর্ধমানে পারি তো খুঁজে বার করবো তোমায়।

ছুটিতে-ছুটিতে গিয়া সে ট্রেনে উঠিল। ট্রেন তখন চলিতে আরম্ভ করিয়াছে।

কাহিনী শুনিয়া স্মবোধ ক্রীকে বলিল,—ওঃ! এরই জন্তে বলা হচ্ছিল, বোটার ভারী দেমাক! আসলে বল, সন্দরীর কাছে তোমার এগোবার সাহস নেই!

মালতী ঠোট উন্টাইয়া বলিল,—ঈস! তা আর বলতে হয় না! জানো, আমি নিজে গিয়েছিলুম দেখা করতে! তা এমনি অসভ্য, আসবো বলে' এক দিনও এলো না। ছি ছি, এমন পড়শি মিয়ে আবার মানুষে বাস করতে পারে? আমার এমনি মন ধারাপ হ'রেছিল, কি বলবো! ভাগ্যে তুমি আজ এলে!

—কি আশ্চর্য্য! আমি আসাতে অসভ্য বোটার ওপর রাগ পড়ে' গেল বুঝি?

—তা কেন যাবে, বা-রে! দিন দিন কি রকম হ'রে

## কঠোপনিষদ্

কঠোপনিষদের আখ্যানভাগ এইরূপ :—ঔদালকি নামক ব্রাহ্মণ যজ্ঞানুষ্ঠান করিয়া সর্ষপ দান করিয়াছিলেন। তাঁহার পুত্র নচিকেতা দেখিলেন যে, তাঁহার পিতা জরাজীর্ণ গাভীগুলিও দান করিতেছেন। নচিকেতা চিন্তা করিলেন যে, এই প্রকার গাভী যিনি দান করেন, তাঁহাকে মৃত্যুর পর নিরানন্দস্থানে যাইতে হয়। তিনি পিতাকে জিজ্ঞাসা করিলেন, “পিতঃ, আপনি কাহার হস্তে আমাকে প্রদান করিবেন?” পিতা বিরক্ত হইয়া উত্তর দিলেন না। নচিকেতা পুনর্বার এই প্রশ্ন করিলেন। তথাপি পিতা উত্তর দিলেন না। নচিকেতা তৃতীয়বার প্রশ্ন করিলেন। পিতা ক্রোধভরে বলিলেন, “তোমাকে মৃত্যুর হাতে প্রদান করিব।” পিতৃবাক্য সত্য করিবার জন্ত নচিকেতা পরলোক-গমনে উদ্বৃত্ত হইলেন। তখন পিতা অহুশোচনার অধীর হইলেন। পিতাকে সাঙ্ঘনা প্রদান করিয়া নচিকেতা বলিলেন, “মানবমাত্রই মৃত্যুমুখে পতিত হইবে। জীবনের মায়ী করিয়া সত্যপথ হইতে বিচলিত হওয়া উচিত নহে। আমাদের পূর্বপুরুষগণ সত্য পরিত্যাগ করেন নাই, আমাদেরও সত্য পরিত্যাগ করা কর্তব্য নহে।” পিতাকে সাঙ্ঘনা দিয়া নচিকেতা যমরাজের পুরীতে উপনীত হইলেন। তখন যম গৃহে উপস্থিত ছিলেন না, তাঁহার কৰ্মচারিগণ নচিকেতাকে আহ্বান করিতে বলিলেন। কিন্তু যম ফিরিয়া না আসা পর্যন্ত নচিকেতা আহ্বান করিলেন না। তিন দিন পরে যম ফিরিয়া আসিলেন। নচিকেতা ব্রাহ্মণতনয় বলিয়া যম তাঁহাকে প্রণাম করিলেন এবং আহ্বান ও পানীয় দ্বারা পরিতৃপ্ত করিলেন। পরে যম বলিলেন, “তুমি তিন রাত্রি অনাহারে ছিলে, তোমাকে সন্তুষ্ট করিবার জন্য আমি তোমাকে তিনটি বর প্রদান করিব। তুমি বর গ্রহণ কর।” নচিকেতা প্রথম বর চাহিলেন,—নচিকেতা যখন পিতার নিকট ফিরিয়া যাইবেন, তখন যেন পিতা তাঁহাকে চিনিতে পারেন, তাঁহার পিতার যেন মন শান্ত হয়, এবং তিনি আর কখনও ক্রোধপরবশ না হন। যম এই বর প্রদান করিয়া দ্বিতীয় বর চাহিতে বলিলেন। নচিকেতা বলিলেন, “স্বর্গলোকে হুঃখ নাই, ভয় নাই, মৃত্যু নাই, অগ্নির কি ভাবে উপাসনা করিলে স্বর্গলাভ করিতে পারা যায়, আপনি তাহা শিখাইয়া দিউন।” তখন যমরাজা কি ভাবে বেদী নির্মাণ করিতে হয়, কি ভাবে অগ্নি প্রজ্বলন করিতে

হয়,—এই সকল যজ্ঞ করিবার বিস্তারিত বিবরণ শিক্ষা দিলেন। নচিকেতা তাহা শিক্ষা করিবার পর যম তাঁহাকে তৃতীয় বর চাহিতে বলিলেন। নচিকেতা বলিলেন,—

“যেহং প্রেতে বিচিকিৎসা মনুষ্যে অস্তীত্যেকো নাযমস্তীতি চৈকে।  
এতচ্ছিভামনুশিষ্টস্তয়াং বরাণামেব বরস্তীয়ঃ।

‘প্রেত’ হইলে কি হয়, এ বিষয়ে মনুষ্যের জানিবার ইচ্ছা হয়; কেহ বলেন—আছে,—কেহ বলেন নাই, এ বিষয়ে আপনার নিকট শিক্ষালাভ করিব, ইহাই তৃতীয় বর।”

‘প্রেত’ শব্দের সহজ অর্থ মৃত্যুগ্রস্ত। শব্দর এইভাবেই ব্যাখ্যা করিয়াছেন। তাঁহার মতে নচিকেতার তৃতীয় প্রশ্ন এই যে, মৃত্যুর পর আত্মা থাকে কি না। কিন্তু রামানুজের মতে নচিকেতার তৃতীয় প্রশ্নের তাৎপর্য্য এরূপ হইতে পারে না। কারণ, দ্বিতীয় প্রশ্নে নচিকেতা স্বর্গলাভের উপায় কি, তাহা জানিতে চাহিয়াছেন; মৃত্যুর পর যদি আত্মা না থাকে, তাহা হইলে স্বর্গলাভ কিরূপে হইতে পারে? রামানুজের মতে নচিকেতার তৃতীয় প্রশ্নের তাৎপর্য্য এই যে, মোক্ষলাভ করিবার পর জীবাত্মা থাকে, অথবা পরমাত্মায় বিলীন হইয়া যায়। অদ্বৈত-মতে মোক্ষের পর জীবাত্মা থাকে না, পরমাত্মায় বিলীন হইয়া যায়। বিশিষ্টাদ্বৈতমতে মোক্ষের পরও জীবাত্মা পরমাত্মার অংশরূপে থাকে। নচিকেতার প্রশ্ন এই—অদ্বৈতবাদ সত্য, অথবা বিশিষ্টাদ্বৈতবাদ বা দ্বৈতবাদ সত্য। ‘প্রেত’ অর্থাৎ যে জীব প্রকৃষ্ট গতিলাভ করিয়াছে। প্রকৃষ্ট গতি অর্থাৎ চরম গতি। যে গতির পর আর ফিরিয়া আসিতে হয় না। অর্থাৎ মোক্ষ।

প্রশ্নটির তাৎপর্য্য যাহাই হউক, তাহার উত্তরে যম নচিকেতাকে ব্রহ্মবিজ্ঞা সম্বন্ধে উপদেশ দিয়াছিলেন। কিন্তু যম সহজে এই উপদেশ দিতে চাহেন নাই। তিনি প্রথমে নচিকেতাকে বলিলেন যে, এই তত্ত্ব অতিশয় হ্রস্ব, এবং নচিকেতাকে অল্প বর চাহিতে বলিয়াছিলেন। যম বলিলেন যে, নচিকেতা প্রার্থনা করিলেই যম তাহাকে ঐশ্বর্য্য, প্রভুত্ব, বিস্তৃত ভূখণ্ড, পুত্র, পশু, ধন, ধাত্ত, বহু সংখ্যক সুন্দরী রমণী, গীতবাহু,—উৎকৃষ্ট ইঞ্জিয়ভোগ্য সকল বস্তু প্রচুর পরিমাণে দিতে প্রস্তুত। কিন্তু নচিকেতা এ সকল চাহিলেন না। তিনি বলিলেন, সংসারে সুখ ঐশ্বর্য্য সকলই কণস্থায়ী, জরাগ্রস্ত হইলে মনুষ্যের ঐশ্বর্য্য থাকিলেও ভোগ করিবার ক্ষমতা থাকে না, ধন দ্বারা কেহ তৃপ্তিলাভ করিতে

পারে না। অতএব নচিকেতা এ সকল কিছু চাহেন না। তিনি তৎস্বিত্বাই চাহেন। তখন যম নচিকেতাকে ব্রহ্মবিদ্যার উপদেশ দিলেন।

এই উপাখ্যান হইতে বুঝিতে পারা যায় যে, ব্রহ্মবিদ্যা লাভ করিবার পূর্বে এই বিদ্যার অধিকার অর্জন করা প্রয়োজন। যিনি অধিকারী নহেন, তাঁহার নিকট ব্রহ্মবিদ্যার উপদেশ দেওয়া মিথ্যা;—তাহাতে কোনও সুফল হইবে না, বরং কুফল হইতে পারে। অধিকার সম্বন্ধে কঠোপনিষদে দুইটি প্রধান কথা বলা হইল, পিতার প্রতি কর্তব্যসাধন, দেবতার প্রতি কর্তব্যসাধন। বালক পুত্রকে হারাইয়া নচিকেতার পিতা শোকে মুহমান; নচিকেতার প্রথম কর্তব্য পিতার মনে শান্তি স্থাপন করা—সে কর্তব্যে অবহেলা করিয়া ব্রহ্মবিদ্যালাতের চেষ্টা করিলে তাহা কখনও ফলবতী হইবে না। অগ্নি, সূর্য্য, বায়ু প্রভৃতির মধ্যে আমরা ঈশ্বরের শক্তি প্রত্যক্ষ করিয়া থাকি, সেই সকল দেবতার উপাসনা না করিয়া ঈশ্বরলাভের চেষ্টা করা উচিত নহে,—ইহা বুঝাইবার জন্ত ব্রহ্মবিদ্যার পূর্বে যজ্ঞের প্রণালী শিক্ষা দেওয়া হইয়াছিল। যাহারা বলেন যে, উপনিষদের ঋষিগণ যজ্ঞের বিরোধী এবং দেবতাকে অবিখ্যাসী, তাঁহাদের উক্তি যে সম্পূর্ণ ভুল, তাহার একটি প্রমাণ কঠোপনিষদের এই আখ্যানিকা। কঠোপনিষদে যদিও পিতৃসেবা এবং দেবতার উপাসনার কথাই বলা হইল, তথাপি এই আখ্যানিকার উদ্দেশ্য এই যে, সকল প্রকার কর্তব্যকর্ম যথারীতি সম্পাদন করিলে ব্রহ্মবিদ্যার অধিকার লাভ করা যায়। এই বিষয়ে তৈত্তিরীয়ক উপনিষদে দেখা যায় যে, আচার্য্য শিষ্যকে বেদ অভ্যাস করাইয়া আদেশ দিতেছেন,—“সত্যং বদ, ধর্ম্যং চর, স্বাধ্যায়ান্না প্রমদ,” ইত্যাদি। অর্থাৎ সত্য কথা বলিবে, ধর্ম আচরণ করিবে, নিত্য বেদ-পাঠে অবহেলা করিবে না। এই সকল অনুশাসনের মধ্যে উক্ত হইয়াছে—“দেবপিতৃকার্য্যাত্যাং ন প্রমদিতব্যম্।” অর্থাৎ দেব-কার্য্য এবং পিতৃকার্য্যে অবহেলা করিবে না। দেবকার্য্য হইতেছে—হোম ও যজ্ঞ, পিতৃকার্য্য হইতেছে—তর্পণ। উপনিষদের এই সকল বাক্য আলোচনা করিলে ইহা প্রতীতি হইবে যে, শাস্ত্রবিহিত কর্ম অনুষ্ঠান-পূর্ব্বক ব্রহ্মবিদ্যা অনুশীলন করাই উপনিষদের অভিপ্রায়। সন্ন্যাসের কথা অবশ্য উপনিষদে আছে। যাহার পূর্ণ-বৈরাগ্য

হইয়াছে, তিনি বিধিপূর্ব্বক কর্মত্যাগ করিয়া সন্ন্যাস গ্রহণ করিবেন,—“যদহরেব বিরজেৎ, তদহরেব প্রব্রজেৎ”। কিন্তু পূর্ণ বৈরাগ্য উদয় হইবার পূর্বে কর্ম করা প্রয়োজন। বৈরাগ্যের উদয় অন্ন লোকেরই হইয়া থাকে।

কর্ম অবহেলা করিয়া কেবল ব্রহ্মবিদ্যার আলোচনা যে অনিষ্টকর, তাহা ঈশোপনিষদেও স্পষ্টভাবে বলা হইয়াছে। ঐ উপনিষদে উক্ত হইয়াছে যে, যিনি বিদ্যাকে অবহেলা করিয়া অবিদ্যার সেবা করেন, তিনি অন্ধকারময় স্থানে গমন করেন, এবং যিনি অবিদ্যাকে অবহেলা করিয়া কেবল বিদ্যার সেবা করেন, তিনি অধিকতর অন্ধকারময় স্থানে গমন করেন।—

অন্ধং তমঃ প্রবিশন্তি যেহবিদ্যানুপাসতে।

ততো ভূয় ইব তে তমো যট বিদ্যান্ন বতাঃ।

রামানুজ এই বাক্যের যে ভাবে ব্যাখ্যা করিয়াছেন, তাহাই সর্বাঙ্গের সমীচীন বোধ হয়। তিনি বলিয়াছেন, বিদ্যা শব্দের অর্থ ব্রহ্মজ্ঞান অনুশীলন অথবা ব্রহ্ম উপাসনা, এবং অবিদ্যা শব্দের অর্থ কর্তব্যকর্ম। ব্রহ্মবিদ্যার অনুশীলন না করিয়া যজ্ঞাদি কর্ম করিলে স্বর্গলাভ হয় এবং চিত্তশুদ্ধির সম্ভাবনা থাকে (চিত্তশুদ্ধি হইলে মোক্ষলাভ বিশেষ হ্রস্ব নহে); কিন্তু কর্ম দ্বারা চিত্ত শুদ্ধ না করিয়া ব্রহ্মবিদ্যার অনুশীলন করিলে স্বর্গও হয় না, মোক্ষও হয় না,—অনধিকারীর বিদ্যাচর্চা! হেতু অনিষ্ট হওয়াই সম্ভব। এজন্য কেবল কর্ম অপেক্ষা কেবল জ্ঞানচর্চা নিকৃষ্ট।

ব্রহ্মবিদ্যার উপদেশ দিবার পূর্বে যম যে নচিকেতাকে নানাবিধ সুখ ঐশ্বর্য্য প্রদান করিতে চাহিয়াছিলেন, নচিকেতাকে প্রলুব্ধ করা তাঁহার উদ্দেশ্য ছিল না; তাঁহার উদ্দেশ্য ছিল, নচিকেতার প্রকৃত বৈরাগ্য উদয় হইয়াছে কি না তাহা পরীক্ষা করা। বৈরাগ্য উদয় হইলেই ব্রহ্মবিদ্যা ফলপ্রদ হয়। শঙ্করাচার্য্য বলিয়াছেন যে, মনের মধ্যে বিষয়-বাসনা যদি অন্নমাত্রও থাকে, তাহা হইলে সেরূপ মনের দ্বারা ব্রহ্মকে উপলব্ধি করা সম্ভব হয় না। শাস্ত্রবিহিত কর্ম নিকাম ভাবে সম্পাদন করিলে চিত্ত শুদ্ধ হয় অর্থাৎ বৈরাগ্যের উদয় হয়। পূর্ব্বজন্মের স্মৃতির ফলে নচিকেতার চিত্তে স্বতঃই বৈরাগ্যের উদয় হইয়াছিল; এজন্য তিনি ব্রহ্মজ্ঞান লাভের উৎকৃষ্ট পাত্র ছিলেন।

: শ্রীবসন্তকুমার চট্টোপাধ্যায় (এম-এ)



## বৈষ্ণবমত-বিবেক



### তৃতীয়-অধ্যায়

কাশীধামে শ্রীজীব

শ্রীচৈতন্যচরিতামৃতের বর্ণনায় দেখা যায় যে, শ্রীজীব গোস্বামী গোঁড় হইতে মথুরায় বাটবার পথে শ্রীনবদ্বীপধামে শ্রীনিত্যানন্দ প্রভুর সঙ্গিত সাক্ষাৎ করিয়া তাঁহার আদেশ গ্রহণ করেন। তবে যে তিনি ৮কাশীধামে অবস্থান করিয়া বেদান্তাদি শাস্ত্র অধ্যয়ন করিয়াছিলেন, এ কথা কোথা হইতে আসিল? আমাদের মনে হয়, এ স্থলে শ্রীচরিতামৃতের অতিসংক্ষিপ্ত প্রামাণিক উক্তির পরিপূরকরূপে ভক্তিব্রতাকরের বর্ণনাই গ্রহণ করিতে হইবে। ভক্তিব্রতাকরে আছে,—

নবদ্বীপ হইতে পরমানন্দ মনে।

শ্রীজীব গোস্বামী কাশী গেল। কতো দিনে।

—প্রথম তরঙ্গ ৫৪ পৃঃ।

অতএব বুঝা যাইতেছে যে, শ্রীনিত্যানন্দ প্রভুর কৃপা-আজ্ঞা প্রাপ্ত হইয়া শ্রীজীব শ্রীবৃন্দাবনে বাটবার পথে শ্রীকাশীধামে আগমন করিয়া তথায় অবস্থান করিয়া অধ্যয়নে প্রবৃত্ত হইলেন। তিনি ৮কাশীধামে আগমন করিয়া মধুসূদন বাচস্পতির নিকট বেদান্তাদি শাস্ত্রপাঠে নিযুক্ত হন। যত দূর জ্ঞান যায়, তাহাতে এইরূপ ধারণা হওয়াই স্বাভাবিক যে, তিনি চারি পাঁচ বৎসর ৮বারাণসীতে অবস্থান করিয়া দিবানিশি শাস্ত্রচর্চায় মগ্ন থাকিতেন। শ্রীজীবের জায় শক্তিশালী ও প্রতিভাবান শিক্ষিত যুবক তদুপভাবে চারি পাঁচ বৎসর কাল অধ্যয়ন করিয়া—তৎকালে ভারতবর্ষে প্রচলিত সর্বপ্রকার দর্শন ও শাস্ত্রাদি আয়ত্ত করিয়াছিলেন—ইহাতে বিশ্বাসের কারণ নাই।

কার্য দেখিয়াই ফলের অনুমান করিতে হয়। শ্রীজীবের শ্রীভাগবতের ক্রমসন্দর্ভ টীকায়, বটসন্দর্ভে ও সর্বস্বাদিনীতেই তাঁহার পাণ্ডিত্যের ও দার্শনিক প্রতিভার প্রমাণ পাওয়া যায়। তিনি যে ভামতী টীকাসমেত শঙ্করভাষ্য অধ্যয়ন করিয়াছিলেন, তদ্বসন্দর্ভের “সর্বস্বাদিনী”তে তাহার প্রমাণ পাওয়া যায়।\* শাবর ভাষ্য, তদ্ব্যবাস্তিক ও পূর্বমীমাংসাসূত্র হইতে তিনি যে যে স্থান সর্বস্বাদিনীতে উদ্ধৃত করিয়া বিচার করিয়াছেন, তাহাতে মীমাংসাদর্শনে যে তাঁহার প্রভূত জ্ঞান ছিল, তাহা বুঝিতে পারা যায়।† ভট্টমত ও প্রভাকর-মতের সঙ্গিতও তাঁহার বিলক্ষণ পরিচয় ছিল। তিনি বেদের সংহিতা, ব্রাহ্মণ ও উপনিষদ্ প্রভৃতিতে

\* ‘অত্র বাচস্পতিচৈবমাঃ’ ইত্যাদয়ঃ।—সর্বস্বাদিনী পৃঃ ৯ (সাহিত্য পরিষদ সংস্করণ)

† ‘তথাচ পারম্বং সূত্রং—‘পৌরীপাধ্যৈ পূর্বদৌর্ভল্যং প্রকৃতিবৎ ইতি—(পৃঃ মীঃ নংঃ ৬।৫।৫৪) তথা—‘পৌরীপাধ্যৈবলৌকিকং

বিশেষরূপে ব্যাংপন্ন ছিলেন। তাঁহার সর্বস্বাদিনীতে এই সকল হইতে ভূরি ভূরি প্রমাণ-বাক্য উদ্ধৃত হইয়াছে। পাণিনি ব্যাকরণে ও পতঞ্জলির মহাভাষ্যেও তিনি বিশেষরূপে অভিজ্ঞ ছিলেন। হরিনামামৃত ব্যাকরণেও তাঁহার পাণিনি ব্যাকরণের নিরতিশয় ব্যাংপত্তি প্রকাশিত হইয়াছে। তিনি পাণিনিকলাপ, মারস্বত-বিস্তর ও চান্দ্রব্যাকরণ—এই সকল ব্যাকরণে তুলনামূলক জ্ঞান লাভ করিয়া তাহার সার সংগ্রহ করিয়া লৌকিক সংস্কৃতের উৎকৃষ্ট ব্যাকরণরূপে শ্রীচরিতামামৃত ব্যাকরণ রচনা করিয়াছিলেন। সর্বস্বাদিনীতে স্ফোটবাদ নিরসনে তিনি পাণিনীর মহাভাষ্যের জ্ঞানের পরিচয় প্রদান করিয়াছেন।

শব্দশক্তি ও শব্দবৃত্তি সম্বন্ধে আলোচনা-প্রসঙ্গে তিনি শব্দশক্তি-প্রকাশিকা প্রমুখ গ্রন্থ, এবং সাহিত্য-দর্পণ কাব্য-প্রকাশাদি অলঙ্কার-গ্রন্থও তাঁহার প্রগাঢ় অভিজ্ঞতার নিদর্শন। ফলতঃ, যদি ধরিয়া লওয়া যায় যে, ব্যাকরণ, অলঙ্কার, শব্দশাস্ত্র ও জায়শাস্ত্রের আলোচনার পরিপক্বতা লাভ করিয়াই তিনি ৮কাশীধামে বেদ ও দর্শনাদির আলোচনার জন্ত অধ্যয়নে প্রবৃত্ত হইলেন, তাহা হইলে সে অনুমান কোনরূপে অসঙ্গত হয় না।

শ্রীজীবের দার্শনিক জ্ঞানের সম্বন্ধে আলোচনা করিলে দেখা যায়, বৌদ্ধ, মাইত ও চার্বাকদর্শন, প্রাচীন জায় ও নব্যজায়, বৈশেষিক, পূর্বমীমাংস, সাংখ্য, যোগ, অর্ধৈত বেদান্ত, দ্বৈত-বেদান্ত ও বিশিষ্টা-দ্বৈতবাদে তিনি যথেষ্ট জ্ঞান লাভ করিয়া শ্রীকৃষ্ণচৈতন্যদেব-প্রদর্শিত পন্থায় শ্রীরূপসনাতনের পদাঙ্ক অনুসরণ পূর্বক তাঁহার অপূর্ব দার্শনিক মত—অচিন্ত্যভেদভেদবাদ বিবৃত করেন।\*

অর্ধৈত বেদান্তের শঙ্কর ভাষ্য, ভামতী, রত্নপ্রভাদি গ্রন্থ তিনি অধ্যয়ন করিয়াছিলেন। বিশিষ্টাদ্বৈতবাদের শ্রীভাষ্য, তাহার টীকা স্রুত-প্রকাশিকা, বেঙ্কটনাথ বেদান্তদেশিকের শতদূষণাদি গ্রন্থ এবং মাধ্বমতের দ্বৈত-বেদান্তের মাধ্বভাষ্য, বিষ্ণুতত্ত্বপ্রকাশিকা, ব্যাসরাজ স্বামীর জায়ামৃত গ্রন্থের নাম তিনি তাঁহার লঘুতোষণীতে উল্লেখ করিয়াছেন।† এই উক্তির দ্বারা বেশ বুঝিতে পারা যায় যে,

তত্র নাম প্রতীয়তে। আত্মাত্ম নিরপেক্ষাণাং জগদধিযাং ভবেৎ।\*

—তদ্ব্যবাস্তিকং

অত্র বহু স্থলেও মীমাংসাদর্শন হইতে বহু প্রমাণ উদাহৃত হইয়াছে।

\* এই জীবনী গ্রন্থে স্বতন্ত্র প্রবন্ধে শ্রীজীবের দার্শনিক অভিমত “অচিন্ত্য-ভেদভেদবাদ” বিবৃত হইবে।

† “শ্রীবৈষ্ণবানাং শ্রীভাষ্যাত্মন্য টীকায়াঃ শতদূষণাদিষু চ তদ্ব্যবাস্তিকানাং বিষ্ণুতত্ত্বপ্রকাশিকাদৌ জায়ামৃতাদৌ চ তথাস্মাকং তদদৃষ্টিলেপাবষ্টম্ভি শ্রীভাগবতসন্দর্ভতট্টিকাদৌ চ বিশেষো ব্রষ্টব্যঃ।” —লঘুতোষণী—১০।৮।১২

এই গ্রন্থগুলি ব্যতীত তত্ত্বসম্প্রদায়ের অন্যান্য গ্রন্থও তিনি আয়ত্ত করিয়াছিলেন।

শ্রীজীবের শ্রীভাগবতের টীকা ক্রমসন্দর্ভে শ্রীভাগবতের প্রথম স্কন্ধের (“জমাদ্যন্তবতঃ” ইত্যাদির) ব্যাখ্যায় অতি সংক্ষেপে এবং স্বকোশলে তিনি ব্রহ্মসূত্রে পাঁচটি সূত্রের ব্যাখ্যা করিয়াছেন। এই ব্যাখ্যায় তিনি প্রধানতঃ শ্রীভাষ্যেরই অনুসরণ করিয়াছেন। মাধব সম্প্রদায়ের ব্যাসরাজতীর্থের “জাম্ববত” গ্রন্থ তাঁহার অধিক পূর্ববর্তী না হইলেও এই গ্রন্থের প্রাচরাধিক্য ঘটিয়াছিল। জাম্ববতগীত দ্বৈতবেদান্তের ইহা একখানি সুন্দর গ্রন্থ। অদ্বৈতবাদ নিরসনের এই অপূর্ব গ্রন্থের ও তাঁহার অভিমতের উল্লেখ করিয়া এই গ্রন্থ সম্বন্ধে যে তাঁহার বিশেষ অভিজ্ঞতা ছিল, শ্রীজীব তাহাই ব্যক্ত করিয়া গিয়াছেন।

শ্রীজীব কাশীধামে আসিয়া শ্রীল মধুসূদন বাচস্পতির নিকট অধ্যয়ন করিতে প্রবৃত্ত হন, ভক্তিরত্নাকরের প্রমাণ হইতেই ইহা জানিতে পারা যায়। এই মধুসূদন বাচস্পতি কে? কেহ কেহ ইহাকে মধুসূদন সরস্বতীর সহিত অভিন্ন ব্যক্তি বঙ্গনা করিবার চেষ্টা করিয়াছেন। কিন্তু এই কথা একেবারে প্রমাণসহ নহে। আমরা পূর্বেই দেখাইয়াছি যে, শ্রীজীবের আবির্ভাব ১৪৩২ শকের পর হওয়া সম্ভবপর নহে। ১৪৩২ শকাদে শ্রীজীবের আবির্ভাব কাল ধরিয়া লইলে ১৫১০ খৃষ্টাব্দে বা ১৫১১ খৃষ্টাব্দের প্রথমে শ্রীজীবের জন্ম হইয়াছিল। কিন্তু রাজেন্দ্রনাথ ঘোষ মহাশয় মধুসূদন সরস্বতীর আবির্ভাবকাল ১৫২৫ খৃষ্টাব্দ হইতে ১৫৩০ খৃষ্টাব্দের মধ্যে স্থির করিয়াছেন। \* যদি ১৫২৫ খৃষ্টাব্দেও মধুসূদনের জন্মকাল ধরিয়া লওয়া যায়, তবে শ্রীজীব গোস্বামীর অপেক্ষা অন্ততঃ তিনি ১৪ বৎসরের কনিষ্ঠ। স্মৃতরাং উনবিংশ বা বিংশ বর্ষ বয়সে যখন শ্রীজীব বারাণসীধামে আগমন করিয়াছিলেন, তখন মধুসূদন পঞ্চম বা ষষ্ঠ বর্ষ বয়সের বালক। স্মৃতরাং এই মধুসূদনের নিকট শ্রীজীব গোস্বামীর অধ্যয়ন—অন্ততঃ শ্রীজীব কাশীধামে অবস্থান করিবার সময়ে—কিছুতেই সম্ভবপর নহে। উক্তর কালেও তাঁহার গৃহিত কাশীধামে বা বৃন্দাবনে শ্রীজীবের সাক্ষাৎ হইয়াছিল, এরূপ কোনও প্রমাণ পাওয়া যায় না। মধুসূদন সরস্বতীও যে শ্রীবৃন্দাবনে বাইয়া শ্রীকৃষ্ণ-সনাতনাদির প্রিয়শিষ্য অত্যন্ত ব্যয়াজ্যেষ্ঠ শ্রীজীবকে অধ্যয়ন করাইয়াছিলেন, ইহার কোন প্রমাণও পাওয়া যায় না। বিশেষতঃ “ভক্তিরত্নাকর” গ্রন্থে মধুসূদনের নাম মধুসূদন “বাচস্পতি” প্রদত্ত হইয়াছে, কোথাও তাঁহাকে মধুসূদন সরস্বতী বলা হয় নাই। শ্রীজীবের গ্রন্থাবলীতে কোথাও মধুসূদন সরস্বতীর কোনও উল্লেখ নাই এবং মধুসূদন সরস্বতীর গ্রন্থাবলীতেও শ্রীজীবের কোনও উল্লেখ পরিদৃষ্ট হয় না।

পরম শ্রদ্ধাস্পদ পরলোকগত অধ্যাপক সতীশচন্দ্র মিত্র মহাশয় তাঁহার “সপ্তগোস্বামী” নামক সুলিখিত গ্রন্থে শ্রীজীব গোস্বামীর যে জীবনী লিখিয়াছেন তাহাতে আছে—“এই মধুসূদন বাচস্পতি নীলাচলপ্রবাসী বাসুদেব সার্কভৌমের শিষ্য। অদ্বৈতবাদী নৈয়ায়িক

বাসুদেব শ্রীচৈতন্যের নিকট বিচারে পরাজিত হইয়া ভক্তিদীক্ষা লইবার পর বেদান্তাদি শাস্ত্র ভক্তিসিদ্ধান্তানুসারে নূতন ভাবে ব্যাখ্যাত করিয়াছিলেন, বাচস্পতি তাঁহার নিকট সেই মতে বেদান্ত-চর্চা করিয়া কাশীতে বিখ্যাত পণ্ডিত হন। ঐ ভাবে বেদান্ত অধ্যাপনা করিবার মত অজ্ঞ কোন পণ্ডিত তখন কাশীতে ছিলেন না। \* ইহা অসম্ভব না হইতে পারে। কিন্তু কোনও প্রাচীন প্রামাণিক বৈষ্ণব গ্রন্থে আমরা সতীশবাবুর সমর্থক কোনও প্রমাণ পাই নাই। সতীশবাবুও তাঁহার গ্রন্থে মধুসূদন বাচস্পতি যে সার্কভৌম ভট্টাচার্যের শিষ্য ছিলেন, তাহার কোনও সমর্থক প্রমাণ দেন নাই। তবে মধুসূদন এই নাম হইতে অসুমান হয়—মধুসূদন কোনও বাঙ্গালী পণ্ডিত; কিন্তু তখন জীব গোস্বামীর হৃদয়ে ভক্তি-ভাব যেরূপ সুদৃঢ়ভাবে প্রতিষ্ঠিত হইয়াছে, সে অবস্থায় ভক্তিভাব-বিরোধী কোনও অদ্বৈতবাদী বৈদান্তিকের নিকট তিনি যে দীর্ঘকাল ধরিয়া অধ্যয়ন করিতে পারিয়াছিলেন, ইহা মনে হয় না। অতএব তাঁহার অধ্যাপক মধুসূদন বাচস্পতি নিশ্চয়ই সুপণ্ডিত ভক্ত ছিলেন। সম্ভবতঃ সার্কভৌম ও বিভাষাচস্পতির গৃহিত ইহার কোনও সম্বন্ধ ছিল। শ্রীল সনাতন গোস্বামী তাঁহার সুবিখ্যাত “বৃহত্তোষী” টীকায় তাঁহার অধ্যাপকবর্গের নামের উল্লেখ করিয়াছেন, কিন্তু শ্রীজীব গোস্বামী তাঁহার লিখিত মূল গ্রন্থাবলীর মধ্যে শ্রীকৃষ্ণ-সনাতন, গোপাল ভট্ট ভিন্ন অজ্ঞ কাহারও নাম করেন নাই। তিনি বৈষ্ণব-ভাবে ইহাদের নাম করিয়াছেন, তাহাতে গুরুবন্দনা হিসাবেই ইহাদের বন্দনা করিয়াছেন। তিনি কাশীধামে অবস্থান কালে মধুসূদন বাচস্পতি ভিন্ন অজ্ঞ কোনও অধ্যাপকের নিকট অধ্যয়ন করিয়াছিলেন কি না, তাহা জানিতে পারা যায় না। “ভক্তিরত্নাকর” এই মধুসূদন বাচস্পতির সম্বন্ধে বলিতেছেন—

“সর্বশাস্ত্রে অধ্যাপক যেন বৃহস্পতি।”

—(১ম ভরণ ৫৪, পৃঃ)

অতএব মনে হয়, শ্রীজীব পঠিতব্য সর্বশাস্ত্রেই ইহার নিকট অধ্যয়ন করিয়াছিলেন। অধ্যয়ন করিয়া তিনি বারাণসীর মত পণ্ডিতবহুল স্থানেও অসামান্য প্রশংসা অর্জন করিয়াছিলেন। যথা—

শ্রীজীবের বিভাবল দেখি বাচস্পতি।

যে আনন্দ হইল তাহা কতি কি শক্তি।

কাশীতে শ্রীজীবেরে প্রশংসে সর্ব ঠাই।

জায় বেদান্তাদি শাস্ত্রে এঁছে কেহ নাই।

—(ঐ প্রথম ভরণ ৫৪ পৃঃ)

এই সময় ভারতবর্ষে বিভাষাচর্চার প্রসার বিশেষরূপে বৃদ্ধি পাইয়াছিল, এবং বারাণসীধামেই তখন বতীধর্মাবলম্বী বিদ্যানগণের প্রধান সমাগম-কেন্দ্র। অদ্বৈত-বেদান্তে তখন বারাণসীস্থিত উপেন্দ্র সরস্বতী, প্রকাশানন্দ সরস্বতী, রামতীর্থ, মাধব সরস্বতী, উপেন্দ্র তীর্থ, নৃসিংহাশ্রম, নারায়ণাশ্রম, জগন্নাথ আশ্রম, কৃষ্ণ তীর্থ, বিশেষ্বর সরস্বতী প্রমুখ সন্ন্যাসিগণ বর্তমান। এতদ্ব্যতীত গৃহস্থ পণ্ডিতগণের মধ্যেও অদ্বৈত মতাবলম্বী বঙ্গরাজাধিকারি, আচার্য মল্লনারায়ণ, মহাত্মারত্নের সুপ্রসিদ্ধ টীকাকার নীলকণ্ঠ বিদ্যমান

\* শ্রীযুক্ত রাজেন্দ্রনাথ ঘোষের সম্পাদিত অদ্বৈতসিদ্ধির ভূমিকা— পৃঃ ১৩১; কিন্তু এই রাজেন্দ্রবাবুই অজ্ঞ স্বীকার করিয়াছেন যে, “ভক্তিরত্নাকরের মতে মহাপ্রভুর রামকেলি গমের সময় অর্থাৎ ১৫১৪ খৃষ্টাব্দের ২১৩ বৎসর পূর্বে ইহার জন্ম হয়।”—ঐ ভূমিকা—৫২ পৃঃ।

\* শ্রদ্ধাস্পদ অধ্যাপক সতীশচন্দ্র মিত্রের—“সপ্তগোস্বামী”—পৃঃ ২০৩—১০।

ছিলেন। রঙ্গরাজ অধ্বারীর পরম প্রতিভাবান পুত্র অষ্টমতম-বল্লী সর্বতন্ত্রস্বতন্ত্র রূপের দীক্ষিতও ঐ সময়ে কাশীধামে বর্তমান ছিলেন। ঐতর্যৈদিক মধ্বাচার্য সম্প্রদায়েও তখন ব্যাসরাজ-তীর্থপ্রমুখ পণ্ডিতমণ্ডলী বিদ্যমান। শ্রীসম্প্রদায়েও ঐ সময়ে বেদান্তাচার্য বেদান্তদেশিক বেকটনাথের প্রতিভাশালী শিষ্যগণ বর্তমান ছিলেন। ঐ সময়েই শুদ্ধাষ্টমতবাদী বল্লভাচার্য প্রাচীন বিষ্ণুস্বামী সম্প্রদায়ের নাম গ্রহণ করিয়া মধ্যাদামার্গ ও পুষ্টিমার্গ নামে স্বীয় সিদ্ধাস্তাবলীর প্রচার করিতেছিলেন। ইহার কিঞ্চিৎ পরেই তৎপুত্র 'বিঠ্ঠলেশ বল্লভ-সম্প্রদায়ের গুরুপদে বৃত্ত হন। নিম্বার্ক-সম্প্রদায়ী কেশবকাশ্মীরি ও তাঁহার শিষ্যবর্গ তখন ঐতর্যৈদিক মত প্রচার করিতেছিলেন। ঐ সময়ে সুপ্রসিদ্ধ বৈরাগ্যকরিক ভট্টোজী দীক্ষিত ও বাঙ্গালী পণ্ডিতরাজ জগন্নাথও জীবিত ছিলেন। নবমীপে তখন প্রসিদ্ধ নৈয়ায়িক মধুরানাথ তর্কবাগীশ বিদ্যমান ছিলেন।

যাহা শুউক, কাশীধামে শ্রীমদাচার্য, মীমাংসা ও বেদান্তের আলোচনাতেই পরিপূর্ণ ছিল। শ্রীজীব কাশীতে অবস্থান করিয়া তৎসময়টিতে অধ্যয়নপুস্তকসমূহ মীমাংসা ও বেদান্তশাস্ত্রে সমধিক কৃতিত্ব লাভ করিলেন। প্রায় পাঁচ বৎসরকাল তিনি এখানে অবস্থান করিয়া অধ্যয়ন করিয়াছিলেন। ভিন্ন ভিন্ন সম্প্রদায়ের যে সমস্ত পণ্ডিত তখন কাশীধামে বর্তমান ছিলেন, তাঁহাদের কাহারও সহিত শ্রীজীবের সাক্ষাৎকারের কথা স্পষ্টতঃ কোথাও পাওয়া যায় না। তাৎকালিক বৈষ্ণব ইতিহাস এ বিষয়ে নীরব। শ্রীচৈতন্যচরিতামৃত সম-সাময়িক প্রামাণিক গ্রন্থ হইলেও এই গ্রন্থে শ্রীজীবের কাশীধামে অধ্যয়ন বা তাহার বিশদ বিবরণ প্রদত্ত হয় নাই। সম্ভবতঃ শ্রীচরিতামৃত রচনার মূল উদ্দেশ্য শ্রীচৈতন্যদেবের শেষ লীলা বর্ণন বলিয়া চরিতামৃতকার এ বিষয়ে মনোযোগী হন নাই। শ্রীচরিতামৃত রচিত হইবার সময় শ্রীজীব জীবিত ছিলেন—পরম বিনয়ী গোপাল ভট্ট গোস্বামী শ্রীপাদ কবিরাজ গোস্বামীকে তাঁহার চরিতামৃত গ্রন্থে ভট্ট গোস্বামীর কোনও বিবরণ প্রদান-করিতে নিষেধ করেন;—শ্রীচৈতন্যচরিতামৃতে শ্রীজীবেরও জীবন-কথা বিস্তৃতভাবে আলোচিত হয় নাই। পরবর্তীকালে ভক্তিরত্নাকরের গ্রন্থকার প্রাচীন বৈষ্ণবগণের নিকট শুনিয়া শ্রীজীবের কাশীধামে মধুসূদন বাচস্পতির নিকট অধ্যয়নের বৃত্তান্তাদি প্রকাশ করিয়াছেন। কিন্তু তাহাতেও প্রধানতঃ ঐতিহ্য অবলম্বনে তাঁহাকে লিখিতে হইয়াছে বলিয়া তিনি গোস্বামিগণের জীবনেতিহাস দৃষ্টে বহু জ্ঞাতব্য বিষয়ই প্রদান করিতে পারেন নাই। এখানে আমাদের আর শ্রীজীবের জীবনকথা জানিবার অন্য উপায় নাই।

বারাণসীধামে বিজ্ঞা-বিলাসের প্রবল তরঙ্গ সর্বত্র যখন উচ্ছলিত, তখন শ্রীজীবও যে তাহা হইতে পরিভ্রাণ পাইয়াছিলেন এমন মনে হয় না। তবে শ্রীনিত্যানন্দের কৃপায় তাঁহার লক্ষ্য স্থির ছিল বলিয়া তিনি এই তরঙ্গাভিঘাতে ভাসিয়া যান নাই। ওমা যার, উত্তরকালে মধুসূদন সরস্বতী অষ্টমত বেদান্তের আবেশে পড়িয়া তাঁহার পূর্বসংকল্প—অষ্টমতবাদ নিরসন পূর্বক শ্রীকৃষ্ণচৈতন্যদেবের ভক্তিসিদ্ধান্ত স্থাপন—হইতে বিচলিত হইয়াছিলেন। কিন্তু শ্রীজীব তাঁহার সংকল্প অটুট রাখিয়া—লক্ষ্য স্থির থাকিয়া যে তাবে কাশীধাম

হইতে অধ্যয়ন শেষ করিয়া শ্রীবৃন্দাবনে গমন করিয়াছিলেন, তাহাতে তাঁহার হৃদয়ের বলের ও চরিত্রের দৃঢ়তারই পরিচয় পাওয়া যায়। অতুলনীয় প্রতিভাশালী শ্রীজীব প্রায় পাঁচ বৎসর কাশীধামে অবস্থান করিয়া তৎসময় ভাবে অধ্যয়ন করিয়া যখন অধীতব্য বিষয় প্রায় শেষ করিয়াছেন, তখন কাশীধামে শ্রীচৈতন্যদেবের তিরোভাবের সংবাদ উপস্থিত হইল। এই হৃদয়বিদারক সংবাদে তিনি চিরপোষিত মনোরথ ভক্তের মধ্যস্থিতিক দুঃখে অভিভূত হইয়া পড়িলেন। শিওকালে একবার মাত্র দর্শন করিয়া যাহার সুবলিত প্রকাশ তৎসময় মাধুর্য্য তিনি বিস্মৃত হইতে পারেন নাই—যাহার মধ্যাদা-বিলসিত, মূর্তির স্মৃতি শয়নে-স্বপনে-জাগরণে তাঁহার হৃদয়-মন্দিরে বিরাজিত সেই সাধনার ধন সেই সাক্ষাৎ ভগবৎগ্রন্থ শ্রীমচৈতন্যদেবকে যে তিনি আর নয়ন ভরিয়া দেখিতে পাইবেন না—এই চিন্তায় তাঁহার হৃদয় বিদীর্ণ হইবার উপক্রম হইল। ৮কাশীধামেও তখন শ্রীচৈতন্যদেবের অমুরাগী ভক্তের সংখ্যা নিতান্ত অল্প নহে। তাঁহারাও শ্রীচৈতন্যদেবের বিয়োগ-বার্তা শুনিয়া প্রিয়জন-বিয়োগের স্মরণ দুঃখার্ভ হইয়াছিলেন। যিনি কাশীধামের মত জ্ঞানপ্রদাম স্থানেও ভক্তিমন্দাকিনীর অমৃত-প্রবাহ প্রবাহিত করিয়া গিয়াছেন, ভক্তগণ কিছুতেই তাঁহার কথা বিস্মৃত হইতে পারেন নাই। মধুসূদন বাচস্পতিও বোধ হয় এই শ্রেণীর ভক্ত ছিলেন। মহাপ্রভু শ্রীচৈতন্যদেব ৮কাশীধামে প্রকাশানন্দের সহিত বিচারে যে ভাবে ব্রহ্মসূত্রের ভগবত-মতামুসারিণী ব্যাখ্যা করিয়াছিলেন—মধুসূদন বাচস্পতিও নিশ্চয়ই সেই ব্যাখ্যা শুনিয়া মুগ্ধ হইয়াছিলেন। হয় ত, তিনি পূর্বে শ্রীচৈতন্যদেবের অমুরাগী না হইলে এই সময় হইতে তাঁহার অমুরাগী হইয়া উঠিয়াছিলেন। শ্রীজীব তাঁহার নিকট ভক্তিসম্মত যে বেদান্ত ব্যাখ্যা শ্রবণ করিয়াছিলেন—উত্তরকালে তাহা ও শ্রীরূপ-সনাতন ও গোপাল ভট্টের মতামুসারী ব্যাখ্যা গ্রহণ করিয়াই তিনি ষট্‌সন্দর্ভ, ক্রমসন্দর্ভ ও সর্বসম্বাদিনী রচনা করিয়াছিলেন। এই জন্তই এই গৌরভক্ত সুপণ্ডিত অধ্যাপকের ও অজ্ঞাত গৌরগত-প্রাণ ভক্তসুন্দের সাহায্যে ঐখ্য-ধারণ করিয়া তিনি অবিলম্বে অধ্যয়ন শেষ করিয়া শ্রীবৃন্দাবনে তাঁহার পিতৃব্যগণের সকাশে গমন করিবার জন্ত ব্যগ্র হইয়া উঠিলেন।

শ্রীচৈতন্যদেব ১৪৫৫ শকে লীলাসম্বরণ করেন। শ্রীল লোচন দাসের শ্রীচৈতন্যমঙ্গল হইতে জানা যায় যে, আষাঢ় মাসেই তাঁহার তিরোভাব ঘটে। এই ঘটনার কিছুকাল পরেই শ্রীজীব ৮কাশীধাম হইতে পাঠ শেষ করিয়া শ্রীবৃন্দাবনে যাত্রা করিবার জন্ত উত্তোগী হইয়া উঠিলেন। শ্রীজীব শোকাকুলিত হৃদয়ে বিজ্ঞাদাতা আচার্য্যের ও ৮কাশীধামের অধিষ্ঠাত্রী দেবতাগণের শ্রীচরণে বিদায় লইয়া ১৪৫৫ শকের শেষভাগে ( সম্ভবতঃ প্রয়াগের পথে )—যে স্থান শ্রীচৈতন্যদেবের সহিত তাঁহার পিতৃদেবের ও পিতৃব্য শ্রীরূপের সাক্ষাৎ হইয়াছিল, এবং যে স্থানে দশ দিন অবস্থান করিয়া শ্রীচৈতন্যদেব তাঁহার পিতৃদেবসহ তাঁহার পিতৃব্য শ্রীরূপকে উপদেশ দান করিয়াছিলেন—সেই পুণ্যক্ষেত্র দর্শন করিয়া তিনি শ্রীবৃন্দাবনে শ্রীরূপ-সনাতনের অভয় আশ্রয়ে উপনীত হইলেন।

শ্রীসত্যেন্দ্রনাথ বসু ( এম-এ বি-এল )।







## সুবর্ণ-দেউটি যেন তুলসীর মূলে

১

অন্য ত্রিশ বৎসরের পূর্ববর্তী ঘটনা। কলিকাতা গোয়া-বাগানের ডাক্তার ডি, পি, মুখার্জির কন্যা লতিকা এবং ডাক্তারের প্রতিবেশী-বন্ধু রমেশচন্দ্র বন্দ্যোপাধ্যায়ের কন্যা উমা উভয়েরই প্রগাঢ় বন্ধুত্ব ছিল। অথচ এই উভয় পরিবারের আচার-ব্যবহারে বিন্দুমাত্র সামঞ্জস্য ছিল না। ডাক্তার মুখার্জি মোল আনা মেকি-সাহেব, আর রমেশ বাবু আঠারো আনা গোঁড়া-হিন্দু। ডাক্তার মুখার্জি ধর্ম্মে ব্রাহ্ম ছিলেন না, কিন্তু সর্বজাতির অগ্রগ্রহণে ব্রাহ্মের তায় তাঁহার উদারতা ছিল। জাতিভেদেও আস্থা ছিল না, এবং 'না জাগিলে যত ভারত মলনা'- ইহাই তাঁহার জী-স্বাধীনতার মূলমন্ত্র ছিল। সেকালে বাঙ্গালী হিন্দু পরিবারের পুর-মহিলারা পাছকা ব্যবহার না করিলেও ডাক্তার মুখার্জির পত্নী ও কন্যা সর্বদা পাছকা ব্যবহার করিতেন। রমেশ বাবুর বাড়ীতে আধুনিকতার কোন চিহ্নই ছিল না। রমেশ বাবু বার মাস গঙ্গাস্নান করিতেন, সন্ধ্যা-আহ্নিক না করিয়া লগ্রহণ করিতেন না, হিন্দুর নিষিদ্ধ খাওয়া দ্রব্য তাঁহার হে প্রবেশ করিত না। তিনি জী-স্বাধীনতার বিরোধী ইলেও জী-শিক্ষার পক্ষপাতী ছিলেন। ডাক্তার মুখার্জির হেমাঙ্গিনীর বিদ্যালয়িক বেথুন স্কুলের প্রথম শ্রেণী ধ্যস্ত; প্রবেশিকা পরীক্ষা দেওয়ার পূর্বেই বিবাহ হওয়াতে হাকে স্কুল ছাড়িতে হইয়াছিল। তখন তাহার বয়স পনের ৎসর। ডাক্তার মুখার্জি সেই বৎসরেই ডাক্তারি পাশ রিয়া বাহির হইয়াছিলেন; তখনও পশার-প্রতিপত্তি না ওয়ার সকল বিষয়ে তাঁহাকে পিতার উপর নির্ভর করিতে ইত। সুতরাং পত্নী হেমাঙ্গিনাকে উচ্চশিক্ষা দানের

ইচ্ছা থাকিলেও, তাঁহার পিতা এবং সংসারের কত্রী পিসিমার আপত্তিতে তাঁহার এই কামনা পূর্ণ হয় নাই। হেমাঙ্গিনীর সহিত ডাক্তারের বিবাহের তিন বৎসর পূর্বে রমেশ বাবুর বিবাহ হইয়াছিল। তাঁহার জী শারদার বয়স তখন বার বৎসর। রমেশ বাবুর পিতা কোম্পানির কাগজের ও শেয়ারের বাজারে দালালী করিতেন। পুত্র রমেশচন্দ্র বি-এ পাশ করিয়া পিতার ইচ্ছানুসারে দালালীতে যোগদান করিলেন। যখন রমেশ বাবুর বিবাহ হয়, তখন শারদার বিদ্যা "কথামালা" ও "ফাষ্ট-বুকের" ঘোড়ার ছবির পৃষ্ঠা পর্যন্ত অগ্রসর হইয়াছিল। রমেশ বাবু পত্নীকে "কথামালার" পরই কৃতিবাসের "রামায়ণ" পড়াইতে আরম্ভ করিলেন, এবং "রামায়ণ" শেষ হইলে কাশীরাম দাসের "মহাভারত" পড়াইলেন; সঙ্গে সঙ্গে ইংরেজী অধ্যাপনাও চলিতে লাগিল। বিবাহের পর দুই বৎসরের মধ্যেই শারদার "রামায়ণ" ও "মহাভারত" পাঠ শেষ হইয়াছিল।

রমেশ বাবুও বাল্য ও কৈশোরে পিতার নিকট "রামায়ণ" ও "মহাভারত" পাঠ সমাপ্ত করিয়াছিলেন। হিন্দু-জীবনের আদর্শস্বরূপ এই মহাকাব্যের প্রতি তাঁহার পিতার অসাধারণ শ্রদ্ধা ছিল।

ডাক্তার ডি, পি, মুখার্জির খণ্ডর ব্যারিষ্টার, এবং পিতা ছোট লাটের খাস-দপ্তরের পদস্থ কর্মচারী ছিলেন। এক জন ইংলণ্ডে শিক্ষিত, আর এক জন বাঙ্গালা সরকারের খেতাব রাজ-পুরুষগণের অহুগ্হীত। সেকালের বাঙ্গালী ব্যারিষ্টারদিগের প্রায় সকলেই ঘরে-বাহিরে সকল বিষয়েই ইংরেজের অহুকরণ করা জীবনের সর্বশ্রেষ্ঠ সাধনা

বলিয়াই মনে করিতেন। হেমাঙ্গিনীর পিতার ইচ্ছা ছিল, হেমাঙ্গিনী বিএ পাশ করিলে তাহার বিবাহ দিবেন। কিন্তু হেমাঙ্গিনীর তের বৎসর বয়সে তাহার পিতার মৃত্যু হইল। তাঁহার শ্রালক অর্থাৎ হেমাঙ্গিনীর মাতুল রামচন্দ্র চক্রবর্তীকে ভগিনীর সংসারের অভিভাবক হইতে হইল। রামচন্দ্র ধর্মভীরু ও বিচক্ষণ লোক ছিলেন; তিনি ভগিনী-পতির ফিরিঙ্গীয়ানার বিরোধী ছিলেন। তিনি ভগিনী-পতিকে বুঝাইবার চেষ্টা করিয়াছিলেন যে, বাঙ্গালার হিন্দু-সমাজ ও যুরোপীয় খৃষ্টানসমাজ এক নহে, এক হইতে পারে না। এক সমাজে জন্মগ্রহণ করিয়া অত্র সমাজের রীতি-নীতি, ও আচার-ব্যবহারের অমুকরণে আত্মমর্যাদা ক্ষুণ্ণ হয়, উহা অমাহুষের কার্য। কিন্তু হেমাঙ্গিনীর পিতা শুভাকাঙ্ক্ষী আত্মীয়দের সহপদেশে কর্ণপাত না করিয়া একটা যুরোপীয় বালিকা-বিদ্যালয়ে কন্যাকে ভর্তি করিয়া, তাহার মস্তক-ভরণের ব্যবস্থা করিয়াছিলেন। রামচন্দ্র ভগিনীর সংসারের কর্তৃত্ব-ভার গ্রহণ করিয়াই ভাগিনেয়ীকে ফিরিঙ্গী-দের স্কুল হইতে ছাড়াইয়া আনিয়া বেথুন স্কুলে ভর্তি করিলেন। ইহার এক বৎসর পরেই হেমাঙ্গিনীর মাতারও মৃত্যু হইল। তখন চক্রবর্তী মহাশয় পিতৃমাতৃহীনা অনাথা ভাগিনেয়ীকে শ্রামবাজারের স্বগৃহে স্থানান্তরিত করিলেন। চক্রবর্তী মহাশয় হেমাঙ্গিনীকে নিজের সংসারে লইয়া-গিয়া দারুণ সমস্যায় পড়িলেন। চক্রবর্তী মহাশয় খাঁটি হিন্দু ছিলেন, তাঁহার বাড়ীতে চেয়ার-টেবিলে ভোজনের ব্যবস্থা ছিল না, কাঁটা-চামচে ব্যবহারেরও প্রথা ছিল না; কোন জীলোক জুতা পায়ে দিতেন না, রাত্রিবাসের কাপড়ে বা অন্যত অবস্থায় তাঁহারা রন্ধনশালায়, ভাঁড়ারেও প্রবেশ করিতেন না। বার-তের বৎসর বয়স্কা কিশোরী কন্যারাও নিতান্ত আত্মীয় ব্যতীত কোন পুরুষের সহিত মিশামিশি করিত না; হেমাঙ্গিনীর ইহা অত্যন্ত বিসদৃশ ও অদ্ভুত মনে হইত। মাতুলালয়ে গিয়া প্রথম দিনই হেমাঙ্গিনী সকলকে কাঁটা-চামচের পরিবর্তে হাতে করিয়া ভাত-তরকারী পাইতে দেখিয়া মাতুলকে বলিয়াছিল, “বাবা বলতেন, খাবার জিনিস হাত দিয়ে খেলে নানা রকম রোগ হয়, কারণ, নখের কোণে ও আঙ্গুলে কত রোগের বীজাণু থাকে।” সে কথা শুনিয়া চক্রবর্তী হাসিয়া বলিয়াছিলেন, “তোমার বাবার ও-কথা ষথার্থ বটে। সেইজন্যই ত খাবার

আগে হাত ধুয়ে ফেলতে হয়, আর ঐ জন্মই আমাদের রান্নাঘরে অত বেশী জলের খরচ; যারা রাঁধেন, তাঁরা যখন-তখন হাত ধুয়ে খাবার নাড়েন। ইংরেজের বাবুর্চি খানসামাদের সদরে পরিচ্ছদের আড়ম্বর আছে বটে, কিন্তু তাদের বাবুর্চিখানার পরিচ্ছন্নতার কথা না বলাই ভাল। লোক-দেখানো বাহ্যিক পরিচ্ছন্নতার কোন লাভ নেই মা!”

মাতুল, মাতুলানী ও তাঁহাদের পরিবারস্থ গুরুজনদের উপদেশে, তিরস্কারে ও শাসনে হেমাঙ্গিনীর আচার-ব্যবহার ধীরে ধীরে পরিবর্তিত হইতেছিল, এমন সময় মাতুল রামচন্দ্র অনেক অনুসন্ধানের পর মেডিকেল কলেজের শেষ পরীক্ষায় সন্তোষজনক দেবীপ্রসন্ন মুখোপাধ্যায়ের সহিত তাহার বিবাহের সম্বন্ধ স্থির করিলেন। হেমাঙ্গিনী শিক্ষিতা, সুন্দরী, পিতৃ-পরিত্যক্ত সম্পত্তির একমাত্র অধিকারিণী, সুতরাং দেবীপ্রসন্নের পিতা প্রসন্নচিহ্নেই হেমাঙ্গিনীর সহিত পুত্রের বিবাহে সন্মতি প্রদান করিলেন। বিবাহ নির্বিঘ্নে শেষ হইল।

২

দেবীপ্রসন্নের পিতাও সাহেবী-ভাবাপন্ন ছিলেন, একথা পূর্বেই বলিয়াছি। দেবীপ্রসন্নের অতি অল্প বয়সে তাঁহার মাতৃবিয়োগ হয়। তাঁহার পিতা আর বিবাহ করেন নাই, বিধবা জ্যেষ্ঠা ভগিনীকে বাড়ীতে আনিয়া তাঁহাকেই সংসারের কর্তা করিয়া রাখিয়াছিলেন। হেমাঙ্গিনী বিবাহের পর পতিগৃহে গিয়া দেখিল, মাতুলালয়ে যে রূপ হিন্দুয়ানি লইয়া গোঁড়ামি ও বাড়াবাড়ি, খণ্ডরবাড়ীতে সেরূপ কিছুই নাই। খণ্ডর পিতার মত পুরা-দস্তুর সাহেব না হইলেও সাহেবি-ভাবাপন্ন। বাড়ীতে একজন পাচক ব্রাহ্মণ আছে, সে কর্তার এবং দেবীপ্রসন্নের জন্ম হইবে বেলার রন্ধন করে। পিসিমা বিধবা, তাঁহার পাকের জন্ম পৃথক্ রান্নাঘর। দেবী-প্রসন্ন ও তাঁহার পিতা রাত্রিতে সাহেবিখানায় অভ্যস্ত। হেমাঙ্গিনীর কাঁটা-চামচে ব্যবহারের অভ্যাস আছে, এবং কোন প্রকার মাংসই সে নিষিদ্ধ মনে করে না জানিয়া এক দিন খণ্ডর বলিলেন, “বেশ ত, বৌমার ডিনারের ব্যবস্থা আমাদের সঙ্গেই হবে।”—শুনিয়া বৌমা যেন হাতে স্বর্গ পাইল! সেই দিন হইতে হেমাঙ্গিনী প্রত্যহ রাত্রিতে খণ্ডর ও স্বামীর সহিত এক টেবিলে বসিয়া কাঁটা-চামচে চালাইতে লাগিল।

ছই বৎসর পরে হেমাঙ্গিনীর প্রথম কণ্ঠা লতিকার জন্ম  
ল। কণ্ঠার লালন-পালনের জন্ত মাদ্রাজী আয়া নিযুক্ত  
ল। কত আদরের খুকী, তাহার পালনের ভার পিসিমার  
পর না দিয়া একটা “খিষ্টান মাগীর” উপর দেওয়াতে  
সিমার হৃৎখের অপেক্ষা অভিমানই অধিক হইল। তাঁহার  
আশা ছিল, দেবুর বিবাহ দিয়া একট মনের মত বউ  
নিয়া শেষ-জীবনটা আনন্দে ও শান্তিতে কাটাইয়া দিবেন,  
কিন্তু বিধাতা তাঁহাকে নিরাশ করিলেন। এ কষ্টও তাঁহার  
হইয়াছিল; তখনও এ ক্ষীণ আশাটুকু ছিল যে, বোমার  
টি খোকা কি খুকী হইলে তিনি তাহাকে তেল মাখাইয়া  
জল চোখে দিয়া, টিপ পরাইয়া বুকে করিয়া মানুষ করি-  
ব। কিন্তু ঐ “কেলে খিষ্টান মাগীটা” আসিয়া তাঁহার  
শার সেই শেষ ক্ষীণ রশ্মিটুকুও নিবাইয়া দিল। তাঁহার  
ক ভ্রাতার ঘরে বাস করা আর সম্ভবপর হইল না। তিনি  
জীবনটা কোন তীর্থক্ষেত্রে কাটাইবার সঙ্কল্প করিয়া এক  
ভ্রাতার নিকট সে কথা প্রকাশ করিলেন। বৃদ্ধা আশা  
য়াছিলেন, হয় ত ভ্রাতা তাঁহাকে সংসার হইতে বিদায়  
ত আপত্তি করিয়া তাঁহার অভিমানের কারণ জানিতে  
ইবেন; কিন্তু তাঁহার সে আশাও পূর্ণ হইল না।  
তার ভ্রাতা তাঁহার এই প্রস্তাব সঙ্গত বলিয়াই মনে  
য়া বলিলেন, “শেষ বয়সে কাশীবাস করতে চাও, সে ত  
কথাই। আমাদের আফিসের সুপারিন্টেণ্ডেন্ট নরেন  
গত পেন্সন নিয়ে কাশীবাস করছেন; তাঁকে চিঠি দিয়ে  
মার থাকবার ব্যবস্থা করিয়ে দেব। তোমার খরচের  
আমি প্রতিমাসে কুড়ি টাকা ক’রে পাঠিয়ে দেব,  
উপরেও যখন যা দরকার হবে, আমাকে জানিয়ে,  
চর জন্তে যেন কষ্ট না হয়।”

দিদি বলিলেন, “কুড়ি টাকা নিয়ে কি করব? এক  
। চাটি আলোচাল ফুটিয়ে খাই; মাসে মাসে গোটা-  
ক ক’রে টাকা দিলেই চের হবে, কুড়ি টাকা কি  
?”

দিদির কথায় যে অভিমানের সুর ছিল, ভ্রাতা তাহা  
ত পারিলেন না; তিনি বলিলেন, “কুড়ি টাকার কমে  
কি ক’রে? তোমাকে দেখা-শোনা করবার জন্যেও  
ক জন লোকের দরকার। বাসন মাজা, কাপড় কাচা,  
ধানে বাজারে যাওয়া—এ সব কে করবে? তার পর

ঠাকুর-দেবতার পূজা, দান-খ্যান, বার-ব্রত এ সব ত আছে।  
আমি কুড়ি টাকা ক’রেই পাঠাব। আমি নরেন বাবুর নামে  
মনি-অর্ডারে টাকা পাঠাব, তিনি ফি মাসের গোড়াতেই  
তোমাকে টাকা দেবেন।”

ইহার দশ-বার দিন পরে নরেন বাবুর পত্র আসিল,  
তিনি লিখিয়াছেন, মাসিক তিন টাকা ভাড়াতে একটা  
বাসা ঠিক করিয়াছেন, তাঁহার বাসার কাছেই; বিশেষর  
মন্দির দশ মিনিটের পথ। সেই বাড়ীতে আরও চারি-  
পাঁচ জন বাঙ্গালী প্রোঢ়া ও বিধবা বাস করেন, তাঁহারা  
সকলেই ভদ্রবংশীয়া।

এই পত্র পাইবার প্রায় পনের দিন পরে, একদিন সন্ধ্যার  
সময় দেবীপ্রসন্ন ও হেমাঙ্গিনীর নিকট বিদায় লইয়া খুকীকে  
কোলে করিয়া তাহার মুখচুষন করিয়া দেবীপ্রসন্নের মাতৃ-  
স্থানীয়া পিসিমা, কাশীবাসের আশায় চিরদিনের জন্য  
বঙ্গদেশ ত্যাগ করিলেন। দেবীপ্রসন্নের কম্পাউণ্ডার  
হাওড়া স্টেশনে গিয়া তাঁহাকে ট্রেনে তুলিয়া দিয়া আসিল।

পিসিমা কাশী যাত্রা করিলে হেমাঙ্গিনী সংসারের কর্তা  
হইয়া অল্পদিনের মধ্যেই সংসারের সংস্কারে প্রবৃত্ত হইল।  
পূর্বে পিসিমার জন্য বাড়ীতে যেটুকু হিন্দুয়ানীর গন্ধ ছিল,  
অতি অল্প দিনের মধ্যেই তাহা বিলুপ্ত হইল।

মাতুল চক্রবর্তী মহাশয় মধ্যে মধ্যে ভাগিনেরীকে  
দেখিতে আসিতেন। পিসিমার স্বচ্ছালক নির্বাসনের পর,  
হেমাঙ্গিনীর সংসার কিরূপ চলিতেছে দেখিতে আসিয়া  
চক্রবর্তী মহাশয় সবিস্ময়ে দেখিলেন, সংসারের আমূল  
পরিবর্তন হইয়াছে; এখন আর সে সংসারকে হিন্দুর সংসার  
—ব্রাহ্মণের সংসার বলিয়া চিনিবার উপায় নাই! ব্রাহ্মণের  
এক পার্শ্বে যেখানে পূর্বে তুলসী-মঞ্চ ছিল, এখন সেইখানে  
লোহার জালবেষ্টিত একটা অনতিবৃহৎ কাঠের ঘর নির্মাণ  
করিয়া তাহাতে কয়েকটা মোরগ-মুরগী রাখা হইয়াছে। কারণ,  
গৃহজাত সযত্নপালিত কুকুটের মাংস অধিকতর রুচিকর,  
তাহাতে ব্যয়ও অপেক্ষাকৃত অল্প। পুরাতন পাচক-  
ব্রাহ্মণকে বিদায় করিয়া আর এক জন নূতন পাচক  
নিযুক্ত করা হইয়াছে। তাহার লম্বা দাড়ি ও পরিধানে  
চাটগেয়ে লুঙ্গী দেখিয়া সে কি জাতি, তাহা জিজ্ঞাসা করা

তিনি অনাবশ্যক মনে করিলেন। তিনি বুঝিতে পারিলেন, শৈশবে ও বাল্যে হেমাঙ্গিনী যে আবহাওয়ার মধ্যে লালিত-পালিত ও বর্ধিত হইয়াছিল, এখন সে সে-ই আবহাওয়ারই সৃষ্টি করিয়া সংসারে গৃহিণীপণা করিতেছে। হেমাঙ্গিনী বলিল, তাহার স্বপ্ন ও স্বামীর এই সকল ব্যবস্থায় সন্তুতি আছে; তাহা শুনিয়া বৃদ্ধ চক্রবর্তী বলিলেন, “তারা যা ভালবাসেন, তাই করাই তোমার কর্তব্য, তারা সুখী হ’লেই হ’ল।” কিন্তু তিনি মনে মনে বলিলেন, “জড়সে বিগড় গিয়া!”

সে-কালে মেডিকেল কলেজের পাশকরা ডাক্তাররা যদি প্রথমেই কিছু অর্থব্যয় করিতে পারিতেন, তাহা হইলে তাঁহাদিগকে পশার জমাইতে বিশেষ কষ্ট পাইতে হইত না। দেবীপ্রসন্নের অর্থাভাব ছিল না, তিনি ডাক্তার হইয়া প্রথমেই একখানা ক্রহাম গাড়ী কিনিলেন। তাঁহাদের সদরে যে ছইখানা ঘর ছিল, তাহার একখানা তাঁহার রোগী দেখিবার কক্ষ, এবং অপরখানা ডিসপেন্সারী হইল। তাঁহাদের খোঁটা ভৃত্যটি আজামুলস্বিত চাপকান ও মাথার পাগড়ীতে সজ্জিত হইয়া দ্বারবানের অভাব পূরণ করিল। পাড়ার ছই-চারি জন বয়োবৃদ্ধ স্বয়ংসিদ্ধ মোড়ল সুষোগ বুঝিয়া প্রত্যহ চা-পান করিবার জন্য ডাক্তারের বাড়ীতে প্রভাতে ও সন্ধ্যায় সমবেত হইতে লাগিলেন। তাঁহারা পল্লী-মধ্যে “দেবী ডাক্তারের” অপূর্ণ হাতবশের স্বকপোল-কল্পিত কাহিনী প্রচার করিতেন, এবং তাহার বিনিময়ে ডাক্তার তাঁহাদের বাড়ীতে বিনা-দর্শনীতে রোগের চিকিৎসা করিতেন, ঔষধেরও মূল্য লইতেন না; তাহার উপর ঐ সকল হিতৈষী প্রতিবেশীদের ছই-এক সপ্তাহ অন্তর নৈশ ভোজে নিমন্ত্রণ করিতেন। এই প্রকার বিজ্ঞাপনের কৌশলে ছই-তিন বৎসরের মধ্যে দেবীপ্রসন্নের পশার ছ ছ করিয়া বাড়িয়া উঠিল।

সদরের ঘর ছইখানা ডাক্তারের কার্যে ব্যবহৃত হওয়ার কর্তাকে অন্তরে আশ্রয় লইতে হইল। তাঁহার বন্ধু-বান্ধবরা অন্তরেই কর্তার কাছে বসিতেন। পিসিমা কাশীবাসিনী হইলে হেমাঙ্গিনীর ব্যবস্থায় সদর ও অন্তরের ব্যবধান বিলুপ্ত হইল। রোগী ব্যতীত অন্য যে কোন পুরুষ আসিলে দ্বারবান তাহাকে অন্তরে পাঠাইয়া দিত। অন্নদিনের মধ্যেই দ্বিতলের একটা বড় কক্ষ হেমাঙ্গিনীর সুসজ্জিত

ড্রইং-রুমে পরিণত হইল। দেবীপ্রসন্নের বন্ধু-বান্ধবরা উপরের বৈঠকখানাতে, ও নীচের বৈঠকখানায় তাঁহার পিতার সুহৃদগণ মজলিস করিতেন। নীচে প্রৌঢ়দের মধ্যে যখন তাম-পাসা বা দাবা চলিত, উপরে তখন হার্মোনিয়মের সঙ্গে, হেমাঙ্গিনীর অথবা কোন সুকঠ যুবকের স্বরলহরী অট্টালিকার প্রতি-কক্ষে প্রতিধ্বনিত হইত। সে সকল সঙ্গীত ঠিক শ্রামাবিষয়ক বা ভক্ত বৈষ্ণবের পদাবলী নহে; সেই সঙ্গীত শ্রবণ করিয়া নীচেকার বৈঠকখানায় প্রৌঢ়, এমন কি, বৃদ্ধরা পর্যন্ত অনেক সময় খেলার চাল ভুলিয়া যাইতেন, এবং গড়গড়ার মুখ-নলটা মুখবিবরের পরিবর্তে নাসারন্ধ্রে গুঁজিয়া দিয়া হাঁচিয়া মরিতেন!

হেমাঙ্গিনীর কন্যা লতিকা এই আবহাওয়ার মধ্যে জন্ম-গ্রহণ করিয়া আয়ার কোলে মানুষ হইতে লাগিল—এ তথা পাঠকগণের স্বরণ থাকাই সম্ভব।

৪

রমেশ বাবুর কন্যা উমা ডাক্তারের কন্যা লতিকা অপেক্ষা তিন মাসের বড় ছিল। লতিকা ধুটান আয়ার ক্রোড়ে মানুষ হইয়াছিল; উমা তাহার পিতামহ-পিতামহীর ক্রোড়ে মানুষ হইতে লাগিল। পিতা-মাতার প্রকৃতি ও প্রবৃত্তি যেরূপই হউক না কেন, শিশু-প্রবৃত্তি সর্বত্র সমান। শিশু-হৃদয়ে ঘৃণা-লজ্জা-দ্বেষ-হিংসা থাকে না; নির্মল হৃদয় বলিয়াই তাহারা অতি সহজে পরস্পরকে আপনায় করিয়া লইতে পারে। এই জন্য উমা ও লতিকা ভিন্নভাবে প্রতি-পালিত হইলেও পরস্পরের প্রতি আকৃষ্ট হইয়াছিল।

লতিকা ও উমা উভয়েই সাত বৎসর বয়সে বিদ্যালয়ে প্রেরিত হইল; লতিকাকে ভর্তি করা হইল লয়েটো গার্লস স্কুলে, উমাকে ভর্তি করা হইল মহাকালী পাঠশালায়। কলে তাহাদের শিক্ষাপ্রবাহ সম্পূর্ণ বিভিন্ন পথে প্রবাহিত হইল।

লতিকার বয়স যখন আট বৎসর, তখন তাহার পিতা-মহের মৃত্যু হইল। বৃদ্ধ তিন বৎসর পূর্বে পেঙ্গন লইয়া ছিলেন; সে সময় দেবীপ্রসন্নের বেশ পসার-প্রতিপত্তি হইয়াছিল, সুতরাং পিতা পেঙ্গন লওয়াতে দেবীপ্রসন্নের আর্থিক কষ্ট হয় নাই। এক্ষণে পিতার মৃত্যুতেও তাঁহার

সংসারযাত্রা নির্বাহে কোন অসুবিধা হইল না। ভালতলা, জানবাজার, শাঁখারিটোলা প্রভৃতি অঞ্চলেই তাঁহার 'ডাক' অধিক হইত, সেইজন্য তিনি ধর্মতলা ষ্ট্রীটে একটি 'চেয়ার' খুলিয়াছিলেন। গোয়াবাগানে, বাড়ীতে প্রাতে সাতটা হইতে নয়টা ও অপরাহ্নে বেলা চারিটা হইতে ছয়টা পর্যন্ত বসিতেন, এবং ধর্মতলার প্রাতে সাড়ে নয়টা হইতে বারটা, ও সন্ধ্যার পর সাতটা হইতে রাত্রি নয়টা পর্যন্ত বসিতেন; ইহার উপর রোগীর বাড়ীতেও যাইতে হইত। সন্ধ্যার পর কোন দিনই তিনি বাড়ীতে থাকিতেন না, কিন্তু সেজন্য হেমাঙ্গিনীর একাকিনী থাকিবার অসুবিধা হইত না। সন্ধ্যার পর প্রত্যাহই তাহার ড্রিং-রুমে চায়ের মজলিস বসিত; সেই মজলিসে প্রায়ই সাত-আট জন বন্ধু—কখনও বা দুই-এক জন বান্ধবীও উপস্থিত থাকিত। লরেটো হুলে বালিকাদিগকে সঙ্গীত শিক্ষা দেওয়া হয়,—অবশ্য ইংরেজী সঙ্গীত। লতিকার কণ্ঠস্বর খুব মধুর ছিল। তাহার মুখে ইংরেজী গান শুনিয়া হেমাঙ্গিনীর বন্ধুরা তাহাকে গান্ধালা গান শিখাইবার জন্য হেমাঙ্গিনীকে অনুরোধ করিত। কিন্তু হেমাঙ্গিনীর তখন আরও দুইটি পুত্র হইয়া সংসার বাড়িয়াছিল; তাহার সঙ্গীত শিখাইবার অবকাশ ছিল না। অবশেষে অনেক বাদামুবাদ ও তর্ক-বিতর্কের পর এক জন সঙ্গীতজ্ঞ যুবককে লতিকার সঙ্গীত-শিক্ষকের পদে নিযুক্ত করা হইল। কয়েক সপ্তাহের মধ্যে হেমাঙ্গিনী রেজেণ্ডে সেই শিক্ষকের ছাত্রী হইল। মাতা-পুত্রী উভয়েরই সঙ্গীত সাধনা মহা উৎসাহে চলিতে লাগিল।

লতিকা মধ্যে মধ্যে উমাদের বাড়ীতে যাইত, কিন্তু উদানীং উমা লতিকাদের বাড়ীতে প্রায়ই আসিত না। লতিকা তাহাকে নিজ বাড়ীতে লইয়া যাইবার জন্য গাড়াপীড়ি করিলে উমা বলিত—“না ভাই, তোমাদের বাড়ীতে যেতে আমার ভয় করে। কত সব অচেনা পুরুষ মানুষ থাকে! অত লোকের মধ্যে যাওয়া যায় বুঝি? আমার গরী লজ্জা করে।” উমার কথা শুনিয়া লতিকা হাসিয়া থাকুল হইত, বলিত, “তোমার ত খুব সাহস!”

একদিন ঠিক সন্ধ্যার সময় উমা কি একটা প্রয়োজনে লতিকার কাছে গিয়াছিল। ড্রিং-রুমে সঙ্গীতের শব্দ শুনিয়া উমা মনে করিল, লতিকা হয় ত সেইখানেই আছে, তাই সে একেবারে ড্রিং-রুমের মধ্যে প্রবেশ

করিল। সে দেখিল—টেবিল-হাশ্মোনিয়মের সম্মুখে, ঘায়ের দিকে পশ্চাৎ ফিরিয়া চেয়ারে বসিয়া হেমাঙ্গিনী গান করিতেছে, আর গানের মাষ্টারটি তাহার পশ্চাতে তাহার কাঁধের উপর ঝুঁকিয়া-পড়িয়া গানের ও বাজনার দোষ-ত্রুটি সংশোধন করিয়া দিতেছে। হেমাঙ্গিনীর কপালের কাছে মাষ্টারের মুখ ঝুঁকিয়া পড়িয়াছে! লতিকা সেখানে নাই। হেমাঙ্গিনী তখন গায়িতেছিল—

“বসন্তে না আসি, হে মোর প্রাণেশ

নিদাঘে আসিলে কেন?...”

লতিকাকে দেখিতে না পাইয়া উমা ক্ষুণ্ণমনে ফিরিয়া গেল।

বার বৎসর বয়সেই উমার বিবাহ হইল। উমা দ্বাদশ বৎসরে পদার্পণ করিবার পর হইতেই রমেশ বাবু কস্তুর জন্ম পাত্র অন্বেষণ করিতে থাকেন। অবশেষে নদীয়া জেলার হরিহরপুরের প্রাচীন জমিদার হযীকেশ চট্টোপাধ্যায়ের পুত্র ব্যোমকেশকে রমেশ বাবুর পছন্দ হইল। ছেলেটি সেই বৎসর এফ-এ পরীক্ষা দিয়াছিল, বয়স আঠার বৎসর, সুশ্রী, বিনয়ী ও বুদ্ধিমান। তবে হযীকেশ বাবু প্রাচীন জমিদারের বংশধর হইলেও মামলা-মোকদ্দমায় এক প্রকার সর্বস্বান্ত হইয়া মাসিক দেড়শত টাকা বেতনের একটা চাকরি লইয়া হাওড়া-শিবপুরে সপরিবারে বাস করিতেন। জমিদারী লইয়া জ্ঞাতীদের সহিত যে মামলা চলিতেছিল, হাইকোর্টে তাহাতে তাঁহার পরাজয় হইলে তাহার শেষনিষ্পত্তির জন্ম তিনি সর্বস্ব বিক্রয় করিয়া বিলাতে আপিল করিয়াছিলেন; বিলাত-আপিলের রায় তাঁহার অনুকূল হইলে তিনি বার্ষিক প্রায় অর্ধলক্ষ টাকা আয়ের সম্পত্তির মালিক হইবেন, আর পরাজয়ে অক্ষয়-খণীর ভাগ্য যেরূপ হয়, তাহাই হইবে। তাঁহার আশা ছিল যে, ব্যোমকেশ যদি আইন-পরীক্ষায় পাশ হয়, তাহা হইলে ভবিষ্যতে সে উকীল হইয়া সংসার চালাইতে পারিবে।

উমার রূপলাবণ্য দর্শনে হযীকেশ বাবু আনন্দিত হইলেন, তিনি সম্মতিদান করায় উমার সহিত ব্যোমকেশের বিবাহ হইয়া গেল।

উমার বিবাহের সময় হেমাঙ্গিনী লতিকাতার ছিল

না, বায়ুপরিবর্তনের জন্তু বৈশাখ মাসের প্রথম সপ্তাহে ডাক্তার মুখার্জি সপরিবারে দার্জিলিঙে গিয়াছিলেন।

৫

হরিহরপুরের জমিদারবাবুর বাটীতে আজ মহাসমারোহ। জমিদারবাবুর জ্যেষ্ঠ পুত্রের সংপ্রতি উপনয়ন হইয়াছে, তছ-পলকে আজ রাত্রিতে থিয়েটার হইবে। কলিকাতা হইতে নবপ্রতিষ্ঠিত “শান্তি” থিয়েটার-কোম্পানী অভিনয় করিতে আসিয়াছে; বঙ্কিমবাবুর “বিষয়ক” নাটকাকারে অভিনীত হইবে। জমিদারবাবুদের বহির্কাটার প্রাক্গণে ঠাকুরদালানের বিপরীত দিকে ষ্টেজ বাধা হইয়াছে। ষ্টেজের সম্মুখে ঠাকুরদালান পর্য্যন্ত সারি সারি চেয়ার ও বেঞ্চ পাতা, ঠাকুরদালানের পাঁচটা ফুকর ও দ্বিতলে দুই পার্শ্বের বারান্দার জানালায় চিক দিয়া মহিলাদের বসিবার স্থান করা হইয়াছে। পল্লীগ্রামে ইলেকট্রিক লাইট নাই, কলিকাতা হইতে “ডায়নামো” আনা হইয়া সমস্ত অট্টালিকা বিদ্যুতালোকে উদ্ভাসিত করা হইয়াছে। রঙ্গমঞ্চের ষবনিকা প্রলম্বিত রহিয়াছে, ষবনিকার অন্তরালে কি হইতেছে, জানিবার জন্তু উৎসুক বালক ও যুবকগণ অধীর হইয়া উঠিয়াছে। উপরে ও নীচে সমবেত নরনারীর অক্ষুট কলধ্বনিতে সহসা বাধা পড়িল; রাত্রি ঠিক সাড়ে আটটার সময় ষবনিকার অন্তরালে ঘণ্টা-ধ্বনি হইবামাত্র ঐক্যতান বাগ আরম্ভ হইল; সঙ্গে সঙ্গে সকলের কলরব স্তব্ধ হইল।

প্রায় দশ মিনিটকাল ঐক্যতান বাদনের পর যেমন ঘণ্টা-ধ্বনি হইল, অমনি বাগধ্বনি নীরব হইল, প্রাক্গণে আলোকমালা নির্কাপিত হইল; সঙ্গে সঙ্গে ষবনিকা উত্তোলিত হইল। দর্শকগণ সবিস্ময়ে দেখিল, রঙ্গমঞ্চে তরঙ্গ-সঙ্কুল নদীবক্ষে বজ্রায় উপর দাঁড়াইয়া নগেন্দ্রনাথ মাঝি-দিগের সহিত আলাপ করিতেছেন। পল্লীগ্রামের যে সকল লোক পূর্বে কখনও থিয়েটার দেখে নাই, তাহারা ভাবিয়া ছিন্ন করিতে পারিল না যে, বাবুদের উঠানে, কাঠের তক্তার শুকনো মাচার উপরে নদী কোথা হইতে আসিল, আর নদীজলে তরঙ্গই বা কিরূপে বহিয়া যাইতেছে, এবং কিরূপেই বা সেই তরঙ্গের আঘাতে বজ্রা হুলিতেছে! পল্লীর সরল, অনভিজ্ঞ নরনারীর দল যেন মস্তমুগ্ধ!

হরিদাসী বৈষ্ণবীরূপে দেবেন্দ্রনাথের এবং হীরার গান

শুনিয়া শ্রোতারী মুগ্ধ হইল; সেরূপ স্মিষ্ট কণ্ঠে উচ্চ গ্রামে সঙ্গীত তাহারা কখনও শোনে নাই। বাহা হউক, এইরূপে নয়নমুগ্ধকর দৃশ্যপটে ও সুধামাধা সঙ্গীতে এক অলৌকিক মায়াপুরী সৃষ্টি করিয়া রাত্রি সাড়ে বারটার পর অভিনয় শেষ হইল।

অদূরবর্তী বাগান বাড়ীতে থিয়েটারের অভিনেতা, অভিনেত্রী ও দলের অগ্গাণ্ড লোকের বাসা। অভিনয়ের পরদিন প্রভাতে জমিদার-পত্নীর বৃদ্ধা পরিচারিকা ফকিরের মা ধীরে ধীরে সেই বাগান-বাড়ীতে প্রবেশ করিয়া এক জন লোককে জিজ্ঞাসা করিল, “ই্যা গা বাবু, তোমরাই কি কাল রাত্তিরে—কি বলে—‘সিয়েটা’ ক’রেছিলে।”

লোকটি বলিল, “ই্যা, কেন?”

“যে মেয়েমানুষটা আজার আণী (রাজার রাণী) সেজে-ছ্যালা, আমাদের গিন্নীমা তেনারে ডাকতে বললে।”

লোকটি বলিল, “ওঃ, গিন্নীমা তাকে ডেকেছেন? তা আমার সঙ্গে এস বাছা!” অভিনেত্রীরা সিগারেটের ধুমে আচ্ছন্ন হইয়া যেখানে চা পান করিতেছিল, ফকিরের মাকে সেইখানে লইয়া গিয়া সে বলিল, “কাল রাণী সেজেছিলে কে? তাকে গিন্নীমা ডেকে পাঠিয়েছেন।” তাহার কথা শুনিয়া প্রধানা অভিনেত্রী চামেলী বলিল, “কাল রাণী সাজবার ত কোন পালা ছিল না।”

ফকিরের মা বলিল, “হিঁ, গিন্নীমা যে বললে গো, কি তার নামটা ধানী-নকা না কি, আমার কি অতো কথা মনে থাকে?”

তাহার কথা শুনিয়া সকলে হাসিয়া উঠিল। চামেলী বলিল “ধানী-নকা না সূর্যামুখী লকা?”

“ই্যা মা ই্যা, তাই বটে; আমার কি ও-সব নাম মনে থাকে?”

চামেলী বলিল, “আমিই তোমার সেই ধানী-লকা! তুমি একটু ব’স বাছা, আমি মুখ-হাত ধুয়ে কাপড় ছেড়ে তোমার সঙ্গে যাচ্ছি।” সে কক্ষান্তরে গমন করিল।

প্রায় আধ ঘণ্টা পরে চামেলী বাইজীর মত সাজিয়া-শুজিয়া চক্ষুতে সূর্য্য ও ঠোটে লিপ্টিক দিয়া ফকিরের মার সঙ্গে বাবুদের অন্তর-মহলে প্রবেশ করিল।

ফকিরের মা তাহাকে দ্বিতলে একটা কক্ষের দ্বার দেখাইয়া বলিল, “গিন্নীমা ঐ ঘরে আছে, আজ্ঞে, আপুনি যাও।”

চামেলী মনে করিয়াছিল, “গিন্নীমা” বৃদ্ধা না হইলেও অন্ততঃ প্রৌঢ়া হইবেন। কিন্তু সে কক্ষমধ্যে প্রবেশ করিয়া সবিস্ময়ে দেখিল, কক্ষমধ্যে একখানা কোঁচে জমিদারবাবু এবং সেই কোঁচেরই এক-পার্শ্বে জমিদার-গৃহিণী বসিয়া আছেন। জমিদারবাবুর বয়স বোধ হয় পঁয়ত্রিশ ছত্রিশ। তিনি উজ্জল গৌরবর্ণ, সুপুরুষ, উন্নত নাসিকা, বুদ্ধিমত্তাব্যঞ্জক তীক্ষ্ণ আয়ত নেত্র, একটা সুন্দর আঙ্গুর পাঞ্জাবীর ভিতর দিয়া শুভ্র উপবীতগুচ্ছ বক্ষে প্রলম্বিত দেখা যাইতেছিল। জমিদার-পত্নীর বর্ণ স্বামীর বর্ণ অপেক্ষাও উজ্জল, তাঁহার শরীর ঈষৎ স্থূল, সীমস্তুর সিন্দূরবিন্দু নবাকর্ণের মত শোভা পাইতেছে। প্রকোষ্ঠে তিনগাছা করিয়া সোণার চুড়ি, গলায় একগাছি সুন্দর হার, এবং কর্ণে দুইটি হীরার ছল ব্যতীত তাঁহার অঙ্গে আর কোন অলঙ্কার ছিল না। পরিধানে একটি চওড়া লাল-পাড় সাদা গরদের শাড়ী।

চামেলী এই যুগল মূর্ত্তি দেখিয়া সহসা স্তব্ধ হইয়া মুহূর্ত্ত মাত্র দ্বারের নিকট স্থির হইয়া দাঁড়াইল; তার পর ধীরে ধীরে অগ্রসর হইয়া উভয়ের পদপ্রান্তে ভূমিষ্ঠ হইয়া প্রণাম করিল। জমিদারবাবু তাহাকে একখানা চেয়ার দেখাইয়া বসিবার ইঙ্গিত করিলেন; কিন্তু চামেলী চেয়ারে না বসিয়া জমিদার-পত্নীর পায়ের কাছে, গালিচার উপর উপবেশন করিল। জমিদারবাবু আর কিছু না বলিয়া কোমল মধুর স্বরে বলিলেন—“তোমার নাম চামেলী?”

চামেলী অবনত মস্তকে ও-কথা স্বীকার করিলে জমিদারবাবু বলিলেন, “কাল তোমার অভিনয় দেখে আমরা সন্তুষ্ট হইয়াছি। তোমার অভিনয় নৈপুণ্যের জগু নি তোমাকে এই সামান্য উপহার দিতে ইচ্ছা করেছেন।” তিনি মধুমলে-বাঁধা একটি ক্ষুদ্র বাস্তু তাহাকে দিতে উত্তত ইলে চামেলী নতজাহু হইয়া যুক্তকরে সেই বাস্তুটি লইয়া যজ্ঞের মাথায় ধরিয়া সবিনয়ে কহিল, “আপনার এই অল্পগ্রহের দান আমার শিরোধার্য্য।”—সে পুনর্বার প্রণাম করিল। জমিদার বলিলেন, “দান আমার নয়, উহার। আর অল্পগ্রহ কি নিগ্রহ, তাহার বিচার আমি করবো না।”—তিনি তৎক্ষণাৎ উঠিয়া কক্ষান্তরে প্রবেশ করিলেন।

জমিদার-গৃহিণী এতক্ষণ কোন কথা কহেন নাই, স্বামী দৃষ্টির অন্তরালে প্রস্থান করিলে তিনি চামেলীর হাত ধরিয়া বলিলেন. “এইখানে আমার পাশে ব’স।”—চামেলী কুণ্ঠিত ভাবে বলিল, “আ-আমি কি আপনার সঙ্গে এক আসনে—”

জমিদার-পত্নী চামেলীকে নিকটে আকর্ষণ করিয়া বলিলেন, “নাম বদলে চামেলীই হও, আর গোলাপ মল্লিকেই হও, আমাকে ফাঁকি দিতে পার এমন ক্ষমতা তোমার নেই লতি!”

চামেলী সবিস্ময়ে কম্পিত কণ্ঠে বলিল, “আপনি! আপনি!”

“আমি উমা। মুখে রং মেখে উমার চকুকে ফাঁকি দিবার সাধ্য লতিকার নেই।”

উমার কথা শুনিয়া লতিকা পর-ধর করিয়া ছই তিন বার কাঁপিয়া অচেতন হইয়া উমার বুকের উপর চলিয়া পড়িল। লতিকাকে অজ্ঞান দেখিয়া উমা বিচলিত হইল না, সাহায্যের জগু কাহাকেও ডাকিলও না, স্থিরভাবে লতিকার মুখের পানে চাহিয়া বসিয়া রহিল। প্রায় দশ মিনিট পরে লতিকার নয়ন হইতে অবিশ্রান্ত অশ্রুবর্ষণ আরম্ভ হইল। আরও দশ মিনিট পরে লতিকা পূর্ণ জ্ঞান পাইয়া ধীরে ধীরে উঠিয়া বসিল, এবং জিজ্ঞাসা করিল, “উমা, তোমার না শিবপুরে বিয়ে হ’য়েছিল? তুমি এখানে কি ক’রে এলে?”

“শিবপুরের বাসাবাড়ীতে তখন আমরা থাকতাম। জমিদারী নিধে জ্ঞাতিদের সঙ্গে তখন মামলা চলছিল, বিলেত-আপিলে সেই মামলায় জিত হওয়ায় আমরা আবার আমাদের জমিদারীর মালিক হ’য়েছি। কিন্তু তোমার এ দশা কেন?”

এই প্রশ্নের উত্তরে লতিকা যাহা বলিল, তাহার সার মর্ম্ম এই - ডাক্তার মুখার্জির মাসিক সাত-আট শত টাকা আয় ছিল বটে, কিন্তু ঘোড়-দোড়ের জুয়ার নেশায় ভিতরে ভিতরে সর্ব্বস্বান্ত হইয়াছিলেন, শেষে এক মাড়োয়ারীর কাছে তাঁহার বাড়ী বাঁধা পড়িয়াছিল। লতিকার বয়স যখন পনের বৎসর, তখন ঋণের জালায় ক্রিপ্তবৎ হইয়া ডাক্তার আত্মহত্যা করেন। এই চর্যটনায় লতিকার ও তাহার ভ্রাতা শিব-প্রসন্নের লেখা-পড়া বন্ধ হয়; তাহার অকৃত্রিম ভ্রাতা-ভগিনী-গুলির অল্প বয়সেই মৃত্যু হইয়াছিল। পিতার মৃত্যুর পর

হেমাজিনী কস্তা ও পুত্রকে লইয়া সেই বাড়ীতেই বাস করিতেছিল, এবং অলঙ্কার বিক্রয় করিয়া কোনরূপে সংসারযাত্রা নির্বাহ করিতেছিল। এইরূপে আরও তিন বৎসর অতীত হইলে একদিন লতিকা গুনিতে পাইল যে, তাহার মাতা সেই মাড়োয়ারী মহাজনের প্ররোচনার ও প্রলোভনে পড়িয়া তাহার, দমদমার বাগান-বাড়ীতে আশ্রয় গ্রহণ করিয়াছে। তখন হেমাজিনীর বয়স পঁয়ত্রিশ বৎসর, এবং তাহার পুত্র শিবপ্রসন্নের বয়স ষোল বৎসর। মাতার কলঙ্কে মর্শাহত শিবপ্রসন্ন সমাজে মুখ দেখাইতে না পারায় বিবাগী হইয়া কোথায় চলিয়া গেল। সেই, দুঃস্বপ্নিত নরপশুটা হেমাজিনীকে প্রমোদসঙ্গিনী করিয়াই ক্ষান্ত হয় নাই; তাহার যুবতী কস্তা লতিকার উপরও তাহার লালসা-বিহ্বল দৃষ্টি পতিত হওয়ার লতিকা নিরুপায় হইয়া নিজের পরিচয় গোপন করিয়া, “চামেলী” নাম লইয়া কলিকাতার উক্ত থিয়েটারের দলে প্রবেশ করিল। ইহাতেই তাহার গ্রাসাচ্ছাদনের ব্যয়নির্বাহ হইতেছে। নানা প্রলোভনেও সে চরিত্রের পবিত্রতা অক্ষুণ্ণ রাখিয়া আসিয়াছে।—ইহাই চামেলীর অভিনেত্রী-জীবনের ইতিহাস।

উমা নীরবে সকল কথা শ্রবণ করিয়া বলিল, “বিধাতার যা মনে ছিল, তা হইয়াছে। এখন আমার একটা কথা রাখবে, ভাই?”

“কি কথা?”

“তুমি থিয়েটার ছেড়ে দাও। আমরা এই গ্রামে মহাকালী পাঠশালার আদর্শে মেয়েদের জন্য একটা স্কুল

করেছি। তুমি তোমার নিজ নামে সেই স্কুলে ইংরেজী আর গান-শিখানোর ভার নাও। তুমি যে একদিন এই গ্রামে এসে থিয়েটার করে গিয়েছ, আমরা ছাড়া আর কেউ তা জানবে না। তুমি কুমারী লতিকা দেবী হ’য়ে ভদ্র হিন্দুমহিলার মতই থাকবে। স্বতন্ত্র বাসা পাবে, অর্থাভাবে কষ্ট পেতে হবে না। আমি জানি, তুমি পুরুষ মানুষকে ভয় কর না, কিন্তু অনেক সময় ভয়ও করতে হয়; তুমি সেই মাড়োয়ারী মহাজনের ভয়েই ত বাড়ী ছেড়ে পালিয়ে এসেছ। আজ কলকাতায় ফিরে যাও। যদি আমাদের প্রস্তাব সঙ্গত বলে মনে কর, সেখানে গিয়েই আমাকে পত্র দিয়ো; আমি তোমার এখানে আসবার ব্যবস্থা করব। এখন এটা বাল্যসখীর উপহার বলে নিয়ে গলায় দাও।”

এই বলিয়া সেই মখমলমণ্ডিত বাক্স হইতে একটি রত্ন-হার বাহির করিয়া সে লতিকার গলায় পরাইবার উদ্যোগ করিলে, লতিকা বাধা দিয়া বলিল, “তুমি আমার চেয়ে তিন মাসের বড়, আমি তোমার ছোট। এই হার তুমি নিজে পর, তোমার গলায় ঐ যে সরু হার রয়েছে, তোমার প্রসাদ বলে ঐ হারছড়াটা আমার দাও।”

উমা তখন নিজের কণ্ঠ হইতে হার উন্মোচন করিয়া দুই ছড়া হারই লতিকার গলায় পরাইয়া দিল। নানা অলঙ্কারধারিণী লতিকা প্রায় নিরাভরণা উমার পদতলে মাথা রাখিয়া প্রণাম করিল; তাহা দেখিয়া মনে হইল, “স্বর্ণ-দেউটি যেন তুলসীর মূলে!”

শ্রীযোগেন্দ্রকুমার চট্টোপাধ্যায়।

## নিবেদন

অন্ধের মত তোমাতেই ডুবে থাকি  
কত কাল আর রহিব তোমারে ভুলে?  
কল্পিত মম অকূল পাথারে মজি  
বুঝিতে পারি না আছি তব পাদমূলে।

প্রতি পলে নব বন্ধন-ছখ সহি  
যুগ-যুগান্ত পিছে কত হলো জমা,  
মিলাইয়া লহ এবার তোমার সাথে  
সব অপরাধ নিজগুণে করি ক্ষমা ॥

শ্রীমতী মাধুরী ঘোষ



## রাষ্ট্রের রূপ

মুখ কেবল নিজের ব্যক্তিগত স্বার্থ নিয়ে থাকতে পারে না; সামাজিক স্বার্থের আকর্ষণও সে অনুভব করে। নিজের স্বার্থের জন্য সামাজিক স্বার্থের কথা ভাবা তার পক্ষে স্বাভাবিক। স্বার্থপরতা আর পরার্থপরতা—দুটি জিনিষই মানুষের প্রকৃতিগত। আর এই জিনিষকে ভিত্তি করেই তার সমাজ-জীবন গঠিত হচ্ছে, তার নীতি-বাদ রচিত হয়েছে।

তবে এ-কথা সত্য যে, কোন-কোন মানুষের মধ্যে ব্যক্তিগত স্বার্থ আকারে, কারো মধ্যে বা সামাজিক স্বার্থ বড় আকারে দেখা দেয়। দর কচলে ব্যক্তিগত স্বার্থের মূল্য বেশী, তারা ধনী হয়; বিষয়-পত্তি করে; নিজেদের সুখ-দুঃখ নিয়ে ব্যস্ত থাকে। যাদের মধ্যে সামাজিক স্বার্থের মূল্য বেশী, তারা দেশপ্রেমিক হয়; দেশের কল্যাণের জন্য সাধনা করে; বিভিন্ন সামাজিক প্রতিষ্ঠানের সেবায় ভিন্ন সামাজিক আদর্শের সাধনায় আত্মনিয়োগ করে।

বলা বাহুল্য, এই শ্রেণীকৃত শ্রেণীর মানুষের উপবেই সমাজের কল এবং উন্নতি নির্ভর করে। তাদের উৎসাহ এবং কর্মতৎপরতাই সমাজকে জীবনের উচ্চতর স্তরে নিয়ে যায়, আর তাদের অবসাদ এবং নিরুৎসাহ সমাজের পতন এবং মৃত্যুর কারণ হয়।

মানুষের আর পত্ততে তফাৎ এই যে, মানুষের জীবন চিন্তার দ্বারা পত্তর জীবন দৈহিক প্রয়োজনের তাড়নায় পরিচালিত হয়। যে যত উচ্চে উঠতে থাকে, চিন্তার, Idea-র প্রভাব তার বনে তত বাড়তে থাকে। সভ্যতার বিকাশ এবং বিস্তারের সবই হচ্ছে চিন্তার বিকাশ, আইডিয়ার (Idea) সম্প্রসারণ।

প্রত্যেক যুগেই মানুষ সামাজিক জীবনের একটা না একটা আদর্শ, একটা না একটা পরিকল্পনা নিয়ে তার বেষ্টনীর সম্মুখীন হচ্ছে। মানুষের প্রকৃত ইতিহাস হলো তার মনের ইতিহাস; তার উন্নত আদর্শের, তার বিভিন্ন পরিকল্পনার উৎপত্তি, বিকাশ এবং তার ইতিহাস; এবং তার বিভিন্ন আদর্শ এবং পরিকল্পনার, ধর্ম, মিলনের ও সংমিশ্রণের ইতিহাস। এই যে স্বন্দ, সংগ্রহ, আর মিলন—এ অবিরাম-ভাবে চলছে আর চিরকালই চলবে। এই স্বন্দে, এই সংগ্রামে সেই Idea, সেই পরিকল্পনাই প্রকাশ পায়—যা দেশ, কাল এবং পাত্রের উপযোগী। যে Idea বা পরিকল্পনার এ উপযোগিতার অভাব ঘটে, সেট শেষে পরাভূত হয়; সমাজ দেখে থেকে সম্পূর্ণরূপে নিষ্কাশিত হয়; না সমাজ-দেহে অপেক্ষাকৃত নিম্নতর স্থান অধিকার করে পড়ে থাকে। মানব ইতিহাসের রঙ্গমঞ্চ এই ভাবে বিভিন্ন যুগে উন্নত Idea, বিভিন্ন পরিকল্পনা এসেছে, হুঁদিনের জন্য নাগকের কাণ্ড অভিনয় করেছে, তার পর হয় মঞ্চ থেকে অদৃশ্য হয়েছে, হয় নাগকের ভূমিকা ছেড়ে কোন ক্ষুদ্রতর ভূমিকা নিয়ে তাকে পিছিয়ে থাকতে হয়েছে।

এমন এক যুগ ছিল, গোষ্ঠীর আদর্শকেই (clanship) মানুষের জীবন সব চেয়ে স্বাভাবিক, সব চেয়ে জীবন্ত প্রাণবন্ত আদর্শ হিসেবে গণ্য করা হতো।

সামাজিক আদর্শ বলে মনে করতো। তখন গোষ্ঠীর ভিত্তির উপর গোষ্ঠী স্থাপিত হতো, সাম্রাজ্য স্থাপিত হতো, ধর্ম প্রতিষ্ঠান স্থাপিত হতো, সব কিছু স্থাপিত হতো। এই গোষ্ঠীর আদর্শই সাইরাসের (Cyrus) সাম্রাজ্য স্থাপিত হলো, চেন্সিজ খাঁর সাম্রাজ্য স্থাপিত হলো। এই গোষ্ঠীর আদর্শই রাজপুত, পাঠান প্রভৃতি জাতির রাষ্ট্রীয় জীবন স্থাপিত হলো। এই গোষ্ঠীর আদর্শই ভারতীয় আর্ষ্যদের এবং ইহুদিদের ধর্ম-প্রতিষ্ঠান স্থাপিত হলো। এখনও ভারতবর্ষের সামাজিক জীবন এই গোষ্ঠীর ভিত্তির উপরই প্রতিষ্ঠিত আছে। কিন্তু কার্যকরী জীবন্ত প্রাণবন্ত আদর্শ হিসাবে clan idea বা গোষ্ঠী-মূলক পরিকল্পনা এখন মৃত জগৎ থেকে এক রকম সোপ পেয়েছে। গোষ্ঠী অতীতের জিনিষ; বর্তমানে তার জীবন মরণাপন্ন, ভবিষ্যৎ তার নাই বললেও চলে।

গোষ্ঠীর পর (অবশ্য বিভিন্ন দেশে বিভিন্ন সময়ে) নাগরিক রাষ্ট্রের আইডিয়ার প্রভাব দেখতে পাট। বিভিন্ন গোষ্ঠীর লোক মিলে নগর রচনা করলো; তারপর নাগরিক রাষ্ট্রের জীবন আরম্ভ হলো। নাগরিক জীবন থেকেই এক রকম উচ্চতর সভ্যতার সূচনা হলো। ইউরোপীয় ভাষায় সভ্যতার সংজ্ঞামূলক শব্দই হচ্ছে নাগরিক জীবন—civilisation। এই নাগরিক পরিকল্পনার ভিত্তির উপর বড় বড় সাম্রাজ্য, বড় বড় সভ্যতা গঠিত হয়েছে। রোম, এথেন্স, কার্থেজ প্রভৃতির নাম কে না জানে? কিন্তু কালের দুর্ভাগ্যে সবই ভাসিয়ে নিয়ে যায়। নাগরিক রাষ্ট্রের পরিকল্পনা এখন আর জীবন্ত কার্যকরী Idea নয়; অতীতের সেই জীবন্ত আদর্শের স্মারকরূপে আমাদের মধ্যে বর্তমান রয়ে গেছে বড় বড় সহরের Corporation, City Council প্রভৃতি—এই পর্যন্ত!

নাগরিক সভ্যতার সয়-প্রাপ্তির সঙ্গে সঙ্গে ধর্মীয় রাষ্ট্রের আবির্ভাব দেখতে পাট। ইউরোপে পোপ আর সম্রাট এসে দেখা দিলেন। প্রাচ্যে দেখা দিলেন খলিফা। ধর্মীয় রাষ্ট্রের গৌরবের যুগও বিশ্বসভ্যতায় এক স্মরণীয় যুগ। খলিফা হাক্কাবর রশিদ আর সম্রাট সারলমেনের (Charlemagne) কথা কে না শুনেছেন?

মধ্য-যুগের অবসানের সঙ্গে সঙ্গে জ্ঞান-বিজ্ঞানের চর্চা অভিনব ভাবে ইউরোপে এসে দেখা দিল, যার ফলে এসে Renaissance। বিজ্ঞানের নব-জীবন লাভ, সঙ্গে সঙ্গে ধর্মীয় রাষ্ট্রের ভিত্তি শিথিল হতে লাগলো! আর তার স্থানে এসে দেখা দিল রাষ্ট্রীয় জীবনের নূতন এক আদর্শ Nationalism—জাতীয়তা-বাদ। এই আদর্শটই এখন পৃথিবীর রঙ্গমঞ্চ দখল করে আছে। এরই অভিনয় বিশ্ববাসী কৌতূহল-পূর্ণ দৃষ্টিতে দেখছে। ভবিষ্যতে হয় তো অপর কোন রাষ্ট্রীয় আদর্শ এসে বর্তমানের এই জীবন্ত প্রাণবন্ত আদর্শকে জীবনের রঙ্গমঞ্চ থেকে বিতাড়িত করবে। যাক, সে ক্ষুদ্র ভবিষ্যতের কথা! আমাদের সে কথা ভাববার দরকার নাই। আপাততঃ আমাদের এই জীবন্ত জাতীয়তা-বাদের কথাই ভাবা যাক, আর

আমাদের ভারতীয় জীবনে এ আদর্শের প্রয়োজনীয়তার আলোচনা করা যাক।

হৃৎকথার বসতে গেলে Nationalism বা জাতীয়তা-বাদের আদর্শ হচ্ছে রাষ্ট্রীয় জীবনকে সুবিধাজনক এক ভৌগোলিক পরিবেশ বা এলাকার মধ্যে মুর্ত্ত ক'রে তোলা; সেই ভৌগোলিক পরিবেশের প্রতি মানুষের ভক্তি, প্রেম, ভালবাসা জাগিয়ে তোলা; তার সেবা, তার মুক্তি এবং মঙ্গলের সাধনায় মানুষের সর্ববিধ শক্তি এবং প্রয়াসকে পবিচালিত করা; এবং সেই ভৌগোলিক পরিবেশকে সর্বপ্রকার সামরিক জীবনের স্বাভাবিক কেন্দ্রে পরিণত করা। এই ভাবেই বর্তমান জগতের বিভিন্ন জাতীয়তা-মূলক রাষ্ট্রতন্ত্র গড়ে উঠেছে, আর তারাই এখন মানবজাতির ভাগ্য নিয়ন্ত্রিত করছে। ইংলণ্ড, ফ্রান্স, জাৰ্মানী, ইউনাইটেড স্টেটস, জাপান প্রভৃতির কথা কে না জানেন?

জাতীয়তার আদর্শ যে বর্তমান যুগে এতখানি প্রতিষ্ঠা লাভ করেছে, তার কারণ কি?

প্রথম কারণ, এ আদর্শের নির্দিষ্ট একটা ভৌগোলিক রূপ আছে। দেশ-প্রেম বললে দেশের প্রতি প্রেম, কোন্‌খানে তার সীমানা, কোন্‌টা বিদেশ, দেশের মানুষ কারা, দেশের মানুষ কারা নয়, কারা প্রতিবেশী, কারা প্রতিবেশী নয়, এই সব প্রয়োজনীয় বিষয়ের সম্পূর্ণ ধারণা মানুষের মনে মুর্ত্ত হ'য়ে ওঠে; আর তার ভাব এবং অনুভূতিকে বিশেষ একটা রূপ দিতে, তার প্রয়াসকে সুনির্দিষ্ট পথে পরিচালিত করতে সাহায্য করে।

দ্বিতীয় কারণ, সাধনার এবং কর্মের বৈধতা এবং অবৈধতার সহজবোধ্য এবং প্রমাণ-সাপেক্ষ একটা মাপকাঠির (Standard) আদর্শ আমাদের হাতে তুলে দেয়। দেশের মঙ্গলের দিক থেকে বিচার করলে কোন্‌ কাজটা দেশের পক্ষে কল্যাণকর, আর কোন কাজটা কল্যাণকর নয়; কোন্‌ আন্দোলন থেকে দেশের মঙ্গল হবে, কোন্‌ আন্দোলন থেকে দেশের অনিষ্ট হবে; কারা দেশের উপকার করছে, কারা দেশের অনিষ্ট করছে,—এ সব সহজে বোঝা যায়।

তৃতীয় কারণ, দর্শন, বিজ্ঞান, সমাজতত্ত্ব প্রভৃতি বর্তমান যুগের অতি-প্রয়োজনীয় শাস্ত্রসমূহের আলোচনায় এ আদর্শ কোনো বিশ্বের সৃষ্টি তো করেই না, পক্ষান্তরে এ সকলের আলোচনা এবং সাধনা হাতে ব্যাপকভাবে হয়, তার জন্ম এ আদর্শের সমর্থকরা যথাসাধ্য চেষ্টা করেন। কেন না, তাঁরা জানেন, দর্শন এবং বিজ্ঞানের উন্নতির উপর এবং বৈজ্ঞানিক শিক্ষার প্রসারের উপর জাতীয় মঙ্গল একান্তভাবে নির্ভর করে। মানুষ ধর্ম্মে বিশ্বাস করে কি করে না, দেবতাদের বিষয়ে কে কি ধারণা মনে পোষণ করে, পরকালে বিশ্বাস করে কিনা—জাতীয়তাবাদ তা নিয়ে মাথা ঘামায় না। তাই বিভিন্ন দার্শনিক-মতবাদীরা এ-আদর্শের সেবায় এবং সাধনায় সহজে ঐক্যবদ্ধ হয়ে আত্মনিয়োগ করতে পারেন। দৃষ্টান্তস্বরূপ চীনের রাষ্ট্রনেতা Chiang Kei Shek এর নাম উল্লেখ করা যেতে পারে। তিনি আর তাঁর সহধর্ম্মিণী হলেন Methodist-মতবাদী ধর্ম্মান, অথচ এই বিবম জাতীয়-সঙ্ঘটনের সময় তাঁরা এমন এক দেশের রাষ্ট্রনৈতিক পরিচালিত করছেন, যার অধিকাংশ অধিবাসীই ধর্ম্ম-বিষয়ে সম্পূর্ণ ভিন্ন মত পোষণ করেন। একমাত্র জাতীয়তা-মূলক রাষ্ট্রই এ ঘটনা সম্ভব।

চতুর্থ কারণ, এ আদর্শের স্বাভাবিক প্রকৃতি (Natural

tendency) হচ্ছে, নির্দিষ্ট এক জনসমিতিরকে বিভেদের পথে নিয়ে না গিয়ে ঐক্যের এবং সম্প্রীতির পথে নিয়ে যার। এ আদর্শ এমন সব বিষয়ে মতের ঐক্য দাবী করে, যে সব বিষয়ে মতভেদের সম্ভাবনা অল্প; এবং যে সব বিষয়ে মতভেদের সম্ভাবনা আছে, অথচ সে মতভেদ দূরীকরণের কোন tangible test বা পরীক্ষা-মূলক মাপ নাই, সে সব বিষয়ে এ আদর্শ ঐক্যের প্রত্যয় রাখে না, কিম্বা ঐক্য-সৃষ্টি করবার কোন রকম কৃত্রিম উপায় অবলম্বন করে না। সেজন্য এ আদর্শ বর্তমান বৈজ্ঞানিক উন্নতির এবং আলোচনার যুগে ধর্ম্মের ভিত্তির উপর প্রতিষ্ঠিত রাষ্ট্রের চেয়ে অনেক বেশী কালোপযোগী।

পঞ্চম কারণ, এই জাতীয়তার আদর্শ মানুষকে সর্ববিধ সামরিক সাধনার প্রশস্ততম ক্ষেত্রের সন্ধান দেয়। ধর্ম্মীয় প্রতিষ্ঠানের সাহায্যে কিছু করতে গেলেই প্রশ্ন ওঠে, কে আমার স্বধর্ম্মী আর কে স্বধর্ম্মী নয়! তার পর প্রশ্ন ওঠে, ধর্ম্মের বিষয়ে কে আচার-সম্মত মত পোষণ করে আর কে তা করে না! তার পর প্রশ্ন ওঠে, ধর্ম্মের ধুংসকেরা এ বিষয় কি ভাবেন? যারা ধর্ম্মীয় প্রতিষ্ঠানের সাহায্যে কিছু করবার চেষ্টা করেছেন, তাঁরাই জানেন, সে কি চরম ব্যাপার। প্রগতিপন্থী ব্যক্তিমাটকেই ব্যর্থ-মনোরথ হ'য়ে ফিরতে হয়েছে। জাতীয়তার আদর্শ এ সব বাধা আসে না। এ-পথে মানুষ সহজেই দেশ-প্রেমিকের সহযোগিতা লাভ করতে পারে, এবং সাধনাকে সার্থক করে তুলতে পারে।

ষষ্ঠ কারণ, জাতীয়তা-বাদের আদর্শ মানুষের দৃষ্টিকে স্বভাবতঃ ভবিষ্যতের দিকে ফিরিয়ে অতীতের আত্মগতের দৃষ্টিকে অন্ধ, এবং তার সাধনাকে পঙ্গু করে না। সে জাতীয় মঙ্গলের কথা আর তার ভবিষ্যতের কথাই ভাবে! এবং সেই দৃষ্টি নিয়েই সমস্তার আলোচনা আর বিচার করে; অতীতের অকাটা শাস্ত্র-বাক্যের মাপকাঠি নিয়ে বর্তমান সমস্তার আলোচনা কিম্বা সিদ্ধান্ত করে না।

সপ্তম কারণ, এ আদর্শ মানুষের সর্ববিধ মঙ্গল-সাধনাকে ব্যাপক এবং বৃহত্তর মঙ্গলের সাধনায় নিয়োজিত, সংযোজিত এবং নিয়ন্ত্রিত করতে পারে। মানুষ যে-ক্ষেত্রেই কাজ করুক না কেন, তার কাজের একটা সামাজিক মূল্য আছে। তার কাজ থেকে সমাজের উপকার হবে কি না, কতটা উপকার হবে, তার কাজে অনিষ্টের আশঙ্কা আছে কি না, তার কাজে ইষ্টের সম্ভাবনা বেশী কি অনিষ্টের আশঙ্কা বেশী, এ সব বিষয় জাতীয়তার আদর্শ থেকে বিচার করা অপেক্ষাকৃত সহজ, এবং মতের ঐক্য-স্থাপন করাও অপেক্ষাকৃত সহজ। ধর্ম্মীয় আদর্শের সহজে এ কথা বলতে চলে না।

অষ্টম কারণ, এ আদর্শ প্রত্যেক নাগরিককে সহজবোধ্য এক অধিকার দেয়; আর তার স্বন্ধে সহজবোধ্য দায়িত্ব স্থাপন করে। প্রত্যেক নাগরিকই তার অধিকার এবং দায়িত্ব সহজে সহজে অবহিত হতে পারে। তা ছাড়া, তার অধিকার দায়িত্ব নিয়ে সে যদি অসন্তুষ্ট হয়, তা হ'লে তার প্রতিবিধানের সহজ উপায়ও তার করায়ত্ত। আলোচনা এবং আন্দোলনের সাহায্যে সে দায়িত্ব এবং অধিকারের অনুপাত এবং তার সীমানা তার মর্জ্জি মাসিক সে ক'রে নিতে পারে। সেজন্য জাতীয়তা-বাদের ভিত্তিতে প্রতিষ্ঠিত রাষ্ট্রের প্রতি বিদ্রোহের ভাব সহজে তার মনে জাগে না।

নবম কারণ, এই নিত্য পরিবর্তনশীল জগতে এ আদর্শ দাবার এবং সাপনার নিত্য নূতন পথে যেতে মানুষকে উৎসাহিত বং অনুপ্রাণিত করে। দেশের মঙ্গল যখন আদর্শ, তখন কিসে। মঙ্গল সাধন করা যেতে পারে, সেই দিকেই মানুষের দৃষ্টি নিবদ্ধ হয়, অল্প কোন অবাস্তব কথা ভাববার তার সময় থাকে না। এবং এই মঙ্গল সাধনের জন্ত মানুষ স্বাভাবিক ভাবেই নিত্য নূতন পথে গ্রসর হয়। কেন না, সে বোঝে যে, অতীতের অভিজ্ঞতার উপর প্রতিষ্ঠিত নূতন পন্থা প্রাচীন পন্থার চেয়ে ভাল। দেবতাদের গামত, সমর্থন বা অসমর্থন তার সহজ-বুদ্ধিকে বিকৃত কিম্বা ক্যল্ট করে না।

মধ্যযুগে রাষ্ট্রই ছিল ধর্মের ভিত্তি। বর্তমান যুগে ধর্মের ভিত্তির উপর প্রতিষ্ঠিত কোন রাষ্ট্র যুরোপে নাই। ধর্ম সেখানে এখন রাষ্ট্রীয় ব্যাপারে হস্তক্ষেপ করে না; মানুষের আধ্যাত্মিক বন এবং তার পারলৌকিক মঙ্গল নিয়েই থাকে। প্রাচ্যের ধীন রাষ্ট্রসমূহেও ধর্ম এখন রাষ্ট্রীয় অধিকার থেকে দ্রুত বাঞ্ছিত হু। তুর্ক, ইরান, চীন, জাপান প্রভৃতির দৃষ্টান্ত উল্লেখ করা ত পারে।

ভারতবর্ষ স্বাধীন দেশ নয়। এখানকার রাষ্ট্রীয় জীবন নকাংশে বৈদেশিক শক্তির ইচ্ছার উপর নির্ভর করে। সাধারণের মধ্যে কিছু দুটি আদর্শের প্রভাব কাষাকরী ভাবে তে পাওয়া যায়। একটি প্রাচীন ধর্মীয় আদর্শের; দ্বিতীয়টি ধুনিক জাতীয়তার আদর্শের।

ধর্মের ভিত্তিতে প্রতিষ্ঠিত রাষ্ট্রের প্রকৃতিগত বিশেষত্ব কি? এ দর্শ কি বর্তমান যুগে চলতে পারে? রাষ্ট্রের সঙ্গে ধর্মের াঙ্গি সম্পর্ক রাখা কি বর্তমান যুগে বাঞ্ছনীয়?

এখন এই সব সমস্তার আলোচনা করা যাক। তবে স্থানে ব্যক্তিগত একটা কৈফিয়ৎ দেওয়া দরকার মনে ।। ধর্মে আমি একান্ত ভাবে আস্থা রাখি, আর ধর্মকে মি জীবনের অপরিহার্য অঙ্গ বলেই মনে করি। তবে ঈর সঙ্গে ধর্মের কোন অচ্ছেদ্য সম্বন্ধ আছে বলে আমি স করি না।

রাষ্ট্রের কারবার হলো ইহজীবনের স্বার্থ এবং সুবিধা নিয়ে; জগত স্বার্থ-সুবিধা, বংশগত স্বার্থ-সুবিধা, শ্রেণীগত স্বার্থ-সুবিধা, তগত স্বার্থ-সুবিধা, এই সব স্বার্থ-সুবিধা নিয়েই রাষ্ট্রের ন্দিন কারবার। রাষ্ট্রের আভ্যন্তরীণ ধর্ম (ইলেকসন্ তিতে) যে-দল জয়ী হয়, সে দল স্বার্থের দিক্ থেকে যথেষ্ট ান হয়; পক্ষান্তরে, যে দল পরাজিত হয়, সে দল স্বার্থের দিয়ে যথেষ্ট ক্ষতিগ্রস্ত হয়। বর্তমান যুগের রাষ্ট্রীয় জীবনের সঙ্গে মাত্র যাদের পরিচয় আছে, তারা জানেন, রাষ্ট্রের কারবারই । এযুগে সব চেয়ে বড় কারবার। একরূপ অবস্থায় ধর্মকে রাষ্ট্র পৃথক্ না করলে ধর্ম আর ধর্ম থাকে না, বড় একটা ব্যবসায়ের ত হয়। আর ধর্মের ব্যবসায়ের পরিণত হওয়ার মানেই হলো তার ! কেন না, সে অবস্থায় ধর্মের নামে বে সব জীগীর ছাড়া হয়, সো প্রকৃত পক্ষে ধর্মের জীগীর নয়, স্বার্থের জীগীর। তা' ছাড়া প অবস্থায় ধর্মের গুরুত্বপূর্ণ পদে নানা রকম চালাকি এবং র সাহায্যে যারা প্রতিষ্ঠিত হন, তাঁদের কাছে ধর্মের চেয়ে তগত স্বার্থের মূল্যই বেশী। প্রকৃত ধর্মের ভিত্তি হলো

ত্যাগ আর সংযম। এ দুই আদর্শের সঙ্গে ব্যক্তিগত স্বার্থ এবং অর্থ-সম্পদের নিবিড় সংযোগ কোনক্রমেই বাঞ্ছনীয় নয়। সে সংযোগ যেখানে হয়েছে, সেইখানেই স্বার্থ প্রকৃত ধর্মের আসন দখল করেছে! অর্থ নিজেকে পরমার্থরূপে প্রতিষ্ঠিত করেছে!

তার পর ধর্মে যেমন শাস্ত সত্য আছে, তেমনি এমন অনেক জিনিষ আছে, যাকে সত্যের আপেক্ষিক সত্য (Relative Truth) বলা যেতে পারে;—যাদের যৌক্তিকতা এবং বৈধতা বিশেষ এক যুগ কিম্বা বিশেষ এক নেষ্টনীর মধ্যে সীমাবদ্ধ—যা বর্তমানের অভিজ্ঞতা এবং ভাব-গারার সঙ্গে খাপ খায় না। ধর্মের ইতিহাস পর্যালোচনা করলে দেখতে পাওয়া যায়, যারা প্রকৃত ধর্মিক, তাঁরা ধর্মের শাস্ত অংশের উপরেই ধর্ম সাধনার ভিত্তি স্থাপন করেন; আর ধর্মের আপেক্ষিক অংশগুলিকে যুগ এবং স্থানোপযোগী করে নেবার চেষ্টা করেন। পক্ষান্তরে, যারা ধর্মের প্রকৃত আদর্শের সঙ্গে সংশ্লিষ্ট রাখেন না, অথচ ধর্মকে উপলক্ষ করে ধর্মের আদর্শের অনুসরণ করতে চান, তাঁরা ধর্মের শাস্ত এবং চিরন্তন আদর্শগুলিকে বর্জন করে, তার আপেক্ষিক অংশ-গুলিকে অবলম্বন করে প্রকৃত ধর্মিক এবং সত্য-সাধকদের বিরুদ্ধে তুমুল সংগ্রাম উপস্থিত করেন। এই সহজ উপায়ে ধর্মের ধুবন্ধরূপে প্রতিষ্ঠা অর্জন করার চেষ্টা করেন। প্রকৃত ধর্মিক Jesus Christকে তাই তথাকথিত ধর্মের রক্ষক ধর্মের দেবতার হাতে অশেষ লাঞ্ছনা ভোগ করে, শেষে মামুলি এক জন অপরাধীর মত ক্রস কাঠে দেহত্যাগ করতে হয়েছিল। এইখানেই হলো ধর্মীয় সভ্যতার এবং ধর্মের ভিত্তির উপর প্রতিষ্ঠিত রাষ্ট্রের স্বাভাবিক এবং মৌলিক দুর্বলতা।

ধর্মের অন্তর্নিহিত শাস্ত সত্যকে জনসাধারণ সহজে বুঝতে পারে না। সে বিষয়ে সাধারণতঃ তারা মনে ভ্রান্ত ধারণাই শোষণ করে থাকে। যে সব ক্ষণজন্মা মহাপুরুষ ধর্মের শাস্ত সত্যের দিকে তাদের দৃষ্টি আকর্ষণ করার চেষ্টা করেন, তারা তাঁদের ধর্মের শক্র মনে করে লালিত, উৎপোড়িত করে। আর যে সব সংকীর্ণমনা স্বার্থসেবী তাদের কুসংস্কারের প্রশ্রয় দেয়, তাদের তারা ধর্মের এক-এক ধুবন্ধর মনে করে, প্রকৃত ধর্ম-আদর্শের লাঞ্ছনায় তাদেরই নির্দেণ এবং ইঙ্গিতের অনুসরণ করে। ধর্ম যেখানে রাষ্ট্রীয় ক্ষমতা লাভ করেছে, সেইখানেই শাস্ত সত্যের বিরুদ্ধে, প্রকৃত ধর্ম-আদর্শের বিরুদ্ধে রাষ্ট্রীয় উৎপোড়নের অভিযান চালিয়েছে, আর তার ফলে উন্নতির পথ ছেড়ে সমাজের অধোগাত হয়েছিল; ব্যক্তিগত স্বার্থ এবং অন্ধ কুসংস্কারের সঙ্গে দুর্বল রাষ্ট্র-শক্তি যোগ দিয়েছে আর উভয়ে মিলে সত্যকে পদদলিত করেছে। ধর্মকে রাষ্ট্র-শক্তির আসনে প্রতিষ্ঠিত করার মানেই হচ্ছে, সেই অতীত যুগের বর্ধরতার পুনরভিনয়। কোন চিন্তাশীল ব্যক্তি সে পথের সমর্থন করতে পারেন না।

তার পর যে সব তথ্যের আলোচনা, যে সব বিষয় সহজে detailed ধারণা এবং মতবাদ ধর্মশাস্ত্রে পাওয়া যায়, সেই সব তথ্য এবং বিষয় নিয়ে দর্শন এবং বিজ্ঞান আলোচনা করেছে এবং নিত্যই করছে। তবে উভয়ের দৃষ্টি-ভঙ্গি ভিন্ন, আর উভয়ে বিচারের ভিন্ন-ভিন্ন ধরণের মানদণ্ড ব্যবহার করেন। ধর্মের মানদণ্ড হচ্ছে Authority শাস্ত্রকারের বাণী; আর বিজ্ঞানের মানদণ্ড হচ্ছে Verification বাস্তবতার তর্কাতর্ক সমর্থন। ধর্ম দেখে,

বিশেষ কোন মতবাদের সমর্থন ধর্মের মূল গ্রন্থে কিম্বা ধর্মপ্রবর্তক-দের প্রামাণ্য উক্তি ও চিন্তাধারার মধ্যে পাওয়া যায় কি না। দর্শন এবং বিজ্ঞান দেখে, মতবাদটি বাস্তব জগতের সঙ্গে, Objective realityর সঙ্গে খাপ খায় কি না। এরূপ অবস্থায় প্রচলিত ধর্মের সঙ্গে দর্শন এবং বিজ্ঞানের সংঘর্ষ অধিকাংশ ক্ষেত্রে অনিবার্য। এ সংঘর্ষের অসংখ্য দৃষ্টান্ত মধ্যযুগীয় যুরোপের ইতিহাসে পাওয়া যায়। সেই সংঘর্ষের ফলেই জাতীয়-ভিত্তির উপর প্রতিষ্ঠিত রাষ্ট্রের আবির্ভাব হ'য়েছে। ধর্ম না হ'লে সমাজ চলে না—এ কথা যেমন সত্য, দর্শন এবং বিজ্ঞান না হ'লেও তেমনি সমাজ চলতে পারে না,—সে-কথাও তেমনি সত্য। এরূপ অবস্থায় বিশেষ এক পক্ষকে অর্থাৎ ধর্মকে রাষ্ট্রীয় ক্ষমতা দান করার মানে হচ্ছে,—দর্শন এবং বিজ্ঞানের মূলোৎপাটন করা।

আচারের উপর প্রতিষ্ঠিত আনুষ্ঠানিক ধর্মের দৃষ্টি স্বভাবতঃই অতীতের দিকে ; পশ্চাত্তরে, বর্তমান যুগের বিশ্ব-মানবের দৃষ্টি হলো ভবিষ্যতের দিকে। মানুষ সব দেশেই এখন ভবিষ্যতের দিকে দৃষ্টি রেখে জীবন এবং রাষ্ট্র সাধনা করে। আনুষ্ঠানিক ধর্ম কিন্তু মানুষকে অহরহ অতীতের কথা স্মরণ করিয়ে দেয়, আর অতীতের জগতে ফিরে যাবার জন্তু তাকে আহ্বান করে। বলা বাহুল্য, এরূপ অবস্থায় বর্তমান যুগের মানসিকতার সঙ্গে অতীতের আচার-অনুষ্ঠান এবং মানসিকতার উপর প্রতিষ্ঠিত সামাজিক ধর্মের সংঘর্ষ অনিবার্য, আর সে-সংঘর্ষ প্রকৃতপক্ষে অবিরামভাবেই চলেছে। এরূপ অবস্থায় অনুষ্ঠানমূলক সামাজিক ধর্মকে রাষ্ট্রীয় ক্ষমতায় ভূষিত করার অর্থ হচ্ছে, প্রগতির সর্ববিধ পথকে অর্গল-বন্ধ করা।

এ-কথাও অস্বীকার করার উপায় নাই যে, আনুষ্ঠানিক ধর্মের সামাজিক এবং রাষ্ট্রীয় বিধি-নিষেধাদি অতীতের প্রয়োজন, অতীতের জীবনাদর্শ এবং অতীতের বেটনীর তাগিদেই সৃষ্ট এবং তাদেরই ভিত্তির উপর প্রতিষ্ঠিত। সেই স্বদূর অতীতের পক্ষে সবিশেষ উপযোগী হ'লেও এ সব বিধি-নিষেধ আচার-অনুষ্ঠান প্রভৃতি অনেক ক্ষেত্রে বর্তমান মানবের উন্নতির পথে দুর্লভ্য বিঘ্নের সৃষ্টি

করেছে ; ধর্মকে রাষ্ট্রীয় ক্ষমতা দিলে এই সব বাধা-বিঘ্ন চিরন্তন রূপ ধারণ করবে, আর মানুষের উন্নতির সর্ববিধ প্রয়াসকে ব্যর্থ ক'রে দেবে।

আনুষ্ঠানিক ধর্মের সব-চেয়ে বড় দুর্বলতা হচ্ছে এই যে, তাঁর প্রকৃতি হলো, মানুষের মধ্যে বিভেদের সৃষ্টি করা, মানুষকে ক্ষুদ্র ক্ষুদ্র গণ্ডীতে বিভক্ত করা, এবং সেই গণ্ডীগুলিকে ধর্মের আকার দিয়ে চিরস্থায়ী ক'রে তোলা। পৃথিবীর প্রত্যেক ধর্মই এই পথে গিয়েছে। ফলে সর্বত্র এমন এক আবহাওয়ার সৃষ্টি হয়েছে যে, মানুষের পক্ষে ব্যাপকভাবে একত্র কোন কাজ করা অসম্ভব হ'তে দাঁড়িয়েছে ; মিলনের কিম্বা ঐক্যের সর্বজনমাত্র কোন আদর্শ কায়েম করতে আনুষ্ঠানিক ধর্ম কোথাও সক্ষম হয়নি।

এ কথাও আমাদের ভুললে চলবে না যে, বর্তমান যুগে জনসাধারণের মধ্যে শিক্ষা এতদূর প্রসার লাভ করেছে, তাদের মনে জিজ্ঞাসার ভাব এতখানি প্রবল হ'য়ে উঠেছে, প্রমাণের প্রয়োজন এবং গভীর এবং ব্যাপকভাবে তারা অনুভব করতে শিখেছে, দর্শন এবং বিজ্ঞান এত দ্রুত উন্নতি লাভ করেছে, নিত্য নূতন তথ্য এসে আমাদের মনকে এমন গভীর ভাবে আলোড়িত করেছে, বিভিন্ন দেশ, সমাজ এবং কৃষ্টির মধ্যে ভাবের আদান-প্রদান নিত্য এমন ঘনিষ্ঠ হ'য়ে উঠেছে যে, এযুগে দর্শন, বিজ্ঞান, সমাজতত্ত্ব প্রভৃতি বিষয়ে অতীতের ধারণাকে সমাজে কায়েম-বন্দী ক'রে রাখা সত্যই অসম্ভব। তাই এ যুগে সেই অতীত যুগের ভাব এবং চিন্তাধারার উপর কোন রাষ্ট্রকে প্রতিষ্ঠিত করার প্রচেষ্টাকে বাতুলতা ছাড়া আর কোন নামে অভিহিত করা সম্ভব মনে হয় না।

এই সব বিভিন্ন কারণের সমবায়িক ফল এই হয়েছে যে, যুগোপভূষণে ধর্মীয় রাষ্ট্রের অবসান ঘটেছে, আর প্রাচ্যের স্বাধীন রাষ্ট্রগুলিও দ্রুত সেই একই পথে অগ্রসর হচ্ছে। ভারতবাসীর পক্ষেও এ বিষয়ে যুগ-ধর্মের অনুসরণ করা ছাড়া উন্নতির এবং সার্থকতার অজ্ঞ কোন পথ নাই। তাকেও এখন জাতীয়তার ভিত্তির উপরেই রাষ্ট্রীয় জীবন গড়তে হবে। বর্তমান যুগে ধর্মীয় ভিত্তির উপর সে প্রতিষ্ঠান গড়তে গেলে বিড়ম্বনা হবে।

এস, ওয়াজেদ আলি ( বি-এ 'কাণ্টাব' বার-এ্যাট-ল ) :

## বৈশাখ

হেথায় বিগুঞ্চ তৃণদল তপনের রোবাগ্নির তাপে ;

হোথায় আকাশ-পাতে নক্ষত্রের রাজি

মহাতঙ্কে ধর ধর কাঁপে ।

অনির্দিষ্ট কি আতঙ্ক অগ্নিতেছে নির্মেষ আকাশ,

হেথা বায়ু অজগর সম কেলিতেছে ক্রুদ্ধ দীর্ঘশ্বাস ;

অস্তরালে লুকায় চাতক—গুহকর্মে করে জল জল,

জীর্ণ পত্রে গুহ পুষ্পে পূর্ণ হোল ধরার অঞ্চল ।

ধূলিরাশি নীড়-হারা মহাশূন্তে খুঁজিছে আশ্রয়,

পক্ষিগণ চঞ্চু খুলি শাখে বসি গনিছে বিশ্বয় ;

খাণ্ড লোভে কভু নামি—

রুদ্ধ ভূমি বৃথা ধুঁজে ফেরে,

বিফল আশার হার—কৈদে ওঠে করুণ চিৎকারে ।

কোন্ ঋষি-শাপে আজি সৃষ্টি পুড়ে করিছে শ্মশান,

অশ্রুবারি অন্তরে গুকার—অসহায় ধরার সন্তান ?

শ্রীমতী নিতা দেবী



## সঙ্গীতের কীর্তনাজ



( আলোচনা )

সঙ্গীতের সৃষ্টিতত্ত্ব আলোচনা করিয়া দেখা যায়, পণ্ডিতগণ ধাতুমাতৃসমযুক্তকে গীত আখ্যা প্রদান করিয়াছেন। ধাতু নাদাত্মক, এবং মাতৃ অক্ষবসঞ্চয়। এই গীত দুই ভাগে বিভক্ত। বেণ-নীণাদি যন্ত্র-নিঃসৃত, এবং নরনারী-কণ্ঠনিঃসৃত গীত তাল-বাছাদি ও নৃত্যের অনুসরণে প্রকাশিত হইলেই সঙ্গীত পদবাচ্য হইয়া থাকে। কথিত আছে, সংসারতাপদগ্ন নরনারীগণের হৃদয়ে শান্তি-দানের জন্ত মহাদেব কর্তৃক ইহা প্রবর্তিত হইয়াছিল। শুদ্ধ, শালগ ও সঙ্কীর্ণ গীতের এই তিন প্রকার বিভিন্নতা শাস্ত্রে বর্ণিত হইয়াছে। শুদ্ধ, শালগ, সঙ্কীর্ণ আবার নানা ভাগে বিভক্ত। গীতের এই সকল বৈশিষ্ট্য বর্তমান প্রবন্ধের আলোচ্য নহে। কীর্তন ভারতীয় সঙ্গীতের অপরিহার্য অঙ্গ বলিয়া কীর্তন-সংক্রান্ত বিভিন্ন বিষয়ের আলোচনার সুবিধার জন্ত সঙ্গীত সম্বন্ধীয় কথা প্রসঙ্গক্রমে আনিয়া পড়ে। সঙ্গীতশাস্ত্রে রাগ-রাগিণী ও তাল-লয়াদির নির্দেশক এবং রূপ-নির্বাচক বলিয়া চারি জন প্রধান আচার্য্যের নামের উল্লেখ আছে—যথা, ভরত, হনুমান, সোমেশ্বর ও কলানাথ। বৈদিক যুগের পরবর্তী কালে এই চারি জন আচার্য্যের নির্দেশানুসারেই ভারতীয় সঙ্গীত পরিচালিত হইয়াছিল। হিমালয় হইতে প্রবাহিত ভাগীরথী-ধারা পৃথিবীতে যেরূপ অমৃত-প্রবাহ-রূপে বর্তমান, ভারতীয় সঙ্গীতের কীর্তন-ধারাও সেইরূপ মানবগণকে অমৃতের আনন্দ দান করিতেছে। সাধারণতঃ সঙ্গীতে যেরূপ তাল-লয় রাগ-রাগিণী আছে, কীর্তনেও তদ্রূপ তাল, লয়, রাগ-রাগিণী বর্তমান; কীর্তনের এই তাল, লয়, সুর, রাগ, রাগিণী প্রভৃতি সাধারণতঃ সঙ্গীতশাস্ত্রের নিয়মানুগত রাগাদির অনুরূপ হইলেও ঐ সকলের এমনি একটা মাধুর্য্যময় বৈশিষ্ট্য লক্ষিত হয়—যেহেতু কীর্তন অন্তান্ত সঙ্গীতের শ্রেণী হইতে পৃথক হইয়াও উচ্চাঙ্গের সঙ্গীতধারার সহিত একই পর্য্যায়ের স্থান লাভ করিয়াছে।

কীর্তনের মৌলিকতার অনুসন্ধান প্রবৃত্ত হইয়া আমরা দেখিতে পাই যে, নববিধ ভক্তির অন্যতম বলিয়া কীর্তনের উল্লেখ আছে, যথা—“শ্রবণং কীর্তনং বিষ্ণোঃ স্মরণং পাদ-সেবনং। অর্চনং বন্দনং দাস্ত্রং সখ্যামান্নিবেদনম্” ॥— ( বিষ্ণুপুরাণ )। শ্রীমদ্ভাগবতেও কলিযুগের উপাশ্র দেবতার আরাধনা-পদ্ধতির নির্দেশ প্রসঙ্গে সঙ্কীর্ণের উল্লেখ আছে। যথা—“বৈষ্ণবঃ সঙ্কীর্ণপ্রায়ৈর্যজ্ঞপ্তি হি স্মমেধসঃ”—( ভাগবত ১১ স্কন্ধ )। এতদ্ভিন্ন, শাস্ত্রের অন্যান্য বহু স্থলে কীর্তন ও সঙ্কীর্ণ শব্দের ব্যবহার লক্ষিত হয়। প্রাক্তন কীর্তন ও সঙ্কীর্ণ শব্দের প্রয়োগরীতি আলোচনা করিলে প্রতীতি হয় যে, কীর্তন শব্দে সাধারণতঃ কখন পঠন প্রভৃতি বুঝায়, এবং সঙ্কীর্ণ অর্থে তালরাগাদি ও বাছাদিসহ গান। কিন্তু প্রাচীন কাল হইতে, বিশেষতঃ, জয়দেবাদি বৈষ্ণব কবিগণের অভ্যুদয় কাল হইতে কীর্তন শব্দ তাল-রাগাদি ও বাছাদিসহ গান অর্থে ব্যবহৃত হইয়া আসিতেছে। তাল ও বাছাদির অনুগত কীর্তনই সঙ্কীর্ণ পদবাচ্য। “সম্” উপসর্গ-যোগে গীত ও কীর্তন শব্দের এই বৈশিষ্ট্য সঙ্গীতশাস্ত্র-সম্মত। শ্রীশ্রীমহাপ্রভু গৌরানন্দদেবের আবির্ভাবের পূর্বে চণ্ডীদাস প্রভৃতি কবিগণ বহু কীর্তন-পদাবলী রচনা করেন, এবং ঐ সকল পদাবলী যে কেবলমাত্র আবৃত্তি পাঠ ও কথনের দ্বারাই জনসমাজে বিপুল প্রসার লাভ করিয়াছিল, ইহা সম্ভব নহে। বিশেষতঃ, বৈষ্ণব-পদাবলীর রচনাপ্রণালী দেখিয়াই বুঝিতে পারা যায় যে, বাছাদিসহ তাল-লয়ের অনুসরণে গান করিবার উপযোগী করিয়াই ঐ সকল পদ রচিত হইয়াছিল। সঙ্গীতজগণের মতে—তাললয়াদি-সহযোগে গান করিবার জন্ত রচিত পদ, এবং কেবল আবৃত্তি বা কথনের উদ্দেশ্যে রচিত কবিতা—এই উভয়ের মধ্যে রচনাগত বৈষম্য আছে; তবে আনাড়ীর নিকট ‘সব গোরায়ই এক চেহারা!’ কবিতা হইলেই তাহা গান

করিবার উপযুক্ত হয় না; গানের উপযোগী কবিতাগুলিই কীর্তন-পদাবলী নামে সুবিদিত।

কীর্তন দুই অংশে বিভক্ত; প্রথমটি রসকীর্তন, দ্বিতীয়টি নামকীর্তন। শ্রীমদ্ভাগবতের দশমস্কন্ধে বিবৃত শ্রীকৃষ্ণলীলা-বিষয়ক শাস্ত্র, দাস্ত্র, সখা, বাৎসল্য ও মধুর এই পঞ্চবিধ-রসাবলম্বনে চণ্ডীদাস, বিজ্ঞাপতি প্রভৃতি প্রাচীন-কালের ভক্ত কবিগণ যে বৈষ্ণব-ভাবসম্পদপূর্ণ পদাবলী রচনা করিয়াছেন, এবং পরবর্তী যুগে শ্রীরাধাকৃষ্ণ-লীলায়ক ঐ রসপঞ্চকোপজীব্য বৈষ্ণব-গ্রন্থবর্ণিত লীলা-বিষয়ক, বিশেষতঃ জ্ঞানদাস, গোবিন্দদাস, শশিশেখর প্রভৃতি বৈষ্ণব মহাজনগণের রচিত মধুররসায়ক পদাবলী সুর ও রাগ-রাগিণী-সহযোগে সবাঙ্গ গীত হওয়ার তাহা রস-কীর্তন নামে অভিহিত হইয়াছে। এই রসকীর্তন শ্রীচৈতন্যদেবের আবির্ভাবের বহু-পূর্বে হইতেই প্রচলিত ছিল। তবে তাহা কোন্ সুর, তাল, লয়ে গীত হইত, তৎসম্বন্ধে কোথাও কোনও সুস্পষ্ট নির্দেশ নাই। শ্রীচৈতন্যদেবের আবির্ভাবের পূর্বে চণ্ডীদাস ও বিজ্ঞাপতির পদাবলী কীর্তন হইত। ভক্ত-সমাজে প্রচার, মাধবেন্দ্রপুরী ও ঈশ্বরপুরী কীর্তন শ্রবণে ভাবাবেশে মুচ্ছিত হইতেন। স্বরূপদামোদর জয়দেবের পদাবলী মধুর সুরে গান করিয়া শ্রীশ্রীমহাপ্রভুকে শ্রবণ করাইতেন। বাসুদেব মুকুন্দ প্রভৃতি কীর্তনীয়াগণের কীর্তনে মহাপ্রভুর চিত্ত প্রসন্ন হইত। মুকুন্দদাসের কীর্তন শুনিয়া ভাবোন্মত্ত প্রাচীন বৈষ্ণবগণ তাঁহার চরণ ধরিয়া ভাববিহ্বল চিত্তে অশ্রু-বর্ষণে প্রেম প্রকাশ করিতেন; বৈষ্ণবশাস্ত্রে বর্ণিত এই সকল বিষয়ের আলোচনা করিলে সুস্পষ্টরূপে উপলব্ধি হয় যে, শ্রীচৈতন্যদেবের আবির্ভাবের বহু পূর্বে হইতেই রসকীর্তন প্রচলিত ছিল, এবং তাহা যথেষ্ট উন্নত অবস্থায় উপনীত হইয়াছিল।

কীর্তনের দ্বিতীয় ভাগের নাম নাম-কীর্তন। শ্রীভগবানের প্রতি নমস্কার, স্তুতি-বিজ্ঞপ্তি ও আত্মনিবেদন, তাঁহার জন্ম-ঘোষণা, প্রার্থনা প্রভৃতি ভাবপ্রকাশমূলক তাঁহার নামযুক্ত পদ সাধারণতঃ নাম-কীর্তন পদবাচ্য। রসকীর্তনের সহিত এই নামকীর্তনের সুর ও তালগত প্রধান বৈষম্য এই যে, রসকীর্তনের তাল-সুর-রাগাদি বিশেষ মধুর এবং চিত্তগ্রাহী হইলেও সহজ নহে; কঠোর পরিশ্রম সহকারে ঐ কালের সাধনার ইহাতে সিদ্ধিলাভ করিতে হয়।

এই জন্তই গায়ক যখন রস-কীর্তন গান করেন, তখন ঐ কীর্তনশ্রবণে চিত্ত প্রসন্ন হইলেও সাধারণ শ্রোতাগণ ঐ রস-কীর্তনের সুর-তাল-লয়াদির অনুকরণ করিতে পারেন না; এবং ঐ কীর্তনে যোগদানও করিতে পারেন না, কেবল শ্রোতারূপেই অবস্থান করেন। নাম-কীর্তনের তাল, লয়, সুরাদি অতীব সহজ ও মধুর, সুতরাং শ্রবণমাত্রেই পুলকিত-তনু শ্রোতা ঐ কীর্তনে যোগদান করিতে পারেন। বস্তুতঃ, সকলে একত্রে মিলিয়া গান করিয়া পারমাণ্বিক আনন্দ পাইবার আশায় নাম কীর্তন পদ্ধতি প্রচারিত হইয়াছে। শ্রীচৈতন্যভাগবত পাঠে জানিতে পারা যায় যে, শ্রীচৈতন্যদেব কীর্তন শিক্ষা দিতেছেন,—

“শিষ্যগণ বলেন কেমন সঙ্কীর্তন।

আপনি শিখান প্রভু শ্রীপ্রাচীনন্দন ॥”

( শ্রীচৈতন্যভাগবত ) ।

বৈষ্ণবগ্রন্থে শ্রীমহাপ্রভুকে “সঙ্কীর্তনের পিতা” বলিয়া নির্দেশ করা হইয়াছে। তাঁহার পূর্বে পদাবলী ছিল, সঙ্কীর্তনও ছিল; কিন্তু শ্রীচৈতন্যদেবের সময় হইতেই কীর্তন সর্বত্র প্রচারিত হইল। তিনি তাহাতে একরূপ অপার্থিব সুখা সিদ্ধন করিলেন যে, তাহার মাধুর্য আন্বাদন করিয়া ‘শান্তপুর ডুবডুব, নদে ভেসে যায়!’ বস্তুতঃ, ইহার প্রভাবে সমগ্র দেশই প্রেমতরঙ্গে ভাসিয়া গেল।

রস ও প্রেম বৈষ্ণবপদাবলী-কীর্তনের অপরিহার্য অঙ্গ। প্রাচীন কবিগণ এবং গায়কগণ পদাবলীতে রস ও প্রেম পরিবেশনে অত্যন্ত সতর্কতা অবলম্বন করিতেন, এবং এ বিষয়ে যথেষ্ট সচেতন ছিলেন। কোনও প্রকারে রসের হানিকর কিছু না হয় এবং রসাতাস না ঘটে, তদ্বিষয়ে বৈষ্ণব অলঙ্কার ও সিদ্ধান্ত-শাস্ত্রমতে পদাবলী রচিত ও গীত হইয়া আসিতেছে। কীর্তনের সহিত বৈষ্ণবের ‘পারমাণ্বিক বস্তু’র ধুব নিকট সম্বন্ধ। সুর-তালের উৎকর্ষ জ্ঞাপন করিয়া কেবল তাহারই অনুশীলনে বিগুঢ় কলা-বিজ্ঞার প্রতিষ্ঠার উদ্দেশ্যেই কীর্তন-পদ্ধতি প্রচলিত হয় নাই, সুতরাং সুর ও তাল প্রভৃতি ইহার গৌণ সঙ্গ ও অঙ্গ। রস, প্রেম ও ভাব ইহার মুখ্য সঙ্গ (প্রকৃতি) ও অঙ্গ। সুর ও তালকে অবলম্বন করিয়া ঐ রস, প্রেম ও ভাব পরমার্থের উদ্দেশ্যেই প্রধাবিত; সুতরাং বৈষ্ণবসমাজ ঐ রস, প্রেম ও ভাবের অমর্যাদা সহ করিতে পারেন না।

যে, যে স্থলে যত প্রকারে প্রিয়তমকে ভালবাসিতে পারে সেই ভালবাসার সমুদ্র মহন করিয়া তাহার সার সংগ্রহ করিলে যে বস্তু পাওয়া যায়—তাহাই প্রেম; এই প্রেমের সার বস্তুর নাম মহাতাব, এবং বৈষ্ণবের শ্রীরাধা এই মহাতাবের স্বরূপ।

“প্রেমের পরম সার মহাতাব জানি।

সেই মহাতাবরূপা রাধাঠাকুরাণী ॥”

(শ্রীচৈতন্যচরিতামৃত)

বাহা অপেক্ষা শ্রেষ্ঠ ও প্রেষ্ঠ কেহ নাই, যিনি চিরমধুর, চির-কিশোর, আনন্দ লীগাময়-বিগ্রহধারী সেই নবজলধর-গ্রামরূপ বেণুধর মনপ্রাণনেত্রোৎসব শ্রীকৃষ্ণই বৈষ্ণবের প্রিয়তম পারমাখিক বস্তু, এবং এই ব্রজ-নব যুগদ্বন্দ্ব শ্রীরাধা-কৃষ্ণকে ঘিরিয়া বৈষ্ণবের গান, তাহাই বাঙ্গালার তথা ভারতের অমূল্য সম্পদ বৈষ্ণব-কীর্তনপদাবলী সাহিত্য। কাব্যসম্পদে যথেষ্ট সমৃদ্ধ হইলেও ইহা কল্পনার চির-পরিসর সমুদ্রক্ষে কবির ভাবরাশির রঞ্জিল ফেনিল উচ্ছ্বাস নহে। সাপ্রাণ সাধনায় জীবনের প্রতি স্তরে উদাসী, আপন-ভালা বৈষ্ণব যে সত্য ও আনন্দকে অনুভব করিয়াছেন যে মধুর উন্মাদনার স্পর্শে তাঁহার জীবনের প্রতিমূর্ত্ত সার্থক হইয়াছে, ইহা সেই আনন্দ, মাধুর্য ও প্রেমের অমৃতময় প্রবাহ। সেই প্রবাহ সুর, তাল প্রভৃতি আশ্রয় করিয়া কীর্তনরূপে পরমার্থের উদ্দেশে ধাবিত হইয়াছে।

সঙ্গীতবিলাসী কেহ কেহ কীর্তনে “more idiosyncratic than music” বলিয়া দোষ দেখাইয়া থাকেন। কিন্তু সুর ও তালাদিকে গৌণরূপে চর্চা করিয়াও প্রাচীন বৈষ্ণব কীর্তনীয়াগণ কীর্তনে সুর-তালের যে চমৎকারিত্ব ও উৎকর্ষ সৃষ্টি করিয়াছেন, আলোচনা করিলে দেখা যায় যে, তাহা ভারতীয় ও বৈদেশিক যে কোনও শ্রেষ্ঠ সঙ্গীতধারার সুর ও তালাদি অপেক্ষা কোনও অংশে নিকৃষ্ট তো নহেই, অধিকন্তু সমকক্ষ, এবং বহু স্থলে উৎকৃষ্টতর বলিয়া পরিগণিত হইয়াছে এবং Wagner, Beethoven, Mozart, Schubert ইত্যাদি পাশ্চাত্য সঙ্গীত-মহাজনগণের সঙ্গীতের সহিত বাঙ্গালার কীর্তনসমাজ স্থান পাইতে পারে বলিয়া যুরোপীয় সঙ্গীতবিদগণ অভিমত প্রকাশ করিয়াছেন। এক্ষণে কীর্তনের সুর ও তালাদি

এবং গান করিবার পদ্ধতি সম্বন্ধে কিছু আলোচনা করিয়া এই প্রবন্ধ শেষ করিব।

বহুদিন হইতেই কীর্তন ভারতীয় সঙ্গীতের একটি বিশিষ্ট ধারারূপে প্রবাহিত হইয়া আসিতেছে, কিন্তু কোন সুর-তালাদিতে এই কীর্তন গান হইত, তাহার বিশেষ কোনও ইতিহাস ছিল কি না, তাহা শ্রীচৈতন্যদেবের প্রভাব-বিস্তারের পূর্ব পর্যন্ত জানিতে পারা যায় না। কীর্তনে যে সকল সুর-তাল-মান প্রভৃতির নাম ব্যবহৃত হইতে দেখা যায়, ভারতীয় অগ্রাগ্র ধারাতেও সেই সকল নামাদিরই ব্যবহার লক্ষিত হয়, কিন্তু উভয়ের ভঙ্গী ও চলন এক-প্রকার নহে। উত্তরকালে শ্রীশ্রীমহাপ্রভুর সময় হইতে কীর্তনের সুর-তাল প্রভৃতি একটি বিশিষ্ট রূপ ও প্রাণ প্রাপ্ত হয়, এবং তৎপরে ক্রমান্বয়ে কীর্তনীয়াগণ ও পদাবলী-কার মহাজনগণ কীর্তন-গানের বিশেষ উন্নতি সাধন করেন। হিন্দুর সঙ্গীতশাস্ত্রানুসারে অতি যত্নের সহিত বিশুদ্ধ ভাবে কীর্তন গানে সুর ও তালাদি সংযোজিত হইয়াছে।

স্বলতঃ আমরা কীর্তনের যুগকে প্রধানতঃ তিন ভাগে বিভক্ত করিতে পারি। প্রাচীন কাল হইতে আরম্ভ করিয়া কবি জয়দেব, বিষ্ণুপতি, চণ্ডীদাসের যুগ পর্যন্ত প্রথম ভাগ, এবং তাহার পর হইতে শ্রীশ্রীমহাপ্রভুর যুগ অর্থাৎ নরহরি ঠাকুর, বাসুদেব ঘোষ, রামানন্দ, দামোদর প্রভৃতি পদকর্তামহাজনগণের যুগ পর্যন্ত দ্বিতীয় ভাগ ও পরিশেষে শ্রীশ্রীমহাপ্রভুর অন্তর্ধানের প্রায় ৫০৬০ বৎসর পরে খেতুরী গ্রামে নরোত্তম দাস, শ্রীনিবাসাচার্য্য, গোবিন্দ দাস, জ্ঞানদাস, নয়নানন্দ, রামচন্দ্র কবিরাজ প্রভৃতি পদকর্তা ও কীর্তনীয়াগণের মিলনের যুগ পর্যন্ত তৃতীয় ভাগ। এই তৃতীয় ভাগের যুগেই সঙ্গীত কলাবিদ্যার সর্বোচ্চ শিখরে আরোহণ করিয়াছিল বলিয়া মনে হয়, এবং কীর্তনের সুর-তালাদির ইতিহাস ঐ সময় হইতেই সমধিক ভাবে প্রাপ্ত হওয়া যায়।

তবে বক্তব্য এই যে, পূর্ব পূর্ব দুই ভাগের যুগে কীর্তন যে সকল সুর ও তালাদিযোগে গীত হইত, তাহা যে তৃতীয় ভাগের যুগে কীর্তনে প্রচলিত সুর-তাল অপেক্ষা বিশেষ গুরুতর পার্থক্যযুক্ত, এরূপ মনে হয় না; কারণ, পূর্ববর্তী পর পর দুই ভাগের যুগে প্রবাহিত কীর্তনধারা

পরবর্তী তৃতীয় ভাগের সময়ে রাগ-রাগিণী সুর-তালাদির দ্বারা বিশেষ পুষ্টিলাভ করিয়াছে মাত্র। তাৎকালিক প্রচলিত কীর্তন গানের উৎকর্ষ সর্বদে পরবর্তীকালের বৈষ্ণবগ্রন্থে নিম্নলিখিতরূপ উক্তি পাওয়া যায় :—

রাগিণী সহিত রাগ মূর্তিমন্ত কৈলা ।  
 ঋতি স্বর-গ্রাম মূর্ছনাদি প্রকাশিলা ॥  
 সমধুর কর্ণধ্বনি ভেদয়ে গগন ।  
 পরমমাদক সুধা নাহি তার সম ॥

( ভক্তিরত্নাকর ) ।

যাহা হউক, শ্রীশ্রীমহাপ্রভুর পরবর্তীকালে ঐ সময় হইতে প্রচলিত এই কীর্তনধারায় চারি প্রকার পদ্ধতি প্রচলিত হইল। প্রথম গরাণহাটা, দ্বিতীয় মনোহরসাহী, তৃতীয় বেণেটী, চতুর্থ মন্দারিণী। এই চার-ঘরের প্রবর্তিত পদ্ধতি অনুসারে বর্তমানে কীর্তনের ধারা চলিয়া আসিতেছে। গঙ্গার সহিত যমুনা ও সরস্বতীর মিলনের ত্রায় ভগবৎ-প্রেমের সহিত গীতিকাব্য ও সঙ্গীত মিলিত হইয়া কীর্তনরূপে পরিবর্তিত হইয়াছে। ইহা ধারাবাহিক একটি মাত্র কবির রচিত কোনও কাব্য বিশেষ নহে। বিভিন্ন সময়ের বৈষ্ণব-কবির রচিত বিভিন্ন রসের ক্ষুদ্র ক্ষুদ্র গীতিকবিতা বৈষ্ণবরসশাস্ত্র ও সিদ্ধান্তানুসারে সমজাতীয় রস পর্যায়ক্রমে সংযোজিত হইয়া পালা-রূপে কীর্তনের গীত হইয়া থাকে।

অনুরাগ, অভিসার, বাসকসজ্জা, মান, দান, কলহাস্তুরিতা, রাসখণ্ডিতা, ইত্যাদি বিভিন্ন পদে প্রয়োজনানুরূপ আখর-সংযোগে গানের মাধুর্য্য ও রস বদ্ধিত করিয়া শ্রোতার হৃদয়ে আনন্দ ও তৃপ্তি সঞ্চার করা হইয়া থাকে। এক রসের পদের ক্রমমধ্যে অত্র রসের পদ গান করা বা আখর দেওয়া নীতিবিরুদ্ধ ও রসাপকর্ষক। আখর ও কাটান গানের মূল অর্থকে অবলম্বন করিয়া স্বকীয় রচিত অলঙ্কার-বাক্যবিশেষ, ইহা মূল পদকে অধিক হৃদয়গ্রাহী করে। কীর্তনে বাণ্যস্বয়ং হিসাবে মৃদঙ্গ, শ্রীখোল এবং করতালই প্রশস্তরূপে ব্যবহৃত হয়। এই শ্রীখোলের বাণ্য যেমন সুমধুর, বাণ্য হিসাবে তেমনি উচ্চাঙ্গের বস্তু। তাই বুঝি ভাবুক ভক্ত ভাবোচ্ছাসিত হৃদয়ে উত্তর বাহু প্রসারিত করিয়া শ্রীখোল ও ধূলী উভয়কে আলিঙ্গন করিতে চাহেন,

কেহ বা ভাবাবেশে বিভোর হইয়া ধরাশায়ী হইয়া থাকেন। কোনও পালা কীর্তন করিবার পূর্বে তদুচিত গৌরচন্দ্রিকঃ অর্থাৎ শ্রীশ্রীমহাপ্রভু গৌরাজ সন্থকে একটি পদ কীর্তন করিবার রীতি কীর্তন গানের বিশিষ্ট অঙ্গ। পালা গানের সময়-ভেদ আছে; যথা, প্রভাতে খণ্ডিতা, রাত্রে রাস ইত্যাদি এবং গানশেষে মিলন গান করিতে হয়। পূর্বরাগ ও অনুরাগ গানের শেষে মিলন গান না করিয়া কুমর গান করিয়া গান রক্ষা করা যাইতে পারে; পরে ইচ্ছামত একবার শেষে মিলন গান করিলেই চলে। কীর্তন সন্থকে এই সকল সাধারণ নিয়ম চার-ঘরেই সমান; কিন্তু তাল, লয়, গতি, সুর প্রভৃতিতে পার্থক্য আছে। গরাণহাটা পদ্ধতিতে সুর ও তালের উপর বিশেষ যত্ন ও নজর দেওয়া হইয়াছে। সেই হেতু ইহার সুর ও মাত্রা অতীব দীর্ঘ ও তাল বিলম্বিত। শ্রীল নরোত্তম ঠাকুর এই পদ্ধতির কীর্তন প্রচার করেন।

তিনি প্রথমে বৈরাগ্য অবলম্বন করিয়া শ্রীবৃন্দাবন গমন করেন। পরিশেষে স্বীয় গুরুর আদেশে দেশে প্রত্যাগমন করিয়া সংসারাত্মকে প্রবেশ করেন, এবং রাজসাহী জিলার গরাণহাটা পরগণাস্থিত নিজ বাসস্থান খেতুরী গ্রামে শ্রীশ্রী গৌরবিষ্ণুপ্রিয়া যুগল-সেবা স্থাপন করিয়া সেখানে বসবাস করেন। তিনি সঙ্গীতশাস্ত্রে বিশেষ পারদর্শী ছিলেন। ঠাকুর প্রচারিত পদ্ধতিই গরাণহাটা পরগণার নামানুসারে গরাণহাটাঘরের কীর্তন গান বলিয়া প্রসিদ্ধি লাভ করিয়াছে। বিভিন্ন স্থল হইতে বহু কীর্তনীয়া আসিয়া ঐ ঘরের কীর্তন আয়ত্ত করেন, এবং এইরূপে তাহা সমগ্র বঙ্গদেশে ও শ্রীবৃন্দাবনে বিস্তার লাভ করে; কিন্তু ঐ ঘরের গান ও তাহার চলন অত্যন্ত কঠিন বলিয়া পরে উহার চর্চা যথেষ্ট হ্রাস হয়। পরবর্তী সময়ের নবদ্বীপধামেশ্বর শ্রীশ্রীগৌরাজ মহাপ্রভুর শ্রীমন্দিরের শ্রীচৈতন্যদাস বাবাজী মহারাজ ঐ ঘরের কীর্তনে বিশেষ দক্ষতা লাভ করিয়াছিলেন, এবং ঠাকুর শিষ্য শ্রীগিরিধারী বাবাজী মহারাজ ও শ্রীপণ্ডিত বাবাজী ( যিনি শেষে শ্রীবৃন্দাবনে ছিলেন ) প্রভৃতি ঐ গান রক্ষা করিতেছিলেন।

নবদ্বীপ চিরদিনই কীর্তন গানের একটি প্রধান কেন্দ্র। এখানে শ্রীবিষ্ণুপ্রিয়া স্থাপিত ধামেশ্বর শ্রীশ্রীগৌরাজ মহাপ্রভুর মন্দিরের মাঘী পূর্ণিমার ধূলোট উৎসব অর্থাৎ



২ দিন অহোরাত্র রাসলীলা কীর্তনের পর আচণ্ডালের ইলিত বাসরে শ্রীরজ-গ্রহণ-বিতরণোৎসব বহুদিন হইতে ব্রদেশে সুপ্রসিদ্ধ। ঐ সময়ে দেশের বিভিন্ন অঞ্চল হইতে আনীত সাত সম্প্রদায়ের কীর্তন পূর্বোক্ত চার-ঘরের প্রচলিত পদ্ধতিতে ৬৪ রঙ্গের পর্যায়ক্রমে দ্বাদশ দিনব্যাপী সঙ্গীতালোচনা বহুকাল হইতে চলিয়া আসি-  
 তছে। শ্রীমন্দির-প্রাঙ্গণে প্রাচীন কালে পরমভাগবত শ্রীলঙ্কচৈতন্যদাস বাবাজী মহারাজ গরাণহাটী পদ্ধতির; নামধন্য কীর্তনীয়া শ্রীরসিকদাস, শ্রীবেণীদাস প্রভৃতি নাহরসাহী পদ্ধতির; নবীনদাস, বনওয়ারীদাস প্রভৃতি খ্যাত গায়কগণ রেণেটী পদ্ধতির এবং উদ্ধবদাস, খিলদাস প্রভৃতি মন্দারিণী পদ্ধতির কীর্তন গান করিয়া ক্রুগণের আনন্দবর্দ্ধন করিতেন। ঐ সকল মহাজনের ভাব ঘটলে পরবর্ত্তীকালে শ্রীপ্রাঙ্গণে শ্রীগিরিধারী বাজী মহারাজ সর্বজনবিদিত গণেশদাস, রাধিকা কার, প্রেমদাস, প্রভৃতি কীর্তনীয়াগণ ঐ চার-ঘরের কীর্তন গান করিতেন। তৎপরে শ্রীহরিদাস, বর্ত্তমানের কীর্তনীয়া চূড়ামণি শ্রীমুরেন্দ্র আচার্য্য, এবং ময়না ডালের ঠাকুর মিত্র ঠাকুর শ্রীধামিনী মুখোপাধ্যায় প্রভৃতি কীর্তনীয়াগণ কীর্তন করিয়া আসিতেছিলেন; কিন্তু বড়ই কথার কথা যে, কিছু দিন হইল, শ্রীহরিদাস ও শ্রীমুরেন্দ্র আচার্য্য এই দুই জন শ্রেষ্ঠ কীর্তনীয়াই নিত্যধাম প্রাপ্ত হইয়াছেন। এই উৎসবের অনুকরণে নবদ্বীপের অন্যান্য দেবালয়ে ও আখড়ায় ঐ প্রকারে কীর্তন গান হইয়া থাকে। অন্ততম প্রসিদ্ধ কীর্তনগায়ক শ্রীঅবধুত মুখোপাধ্যায়ও এই সময় একটি আখড়ায় কীর্তন করিয়াছেন।

গরাণহাটী পদ্ধতিতে বহুপ্রকার তালের ব্যবহার আছে। ই ১০৮ প্রকার তালের চলন তন্মধ্যে সমধিক। যথা—দশকোষী, সমতাল, তিওট, ডাঁশপাহিড়া, আড় ইত্যাদি। এই আবার বড়-মধ্যম ছোট এবং কাটা ভেদে ১০৮ প্রকার তাল প্রধানতঃ পূর্ণ হইয়াছে।

হিন্দুসঙ্গীতশাস্ত্রানুসারে ঐ সকল তালের লক্ষণ ও গতি নির্দেশ করা যাইতে পারে। পাঠকবর্গের কৌতূহল পরিতৃপ্তির সংক্ষেপতঃ কয়েকটিমাত্র বিশেষ বিখ্যাত তালের লক্ষণ নির্দেশ করা হইতেছে। প্রাচীন সঙ্গীতশাস্ত্রানুসারে

তাল শব্দের মৌলিকতার অনুসন্ধান করিলে দেখা যায় যে, মহাদেবের অর্থাৎ পুরুষের নৃত্যকে 'তাণ্ডব' এবং গৌরীর অর্থাৎ স্ত্রীনৃত্যকে 'লাস্য' বলে। এক্ষণে তাণ্ডবের আত্মাকর "তা" এবং লাস্যের আত্মাকর "ল" এই উভয়ের সংযোগে "তাল" শব্দের উৎপত্তি হইয়াছে। "হর-নৃত্যস্ত তাণ্ডবং গৌর্যানৃত্যস্ত লাস্যম্ ইতি সংজ্ঞা"। "পুরুষ-নৃত্যস্ত তাণ্ডবং নার্যানৃত্যস্ত লাস্যমিতি নাম"। "তাণ্ডব-স্তাত্মাকরণে লাস্যস্তাত্মাকরণে চ মিলিত্বা তাল ইতি সংজ্ঞা জাতা"। ক্রিয়ার নিরূপক প্রমাণই তাল। ১০১ প্রকার তালের মধ্যে নাট্যশাস্ত্রকার ভরতের মতে চর্চৎপুট প্রভৃতি ৬০ প্রকার তালই প্রধান। কীর্তনে প্রচলিত দশকোষী, ডাঁশপাহিড়া, ছুটকা, কন্দর্প প্রভৃতি তাল ব্রহ্ম তালের অন্তর্গত বিভিন্ন প্রকার ভেদ মাত্র। দশকোষী তালই কীর্তনের মধ্যে বিশেষ কঠিন এবং বিলক্ষণ বিস্তৃত। এই তালের যতি অত্যন্ত বিলম্বিত। তাল ও মাত্রা সঙ্ঘোচ করিয়া ব্যবহার করিলে ইহাই মধ্যম কাটা বা ছোট দশকোষী নামে গানে ব্যবহৃত হয়। বিলম্বিত তাল ও মাত্রা-যুক্ত দশকোষীই বড় দশকোষী অথবা যোতি বা যোৎ নামে প্রসিদ্ধ। দশকোষী স্থলে অনেক সময় দশকুশী এই প্রকার বাণান চলন আছে; দশটি কোষযুক্ত বাহা—তাহা দশকোষী, পক্ষান্তরে দশটি কুশ অর্থাৎ ফাল (বিদারণ-বন্ধ বিশেষ, ফল্যতে বিশীর্ঘ্যতে ইতি) যুক্ত বাহা—তাহা দশকুশী; ফলতঃ, উভয় শব্দের তাৎপর্য্য অতিশয় অর্ধে প্রযোজ্য। অনেকে "দশকুসি" বাণান লিখিয়া থাকে, তাহা ভুল।

সঙ্গীতশাস্ত্রে দশকোষীর লক্ষণ যথা :—

“একতালমেকশূত্রমিত্যেবঞ্চ ভবেৎ ক্রমাৎ  
 বিরাম একতালঞ্চ বাগ্ভেদে দশকোষিকা ॥”

কীর্তনে প্রচলিত দশকুশী সর্বাংশে ঠিক ঐ লক্ষণের অনুরূপ নহে। শ্রীরাধার পূর্বরাগের গৌর-চন্দ্রিকা পদের মাত্র একচরণ প্রথম কাটান সহ বড় দশকুশী অর্থাৎ যতি বা যোৎ তালে বাহা কামোদ সুরে গান হইবে, নিজে তাহা তালসহ অঙ্কপাত করিয়া দেখান হইল। “নিরমল গৌরাত্ম কবিত কাঞ্চন জন্ম।” অর্থাৎ শ্রীগৌরাক্ষের নির্মল তম্বু কষ্টি-পাথরে পরীক্ষিত বেন বিগুহ স্বর্ণ।

## তাললিপি

নিরমল গোরা-তম্বু কবিতা কাঞ্চন জম্বু :—

তাল—বড় দশকুশী অর্থাৎ যতি ( যোৎ ইতি ভাষা )

স্বর— কামোদ

চৌদ্দ মাত্রা ।

ছাপ্পান্ন মাত্রা ।

নি ই র অ অ ম ল অ, অ অ, অ অ, অ অ, অ অ, অ অ, অ অ, গৌ ওঁ,  
 রাঁ আ, তম্বু, \* উঁ উঁ, উঁ, উঁ উঁউঁ, উঁউঁ, তম্বু উ ক বি ই তত, অ অ,  
 অ অ, কবিতাকাঁ, ঞন, অ অ, অ অ, অ অ, জ, অ অ, হুঁ উঁ,  
 উঁ উঁ, উঁ ( নি ই র অ অ ম ল অ ) ॥১॥

নি র ম ল অ অ গোরা তম্বু উঁ উঁ = মুখপাত ।

প্রথম কাটান :—

নিঁ রঁ মঁ লঁ গোরাঁ আঁ আঁ আঁ আঁ আঁ আঁ আঁ আঁ আঁ আঁ  
 হুঁ উঁ উঁ উঁ উঁ ত অ অ হুঁ উঁ উঁ কবিতা অ অ ॥১॥

আদৌ মুখপাত গান করিয়া “\*” চিহ্নিত স্থানের পর হইতে গান জুড়িতে হইবে এবং সম্পূর্ণ অংশ যথাক্রমে গায়িয়া আসিয়া “+” চিহ্ন পর্য্যন্ত গান আসিলে বক্র রেখার দ্বারা তলদেশ রেখাঙ্কিত + ৪ তালালিপি অংশটি গায়িতে হইবে, এবং তাহার পর আর মুখপাত গান না করিয়া যথাক্রমে ১, ২, ৩—৪ এই তালালিপি পর্য্যন্ত গান করিয়া ৮ নিশান চিহ্নিত স্থানের পর হইতে প্রথম কাটান জুড়িতে হইবে। এইরূপে এককেরা কিছা হই তিন ফেরা গান গায়িয়া মাতান হইবে। মোট মূল হুই দফার ৮টি বিলম্বিত তাল । + ৪নং জোড়ায় ধরণ । ৩৬টি শূন্য ; জোড়া তাল ১৪ মাত্র তত্ত্বিন্ন ৫৬ মাত্রায় পড়িবে ; এবং একটি মাত্র সোম । মুখপাত গানের প্রথমে একবার মাত্র আসিবে। যদিও কাগজে কলামে লিখিয়া ইহা বুঝান যায় না, তথাপি পাঠকবর্গের অবগতির জন্য যতদূর সম্ভব প্রকাশ করা হইল।

সঙ্গীতশাস্ত্রানুসারে ডাঁশপাহিড়া তালের লক্ষণ :—

পঞ্চতালপরং শূন্যং ডাঁশপাহিড়মুত্তমম্ ।

অতুর্দ্বন্দ্ব ভবেৎ ত্রস্তং সংগ্রামস্ত যথা গতিঃ ॥

মূল শাস্ত্রসম্মত লক্ষণাদির সহিত কীর্তনে ব্যবহৃত তাল ও সুরের অনেক পার্থক্য দেখা যায়। আড়, সমতাল,

প্রভৃতি অষ্টতালের অন্তর্গত এবং সম্প মাত্রা তাল প্রভৃতি ব্রহ্ম তালের ও পঞ্চালী, মদনদোলা প্রভৃতি ইন্দ্রতালের অন্তর্গত। সঙ্গীতদামোদরের মতে শুদ্ধ শালগ ও সঙ্গীত ভেদে গান তিন প্রকার। কীর্তনের একতালা, বুমরি, যতি প্রভৃতি শালগস্বত্রসম্মত। দোহা প্রভৃতি সঙ্গীত স্বত্রসম্মত। এই সকলের বিশেষ বিবরণ স্বতন্ত্র প্রবন্ধে আলোচ্য।

শ্রীনিবাস আচার্য ঠাকুরের প্রবর্তিত কীর্তন-পদ্ধতি বর্ধমান জেলার মনোহরসাহী পরগণা হইতে উদ্ভূত হইয়াছিল ; সে কারণ উহা “মনোহরসাহী” নামে বিখ্যাত। এই ঘরের কীর্তনের তালের গতি গরণহাটী অপেক্ষা দ্রুত ও সহজ। সাধারণতঃ এই পদ্ধতিতে ৬০টি তালের ব্যবহার দেখা যায়। উপস্থিত বঙ্গদেশে ঐ ঘরের গানের প্রচলনই অধিক।

বর্ধমান জেলার রাণীহাটী পরগণা হইতে উদ্ভূত কীর্তন-পদ্ধতি “রেণেটি”-পদ্ধতি বলিয়া খ্যাত।

এই ঘরের গানের মাত্রা ও তাল সরল ও দ্রুত, জন সাধারণ সহজেই তাহা আয়ত্ত করিতে পারে। ইহা সাধারণতঃ ৩০টি তাল ব্যবহৃত হইতে দেখা যায়।

“মনারিণী”-পদ্ধতির কীর্তন কোথা হইতে উদ্ভূত, তাহা র

শেষ কোনও ইতিহাস সংগৃহীত হয় নাই। অনেকের মতে ইহা এই তিন-ঘরের সংমিশ্রণে রাঢ়দেশীয় কীর্তনীয়া-গণের সৃষ্ট সহজ কীর্তন-রীতি। পরবর্তী সময়ে পশ্চিম-বঙ্গের রাঢ় অঞ্চলেই কীর্তনের সমধিক প্রচলন হয়; বর্তমান কালের প্রসিদ্ধ কীর্তনীয়া ও পদকর্তাগণ প্রায় সকলেই রাঢ়ের। এই স্থানের কীর্তনীয়াগণই শ্রীবৃন্দাবনাদি স্থানে কীর্তনের প্রচার করেন। ‘মন্দারিণী’-ঘরের পৃথক্ চলন র্তমান নেই। এই পদ্ধতিতে দ্রুত ও সরল গতিসম্পন্ন ২টি তালের ব্যবহার দেখা যায়। গায়কগণ গানের ধুরতা ও গতির স্বাচ্ছন্দ্য এবং টাকিসুরের নৈপুণ্যবিধানের মন্দারিণীর গতি, ঝঙ্কার ও চলন নিজ নিজ প্রচলিত রীতির সহিত সংমিশ্রিত করিয়া থাকেন।

এই চার ঘরের কীর্তন-পদ্ধতি বর্তমানে কোথাও ঠিক আছে, কোথাও বিকৃতভাবে, কোথাও বা মেঠো গ্রাম্য র সংযোগে অদ্ভুত আকারে প্রচলিত আছে। যথাযোগ্য শিক্ষা, প্রচার ও সংস্কারের অভাবে এই চার-ঘরের কীর্তন-রীতি বিলুপ্ত হইবার উপক্রম হইয়াছে।

সাধারণতঃ গ্রামফোনের রেকর্ড প্রভৃতিতে চণ্ডীদাস,

গোবিন্দদাস ও অন্যান্য পদকর্তার যে সকল কীর্তন শুনিয়া সঙ্গীতানুরাগী শ্রোতারা তৃপ্তিলাভ করিতেছেন, তাহা প্রকৃত পক্ষে কীর্তন নহে। কীর্তনের একটু আধটু রেশ ইহাতে আছে মাত্র, ঐ সকল কীর্তনকে “রংএর গান” বলা যাইতে পারে। শ্রোতার চিত্ত সহজে আকর্ষণ করিবার জন্ত এই প্রকার রংএর গানের প্রচলন আধুনিক কীর্তনীয়াগণের মধ্যেও বিরল নহে।

প্রকৃত কীর্তন গানে হিন্দুসঙ্গীত-শাস্ত্রসম্মত রাগ-রাগিণী সুর-তালাদি সংযোজিত আছে; কিন্তু তাহা ভারতীয় অন্যান্য সঙ্গীতধারা হইতে এমনি একটা অপূর্ণ বৈশিষ্ট্যযুক্ত যে, শ্রবণ মাত্রই অন্যান্য যাবতীয় গান হইতে সাধারণ শ্রোতা কর্তৃক ও ইহার পার্থক্য অনুভূত হয়। কীর্তন গান অপর সকল গান অপেক্ষা চিত্তোন্মাদক ও স্তমোহন; একারণ দেখা যায় যে, কীর্তনের পর সেই আসরে আর অন্য গান প্রায়ই জন্মে না। কীর্তন বাঙ্গালীর নিজস্ব অমূল্য সম্পদ। আশা ও আনন্দের কথা এই যে, বর্তমানে শিক্ষিত সম্প্রদায় কীর্তনের বিশুদ্ধির প্রতি লক্ষ্য রাখিয়া ইহার প্রচারের জন্ত সচেষ্ট হইয়াছেন।

শ্রীগৌরকিশোর গোস্বামী (বেদান্ততীর্থ)।

## আগামী কাল

কাল প্রভাতে কি রঙীন আলোয়  
উদবে তপন পূর্বাকাশে,  
শিশিরের বৃকে শত রামধনু  
জাগিবে কি কচি ছুঁকাধাসে ?  
গাহিবে কি পাখী নতুন ছন্দে ?  
ভরিবে বনানী মধুর গন্ধে,  
চঞ্চল পায়ে বহি দূর পথ  
চলিবে কি কেহ অজানা আশে ?  
জাগিবে কি সেথা অপরূপ আভা  
আকাশ যথায় ধরায় মেশে ?  
কাল কি সেথায় বাজিবে কণ্ঠ  
আজ যেথা সুর উঠিছে ভেসে ?  
চলিবে কি নদী অজানার টানে  
দূর্বীর বেগে সাগরের পানে,  
উদ্ধার মত উল্লাসে মাতি  
ছুটিবে সমীর দেশ-বিদেশে ?

আনমনে বসি' কাল কোনো কবি  
রচিবে কি কোনো কাব্য-গাথা,  
প্রিয় আশা-পথ চাহিয়া কি রবে  
কারো হৃদয়ের আসন পাতা ?  
নিশীথের ফুল ফুটিয়া নীরবে  
কাল প্রভাতে কি চাহিয়া সে রবে,  
কাল প্রভাতে কি আসিবে ভ্রমর  
শোনাতে তাহারে গোপন কথা ?  
এই হৃদয়ের ক্ষীণ সাড়াটুকু  
কে বলিবে কাল যাবে না থামি',  
কে বলিবে কাল হবেই প্রভাত  
আজিকার এই গভীর যামি ?  
উচ্ছ্বাস-ভরা প্রাণের ছন্দ  
কে বলিবে কাল হবে না বন্ধ,  
কে বলিবে কাল নব-জাগরণ  
ধরণীর ঘারে আসিবে নামি ?

এস, এ, জাকর।

# ইতিহাসের খণ্ডস্বরূপ

## বঙ্গদেশ কি আৰ্য্যাবর্তের বাহিরে ?

বঙ্গদেশ কি আৰ্য্যাবর্তের বাহিরে ? অধুনা এই প্রশ্ন অনেকেরই মনে উদ্ভিত হইতেছে। অনেকগুলি যুরোপীয় পণ্ডিত বঙ্গদেশকে—অর্থাৎ আধুনিক বাঙ্গালা প্রদেশকে আৰ্য্যাবর্তের সীমার বহির্ভূত বলিয়া অভিমত প্রকাশ করিয়াছেন। সেই জন্ত অনেকে ভাবিতেছেন, হবেও বা। সাদা মুখের কথা কখন মিথ্যা হয় ? এই প্রশ্নে স্মরণ হইতেছে, বঙ্কিমচন্দ্র ঊর্দ্ধ শতাব্দীরও অধিককাল পূর্বে বিজ্ঞপক্ষে বলিয়াছিলেন, বেঞ্জামিন্ গল অর্থাৎ বেং গল নামক ইংরেজ সর্বপ্রথম বাঙ্গালা আবিষ্কার করেন ; তাঁহার নাম অনুসারেই বাঙ্গালার নাম হইয়াছে বেঙ্গল ! আমরা বাল্যকালে পাঠ করিয়াছিলাম—বাঙ্গালা দেশটি সাগরগর্ভ হইতে অল্পদিন পূর্বে উদ্ভিত হইয়াছে,—সুতরাং উহা নবীন দেশ। তাহার পর মানব জাতির মধ্যে অনার্য্য জাতিই প্রথমে আসিয়া এই দেশে বাস করিতে আরম্ভ করে। ইহা ছিল কিরাতের দেশ। কিন্তু গবেষণার ফলে বুঝিতে পারা গিয়াছে, এই ধারণা ভুল। বঙ্গদেশ অত্রান্ত বহু দেশের পরে সাগরগর্ভ হইতে উদ্ভিত হইলেও দুই-চারি সহস্র বৎসর পূর্বে উহা যে সাগর-গর্ভে নিমজ্জিত ছিল এরূপ নহে। বৈজ্ঞানিক-রাও সে কথা বলেন না। মহাভারত ও অত্রান্ত পুরাণ হইতে জানিতে পারা গিয়াছে, বলি রাজার পাঁচ পুত্র অর্থাৎ অঙ্গ, বঙ্গ, কলিঙ্গ, সূর্য্য এবং পৌণ্ড্র ; এই পাঁচ জন পূর্বভারতে পাঁচটি রাজ্য লাভ করিয়াছিলেন। তাঁহাদের নাম অনুসারে পূর্বভারতের ঐ পাঁচটি রাজ্যের নাম হইয়াছিল—অঙ্গ, বঙ্গ, কলিঙ্গ, সূর্য্য এবং পৌণ্ড্র। বলি রাজার পুত্র পাঁচ জন যে একেবারে অনার্য্য জাতির অধ্যুষিত রাজ্যে রাজত্ব করিতে আসিয়াছিলেন, এরূপ মনে করিবার কারণ নাই। একাকী বা কয়েক জন লোক লইয়া অনার্য্য-জাতিপূর্ণ এক একটা বিস্তীর্ণ রাজ্য শাসন করা কাহারও পক্ষে তখন সম্ভব ছিল না ; অবশ্য তখন ঐ রাজ্যগুলির বিস্তার এবং অবস্থান ঠিক কোথায় এবং কি ভাবে ছিল, তাহা নির্ণয় করা কঠিন। তবে অঙ্গ, বঙ্গ, সূর্য্য এবং পৌণ্ড্র যে আধুনিক

বাঙ্গালা প্রদেশেরই মধ্যে ছিল, এরূপ অনুমান প্রায় সকলেই করিয়া থাকেন। কৰ্ণ ছিলেন অঙ্গাধিপতি। তিনি কুরুক্ষেত্রের যুদ্ধে কৌরব-পক্ষ অবলম্বন করিয়াছিলেন। খৃষ্টের জন্মের প্রায় আড়াই হাজার বৎসর পূর্বে কুরুক্ষেত্রের যুদ্ধ সংঘটিত হইয়াছিল। কতকগুলি যুরোপীয় পণ্ডিতও একথা স্বীকার করেন। কেহ কেহ উহা পরবর্তীকালের ঘটনাও বলেন। যুরোপীয়গণ ভারতের কাল-গণনার অনেক ভুল-ভ্রান্তি করিয়া থাকেন,—এরূপ ধারণা অসঙ্গত নহে। তাঁহাদের ঐরূপ ভ্রমে পতিত হইবার অনেক কারণ আছে। ইহাও জানিতে পারা গিয়াছে যে, পরশুরাম ব্রহ্মপুত্র নদকে ব্রহ্মপুত্র হৃদ হইতে কাটিয়া বাহির করিয়া জনসাধারণের অশেষ উপকার সাধন করিয়াছিলেন। প্রবাদ আছে, পরশুরাম পিতৃ-আজ্ঞার মাতৃহত্যা করিয়াছিলেন। এ গল্পটি বিশ্বাসের অযোগ্য ; কারণ, ঐ ঘটনার পরও পরশুরামের মাতা রেণুকা যে জীবিতা ছিলেন, তাহার প্রমাণ আছে। পৌরাণিক আখ্যায়িকার প্রকাশ যে, পরশুরামের প্রার্থনানুসারেই জমদগ্নি রেণুকাকে বাঁচাইয়াছিলেন। শাস্ত্রমতে গুরুকে হুর্কাক্য বলিলেই গুরুহত্যার অপরাধ হয়, এবং সে জন্ত গুরুহত্যার পাতক অশেষ সম্ভবতঃ সেই পাতক কালনের জন্ত পরশুরাম ব্রহ্মপুত্রকে হৃদ হইতে নদরূপে বাহির করিয়া দিয়াছিলেন। সুতরাং পরশুরামের অভ্যুদয় কালে বঙ্গদেশের অস্তিত্ব বর্তমান ছিল, ইহা স্বীকার করিতে হয়। এই পরশুরাম কোন্ সময়ে আবির্ভূত হইয়াছিলেন, তাহা নির্ণয় করা সম্ভব নহে। পরশুরামকে যদি রামচন্দ্রের সমসাময়িকও বলিয়া ধরা যায়, তাহা হইলে দেখা যায় যে, সূর্য্যবংশীয় রামচন্দ্রের বংশধর বিষ্ণুতবানের পুত্র বৃহৎসল কুরুক্ষেত্রের যুদ্ধে অতিমহার হস্তে নিহত হইয়াছিলেন। বিষ্ণুতবান দশরথ হইতে পুরুষ পরবর্তী ; সুতরাং কুরুক্ষেত্রের যুদ্ধের প্রায় ৫ বৎসর পূর্বে পরশুরাম আবির্ভূত হইয়াছিলেন। তাহা হইলে খৃষ্ট জন্মবার আনুমানিক তিন হাজার বৎসর

পূর্বে, অর্থাৎ বর্তমান সময়ের প্রায় পাঁচ হাজার বৎসর পূর্বে পরশুরাম জীবিত ছিলেন। হিন্দুরা পরশুরামের কালকে অধিকতর পুরাতন বলিয়া মনে করিয়া থাকেন। সুতরাং বঙ্গদেশের অস্তিত্ব যে পাঁচ ছয় হাজার পূর্বে বর্তমান ছিল, এবং এই প্রদেশে হিন্দুর বিভিন্ন তীর্থ প্রতিষ্ঠিত হইয়াছিল, তাহা অস্বীকার করিবার উপায় নাই। রাজা যুধিষ্ঠির গঙ্গাসাগর-সঙ্গমে স্নান করিতে আসিয়াছিলেন। কালক্রমে উহার নামের কিছু পরিবর্তন হইয়াছে সত্য—কিন্তু উহা তখনও বঙ্গদেশেই অবস্থিত ছিল। মহর্ষি কপিলদেবের আশ্রমও বঙ্গদেশেই প্রতিষ্ঠিত ছিল; তথায় কপিলের তপঃশক্তি-ভাবে ষষ্টিসহস্র সগর-সন্তান, বা সগর রাজার ৬০ হাজার সৈন্যবাহিনী বিধ্বস্ত হইয়াছিল। সগর-রাজার পৌত্র মতাস্তরে (প্রপৌত্র পুত্র) ভগীরথ গঙ্গা হইতে স্নান করিয়া কপিল তীর্থে গিয়াছিলেন। লম্বীকির রামায়ণ অনুসারে এই সগর রাজা হইতে রামচন্দ্র ২২ পুরুষ অধস্তন নৃপতি। বিষ্ণুপুরাণ প্রভৃতির মতে উহাদের পুরুষপরম্পরার ব্যবধান আরও অনেক অধিক।\* রামায়ণের সংক্ষিপ্ত তালিকা লইলেও সগর রাজার কাল রামচন্দ্রের সময় হইতে অন্ততঃ সাড়ে চারি শত বৎসর পূর্ববর্তী হইতে পারে। তাহা হইলেও সগর রাজা এবং কপিল মুনির যে কাল পাওয়া যায়, তাহা খৃষ্টের জন্মের সাড়ে চারি হাজার বৎসর পূর্বে; সুতরাং বঙ্গদেশ নিতান্ত প্রাচীন, এই মত আদৌ সমর্থনযোগ্য নহে। কপিল

\* প্রাচীনকালে ব্যাস বা কথক মহাশয়দিগের দ্বারা পুরাণ-লিপি সংরক্ষিত হইত, তাহারা পুঁথি দেখিয়া তাহার নকল করিতেন। এখন কেবল রাজগণের বংশ-তালিকায় জনসংখ্যা অধিক হইলেই তাহা সংরক্ষণ রাখিয়া আবৃত্তি করা কথক মহাশয়দিগের কষ্টসাধ্য হইত, এবং শ্রোতৃবৃন্দেরও তাহা নীরস মনে হইত। তাহারা পুঁথি দেখিয়া তাহার নকল করিতেন, তাহাদের পক্ষেও উহা বিশেষ কষ্টসাধ্য ও শ্রান্তিকর ছিল। সেই জন্য ইচ্ছা করিয়া তাহাদের নকলে কতকগুলি অপ্রসিদ্ধ রাজার নাম বাদ দিতেন, এরূপ হইলেই হইত। আর কতকগুলি পুঁথি নকলের সময় মনে স্থানে ছাড় পড়িত, ইহাও সম্পূর্ণ সম্ভব। সেই জন্য যে যে পুঁথির কথকতা অধিক হইত বা এখনও হয়, তাহাতে নাম কম ওয়া যায়। উহা যে বর্তমান সময়ে কালনির্ণয়ের একটা উপায় বলিয়া গণ্য হইবে, তাহা প্রাচীন ব্যাসগণ ধারণা করিতে পারিতেন না। উহা অবলম্বন করিয়া কালনির্ণয় করিলে তাহা অসঙ্গত হইবে,—এরূপ আশা করা যায় না।

মুনির যে দেশে আশ্রম ছিল,—রাজর্ষি জহু যে দেশে সর্কমেধ নামক মহাযজ্ঞ করিতেছিলেন, সে দেশ যে অনাৰ্য্যাবাসিত ছিল, ইহা মনে করা অত্যন্ত সাহসের কার্য, এ বিষয়ে সন্দেহ নাই।

প্রত্নতত্ত্ববিদগণও এ বিষয়ে সকলে একমত নহেন। কেহ কেহ বলেন, পূর্বভারতে অর্থাৎ বাঙ্গালা, বিহার ও উড়িষ্যায় অতি প্রাচীনকালে বৈদিক যাজ্ঞিককারী এক দল আৰ্য্য আসিয়া বাস করিয়াছিলেন। এক দল প্রত্নতত্ত্ববিৎ এবং নৃতত্ত্ববিৎ বলেন, বেদ আলোচনা করিলেই প্রতীতি হয় যে, বেদের ব্রাহ্মণভাগ রচিত হইবার পূর্বে আৰ্য্য জাতির এক দল লোক ভারতে আসিয়াছিলেন। কিন্তু তাহার পর আরও এক দল বা আৰ্য্য জাতির অন্য একটি শাখা, খাইবার গিরি-মন্ডলের পথে ভারতে প্রবেশ করিয়াছিলেন। তাহাদের প্রতিযোগিতায় পূর্ববর্তী শাখার লোকগুলি বঙ্গ, বিহার ও উড়িষ্যায় অপসারিত হইয়া এই সকল স্থানে বাস করিতেছিলেন। আধুনিক ঐতিহাসিক-দিগের মধ্যে কেহ কেহ বলেন, বৈদিক সাহিত্য মন্বন করিয়া তাহারা এই সত্য আবিষ্কার করিয়াছেন। এক জন বিশিষ্ট যুরোপীয় লেখক এ সম্বন্ধে যথেষ্ট লিখিয়াছেন, উহা সম্পূর্ণ আধুনিক মত।\* নৃতত্ত্ববিৎ পণ্ডিতরা এখন বলিতেছেন যে, মঙ্গল এবং ড্রাবিড় জাতির শোণিত-সংশ্রাণে বাঙ্গালী জাতির উদ্ভব হইয়াছে বলিয়া যে সিদ্ধান্ত পূর্বে করা হইয়াছিল, তাহা সম্পূর্ণ অপসিদ্ধান্ত। বাঙ্গালী জাতির কেরোটিক (Cephalic Index) এবং গৃহ অঙ্গের গঠন তাহাদের আৰ্য্যত্বের প্রমাণ বলিয়া গ্রাহ্য, সুতরাং প্রাচীন কালেই যে বঙ্গ ও বিহার প্রদেশে আৰ্য্যগণ বাস করিতেন,—তাহা অসঙ্গত বলিয়া মনে করিবার কারণ নাই।

কিন্তু আর একটি কথা এই যে, শতপথ-ব্রাহ্মণে অগ্নির পরিক্রমণ সম্বন্ধে একটি উপাখ্যান আছে। ঐ উপাখ্যান

\* এই মনস্বী লেখক বৈদিক সাহিত্য, সংহিতা প্রভৃতি আলোচনা করিয়া এবং নৃতত্ত্ববিৎ পণ্ডিতদিগের মত অবলম্বন করিয়া যে সিদ্ধান্তে উপনীত হইয়াছেন, এবং বহু যুরোপীয় বিশেষজ্ঞ এখন যে মত পোষণ করিতেছেন, তাহা জানিবার জন্য তাহাদের আগ্রহ হইবে, তাহারা মূল পুস্তক (The Indian Historical Quarterly—vol. 4. No. 1.) পাঠে তাহা জানিতে পারিবেন। সুদীর্ঘ ইংরেজি 'কোটেন' দ্বারা প্রবন্ধটিকে তাৎক্ষণিক করিলে অনেকের তাহাতে ধৈর্য্য নষ্ট হইতে পারে।

হইতে করেক জন পাশ্চাত্য পণ্ডিত সিদ্ধান্ত করিয়াছেন, আৰ্য্যগণ সদানীয়া নদীর পশ্চিম-তীর পর্য্যন্ত অগ্রসর হইবার পর তাঁহাদের গতিরোধ হইয়াছিল। উপাখ্যানটি এইরূপ—“বিদেহ মাধব মুখ মধ্য অগ্নি ধারণ করেন। তাঁহার পুরোহিত ছিলেন ‘গোতম রাহুগণ’ ঋষি। পুরোহিত মাধবকে আহ্বান করিলে মাধব কোন উত্তর দিলেন না। পুরোহিত রাহুগণ ঋষি ঋকমন্ত্র উচ্চারণ করিয়া পুনঃ পুনঃ অগ্নিকে সম্বোধন করিতে লাগিলেন; তথাপি মাধব কোন কথা বলিলেন না। তখন পুরোহিত রাহুগণ ঋষি—“হে স্নতপ্রেরক অগ্নি” ইত্যাদি বলিয়া ঋকমন্ত্র উচ্চারণ করিলেন। স্নত শব্দ শুনিয়া অগ্নি বিদেহ মাধবের মুখ বিবরে প্রজ্জ্বলিত হইলেন। মাধব অতঃপর অগ্নিকে মুখ বিবরে ধারণ করিতে সমর্থ হইলেন না। অগ্নি পৃথিবীতে নিপতিত হইলেন। মাধব এই সময়ে সরস্বতী নদীতীরে অবস্থিতি করিতেছিলেন। অগ্নি পৃথিবী দগ্ন করিতে করিতে পূর্ব দিকে প্রধাবিত হইলেন। মাধব এবং রাহুগণ দ্রুতবেগে অগ্নির অনুসরণ করিতে থাকিলেন। অগ্নি সমস্তই দগ্ন করিলেন, কিন্তু হিমালয় হইতে নিষ্ক্রান্তা সদানীয়া নদী অতিক্রম করিলেন না। অগ্নি কর্তৃক সদানীয়ার পূর্ব পার দগ্ন না হওয়ার প্রাচীন ব্রাহ্মণগণ ঐ নদীর পূর্বতীরস্থ ভূমিতে বাস করিতেন না। আধুনিক কালে অনেক ব্রাহ্মণ ঐ স্থানে বাস করেন। এই অঞ্চল জনাকীর্ণ ছিল, এখন উহা ব্রাহ্মণগণের সম্পাদিত যজ্ঞের দ্বারা বাসের যোগ্য হইয়াছে। মাধব জিজ্ঞাসা করিলেন, “আমরা এখন কোথায় বাস করিব?” অগ্নি কহিলেন, “সদানীয়ার পূর্বপারে। “এই নদী কোশল এবং বিদেহ রাজ্যের অভ্যন্তর দিয়া প্রবাহিত ছিল।” (১) মাধব-সন্তানগণ অতঃপর এই স্থানে বাস করিতে থাকেন। ইহা দ্বারা প্রতিপন্ন হইতেছে যে, মাধব-সন্তান আৰ্য্যগণ অগ্নির আদেশে বৈদিক সময়েই সদানীয়া অতিক্রম করিয়া পূর্বভারতে বাস করিতে আরম্ভ করিয়াছিলেন।

এখন প্রশ্ন এই যে, এই সদানীয়া নদীটি কোন্ নদী? আমরা কোষ বলেন, উহা করতোয়া নদী। কিন্তু শতপথ-ব্রাহ্মণ বলেন, উহা কোশল এবং বিদেহ দেশের মধ্যবর্তী

সীমা নির্দিষ্ট করিয়া প্রবাহিত। এ অবস্থায় ঐ নদী বর্তমান কালের করতোয়া হইতে পারে না। সেই ভাৱে অধ্যাপক ওয়েবার (Weber) অনুমান করেন, উহা গণ্ডকী নদী। কিন্তু প্রকৃতপক্ষে উহা কোন্ নদী, তাহা নিরূপণ করা কঠিন। উহা করতোয়া হইলে ব্রহ্মপুত্রের একটি উপনদী বলিয়াই ধরিয়া লইতে হয়। ইহা বঙ্গের উত্তর-পূর্বে অবস্থিত। সুতরাং ইহা হইতে এইরূপ অনুমান হয় যে, অগ্নি বর্তমান বাঙ্গালা দেশের পূর্বসীমা পর্য্যন্ত আসিয়াছিলেন। কিন্তু যদি সদানীয়া গণ্ডকীই হয় তাহা হইলে বুঝিতে হইবে যে, অগ্নি বিহার প্রদেশ পর্য্যন্তই অগ্রসর হইয়াছিলেন। ইহা কোশল এবং বিদেহ প্রদেশের অন্তর্ভুক্ত গণ্ডকী। ঠিক তাহাই নহে। বিদেহ মিথিলার প্রাচীন নাম। তখন কোশল এবং মিথিলা প্রদেশের সীমারেখা কোথায় ছিল, তাহা ঠিক জানিতে পারা যায় না। তবে ঋগ্বেদে কীকট বা কীকটা প্রদেশের উল্লেখ আছে। (২) কীকট ও মগধ। কীকট দেশে অনার্য্যদিগের বাস ছিল। (৩) ঐতরেয় ব্রাহ্মণে পুণ্ড্রজাতির উল্লেখ আছে, এবং ঐতরেয় আরণ্যকে বঙ্গ দেশের কথাও দেখিতে পাওয়া যায়। (৪) সুতরাং দেশগুলি ঐ সকল বৈদিক গ্রন্থ রচিত হইবার পূর্বে বলি রাজের পাঁচ পুত্র দ্বারা অধিকৃত হইয়াছিল, এবং তাঁহাদের নামানুসারে ঐ প্রদেশগুলির নাম হইয়াছিল। এদিকে শতপথ-ব্রাহ্মণ-বর্ণিত আখ্যান হইতে উপলব্ধি হয় যে, অগ্নি মাধবকে বলিয়াছিলেন, ‘সদানীয়ার পূর্বপার তোমাদের বাসস্থান হইবে।’ শতপথ-ব্রাহ্মণ-বর্ণিত আখ্যানটি উক্ত গ্রন্থরচনাকালের সমসাময়িক ঘটনা, কি তাহার বহু পূর্ব-বর্তী কোন ব্যাপার অবলম্বনে রচিত, তাহা বুঝিবার উপায় নাই; বরং উহা শতপথ-ব্রাহ্মণ রচনার বহু পূর্বের ইতিহাস অথবা কিম্বদন্তী অবলম্বনে রচিত বলিয়াই মনে করিবার কারণ আছে। ইহা হইতে প্রতীতি হয় যে, বৈদিক ব্রাহ্মণ এবং আরণ্যক রচিত হইবার বহু পূর্ব ব্রাহ্মণগণ বাঙ্গালার এবং বিহারে আসিয়া বাস করিয়া ছিলেন। বৈদিক সাহিত্য হইতে দেখিতে পাওয়া যায় যে,

(২) ঋগ্বেদ ৩।৫৩।১৪

(৩) কীকটা নাম দেশোহনার্য্যনিবাসঃ। নিরুক্ত ৬।৩২।

(৪) ঐতরেয় আরণ্যক ২।১।১।

(১) শতপথ-ব্রাহ্মণ ১-৪-১-১০

চম-দেশস্থ আর্য্যগণ তখনকার বাঙ্গালার অধিবাসী-গণকে পক্ষীবৎ এবং তাহাদের ভাষাকে পক্ষীর ভাষা কিচির চির ভাষা বলিয়া অভিহিত করিয়াছেন। পক্ষী শব্দ ও ই শব্দ একার্থবোধক। সুতরাং তখনকার বাঙ্গালীরা ক্রম, ক্রিয়, বৈশ্ব এই তিন দ্বিজাতির অন্তর্ভূত ছিল, কিন্তু তাহাদের ভাষা যে পশ্চিমদেশীয় আর্য্যগণের ভাষাতে স্বতন্ত্র ছিল, এইরূপ বুলিতে পারা যায়; মহামহোদয় স্বর্গীয় হরপ্রসাদ শাস্ত্রী মহাশয় একবার বলিয়াছেন, “আর্য্যগণ আপনাদিগের বসতি বিস্তার করিয়া ন এলাহাবাদ পর্য্যন্ত উপস্থিত হন, তখন বাঙ্গালার প্ৰত্যয় ঋষ্যাপরবশ হইয়া তাঁহারা বাঙ্গালীকে ধর্ম্মজ্ঞানশূন্য বলিয়া বর্ণনা করিয়া গিয়াছেন।” ইত্যাদি। বস্তুতঃ ধুনিক ঐতিহাসিকগণ সিদ্ধান্ত করিতেছেন যে, প্রাচীন আর্য্যগণের একটি শাখা বহু পূর্বে ভারতে প্রবেশ করিয়া চম ভারতে বাস করিয়াছিলেন, এবং পরে আর্য্যগণের আর কয়েকটি শাখা পশ্চিম-ভারতে প্রবেশ করিয়া খমোক্ত দলকে ভারতের পূর্বাঞ্চলে বিতাড়িত করিয়াছেন। ঐতিহাসিকগণের সিদ্ধান্ত যুক্তিযুক্ত বলিয়াই বলা যায়।

এখন জিজ্ঞাসা করা যাইতে পারে, অগ্নির এই যাত্রার কি? অতি প্রাচীন কালে ভারতের অধিকাংশ স্থল বিড় অরণ্যরাজি দ্বারা সমাচ্ছন্ন ছিল। সেই সকল অরণ্যে মনুষ্যের গমনাগমনের পথ ছিল না। সমাগমহীন ঐ সকল দুঃপ্রবেশ্য ভীষণ অরণ্য সময়ে পক্ষীর কণ্ঠস্বরে প্রতিধ্বনিত হইত। রাত্রিকালে ই সুবিস্তীর্ণ ভীষণ অরণ্যে গভীর গর্জন উথিত হইত। ষণদর্শন নানা জাতীয় ঋষ্যপদ জন্তু তথায় বিচরণ করিত। কিন্তু সেই সকল অরণ্যে নানা প্রকার ফলবান গুলিতে সুমিষ্ট ফল, ফুলের গাছে নানা প্রকার সুরভিত সুম প্রচুর পরিমাণে উৎপন্ন হইত। ঐ সকল ফল ভক্ষণ করিয়া মানুষ অনায়াসে জীবন ধারণ করিতে পারিত। অরণ্য কুম্বের সৌরভে তাহারা তৃপ্তি লাভ করিত। তাই জীবন ধারণের অক্ষুণ্ণ ছিল। (৫) আর্য্যগণ ঐ অরণ্য অগ্নিসংযোগে দগ্ধ করিয়া তাহা মনুষ্যের

বাসোপযোগী ও কৃষিকর্ম্মের উপযুক্ত করিয়া লইয়াছিলেন ইত্যাদি। অগ্নির সাহায্যে বনহলী বিধ্বস্ত করিতে করিতে আর্য্যগণ জয়যাত্রা করিতেন। অগ্নি পরিক্রমণের এই অর্থই সঙ্গত। অগ্নি সদানীয়ার পশ্চিম তীর পর্য্যন্ত আসিয়াছিলেন, ইহার প্রকৃত মর্ম্ম—আর্য্যগণ ঐ পর্য্যন্ত বনভূমি বিধ্বস্ত করিয়া সম্মুখে অগ্রসর হইয়াছিলেন। সরস্বতীর তীর হইতে তাঁহারা সদানীয়া পার হইয়া ম্হিথিলায় প্রবেশ করিয়াছিলেন, এবং তথা হইতে পূর্ব দিকে বিস্তার লাভ করিয়াছিলেন। নবাগত আর্য্যগণের সহিত পুরাতন আর্য্যদলের এইরূপ বিবাদ স্বাভাবিক। এ বিবাদ প্রাদেশিকতা-জনিত। আধুনিক বিহারীদিগের বাঙ্গালীবিদ্বেষের ভাষ্য সেকালে উহা প্রভাব বিস্তার করিয়াছিল এবং ‘বিনা যুদ্ধে নাহি দিব সূচ্যগ্র মেদিনী’ এই নীতি সেকালেও অমূল্য হইয়াছিল।

এখন দেখা যাউক, প্রাচীন ধর্ম্মশাস্ত্রে কোন্ কোন্ দেশ আর্য্যগণের বাসোপযোগী বলিয়া বর্ণিত হইয়াছিল। মনুসংহিতায় দেখিতে পাওয়া যায়, আর্য্যগণের উপযুক্ত ক্ষেত্র চারি ভাগে বিভক্ত হইয়াছে; যথা—ত্রক্ষাবর্ত, ত্রক্ষি মধ্যদেশ, এবং আর্য্যাবর্ত। তন্মধ্যে সরস্বতী এবং দৃষতী নারী দেবনদীদ্বয়ের অন্তর্কর্ত্তী প্রদেশ ত্রক্ষাবর্ত নামে অভিহিত ( মনু ২।১৭ )। কুরুক্ষেত্র, মৎশ, কাণ্ডকুন্ড এবং মথুরা এই কয়টি প্রদেশ ত্রক্ষি অন্তর্ভুক্ত। এই ত্রক্ষি ‘দেশ’ বা ‘ভূভাগ’ ত্রক্ষাবর্ত অপেক্ষা কিঞ্চিৎ হীন। তৎপরে উত্তরে হিমাচল ও দক্ষিণে বিক্ষ্যাচল এই পর্ব্বতদ্বয়ের মধ্যবর্ত্তী যে বিস্তীর্ণ ভূভাগ পশ্চিম বিনশন হইতে প্রয়াগ পর্য্যন্ত অবস্থিত তাহা মধ্যদেশ নামে অভিহিত। যে স্থানে সরস্বতী নদী বিলুপ্ত হইয়াছে তাহা বিনশন দেশ নামে অভিহিত। তৎপরে মনু আর্য্যাবর্তের সীমা নির্দেশ করিয়াছেন। আর্য্যাবর্তের পশ্চিম ও পূর্ব দিকে সমুদ্র, উত্তরে হিমাচল এবং দক্ষিণে বিক্ষ্যাগিরি,— এই চতুঃসীমার মধ্যবর্ত্তী ভূভাগই আর্য্যাবর্ত। আর্য্যাবর্তের পশ্চিম দিকে আরব সাগর, পূর্ব দিকেও সমুদ্র। পূর্ব দিকের সমুদ্র কোন্ সমুদ্র? প্রায় সকলেই ধারণা করেন, উহা বঙ্গোপসাগর। কিন্তু হিমবান এবং বিক্ষ্যাপর্ব্বতের মধ্যবর্ত্তী ভূভাগকে ধরিয়া পূর্ব দিকে অগ্রসর হইলে বঙ্গোপসাগর প্রায় পড়ে না,— প্রকৃত প্রস্তাবে দক্ষিণ দিকে অতি অল্পই পড়ে। তবে যদি ধরিয়া লওয়া

যায় যে, বঙ্গোপসাগর মন্থর আমলে বা তাহারও পূর্বে আরও কিছু উত্তর দিকে বিস্তৃত ছিল—তাহা হইলে এ সমস্তার সমাধান হয়। কিন্তু তাহা হইলে মন্থর কাল অত্যন্ত প্রাচীন হইয়া পড়ে। প্রত্নতত্ত্ববিদ্রা তাহা মানিবেন না।

এরূপ অবস্থায় অত্র দিক্ দিয়া আৰ্য্যাবর্তের এবং আৰ্য্য-গণের প্রাচীন বাসভূমি কত দূর পর্য্যন্ত বিস্তৃত ছিল, তাহার সন্ধান করা যাত্তক। যাজ্ঞবল্ক্যসংহিতা মন্থসংহিতার ঞ্চায়ই প্রামাণিক গ্রন্থ। উহাতে কথিত হইয়াছে যে, যে দেশে কৃষ্ণসার মৃগ স্বাধীন ভাবে বিচরণ করে, তাহাতেই ধর্ম্মানুষ্ঠান কর্তব্য। (৬) তথাকার ধর্ম্মই প্রামাণিক। মন্থও সে কথা বলিয়াছেন। (৭) ব্যাস লিখিয়াছেন যে, যে সকল দেশে কৃষ্ণসার মৃগ স্বৈচ্ছায় বিচরণ করে, সেই স্থলেই বেদোক্ত ধর্ম্ম ব্যবহার করা উচিত। (৮) বশিষ্ঠসংহিতায় বলা হইয়াছে যে, যে যে দেশে কৃষ্ণসার মৃগ স্বাভাবিক ভাবে বিচরণ করে, সেই সমস্ত দেশেই ব্রহ্মবর্চ (ব্রহ্মতেজ) বিদ্যমান। বশিষ্ঠ এই বিষয়ে ভাঙ্গবী পণ্ডিতগণের এক প্রাচীন গাথা উদ্ধৃত করিয়াছেন, সে গাথাটি এই:—

পশ্চাৎ সিদ্ধুবিহরিণী সূর্য্যাস্তোদয়নং পুরা,

যত্র কৃষ্ণোভিধাবতি তাবত্বে ব্রহ্মবর্চসম্।" ইত্যাদি।

পশ্চিম দিকে সিদ্ধু (সিদ্ধুনদ বা সমুদ্র) এবং পূর্ব দিকে সূর্য্যদেবের উদয়াচল পর্য্যন্ত যে ভূমিতে কৃষ্ণসার মৃগ স্বচ্ছন্দে প্রধাবিত হইয়া থাকে, সেই সমস্ত দেশই ব্রহ্মতেজ সঙ্করণের প্রশস্ত ক্ষেত্র। (৯) বোধায়নও ভাঙ্গবীদিগের এই গাথা উল্লেখ করিয়াছেন। ভাঙ্গবী ব্রাহ্মণ বেদের অত্রা ব্রাহ্মণগুলির পূর্ববর্তী, ইহা পণ্ডিতরা স্বীকার করেন। উহা সামবেদীয় ব্রাহ্মণ। উহা অধুনা লুপ্ত। অন্ততঃ উহার সম্পূর্ণ পুঁথি অত্য়পি পাওয়া যায় নাই। তবে উহার বচন প্রমাণস্বরূপ অত্রা অনেক প্রাচীন গ্রন্থে উদ্ধৃত হইয়াছে। নিদান পুস্তকে উহার অংশবিশেষ পাওয়া

যায়। বাহা হউক, ইহা অতি প্রাচীন। ভাঙ্গবী নিদানে দেখা যায় যে, সিদ্ধুনদ হইতে উদয়াচল পর্য্যন্ত যে যে দেশে কৃষ্ণসার মৃগ বিচরণ করে, সেই সমস্ত দেশই আৰ্য্যাবর্ত। এ কথা শুনিয়া অনেকে বিস্মিত হইতে পারেন—কিন্তু ইহা প্রকৃত কথা। এ বিষয়ে বিস্তৃততর প্রমাণ উদ্ধৃত করা নিশ্চয়োজন মনে হয়। ব্লানফোর্ড বলেন যে, এই কৃষ্ণসার মৃগ কেবল ভারতেই জন্মে। সিদ্ধু হইতে পূর্বে আসাম পর্য্যন্ত সর্বত্রই উহা দলে দলে বিচরণ করিত। (১০) অধ্যাপক বুলহারও বলিয়াছেন যে, ভারতের সুজলা সুফলা শস্ত্রশ্রামলা নিম্ন ভূমিতেই ইহাদিগকে দেখা যায়। বাঙ্গালার ও আসামের বনরাজিশ্রামল পর্বতমালা পর্য্যন্ত সর্বত্রই মৃগ স্বচ্ছন্দে বিচরণ করিত। এখন কোন কোন অঞ্চলে বনভূমিতে উহার অবশেষ দেখিতে পাওয়া যায়। সুতরাং সিদ্ধুনদের তীর হইতে আসাম পর্য্যন্ত বিস্তৃত ভূভাগ আৰ্য্যাবর্তেরই অন্তর্ভুক্ত, তাহা স্বীকার করিতেই হইবে। বাঙ্গালা প্রদেশ ইহার মধ্যেই পড়ে। সুতরাং বঙ্গদেশ প্রাচীন আৰ্য্যাবর্তেরই অন্তর্ভুক্ত, এই সিদ্ধান্ত অবশ্যই গ্রহণযোগ্য।

বশিষ্ঠ এবং বোধায়ন উভয়েই ভাঙ্গবী ব্রাহ্মণ হইতে অতি প্রাচীন সংহিতাগুলিতে যখন আৰ্য্যাবর্তের সীমা নির্দেশক গাথা প্রামাণিক বলিয়া উদ্ধৃত বা উল্লেখ করিয়াছেন, তখন উহার প্রামাণিকতা অস্বীকার করা যায় না। একটা প্রবাদ আছে যে, অঙ্গ, বঙ্গ, কলিঙ্গ, মৌরাষ্ট্র এবং মগধে গমন করিলে পুনরায় সংস্কার করিতে হয়। যথা—

অঙ্গবঙ্গকলিঙ্গেষু মৌরাষ্ট্র-মগধেষু চ।

তীর্থযাত্রাং বিনা গচ্ছন্ পুনঃসংস্কারমর্হতি ॥

এই শ্লোকটির মূল কোথায়, তাহা অত্য়পি স্থির হয় নাই। প্রাচ্যবিদ্যার্ণব স্বর্গীর নগেন্দ্রনাথ বসু উহাকে মন্থর

(১০) This antelope is found in suitable localities, chiefly open plains with grass of moderate height from the Indus to Assam and from the base of the Himalayas to the neighbourhood of Trichinopoly. Formerly it was more abundant, \* \* \* \* but its numbers have been greatly reduced since rifles have become common.

—Blanford Imperial Gazetteer of India, vol. I.

(৬) যম্মিন দেশে মৃগঃ কৃষ্ণশ্মিন্ ধর্ম্মান্ নিবোধত। যজ্ঞ ২।১

(৭) কৃষ্ণসারস্ত চরতি মৃগাযত্র স্বভাবতঃ।

স জ্ঞেয়ো যাজ্ঞয়ো দেশো স্বেচ্ছদেশস্ততঃ পবঃ।

—মন্থ ২।২৩।

(৮) যত্র যত্র স্বভাবেণ কৃষ্ণসারো মৃগঃ সদা,

চরতে তত্র বেদোক্তো ধর্ম্মো ভবিতুমর্হতি। ব্যাস ১।৩।

(৯) বশিষ্ঠসংহিতা ১ম অধ্যায়।



ক বলিয়া বঙ্গের জাতীয় ইতিহাসে উদ্ধৃত করিয়াছেন, কিন্তু ঐ শ্লোক মহুসংহিতার কোন সংস্করণেই খুঁজিয়া পায় নাই। বৌদ্ধায়ন ধর্মসূত্রে কতকটা ঐ ভাবের আছে বটে—কিন্তু তাহা ঠিক ঐরূপ নহে। (১১) ত বৃথা যায় যে, তৎপূর্বে ঐ অঞ্চলে বেদপত্নীদিগের ছিল। তীর্থ প্রতিষ্ঠিত হয় সেই সকল স্থানে,—যে সকল আর্ধ্য সাধকদিগের সাধনাপুত্র, অথবা তাঁহাদের কর্তৃক জনহিতকর কার্যের জন্ত জনসমাজে প্রখ্যাত। তৃ-ধাতু সার্থক। যে স্থানের আকাশ বাতাস সাধকের সাধনায় ভাবে পবিত্র হইয়াছে যে, তথায় মাহুষের পাপবুদ্ধি ত এবং ধর্মবুদ্ধি প্রসারিত হয়,—তাহাকেই তীর্থ বলা ঐ সকল স্থানে আর্ধ্যদিগের নিবাস না থাকিলে তীর্থ হইবে কি করিয়া? আশ্চর্যের বিষয় এই যখন ঐরূপ কয়েকটি বচন দ্বারা বাঙ্গালা দেশ

অনার্য্যভূমি বলিয়া সিদ্ধান্ত করা হইয়াছিল, তখন এই সহজ বিষয়ের প্রতি কাহারও দৃষ্টি পড়ে নাই! তবে ইদানীং অনেকে এই সিদ্ধান্ত করিতেছেন যে, এই দেশ আর্ধ্যগণের অধিকারে আসিবার পূর্বে এ দেশের লোকেরা সভ্যতার পথে এত দূর অগ্রসর হইয়াছিল যে, আর্ধ্যগণ তাহাদের উপর ঈর্ষান্বিত হইয়া উঠিয়াছিলেন। পরে যখন নৃত্যবিৎ পণ্ডিতগণ বলিলেন—মগধ, বঙ্গ প্রভৃতি দেশের অধিবাসীরা অনার্য্য নহে—তাহাদের দৈহিক লক্ষণ হইতে মঙ্গলীয় বা দ্রাবিড়ী রক্ত অপেক্ষা আর্ধ্য-শোণিতেই প্রাধান্য লক্ষিত হয়, তখন ঐতিহাসিকরা বলিতে আরম্ভ করিয়াছেন যে, আর্ধ্যজাতির বহু শাখা ভারতে প্রবেশ করে, এবং প্রথমে যাহারা প্রবেশ করিয়াছিল পরে তাহারা নবাগত আর্ধ্যের চাপে পূর্ব-ভারতে আসিয়া আশ্রয় লইয়াছিল। বস্তুতঃ, আমাদের এই বঙ্গভূমি অনার্য্যভূমি নহে, ইহা আর্ধ্যভূমি; ইহা প্রতিপন্ন করিতে এখন ‘চিনা বায়ুনকে’ পৈতে দেখাইতে হইতেছে।

১১) বৌদ্ধায়ন স্মৃতি ১।১।২

শ্রীশশিভূষণ মুখোপাধ্যায় (বিজ্ঞানরত্ন)।

## কবির গান

আছে ত অভাব নানা করছি মানা কাদতে কবি  
অভাবের নবাব তুমি থাকুক তোমার সেই গরবই।  
দেখ না ভূমি নীরস—  
টেনেও পায় নাক’ রস,  
তবুও নয়ক’ বিরস, ফুটায় কুসুম ওই করবী।

তক নহ, চকোর ভূমি চাঁদ যে চেনে  
গমার ক্ষুধা স্বরগ-সুধা আনবে টেনে।  
পাতালের ছয়ার টুটি’  
ত্রিধারা আসবে ছুটি’  
জাতে ওষ্ঠ ছুটি রসের পাথর রচবে ‘গোবী’।

কোকিলের সাজ্বে কেন কুলার বোনা?  
বসন্ত ক’রছে তাহার উপাসনা।  
ত্রমরা গুঞ্জরিছে,  
মাধবী মুঞ্জরিছে,  
মুখরে মৌন দেখে মেঘের আড়ে হাসছে রবি।

দারিদ্র্য বন্দীকের ওই আবরণে  
পাবে মন রামকে এবং রামায়ণে।  
হলাহল তিক্ত অতি,  
করে না তোমার ক্ষতি,  
বাড়াবে কর্তৃত্ব হই ত বা তুই অমর হবি।

শ্রীকুমুদরঞ্জন মল্লিক।



## দিয়াশলায়ের দেশীয় উপাদান

আধুনিক যুগে যে সকল নিত্যব্যবহার্য দ্রব্য অপরিহার্য হইয়া উঠিয়াছে, তাহাদের মধ্যে দীপশলাকা বা দিয়াশলাই অগ্রতম। ভারতের ঞ্চয় বিশাল দেশে কি বিপুল পরিমাণে দিয়াশলায়ের প্রয়োজন, তাহা সহজেই বুঝিতে পারা যায়। কিছুকাল পূর্ব-পর্যন্ত এই সামান্য জিনিষটির জ্ঞাও ভারতবাসীকে নিরুপায় ভাবে বিদেশী শিল্পীদের দিকে চাহিয়া থাকিতে হইয়াছিল। সুখের বিষয়, বর্তমান কালে এদেশবাসীর সেই দুঃস্থার অবসান হইয়াছে। বর্তমান যুগে ভারতেই প্রচুর পরিমাণে দিয়াশলাই নিশ্চিত হইতেছে। তথাপি, ভারতীয় দিয়াশলাই-শিল্প সম্বন্ধে যে কোন অভাব অভিযোগ নাই, একথা বলিবার উপায় নাই। এখনও ইহার উন্নতি ও বিস্তৃতির পথে কয়েকটি প্রবল বাধা বর্তমান। দিয়াশলাই-শিল্পসংক্রান্ত সরকারী বিধি-ব্যবস্থা সর্বতোভাবে দেশজ—বিশেষতঃ কুটার-সমুৎপাদিত দিয়াশলাই-শিল্পের প্রসারবৃদ্ধির অনুকূল নহে। কিন্তু গুণ, লাইসেন্স প্রভৃতি সম্বন্ধে সরকারী নীতির আলোচনায় আপাততঃ প্রবৃত্ত না হইয়া দিয়াশলাই-প্রস্তুতের মূল উপাদানগুলির প্রসঙ্গেই আমরা আমাদের বক্তব্য বিষয়ের আলোচনা করিতেছি। এই সকল উপাদান যাহাতে সম্পূর্ণরূপে দেশমধ্যেই সংগৃহীত হইতে পারে, অর্থাৎ এদেশের দিয়াশলাই-শিল্প পরমুখাপেক্ষী না হইয়া স্বাবলম্বী হয়, ইহা এদেশের প্রত্যেক ব্যক্তিকে প্রার্থনীয় মনে করেন। বর্তমান যুরোপীয় যুদ্ধের প্রভাবে ভারতের কোন কোন শিল্পের অবস্থা যেরূপ অচল হইয়া উঠিয়াছে, তাহাতে এ বিষয়ে সতর্কতা অবলম্বন যে সর্বাগ্রে প্রয়োজনীয়, ইহা নিঃসন্দেহে বলা যাইতে পারে।

### শিল্পের প্রতিষ্ঠা

ভারতে দিয়াশলাই-শিল্পের অভ্যুদয় অর্ধশতাব্দীর অধিক নহে; এই সময়ের মধ্যে নানাবিধ প্রতিকূলতা অতিক্রম

করিয়া ইহাকে প্রতিষ্ঠার পথে অগ্রসর হইতে হইয়াছে। আজকাল এদেশে দিয়াশলায়ের যে সকল বড় বড় কারখানা প্রতিষ্ঠিত রহিয়াছে, তাহাদের অধিকাংশই অপেক্ষাকৃত আধুনিক। আহম্মদাবাদের 'গুজরাট ইসলাম ম্যাচফ্যাক্টরী'ই এদেশের মধ্যে সর্বাধিক পুরাতন প্রতিষ্ঠান; কিন্তু উহাও ১৮৯৫ খৃষ্টাব্দে স্থাপিত। বর্তমান শতাব্দীর প্রথম-দশকে স্বদেশী আন্দোলনের সময় বঙ্গদেশের কলিকাতা, ঢাকা, ত্রিপুরা, বাথরগঞ্জ প্রভৃতি বিভিন্ন অঞ্চলে অনেকগুলি ক্ষুদ্র ক্ষুদ্র দিয়াশলায়ের কারখানা স্থাপিত হইয়াছিল; কিন্তু পরিচালকগণের যথাযোগ্য অভিজ্ঞতার ক্রটিতেই হউক, আর উপযুক্ত পরিমাণ মূলধনের অভাব-নিবন্ধনই হউক, ঐ সকল কারখানা দীর্ঘকাল স্থায়ী হয় নাই।

বিগত যুরোপীয় মহাযুদ্ধের সময় পর্যন্ত ভারতকে নরওয়ে, সুইডেন ও জাপান হইতে প্রেরিত দিয়াশলায়ের উপর নির্ভর করিতে হইয়াছিল। ১৯১৯-২০ খৃষ্টাব্দেও অন্যান্য ৩ কোটি ৭ লক্ষ টাকা মূল্যের দিয়াশলাই এদেশে আমদানি হইয়াছিল। উহার ১৬ বৎসর পরে অর্থাৎ ১৯৩৫-৩৬ খৃষ্টাব্দে আমদানির পরিমাণ হ্রাস হইয়া তাহার মূল্য কিঞ্চিদধিক ১ লক্ষ টাকায় নামিয়াছিল; ইহা যে এদেশে দিয়াশলাই-শিল্পের অভাবনীয় উন্নতি ও বিস্তৃতির নিদর্শন, তাহাতে সন্দেহ নাই। বস্তুতঃ, ১৯২২ হইতে ১৯৩৫ খৃষ্টাব্দের মধ্যে এদেশের দিয়াশলাই-শিল্পে একটা প্রবল প্রেরণা (boom) লক্ষিত হইয়াছিল। তাহার ফলে এদেশে দিয়াশলায়ের উৎপাদন প্রচুর পরিমাণে বর্দ্ধিত হইয়াছে বটে; কিন্তু তাহা যে কেবল ভারতবাসীরই প্রচেষ্টার ফল, এরূপ মনে করিবার কারণ নাই, বিদেশীয় প্রভাবও তাহাতে প্রচুর পরিমাণে বর্তমান।

বিগত যুরোপীয় মহাযুদ্ধের অবসানের পর হইতেই সুইডেন ভারতের দিয়াশলাইর বাজারে কর্তৃত্ব স্থাপনের জ্ঞা সচেষ্ট হইয়াছিল। এস্থলে একথার উল্লেখ বাহ্যিক নহে যে,

ন সুইডেনের যে কোম্পানি ভারতে দিয়াশলাই-শিল্পের  
সায় পরিচালিত করিতেছেন, সেই 'Sweedish  
Match Company' প্রকৃতপক্ষে সুইডেনের বিরাট  
কাঠানা সমূহের সংঘ মাত্র (match combine)। পৃথিবীর  
কোন দেশেই ইহার কারখানা স্থাপন ও অগ্রাণু নানা  
উপায়ে দিয়াশলাই-ব্যবসায় আপনাদের আয়ত্ত করিবার  
চেষ্টা করিয়া আসিয়াছে; এবং তাহার ফলে সমগ্র পৃথিবীর  
দিয়াশলাই-ব্যবসায়ের শতকরা ৬৫ হইতে ৭০ অংশ এই  
কোম্পানি কর্তৃক পরিচালিত হইতেছে। Tariff Board  
দ্বারা দিয়াশলাই-শিল্প সম্বন্ধে পুঙ্খানুপুঙ্খরূপে অনু-  
সন্ধান দ্বারা ১৯২৮ খৃষ্টাব্দে যে রিপোর্ট প্রকাশ করিয়াছেন,  
সেই রিপোর্টে এই কোম্পানির কার্যাবলীর বিস্তৃত বিবরণ সন্নি-  
বিষ্ট হইয়াছে। ১৯২৭ খৃষ্টাব্দে ভারতে মোট ১ কোটি  
১০ লক্ষ গ্রোস দিয়াশলাই উৎপন্ন হইয়াছিল; তন্মধ্যে ৪০  
লক্ষ গ্রোসেরও অধিক পরিমাণ দিয়াশলাই উক্ত সুইডিস্  
কোম্পানির কলিকাতা, বোম্বাই, আসাম ও বঙ্গদেশে  
স্থাপিত কারখানা সমূহে উৎপাদিত হইয়াছিল। উহাদের  
উপরকার কারখানা ব্যতীত কতকগুলি এদেশীয় কোম্পানির  
ও উহারা নানা উপায়ে যথেষ্ট প্রভাব বিস্তার করিয়া-  
ছে। যাহা হউক, তাহা সত্ত্বেও ভারতে দিয়াশলাই-  
শিল্পে সুপ্রতিষ্ঠিত হইয়াছে, একথা নিঃসন্দেহে বলা  
সম্ভব হইতে পারে। সমগ্র পৃথিবীর দিয়াশলাই-শিল্পের তুল-  
নায় এই শিল্প ভারতীয় শিল্প আজ নগণ্য নহে। পৃথিবীতে  
সমগ্র প্রায় ১৫ কোটি গ্রোস দিয়াশলাই কাটুতি হয়;  
যাহার ভারতে কাটুতির পরিমাণ ১ কোটি ৭০ লক্ষ  
গ্রোস। ইহার মধ্যে ভারত এখন ৫৪,০০০ গ্রোস মাত্র  
উৎপাদন করিয়াই স্বকীয় অভাব পরিপূরণ করিতে সমর্থ  
হইতেছে। ভবিষ্যতে বিদেশীয় দিয়াশলাই ভারতে যে  
উৎপাদন করিতে হইবে না, ইহা বুঝিবার জন্ত এই কথা  
বলা উচিত যে, ভারতীয় কারখানা সমূহের উৎপাদন-  
(capacity) বর্তমান উৎপাদনের পরিমাণ অপেক্ষা  
১০ লক্ষ গ্রোস আরও অধিক।

### দিয়াশলায়ের উপাদান

শিল্পে খনিজ ও রাসায়নিক দ্রব্য ব্যতীত কাঠই  
দিয়াশলাই উৎপাদনের মূল উপাদান। খনিজ মোম

(paraffin wax), রক্তিম ফস্ফরাস, গ্যাঞ্চানিজ ডায়ক্সাইড,  
কাচ চূর্ণ প্রভৃতি এ দেশেই উৎপন্ন হয়। কয়েক প্রকার  
রাসায়নিক দ্রব্য, ও আবরণের জন্ত প্রয়োজনীয় বিশেষ-  
প্রকার কাগজ এখনও বিদেশ হইতে আমদানি করিতে  
হয় বটে, কিন্তু এদেশীয় কাগজে এবং রাসায়নিক শিল্পের  
উন্নতির সহিত ঐ সকল অভাবও যে এ দেশে উৎপন্ন দ্রব্যের  
গাহায্যে নিরাকৃত হইবে, ইহা আর চরশা বলিয়া মনে  
হয় না।

দিয়াশলায়ের বাস্তব ও কাঠির উপযোগী কাঠ প্রথমে  
কতক পরিমাণে বিদেশ হইতেই আমদানি করা হইত।  
এদেশে দিয়াশলায়ের কাঠ সংগ্রহ হইতে পারে কি না,  
বর্তমান শতাব্দীর প্রথম হইতে তাহার অনুসন্ধান চলিয়া  
আসিতেছে; এই অনুসন্ধানের ফলে ভারতীয় বন বিভাগ  
দিয়াশলাই নিষ্কাণোপযোগী নানাবিধ কাঠের সন্ধান পাইয়া-  
ছেন। জার্মানীর প্রসিদ্ধ দিয়াশলাই-শিল্পবিৎ A. Rotter  
নানা জাতীয় ভারতীয় কাঠ দিয়াশলাই প্রস্তুতের  
জন্ত ব্যবহার করিয়া এই কার্যে তাহাদিগের উপযোগিতা  
প্রতিপন্ন করিয়াছেন। বস্তুতঃ, প্রায় ৭৮ জাতীয় ভারত-  
জাত কাঠ দিয়াশলায়ের কাঠি-প্রস্তুতের উপযোগী বলিয়া  
নির্ধারিত হইয়াছে। কিন্তু এই প্রকার প্রাচুর্য্য সত্ত্বেও,  
শুল্কগুণিতে পাওয়া যায়, দিয়াশলাই প্রস্তুতের পক্ষে দেশীয়  
কাঠের সরবরাহ না কি চাহিদার অনুরূপ নহে, এবং  
এই জন্তই ঐ কার্যের উপযোগী প্রায় এক হাজার টন কাঠ  
বিদেশ হইতে এখনও আমদানি করিতে হয়। দিয়াশলা-  
য়ের কাঠের যোগান দেওয়ার জন্ত এ কাল পর্যন্ত এদেশে  
বিশেষ কোনও প্রতিষ্ঠান বা কারবার স্থাপিত নাই।  
নানা স্থানের কাঠব্যবসায়িগণ পরস্পরের সহিত সংশ্লি-  
ষ্ট হইয়া এই কার্য করিয়া আসিতেছেন; এবং রেলের  
শ্রীপাত, ইমারৎ, আসবাব প্রভৃতির জন্ত ব্যবহৃত কাঠের  
তুলনায় দিয়াশলায়ে ব্যবহারের যোগ্য বিভিন্ন জাতীয়  
কাঠের মূল্য অল্প বলিয়া ঐ সকল কাঠ-ব্যবসায়ী এ জন্ত  
কোনও আগ্রহ বা উৎসাহ প্রকাশ করেন না। কিন্তু  
দিয়াশলাই-কাঠ সরবরাহের ব্যবসায় যথারীতি সংগঠিত  
হইলে দিয়াশলাই প্রস্তুতের জন্ত এদেশে কাঠের অভাব  
হইবে না, ইহা নিঃসন্দেহে বলিতে পারা যায়।

বস্তুতঃ, দিয়াশলাই-প্রস্তুতের উপযোগী কাঠ-উৎপাদক

বিভিন্ন জাতীয় বৃক্ষ কেবল যে ভারতের দুই একটি স্থানেই পাওয়া যায় এরূপ নহে। উহাদের অধিকাংশেরই সমাবেশ (distribution) এরূপ বহুল-বিস্তৃত যে, বিভিন্ন প্রদেশস্থিত দিয়াশলাই-কারখানা সমূহ সেই প্রদেশেই প্রয়োজনানুযায়ী কাঠ পাইতে পারে; এবং তাহার অভাব হইলেও সন্নিহিত অন্য প্রদেশ হইতে উহা সংগ্রহ করাও কঠিন নহে। উদাহরণ স্বরূপ আমরা নিম্নে বিশেষরূপে পরীক্ষিত কয়েক জাতীয় কাঠের পরিচয় প্রদান করিতেছি। উৎপত্তি হিসাবে উহাদিগকে পার্বত্য ও সমতল-দেশীয় কাঠের পর্যায়ভুক্ত করা হইল।

### পার্বত্য অঞ্চলের কাঠ

**Aesculus indica**,—বা Indian Horse chestnut পাহাড়ী কাঠ-বাদাম;—উত্তর-পশ্চিম হিমালয়, নেপাল পর্যন্ত বিস্তৃত।

**Alnus** : ভূর্জপত্রবর্গীয় তরু। হিমালয়ের নাতিশীতোষ্ণ অংশে সুলভ A. hepaleuses খাসিয়া পাহাড়ে পাওয়া যায়; আর একটি জাতি A. diococa শ্রীহট্টের জঙ্গলের সাধারণ তরু।

**Englehardia** : এই গণীয় দুই এক জাতীয় বৃক্ষ কুমায়ুন ও গাড়্বালে উৎপন্ন হয়; তন্নিম্ন আসামেও দেখিতে পাওয়া যায়।

**Picea morinda** : ভূটান হইতে পশ্চিম দিকে হিমালয়ের উচ্চপ্রদেশে রাউ নামে পরিচিত এই মহাতরু জন্মিয়া থাকে। ১৬০—১৮০ ফুট উচ্চ বৃক্ষও বিরল নহে। ইহার কাঠ দিয়াশলাইয়ের বাক্স ও কাঠি উভয়েরই পক্ষে বিশেষ উপযোগী।

**Pine** : তিন জাতীয় পাইন বা সরল বৃক্ষ হিমালয় পর্বত হইতে আসামে খাসিয়া পাহাড় পর্যন্ত বিস্তারলাভ করিয়াছে। পশ্চিমাংশে চিড় (P. longifolia) এবং কাইল (P. excelsa) ও পূর্বাংশে খাসিয়া চিড়ের (P. khasya) বসতি। পাশ্চাত্য দেশ সমূহে সরল কাঠ দিয়াশলাই নির্মাণে প্রচুর পরিমাণে ব্যবহৃত হয়। বাক্স ও কাঠি উভয়ের পক্ষেই ইহা উপযোগী; বিশেষতঃ, দেখা গিয়াছে, কাইলের কাঠি খুব মজবুৎ। এই তিন জাতীয় সরল বৃক্ষের মধ্যে বাজারে চিড়ের কাঠের আমদানি অধিক।

সরলের নির্ঘাস হইতেই তার্পিন ও রজন উৎপন্ন হয়। কাঠ নির্ঘাসময় হওয়ার ইহা জলেও ভাল।

**Populus euphratica** বা বাহান। সিন্ধু, পঞ্চনদ ও বেলুচিস্থানে বাহান বৃক্ষ দৃষ্টিগোচর হয়। বিশেষজ্ঞ রোলারের মতে ইহা দিয়াশলাইয়ের উৎকৃষ্ট কাঠ। নাতিশীতোষ্ণ হিমালয় প্রদেশে আরও দুই এক জাতীয় Populus জন্মায়। তাহাদিগের গুণাগুণও পরীক্ষিত হওয়া আবশ্যিক।

**Salix** : সাধারণ ইংরেজি নাম Willow। নানাজাতীয় Willow বা বেদ পার্বত্য এবং সমতল প্রদেশে জন্মে। বঙ্গদেশের স্থানে স্থানে নদীতীরে S. tetrasperma জন্মিতে দেখা যায়। গাছ খুব উচ্চ না হইলেও ইহার কাঠ দিয়াশলাই প্রস্তুতের উপযোগী। বেতের স্তায় দৃঢ় ও সরু প্রশাখা সমূহ দ্বারা সাধারণতঃ বুড়ি, টুকুরী ও অন্যান্য আধার নির্মিত হইয়া থাকে।

**Zanthoxylum a latum** : তেজবল, তিমরু; হিমালয়ের পাদদেশের ক্ষুদ্র তরু। সদাগরযুক্ত কাঠ, কাঠি প্রস্তুতের উপযোগী; ইহার তম্বুল নামক ফল গন্ধের মশলারূপেও ব্যবহৃত হয়। আসামেও ইহা সুলভ।

### সমতল প্রদেশের কাঠ

**কদম্ব** : হিমালয়ের পাদদেশ দিয়া নেপাল হইতে পূর্বদিকে ইহা বিস্তারলাভ করিয়াছে; দাক্ষিণাত্যেও ইহা স্বভাবতঃ উৎপন্ন হয়। তন্নিম্ন, নানা স্থানে রোপিত অবস্থাতেও কদম্ব তরু দেখিতে পাওয়া যায়।

**ছাতিম** : শৈত্য-বহুল স্থানে, যথা—পূর্ববঙ্গ, আসাম ও দাক্ষিণাত্যের অরণ্যসমূহে ছাতিম গাছ সাধারণতঃ জন্মিয়া থাকে। ইহার কাঠ হালকা; বাক্স প্রস্তুতের উপযোগী।

**শিমুল** : ভারতের সমগ্র গ্রীষ্মপ্রধান অঞ্চলে ও হিমালয়ের পর্বতমালায় ৩০০০ হাজার ফুট উর্ধ্ব পর্যন্ত শিমুলের প্রসার। শুষ্ক স্থানে গাছও খুব বড় হইয়া থাকে। ১৫ ফুট বেড়বিশিষ্ট শিমুল কাণ্ড বিরল নহে। আপাততঃ দিয়াশলাইয়ের অন্তর্ভুক্ত যে সকল কাঠ ব্যবহৃত হইতেছে, তন্মধ্যে শিমুল অন্ততম। রোলার সাহেব বলেন যে, দিয়াশলাই প্রস্তুতোপযোগী ভারতীয় কাঠসমূহের মধ্যে শিমুলের

কক্ষ কাঠ কম দেখা যায়। শিমুল খুব দ্রুত বৃদ্ধিশীল ছ বালিয়া কঠিত বৃক্ষের অভাব সহজেই পূরণ হইয়া কে। শিমুলের সমগণীয় Bomdox insigneকে হ অথবা বুটা-শিমুল বলা হয়। ইহার বাসস্থান পশ্চিম পূর্ব, চট্টগ্রাম ও আন্দামান দ্বীপ। ইহাও শিমুলের ত্রায় দাকার বৃক্ষ, এবং কাঠও দিয়াশলাই প্রস্তুতের ান উপযোগী।

**সালাই** ঃ—শুক অগভীর মৃত্তিকাময় স্থানে, যথা— হপ্তানা, মধ্যভারত ও উড়িষ্যার ককরবহুল অংশ সালাই ছের স্বাভাবিক জন্মস্থান। ইহার নির্যাস সালাই গঁদ কুন্দুরকুট নামে বাজারে পরিচিত। কাঠ নির্যাস- ুল বালিয়া ইহা সহজদাহ।

**ধাউলি ঢাক** ঃ—ইহা পালিতা-মাদার গাছের াগণীয়। মধ্য-প্রদেশ, উড়িষ্যা, দাক্ষিণাত্য, পঞ্চনদ ও যুক্ত- দেশের স্থানে স্থানে এই জাতীয় মধ্যমাকৃতি বৃক্ষ জন্মিয়া কে। কাঠ নরম; বাস ও কাঠি উভয়েরই উপযোগী।

**দেবদারু** ঃ—ইহা দক্ষিণ-ভারতে স্বাভাবিক ভাবে ংপন্ন হইলেও বঙ্গ ও অন্তর্গত প্রদেশে প্রচুর পরিমাণে ংমিয়া থাকে। দেবদারু কাঠ পল্কা ও কম মজবুৎ বালিয়া কিকিং-বাস নির্যাস ব্যতীত অন্তর্ কার্যে ব্যবহৃত হয় না, ত্ত ইহা দিয়াশলায়ের উপযোগী।

**কুড়চি** ঃ—ভেষজরূপে কুড়চির ছাল ও ফল (ইন্দ্র- ) সুপরিচিত। সমতল প্রদেশ হইতে অন্তর্গত পার্শ্বত্যা ংল পর্যন্ত ভারতের অনেক স্থলেই কুড়চী গাছ সাধারণ। াঠি প্রস্তুতের জন্ত ইহার কাঠ প্রশস্ত।

**Holoptelia integrifolia** নামক বৃহৎ ক বঙ্গদেশে সুলভ নহে বটে, কিন্তু দাক্ষিণাত্যে ও উত্তর- ারতের নানা স্থানে ইহা বিচ্ছিন্ন ভাবে জন্মে। ইহার াঠি বাস ও কাঠি প্রস্তুত, উভয় উদ্দেশ্যেই ব্যবহৃত হইতে রে।

**পুলী** ঃ—kydia calycina—পশ্চিম-ঘাট, পঞ্চনদ যুক্তপ্রদেশের দেরাডুন ও সাহারাণপুর জেলার জঙ্গলে াগীর অনতিবৃহৎ বৃক্ষ সুলভ। দেশীয় প্রথায় শর্করা- াধনে ইহার ডক স্থানীয় লোক কর্তৃক ব্যবহৃত হয়। াশলাই প্রস্তুতে ইহার কাঠ ব্যবহৃত হইতে পারে।

**জিউলী** ঃ—ইহার আঠা অনেকেই দেখিয়াছেন।

গাছ মধ্যমাকৃতি। সমতল প্রদেশের অনেক স্থলে এবং পার্শ্বত্যা অঞ্চলে ৫০০০ ফুট উচ্চ পর্যন্ত জিউলী গাছ দেখা যায়। ইহার কাঠ বাস অপেক্ষা কাঠি প্রস্তুতেরই অধিকতর উপযোগী।

**কলক চাঁপা** ঃ—ইহা মুচকুন্দ ফুলের সমগণীয় গাছ। রোপিত অরণ্যস্থান কলিকাতায় ও সহরতলীতে দেখিতে পাওয়া যায়। ভারতের উচ্চতর প্রদেশে বিশেষতঃ আসামে ইহা সুলভ। কাঠ হালকা। মুচকুন্দ কাঠও পরীক্ষাযোগ্য।

**আমড়া** ঃ—সাধারণতঃ বাগানে যে আমড়া গাছ দেখা যায়, তাহা তত বড় হয় না। পার্শ্বত্যা প্রদেশের আমড়ার ফল অখণ্ড হইলেও গাছ বৃহদাকার হয়। আমড়া-কাঠ এখন দেশলাইয়ের জন্ত ক্রমশঃ অধিক পরি- মাণে ব্যবহৃত হইতেছে। সমতল দেশ হইতে আরম্ভ করিয়া হিমালয়ের ৫০০০ হাজার ফুট উচ্চ পর্যন্ত আমড়া গাছ প্রায় সর্বত্রই পাওয়া যায়। অন্তর্ কাজের জন্ত বিশেষ চাহিদা না থাকায় ইহার কাঠও সুলভ।

**পারুল** ঃ—এই নামে ঘনিষ্ঠ সম্বন্ধযুক্ত দুই জাতীয় বৃক্ষ আছে। একটি সমতল প্রদেশে ও অন্তর্গত অপেক্ষা- কৃত উচ্চতর অঞ্চলে জন্মে। পাহাড়ী পারুলের কাঠই দিয়াশলাই প্রস্তুতের পক্ষে অধিকতর উপযোগী। অযোধ্যা, চট্টগ্রাম ও ছোটনাগপুর, বোম্বাই এবং দক্ষিণ-ভারতের নানা স্থানে ইহা প্রচুর পরিমাণে উৎপন্ন হয়। পঞ্চনদেও ইহা বিরল নহে।

**পিঠালী** ঃ—ইহার গাছ গ্রামাঞ্চলে বহু স্থানে দেখা যায়। সাধারণতঃ গঙ্গার তটদেশে বড় বড় পিঠালী গাছ জন্মে; সুন্দরবনেও ইহা সুলভ। কাঠ হালকা, ঢাক নির্যাস ব্যতীত অন্তর্ কোন কার্যে ইহার বিশেষ ব্যবহার দেখা যায় না। দিয়াশলায়ের পক্ষে ইহা সুলভ ও উপযুক্ত কাঠ।

### কাঠ নির্বাচন

দিয়াশলায়ের উৎকর্ষতা ব্যবহৃত কাঠের উপযোগিতার উপর যথেষ্ট পরিমাণে নির্ভর করে। বাস ও কাঠির পালিশ ভাল হইবে, কাঠি পাতলা হইবে, অথচ বাসে বর্ষণের সময় ভাঙ্গিয়া নষ্ট হইবে না; বাস ও কাঠি, উভয় যথাসম্ভব পাতলা হইবে—এই সকল বৈশিষ্ট্যের প্রতি

দিয়াশলাই-শিল্পীর বিশেষ লক্ষ্য রাখা প্রয়োজন। অপকৃষ্ট কাঠি-নির্মিত দিয়াশলায়ের প্রতি লোকের বিতৃষ্ণা হওয়াই স্বাভাবিক; সুতরাং তাহা ব্যবসায়ের অনুকূল নহে। এক সময় সুইডিস্-কোম্পানি তাঁহাদিগের স্বদেশজাত দিয়াশলায়ের কাটতি বাড়াইবার জন্ত ইচ্ছা করিয়াই অতি অপকৃষ্ট দেশীয় কাঠ দ্বারা দীপশলাকা প্রস্তুত করাইয়া বাজারে চালাইবার চেষ্টা করিয়াছিলেন; কিন্তু তাঁহাদের চেষ্টার অল্প পরেই উৎকৃষ্ট দেশীয় কাঠে নির্মিত দিয়াশলাই এ দেশের কারখানা সমূহ হইতে বাহির হওয়ায় তাঁহাদিগকে বাধ্য হইয়া সেই অপচেষ্টায় নিবৃত্ত হইতে হইয়াছিল।

আজকাল ছোট-বড় সকল প্রকার দিয়াশলায়ের কারখানায় কলের সাহায্যে বাক্স ও কাঠি নিষ্কাশনের ব্যবস্থা হইয়াছে। দিয়াশলায়ের কাঠ বাতির (log) আকারে ক্তিত হইয়া কারখানায় প্রেরিত হয়। স্বক্ অপসারিত করিয়া সেই বাতিগুলিকে পর্দা-তুলিবার কল (Peeling machine) ব্যবহারের উপযোগী করিয়া কাটিয়া লওয়া হয়। উক্ত কলে কাঠখণ্ড হইতে বাক্স অথবা কাঠি নিষ্কাশনোপযোগী পুরু পর্দা অবিচ্ছিন্নভাবে ক্তিত হইয়া বাহির হইয়া আসে। পর্দা হইতে কাঠি-কাটা ও পালিশ-করা, এবং বাক্সের তিন অংশ—বহির্ভাগ, অন্তর্ভাগ ও তলা—কাটা ও ভাঁজ করিবার কার্য অল্প কলে সম্পন্ন হয়। বড় বড় কারখানায় এই সকল কার্যের জন্ত সুবৃহৎ ও জটিল কলকল্প ব্যবহৃত হয়। ছোট কারখানায় ও কুটীরশিল্পে ব্যবহারোপযোগী ক্ষুদ্রতর যন্ত্রাদি এখন প্রচলিত হইয়াছে, এবং ভবিষ্যতে ক্রমশঃ এগুলিরও

অধিকতর উন্নতি সাধিত হইবে এরূপ আশা আছে; কিন্তু শুধু কল হইলেই চলে না, কাঠও এরূপ হওয়া চাই—যাহা লইয়া সহজে কাজ করা যায়, ও যাহার নির্খৃত পর্দা বাহির করা সম্ভব।

ক্ষুদ্র কারখানা ও কুটীর-শিল্পে যতদূর সম্ভব স্থানীয় গাছের কাঠ ব্যবহার করাই সম্ভব। কুটীর-শিল্পরূপে দিয়াশলাই প্রস্তুত যে সম্ভবপর, তাহা একাধিক ক্ষেত্রে সপ্রমাণ হইয়াছে। ইহাতে ন্যূনপক্ষে অল্পসংখ্যক লোকেরও অন্ত-সংস্থানের উপায় হইতে পারে। আপাততঃ এদেশের দিয়াশলাই-কারখানা সমূহে প্রায় ১১ হাজার লোক নিযুক্ত আছে। ইহা কুটীর-শিল্পরূপে পরিচালিত হইলে তাহাতে ইহার দশ গুণ লোক নিয়োজিত হইতে পারে। অবশ্য বৃহৎ কারখানাগুলি থাকিবেই; কিন্তু ভবিষ্যতে গ্রাম্যশিল্পরূপে দিয়াশলাই-শিল্পের প্রবর্তন হইলে এক দিকে যেমন কতকগুলি গ্রামবাসীর জীবিকার্জনের উপায় হইবে, অন্য দিকে তেমনই স্থানীয় বৃক্ষ সমূহের কাঠাদিরও অধিকতর সদ্যবহার হইবে; এবং তাহা অধিক মূল্যে বিক্রয় হইলে গ্রামবাসীদের আর্থিক সচ্ছলতা হইবে। সম্প্রতি দেখা যাইতেছে—কংগ্রেসের নির্দেশক্রমে প্রতিষ্ঠিত গ্রাম্য উদ্যোগ সমিতি কুটীরশিল্পরূপে দিয়াশলাই নিষ্কাশনোপযোগী হইয়াছেন। কাঠের পরিবর্তে তাঁহারা বাঁশ ও পুরাতন অব্যবহার্য কাগজ ব্যবহার করিতেছেন। তাঁহাদের উত্তম প্রশংসনীয়, কিন্তু ঐ সকল উপাদানে নির্মিত দীপশলাকা সাধারণ প্রণালীতে নির্মিত দীপশলাকার সহিত প্রতিযোগিতায় সাফল্য লাভ করিতে পারিবে কি না, তাহা পরীক্ষা-সাপেক্ষ।

শ্রীনিকুঞ্জবিহারী দত্ত।

## মিলন-ব্যথা

কুজন-মুখর সে দিন নিশিতে প্রথম মিলন প্রিয়া—  
তুমি এসেছিলে নীরব চরণে  
কুতূহলে শুধু হেরিতে গোপনে—  
চোখে চোখে যেই দেখিছ তোমারে নিবিড় দরশ দিয়া,—  
ছুটে চলে গেলে চকিত চরণে প্রাণমন নিভাড়িয়া !

নিবিড় মুখের পরম-পুলকে শিহরণে কাঁপি উঠে—  
অনুরাগ-মাখা আগমন-ধ্বনি  
শিরায় শিরায় উঠে রণ-রণি  
আবেগ—উল্লাস প্রকাশিতে চায় দেহের বন্ধ টুটে,—  
উদ্ধত যত মিলনের কাঁটা নগ্ন জালায় ফোটে।

শ্রীমতী কল্পনা দেবী

## রামায়ণ-বিচার

৩

এই বিচার স্ননিপুণভাবে করিতে হইলে প্রবন্ধাবলি বহু বিস্তৃত হইবে, ইহা জানিতাম, ইহাও জানিতাম,—এই মুম্বু' বৃদ্ধ এ বিচার সমাপ্ত করিতে পারিবে না, তথাপি রামায়ণ-কথা কবির ভাষায় 'রামায়ণী গঙ্গা পুনাতি ভুবন-ত্রয়ম্'—ত্রিভুবনপাবনী রামায়ণী গঙ্গায় এ সময়ে অব-গাহনের লোভ সংবরণ করিতে পারি না। বেগবতী স্রোতস্বিনীর স্রোতোবেগের আঘাতে উচ্চকূল খসিয়াছে, নির্মল জল আবিল হইয়াছে—অশুদ্ধি-বাহুল্যে বিচার-কথা ছরবগাহ হইয়াছে, আর অবগাহন করিব না ভাবিয়া-ছিলাম, তবু অবগাহন-স্পৃহা ত্যাগ করিতে পারি নাই—আজও পারিলাম না।

যে একটি আকাঙ্ক্ষা পাঠকের মনে জাগাইয়া রাখিয়াছি—সে আকাঙ্ক্ষা নিবৃত্তি না করিলে—গঙ্গা-রক্ষকদলের কোপে পতিত হইতে হইবে—এই ভয় অবগাহন লোভে সোণায় সোহাগার কার্য্য করিল, লিখিতেই হইল,—তবে খুব সম্ভব ইহাই শেষ।

গত মাঘ মাসের বসুমতীতে লিখিয়াছিলাম, 'রাজা দশরথের একান্ত ইচ্ছা ছিল যে, পটু-মহিষীর গর্ভজাত জ্যেষ্ঠ পুত্র রাজা হয় অথচ তাঁহার ভয় ছিল কৈকেয়ীর পিতৃকুলকে'। আরও লিখিয়াছিলাম, "কৌশল্যানন্দনের রাজ্যাধিকারে কৈকেয়ীনন্দন হইতে দশরথ যে বাধার আশঙ্কা করিয়াছিলেন, প্রবন্ধান্তরে এতৎসম্বন্ধে তৎনির্ণয়ে ইচ্ছা থাকিল"—এই প্রবন্ধে তৎসম্বন্ধেই আলোচনা বা বিচার।

রাজা দশরথের কৌশল্যা কৈকেয়ী ব্যতীত \* পত্নীর সংখ্যা সাড়ে সাত শত। (অর্দ্ধসপ্তশতাস্তাশ্চ প্রমদা-স্ত্রীমলোচনাঃ। কৌশল্যাং পরিবার্যাথ শনৈর্জগ্মুর্বরজ্জিয়ঃ ॥ অযোধ্যা ৩৪।১৩।) কিন্তু এক কন্যা শাস্তা ব্যতীত তাঁহার আর কোন সন্তান-সন্ততি হয় নাই, পুত্র সন্তানের জন্মই হউক আর সৌন্দর্য্য লোভেই হউক, কিছু অধিক বয়সে কেকয়-রাজনন্দিনীকে তিনি বিবাহ করেন। তখন

\* রামের বনবাস সময়ে রাজপত্নীগণ দশরথের আস্থানে আসিয়াছিলেন, কৈকেয়ীকে যে তিনি তখন আস্থান করেন নাই, প্রাণী বলা বাহুল্য এবং কৌশল্যাকে ঘিরিয়া সার্ক সপ্তশত পত্নী টলিয়াছেন। অতএব কৌশল্যাও এই সার্ক সপ্তশতের মধ্যে নহেন।

কেকয়রাজের নিকট তাঁহার প্রতিশ্রুতি দিতে হইয়াছিল,— কৈকেয়ীর গর্ভে পুত্র জন্মিলে সে-ই রাজ্যাধিকারী হইবে, অপুত্রক রাজা দশরথ নিঃশঙ্কচিত্তে এই প্রতিশ্রুতি প্রদান করিয়া বিবাহ করিয়াছিলেন। তাহার পর অনেক বৎসর অতীত হইল, কৈকেয়ীরও কোন সন্তান জন্মিল না, তখন রাজদত্ত প্রতিশ্রুতির কথা চাপা পড়িয়া গেল, কিন্তু প্রতিশ্রুতিদাতা রাজার মন হইতে তাহা যাইতে পারে না—বায়ও নাই। যখন দৈবানুগ্রহে বৃদ্ধ বয়সে পুত্রলাভের অমোঘ উপায় লাভ হইল, তখন রাজার সেই প্রতিশ্রুতির কথা ভিতরে ভিতরে তাঁহার হৃদয় বিদ্ধ করিয়াছিল, কৈকেয়ীর সারল্যে ও সৌজন্যে রাজার যথেষ্ট বিশ্বাস থাকিলেও কেকয়রাজ যে অবসরমত সেই প্রতিশ্রুতি পালনের জন্ত তাঁহাকে অনুরোধ করিতে পারেন, রক্ষা না করিলে অন্তর্ভেদের সুযোগ থাকিলে তাহা ঘটাইতে পারেন—পায়সের বিভাগ সময়ে রাজার মনে এই সব তর্ক নিশ্চয়ই উঠিয়াছিল, সেই কারণে কৈকেয়ী-গর্ভজাতকে কৌশল্যা-গর্ভজাত অপেক্ষা হীনবীৰ্য্য ও অন্তঃসহায় বলে ইহা রাখিবার চেষ্টার পরিচয় সেই সময়ে প্রাপ্ত হওয়া গিয়াছে। কবিকুলগুরু বাল্মীকি—রাজা দশরথের এই কৌশল—একটি ছোট কথায় চাপিয়া দিয়াছেন—সে কথাটি 'অনুচিন্ত্য'। সংক্ষেপে ভাবার্থ বর্ণনা করিতেছি, রাজা দশরথ শ্রেষ্ঠতা হেতু তিন মহিষীকে পায়স ভাগ করিয়া দিলেন, ইহারা সকলেই এক এক দেশের রাজকন্যা। জ্যেষ্ঠা কৌশল্যাকে দিলেন অর্দ্ধাংশ, মধ্যমা সুমিত্রাকে \* এক-চতুর্থাংশ, অবশিষ্ট এক-চতুর্থাংশ তাহাও দুই ভাগ করিলেন, এক ভাগ কৈকেয়ীকে দিলেন 'মহামতিঃ' রাজা 'অনুচিন্ত্য' অনেক চিন্তা করিয়া সুমিত্রাকেই সে অর্দ্ধ প্রদান করিলেন। কৈকেয়ীনন্দন কৌশল্যানন্দন অপেক্ষা তেজোবীৰ্য্যে কোনরূপেই শ্রেষ্ঠ হইতে পারিবে না—ইহাই ছিল তাঁহার অভিসন্ধি। তিন ভ্রাতা একদিকে

\* সুমিত্রা যে মধ্যমা, তাহার প্রমাণ বাল্মীকি-রামায়ণে স্পষ্ট আছে। ভবভূতি কৈকেয়ীকে লক্ষণের কথায় মধ্যমা বলিয়াছেন, তাহার কারণ—তিনি তাঁহাকে মধ্যমাই বলিতেন; কৌশল্যাও পরেই তাঁহার সম্মান, ইহা লক্ষণের মনোগত ভাব। অথবা মধ্যম-বয়স্ক অর্থাৎ যুবতী বলিয়াই তাঁহাকে মধ্যমা বলিয়াছেন।

হইলেও সমান সমান,—তাহাও যে হইতে পারিবে না সাহচর্যের সুব্যবস্থায়—তাহারও বিধান রাজা করিয়া ছিলেন।

রাজা দশরথ যে কৈকেয়ীকে বিবাহ করিবার সময়ে ঐরূপ প্রতিশ্রুতি দিয়াছিলেন, তাহার প্রমাণ সত্যসক্ শ্রীরামের বাক্য। পরমধার্মিক ভরত শ্রীরামকে অযোধ্যায় আসিয়া রাজা হইবার জন্ত আনিতে চিত্রকূটে গিয়াছেন, মাতৃগণ, কুলগুরু বশিষ্ঠ ও অপর পুরোহিতগণ সকলে গিয়াছেন, বিশিষ্ট পুরবাসিগণও সঙ্গে গিয়াছেন—অনুন্নয়-বিনয়, অহুরোধ-উপরোধের সীমা থাকিল না, কিন্তু ‘রামো দ্বিনাতি-ভাষতে’ তাঁহার পিতৃসত্য ও নিজসত্য হইতে তিনি বিচ্যুত হইবার নহেন, ভারতের প্রার্থনা ও তাহার পূরণ যে অসুচিত, তাহা প্রতিপন্ন করিবার জন্ত এক স্থানে শ্রীরাম ভরতকে বলিলেন—

পুরা ভ্রাতঃ পিতা নঃ স মাতরং তে সমুদ্বহনু ।

মাতামহে সমাশ্রোষীজ্যাজ্ঞমমুত্তমম্ ॥

( অযোধ্যা ১০৭।৩। )

কিন্তু ভাই! পূর্বকালে আমাদিগের পিতা যখন তোমার জননীকে বিবাহ করেন, তখন তোমার মাতামহের নিকট অঙ্গীকার করিয়াছিলেন যে, আপনার কণ্ঠার গর্ভে যে সন্তান হইবে, তাহাকেই আমি রাজ্য দান করিব।

রাজা দশরথের মনে বরাবরই এই কারণে হুশ্চিন্তা ছিল,—শ্রীরামের যৌবরাজ্যাভিষেকেও অণ্ড আকারে তাহা প্রকাশ পাইয়াছে। সর্বগুণাবিত সর্বজনপ্রিয় পুত্র শ্রীরামের যৌবরাজ্যে অভিষেক ঐরূপ সঙ্কোপনে এবং স্বরাসহকারে কেন? সঙ্কোপন বলিতেছি—তাহার কারণ, ভরত শক্রয় সুদূর কেকয়-রাজ্যে, কেকয়রাজ ও বিদেহরাজ অনিমন্ত্রিত এবং অভিষেকের পূর্বদিনে মাত্র নিমন্ত্রিত রাজগণ ও প্রজাসাধারণ অভিষেকের কথা জানিতে পারিল,—অতএব স্বরাও অন্ন নহে। রাজা দশরথের সুবিশাল রাজ্য, তিনি সার্বভৌম রাজা।

প্রাচ্য, উদীচ্য, প্রতীচ্য, দাক্ষিণাত্য, আৰ্য্য, শ্লেচ্ছ, রাজগণ, রাজচক্রবর্তী, দশরথের করদরাজ্য, সকলেই আমন্ত্রিত হইয়া উপস্থিত, কিন্তু এই আমন্ত্রণ বিশেষ কার্যের পরামর্শার্থ—ইহাই মনে হয়; কারণ, অভিষেকের পূর্বদিন মহাসভা, করদরাজগণ ও পৌরগণ সমক্ষে রাজা দশরথ শ্রীরামের

যৌবরাজ্য অভিষেকে স্বীয় ইচ্ছা প্রকাশ করিয়া তাঁহাদিগকে স্বাধীন মত প্রদান করিতে বলিলেন,—

যথপ্যেষা মম শ্রীতির্হিতমণ্ড বিচিন্ত্যতাম্ ।

অণ্ডা মধ্যাহ্নচিন্তা তু বিমর্দাত্যধিকোদয়া ॥

২য় সর্গ ১৬।

যদিচ এইরূপ হইলেই আমার শ্রীতি হয়, তথাপি অণ্ড হিতকর যদি কিছু থাকে, তাহা আপনারা চিন্তা করুন। একপক্ষ চাপিয়া যে চিন্তা অর্থাৎ পক্ষপাতীর যে চিন্তা, তাহা অপেক্ষা নিরপেক্ষের চিন্তায় অধিক হিত হইয়া থাকে।

সর্বদেশের রাজগণ, পৌর ও প্রজামণ্ডল একবাক্যে শ্রীরামের রাজ্যাভিষেক অতিশয় আনন্দসহকারে অনুমোদন করিলেও রাজা দশরথ পুনশ্চ জিজ্ঞাসা করিলেন, আমি এখনও জীবিত আছি, আমি থাকিতে আপনারা রামের যৌবরাজ্যে মত দিতেছেন কেন?

তখন সকলেই শ্রীরামের উচ্চ প্রশংসা করিলে, রাজা বড়ই তৃপ্তিলাভ করিলেন। তখন বলিলেন,—

অহোহস্মি পরমশ্রীতঃ প্রভাবশ্চাতুলো মম ।

যন্মে জ্যেষ্ঠং প্রিয়ং পুত্রং যৌবরাজ্যস্বমিচ্ছথ ॥

( অযোধ্যা ৩য় সর্গ ২।৬ )

ইহা রাজনীতি। “রাজা দশরথ সমস্ত রাজা ও প্রজাগণের ইচ্ছাক্রমেই রামকে যুবরাজ করিয়াছেন, ইহা সুস্পষ্ট করাই পূর্বোক্ত দশরথবাক্য হইতে প্রমাণিত। শ্রীরাম জ্যেষ্ঠপুত্র—ইক্ষ্বাকুবংশের নিয়মানুসারে তাঁহাকে রাজ্য দিবার ইচ্ছা আমি প্রকাশ করিলেও—সকলেরই স্বাধীন মত দিতে বলিয়াছিলাম, কিন্তু শ্রীরামের যৌবরাজ্যের প্রতিবাদ এক ব্যক্তিও করেন নাই। সেই কারণেই শ্রীরামকে রাজ্য দিয়াছি।” কেকয়রাজ ও বিদেহরাজের আপত্তির উত্তর যেন এই মহাসভায় ঘোষণা দ্বারা নির্ণীত হইল।

রাজা দশরথের হুশ্চিন্তা—কৈকেয়ীর বিবাহ সময়ে স্বীয় প্রতিশ্রুতিদানজনিত শ্রীরাম-রাজ্যাভিষেকের যে ব্যাঘাত চিন্তা, তাহা এইরূপে অনেকটা উপশান্ত হইলেও তিনি সম্পূর্ণ নিশ্চিন্ত হইতে পারেন নাই। এই সভা-ভঙ্গের পরেই শ্রীরামকে আহ্বান করিয়া যাহা বলিলেন, তাহাই আমার সিদ্ধান্তের অকাট্য প্রমাণ। যথা—আমি দেব, ঋষি, বিপ্র, পিতৃবর্গ ও আত্মার ঋণ হইতে



বিমুক্ত হইয়াছি। অতএব তোমাকে যৌবরাজ্যে অভিষেক করা ব্যতীত আমার আর অল্প কর্তব্য নাই; এজন্য আমি তোমাকে যাহা বলিতেছি, তাহা তোমার করা উচিত। ১৪-১৫। পুত্র! এক্ষণে তুমি রাজা হও, ইহাই প্রজাবর্গের অভিলাষ; অতএব আমি তোমাকে যৌবরাজ্যে অভিষেক করিব; কিন্তু রাম! দৈবজ্ঞেরা বলিয়াছেন, আমার জন্ম-নক্ষত্র—দারুণ গ্রহ—সূর্য্য, মঙ্গল ও রাহু কর্তৃক আক্রান্ত হইয়াছে এবং আমিও অল্প নানাবিধ অশুভ স্বপ্ন সন্দর্শন করিয়াছি। তাহাতে আবার মহাশঙ্ককারিণী উদ্ধা সকল পতিত হইতেছে এবং নির্ধাত শব্দ হইতেছে; প্রায় এইরূপ ছলক্ষণ সকল প্রাপ্ত হইলে, মহীপতি ঘোরতর বিপদে পতিত হইয়া কাল-কবলিত হইয়া থাকেন, এ নিমিত্ত আমার জীবনের প্রতি সংশয় হইয়াছে। বিশেষতঃ প্রাণীদিগের মনোবৃত্তি সর্বদা একরূপ থাকে না; অতএব রাখব! যে কোন প্রকারে হউক, আমার চিত্ত বিমুক্ত হইতে না হইতেই তুমি যৌবরাজ্যে অভিষিক্ত হও। ১৬-২০। দৈবজ্ঞেরা বলিয়া থাকেন যে, চন্দ্র পুনর্কক্ষু নক্ষত্র হইতে পুষ্যা নক্ষত্রে গমন করেন, সূতরাং যখন অল্প চন্দ্র পুনর্কক্ষু নক্ষত্রে গমন করিয়াছেন, তখন অবশ্যই কল্যা পুষ্যা নক্ষত্রে যাইবেন, আমি সেই পুষ্যাযোগে তোমাকে যৌবরাজ্যে অভিষেক করিব—কল্যই তুমি যৌবরাজ্যে অভিষিক্ত হও; কেন না, আমাকে আমার মন এ বিষয়ে অতীব স্বরাশ্রিত করিতেছে। রাম! তোমার এক্ষণ হইতে উপবাস করিয়া সংযতচিত্তে রাত্রি পত্নীর সহিত কুশলঘাতে শয়ন করা

বিধেয়। অল্প তোমার বন্ধুবর্গ অপ্রমত্তচিত্তে সর্বতোভাবে তোমাকে রক্ষা করুন, যেহেতু, এইরূপ কার্য্যেই নানাবিধ বিঘ্ন ঘটয়া থাকে; এজন্য যদিও তোমার কনিষ্ঠ ভ্রাতা ধর্ম্মাত্মা ভরত সাধুদিগের মতের অনুবর্তী হইয়াছে এবং যদিও সে জিতেন্দ্রিয় জ্যেষ্ঠের আজ্ঞাবহ ও দয়ালু, তথাপি আমার মতে তাহার অবর্তমানেই তোমার যৌবরাজ্যে অভিষেক হওয়া উচিত। কেন না, আমার দৃঢ় বিশ্বাস আছে যে, মনুষ্যদিগের চিত্ত সর্বদা সমভাবে থাকে না,—ধর্ম্মাত্মা সাধুদিগেরও চিত্ত, রাগ ও ঘেঘে আক্রান্ত হইয়া থাকে।” ২১-২৭।

ছনিমিত্ত দর্শনে নিজ মরণশঙ্কা শ্রীরামের যৌবরাজ্যে অভিষেকে স্বরার প্রকাশ্য কারণ বা গোপন কারণ হইলেও ভরতের ভয়ই প্রধান কারণ, ইহা এই উক্তিতে স্পষ্ট। ভরত হইতে ভয়ের মূলে যে তাঁহার বিবাহ কালীন প্রতিশ্রুতি, একথা রাজা একেবারেই গুপ্ত রাখিয়াছিলেন। এই যৌবরাজ্যোৎসবে কেকয়রাজার ও বিদেহরাজ জনকের অনিমন্ত্রণের প্রকৃত কারণ স্পষ্ট—মৌখিক কারণ,—

“সমানিনায় মেদিষ্ঠাঃ প্রধানান্ পৃথিবীপতিঃ।

\* \* \* \* \*

নতু কেকয়রাজানং জনকং বা নরাধিপঃ।

ভরতা চানরামাস পশ্চাত্তৌ শ্রোষ্যতঃ প্রিয়ম্ ॥”

রাজা দশরথ পৃথিবীর প্রধান ব্যক্তিগণকে (রাজা ও ঋষি) আনয়ন করাইলেন, কিন্তু কেকয়রাজা ও বিদেহাধিপতি জনককে স্বরার জ্ঞাত্য জানাইতে পারিলেন না, পরে তাঁহার

অহুভূতানি চেষ্টানি ময়া বীর সুখাশ্রপি ।  
দেবর্ষি পিতৃবিপ্রানামনুগোহস্মি তথাস্বনঃ । ১৪ ।  
ন কিঞ্চিন্মম কর্তব্যং ভবাশ্রজাভিষেচনাং ।  
অতো যস্মামহং জ্ঞয়াং তস্মৈ ত্বং কর্তু মর্হসি । ১৫ ।  
অল্প প্রকৃতয়ঃ সর্বাঙ্গামিচ্ছন্তি নরাধিপম্ ।  
অতথাং যুবরাজানমভিষেক্যামি পুত্রক । ১৬ ।  
অপি চাশ্রান্তান্ পুত্র স্বপ্নান্ পশ্যামি রাখব ।  
সনির্ধাতা দিবোকাশ্চ পতন্তি হি মহাস্বনাঃ । ১৭ ।  
অবষ্টকঞ্চ মে রাম নক্ষত্রং দারুণগ্রহৈঃ ।  
আবেদয়ন্তি দৈবজ্ঞাঃ সূর্য্যাক্ষারকরাহুভিঃ । ১৮ ।  
প্রায়ৈণৈব মিমিত্তানামীদৃশানাং সমুদ্ভবে ।  
রাজা হি মূঢ়্যমাপ্নোতি ঘোরাঞ্চাপদমুচ্ছতি । ১৯ ।  
উদ্ ঘাবতেব মে চেতো ন বিমূহতি রাখব ।  
ভাবদেবাভিষেকস্ব চলা হি প্রাণিনাং মতিঃ । ২০ ।

অল্প চন্দ্রোহুভ্যুপগমং পুষ্যাং পূর্কং পুনর্কক্ষুম্ ।  
ঋঃ পুষ্যাযোগং মিয়তং বক্ষ্যন্তে দৈবচিন্তকাঃ । ২১ ।  
তত্র পুষ্যেহভিষেকস্ব মনধরয়তীব মাম্ ।  
স্বপ্নাহমভিষেক্যামি যৌবরাজ্যে পরস্তপ । ২২ ।  
তস্মান্স্বয়ং প্রভৃতি মিশেষং নিয়তাস্বনা ।  
সহ বধোপবস্তব্য্য দর্ভপ্রস্তরশায়িনা । ২৩ ।  
সুহৃদশ্চাপ্রমত্তাং রক্ষন্তু সমস্ততঃ ।  
ভবন্তি বহুবিঘ্নানি কার্য্যাণ্যেবংবিধানি হি । ২৪ ।  
বিপ্রোদিতশ্চ ভরতো বাবদেব পুরাদিতঃ ।  
ভাবদেবাভিষেকস্তে প্রাপ্তকালো মতো মম । ২৫ ।  
কামং ঋনু সতাং বৃন্তে ভ্রাতা তে ভরতঃ স্থিতঃ ।  
জ্যেষ্ঠানুবর্তী ধর্ম্মাত্মা সান্নুক্ৰোশো জিতেন্দ্রিয়ঃ । ২৬ ।  
কিন্তু চিত্তং মনুষ্যাণামনিত্যমিতি মে মতম্ ।  
সতাক ধর্ম্মনিত্যানাং কৃতশোভি চ রাখব । ২৭ ।

প্রিয়বর্তী শ্রবণ করিবেন। জনকের অনিমন্ত্রণের কারণটা আপাত দর্শনে ঠিক বোধ হয় না, কবির উক্তিই স্বীকার করিতে হয়। কেকয়রাজ্য দূরবর্তী—প্রকৃত কারণ দশরথের মনে 'তুকতুক' করিলেও ত্বরা বশতঃ তাঁহাকে আনয়ন করা হইল না, একথাটা একেবারে উপেক্ষণীয় না-ও হইতে পারে, কিন্তু জনকের অনিমন্ত্রণ কেন? এ প্রশ্ন স্বতঃ উদ্ভূত হয়।

অথ তত্র সমাসীনাস্তদা দশরথং নৃপম্ ।

প্রাচ্যোদীচ্যাঃপ্রতীচ্যাশ্চ দাক্ষিণাত্যাশ্চ ভূমিপাঃ ॥

আর্য্যা শ্লেচ্ছাশ্চ যে চাত্তো বনশৈলনিবাসিনঃ ।

উপাসাক্ষিক্রিরে সর্কে তং দেবা ইব বাসবম্ ॥

অযোধ্যা ৩য়। ২৪।২৩।

এঁত দেশের রাজার নিমন্ত্রণ ও আগমনে ত্বরায় বাধা হইল না আর অযোধ্যার সন্নিহিত মিথিলারাজ্যের নিমন্ত্রণে যত বাধা দিল—অভিষেকের ত্বরা। এখানে কবিকুলগুরুর লিপিকুশলতা অপূর্ণ।

ত্বরাই অনিমন্ত্রণের কারণ বটে, বিদেহরাজ জনক আসিলে, সে সময়ে অভিষেক ঘটত না, কারণ—বৈবাহিক প্রতিশ্রুতি তখন গুপ্ত থাকিত না, বিশেষতঃ তৎকালে ব্রহ্মবিজ্ঞাবিশারদ যে কয়জন রাজা ছিলেন, তন্মধ্যে কেকয়রাজ, অশ্বপতি ও বিদেহরাজ জনক বিশেষ প্রসিদ্ধ—আশ্বতরাশি বৃড়িলের প্রতি (বৃহঃ ৫।১৪।৮) জনকের সানুগ্রহ দৃষ্টি এবং তাঁহাকে কেকয়রাজ অশ্বপতি কর্তৃক বৈশ্বানর বিজ্ঞাদান (ছান্দোগ্য ৫।১০—১৬) অবগত হইলে জনক ও অশ্বপতির বন্ধুত্ব অসম্ভব বলনার মধ্যে গণ্য হয় না। জনক ধার্মিক, এ কারণে দশরথের বিবাহকালীন প্রতিশ্রুতি ভঙ্গে বাধা উপস্থিত করিতে পারেন, কেকয়রাজের বন্ধুত্ব বা ব্রহ্মজ্ঞান স্মরণ করিয়া তাঁহার অনিমন্ত্রণে এরূপ কর্তব্য সম্পন্ন হওয়াতেও বাধা প্রদান অসম্ভব ছিল না—কবির ভাব যাহাই হউক, দশরথের বিবাহকালীন প্রতিশ্রুতি জনিত গুপ্ত হুশিচ্ছা কেকয়রাজ ও বিদেহরাজের অনিমন্ত্রণের যে প্রকৃত কারণ, তাহা স্পষ্ট ভাষায় প্রকাশিত না হইলেও দশরথের মুখে অল্প আকারে ব্যক্ত হইয়াছে। রাজা দশরথের মানস ছিল, তিনি জীবদশায় শ্রীরামকে রাজপদে প্রতিষ্ঠিত ও স্নেহ করিবেন। তখন আর কেকয়রাজ বা তরত হইতে কোন আশঙ্কাই থাকিবে না।

মানুষ এক ভাবে, বিধাতা করেন আর কিছু; কারণ, দশরথের শঙ্কাহান তরত হইতেই ভবিষ্যতে তাঁহার অভীষ্ট সিদ্ধি হইয়াছিল।

এখন একটা প্রশ্ন আছে, এই যে রাজা দশরথের বিবাহকালীন প্রতিশ্রুতি, ইহার বাস্প বিন্দুও মধুরার মুখেও তো প্রকাশ পায় নাই, কৈকেয়ীর মুখে তো নহেই, ইহার কারণ কি?

উত্তর—ন নশ্বয়ুক্তং বচনং হিনস্তি ন জীবু রাজন্ ন

বিবাহকালে।

প্রাণাত্যয়ে সর্কধনাপহারে পঞ্চান্তাত্তাহ-

রপাতকানি ॥ মহাভারত।

পরিহাস স্থান, জীলোকের মনোরঞ্জন, বিবাহকাল, প্রাণনাশ সম্ভাবনা এবং সর্কনাশ এই পঞ্চমূলে যে মিথ্যা, তাহা পাতক নহে।

এই যে অমুকল্প অশক্ত পক্ষের ব্যবস্থা, তাহার দ্বারা দিয়া রাজা পলায়ন করিতে পারেন; বিশেষতঃ মহানুভাব কৈকেয়ী এক দিনের জন্তও সে কথা উত্থাপন করেন নাই, অতএব সেই প্রতিশ্রুতির বল ভেদন হইবে না। দেবাসুর সংগ্রামে যে বরদ্বয় দান প্রতিশ্রুতি তাহা সেবা বর, প্রতিদান প্রতিশ্রুতি, ইহার বল অত্যধিক, ইহা কেবল বাক্য মতে,—অসীম সেবার পুরস্কার প্রদানে আকুল আগ্রহ—ইহা হইতে পশ্চাদপসরণ মনুষ্যোচিত নহে। এই বরদান প্রতিশ্রুতি ভঙ্গ করিলে 'ন স্মরেচ্চ কৃতং বস্ত' এই বচনানুসারে কৃতঘ্নতা দোষ হয়, 'কৃতঘ্নে নাস্তি নিকৃতিঃ' কৃতঘ্নতা পাপের নিকৃতি নাই। সে সময়ে কৈকেয়ী যে এ দোষের উল্লেখ করেন নাই, তাহা তাঁহার সৌজন্ম। মিজকৃত সেবাকে তাহা হইলে খর্ব্ব করা হয়; সে কারণে বৈবাহিক প্রতিশ্রুতির আভাস না দিয়া ঐ দুইটি বরের উল্লেখ। বিশেষতঃ বিবাহকালের প্রতিশ্রুতি দ্বারা তরতের রাজ্যলাভ মাত্র হইতে পারে—রক্ষার উপায় কি? রাম অযোধ্যায় থাকিলে প্রজারা কি তরতকে রাজা বলিয়া মানিবে? অতএব চতুরা মধুরা বিবাহকালে প্রতিশ্রুতির নামও করে নাই। ইহাই হইল পঞ্চম সংখ্যক প্রবন্ধের বিচার-রহস্য। বিচারের সংখ্যানির্দেশ আর পরিকল্পনা হয় তো এই স্থানেই শেষ। ইতি—

শ্রীপঞ্চানন তর্করত্ন।



## প্যাটার্ন প্রিন্টিং


এ পর্যন্ত ছুঁচ-সূতো দিয়ে কাপড়ের ওপর নক্সা তোলবার বহু নির্দেশ দেওয়া হয়েছে। এ সংখ্যার প্যাটার্ন প্রিন্টিং (Pattern Printing) অর্থাৎ রঙ ও রঙ-ফলানো-কাঠির সাহায্যে কাপড়ের ওপর নক্সা কেমন ক'রে কাটা যায়, সেই কথা বলছি। প্যাটার্ন-প্রিন্টিংয়ের কতকগুলি বিশেষত্ব আছে। প্রথমতঃ, এ কাজ করতে হলে

ডজন কাঠির একটি সেট বাজারে কিনতে পাওয়া যায়। কাঠিগুলোর মাথা সাধারণতঃ নানা রকম। কাঠির কোনটির মাথা ত্রিভুজাকৃতি, কোনটির চতুর্ভুজ, কোনটির বা অর্ধবৃত্তাকার ইত্যাদি। কাজেই এ সব কাঠির সাহায্যে যে-নক্সা তোলা হবে, তা লতাপাতা-কাটা বা চেউ-খেলানো হ'তে পারে না। সে-নক্সাগুলি হবে জ্যামিতির রেখার ধরণে (ছবিতে যে-ধরণের নক্সা আছে)। এই তো গেল কাঠির কথা। এ-ছাড়া চাই তেলের রঙ (liquid oil

colours)। এ রঙের নানা শেড আছে। পছন্দমতো নিজেকে দেখে কিনবেন। যেমন ছবির রুমাল দুটির একটিতে নক্সা করা হয়েছে কমলালেবু ও কালো রঙে; অপরটি গাঢ় লাল আর কালো রঙে।

প্রথমেই কেউটে ধরতে যাওয়া ঠিক হবে না। কাজেই রুমাল নিয়ে কাজ আরম্ভ করা ভালো। ছাপ ভালো ধরে সাধারণতঃ জর্জেট, ক্রেপ-ডি-সিন, ম্যাটা, খদ্দর বা ঐ ধরণের কোনো মোটা এবং খসখসে কাপড়ের ওপরে।


ছবির রুমাল দুটি জর্জেটের। যে-জিনিষের ওপরেই ছাপ তোলা হোক, (রুমাল কিম্বা টেবল-ক্লথ কিম্বা ব্লাউস কিম্বা শাড়ী) প্রথমেই কাপড়টাকে ব্লিচিং-পেপারের ওপর এ'টে নিতে হবে,—আলপিন দিয়ে। এই জন্তে যেখানে ছাপটি তুলবেন, তার কোলে কোন সোজা লাইন টেনে নেওয়া ভালো—তা'হলে আর নক্সাটির বেকে বাবার ভয় থাকবে না। কাপড়টি ব্লিচিং-পেপারের ওপর আটকে, কাঠি ইত্যাদি গুছিয়ে নিরে আঁকতে ব'সে যান ;



নক্সা-কাটা হ'খানি রুমাল

সূচী-শিল্পীর মতো অত সূক্ষ্ম শিল্পবোধের আবশ্যিকতা নেই। যে কেউ (সামান্য একটু সৌন্দর্যজ্ঞান ও সাবধানতা থাকলে) এ শিল্পটি সফলভাবে রচনা করতে পারবেন। এতে সময় কম লাগে, খাটুনিও বাঁচে।

প্যাটার্ন প্রিন্টিং করতে হলে প্রথমেই প্রয়োজন এক সেট কাঠি—বা দিয়ে রঙ ফলাতে হবে। কাপড়ের ওপর তুলি দিয়ে রঙ-ফলানোর চাইতে কাঠি দিয়ে রঙ-ফলানোর সাফল্যের সম্ভাবনা অনেক বেশী। এই এক



ফেণ্ট-কাপড়ে ঢালা রঙ

এমনি ভাবে কাঠি ধরিয়ে নক্সা ছাপিবেন

কিন্তু রঙ ব্যবহার করতে হবে খুব সতর্কভাবে। পাতলা রঙ, কাজেই রঙ-গোলা বাটিতে ঢাললে সে-রঙ, কাঠিতে উঠবে, সে-সম্ভাবনা অল্প। কাজেই রঙ ব্যবহার করবার জন্মে এক-টুকরো ফেল্ট-কাপড় বা বনাত রাখা দরকার। রঙ ভালো করে শুলে নিয়ে এই ফেণ্ট-কাপড়ের ওপর সমান ভাবে চেলে নেবেন। তার পর সেই ফেণ্টের টুকরোর কাঠিগুলো বেশ করে চেপে ধরলেই তাদের মাথার রঙ লেগে যাবে। এখন ইচ্ছামুযায়ী রঙ মিলিয়ে কাপড়ের ওপর নক্সা আঁকুন।

অনেক সময় বেশী রঙ পড়ে গিয়ে নক্সা ধেব্ড়ে যায়, তাতে শঙ্কিত হবার কারণ নেই

— কেন না, এ-রঙ কাচলেই উঠে যাবে। রঙ ধেব্ড়ে গেলে কাপড় কাচিয়ে নিয়ে ভালো ক'রে ইঞ্জি ক'রে আবার কাজ


আরম্ভ করবেন। অনেক সময়ে আবার হয় কি, কম রঙ ওঠার দরুণ ভালো ছাপ পড়ে না। সে রকম হ'লে কাঠিটা আবার রঙের কাপড়ের টুকরোর চেপে অতি-সাবধানে



এক-রকম নক্সা



আর এক-রকম নক্সা



তিন-নব্বরের নক্সা

আগেকার অপর্ধ্যাপ্ত বা অস্পষ্ট ছাপের ওপর চেপে ধরবেন। কিন্তু এ কাজে খুব সতর্কতার প্রয়োজন, না'হলে ছুটে!

ছাপ পর-পর পড়বার সম্ভাবনা আছে। এ সংখ্যায় যে কটি নক্সা দেওয়া হলো, সেগুলি সকলের ক্রটিকর না হতে পারে, তবে তাঁরা যাতে নিজের ইচ্ছানুযায়ী নক্সা কাপড়ের ওপর ছাপতে পারেন, সে-সম্বন্ধে কয়েকটি নির্দেশ দেওয়া হলো।

একেবারে হাতে-কলমে কাজ করতে যাবার আগে একবার পরীক্ষা করে নেওয়া ভালো, নক্সাটি ধেবড়ে যেতে পারে কি না। মোটা এবং খসখসে কাপড়ে তোলবার জন্তে যে-নক্সা, সেটির পরীক্ষা হবে ব্লটিং-পেপারের ওপর। যদি দেখেন ব্লটিং-পেপারের উপর সে-নক্সা ধেবড়ে যায় নি, তা'হলে জানবেন সতর্কভাবে রঙ-কাঠির ব্যবহার করলেই সফলতা মিলবে। মিহি কাপড়ে যে-নক্সা তুলতে চান, সেটি ট্রেসিং-পেপারে কিম্বা খুব পাংলা কাগজে পরীক্ষা ক'রে নেবেন। যে-নক্সাই করুন এবং যে-কাপড়েই তা করুন, এ কথা সব সময় মনে রাখবেন, এ কাজের সাফল্য সম্পূর্ণভাবে নির্ভর করবে সতর্কতার ওপর।

শিশির রঙকে অনেকে আরো ফিকে ক'রতে জিঙ্ক-হোয়াইট ব্যবহার করেন। কিন্তু সেটা সাধারণ জিঙ্ক-হোয়াইট নয়, প্যাটার্ন-প্রিন্টিং জিঙ্ক-হোয়াইট (Pattern printing zinc-white)।

নক্সা তোলা শেষ হয়ে গেলে সেটিকে শুকোতে দেবেন। রঙ সম্পূর্ণভাবে শুকিয়ে গেলে, অল্প-ভিজে একখানা কাপড় তার ওপর ঢালা দিন; দিয়ে তার ওপর মাঝারি-গরম ইল্ডি চালান। তাতে ভিজে কাপড় শুকিয়ে যাবে। কিন্তু সাবধান, রঙ যেন গলে না যায়!

## নিটোল দেহ

মাথাটা কোনো রকমে দেহের উপরে বসানো; গলার কাছে কণ্ঠা'র ঝাঁকের মতো উঁচু; হাত ছ'খানি যেন কাঠের তৈরী,—অর্থাৎ অল্পপ্রত্যঙ্গ কোনোমতে জোড়াতালি খাইয়া মানুষকে খাড়া রাখিয়াছে—এমন পুরুষ বা এমন নারী আমাদের সমাজে চিরদিন চেহারার কদর্যতার জন্ত প্রায় 'একঘরে' হইয়া থাকেন! অর্থাৎ এমন পুরুষ-নারীর যদি পরসার জোর না থাকে, তাহা হইলে সমাজে তাঁরা অচল, এ-কথা বলিলে অভ্যাক্তি হইবে না!

বিধাতা দেহের কাঠামো করিয়া ছাড়িয়া দেন, এ-কথা মানিয়া লইলেও সে-কাঠামোর উপর মূর্তিখানাকে এ্যাপলো বা ভেনাশের ছাঁচে গড়িয়া তুলিতে না পারি, অন্ততঃ তার Scare-crow ভাব কাটাইয়া, কদর্যতা মোচন করিয়া মানানসই ছন্দে-ঠামে গড়িয়া তোলা যায় না, এ-কথা মানি না। কদর্য্য কুৎসিত পুরুষকে কোনোমতে সহিতে পারিলেও কুগঠনা কুৎসিত নারীকে বিধাতার অভিশাপ বলিয়াই মনে হয়! এ অভিশাপ-মুক্তির উপায় নারীর নিজের হাতে; এবং সে-উপায় শুধু নিষ্ঠাভরে ব্যায়াম-সাধনা।

আমাদের চলাফেরা বসা-দাঁড়ানোর ভঙ্গীর উপর আমাদের দেহের ছাঁদ-গঠন নির্ভর করে, এ কথা আমরা বার-বার বুঝাইয়া বলিয়াছি। এবং সে-ছাঁদ গড়িয়া তুলিবার বহু হুঁশিও দিয়াছি।

দেহের গঠন মজবুত নিটোল করিতে পারিলে চেহারা শুধু সুশ্রী ও নয়নবিমোহন হইবে না, দেহ শক্ত-সমর্থ থাকিবে এবং দেহে তারুণ্যশ্রীর দীপ্তি-লাবণ্য বহুকাল যাবৎ ধরিয়া রাখা যাইবে।

দেহকে সুঠামে গড়িয়া তুলিতে প্রকৃতি দেবীর নিজস্ব প্রয়াস আছে। আমরা নিজের দোষে, উদাত্তে-অবহেলায় কৃত্রিমতার চাপে প্রকৃতি দেবীর সে-প্রয়াস ব্যর্থ করিয়া দিই! যে-নারীর পানে চাহিলে নয়ন-মন মুগ্ধ হয়, সেই নারীই প্রকৃত লক্ষ্মীস্বরূপিণী! Feminine attractiveness বলিয়া যে কথা প্রচলিত আছে, সে-কথা নিরর্থক নয়। সর্বদেশে সর্বকালের কবি-শিল্পীরা রমণীকে রমণীয়তার আকর বলিয়া বর্ণনা করিয়াছেন।

ব্যায়ামে দেহের গঠন সুশ্রী সুকুমার হয় এবং নারীকে সম্মান-প্রসবের যে সঙ্কট সহিতে হয়, দেহের গঠনে বিকৃতি থাকিলে অনেক সময় সে-প্রসব-সঙ্কটে সাংঘাতিক পরিণাম ঘটয়া যায়। তা ছাড়া জীজাতির দেহে যে বিবিধ উপসর্গ-ব্যধির আঘাত লাগে, ব্যায়ামে গঠিত সুকুমার দেহে সে সব ব্যাধি কোনো দিন উৎপাত বাধাইতে পারে না।

সুকুমার দেহ-গঠনে সঁতারের উপযোগিতা আমরা পূর্বে বলিয়াছি। জলে সঁতার কাটিবার সুযোগ অনেকের না মিলিতে পারে। বাঁহাদের সে-সুযোগ মিলিবে না, তাঁহারা ঘরে বসিয়া ডান্ডার সঁতারের অল্পরূপ ব্যায়াম করিতে পারেন। সে ব্যায়াম,—ছই হাত সিধা ঝুলাইয়া সিধা

খাড়া দাঁড়ান। (১নং ছবি) তার পর হুই হাত উর্কে তুলিয়া চক্রাকারে দশ মিনিটকাল সবেগে ছলাইয়া ঘুরাইতে থাকুন এবং এমনভাবে দাঁড়াইয়াই সজোরে নিশ্বাস গ্রহণ করুন। নিশ্বাস লইবার সময় 'বুক-পেট' কুঞ্চিত হইবে—তার পর ক্ষণকাল নিশ্বাস রোধ করিয়া থাকিবার পর ধীরে ধীরে শ্বাস ত্যাগ করুন। নিশ্বাস-গ্রহণ এবং শ্বাস-ত্যাগ-কালে বক্ষ বেষ কীত হইয়া উঠিবে এবং এই কীতির তরঙ্গ-ভঙ্গ সমস্ত অবয়বকে পেশী-সম্মত যে

প্রসারিত রাখিবেন (২নং ছবি দেখুন)। উঠিবার সময় হুই হাত হু'দিকে প্রসারিত করিয়া দিবেন। এ ব্যায়াম দশ মিনিট করা চাই।

তার পর তিন নম্বর বিধি,—একখানা বেকের উপর তোষক বা চাদর পাতিয়া (শক্ত কাঠে যদি অবাঞ্ছন্য বোধ করেন) চিৎ হইয়া শুইতে হইবে। হাঁটু হইতে পায়ের তলদেশ ছড়াইয়া সিধা ও সরল রাখিবেন। এবার আধ-সের ওজনের ছোট দুটি ডাষেল চাই।



১। দাঁড়ান্



২। ওঠ-বোস্ করন


সঙ্কুচন-প্রসারণের দোলা দিবে, তাহাতে দেহের 'টোল' পূরস্ত হইয়া দেহ নিটোল-ছাদে গড়িয়া উঠিবে।

দ্বিতীয় বিধি,—হাঁটু গাড়িয়া বসিয়া হুই হাত সামনে প্রসারিত করিয়া শ্বাস গ্রহণ ও প্রশ্বাস ত্যাগ করুন। শ্বাস-প্রশ্বাস গ্রহণ-ও-ত্যাগ-কালে হাঁটু বেষ স্পষ্টভাবে প্রসারিত রাখিবেন। তার পর দশ বার ওঠ-বোস্ করিবেন। ওঠ-বোস্ করিবার সময় যখন বসিবেন, তখন হাত হুটিকে


ডাষেলের অভাবে মোটা হু'খানি বই; হু'খানি বইয়ের ওজন যেন সমান এবং হুটিতে মিলাইয়া আধ সের হয়। হু'হাতে হুটি ডাষেল বা বই নিন; হাত রাখুন বকের নীচে; কাঁচির মতো কলীতে-কলী সংলগ্ন থাকিবে। (৩নং ছবি দেখুন) এবং ঠিক এমনি কাঁচির মতো তলপেটের উপর কলী সংলগ্ন রাখিয়া ডাষেল ধরিয়া হু'হাত উর্কে তুলুন। উর্কে তুলিয়া হু'হাতে ৪নং ছবির মত



৩। কাঁচি-কজা




৪। উর্দ্ধে হ'হাত তুলিয়া



৫। মাথা ছাড়াইয়া প্রসারিত হাত


সংলগ্ন করুন। তার পর পিছন-দিকে কজীর বাঁধন ছাড়াইয়া হ'হাত প্রসারিত করিয়া দিন (এনং ছবি দেখুন)।  
 খুলিয়া হ'হাত দশ বার ঘুরাইবেন; ঘুরাইবার পর মাথা তার পর আবার কজীর উপর কজী রাখুন আগেকার কাঁচির



নিত্য-নিয়মিত  
সাধনা করিলে এ  
ব্যায়ামে দেহ পুরুষ ও  
নিটোল হাঁদে গড়িয়া  
উঠিবে।

ভঙ্গীতে রাখি-  
বার পর আবার  
হাত তুলিয়া  
ছলাইয়া আগে-  
কার ভঙ্গীতে  
হাত রাখিতে  
হইবে। পাঁচ-  
বার এ ব্যায়াম  
করা চাই।

৬। বকের উপর এক ইঞ্চি উর্কে




চার নম্বর  
বিধি,— বকের  
উপর এক-ইঞ্চি উর্কে হুঁহাতে দুটি ডাষেল ধরিয়া মুঠি  
করিয়া হুঁহাত সংলগ্ন রাখুন (৬নং ছবি দেখুন)। তার  
পর ডাষেল ধরিয়া হুঁহাত উর্কে তুলুন (৭নং ছবি  
দেখুন)। তুলিয়া ডাষেল-সমেত হুঁহাত দুই দিকে  
প্রসারিত করিয়া দিন; এবং একবার হুঁহাত উর্কে  
তুলুন ও পরক্ষণে প্রসারিত করুন। এ ব্যায়াম করা  
চাই গণিয়া দশ বার। ক্ষিপ্ততালে হাত উঠাইতে  
নামাইতে হইবে। এবং দশ বার উঠা-নামা করিবার সময়  
এক দুই তিন সংখ্যাগুলি স্পষ্টভাবে উচ্চারণ করিতে  
হইবে। হুঁহাত নামাইতে হইবে দেহের সঙ্গে হুঁহাতকে  
সমতল রাখিয়া রাখিয়া।

৭। ডাষেল ধরিয়া হুঁহাত উর্কে

আরো দুটি কথা আছে।

প্রথম কথা, বহু পরিবারে বাসগৃহের প্রাঙ্গণে এখন  
ব্যাডমিণ্টন খেলার রেওয়াজ হইয়াছে। যে-গৃহে রেওয়াজ  
আছে, সে গৃহে মেয়েরা যদি প্রত্যহ এক ঘণ্টা করিয়া  
ব্যাডমিণ্টন খেলেন, তাহা হইলে দেহের গঠন সুকুমার  
ও নিটোল হইবে।

দ্বিতীয় কথা,— দিনে যতবার পায়ের, অবসর করিয়া  
আট-দশ মিনিটকাল চুপ করিয়া খাড়াভাবে দাঁড়াইয়া  
জোরে-জোরে নিশ্বাস লইবেন এবং ধীরে ধীরে শ্বাস ত্যাগ  
করিবেন। তাহাতে টোল প্রভৃতি সারিয়া দেহ নিটোল-  
সুঠাম হইবে।







## রবার-রায়বার

বড় বড় লরির টায়ার,—আকারে যেমন অতিকায়, শক্তিও তেমন প্রচণ্ড। পাহাড়-প্রমাণ ভারী বোঝা লইয়া বিদ্যুতের বেগে লরি চলে শুধু ঐ টায়ারের ভরসায়! এ-টায়ার রবারের তৈয়ারী!

ওদিকে আবার সিনেমার ছবিতে দেখি শেটের বাড়ী-ঘরের কোণে মাকড়শার জাল! মাকড়শা এ-জাল বুনিয়া দেয় নাই! জালের সূক্ষ্মতিসূক্ষ্ম সূতাগুলি তৈয়ারী হইয়াছে

পাতা ভাঙ্গিলে ছুধের মতো যেমন সাদা আঠা বাহির হয়, রবারের গাছে ছালের নীচে ধারালো-ছুরির ফলা বা অল্প অল্প দিয়া খেঁচা মারিলেও তেমন সাদা আঠা পড়ে। এই সাদা আঠাকে বলে ছুধ বা milk. নানা প্রক্রিয়ায় এই সাদা আঠা জমাট করিয়া বিবিধ রাসায়নিক বস্তুর সংমিশ্রণে রবারকে আজ নানা রূপে গড়িয়া তোলা হইতেছে। এবং বিভিন্ন রূপের এই রবার লইয়া টায়ার,



এরোপেনে রবারের কৃশন-গদি

রবারে! এক দিকে ঐ অতিকায় ভারী রবারের টায়ার, অন্য দিকে অতি-মিহি এই জালের সূতা! এ সূতা আমাদের পাথার কেশের চেয়েও মিহি! এ-সূতার একশ গাছি একত্র করিলে তার ওজন হইবে এক-আউন্স মাত্র!

রবারের যেন যাহু-শক্তি আছে! অথচ এই রবার-বস্তুটিকে, জানেন? গাছের নির্যাস!

মনসার ডাল-পাতা, পেঁপের ডাল-পাতা বা বটের ডাল

জুতা, পেন্সিলের দাগ-তোলা ইরেজার, দস্তানা, টিউব প্রভৃতি কত কি বস্তু যে প্রস্তুত হইতেছে, তার আর সংখ্যা নাই!

আধুনিক যুগে এই রবার নানা দিক দিয়া মানব-সমাজের অশেষবিধ কল্যাণ সাধন করিতেছে। সে-কাহিনী আরব-রজনীর গল্পের মতো মধুর এবং উপভোগ্য!

রবারের সেই কাহিনী বলিতেছি।

রবারের গাছ আমাজন-অঞ্চলে চিরদিন অজস্র প্রচুর ভাবে জন্মায়। সেখানকার আদিম-অধিবাসীরা এই রবারকে জমাট বাধাইয়া তাহা দিয়া বল, জুতা, কলসী প্রভৃতি নির্মাণ করিত; নল তৈয়ার করিত। সে নলে জল ভরিয়া বনে পত্রপল্লবের আড়ালে লুকাইয়া রাখিত; সেদিকে বিদেশী

কো নো লোক আসিলে সেই নলে পাষের চাপ দিবার মাত্র সকলের গায়ে তোড়ে গিয়া জল পড়িত! বিশ্বয়-আমোদের অন্ত থাকিত না!

স্প্যানিয়ার্ডরা গাছের আঠার এই ষাটশক্তি দেখিয়া দেশে গিয়া গল্প করিত। বলিত, গাছ বিধিয়া দিলে ছুধের মতো আঠা বাহির হয়! সে-আঠার কি শক্তি, চোখে না দেখিলে তাহা প্রত্যয় হইবে না!

ওদিকে ব্রেজিলেও ছিল রবার গাছ। যে সব পোর্তুগীজ ব্রেজিলে যাইত, তাহারা ব্রেজিলের আদিম-

অধিবাসীদের তৈয়ারী রবারের কোট, বোতল আনিয়া দেশের সম্রাট অভিজাতবর্গকে উপহার দিত। ১৮২৯ খৃষ্টাব্দে এক ভদ্রলোক ব্রেজিল হইতে মার্কিন যুক্তরাজ্যে এক-জোড়া রবারের জুতা আনিয়া সকলের তাক লাগাইয়া দেন! সে-জুতা দেখিয়া মার্কিন যুক্তরাজ্যে রীতিমত কলরব

পড়িয়া যায় এবং ১৮২৩ খৃষ্টাব্দে একজন ব্যবসায়ী ভদ্রলোক ৫০০ জোড়া রবারের জুতা আনিয়া বোষ্টনের ডকে জাহাজ হইতে নামাইলেন।

দেখিতে দেখিতে রবার সম্বন্ধে আমেরিকায় দারুণ চাঞ্চল্যের সৃষ্টি হইল। চতুর ব্যবসায়ীর দল লোকজন



রবারের পাত শুকাইতে দেওয়া—মালয়-অন্তরীপ

লইয়া কারখানা খুলিলেন; এবং ব্রেজিল হইতে রবার আনিয়া সেই রবার দিয়া লাইফ-বেল্ট, কাপড় এবং আসবাব-পত্রের আচ্ছাদন তৈয়ার করিতে লাগিলেন। এ রবার আমদানী করিয়া যুরোপে তাহা হইতে বর্ষাতি-কোট, টুপি এবং পেন্সিলের দাগ-মোছা ইরেশার তৈয়ার হইতে



রবারের গাছে ব্যাণ্ডেজ



কারখানার রেল-লাইন

৭। ব্রেজিল হইতে এ-সব রবার চালান আসিত।  
কত-বা! ১৮৩০ খৃষ্টাব্দ পর্য্যন্ত ইউরোপে প্রতি-বৎসর  
এ চালান আসিত ১৫৬ টন মাত্র।

এই সময়ে কনেক্টিকাট-নিবাসী এক ব্যবসায়ী

ভদ্রলোকের হাতে পড়িল রবারের  
একটি বোতল এবং একজোড়া রবারের  
জুতা। ভদ্রলোকটি তখন ফিলাডেল-  
ফিয়ায় লোহালকড়ের ব্যবসায়ে সর্ব-  
স্বান্ত হইয়া 'দেউলিয়া' বনিয়াছেন।

ভদ্রলোকটি হ'পুরুষে, ব্যবসায়ী।  
১৮১২ খৃষ্টাব্দে তাঁর পিতা মার্কিন-  
ফৌজের ইউনিফর্মের জন্য ধাতব-  
বোতাম আবিষ্কার করিয়া সেমন নাম  
কিনিয়াছিলেন, ব্যবস্যাটিকেও তেমনি  
ফাঁপাইয়া তুলিয়াছিলেন।

উত্তরাধিকার-স্বত্রে ঐ-পুত্রক ব্যবসা-  
বুদ্ধি পাইলেও পুত্র বার-বার নানা  
কারবারে লোকমান দিয়া ভগ্নোন্ম  
হইয়া পড়িলেন। নব নব তত্ত্ব-আবিষ্কারে  
তাঁর অঞ্চল অহুরাগ ছিল। অথচ  
কোনোটাতেই লাভ হয় না! শেষে  
মাথার ছাতা বাঁধা দিয়া পারানীর-কড়ি  
জোগাড় করিয়া দেশান্তরে আসেন।  
সেখানে দেনার দায়ে সিভিল জেলে  
তাঁহার মৃত্যু ঘটে। এ ভদ্রলোকের নাম  
চার্লস গুডইয়ার। যে গুডইয়ার-  
টাওয়ারের নাম আজ বিশ্ববিখ্যাত, ইনি  
সেই গুডইয়ার!

রবার সম্বন্ধে অহুশীলন তাঁর জীবনে  
ছিল শেষ কীর্তি! নিজের সংগ্রাম-  
কাহিনী তিনি লিখিয়া গিয়াছেন।  
১৮৫৫ খৃষ্টাব্দে সে-কাহিনী রবারের  
পৃষ্ঠায় রবারের কভারে মুদ্রিত ও  
প্রকাশিত হয়। বইখানির নাম Gum-  
Elastic; কভারের উপর ডিজাইন  
আছে, ব্রেজিলের জঙ্গলে দেশী লোকেরা

গাছ খোঁচাইয়া রবারের নির্যাস বাহির করিতেছে। এ বাহির  
পাতায় গুডইয়ারের করিত ছাতার এবং অন্যান্য নানা বস্তুর  
নক্সা তাঁহার নিজের হাতে আঁকা আছে। শক্ত রবার  
দিয়া ট্যাকবড়ির কেশ, চাবি, চেন, শীল স্বহস্তে প্রস্তুত

করিয়া গুডইয়ার  
তাহা মণিরত্নখচিত  
করিয়া সম্রাজ্ঞী  
জ্যোশে ফাইনকে  
উপহার দিয়া  
ছিলেন। তাঁর  
শিষ্যরা ঠিক  
তাহারি আদর্শে  
রবারের তৈয়েরী  
একসেট ঘড়ি, চাবি,  
শীল ও চেন প্রস্তুত  
করিয়া গুডইয়ারের  
পত্নীকে উপহার  
দেন। সেগুলি  
ও রাশিং টনে র  
স্বিথসোনিয়ান  
মিউজিয়মে আজও  
সবত্রে সংরক্ষিত  
আছে।

অস্তিত্বশয়নে  
শায়িত থাকিয়াও  
রবারের সম্বন্ধে  
গুডইয়ার যে স্বপ্ন  
দেখিতেন, বহি-  
খানিতে তাহা  
লিখিয়া গিয়াছেন।  
লিখিয়াছেন, এই  
রবার একদিন  
মানব-সমাজের  
সর্ববিধ প্রয়োজন  
মিটাইবে! এ

রবারের ভবিষ্যৎ অত্যুজ্জল। চার্লস গুডইয়ারের মৃত্যুর পর  
দেশের এন্ট্রাটশন এবং হেওয়ার্ড রবারের সম্বন্ধে গবেষণা-  
এক ভঙ্গলোক রহিলেন না। বহু গবেষণায় রবার-  
জোড়া রবারের আত্মা মাপিয়া সালফার মিশাইয়া তাঁহারা  
দেন। সে-সুতা গবটুকু সম্পূর্ণ কাটাইয়া তুলিলেন।




রবারের মিকি-বেলুন



বাইসিক্লে রবারের টায়ার

বোষ্টনে রবার লইয়া যে-গবেষণা শুরু হইল, তার প্রভা  
গিয়া পৌছিল স্বদূর আমাজনের জঙ্গলে। মার্কিন-জাতি  
স্থির করিল, মালয়-অন্তরীপে মার্কিন-অধিকারে যে বিপুল  
জমি এমনি পড়িয়া আছে, সেখানে রবারের আবাদ করিবে  
তাহা হইলে রবারের জোগান-সম্বন্ধে নিঃসংশয়তা



রবারের দস্তানা



রবারের হট-ওয়াটার বোতল

সরকার বাধা দিল  
ব্রেজিল-গভর্নমেন্ট  
বুঝিল, অন্তত রবারের  
চাষ-আবাদ  
হইলে ব্রেজিলের  
এমন লাভের ব্যবস  
মাটা হইয়া যাইবে !  
কাজেই সে সম্বন্ধে  
কঠিন বিধি-ব্যব-  
স্থার সৃষ্টি হইল

তখন সার হেনরি  
উইকহাম নামে  
একজন ইংরেজ  
ব্যবসায়ী এক চাল  
চালিলেন! আমাজন  
হইতে বাছিয়া-গুছা-  
ইয়া গোপনে রবার-  
গাছের ৭০০০০  
হাজার উৎকৃষ্টচারা  
সংগ্রহ করিয়া  
সেগুলি তিনি  
চালান দিলেন  
ইংলণ্ডে “আমা-  
জোনাস” জাহাজ-  
মারফৎ। যুব-সাব-  
ধানে এ রবার  
আনিতে হইয়া-  
ছিল। জলপথে  
জাহাজে যুঁষিকের  
উৎপাত ঘটিলে  
একটি চারার অস্তিত্ব

কাজকারবার চলিবে। নহিলে রবারের চালানীর ভাড়া  
দিতেই পুঞ্জির কড়ি অনেকখানি বাহির হইয়া যার!

তখনকার দিনে রবারের দাম ছিল সের-করা প্রায়  
আঠারো টাকা।

কিন্তু ব্রেজিল হইতে রবারের চারা আনিতে ব্রেজিল

থাকিত না! জাহাজ আসিয়া লিভারপুলে থামিল। পূর্বে  
হইতে ব্যবস্থাসূচী ডকের ধারে প্রকাণ্ড মাল-গাড়ী মজুত  
ছিল এই রবারের চারা বহিবার জন্য। এবং এ-চারা সেই  
মালগাড়ীতে চড়িয়া লণ্ডনের কিউ বোটানিক্যাল  
উদ্যানে আসিয়া পৌঁছিল।

এই রবার-  
আনার সম্বন্ধে  
কৌতুককর একটা  
কাহিনী প্রচলিত  
আছে। সে-কাহিনী  
এই যে, আইন-  
কাহ্নেব বাধন  
টপ্কাইয়া সিপাহী-  
শাস্ত্রীর চোখে ধূলা  
দিয়া রেঞ্জিল হইতে  
উইকহাম নাকি  
চোরাই যালে র  
মতো গোপনে  
এ সব চারা আনিয়া  
ছিলেন! এ কাহি-  
নীর মূলে এতটুকু  
সত্য নাই। রবার  
আনার সম্বন্ধে  
মার্কিন যুক্তরাজ্যের  
বাণিজ্য-বিভাগের  
কর্তা ই, জী, হোর্থ  
বলেন,—এ চারা  
আনিতে উইকহাম  
কোনোরূপ বে-  
আইনী কাজ করেন  
নাই বা লুকাইয়া  
রবার আনে ন  
নাই।

লণ্ডনের কিউ  
উগানে এ চারা  
বসাইবার ছ' মাস  
পরে ১৮৭৬ খৃষ্টাব্দে  
প্রায় ২০০০ হাজার  
চারা সিংহলে  
চালান দেওরা  
হয়। কলম্বোতে সে



কাগজের মত রবারের পাত—লম্বে এক-মাইল



কলম্বোর প্রথম নির্ধাস-গ্রহণ



রবারের পাতে নক্সা তোলা



সুমাত্রায় ভামিল ও যবনীজ, কারিগর

চারি বসানো হয়। সে চারা বড় হইলে ১৮৮২ খৃষ্টাব্দে কলম্বোর গাছ হইতে সর্বপ্রথম রবার-নিষ্কাশন নিষ্কাশিত করা হয়।

তার পর ব্রিটিশ-মালয়ে, ডাচ-অধিকৃত সুমাত্রায়, যবদ্বীপে রবারের আবাদ এবং রবার লইয়া বহু পরীক্ষা শুরু হইল। যে-সব জমিতে কফির চাষ হইতেছিল, সেই সব জমিতে রবারের চারা লাগানো হইল। এত সাধ্য-সাধনাতেও কিন্তু ১৯০০ খৃষ্টাব্দে এদেশী রবার মিলিল চার টন মাত্র!

তার পর রবারের ভাগ্য যেভাবে সমৃদ্ধ হইয়া উঠিল সংক্ষেপে বলা যায়—ত্রিশ বৎসর পূর্বে ১৯১০ খৃষ্টাব্দে সারা পৃথিবীতে রবার মিলিয়াছিল ৯৪০০ টন; তার মধ্যে ব্রিজিল ও



হুধ-আটা জড়ো করা




ভামিল বাহিকা



টারারের বহর দেখুন !





এক-মাইল লম্বা রবার-ব্যাণ্ড

আমাদের রবার ছিল ৮৩০০০ টন। কিন্তু ১৯৩৭ খৃষ্টাব্দে সারা পৃথিবীতে রবার মিলিল ১১৩৫০০০ টন

এবং ঐ খৃষ্টাব্দে ব্রজিলের রবার ছিল শতকরা দুই ভাগ মাত্র; বাকি সমস্ত রবার সিংহল, মালয়, সুমাত্রা এবং ষব্বীপ হইতে আমদানী। বাণিজ্য-জগতে গুড-ইয়ার টায়ার-রবারের কারখানা আজ সবার অগ্রণী। তাদের আবাদের জমি আছে পানামায়, ফিলিপাইন দ্বীপপুঞ্জ এবং কল্টা-রিকায়। তার পর ফায়ারষ্টোন কোম্পানির আবাদের নাম উল্লেখযোগ্য। ফায়ারষ্টোন-টায়ারের রবারের আবাদ লাইবেরিয়ায়।

রবারের তৈরী যে-সব বস্তু আজ আমরা ব্যবহার করিতেছি বা চোখে দেখিতেছি, তার কোনোটা খাঁটি রবারের তৈয়ারী নয়। মূল রবার—বিশেষজ্ঞেরা যাহাকে বলেন, virgin, rubber—তার আসল নাম লাটেক্স। পূর্বে আমরা পেপের আঠা, বটের আঠা প্রভৃতি সাদা আঠার কথা বলিয়াছি। হুধের মতো সাদা আঠা—সে আঠা এবং গাছের রস (তাল-খেজুরের গা খোঁচাইলে যে রস বাহির হয়) দুটি এক পদার্থ নয়। ছাল এবং গাছের গায়ে যে কাঠ আছে, তাহার মধ্যবর্তী জায়গা খোঁচাইলে হুধের মতো সাদা এই আঠা বা লাটেক্স বরিয়া পড়ে। ঝড়ে বা অল্প হুর্বিপাকে আঘাত লাগিয়া গাছের স্বাস্থ্যহানি ঘটিলে এই আঠার জোরে গাছ আবার নষ্ট-স্বাস্থ্য সারাইয়া তোলে। এই লাটেক্সে রবার আছে শতকরা ৭০ ভাগ। তিনটি চারা-গাছ হইতে এক বৎসরে যতখানি আঠা পাওয়া যায়, সে-আঠার রবারে বড়-সাইজের মোটর-গাড়ীর একখানা ফুল-সাইজ টায়ার তৈয়ারী হইতে পারে।

মোটর-গাড়ীতে ছোট-বড় নানা আকারের 'পার্টস্' আছে প্রায় তিনশো। নিউজার্শির এক বিরাট কারখানায় রবারের নানা বস্তু তৈয়ার হইতেছে—রঙীন খেলনা-পুতুল হইতে শুরু করিয়া ব্যাগ, বোতল, বল, জুতা, দস্তানা, পিষ্টন-ক্যাপ, অক্সিজেন-বাল্পবাহী নল, পিচকারী, এবং অতিকায় ব্যাগ ও বেন্ট। এই ব্যাগ ও বেন্ট প্রায় দু'মাইল লম্বা হয়। কোনোটির ঘের সিকি ইঞ্চি—আবার কোনোটির ঘের বিরাট বকম।

নিউইয়র্কে প্রচণ্ড বাধ তৈয়ার হইয়াছে কোলি ড্যান্—এটিতে এক-মাইল লম্বা রবারের যে ব্যাগ বসানো হইয়াছে, তার লম্বায়ো সমুদ্র-পৃষ্ঠ হইতে প্রত্যহ ৩০০০০ টন

বালুকা ও কঙ্কর তোলা হয়। এ-কাজের জন্ত পূর্বে ষাটখানি মাল-গাড়ীর প্রয়োজন হইত।

যে সব পুতুল-খেলনা তৈয়ার হয়, তার দাম খুব শস্তা। সপ্তাহে প্রায় ৫০০০০ করিয়া খেলনা-পুতুল তৈয়ার হয়। রবারের বগ্‌লি এখন কাগজের বগ্‌লির স্থান গ্রহণ করিতেছে। এ বগ্‌লিতে রুটি এবং বিবিধ খাদ্য রাখা হয়। কাগজের বগ্‌লি ছাড়িয়া রবারের বগ্‌লিতে রাখায় সুবিধা

কিছুদিন পূর্বে নিউইয়র্কের বিরাট বিশ্ব-প্রদর্শনীতে বিরাট ওজনের একখানি মোটর-গাড়ীকে শূন্যে ঝুলাইয়া দেখানো হইয়াছিল। মানুষের বাহ্যর মতো পুরু রবারের রজ্জু দিয়া এ গাড়ীখানিকে শূন্যে ঝুলানো হইয়াছিল ইহা হইতে রবারের শক্তির পরিচয় পাওয়া যাইবে।

বৈজ্ঞানিকেরা আজ রবারকে এমন নিরঙ্ক করিয়া তুলিয়াছেন যে, রবারের আবরণ ভেদ করিয়া এক-বিন্দু



রবারের সূতায় বোনা নকল মাকড়শার জাল



রবারের ছুধ ভরা

এই যে, রবারের বগ্‌লি ছেঁড়ে না এবং ধুইয়া সাফ করিয়া সে বগ্‌লিকে বারংবার শোধন করা চলে।

মোটর-গাড়ীর নির্মাণে রবারের প্রয়োজন আজ ইম্পাত, লৌহ, পেট্রোল এবং কাঁচের সমতুল্য। তাছাড়া এ যুগের বৈজ্ঞানিক আলোকদানে, টেলিগ্রাফে, রেডিক্সারেটরে এবং রেডিয়ার ব্যাপারে রবার নহিলে কাজ চলে না।

রবারের ব্যাণ্ডেজ দিয়া গাছপালার দেহ ঘিরিয়া ছুট কীটের আক্রমণ হইতে সে-গাছপালাকে রক্ষা করা সম্ভব হইয়াছে।

জল বা কণা-পরিমাণ বায়ু ভিতরে প্রবেশ করিতে পারিবে না। আবার রবার দিয়া যে-ব্যাটারি সেপারেট তৈয়ারী হইতেছে, সে যেন শ্রীরাধার সেই শতছাঁ কুম্ভ! অর্থাৎ এ সেপারেটরে অতিসূক্ষ্ম রজ্জু আছে রজ্জুর সংখ্যা পঞ্চাশ কোটি! রবারের যে 'ম্যাট্রেশ' ইঁচ তৈয়ারী হইতেছে, তাহাতে বিঁধ বা রজ্জু আছে প্রায় আড়াই লক্ষ! এই রজ্জুপথে বায়ুপ্রবেশ করে এবং বায়ু প্রবেশের ফলে রবারের গায়ে যে-গন্ধ থাকে, সে-গন্ধ সম্পূর্ণ তিরোহিত হইয়াছে।

ফ্যারস্টোন এবং আরো বহু রবার-কোম্পানি রবারের কুশল-গদি-বাণিশ প্রভৃতি তৈয়ার করিতেছে, সেগুলিতে তথানি স্বাচ্ছন্দ্য এবং আরাম, সে আরামের স্বাদ নি কোনো দিন পাইয়াছেন, তিনিই জানেন!

রবারের দারুণ হুমকন—রৌদ্র। রৌদ্র লাগিলে তার গলিয়া কিয়া শুকাইয়া ডালা পাকাইয়া কঠিন অব্যবহার্য্য হইয়া উঠিত। এখন বৈজ্ঞানিকেরা

এ রবারে বানর গড়িতে পারেন, আবার ইচ্ছা হইলে শিব গড়িতেও এতটুকু বেগ পাইবেন না!

প্রথম যখন ইলেক্ট্রিক রেফ্রিজারেটরের সৃষ্টি হইল, তখন এ রবার যেমন শীত সহিতে লাগিল, গরম সহিতেও তেমনি বাধা রহিল না। তবে মুন্সিল ঘটিল এই যে, বৈজ্ঞাতিক প্রবাহ লাগিয়া রেফ্রিজারেটরের রবারে কালো কষ বাহির হইত! সে-কষ গৃহিণীদের কাপড়-



এ-সব রবারের গাছ

রবারকে রৌদ্রসহ করিয়াছেন। রবার এখন রৌদ্রে গলে না, শুকাই না! যেমন রবার, তেমনি থাকে।

রবারের একটি বৈশিষ্ট্য আছে—একই গাছের রবার অর্থাৎ তাদের গুণ-বৈষম্যের সীমা নাই। গাছ হইতে যে কাঁচা (raw) রবার পাওয়া যায়, তাহার সঙ্গে আরো বহু বস্তু মিশাইতে হয়; মিশাইয়া রবারকে রাসায়নিক প্রণালীতে 'শোধন' করিতে হয়। শোধনের ফলে রবারের গুণ-ম্পর্ক মিলে, তাহা লইয়া বাহ্য-ধূসী গড়িয়া তুলুন।

চোপড়ে লাগিয়া এমন দাগ ধরিত যে, সে-দাগ কিছুতে মুছিতে চায় না! তার উপর সে কষাণি লাগিয়া রেফ্রিজারেটরের রৌপ্যভ অঙ্গে কালো কলঙ্ক ধরিতে লাগিল। গৃহিণীরা ক্রভঙ্গী-সহকারে অহুযোগ তুলিতে লাগিলেন। কোম্পানি তখন নানা পরীক্ষায় সে-কষাণি-জনিত কষ্ট রহিত করিলেন।

কিন্তু কষাণি রহিত করিলে কি হইবে, রেফ্রিজারেটরের মধ্যে কল-মিষ্টান্ন তরকারী-ব্যাঞ্জন রাখিলে তাহাতে রবারের

গন্ধ ধরিতে লাগিল। মাখন বাহির করিয়া মুখে দিতে যান— মাখনে রবারের দুর্গন্ধ! মুখে দিতে কৃচি হয় না! তখন কোম্পানির রাসায়নিকেরা রবারকে গন্ধহীন করিবার জন্ত উঠিয়া পড়িয়া চেপ্টা করিতে লাগিলেন। তাঁহাদের সে সাধনা ব্যর্থ হয় নাই।

এখন এই রেফ্রিজারেটরের রবারকে তাঁরা এমন-ভাবে তৈয়ারী করিয়াছেন যে, রৌদ্র, আশুনের তাপ বা অক্সিজেন-বাষ্পের চাপেও রবারের ক্ষতি বা ক্ষয় নাই! শুধু তাই নয়, রবারকে নানা রঙে রাঙাইয়া যে রামধনুর বর্ণ গড়িয়া তুলিয়াছেন, যে ভাবেই সে রঙীন রবার জলে ধোত করুন, রবারের রঙ এতটুকু ঘুচিবে না বা মুছিবে না।


ইন্জেকশনের হাইপোডার্মিক ছুঁচ, তাহাতে যে প্লাস্টার (নল) আছে, তাহা রবারের তৈয়ারী। এ রবার এমন কৌশলে গঠিত যে, জলে বা ঘৃহ ও তীব্র আরকে গলে না, দাগ ধরে না। অথচ এ প্লাস্টারের ঘের (diameter) এক-ইঞ্চির  $\frac{3}{8}$  ভাগ; এবং পুরু (thickness)  $\frac{1}{8}$  ইঞ্চি মাত্র। এত ছোট মাপের বলিয়া ছুঁচে টাইটভাবে আঁটা চলে।

যে-রবার আশ্চর্য্য নমনীয়, সেই রবারকেই বৈজ্ঞানিকেরা তেমনি আবার ইম্পাতের মতো কঠিন অনমনীয় করিয়া তুলিয়াছেন। তাই এ রবারে রেশমের মতো মিহি মোজা যেমন তৈয়ার করা চলে, তেমনি আবার অঙ্গ শাণানোর শাণ-বস্ত্র তৈয়ারী হয়।

আমেরিকার বড় বড় কারখানায় বিশেষজ্ঞ কারিগর, এঞ্জিনিয়ার প্রভৃতির সংখ্যা পাঁচশো জন। তাঁহারা রবারের সহিত তুলা মিশাইতেছেন; আরো বহু দ্রব্য

মিশাইতেছেন; মিশাইয়া নব-নব প্রয়োজন-সাধনের জন্ত নব-নব রূপে-বেশে-ছাঁচে রবারকে গড়িয়া তুলিতেছেন।

ঘোড়ার ও কুকুরের যেমন জাতি-বিভাগ আছে— বনিয়াদী বংশ ধরিয়া যেমন তাহাদের জাতি নিকৃপিত হয়, রবারেরও তেমনি বনিয়াদী, গৃহস্থ প্রভৃতি বিভিন্ন জাতি-



কার্বার্টোন-কারখানায় রবার-শোধন

বিভাগ আছে। সব-চেয়ে সেরা রবার হইল ডোলোমেরাজির নং ১৫২; তার পর স্কটলন্ড্ গ্লেনশিল নং ১; জিরান্দজী নং ১; প্রাণবেশার নং ২৩।

রবারের গাছে ব্যাণ্ডেজ বাঁধার কথা পূর্বে বলিয়াছি এ ব্যাণ্ডেজ বাঁধিলে রুখ বা আহত গাছকে সুস্থ করিয়া তোলা যায়। গাছের কলম তৈরী করিতেও গাছের ছাঁ

কাটিয়া তার উপর ব্যাণ্ডেজ বাঁধিতে হয়। দশ দিন পনেরো দিন ব্যাণ্ডেজ বাঁধা থাকে; তার পর ব্যাণ্ডেজ খুলিলে দেখা যায়, গাছের গায়ে ছোট-ছোট চারা বাহির হইয়াছে। তখন সেই চারা কাটিয়া মাটিতে পুঁতিবার পালা। চ' সাত বৎসরে এ কলম-গাছ রবারপ্রসূ হয়।

তাহাদের প্রত্যেকের কাজ ভাগ করিয়া দেওয়া আছে। কেহ গাছের গায়ে ছুরি বসায়; কেহ বালতি ধরিয়া আঠা সংগ্রহ করে; কেহ সে বালতি ভর্তি করিয়া আঠা লইয়া যায়; কেহ আঠা জড়ো করিয়া তাহা জমাট বাঁধায়। সকালে বেলা ন'টার মধ্যে গাছ কাটার কাজ শেষ করিতে হয়—তার পর আঠা ভরিবার জন্ত পাত্র বাঁধা।

প্রত্যাহ ষে-পরিমাণ আঠা সংগৃহীত হয়, তার ওজন কোনো কারখানায় ৫০০, কোনো কারখানায় বা ৫০০০ গ্যালন। এ্যালুমিনিয়ামের বালতিতে ছুধ-আঠা ভরা হয়। সংগ্রহ করিবার পর আঠার সঙ্গে নানা রকম এসিড মিশানো হয়। এসিড মিশাইবার ফলে চক্রিণ ঘণ্টার মধ্যে ঘন-তরল আঠা জমাট-পাতে পরিণত হইয়া ওঠে। এই জমাট-রবার মাছরের মতো গোল করিয়া পাকাইয়া গুটাইয়া তিন-চার দিন ধরিয়া কারখানার ঘরে র্যাকে তুলিয়া তাহাতে ধোঁয়া লাগানো হয়। ধোঁয়া লাগানোর ফলে রবার গলিতে পারে না বা নির্যাসটুকু তাড়ির মতো ফেনাইয়া বা গাঞ্জিয়া ওঠে না!

এমনি ধোঁয়ানো পাত (smoked sheets) অবস্থায় রবার চালান যায়। তখন এ-রবারে সিদ্ধ মাংসের মতো গন্ধ থাকে।

আবাদ হইতে জাহাজে বা ট্রেনে এই পাত লইয়া যাইবার জন্ত কোম্পানির নিজস্ব ছোট রেল লাইন আছে। সেই লাইনের উপর দিয়া ছোট ছোট মাল-

গাড়ীতে ভরিয়া সেগুলি আনা হয় রেল বা ষ্টীমার ষ্টেশনে।

রবারের গাছে ছুধ-আঠা বাহির হয় খুব অল্প মূহুভাবে—একেবারে বিন্দু-ধারায়।

রবারের ক্ষেতে যান, দেখিবেন, সারি-সারি রবারের গাছ



যবনীপ্, মেয়েরা রবার শুকাইতে দিতেছে

সুমাত্রায় গুডইয়ার কোম্পানির আবাদে ৪০০০০ একর জমির উপর বনিয়াদী জাতের রবারের গাছ আছে অজস্র। প্রতি-একর জমিতে প্রায় দেড়শো করিয়া গাছ। এখানে মিস্ত্রী কারিগর ও কুলি প্রভৃতি লইয়া কর্মচারী আছে প্রায় ৬০০০০। এ-সব কর্মচারীদের মধ্যে অনেকই যবনীপবাসী।

উঠি যাচ্ছে; সে  
সব গাছ হইতে  
টুপ্ টুপ্ করিয়া  
বিন্দু বিন্দু ছুধ  
আঠা করিতেছে !  
এক-একটি গাছ  
হইতে বছরে যে  
ছুধ আঠা মিলে,  
তার ওজন হয়  
এগারো লক্ষ টন।

মার্কিন যুক্ত  
যত রবার আসে,  
তার বারো-আনা  
ভাগ মোটর-গাড়ার  
নির্মাণ কাজে  
লাগে। রাসা-  
নিকেয়া এখন

নকল লাটেক্স তৈয়ার করিতেছেন; আসলের চেয়ে নকল  
রবারে সুবিধা অনেক। তবে মোটর-গাড়ীর কাজে নকল  
লাটেক্স ব্যবহার হয় না; সে-কাজ হয় আসল লাটেক্সে।




“গাম্-ইলাস্টিক” বহির প্রতিলিপি

আগামী-বারে টায়ার-টিউব তৈয়ারীর কথা বলিব।  
সে তথ্য-পাঠে এদেশের অনেকে টায়ার-টিউব তৈয়ারী  
করিবার কৌশল জানিতে পারিবেন।

## সাঁঝে

সারাহের অঙ্ককারে ম্লান ঘরে ধরণীর আলো  
দিবসের কৰ্মস্রোত শ্রান্ততটে আছাড়িয়া ঝরে।  
দিগন্তের নভোলোকে ক্লাস্ত-পক্ষ বিহঙ্গের দল  
উড়ে চলে নীড়-মাঝে শঙ্কাহীন বৃক্ষের শিখরে।  
সেখান নীরব সাঁঝে মৃত্তিকার আঙিনার মাঝে  
তুলসীর বেদীমূলে ভীকৃ ক্রোণ প্রদীপের শিখা  
আলাইয়া ধীরে ধীরে প্রণমিয়া উঠ মৃৎ-লাজে,  
প্রশান্ত সিঁথিতে তব রেখামিত সিন্দূরের লিখা !  
সহসা মরমকোণে কি স্মৃতি উঠিল জাগি ধীরে  
নয়নের নভোকোণে নামি এল বরষা-বাদল—  
জাগিল কাহার ছবি? স্মরণের সমুদ্রের তীরে  
ছুরস্ব ঝটিকা-বারে নিভে গেল প্রদীপ-কাজল।

সে কোন বিরহ লিখা? অগণিত তরঙ্গহিল্লোলে  
ভেসে আসে মেঘস্তুপে গাঢ় করি দূর দিগন্ত  
অজস্র স্মৃতির কূলে পরিপূর্ণ ব্যথার কল্লোলে  
ভরি দিল ছন্দে ছন্দে বেদনার মনের প্রাঙ্গণ !  
বসন্তের ফুলবনে দক্ষিণের মৃৎ সমীরণে  
জীবন-প্রভাতে তব ফুটেছিল প্রথম কলিকা  
তাহারে ভুলিয়াছিলে দিবসের সূর্যের কিরণে ;  
প্রদোষের সন্ধিক্ষণে ফুটে ওঠে পুনঃ সে মালিকা—  
তোমারে রাঙারে দিল, মুহূর্ত্তেকে করিল উত্তল  
সেদিনের স্মৃতিকথা ব্যথা-বাস্পে বিভল-উচ্ছল !  
তাহারে ভুলিয়া প্রিয়, পুরাতন সেই স্মৃতিখানি—  
ঢেকে দিয়ো রেখে দিয়ো স্মরণেতে স্তম্ভ রেখা টানি  
শ্রীমৃগালকান্তি রায় !



## কেলা-ফতে

(গল্প)

শ্রীযুক্ত গোবিন্দ আচার্য্য মহাশয় বরাবর দ্বিতলে উঠিয়া, যেখানে শিবরাণী বসি ও এক ঝোড়া তেঁতুল লইয়া বীচি ছাড়াইতে বসিয়াছিল, তথায় আসিলেন এবং শিবরাণীর উদ্দেশে কহিলেন, “ছেলেকে তলব করেচ কেন গো মা ?”

শিবরাণী শশব্যস্তে উঠিয়া-আসিয়া তাঁর শ্রীচরণে প্রণাম করিয়া কার্পেটের একখানা আসন বিছাইয়া কহিল, “বসুন বাবা; দেহটা আপনার ভাল আছে ত?” বলিয়া তেঁতুলের হাতটা ধুইতে গেল। হাত ধুইয়া ফিরিয়া আসিয়া কহিল, “একটা দরকারে আপনাকে ডাকিয়েছি আচার্য্য মহাশয়! হাতটা একবার ভাল-ক’রে দেখতে হবে। প্রত্যেকবারেই চারখানা পাঁচখানা ক’রে লটারির টিকিট কিনে যাচ্ছি; ওটা যেন কেমন একটা নেশায় দাঁড়িয়ে গেছে। কিন্তু একবারও ত এ পর্য্যন্ত উঠলো না কিছু। তাই, ক’দিন ধ’রে ভাবছি, আপনাকে দিয়ে একবার হাতটা ভাল-ক’রে—”

“বেশ করেচ মা, এসব ব্যাপার ভাগ্যের সঙ্গে জড়িত কিনা, সুতরাং ভাগ্যের ফলাফলটা জেনে এসব কাজে নামা উচিত। পাঁজিখানা নিয়ে এসে একবার বোস দেখি মা, ভাল ক’রে দেখি।”

শিবরাণী ঘর হইতে পাঁজিখানা আনিয়া, গোবিন্দ আচার্য্যের সামনে আসিয়া বসিল। গোবিন্দ পাঁজি খুলিয়া তিথি-নক্ষত্র-রাশি-গণ মিলাইয়া, শিবরাণীর হাতের রেখার সহিত সে-সবের বিচার করিয়া, অত্যন্ত গাভীর্ষের সহিত কহিল, “শনির বক্র-দৃষ্টি চলেছে খুবই। অষ্টমপতি আর ষষ্ঠপতির মাঝেই দেখছি একেবারে-.....; ওঃ! এই যে রেখাটা দেখচো মা, এইটেই বস্তু অনিষ্ট ঘটাবে! এদিকে বৃষ্ণ একেবারে দ্বাদশে জেঁকে বোসে রয়েছে, অর্থনাশ ত হ’বেই।”

শিবরাণীর মনটা খারাপ হইয়া গেল; বলিল,—“বুধকে ও-ঘর থেকে তাড়িয়ে দেওয়া যায় না? অর্থনাশ খুবই হ’ছে বাবা! বামুনঠাকুর আর কেঁপাটার মধ্যে এতদিন ছিল ঝগড়া। কেউ কিছুই সুবিধে করতে পারত না ও কিছু গোলমাল করলে, এ এসে ব’লে দিত; এ কিছু গোলমাল করলে ও এসে ব’লে দিত। এখন সম্প্রতি হ’জনে হোয়েচে গলায়-গলায় ভাব! আর চার হাত দিয়ে এলোপাতাড়ি চুরি চলচে! তার সাক্ষী এই দেখুন না; এই কি দশ সের তেঁতুল, বাবা? তা’ও সের নিয়েচে সাত পরস ক’রে! অর্থনাশের ঘটনাটা বুঝুন একবার!”

ট্যাকের পাক খুলিয়া ছোট্ট নেশুর ডিবাটা গোবিন্দ আচার্য্য হাতে লইলেন, এবং এক টিপ্ নশ লইয়া কহিলেন,—“ও আর কিছু আমাকে বলতে হবে না মা, অর্থনাশ হ’তেই হবে; শাস্ত ত আর মিথ্যে হবার নয়; ‘সস্তাপং বিত্তনাশঞ্চ বজ্রনাশং পরাজয়ং : সৌরিঃ কয়োতি বৈকল্যং রবেরস্তুর্গতে শনৌ।’—শনিকে না ভুট করতে পারলে, ঠাকুর-চাকরের অত্যাচারও কমবে না, আর লটারীতে কিছু ওঠা—তারও কোন আশা-ভরসা নেই। আমি বলি কি, তিনটে মাস শনিবার শনিবার শনিপূজার একটু ব্যবস্থা কর মা! তা হোলেই শনি একটু ভুট হবেন; তখন লটারীর টিকিট কিনো।”

“তা’ হোলে, এখন আর কিনবো না?”

“না;—টাকাগুলো যদি জলে ফেলতে না চাও।”

অতঃপর প্রতি সপ্তাহে শনিপূজার ব্যবস্থা হইল। কিন্তু রামবাবু অর্থাৎ বাড়ীর যিনি কর্তা তিনি এই সবেয় ঘোর বিরোধী। বিশেষতঃ, গোবিন্দ আচার্য্যের প্রতি তিনি বিশেষ চটা। আচার্য্যের কাঁকিবাড়ীর বিরুদ্ধে এ বাবৎ তিনি শিবরাণীকে অনেক বুঝাইয়াও গোবিন্দের প্রতি তাহার শ্রদ্ধা ও বিশ্বাস তিল পরিমাণও কমাইতে সমর্থ

হ'ন নাই। স্মৃতরাং স্থির হইল, তিন মাস ধরিয়া প্রতি-  
সপ্তাহে শনিপূজা করিতেই হইবে; তবে-পূজাটা এ বাড়ীতে  
না হইয়া গোবিন্দের বাড়ীতেই হইবে। শিবরাণী বারো  
শনিবারের পূজার ব্যয় বাবদ ছইখানি দশটাকার নোট  
গোবিন্দের হাতে দিয়া প্রণাম করিল, এবং গোবিন্দ আর  
এক টিপ্-নশ্রু নাসারন্ধ্রে গুঁজিয়া সজল-নেত্রে ও প্রসন্ন-  
চিত্তে আশীর্বাদ করিতে করিতে স্বস্থানে প্রস্থান করিলেন।

ইহার কিছু পরেই রামবাবু বাহির হইতে গৃহে ফিরিলেন,  
এবং হাতমুখ না ধুইয়াই আগে দেৱাজ খুলিলেন এবং  
উদ্যতচিত্ত নোটের তাড়াটার নোটগুলি পুনঃ পুনঃ গণিতে  
লাগিলেন। তিন-চারি-বার গণিয়া মুখখানা বিকৃত করিয়া  
হাঁকিলেন—“হ্যাঁ গা?” কিন্তু ‘হ্যাঁ গা’র কোন সাড়া-শব্দ  
নাই! সে তখন একান্ত মনে পুমরায় তেঁতুলের বীচি  
নিষ্কাশন-কার্যে রত।

“গুনতে পাচ্চ না? ওগো!”

শিবরাণী গুনতেও পাইয়াছিল এবং বুঝিতেও পারিয়া-  
ছিল। গম্ভীরভাবে সাড়া দিল, “কি বোলচ? কাণের  
মাথা খাইনি, গুনতে পাই।”

“ছ'খানা নোট কি হ'ল?”

“আমি এই তেঁতুলের সরবৎ ক'রে তাই দিয়ে গুলে'  
খেয়েচি।”

“গুলে' খেয়েচ, কি গোল্লায় দিবেচ, যা হোক কিছু-  
একটা কয়েচ নিশ্চয়। ৩৫খানা থেকে পাঁচ আর তিন  
৮খানা গেলে ২৫খানা থাকবে ত?”

“নেই ২০খানা?”

“না, ২খানা নেই।”

“না থাকবার ত অপরাধ নেই। বৃধ স্বাদশে এসে  
বধন জেঁকে বসেচে, তখন এ রকম হবেই। নইলে এই কি  
তোমার গিয়ে দশ সের তেঁতুল! আর সাত পয়সা ক'রে সের  
এনেচে বলে, ‘কি করব মা, যুদ্ধেতে সব অগ্নিমূল্য  
হোয়েচে।’ তা তেঁতুল দিয়ে কি কামানের গোলা তৈয়ারী  
হচ্ছে! এমন অনাছিষ্টির কথাও জগ্নে শুনি মি।”

“চুলোর থাক তোমার তেঁতুল। এখন নোট ছ'খানা  
হ'ল কি?”

“ঐ যে বললুম, তেঁটা পেয়েছিল, সরবৎ ক'রে খেয়েচি।”

রামবাবু আর উচ্চবাচ্য করিলেন না; করিয়া কোন

ফল নাই। ব্যাপারটা তিনি অনুমান করিয়া লইয়াছিলেন।  
বাড়ী ফিরিবার পথে তিনি গোবিন্দ আচার্য্যিকে এই দিক  
দিয়াই ঘাইতে দেখিয়াছেন; এবং শিবরাণী যে তার  
এক জন বিশিষ্ট ভক্ত, তাহাও তিনি জানেন। স্মৃতরাং  
নোট ছইখানি বেশ শক্ত ছই ছইটি পাকে যে তাঁরই  
-- টাকশালে নয়—ট্যাঁকশালে বন্দী হইয়াছে, তাহা তিনি  
বুঝিতে পারিলেন। কিন্তু কিছু আর বলিলেন না, নীরব  
রহিলেন। শুধু মনে মনে গোবিন্দ আচার্য্যির চৌকপুরুষান্ত  
করিতে লাগিলেন। শিবরাণীকেও তাঁহার গালি দিতে  
ইচ্ছা হইল; কিন্তু শিবরাণীর রাশিনকত্রের এমন জোর ছিল  
যে, কখনও তাহার বিরুদ্ধে—সামনা-সামনি ত নয়ই—মনে-  
মমেও কোন কিছু বলিতে তাঁহার সাহসে কুলাইত না।

শিবরাণীও আর কোন কথা না বলিয়া নীরবে তেঁতুল  
ছাড়াইতে লাগিল। মনে মনে ভাবিল, ‘আচার্য্যি মশায়ের  
ওপর ওঁর ষেরকম আক্রোশ, আজকের ব্যাপার চেপে  
যাওয়ারই সব চেয়ে ভাল। কি-কথার কি বোলে ফেলবো  
আর শনিপূজার ব্যাপারটা ফাঁস হ'য়ে যাবে। দরকার  
মেই আর ও-কথায়।’

খানিক পরে রামবাবু আবার জামা-কাপড় পরিয়া বাহির  
হইবার উপক্রম করিলেন। শিবরাণী জিজ্ঞাসা করিল,  
“আবার বেরুচ্ছ কোথায়?”

সিঁড়ি দিয়া নামিতে নামিতে রামবাবু কহিলেন,  
“বায়োকোপ, বায়োকোপ।”

শিবরাণী কহিল, “বুড়ো বয়সে সখের ত দেখচি  
স্মোর নেই!”

শিবরাণীর রাশিনকত্র যদি জোরালো না হইত, তাহা  
হইলে ফিরিয়া আসিয়া এ কথার উত্তর ভাল করিয়াই  
রামবাবু শুনাইয়া দিয়া তবে ছাড়িতেন। এ ক্ষেত্রেও তিনি  
নীরব থাকিয়া গৃহ হইতে নিষ্ক্রান্ত হইলেন।

পথের মোড়ের কাছে আসিতেই তাঁহার গমনে বাধা  
পড়িল। বেহালার ফণীবাবু আসিয়া তাঁহার হাত চাপিয়া  
ধরিলেন;—কহিলেন, “তোমার কাছেই যাচ্ছিলুম যে!”

ফণীবাবু রামবাবুর বাল্যবন্ধু। আদিপুর-কোটে  
ওকালতি করেন। বর্তমানে বেহালার বাড়ী করিয়াছেন।

রামবাবু কহিলেন, “ঠাৎ এ দিকে যে? খবর সব  
ভাল?”



“খবর সবই ভাল। ছোট ভাইয়ের ত আর বে না দিলে চলে না; ২৭২৮ বছর বয়স হোল ত। তার জন্তে একটি পাত্রী দেখতে এসেচি। তোমাকে যেতে হবে ভাই! বেশী দূর নয়, এই বাগবাজারে—নিরাকার ষ্ট্রীট।”

“কিন্তু আমি বায়োফোপে বাবার জন্তে বেরিয়েচি, একটা নতুন—”

“নতুন একদিনেই আর পুরানো হয়ে যাচ্ছে না, কাল দেখবে। চল, যেতেই হবে।” বলিয়া—ফণীবাবু একরকম জোর করিয়াই রামবাবুকে টানিয়া লইয়া চলিলেন।

\* \* \* \* \*

গত সন্ধ্যায় নিরাকার ষ্ট্রীটে মেয়ে দেখিয়া আসিবার পর হইতেই—রামবাবুর যেন মানসিক বৈলক্ষণ্য ঘটয়াছে। আহারে রুচি নাই, চোখে নিদ্রা নাই; মনে স্বস্তি নাই; মন অত্যন্ত অস্থির, এবং তাহার গতি অত্যন্ত এলো-মেলো। কোন-একটা অবস্থায় হৃদয় মন স্থির করিয়া থাকিতে পারিতেছেন না। একবার চেয়ারে হেলান দিয়া বসিতেছেন, একবার মেজের উপর গুইয়া পড়িতেছেন, একবার বাহিরের বারান্দায় পাইচারী করিতেছেন। কখনো জানালার ধারে দাঁড়াইয়া আকাশ দেখিতেছেন, কখনো দেয়ালে-ঝুলানো ঠাকুরদাদার আমলের রাম-সীতা-হনুমানের পটখানার মধ্যে হঠাৎ কোন নতুনত্ব দেখিয়া স্থিরদৃষ্টিতে তৎপ্রতি চাহিয়া রহিয়াছেন; আবার কখনো বা দীর্ঘনিশ্বাসের সহিত বিছানায় চলিয়া পড়িয়া উর্দ্ধদৃষ্টিতে কড়িকাঠ সম্বন্ধে মনে-মনে কোনরূপ গবেষণা করিতেছেন। ছপুরবেলা আহারাদির পর জামা গায়ে চড়াইয়া রামবাবু জুতার ফিতা বাঁধিতে বসিলে, শিবরাণী কহিল—“নাকে-মুখে ভাত গুঁজেই বেরুনো হচ্ছে কোপায়?”

“পার্কটার এক পাক ঘুরে আসি।”

হুই চোখ কপালে তুলিয়া শিবরাণী কহিল, “তোমার কি বাথা খারাপ হোল? এই বোশেখী ছপুরের রোদে যাচ্ছ পার্কে ঘুরে বেড়াতে!”

“ওঃ!” বলিয়া রামবাবু বিছানার উপর বসিয়া পড়িলেন, এবং বসিয়া-পড়িয়া জুতা জামা খুলিতে লাগিলেন।

শিবরাণী কহিল—“তোমার হ'ল কি? এত বলি

বে, একটু বেশী ক'রে মাথায় জল ঢেলে চান করো, তা কিছুতেই করবে না—। ওই ছিরিক ক'রে হু'মগ জল মাথায় ঢেলেই ব্যস্ হোয়ে গেল! সকালে বললুম—‘এক-পো স্জি আনতে, আনলে কি না—পাঁচ-পো বিড়ঙ্গ! তোমার হোল কি?’”

বেশ-একটু বিরক্ত হইয়া এবং মুখখানা বাঁকা করিয়া রামবাবু বলিলেন—“হবে আবার কি? কিছু হয়-টয় নি।”

“নিশ্চয় হোয়েচে, আলবৎ হোয়েচে!” বলিতে বলিতে শিবরাণী ঘর হইতে বাহির হইয়া গেল। যাইতে যাইতে কহিল—“ঘরে মকরধ্বজ কেনা রয়েছে; কাল থেকে মাখন-মিছরি দিয়ে খেতে শুরু কর; আর না হয়, কটিক ডাক্তারকে দেখিয়ে একটা ভাল ওষুধ-টোষুধ কিছু খাও। শেষকালে কি আমাকে দ'রে মজাবে!”

এবার আরও একটু উচ্চকণ্ঠে এবং আরও কিঞ্চিৎ বিকৃত মুখে রামবাবু বলিয়া উঠিলেন—“কিছু হয়নি আমার,—কিছু হয়নি আমার!”

কিন্তু কিছু-একটা হইয়াছে যে, সে বিষয়ে কোন সন্দেহ নাই। নিশ্চয়ই হইয়াছে। তরুণ মঙ্গলবার কিছু হয় নাই। পরশু বুধবারও কোন-কিছু হইবার অবসর ঘটে নাই। কাল বৃহস্পতিবারও সকাল ও ছপুরে এমন কিছুই ঘটে নাই। ঘটয়াছে কাল বৃহস্পতিবার বারবেলায় গৃহ হইতে বাহির হইবার পর। কি কুক্ষণেই যে ফণীবাবুর সঙ্গে দেখা হইল! কি অশুভ মুহূর্তেই যে তাঁহাকে নিরাকার ষ্ট্রীটে যাইতে হইল! মেয়ে দেখিয়া আসিয়া কাল সারা রাত রামবাবু চোখের হু'পাতা এক করিতে পারেন নাই। তাঁহার অন্তরে রেখার মুখখানা সারাক্ষণই ফুটিয়া উঠিয়াছে, এবং ফুটিয়া উঠিয়া তাঁহার মনকে নাচাইয়াছে, দোলাইয়াছে, উঠাইয়াছে, নামাইয়াছে, আঘাত করিয়াছে, আনন্দ দিয়াছে। ভোরের দিকে মানস-চক্রে রেখার মুখ দেখিতে-দেখিতেই অল্প কিছুক্ষণের জন্ত তাঁহার একটু তন্দ্রা আসিয়াছিল, আবার রেখার মুখ দেখিতে-দেখিতেই সে তন্দ্রা ছুটিয়া গিয়াছিল। তাহার পর সমস্ত সকালবেলাটা এ মাসের ‘বঙ্গ-কুম্ভ’ মাসিক পত্রখানার ‘রেখার ডায়েরী’ নামে যে ছোট গল্পটা বাহির হইয়াছে, তাহা বার বার পাঠ করিয়াছেন; তাহার পরে কাগজ পেঙ্গিল লইয়া নানাপ্রকার দাগ কাটিয়াছেন আর মনে

মনে বলিয়াছেন, 'সরল-রেখা', 'বক্র-রেখা'. 'রেখা-চিত্র' ইত্যাদি। তার পর, দোকান হইতে এক পোয়া সূজি আনিতে গিয়া পাঁচ পোয়া বিড়ল আনিয়াছেন। এখন বিছানায় শুইয়া-পড়িয়া চক্ষু মুদ্রিত করিয়া চিন্তা করিতে লাগিলেন :—

“আহা কি সুন্দর! কি-বা মনোহর! মুখের এমন সু-ডোল ভাব বড়-একটা দেখা যায় না। মনে হয়, মুখখানার দিকে চিরকাল ধ'রে চেয়ে থাকি। যেমন চোপ, তেমনি কপাল, তেমনি নাক, তেমনি কাণ, তেমনি গাল, যেন ফুটন্ত গোলাপ! মাথার চুলেরই বা কি বাহার! 'সে এমন-ক'রে চেয়ে গেল ক'রে মন চুরি!' আর সুন্দর ত অনেকই চোখে পড়ে, কিন্তু কি সাংঘাতিক সুন্দর সে। উঃ! না, যাক, আর ভাববো না। ভেবে শুধু শুধু কষ্ট পাওয়া। চুলের যে গোছা-ছোটো ছ'কাণের জুল্পীতে নেবে পড়েচে, তাই বা কি সুন্দর! তাই ত কি করা যায়। যাক—চুলোয় যাক। উঃ, কি বেজায় গরম পড়েচে! আজ কি বার? এবার আগের দফা রফা! বিষ্টিই হোল না, বোটা শক্ত হ'তে পেলো না, কচি বেলাতেই সব বোটা খসে নিঃশেষ হয়ে গেছে। সামনের বাড়ীটার ছাদে মেরাপ বাঁধে, সেই মেয়েটার বিয়ে বোধ হয়, যাকে সকলে খুব সুন্দর বলে। মেয়েটা সুন্দর বটে, কিন্তু রেখার সঙ্গে তুলনায় ও তার বা-পায়ের কড়ে আঙুলেরও যোগ্য নয়। আহা-হাঃ, ভগবান যেন—দূর ছাই! আচ্ছা, দেশের যত কাক, সবগুলোরই কি আড্ডা এই কোলকাতায়! কৈ—পাড়ারগায়ে ত এত—  
ওঃ! ফণীকে যে একখানা চিঠি দিতে হবে; অনেক করে বোলে গেছে।”

রামবাবু কাগজ-কলম লইয়া লিখিতে বসিলেন। খাণিকক্ষণ ধরিয়া গভীর ভাবে চিন্তা করিলেন। তাহার পর আপন মনে কহিলেন, 'দোয়া যাক এক বোমা ছেড়ে, যা হয় তা' হবে।' বলিয়া ফণীবাবুকে এইভাবে পত্রাবাত করিলেন,—

‘ভাই ফণি, তোমার অনুরোধ মত নিরাকার ষ্ট্রিটের কনেটির সন্ধে আজ প্রাতে অস্ত্রাভ্য যাবতীয় খোঁজ খবর লইয়াছি। অস্ত্র কাগরো কাজ হইলে, আমি এত করিয়া পরিশ্রমও করিতাম না, আর ব্যস্ত হয়ে পত্র লিখিতেও বসিতাম না। তোমার ছোট ভাই আর আমার ছোট ভাই

—আমি ত পৃথক বলে মনে করি না—এ আমার ঘরেরই ব্যাপার বোলে মনে করি। যাক—বলি ভায়া! সখ্যকটি কোন্ ধরনের এনেছিলেন? পত্রে পাত্রীর গুণের আলোচনা করিব না। ভায়ার পাত্রীর জন্ত অস্ত্রাভ্য চেষ্টা কর। আমিও চেষ্টা করিতে থাকিলাম। ভাগিয়াস্ ঐ মেয়েটির সঙ্গে ভায়ার বিয়ে হইয়া যায় নাই, এই বন্ধ। এর জন্ত ভগবানকে ধন্যবাদ। ইতি।’

চিঠিখানা খামে আঁটিতে আঁটিতে রামবাবু নিজের মনে বলিলেন—‘কেল্লার একটা দিক্ ত চমিয়ে দিলুম, দেখি, মাণিকের মুকুট দখল করতে পারি কি না!’

পত্রখানা ডাকবাক্সে ফেলিয়া দিবার অভিপ্রায়ে তখন তিনি জামা-জুতা পরিতে বাইতেছিলেন, কিন্তু শিবরাণীর একটু আগের কথাগুলি মনে করিয়া আর বাহির হইতে সাহস করিলেন না। শয্যায় শুইয়া পড়িলেন।

বৈকালের দিকে রামবাবু চিঠিখানা পকেটে লইয়া বাহির হইয়া পড়িলেন এবং তাহা ডাকবাক্সে দিয়া ভাবিলেন,—“কোথায় যাই? পার্কে? ভাল লাগে না। বায়স্কোপ? তাতেও মন লাগে না। বাড়ী ফিরে যাব? বাড়ীতেও ত মন টেকে না। নতুন দোকানটায় গিয়ে এক কাপ চা খেয়ে এলে হয়।”

নতুন দোকানের সামনে আসিয়া দাঁড়াইলেন। কিন্তু কি-ভাবিয়া চুকিলেন না। এক-পা এক-পা করিয়া সামনের দিকে অগ্রসর হইয়া চলিলেন। অবশেষে বাগবাজারের পথ ধরিয়া নিরাকার ষ্ট্রিটের দিকে পা-ছোটাকে ধীরে ধীরে চালাইয়া দিলেন।

সেই একতলা ছোট বাড়ীটা। যাহার ভিতর ভগবান শ্রেষ্ঠ সৌন্দর্য রাখিয়াছেন। রামবাবু বিপরীত দিকের ফুটপাতে মুড়কী-বাতাসার দোকানের সামনে দাঁড়াইয়া বাতাসার দর-দস্তুর করিতে শুরু করিলেন। দোকানী কহিল—“আহেন করতা, জিনিসডা একবার ভাল কইয়া আহেন।” একতলা বাড়ীর খোলা জানলা হইতে দৃষ্টি ফিরাইয়া আনিয়া রামবাবু কহিলেন, “তা ব'লে তের আনা সের যে বড় বেশী দাম বলচ বাপু!”

“তের আনা কি করতা, স্মার পাচ আনা কইলাম।”

ঐ—ঐ—ঐ রেখা আসিয়া দাঁড়াইল।

\* \* \*

সন্ধ্যার পর পাঁচ পোয়া বাতাসা হাতে করিয়া রামবাবু গৃহে ফিরিলে, শিবরাণী কহিল—এ কি কাণ্ড! ওবেলা

বিড়ঙ্গ, এ বেলা বাতাসা! এত বাতাসা কি হবে? বিড়ঙ্গ দিয়ে ভিজিয়ে খাবে না কি?”

“সংসার করতে হলে বিড়ঙ্গও চাই, বাতাসাও চাই।”—গম্ভীর ভাবে উত্তর দিয়া রামবাবু বরাবর উপরে উঠিয়া গেলেন।

রাত্রে রামবাবুর চোখে নিদ্রা আসে না। এ-পাশ ও-পাশ করিয়া ঘড়ি বাজার ঘণ্টা গণিতে লাগিলেন আর নানারূপ চিন্তা করিতে লাগিলেন,—“কি করা যায়? সব দিক্ রক্ষা কোরে কাজ হাসিল করা বড় মোজা কথা নয়। ফণীকে না হয় এক ঘায়ে কাৎ করা গেল; কিন্তু রেখার বাবাকে.....! সবার ওপর, ঘরের গিন্নীটিকে কায়দায় আনা—সেইটাই ত অসাধ্য ব্যাপার! তা হোলে ত কুরুক্ষেত্র কাণ্ড বাধিয়ে বসবে!”—রামবাবু একেবারে হতাশ হইয়া পড়েন। পরক্ষণেই রেখার মুখখানা অন্তরে কুটিয়া উঠিয়া অন্তরকে বলীয়ান্ করিয়া তুলে, উৎসাহে হৃদয়-মন নৃত্য করিতে থাকে।

সারারাত্রির অনিদ্রার পর সকালে শয্যা ত্যাগ করিয়া রামবাবু চায়ের জন্ত হাঁক-ডাক করায় শিবরাণী আসিয়া কহিল—“বলি, চায়ের কি কল বসানো আছে যে, টিপবো আর পেয়ালা ভর্তি ক’রে আনব? হাত ত এই ছুটো।”

“তা’ কি করব বল? আর ছুটো হাত ত কাঁধে জুড়ে দেবার উপায় নেই।”

শিবরাণী কথাটা অগ্রপথে লইয়া গেল; কহিল—“থাকবে না কেন, করলেই আছে। যেমন তোমার সেই বন্ধু নগেনবাবু করেছে। ও একটা গাড়োল! এক বউ থাকতে কোন্ ভদ্র লোক আবার একটা বিয়ে করতে পারে! আমি হোলে ওর নাক-কাণ কেটে, ছুটো বউ নিয়ে ঘর করার মজাটা টের পাইয়ে দিতুম।”

“অতি যাচ্ছেতাই অতি যাচ্ছেতাই! ও লোকটাকে এই আমিও ছ’চক্ষে দেখতে পারি না। বলি, বিয়ে করাটা কি ছেলেখেলা! পঞ্চ পাণ্ডব ত অন্ততঃ পাঁচটি বোঁ ঘরে ধ্যান্তে পারতো, কিন্তু নিয়ে এলো একটি; অর্থাৎ প্রত্যেক এক-পঞ্চমাংশ বিয়ে করলে, একটা কোরে ছুটো কোরে ত এর কথা। এ থেকেও লোকের শিক্ষা হয় না! মার্চর্য্য!”

রামবাবুর চা-খাওয়া মাথার উঠিয়া গেল। তাঁহার

অন্তঃকরণে একদিকে ভয়, একদিকে বিরক্তি সমান ওজনে জমিয়া উঠিতে লাগিল। কিন্তু শেষ পর্য্যন্ত তাঁহার শিবরাণীর ভয়টাই বড় হইয়া সঞ্চিত বিরক্তিকে চাকিয়া ফেলিল। তিনি কহিলেন, “আমরা ত ও সব কথা স্বপ্নেও ভাবতে পারি না। এই ধর, তুমি যে আগার জী,—অর্থাৎ সহধর্ম্মিণী। তুমি আমার জীবনেও সঙ্গিনী, মরণেও সঙ্গিনী। অর্থাৎ আমি ম’লেও এ সম্বন্ধ—”

বাধা দিয়া শিবরাণী কহিল—“হোয়েছে; ও-সব অলু-ক্ৰমে কথা আর মুখে আনতে হবে না।” বলিয়া বারান্দার ও-ধারে যেখানে ষ্টোভে চায়ের জল ফুটিতেছিল, শিবরাণী সেই দিকে গেল।

রামবাবু বসিয়া বসিয়া যেন পাতাল-প্রবেশ করিতে লাগিলেন। মনে মনে কহিলেন, “না, বৃথা চেষ্টা, আর, অনর্থক মন খারাপ করা। সব দিক্ কায়দা করে নিতে পারব, কিন্তু এই দুর্জয় মেয়েমানুষটিকে কায়দা করা আমার সাধ্যের অতীত। নগেনবাবু বাইরের লোক—একজন পর—সে ছই বিয়ে করেছে বলে তার ওপর এই রাগ, আর আমি যদি করি, তা হোলে কি আর রক্ষে আছে! নাঃ! ও সব ঘটে উঠবে না; বৃথা চেষ্টা। রেখা-লাভ আর ভাগ্যে নেই। মিছি-মিছি মনকে ব্যস্ত ক’রে কোন ফল নেই। সব ভুলে যাওয়া যা’ক। বিধমঙ্গলের মত চিন্তামণিকে ভুলে সেই পরম-চিন্তামণি-পদে প্রাণ-মন সমর্পণ করা যা’ক। ইহকালের সকল দুঃখ পরকালে সুখ হোয়ে ফুটে উঠবে।”

সকাল-সকাল স্নানাহার শেষ করিয়া রামবাবু সেই পরম চিন্তামণিপদে প্রাণ-মন সমর্পণ করিতে কালীঘাটে কালীদর্শনে রওনা হইলেন। সেখানে কালীদর্শন করিয়া হাড়ি-কাঠতলার সম্মুখে নাট-মণ্ডপে বসিয়া লোকের ভীড় দেখিতে দেখিতে হঠাৎ একটি প্রোঢ় বয়স্ক লোককে দেখিতে পাইয়া দ্রুতপদে তাঁহার সম্মুখে আসিয়া কহিলেন, “এই যে! নমস্কার। কালীদর্শনে এসেচেন বোধ হয়?”

লোকটি রামবাবুকে চিনিয়া ফেলিলেন; কহিলেন,—“হ্যাঁ। ভাল আছেন ত? নমস্কার। আপনার কণিবাবু ত আর কোন খবর দিলেন না।”

লোকটি রেখার বাবা। উভয়ে নাট-মণ্ডপের একাংশে উপবেশন করিলেন।

দিবাকরবাবু অর্থাৎ রেখার বাবা কহিলেন—“মেয়েটি

আমার বড় হোয়ে উঠেচে, স্ততরাং ওর বিয়ের জন্তে আমাকে একটু ব্যস্ত হোয়ে পড়তে হোয়েচে। এবং শুধু ব্যস্ত নয়, একটু ভাবিতও ক'রে তুলেচে। কারণ, তেমন অর্থসম্পত্তি ত নেই।”

রামবাবু সম্মুখে কালী-প্রতিমার দিকে হস্ত প্রসারণ করিয়া কহিলেন,—“ভাবনার কোন দরকার নেই। সকল ভাবনা ঐ-পায়ের তলায় ফেলে দিন; ঐ বেটাই সব যোগা-যোগ ক'রে দেবেন।”

“আচ্ছা, আত্মীয় মনে করে আপনাকে জিজ্ঞাসা কচ্ছি, মেয়েটিকে ফণিবাবুর পছন্দ হয়েছে ত?”

একটু গম্ভীর হইয়া রামবাবু কহিলেন,—“পছন্দ ত হবেই।”

“তবে, কোন সংবাদ ত আর দিলেন না।”

“না দিয়েছেন, ভালই হোয়েচে।”

একটু চমকিত হইয়া দিবাকর কহিলেন,—“কেন—এ কথা বলচেন কেন?”

ক্ষণেক নীরবে থাকিয়া রামবাবু কহিলেন,—“নাঃ, এই দেবী-স্থানে আপনি আমাকে মহা মুস্থিলেই ফেললেন। এখানে ব'সে মিথ্যা কথা কি ক'রে বলি?”

অত্যন্ত ঔৎসুক্যের সহিত দিবাকর রামবাবুর হাত দুইটি চাপিয়া ধরিয়া কহিলেন,—“কি ব্যাপার আপনাকে বলতেই হবে, না বলে কিছুতেই ছাড়বো না।”

“মহা মুস্থিলে ফেললেন আপনি। তীর্থস্থানে—দেবীর সামনে বোসে.....”

ব্যাপারটা সঙ্কট-জনক হইয়া পড়িল। তীর্থস্থানে, দেবীর সামনে বসিয়া রামবাবু মিথ্যা কথাটাও বলিতে পারেন না; আবার কিছু না বলিলেও দিবাকর ছাড়েন না। স্ততরাং ক্ষণকাল নীরব থাকিয়া রামবাবু কহিলেন—“কস্তার অস্ত্র বিয়ের চেষ্টা দেখুন।” শেষ পর্যন্ত দিবাকরের অত্যন্ত পীড়াপীড়িতে কারণটাও বলিতে বাধ্য হইলেন, কহিলেন—“টি. বি.—টি. বি....খাইসিস্; বাপও ঐ রোগেই গিয়েচে কি না।”

দিবাকরের চক্ষু কপালে উঠিল।

রামবাবু আশ্বাস দিয়া কহিলেন....“এদের কথা ভুলে যান; অস্ত্র চেষ্টা করুন। অমন মেয়ে আপনার, বিয়ের ভাবনা কি? সকলে মিলে চেষ্টা করলে, ভাল পাত্র জুটবেই। মেয়ে আপনার স্ন-লক্ষণা, স্ততরাং ভাল হাতেই পড়বে।”

আরও কিছুক্ষণ কথা-বার্তার পর স্থির হইল, রামবাবু কাল প্রাতে দিবাকর বাবুর বাসায় যাইবেন ও তাঁহার দ্বারা পাত্র অনুসন্ধান-কার্যে যতটা সাহায্য সম্ভব, তাহা তিনি করিবেন। মনে মনে রামবাবু ভাবিলেন, ‘এদিকেও কামান দাগলুম; দেখা যা'ক, কতদূর কি হয়।’—রেখার কথা আবার নূতন করিয়া তাঁহার অন্তরে আশা ও উৎসাহের আলোক জালিয়া দিল।

বৈকালে গৃহে প্রত্যাবর্তন করিয়া তিনি একটু অস্থির-চিত্ত হইয়া পড়িলেন। নিরাকার ষ্ট্রীটে গিয়া সজপদেশ ও সাহায্য দান করিবার জন্ত তিনি অতিমাত্রায় ব্যস্ত হইয়া পড়িলেন। কাল সকাল পর্যন্ত অপেক্ষা করা তাঁহার ভাল লাগিতেছিল না। অথচ সকালে যাইবার কথাই হইয়াছে। হটক। তিনি সেই অপরাহ্নেই বাহির হইয়া পড়িলেন। রেখাকে যতবার দেখিতে পাওয়া যায়, ততবারই তাঁর অসীম তৃপ্তি, অতুল সুখ।

\* \* \* \*

সন্ধ্যা উত্তীর্ণ হইয়াছে। আইস্ক্রীমের ছোট ছোট গাড়ী-গুলি এদিক-ওদিক বাইতেছে। ছোকরা ও আফিংখোরের দল চায়ের কেবিনগুলিতে আসর জমাইয়াছে। দৈনিক কাগজের ফেরীওয়ালারা একপিট-সাদা একখণ্ড সাক্ষ্য-সংস্করণ হাঁকিয়া হাঁকিয়া বিক্রয় করিতেছে...‘জোর খবর! ভোট-ভোট শেষ হইলো! সুবোধবাবু হিন্দুকে গলা টিপিলো!’ কলেজের তরুণ-তরুণীরা পূর্ব পরামর্শ ও ব্যবস্থা অনুযায়ী হয় পার্কের পথে পাক দিয়া হাত্ত ও গয়ে চলা-চলি করিতেছে, নয় ত-বা একান্তের কোন-এক বেঞ্চে বসিয়া গলা-গলি করিতেছে। যে সমস্ত ছোকরা ফোতো-বাবু অগ্নাভাবে সারাদিন অনাহারে কাটিয়াছে, এক্ষণে তাহার দুই-পয়সায়-ডাইং-ক্লিনিং-এ-কাচা একমাত্র ধব-ধবে জামা কাপড় পরিয়া, বিনা-পয়সায় বাঁপ্‌ড়ি-টেরী উড়াইয়া, আধ পয়সায় পানের খিলি চিবাইতে চিবাইতে ও আধপয়সায় সিগারেটের োয়া ছাড়িতে ছাড়িতে সিনেমার ভাঁড় বাড়াইতে চলিয়াছে। হু'একটা বেহারী গোয়ালার খাটি ছুঁ-ভক্ত বাঙালী বাবুর গৃহে সামনে-দোহা পৃথিবীতে হু' অর্থাৎ...তিন ভাগ জল, এক ভাগ স্থল-মিশ্রিত হু'... যোগান দিয়া, এক্ষণে তাহার সেই বিশালকায় গরু এবং শীর্ণকায় বাছুর তাড়াইয়া এবং সেই সঙ্গে পথিকদের সঙ্গ

করিয়া, মহানন্দে 'তু কালা নটবর' স্বর ভাঁজিতে ভাঁজিতে  
বস্তীর দিকে প্রত্যাবর্তন করিতেছে।

বাগবাজার নিরাকার ঝাঁটে দিবাকরবাবুর বাসা। এক-  
খানি ঘরের মধ্যে মুখোমুখা বসিয়া—দিবাকর ও রামবাবু।

দিবাকর কহিলেন, “আপনিই দয়া করে আমার উদ্ধার  
করুন। তা হোলে বুঝবো... রেখার সত্যিই ভাগ্য ভাল।”  
দিবাকর রামবাবুর হাত ছুইটি চাপিয়া ধরিলেন।

রামবাবু কহিলেন, “আপনাকে এত ক’রে বলতে হবে  
না। আমারই কতবার মনে হয়েছে যে, এই সব বিষয়  
সম্পত্তি, চক্ষু বুঁজলেই, সেই আমার বাদর শালাটি এসে  
ভোগে লাগাবে। ছেলে-পুলে ত এঞ্জীর হয়নি, আর  
হবেও না। সে শুড়ে বালি! আমার অবর্তমানে সেই  
নচ্চার, পাজী, মুখুটা যে সব ছ’ হাতে লুটবে, আর মহা-  
ফুর্ভিতে ভোগ করবে, এ কথা ভাবতে গেলে আমার প্রাণ-  
বিহঙ্গ দেহপিঞ্জরে সজোরে মাথা ঠোকে আর খাবি খায়!  
তা আপনাকে আর এ জন্তে...”

কথা শেষ হইতে পাইল না। রেখা এক ডিবা পান  
হাতে করিয়া বাপের পাশে আসিয়া দাঁড়াইল। সঙ্গে-সঙ্গেই  
রামবাবুর দৃষ্টি কড়িকাঠের দিকে উঠিয়া গেল বটে, কিন্তু  
সেখান হইতে ছিটকাইয়া প্রতিকলিত হইতে লাগিল—  
রেখার মুখের দিকে।

বাপের হাতে পাণের ডিবা দিয়া রেখা চলিয়া গেলে,  
রামবাবু জিজ্ঞাসা করিলেন, “ইয়ে—বয়স কত হ’লো?”

“এই উনিশে পড়ল আর কি।”

রামবাবু তৎক্ষণাৎ মনে মনে হিসাব করিয়া ফেলিলেন  
—উনিশ আর উনচল্লিশ, তফাৎ তো মোট কুড়ি বছরের;  
নাঃ, নেহাৎ বে-মানান্ হবে না। তা-ছাড়া বাড়ন্ত গড়ন  
আছে।

অতঃপর আরও ঘণ্টাখানেক ধরিয়া উভয়ের মধ্যে  
যে সব কথাবার্তা আলাপ-আলোচনা হইল, তাহার ফলে  
উভয়েরই মন আশার আনন্দে ভরিয়া উঠিল। রামবাবু  
মনে মনে কহিলেন—‘একে একে ত সব ‘ক্লীয়ার’ করলুম,  
এইবার একটু শক্ত পাল্লা। দেখা যাক।’ অন্তরে তাঁহার  
আনন্দের কোয়ারা উপ্চাইয়া পড়িতেছিল।

রাত প্রায় দশটার সময় রামবাবু বাড়ী ফিরিলে  
শিবরাণী কহিল, “বায়োস্কোপে গেছলে—বোধ হয়?”

“নেহি বিবিসাব! হেমবাবুকো ছেলিয়াকা বেমার  
ছয়া হয়, উসিয়ান্তে দেখনেকো গিয়া থা।”

“এ আবার কি ঢং?”

“ঢং নয়; আইন হোছে, বাংলায় আর কথা-টথা  
বোলতে পারবে না, হিন্দীতে বলতে হবে। এখন থেকে  
সেটা অভ্যেস করা, ত দরকার।”

“হেমবাবুর ছেলেটার আবার অস্থখ ক’রেচে?”

“আবার। এবার একটু বেশী বেশী।”

“তা ওরা আচার্য্যি মশাইকে একবার ঠিকুজিটা, হাতটা  
দেখাক না। খারাপ দশা পড়েচে নিশ্চয়। উনি একবার  
দেখলেই সব বুঝতে পারবেন আর ব্যবস্থা করে দেবেন।”

“আচ্ছা—গোবিন্দ আচার্য্যির ওপর তোমার অগাধ  
বিশ্বাস, না?”

“বিশ্বাস কি শুধু শুধু হয়? আমার বিয়ের আগে  
বাবার অত-বড় মকদ্দমাটা কত সহজে জিতিয়ে দিলেন।  
আজ যেন উনি এদিকে এসে আছেন, বরাবরই ত আমাদের  
ভবানীপুরেই থাকতেন। রজনী মিত্তিরের বোটাকে  
বড় বড় ডাক্তারদের কেউ দেখতে বাকী রাখেনি। বোটা  
মরতে বসেছিলো; উনিই ত ঝাড়-ফুক ক’রে তাকে  
বাঁচিয়ে দিলেন। উনি ত শুধু জ্যোতিষী ন’ন, খুব ভাল  
ঝাড়-ফুক জানেন। আবার কত রকম ওষুধ-পত্র, মাহুলী,  
কবচ— তোমাদের বিশ্বাস নেই, তাই—”

“খুব বিশ্বাস আছে। তোমার যখন আছে, তখন  
আমার কি না থেকে পারে?”

“আমার বিয়ের সময় উনি গুণে যা বলেছিলেন, ঠিক  
তাই ত হোল। আমার ত সম্বন্ধ ঠিক-ঠাক হোয়েছিল—  
নৈহাটাতে; কিন্তু উনি বলেছিলেন—‘ওখানে কিছুতেই  
হবে না, কোলকাতাতেই হবে’—তাই ত ঠিক হোল।  
আমার মাথা-ধরার জন্তে বলেছিলেন—‘মা, রোজ একটু-  
ক’রে কামায়ণ পোড়ো।’—তা আর আমার হোয়ে  
উঠলো না।”

“আমাকেও বলেছিলেন—‘ফিব-রাত্রি’র দিন উপোস  
করতে, আমারও তা হোয়ে উঠলো না।”

একটু বিরক্ত হইয়াই শিবরাণী কহিল, “আজ রস যে  
খুব উপচে উঠেচে দেখচি! কিন্তু দাঁড়িয়ে দাঁড়িয়ে রসের  
কথা শোনবার ত আমার সময় নেই; রাত দশটা বেজে

গিয়েচে।” বলিয়া শিবরাণী রামবাবুর খাবার ব্যবস্থা করিবার জন্ত চলিয়া গেল। রামবাবু মনে মনে বলিলেন— “আচার্য্যি মশায়ের ওপর আমারও অগাধ বিশ্বাস, গিন্নী! এ অকূল সমুদ্রে তিনি ছাড়া আর পারের ভরসা নেই। কাল সকালেই তাঁর শরণ নোবো।”

সত্যই পরদিন সকালে রামবাবু গোবিন্দ আচার্য্যির কাছে গিয়া হাজির হইলেন। হঠাৎ পশ্চিমাংশে সূর্যোদয়ের মত রামবাবুকে তাঁহার কাছে আসিতে দেখিয়া তিনি প্রথমটা ভড়কাইয়া গেলেন। রামবাবু অতি ভক্তিভরে তাঁহার পদপ্রান্তে প্রণাম করিয়া পদধূলি মাথায় লইলেন। চমকিত অন্তরে গোবিন্দ আচার্য্যি রামবাবুর মাথায় হাত রাখিয়া আশীর্বাদ করিলেন, “কল্যাণ হোক।”

রামবাবু কহিলেন, “আশীর্বাদ সফল করাতে হবে, ঠাকুর; কল্যাণ করাতেই হবে।”

গোবিন্দ মানুষ-রাখাল; অর্থাৎ মানুষ চরাইয়া জীবিকার্জন করেন, কিন্তু ব্যাপারটা কিছুই অনুমান করিতে না পারিয়া জিজ্ঞাসুদৃষ্টিতে রামবাবুর মুখের দিকে তাকাইয়া রহিলেন। রামবাবু কহিলেন, “আনুপূর্ব্বিক সব খুলে না বললে, বুঝতে পারবেন না, বাবা। সবই আমি বলছি। মতলব আমার, আপনি শুধু মাঝে থেকে আমার সাহায্য করবেন। আর তার জন্তে আপনার শ্রীচরণে প্রণামী নগদ পাঁচ শ’খানি রজত মুদ্রা! তার ভেতর এই দু’শো আজ ‘গ্যাড্‌ভাস’ প্রণামী ধরুন।”—এক তাড়া নোট রামবাবু গোবিন্দ আচার্য্যির পদপ্রান্তে রাখিলেন।

গোবিন্দ আচার্য্যির মত চতুর লোকেরও এবার ভাবা-চ্যাকা লাগিয়া গেল! তাহার পর প্রায় অর্ধঘণ্টা ধরিয়া রামবাবুর নিকট সমস্ত গুনিয়া তাঁহার প্রাণ ধাতস্থ হইল। সমস্ত ব্যাপার বিস্তারিত বলিয়া রামবাবু কহিলেন, “দুটো পূজো, কি গ্রহশাস্তি ক’রে আমার ওখান থেকে কি ছাই আর আপনার প্রাপ্তি হয়! পাঁচ সিকে, ন’ সিকে, বড় জোর না হয় পাঁচটা কি দশটা টাকা—এই ত? আর এ ব্যাপারে এক দমে একেবারে কর-করে পাঁচটি শো! তারপর শুধু এইখানেই শেষ নয়। এর আবার ‘বাই-প্রডাক্টস’ (By-products) আছে। ঘরে দু’ পাঁচটা ছেলেপুলে না থাকলে আপনাদের রোজগার হবে কোথেকে, এটা হোলে আশা করা যায় দু’পাঁচটা ছেলেমেয়ে হবেই।

তখন আপনাদের উপায়ের নানান পথ খুলে যাবে, লক্ষ্মী-পূজো, ষষ্ঠীপূজো, অন্নপ্রাশন, ফাঁড়া-কাটানো—কত কি! বুঝতেই পারছেন ত।”

এবার একগাল হাসিয়া গোবিন্দ কহিলেন, “খুব বুঝেছি, বাবাজী; ভূমি নিশ্চিত থাক; ঠিক লাগিয়ে দিচ্ছি। তবে ফটিক ডাক্তারকেও ঠিক করে রেখো। ধারে ভারে কাটে কি না।”

“আজই দুপুরবেলা তার কাছে যাব। ডাক্তারখানা বোসে এ সব কথার আলোচনা চলবে না; আর কারে সামনেও বলা ঠিক হবে না।”

অতঃপর আরও কিছুক্ষণ ধরিয়া উভয়ের মধ্যে নানারূপ আলোচনা ও পরামর্শ চলিল। তাহার পর আর এক দফা প্রণাম ও আশীর্বাদের পালা শেষ হইলে, রামবাবু চলিয়া আসিলেন, এবং আচার্য্যি মহানন্দে নোটগুলি গণিতে বসিলেন।

\* \* \* \*

কয়দিন হইতে রামবাবুর শরীরটা ভাল নাই। থাকিয়া থাকিয়া বুক ধড়ফড় করিয়া উঠে, আর সঙ্গে সঙ্গেই তিনি বুক চাপিয়া ধরিয়া শয্যায় শুইয়া পড়েন। আজ সকালে ফটিক ডাক্তারকে ডাকানো হইয়াছিল। তিনি দেখিয়া গুনিয়া বলিয়া গিয়াছেন, ‘লংস’ খুবই ‘উইক’, পুষ্টিকর খাদ্য আহ্বারের প্রয়োজন।

দ্বিপ্রহরে সামনে বসিয়া থাকিয়া শিবরাণী রামবাবুকে খাওয়াইতেছিল। মাছের মুড়াটা রামবাবুর খাইবার ইচ্ছা ছিল না, কিন্তু শিবরাণীর তাগাদায় না খাইয়া পারিলেন না। তাহার পর দইয়ের বাটিটা চুমুক দিয়া নিঃশেষ করিয়া, দুইটা সন্দেশ গলাধঃকরণ করতঃ একটু জল খাইয়া গলা ভিজাইয়া লইয়া, আর একটি যেই মুখে তুলিতে যাইবেন, অমনি বুক চাপিয়া ধরিয়া সেইখানে চলিয়া পড়িলেন! শিবরাণী প্রমাদ গণিয়া পাখা আনিতে ছুটিল, বামুন ঠাকুর এক বালুতি জল আনিয়া ফেলিল, কেঁচা চাকর ফটিক ডাক্তারকে ডাকিতে ছুটিল।

ফটিক ডাক্তার আসিয়া বুক-পিঠে ‘ষ্ট্রেথেসকোপ’ বসাইয়া, নাড়ী দেখিয়া, জিভ পরীক্ষা করিয়া, চোখের কোল টানিয়া, নানাভাবে পরীক্ষা করিবার পর মুখখানাকে একটু চিন্তা-বিকৃত করিয়া কহিল, “এই রকমই একটা

কিছু আশঙ্কা করছিলুম যে—হবে। ‘ফ্লিটোলিয়া অফ্-চার্ট’—এ বড় শক্ত রোগ!”

শিবরাণীর মাথা ঘুরিয়া গেল, চক্ষে সে জগৎ অন্ধকার দেখিল।

রামবাবুকে ধরা-ধরি করিয়া শয্যায় আনিয়া শোয়াইয়া দেওয়া হইয়াছিল। তিনি কখনো স-চেতন, কখনো অ-চেতন। চক্ষু অধিকাংশ সময়ই মুদ্রিত। বাক্য একে-নারেই বন্ধ; মুখে শুধু মধ্যো মধ্যো গৌ-গৌ শব্দ!

একটা জরুরী ঔষধের ব্যবস্থাপত্র লিখিয়া দিয়া ফটিক ডাক্তার কেষ্ঠাকে ডাক্তারখানায় পাঠাইয়া দিল, খানিকটা গরম জল আনিতে বামুনঠাকুরকে নীচে পাঠাইল, শিবরাণীকে কহিল, “আপনি ছুটি মৌরী ভিজিয়ে ছটাক-খানেক জল নিয়ে আনুন ত।”

শিবরাণী চলিয়া গেলে রামবাবু ফিস্-ফিস্ করিয়া ফটিক ডাক্তারের উদ্দেশ্যে কহিলেন—“বাজে ওষধ-ফষদ খাইয়ে যেন প্রাণবধ ক’রো না, ডাক্তার; দেখো বাবা!”

তেমনি ফিস্-ফিস্ করিয়া ফটিক ডাক্তার কহিল, “কোন ভাবনা নেই। কিন্তু অনেক মিথ্যা কথা আর পরিশ্রম, ‘ফি’ আর কিছু বাড়িয়ে দিতে হবে, রামবাবু! আপনি হচ্ছেন রাজা লোক; এ রকম একটা ব্যাপারে—”

“আচ্ছা, আরও একশো দোবো। তার পর, এ-বাড়ীতে যখন পাঁচটা ছেলেপুলের আমদানী হবে, তখন ত তোমার আর বেড়ে যাবে হে ডাক্তার, কিন্তু, দেখো যেন—”

সিঁড়ীতে পদশব্দ শুনিয়া উভয়কেই তৎক্ষণাৎ নির্ঝাঁক হইতে হইল।

ফটিক ডাক্তার বহুক্ষণ বসিয়া থাকিয়া ঔষধ-পথ্যের ব্যবস্থা করিয়া চলিয়া গেল। আহারের যেন কোন বৈলক্ষণ্য না হয়; ভাত, রুটী, লুচি, দুধ, ফল ইত্যাদি। রোগীর আহারে অরুচি নাই। আধ-সচেতন আধ-অচেতন অবস্থায় সকল পথ্যই সুন্দরভাবে উদরস্থ করিতেছেন। তবে বাক্য পূর্ববৎই বন্ধ, এবং বুক চাপিয়া গোঙানী শব্দ—তাহার আর বিরাম নাই।

হৃদয়শিবরাণীর মনের অবস্থা শোচনীয়। বার বার হিঙ্কাসা করাতেও ফটিক ডাক্তার বলিয়াছে—“রোগ খুবই শক্ত, তবে কোন ভয় নেই।” এই আশ্বাসে বুক বাধিয়া শিবরাণী যত দেব-দেবীর কাছে মানত মানিল।

রাতটা একরকমে কাটিল। কিন্তু পরদিন রোগ যেন আরও বাড়িয়া উঠিল। শিবরাণী বুঝিতে পারিল, ফটিক ডাক্তারের স্তোকবাক্য ভুয়া! শিবরাণী ঠাকুর-দেবতাদের পায়ে প্রার্থনা জানাইয়া গোবিন্দ আচার্য্যকে ডাকাইয়া আনিল। গোবিন্দ আসিয়া, সমস্ত দেখিয়া শুনিয়া কহিলেন, —“কালকেই আমাকে খবর দাওনি কেন মা? যাই হোক, কোন ভয় নেই, আমি দেখছি।” গোবিন্দ পাঁজি-পুঁথি, কাগজ-কলম প্রভৃতি লইয়া গণনায় বসিলেন। রামবাবুর রাশিলগ্নের ছক আঁকিয়া নানারূপ হিসাব করিয়া কহিলেন, —“ইস্! মঙ্গল একেবারে পঞ্চমে! তার ওপর, রাহুর বিশ অংশে অবস্থান ও দৃষ্টি! যা’ক, এখনি এর প্রতিকার করে ফেল্চি।”

প্রায় একঘণ্টা ধরিয়া নানারূপ জপ-তপ ও মন্ত্র উচ্চারণ করিয়া গোবিন্দ কহিলেন, “রাশিকে জাগ্রত করিয়ে রাহুকেই ভর করাতে হবে। রোগীর ওপর ভর কোরে গ্রহই প্রতিবিধানের পথ বোলে দেবে।”

রামবাবুর ছিল ধনুর্রাশি। গোবিন্দ একটি বাঁটার কাঠি বাঁকাইয়া তাহার দুই প্রান্তে সূতা বাঁধিয়া ধনুকের মত করিলেন, এবং তাহাকে জাগ্রত করিবার জন্ত নানা-প্রকার মন্ত্রোচ্চারণ করিতে লাগিলেন। কিছুক্ষণের মধ্যেই ধনুকের সূতা ‘ফট্’ করিয়া ছিঁড়িয়া গেল। গোবিন্দের মুখে হাসি ফুটিল; কহিলেন,—“বাস্! রাশি যখন জাগ্রত হোয়েচে আর কোন ভয় নেই। এইবার মা-লক্ষ্মী, তুমি ঔর শিওরে বোসে মাথায় হাতখানা ছুঁইয়ে রাখো, দণ্ডাধিপতি রাহুই এবার রোগীর মুখ দিয়ে ঔর রক্ষার উপায় বোলে দেবেন।”

গোবিন্দের মন্ত্রপাঠ, ক্রিয়া, অনুষ্ঠান সমানে চলিতে লাগিল। ওদিকে রোগীর গৌয়ানী পূর্বাপেক্ষা বাড়িয়া উঠিল। রোগী সম্পূর্ণ জ্ঞানশূন্য। শিবরাণী ভীত সমস্ত মনে স্বামীর মাথায় হাত দিয়া বসিয়া রহিল। কিছু পরে গোবিন্দ উচ্চস্বরে ‘ওঁ স্বাহা’ বলিয়া কিছু ধূনা ধুহুচিতে নিক্ষেপ করিবারাত্র রোগীর গৌয়ানী বন্ধ হইয়া গেল, এবং রোগী অতি ধীরে, অতি স্পষ্টভাবে বলিতে লাগিলেন, —“আকর্ষণ! বিকর্ষণে মৃত্যু! রাম-রেখা-বিবাহ-মিলনে জীবন! ব্যাঘ্র-হটে, নিরাকার পঞ্চমে সা কন্ঠা।”

শিবরাণী কিছুই বুঝিতে পারিল না, একটা অজ্ঞাত

আতঙ্কে গোবিন্দের মুখের দিকে ফ্যাল-ফ্যাল করিয়া চাহিয়া রহিল। গোবিন্দ বলিলেন, “আর তব্বের কোনই কারণ নেই। এইবার বাবাজীর মহা-রিষ্টি কেটে গেল। এখন স্বয়ং দণ্ডাধিপতির নির্দেশ মত কাজ করতে হবে। ভালই হোল, তোমার এ সংসারে মা-লক্ষ্মী, আর কোন আপদ-বিপদ সহসা ঘটবে না।”

“ব্যাত্ত-হট্ট কাকে বলে বাবা?”

“সবই বুঝতে পারা যাবে। রোগী আরও কিছু বলবে; ঠোঁট কাঁপচে।”

রোগীর মুখ হইতে আরও অনেক কথা বাহির হইল। তাহার পর রোগী শুক হইয়া পাশ ফিরিয়া গুইলেন। সঙ্গে সঙ্গেই তাঁহার গৌরানী বন্ধ হইয়া গেল, এবং দুই দিনের পর এইবার তিনি ঘুমাইয়া পড়িলেন। তখন গোবিন্দ-আচার্য্য শিবরাণীকে—‘ব্যাত্ত-হট্ট’ এবং ‘রাম-রেখা’ সম্পর্কে নির্দেশের যে অর্থ বুঝাইয়া দিলেন, আশা করা যায়, পাঠক পাঠিকাগণ অনায়াসেই তাহা বুঝিতে পারিয়াছেন। পল্লী অঞ্চলে হট্ট অর্থাৎ হাট ও বাজার শব্দ অভিন্ন অর্থে ব্যবহৃত হয়, আচার্য্য শিবরাণীকে ইহা বুঝাইয়া দিলেন।

\* \* \* \* \*

পরদিন প্রাতঃকালে স্বামী-স্ত্রীতে কথা হইতেছিল।

রামবাবু কহিলেন—“যত সব আজগুবি কাণ্ড! ও সব আমার দ্বারা হ’বে-ট’বে না।”

শিবরাণী কহিল, “তোমার যে কি ব্যাপার হোয়েছিল, তা ত আর কিছু জ্ঞান নেই! নারায়ণের দয়াতে তোমাকে আবার ফিরে পেয়েছি। এতে আর অমত কোরো না।”

“যত সব অনাছিষ্টি ব্যাপার। ঐ আচার্য্য মশায়ের সব চালাকী! বোধ হয়, ঘুস-টুসু খেয়ে কাদের ঐ মেয়েটাকে ঘাড়ে চাপাবার মতলব। ও-সব আমার দ্বারা হ’বে-ট’বে না। আমার এই জীবনের তুমিই একমাত্র সঙ্গিনী, আমি আর কাউকে বিয়ে ক’রে ঘরে আনতে পারব না।”

“আনতেই হবে; এ যে দৈবের ব্যাপার। তোমার-আমার মঙ্গলের জন্তে, সংসারের মঙ্গলের জন্তে এ কাজ তোমার করতেই হবে। এতে আর অমত করা চলবে না।”

এই সময়ে গোবিন্দ আচার্য্য আসিয়া পড়িয়া কহিলেন, —“নিরাকার ষ্ট্রীটের পাঁচ নম্বর বাড়ীতে গিয়ে ব্যবস্থা সব

ঠিক করে এলুম মা-লক্ষ্মী! দৈবের যোগাযোগ কি না, কিছু বলতে হোল না—। যেন বহুপূর্ব থেকেই সব ঠিক হোয়েছিল, কথা পাড়বামাত্রই সব ঠিক হোয়ে গেল। বৈকালে মেয়ের বাবা এসে বাবাজীকে দেখে যাবেন।”

শিবরাণী কহিল, “সব ভার আপনার ওপর বাবা; এ ব্যাপারে মাথার ওপর আর আমাদের কেউ অভিভাবক নেই। সবই যখন ক’রলেন, শেষ পর্য্যন্ত থেকে কাজটি শেষ ক’রে দিতে হবে।”

রামবাবু বিষম বিরক্তি প্রকাশ করিয়া কহিলেন, “আমি বিয়ে করলে ত উনি কাজ শেষ করবেন! আর একটা বিয়ে আমি কিছুতেই করব না; তার চেয়ে—”

বাকী কথা মুখ দিয়া বাহির হইবার পূর্বেই রামবাবুর সর্কাজ হঠাৎ কাঁপিয়া উঠিল, এবং সঙ্গে-সঙ্গেই তিনি চলিয়া পড়িলেন। তখন গোবিন্দ আচার্য্য রামবাবুর মস্তকোপরি হাত রাখিয়া রাহুর স্তবপাঠ করিতে লাগিলেন। প্রায় মিনিট দুই তিন পরে রামবাবু প্রকৃতিস্থ হইলেন। ইহার পর আর তিনি—অমত করিতে সাহস করিলেন না।

কিন্তু একটু গোল বাধাইয়াছিলেন—১০ই জ্যৈষ্ঠ, বিবাহ-তারিখের—সন্ধ্যায়, বরবেশে গৃহ হইতে বাহির হইবার পূর্বেকণে।

চন্দন চর্চিত দেহ, কণ্ঠে পুষ্পমালা, পরিধানে বেনারসী জোড়, পশ্চাতে নাপিত সূদৃশ টোপের হস্তে দণ্ডায়মান বহির্দ্বারে রাস্তার উপর পত্রপুষ্প-সজ্জিত মোটর-কার তাঁহার প্রতীক্ষায় দাঁড়াইয়া আছে—এমন সময় হঠাৎ তিনি ঝাঁকিয়া বসিলেন। শিবরাণীর মুখের দিকে চাহিয়া কহিলেন—“আমি যাব না।” শিবরাণী কহিল—“দেখ, শুভদিনে অনাছিষ্টি কথা বোলো না; ও-রকম করলে ঠিকই আমি আফিং খেয়ে মরবো তা ব’লে রাখ’চি।”

আর কোন কথা রামবাবু বলিতে সাহস করিলেন না। অগ্রসর হইয়া হলুধবনির মধ্যে মোটরে উঠিয়া বসিলেন।


অস্তরে তাঁহার আনন্দের বড় বহিলেও, যেন জ্যৈষ্ঠ-সন্ধ্যার নির্ঝাঁত গুমটু তাঁহাকে আচ্ছন্ন করিয়া রাখিল।

মোটর চলিতে সুরু করিলে মনে মনে তিনি কহিলেন, —“যাক্, কার্য্যসিদ্ধি!—আজ আমার কেলা-ফতে!”

শ্রীঅসমঙ্গ মুখোপাধ্যায়







## গল্পদাতার বৈঠক

(রূপকথা)

তুন বৎসরের প্রথম দিনটিতে এবার ছোটদের মনে আর  
নিন্দ ধরে না! বছরের শেষে কত আগ্রহেই তাহারা

সবচেয়ে বড় আকর্ষণ; কিন্তু এবার গল্পদাতার গল্প  
শুনিবার লোভে সে-সব ব্রতকথার উপর তাদের আর  
একটুও বোঁক নাই। কত মজার মজার গল্পই তিনি  
বলেন!

সংক্রান্তির দিন সকাল বেলা পুণ্য-পুকুরে জল ঢালিয়া



### গল্পদাতার বৈঠক

ই দিনটির আশার দিন গণিতেছিল। পুণ্য-পুকুর, যম-  
কুর, সৈঁছুতি—আদা-হলুদ, গুপ্তধন, ফলগছানি বছরের  
দীর্ঘ মাসের ব্রতগুলির কথাই ছিল অতীত বছর ইহাদের

টুনি কহিল,—কি মজা, কাল পরমা বোশেখ! কাল থেকে  
গল্পদাতার গল্প আরম্ভ হবে।

গৌরী টুনির চেয়ে বছর তিনেকের বড়। সে কহিল,

—হু' বছর আগে পূজার সময় গল্পদাহ্ একবার এসে-  
ছিলেন। দশ দিন ছিলেন। সে দশটা দিন আমাদের  
মাওয়া-খাওয়ার কথা মনেই থাকতো না ভাই! কেবল গল্প  
আর গল্প; কার সাখ্যি দাহ্কে ছেড়ে ওঠে?

রমা কহিল,—আমার বয়সে গল্পদাহ্ ছুটিবার ছুটি পেয়ে  
এসেছিলেন। একবার ছিলেন এক হপ্তা, আর একবার  
দশ দিন। আমি কিন্তু হু'বারই ভাই, ওঁর কত মজার গল্প  
শুনিছি।

আশা কহিল,—আমার ভাই একটু-একটু মনে পড়ে  
দাহ্র সেই রাক্ষসীর গল্পটা। মাগো! মনে হ'লে এখনো  
গায়ে কাঁটা দিয়ে উঠে।

ছেলে-মহলেও গল্পদাহ্র সম্বন্ধে ছেলেদের এইরূপ কত  
জল্পনা চলিয়াছে। হকি, সিনেমা, প্যাবোল ওয়ার্ডের চর্চা  
এখন শিকার উঠিয়াছে; ছেলেদের মনেও জাঁকিয়া  
বসিয়াছেন এই গল্পদাহ্! স্থির হইয়াছে, শুভ পয়লা  
বৈশাখ হইতে বৈকালের দিকে ছুটি ঘণ্টা হুর্গাবাড়ীর  
মাটবন্দিরে গল্পদাহ্র গল্পের আসর বসিবে।

সেই আসর আজ বসিয়াছে। নূতন বছরের নূতন  
দিনটিতে গল্পদাহ্র মুখে গল্প শুনিবার আনন্দে পাড়াগুচ্ছ  
সকলেই যেন মাতিয়া উঠিয়াছে। ছোটদের দল ত  
আছেই, তাহাদের উপর বড়দেরও আগ্রহ কি কম!  
গল্পদাহ্কে ঘিরিয়া আসরে যাহারা বসিবার—তাহারা ত  
বসিয়াছেই; পিছনের দিকে পূজার ঘর হু'খানিও  
পল্লীবাসিনীদের সমাগমে ভরিয়া গিয়াছে; বড়-সড় মেয়েরা  
এবং পাড়ার বধুরা তথায় গল্প শুনিতে বসিয়াছে।

বয়স বেশী হইলে কি হইবে, ছোট গালিচাখানির উপর  
'পাকা' আমটির মতই গল্পদাহ্ বসিয়া আছেন। পিছনে  
একটি তাকিয়া, পাশে তাঁহার প্রিয় গড়গড়া। পঁচিশ  
বৎসরের উপর হইতে চলিল, ইঁহার আসল নাম ও গ্রাম-  
স্ববাদের নানা প্রকার সম্বন্ধ সমস্তই চাপা পড়িয়া গিয়াছে;  
এবং গ্রামগুচ্ছ সকলেই ইঁহাকে আদর করিয়া খেতাব  
দিয়াছেন—গল্পদাহ্।

আসরে বসিয়াই গড়গড়ার নলে সজোরে কয়েকটি টান  
দিয়া গল্পদাহ্ ছোট ছোট ছেলেমেয়েদের আবদারে একটি  
নূতন রূপকথা বলিতে আরম্ভ করিলেন,—

তোমাদের অনেকেই রামায়ণ পড়েছ, আর জনক  
রাজার দেশ মিথিলার নামও শুনেছ। এই মিথিলাতেই  
জনকনন্দিনী সীতাদেবীর জন্ম। রামচন্দ্র প্রকাণ্ড একখান  
ধনুক ভেঙ্গেছিলেন। সেই ধনুকখান ছিল শিবের। জনক  
রাজার প্রতিজ্ঞা ছিল, যে বীর সেই ধনুকে ছিলা দিতে  
গিয়ে তা ভাঙতে পারবেন, সীতাদেবী তাঁরই গলায় মালা  
দেবেন। রাম এই হরধনু ভেঙ্গে সীতাদেবীকে বিয়ে  
করেছিলেন। হাজার হাজার বছর পরে এই মিথিলার  
ধিনি হ'লেন রাজা, তাঁর নাম মহাসেন; আর রাজকন্যার  
নাম সীপ্রা দেবী। রাজরাণী সুমিত্রা দেবী পাঁচ বছরের  
মেয়ে সীপ্রাকে রাজার হাতে সঁপে দিয়ে অকালে প্রাণত্যাগ  
করলেন; আর রাজা চোখের জল মুছে, পরম যত্নে  
মেয়েটিকে প্রতিপালন করতে লাগলেন। রাজ্য, ঐশ্বর্য,  
সম্মান সবই তাঁর অসার মনে হ'ল।

রাজকন্যা পরম রূপবতী, আশ্চর্য্য সে রূপ! তাঁর রূপ  
দেখলে চোখ যেন ঝলসে যেতো; বয়সের সঙ্গে তাঁর রূপে  
জলুস বেড়েই চললো। রাজবাড়ীর সকলেই বল  
লাগলো—জনকনন্দিনী সীতাদেবী আবার মাটি ফুড়ে উ  
এসেছেন।

যেমন রূপের তেজ, রাজকন্যার মনের তেজও তেমন  
অসাধারণ। তোষামদে কেউ তাঁকে তুলতে পারে না  
খোসামুদেদের তিনি হু'চক্ষে দেখতে পারেন না। ছু  
চাতুরী ক'রে রাজকন্যার চোখে ধুলো দিতে গেলে তা  
হুর্দশার একশেষ! যত বড় বিদ্বান বা মনী লোক হন  
কেন, তিনি অগ্রায় কিছু ব'লে, নাম আর বিজ্ঞার জো  
রাজকন্যার কাছে এড়িয়ে যাবেন, তাঁর উপায় নেই। দো  
দেখিয়ে দোষীদের খোঁতামুখ ভোঁতা ক'রে দিতে রাজ  
কন্যার এতটুকু চক্ষুজ্ঞা নেই। রাজকন্যার দাপটে রাজ  
বাড়ীর সকলেই ভয়ে তটস্থ; রাজার মন্ত্রীরা পর্যন্ত  
কথা ব'লে কখন অপদস্থ হবেন, এই ভয়ে সর্বদাই জড়সড়

রাজার ইচ্ছা—রূপে শুণে বিজ্ঞায় এমন অপূর্ব কন্যাটি  
—তিনি যোগ্য পাত্রেরই সম্ভ্রদান করবেন। কিন্তু রাজা  
মন্ত্রীদের ইচ্ছা আর এক রকম! তাঁরা বলেন—মিথিল  
রাজ্যের এলাকার মধ্যেই রাজকন্যার জন্য বর ঠিক কর  
হবে। মিথিলার রাজকন্যা মিথিলার লোক-ছাড়া ভি  
এলাকার—অন্ত কোন দেশের লোকের গলায় মালা দি

পারেন না। তাতে মিথিলার মানসস্তম নষ্ট হবে। রাজ-  
কর্তারও অর্গোরব হবে।

কিন্তু কথাটা শুনে রাজকর্তার মুখে হাসি দেখা গেল।  
সে হাসি যেন ক্ষুরের ধার! সে হাসি মন্ত্রীদের ভাল  
নাগলো না। বুড়ো প্রধান মন্ত্রী শ্রীকৃষ্ণ সিং শিং-এর মত  
শোকজোড়াটা নেড়ে জিজ্ঞাসা করলেন,—“এ কথায়  
কিসের কারণ পেলে মা!”

রাজকর্তা মুখের হাসি আরও একটু শানিয়ে তুলে  
বললেন,—“আপনাদের যুক্তি শুনে না-হেসে থাকি যায় কি,  
মন্ত্রী মহাশয়!”

শ্রীকৃষ্ণ সিং-এর সহযোগী মন্ত্রী প্রসাদ সিং চোখ ছুঁটো  
ফপালে তুলে রাজকর্তার মুখের দিকে চেয়ে জিজ্ঞাসা  
করলেন,—মন্ত্রীরা যে যুক্তি দেয়, তাতে হাসি পাবার ত  
কথা নয় রাজকর্তা!

এ কথায় রাজকর্তা মুখের হাসি চাপতে পারলেন না;  
তমনি হাসিমুখেই বললেন, “যে যুক্তির বনিয়াদ নিতান্ত  
গাঢ়, সে যুক্তি শুনে—যার একটু বুদ্ধি আছে, তার হাসি  
মিলান দায়। আপনারা বলছেন—মিথিলার রাজকর্তা  
মিথিলাবাসী ছাড়া ভিন্নদেশের কোন লোকের গলায়  
মালা দিতে পারেন না।”

মন্ত্রীরা সকলেই এবার কণ্ঠস্বরে জোর দিয়ে একসঙ্গে  
বলে উঠলেন—হ্যাঁ, পারেনই না ত।

রাজকর্তা এবার মুখখানি একটু কঠিন ক’রে বললেন,  
—তাহলে এই মিথিলারই রাজকর্তা সীতাদেবী ভিন্ন দেশ  
যোধ্যার অধিবাসী রামচন্দ্রের গলায় মালা দিতে  
পারেছিলেন—কোন যুক্তিতে?

এক বাঁক জোঁকের মুখে কে যেন খানিকটা চূর্ণ চেলে  
বলল। মন্ত্রী প্রসাদ সিং কিন্তু সহজে অপদস্থ হবার পাত্র  
নয়, তিনি তখনই নতুন যুক্তি দেখিয়ে বললেন—সে সীতা-  
দেবীর কথা আলাদা। তাঁর বিয়ে নির্ভর করেছিল রীতি-  
মত একটা পণের ওপর, সেটা হচ্ছে ধনুর্ভঙ্গ পণ।

রাজকর্তা এবার গম্ভীর ভাবে বললেন,—তাহলে  
আমার জন্তুও আপনারা ঐ রকম কোন একটা পণের  
অঙ্গীকার ক’রে ফেলুন, নৈলে আপনাদের নজীর ভেঙে যাবে।

এর পরই রাজার এক ঘোষণা প্রচারিত হ’য়ে রাজ্যের  
সকল লোককে অবাক ক’রে দিল। রাজ্যের সকল লোক

সেই চ’্যাড়া শুনে জানতে পারল—আশ্চর্য্য-রকমের ক্ষমতা  
দেখিয়ে যে-লোক রাজকর্তাকে খুসী করতে পারবে—  
রাজকর্তা সীতাদেবী তারই কণ্ঠে বরমালা অর্পণ করবেন।

এই ঘোষণার পর আশ্চর্য্য-রকমের ক্ষমতা দেখিয়ে  
রাজকর্তাকে খুসী করবার জন্তু কত লোকই রাজসভায়  
এসে জুটলেন; কিন্তু কোন লোক রাজকর্তাকে খুসী করতে  
পারলেন না।

এক ধনুর্ভঙ্গ এসে জানালেন—ছনিয়ায় আর কোন  
তীরন্দাজ আমার মত তীর ছুঁড়তে পারে না।

রাজকর্তা বললেন,—ভালো কথা, আপনার ক্ষমতার  
পরিচয় দিন।

রাজসভার সামনে প্রকাণ্ড উঠানের এক কিনারায়  
ছিল একটা কদম গাছ। তীরন্দাজ সেটি লক্ষ্য করে  
ছুঁড়লেন তাঁর তীর। সে তীরে গাছটি এফোড়-ওফোড়  
হ’য়ে গেল। সভাপুঙ্ক সকলেই অমনি বাহবা দিয়ে উঠলো।  
লোকটি আবার মিথিলাবাসী; মন্ত্রীরাও খুসী হ’য়ে মাথা  
বাঁকিয়ে বললেন,—হ্যাঁ, অদ্ভুত ক্ষমতা বটে! কিয়বাৎ  
কেরদানী, তোফা!

রাজকর্তা হেসে বললেন,—ছাই! একটা সাঁওতালও  
এ ক্ষমতা দেখাতে পারে। তীর দিয়ে গাছ ফুটো  
করতে দেখে যারা বাহবা দিতে লজ্জাবোধ করে  
না, তাদের বাহবলের ধারণা অদ্ভুত বটে! মন্ত্রীদের পক্ষে  
তা স্বাভাবিক, কিন্তু প্রকৃত বীরের নিকট অতি তুচ্ছ।

তীরন্দাজ-বেচারী মুখ চূর্ণ ক’রে সরে পড়লো। রাজ-  
কর্তার মন্তব্য শুনে মন্ত্রীদের মুখগুলোও অন্ধকার হ’য়ে  
উঠলো।

এর পর এলেন এক মস্ত পালোয়ান। তাঁর বিরাট  
চেহারা দেখে সভাস্থ সকল লোকের তাক লেগে গেল।  
ইয়া সগুা চেহারা, হাতের গুলছটো যেন নিরেট লোহার  
গড়া, বুক যেন এক-জোড়া পাথরের কপাট, উরুৎছটি যেন  
কলাগাছের গুঁড়ি; আর চোখের তারাছটি আশুনে পোড়া  
ভাঁটার মত জল্জলে!

মন্ত্রীরা বললেন,—অদ্ভুত ঐর দেহের শক্তি, গায়ের  
জোরে ইনি মিথিলার গৌরব।

তখন তাঁর ক্ষমতা দেখাবার পালা শুরু হ’ল। গায়ের  
জোরে লোহার মোটা শিকল ছিঁড়ে, ইস্পাতের স্মগোল

নিরেট ডাঙা হুঁহাতে চোখের পলকে বেঁকিয়ে ফেলে, পিঠের ধাক্কার প্রকাণ্ড একটা লোহার থাম ঢসিয়ে দিয়ে, হাজার হাজার লোককে অবাক ক'রে দিলেন। মন্ত্রীরা বললেন,—এমন অদ্ভুত ক্ষমতা এর আগে কখনো দেখা যায়নি।

রাজকন্যা মুখ-টিপে হেসে বললেন,—একটা হাতীকে আনলে এর চেয়েও তার অনেক বেশী ক্ষমতা সকলে দেখতে পেতেন।

সকলেই বুঝলেন যে, পালোয়ানের ক্ষমতা রাজকন্যাকে খুসী করতে পারেনি। পালোয়ানকেও অগত্যা মাথা চুলকিয়ে স'রে পড়তে হলো। মন্ত্রীরা তার পর যাকে আনালেন আরও অদ্ভুত ক্ষমতা দেখাতে,—তিনি এক জন মন্ত বোগসিদ্ধ পুরুষ। মন্ত্রীরা বললেন,—দেবতাদের মত ইনি দিব্যশক্তি পেয়েছেন। কুস্তক ক'রে মাটি থেকে দশ হাত শূন্যে ঠেলে উঠতে পারেন; আর আধ ঘণ্টা পর্যন্ত ঠার সেখানে ঝুলতে থাকেন।

কথাটা শুনেই অনেকে থ' হয়ে গেল; মানুষ মাটিতে ব'সে থাকতে-থাকতে আপনি উঠবে আকাশে—আধ ঘণ্টা ঠার সেখানে থাকবে ব'সে! তার নেই কোন ঠেকো, নেই আসন! অদ্ভুত! এ কি কখনো সম্ভব হ'তে পারে?

কিন্তু এটা যে হ'তে পারে—যোগী কুস্তক ক'রে শূন্যে উঠে, আর বিনা-অবলম্বনে সেখানে আধ ঘণ্টা থেকে তা' দেখিয়ে দিলেন। সবাই ধন্ত ধন্ত শব্দে রাজসভা প্রতিধ্বনিত করলেন। মন্ত্রীরা রাজকন্যার দিকে চেয়ে জিজ্ঞাসা করলেন,—কেমন, এবার খুসী? এ কি সত্যই অদ্ভুত ক্ষমতা নয়?

রাজকন্যা তেমনই মুহূ হেসে উত্তর দিলেন,—না। একটা পাখীও অনায়াসে আকাশের একশো হাত উপরে উঠতে পারে, আর এমন কত ঘণ্টা ধ'রেই সে উড়ে বেড়ায়। যে কাজ পাখীর সাধ্য, মানুষের তা অসাধ্য নয় দেখে মন্ত্রীরা তার তারিফ করচেন, এতেই একটু বিন্মিত হবার কথা বটে।

মন্ত্রীরা মনে মনে রাগে গর-গর করতে লাগলেন, কিন্তু মুখে কিছু বলতে পারলেন না; অথচ তাঁদের পুঁজিপাটাও সব শেষ হ'য়ে গেল, ঝুলি একদম খালি। মিথিলার ভেতরে আশ্চর্য-রকমের ক্ষমতা দেখাবার মত আর একটি প্রাণীও

মিললো না। শেষে মিথিলার বাইরে রাজার ঘোষণা প্রচার না ক'রে তাঁরা আর পারলেন না।

কিন্তু বাইরে থেকেও যারা-সব এলেন, তাঁরাও অদ্ভুত কোন ক্ষমতা দেখিয়ে রাজকন্যাকে খুসী করতে পারলেন না। মন্ত্রীরা হাঁফ ছেড়ে যেন বাঁচলেন। মিথিলার রাজকন্যা মিথিলার বাইরে যান, এটা তাঁদের মোটেই ইচ্ছা নয়; তার চেয়ে রাজকন্যার যদি বিয়ে না হয়—সারাজীবন তিনি আইবুড়ো থাকেন, সে-ও বরঞ্চ ভালো ব'লে তাঁরা সিদ্ধান্ত করলেন।

শেষে এক দিন একই সময় এক সঙ্গে দুই প্রতিযোগী এলেন রাজসভায়—তাঁদের ক্ষমতা দেখিয়ে রাজকন্যাকে লাভ করতে। ছ'জনেরই বয়স প্রায় সমান, দিব্য সুন্দর চেহারা, শ্রীমান্ তরুণ যুবা।

এক জনের মাথায় নৌকোর মত টুপি, কাণে মুক্তা-গাঁথা বীরবোলী, গায়ে খুব দামী কিংখাপের পিরাণ, পরে জমকালো বেনারসী কাপড়, গলায় মুক্তোর মালা, কোমরে কিরিচ, পায়ে হরিণের চামড়ার জুতো। যুবা সভায় ঢুকেই বুক ফুলিয়ে বললো,—এই রাজকন্যা আমারই বা হবেন; আমি অদ্ভুত ক্ষমতা দেখিয়ে এঁকে লাভ করতে এসেছি।

যুবার সুন্দর চেহারা দেখে যারা মনে মনে খুসী হয়ে ছিল, এখন তার মুখের ককর্শ কথা শুনে তারা বিরত হয়ে উঠলো।

রাজকন্যার কাণেও কথাগুলো যেন তীরের মত বিঁধলো। তিনি সোজা হয়ে বসলেন, আর অলস দৃষ্টিতে এই অশিষ্ট যুবার পানে একবার চেয়েই মুখখানা কিরিচে নিলেন।

রাজা জিজ্ঞাসা ক'রলেন,—তোমার পরিচয়?

যুবা তেমনি অবিনীত নীরস স্বরে উত্তর দিল,—মিথিল আমার জন্মভূমি, কিন্তু শিকার জন্ত এত দিন বিদেশে ছিলুম। শিকা শেষ ক'রে দেশে ফিরেই আমার আশ্চর্য ক্ষমতা দেখাতে এসেছি। আমার নাম পেটেল পণ্ডিত।

মন্ত্রীরা এবার পেটেল পণ্ডিতকে যেন লুফে নিলেন তার চেহারা দেখে আর স্পর্ধার পরিচয় পেয়ে বুঝলেন, এই যুবক তাঁদের আশা পূর্ণ করবেই। তাকে সমাদরে আহ্বান করলেন।

কিন্তু তখনই পিছন থেকে অল্প যুবক তাঁর শাস্ত সুন্দর মুখখানি তুলে বললেন,—আর আমি ?

মন্ত্রীরা ক্রভঙ্গি করে তাঁর মুখের দিকে তাকালেন। তাঁরা দেখলেন যে, ছেলোটর কাপড়-চোপড়ে বড়-মাহুধীর চিহ্নমাত্র নেই। ছিপছিপে লম্বা চেঁহারা, মুখখানা হাসি-মাখা; কিন্তু তার ভেতরেই এমন একটা ভঙ্গী যে, তা দেখলে বুঝতে পারা যায়—এই যুবকের মনের বল অসাধারণ, সঙ্কল্প অটুট, উৎসাহ অসীম, সাহস অল্পমম। মাথায় কৌকড়া কালো চুল, কিন্তু মাথায় টুপি বা কোন রকম আবরণ নেই। একখানা ধবধবে সাদা কাপড় কোমরে ফের দিয়ে বাঁধা; ভেতর থেকে চামড়ার খাপে-ভরা একখানা লম্বা তলোয়ারের চকচকে হাতলটা দেখা যাচ্ছে। গায়ে কোন জামা নেই; কাপড়ের মত সাদা একখানা চাদর দিয়ে পীঠ ও বুক ঢাকা; চোখ দুটো কান পর্যন্ত টানা, আর চকুর তারা আকাশের মত নীল ও স্বচ্ছ, আকাশের তারার মতই স্থির।

মন্ত্রীরা পেটেলকে নিয়েই ব্যস্ত, এই যুবকের কথা তাঁরা গ্রাহ্য করলেন না। রাজাই তখন যুবককে জিজ্ঞাসা করলেন,—তুমি কে ?

বাণীর মত মিষ্টি স্বরে যুবক উত্তর দিলেন,—আমি বাঙ্গলা মায়ের সন্তান।

কিন্তু মন্ত্রীদের মনে হল, যুবকের কণ্ঠস্বর যেন রণ-দামামার ধ্বনি। সেই স্বর শুনে রাজা, রাজকন্ঠা পর্যন্ত সকলের মনে চমক লাগল। তাঁদের বিশ্বাসের কারণও ছিল। বাঙ্গলা দেশের রাজার সঙ্গে মিথিলার রাজার এই সময় ভয়ঙ্কর বিরোধ চলছিল। বাঙ্গলার রাজা দীপঙ্কর মগধ ও মিথিলাকে বাঙ্গলার অধীন ক'রবার সঙ্কল্প ক'রে-ছিলেন। মগধ তাঁর অদ্ভুত কৌশলে বিনা-যুদ্ধেই বাঙ্গলার অধীনতা স্বীকার ক'রেছে; কিন্তু মিথিলা এখনো স্বতন্ত্র, সে স্বাধীনতা বজায় রেখেছে। তার প্রতিজ্ঞা—কিছুতেই সে বাঙ্গলার অধীনতা স্বীকার করবে না। তার সঙ্কল্প সে মগধকে ছিনিয়ে নিয়ে বাঙ্গলাকেও তার তাঁবে আনবে। তাই বাঙ্গলার ওপর মিথিলা এখন খড়্গহস্ত, আর এই তখনই বাঙ্গলা দেশের এই যুবককে দেখে রাজসভা পর্যন্ত বিস্ময়ে স্তব্ধ।

রাজা জিজ্ঞাসা করলেন,—তোমার পরিচয় ?

যুবক উত্তর দিলেন,—পরিচয় ত আগেই দিয়েছি রাজা,

আমি বাঙ্গলা-মায়ের ছেলে, বঙ্গ আমার জননী; এছাড়া আমার আর কোন পরিচয় নেই। আর এর চেয়ে ভাল পরিচয়ই বা কি থাকতে পারে ?

মন্ত্রীরা বিরক্ত হয়ে ক্র কুঞ্চিত করলেন। রাজা পুনরায় জিজ্ঞাসা ক'রলেন,—কি উদ্দেশ্যে তুমি এখানে এসেছ ?

যুবক গৃহ হেঁসে বললেন,—যে উদ্দেশ্য নিয়ে দেশ-বিদেশের যুবকগণ এই সভায় এসেছিল। মিথিলার রাজকন্ঠাকে পত্নীত্বে বরণ ক'রে বাঙ্গলায় নিয়ে যাওয়া ভিন্ন এই বাঙ্গালী যুবকের অল্প কোন উদ্দেশ্য নেই রাজা !

প্রধান মন্ত্রী বললেন,—বাঙ্গলার সঙ্গে মিথিলার বিরোধ চলছে। শত্রুভূমি বাঙ্গলার সন্তানদের স্থান এ রাজসভায় নেই।

রাজকন্ঠা এতক্ষণ অপলক নৈত্রি এই বাঙ্গালী যুবকের দিকে তাকিয়েছিলেন। মন্ত্রীর কথা তাঁর কাণে প্রবেশ ক'রতেই তিনি চমকিয়ে উঠলেন বটে, কিন্তু তখনই মনের ভাব গোপন ক'রে দৃঢ়স্বরে বললেন, আপনার এ কথা সঙ্গত নয় মন্ত্রী! রাজার ঘোষণায় এ রকম কথা প্রচার করা হয়নি; তিনি সব দেশের লোকদেরই প্রতিযোগিতায় আহ্বান করেছিলেন। যে দেশেই এঁদের বাস হোক, এঁরা হুঁজনেই ক্ষমতা প্রকাশ করুন।

রাজা এই সময় বাঙ্গালী যুবককে জিজ্ঞাসা ক'রলেন,—তুমি কোন্ আশ্চর্য্য ক্ষমতা দেখাতে এসেছ ?

যুবক বললেন,—ঐ পণ্ডিতের পুত্র যে ক্ষমতা প্রকাশ করবেন, তাতেই আমি জয়লাভ করব; এই রকমই আমার আশা।

পণ্ডিতের পুত্র পেটেল বললো, আমার বাবা ছিলেন বিশ্ব-বিজয়ী মহা-পণ্ডিত, আমি তাঁর পুত্র এবং শিষ্য; পাণ্ডিত্যে আমাকে পরাস্ত করবার যোগ্যতা পৃথিবীতে কারও নেই।

বাঙ্গালী যুবক বললেন,—বৃথা তর্কে সময় নষ্ট করবার কি দরকার ? পরীক্ষা আরম্ভ হোক।

পেটেল পণ্ডিত মুখে পাণ্ডিত্যের বোঝা নামিয়ে বললো, তবে সবাই স্তব্ধ হয়ে শুনুন; আমি ভূত-ভবিষ্যৎ-বর্তমান সব বলতে পারি। আমি যা বলবো, তার চেয়ে আশ্চর্য্য কিছু নেই। আমি বলছি—আজ রাত ঠিক বারোটার সময় ভয়ঙ্কর একটা ছর্ঘ্যোগ হবে, আর সেই ছর্ঘ্যোগে বজ্রাঘাতে আমাদের রাজা মারা পড়বেন। উনি এই

দৈবনির্ভর্য রদ ক'রে আমাকে পরাস্ত করুন, শক্তির পরিচয়  
দিম।

এমন ভয়ঙ্কর কথা শুনে সভাপুঙ্ক সবাই নিস্তব্ধ !  
রাজার মুখ ভয়ে শুকিয়ে গেল, রাজকন্ডার বুক টিপ-টিপ  
করতে লাগল। কিন্তু পেটেলের প্রতিদ্বন্দ্বী বাঙ্গালী যুবক  
তখনই দৃঢ় স্বরে বলে উঠলেন—আপনার পরাজয়  
স্বনিশ্চিত। রাজা দীর্ঘজীবী হোন, তাঁর মৃত্যু হবে না ;  
কালই তিনি হাসিমুখে আমাকে কন্ডা সম্প্রদান করবেন।  
আমার মিথিলার আগমনের উদ্দেশ্য সিদ্ধ হবে।

রাজকন্ডা বোধ হয় ভগবানের নিকট এই কামনাই  
করলেন।

কিন্তু পেটেল এবার চীৎকার ক'রে বললো, যদি আমি  
হারি, তাহ'লে তোমার ক্রীতদাস হব—বলে রাখছি।

বাঙ্গালী যুবক একটু হেসে বললেন,—এখন থেকেই  
সেজন্য প্রস্তুত হও পণ্ডিত ! পণ্ডিতকে দাসরূপে লাভ  
করা সৌভাগ্যের বিষয় বটে !

মন্ত্রীরা বললেন,—তাই ত, এ যে ভারী একটা উৎকট  
সমস্যার পড়া গেল ! কিন্তু তাঁদের মুখ দেখে মনে হচ্ছিল  
যে, মিথিলার সেই পণ্ডিত যুবকের মুখ রাখতে রাজাকে  
যদি বজ্রাঘাতে নিহত হ'তে হয় তাও বরং ভাল, কিন্তু রাজা  
বেঁচে থেকে যদি বাঙ্গলার ঐ সন্তানের মনস্কামনা পূর্ণ  
হওয়ার সুবিধে ক'রে দেন—তবে তাঁদের আক্ষেপের সীমা  
থাকবে না।

রাজকন্ডা এর পর বললেন—এখন তাহ'লে সভা ভঙ্গ  
হোক। রাত ঠিক এগারোটীর সময় আবার সভা বসবে।  
আর এঁদের ছ'জনকেই নজরবন্দী করে রাখা হোক ; ঐ  
সময় সভার আনা হবে। আমি স্বীকার করছি—এঁদের  
মধ্যে যিনি জয়ী হবেন, তাঁরই কঠে আমি বরমাল্য অর্পণ  
করবো।

সন্ধ্যার সময় পেটেল পণ্ডিত তাঁর বাসাঘরে ব'সে রাজার  
ভাগ্যগণনা করছিলেন। সহসা তাঁর সামনে এসে দাঁড়ালেন  
রাজকন্ডা সীথা ; তাঁর পেছনে খোলা-তলোয়ার হাতে  
যোদ্ধবিশধারিণী একদল প্রহরিনী। রাজকন্ডাকে হঠাৎ  
সেখানে দেখে ভয়ে পেটেল পণ্ডিতের মাথা ঘুরে গেল।

রাজকন্ডা বললেন,—ভয় নেই ; একটা কথা জানতে  
এসেছি।

পেটেল পণ্ডিত নির্ভীক, রাজকন্ডার মুখের উপর তার  
নির্নিমেষ দৃষ্টি। রাজকন্ডা বললেন,—আপনি বলেছেন,  
রাত্রি ঠিক বারোটীর সময় বজ্রাঘাতে বাবার প্রাণ—রাজ-  
কন্ডার মুখে কথা বাধিয়া গেল।

পেটেল বললো,—খা বলেছি, তার নড়-চড় হবে না। এ  
পর্যন্ত একশবার রাজার ভাগ্য গণেছি, ফল একই দেখছি—  
বজ্রাঘাতে অপমৃত্যু।

রাজকন্ডা জিজ্ঞাসা করলেন, কোন প্রতীকার এর নেই ?  
পেটেল মাথা নেড়ে বললো, না ; প্রতীকার থাকলে  
সে কথা আগেই জানতে পারতেন।

রাজকন্ডা আবার জিজ্ঞাসা করলেন, মাটির নীচে  
কোন ঘরে যদি বাবাকে লুকিয়ে রাখি ?

পেটেল বললো, তা রাখতে পারেন ; কিন্তু প্রতিকূল  
দৈব তাতে অমুকূল হবে না।

মলিনমুখে রাজকন্ডা শেষবার জিজ্ঞাসা করলেন,  
কোন উপায় নেই তাহ'লে ?

পেটেলের গলার স্বর বন্-বন্ করে উঠলো—না। তাঁর  
মৃত্যু অনিবার্য ; তবে তোমার কোন ভয় নেই, তুমি সুখী  
হবে রাজকন্ডা ! তোমার ভাগ্যে রাজমহিষীর সম্মান স্পষ্ট  
দেখি।

রাজকন্ডা তখনই ঘুণায় মুখ ফিরিয়ে সেই স্থান ত্যাগ  
ক'রলেন। তাঁর প্রহরিনীরাও তাঁর অনুসরণ করলো।

বাঙ্গলার সন্তান বাঙ্গালী যুবকটি তাঁর বাসার ভিতরে  
তখন ধীরে ধীরে পাইচারী করছিলেন। হঠাৎ একদল  
প্রহরিনী-পরিবেষ্টিতা রাজকন্ডাকে সেই ঘরে প্রবেশ করতে  
দেখে তাঁর মুখখানা আনন্দে উজ্জ্বল হ'য়ে উঠলো। তাড়াতাড়ি  
বেতের আসনখানা এগিয়ে দিয়ে তিনি বললেন,—আমার  
সৌভাগ্য, বসুন আপনি।

রাজকন্ডা গম্ভীর স্বরে বললেন, বসতে আসিনি  
এখানে, একটা কথা জানতে এসেছি।

মুখে কিছুমাত্র কোতূহলের চিহ্ন প্রকাশ না ক'রেই  
বাঙ্গালী যুবক মৃদুস্বরে বললেন,—বলুন।

রাজকন্ডা বললেন, আপনি বলেছেন—আমার বাবার  
অপমৃত্যু হবে না।

যুবক বললেন, আমার কথা মিথ্যা নয়। আপনি  
তা অনাস্রাসে বিশ্বাস ক'রতে পারেন।

রাজকন্ঠার মনে কথাগুলো যেন বথেষ্ট শক্তি সঞ্চার করলো। একটু থেমে তিনি আবার বললেন, কিন্তু পেটেল পণ্ডিত বলেছেন, বজ্রাঘাত হবেই, আর তাতেই তাঁর মৃত্যু।

যুবক রাজকুমারীর মুখের দিকে চেয়ে বললেন,—কিন্তু মৃত্যু তাঁর হবে না রাজকন্ঠা, আপনি নিশ্চিত থাকুন।

বুদ্ধিমতী রাজকন্ঠা এ-কথায় যেন কেমন ধোঁকায় পড়লেন; এবার সন্দ্বিগ্ন স্বরে তিনি জিজ্ঞাসা করলেন,— তাহলে বজ্রাঘাত হবে—আপনিও এ-কথা স্বীকার করছেন?

যুবক জানালেন, বজ্রাঘাত থেকে আপনার বাবাকে বাঁচাবো বলেই আমি বাঙ্গলা থেকে ছুটে এসেছি। আর আমার আশ্চর্য্য ক্রমতার এইটিই হচ্ছে পরীক্ষা।

কথাটা শুনে রাজকন্ঠা কিছুক্ষণ কাঠ হ'য়ে দাঁড়িয়ে রইলেন। তার পর আন্তে আন্তে বললেন, তাহলে বাবার সম্বন্ধে আপনি কি করতে চান? তাঁকে কি তাবে আমরা রাখবো?

যুবক বললেন, আপনি ভাববেন না, আমি তার সব ব্যবস্থাই ক'রে রেখেছি।

সন্ধ্যার একটু পরেই আকাশে হুর্যোগ দেখা দিল। দেখতে দেখতে সমস্ত আকাশ মেঘে আচ্ছন্ন হ'ল! চারদিকেই একটা কেমন থমথমে ভাব। এই হুর্যোগ মাথায় ক'রে লোকজন সব সভায় এল ছুটে; সকলের ভাবনা— কি হয়, কি হয়; কে হারে, কে জেতে!

যথাসময় রাজা এলেন, রাজকন্ঠা এলেন, মন্ত্রী, সভাসদ, পাত্র-মিত্র সবাই যে যার জায়গায় বসলেন। পেটেল পণ্ডিত আর বাঙ্গালী যুবক সভায় ঢুকতেই সভাশুদ্ধ সকলেই তাঁদের দিকে চেয়ে রইল।

বাঙ্গালী যুবকের আদেশে সভার বাইরের আঙ্গিনায় একটা তাঁবু উঠলো। সেই তাঁবুটি দেখিয়ে তিনি বললেন, রাজা এবার ঐ তাঁবুর ভেতরে গিয়ে বসবেন।

মন্ত্রীরা জিজ্ঞাসা করলেন, কেন?

বাঙ্গালী যুবক বললেন, বাঁচবার জন্ত।

পেটেল পণ্ডিত টিটকিরী দিয়ে বললো, না, মৃত্যুর এগোবার জন্ত।

বাঙ্গালী যুবকের অহুরোধে রাজা সিংহাসন ছেড়ে ভিতরখানি ধ'রে তাঁবুর দিকে এগোলেন। রাজাকে ত দেখে সভার সমস্ত লোক উঠে দাঁড়াল। রাজা

গম্ভীর মুখে তাঁবুর মধ্যে প্রবেশ করলেন। প্রজাদের মুখে উদ্বেগের চিহ্ন, তারা সকলে যেন ভয়ে আড়ষ্ট!

একটু পরেই আকাশে যেন দেব-দানবের যুদ্ধ বেধে গেলো। মেঘের কি ভয়ঙ্কর গর্জন! আকাশের বুক চিরে মুহুমূহু বিছাতের আভা ফুটে বেরুতে লাগলো, হুড়হুড় শব্দে বৃষ্টির ধারা বইলো; দেখতে দেখতে মিথিলায় যেন প্রলয়ের সূচনা হ'ল!

এই হুর্যোগের মধ্যে কালো রঙের একটি বিড়াল কোলে ক'রে বাঙ্গালী যুবক তাঁবু থেকে বেরিয়ে এলেন। সমস্ত লোক তাঁর পানে অবাক হয়ে চেয়ে রইলো। কিন্তু যুবক কোন দিকে অক্ষিপ না ক'রে, সভার ভিতরে ঢুকে তাঁর জায়গায় বসলেন। ঠিক এই সময় সবার কাণে তাল লাগিয়ে—ভীষণ আভায় সকলের চক্ষু ধাঁধিয়ে তাঁবুর ওপরে কড়-কড় শব্দে বাজ পড়লো!

কত লোক মূর্ছা গেল ভয়ে, কত লোক চেঁচিয়ে উঠলো ভগবানের নাম নিয়ে, কাছের কত লোক বাজের জ্বালায় মূহ্যমান হ'য়ে কাঠের গত স্থির!

পেটেল পণ্ডিতের কক্ষ শ চীৎকার বুঝি সভাশুদ্ধ সকলকে দিলে প্রকৃতিস্থ ক'রে। পেটেল বলে উঠলে, কেমন আমার ক্রমতা, এখন তাঁবুতে গিয়ে দেখ, রাজা বেঁচে নেই, ম'রে কাঠ হ'য়ে আছেন।

মন্ত্রীরা রাজার শরীর-রক্ষীদের নিয়ে তাড়াতাড়ি তাঁবুর ভেতরে গেলেন, তার পর রাজার প্রাণহীন দেহ নিয়ে আবার সভায় ঢুকলেন। প্রধান মন্ত্রী কান্নার স্বরে ঘোষণা করলেন, সর্বনাশ হয়েছে, মহারাজ বজ্রাঘাতে মারা গিয়েছেন।

প্রজারা হাহাকার ক'রে উঠলো। রাজকন্ঠার মুখে কথা নেই। এই সময় বাঙ্গালী যুবক বললেন, মহারাজ ঠিক আছেন, ওঁকে সিংহাসনে বসিয়ে দিন।

প্রধান মন্ত্রী বললেন, তুমি পাগল! দেখছ না— রাজার দেহ অসাড় হ'য়ে গেছে। এতে প্রাণের কোন স্পন্দনই নেই।

রাজকন্ঠা বললেন, উনি যা বলছেন তাই করুন। রাজাকে সিংহাসনে বসিয়ে দিন।

রক্ষীরা অতিকষ্টে কোন রকমে রাজাকে সিংহাসনে বসিয়ে চেপে ধ'রে রইল। বাঙ্গালী যুবক তখনি তাঁর

কোলের বিড়ালটি সিংহাসনের সামনে হাতীর দাঁতে তৈরী  
আধারটির ওপরে রাখলেন।

পেটেল পশ্চিম এই সময় টেচিয়ে উঠলো,—হার হ'ল  
কার? ক্রীতদাস হ'ল কে? রাজকন্ঠা এখন কার?

কালো বিড়ালটা হঠাৎ আধারের উপর নেতিয়ে পড়লো,  
আর সত্ত্ব যুম-ভাঙ্গার পর মানুষ যেমন ক'রে চায়, ঠিক  
তেমনই ভাবে সিংহাসনে রাজার আড়ষ্ট দেহের চোখ  
ছ'টো গেল খুলে—সঙ্গে সঙ্গে সারা দেহখানা উঠলো ন'ড়ে।

ভয়ে-বিস্ময়ে-আনন্দে নানা ভাবে নানা লোক কোলা-  
হল শুরু ক'রে দিল।

বান্ধালী যুবক এইরকম গিলেন পেটেলের প্রশ্নের উত্তর,  
—হারলে তুমি, হ'লে ক্রীতদাস, রাজকন্ঠা আমার! রাজার  
আত্মাকে এই মরা-বিড়ালের দেহের মধ্যে রেখে, বজ্রের  
আঘাত থেকে আমি ঠেকে রক্ষা করেছি। ঠ'র আত্মা ঠ'র  
দেহে যেতেই বিড়ালও চলে পড়েছে।

পেটেল তখন কাঁপতে কাঁপতে বিজয়ী যুবকের পায়ের  
তলায় ব'সে বললো,—সত্যই আমি হেরেছি। আমি  
তোমার ক্রীতদাস।

মন্ত্রীরাও ক্ষুব্ধ হয়ে ব'লে ফেললেন,—সত্যই এ ক্ষমতা  
অদ্ভুত!

রাজকন্ঠা বললেন,—তুমি আমাকে খুশী করেছ,  
রাজ্যের রাজার জীবন দিয়েছ; রাজকন্ঠাকে লাভ ক'রে  
এ রাজ্যও তুমি ভোগ করো।

যুবক তখন শান্ত স্বরে বললেন, রাজকন্ঠার কল্যাণে  
আমার স্বপ্ন আজ সত্য হ'ল। মগধের সঙ্গে মিথিলাও  
বান্দলার সঙ্গে মিশে গেল।

রাজা এই সময় বিদ্র্যাতের বেগে সিংহাসন থেকে উঠে  
বললেন, তুমি কে? সত্য বল—তুমি কে?

শান্ত ও সংযত স্বরে বান্ধালী যুবক উত্তর দিলেন—  
আমি দীপঙ্কর; রাজ্যের পর রাজ্য জয় ক'রেও তৃপ্তি পাইনি,  
তাই রাজলক্ষীর সন্ধানে এসেছি মিথিলায়।

রাজকন্ঠা অমনি তৎক্ষণাৎ উঠে নিজের গলার গজমতি  
হার-ছড়াটি রাজা দীপঙ্করের গলার পরিয়ে দিয়ে বললেন—  
এ রাজ্যও তুমি জীবন দিয়ে জয় ক'রেছ ব'লেই রাজলক্ষীও  
তোমাকে ধরা দিলে রাজা।

শ্রীমণিলাল বন্দ্যোপাধ্যায়।

## ফুটবল

শুভ বৈশাখের সঙ্গে খেলার মাঠে ভিড় জমতে শুরু হয়েছে।  
এখন এলো ফুটবল-সীজন্! এ খেলা দেখবার জন্ম ছেলে-  
বুড়ো সকলের সমান উৎসাহ! যে সব ছেলে মাঠে বেরুতে  
পারে না, তারাও একটা বল পেলে ঘরের মধ্যে ফুটবল  
খেলা শুরু করে।

সকল দেশেই ফুটবল খেলার আদর আজ সব-চেয়ে  
বেশী। এ খেলার আয়োজনে সমারোহ যেমন মেই,  
তেমনি খরচও পড়ে সামান্য।

বারো-তেরো বছর বয়স থেকেই ফুটবল খেলার নামা  
চলে। এ খেলার পারদর্শিতা লাভ ক'রতে হ'লে বুদ্ধি চাই,  
আর চাই সাহস, আত্ম সংযম, পরস্পরের সঙ্গে সহযোগিতা,



পুতুল রাখিয়া ট্যাকলিং-অভ্যাস

উৎসাহ-উদ্দীপনা এবং স্বার্থত্যাগ। এ স্বার্থত্যাগের মানে  
হলো, নিজে বাহাহুরী নেবার প্রয়াস ছেড়ে দলের  
বাহাহুরী-প্রকাশে সহায়তা করা। অবশ্য এ-কটি গুণের  
সঙ্গে দৌড়ানোর শক্তি; (দৌড়তে গেলে হাঁপালে চলবে  
না) শক্ত-সমর্থ দেহ এবং ভালো স্বাস্থ্য চাই।

কি করে' ফুটবল খেলার পারদর্শিতা লাভ করা যায়, সে  
সম্বন্ধে ইংরেজী ভাষায় লেখা অনেক বই আছে। সে সব  
বইয়ে যে সব বিধি-নিয়মের কথা লেখা হয়েছে, তার সার-  
মর্ম দাঁড়ান এই, offensive এ অর্থাৎ আক্রমণ করে'  
গোল দিতে হ'লে চাই অপর-দলের খেলোয়াড়কে প্রতিরোধ  
করা (blocking); তার খেলার বাধা সৃষ্টি করা  
(interfering); বলটি বিপক্ষের আক্রমণ বাঁচিয়ে নিজেদের




বল পাশ করা; ও গুট করার নিখুঁত তাগ্ অর্থাৎ প্রত্যেক দখলে রাখা (ability to handle the ball); এবং খুঁটিনাটি ব্যাপারে নিঃসংশয় লক্ষ্য চাই (perfection in the execution of details)। বিপক্ষ তেড়ে এলে defensiveএ অর্থাৎ প্রতিরোধের খেলা চাই। ফরওয়ার্ড পাশকে ধাক্কার হঠাতে হবে (knocking down forward-passes)। তখন বিপক্ষ-দলকে খেলিয়ে নিয়ে খেলা চলে না (tackling)।

এ খেলার কৃতিত্ব লাভ ক'রতে হ'লে অভ্যাসের রীতিমত প্রয়োজন। হঠাৎ ম্যাচ্ খেলতে মাঠে গিয়ে

প্রাক্টিশের অভাবে খেলার অনেক খুঁত থেকে যায়। প্রাক্টিশ ছাড়া ফুটবল-খেলার কৃতিত্বের আশা হ্রাশা হবে। ভালো খেলোয়াড়ের লক্ষ্য শুধু নিজের দলের খেলার দিকে থাকবে না; বিপক্ষ দলের খাঁচখাঁচ নিমেষে বুঝে নিয়ে তাদের সঙ্গে পাল্লা দেওয়া চাই! তাছাড়া প্রতি-নিমেষ বলের উপর লক্ষ্য রেখে রাখুন কি করতে হবে, সে সম্বন্ধে সঠিক ধারণা-নির্দেশে মন যেন সচেতন থাকে। 'তয় পেয়ে বা কোঁকের মাথায় যেমন করে হোক বল মারা, বা বিপক্ষ-দলের একজন খেলোয়াড়কে কায়দা করতে গেলে চলবে না। You not only have to know when to do a thing, but

when not to do it. অর্থাৎ কখন কি ক'রতে হবে, সে সম্বন্ধে যেমন সঠিক ধারণা থাকা চাই, তেমনি কখন কি ক'রবে না, সে সম্বন্ধেও নির্দেশ-নির্ধারণে এতটুকু তুল হ'লে চলবে না!

ব্যাকে যে খেলবে, ফরওয়ার্ডকে কখন ঠিক রাখতে হবে, তা তার জানা চাই। ভালো ফরওয়ার্ড কোনো কালে জোর-বাতাসের বিপরীত



আমেরিকার রাষ্ট্রেও খেলার প্রাক্টিশ চলে

নামলে চলবে না। এগারো জনে মিলে দল গড়ে' খেলার রীতিমত প্রাক্টিশ প্রয়োজন।

দল গড়তে হ'লে পূর্বে যে-সব গুণের কথা বলেছি, কার-কার সে-সব গুণ আছে দেখে এগারো-জন খেলোয়াড় বেছে তবে দল গড়া চাই। তাদের নিয়ে নিত্য ভালো রকম খেলা প্রাক্টিশ করতে হবে, তবেই যোগ্য খেলোয়াড় তৈরী হবার সম্ভাবনা। নচেৎ এলোপাতাড়ি বল পেলেই পা ছুড়বো বা হেড করবো—এ-রীতিতে কোনো কালে খেলোয়াড় তৈরী হয় না।

অনেক দল যে মাঠে দাঁড়াতে পারে না তার কারণ,

মুখে পাশ করার চেষ্টা করবে না; নিজের এলাকার মধ্যে গোলের কাছে কখনো "পাশ" করার প্রয়াস পাবে না; বিপক্ষ দলের গোলের কাছে বল পাশ করা অসুচিত; বিপক্ষ দল যখন আক্রমণের জন্তু রুখে সামনে আসে, তখনো বল "পাশ" করা উচিত নয়। এবং হু'একখানি গোল খাওয়া হলে বল পাশ ক'রে খেলার প্রবৃত্তি একদম ত্যাগ ক'রতে হবে।

যে ব্যাকে খেলবে, নিজের দলের কোনো অনিষ্ট আশঙ্কা না থাকলে তখন এবং শুধু তখনমাত্র 'ব্যাক' বল নিয়ে ছিমিছিমি খেলে বাহাহুরী-দেখামোর সাধ মেটাতে পারে,

নচেৎ নয়। অনেক সময় 'ব্যাক'কে দেখি, বল পাশ ক'রে কেরামতি দেখায়! এ কেরামতি কখন দেখাবে? যখন নিজের দল হুঁচারখানি গোল দিয়ে জিতের দিকে পাল্লা খুঁকিয়ে তুলেছে, তখন।

নিজের উপর ব্যাকের খুব বেশী প্রত্যয় থাকা চাই— এবং নিজের দলের প্রত্যেকটি খেলোয়াড়ের খেলার সম্বন্ধে তার জ্ঞান সুস্পষ্ট এবং অভ্রান্ত হবে।

ফুটবল খেলতে হ'লে পোষাক সম্বন্ধে অবহিত হওয়া দরকার। আমাদের দেশের বড়-বড় খেলোয়াড়রা শুধু-পায়ের খেলেন এবং শুধু-পায়ের খেললেও জোরাম গোরাদের খেলার হারিয়ে দিচ্ছেন। শুধু-পায়ের তাঁদের কৃতিত্ব

মানা দরকার। এ সম্বন্ধে বিশেষ ওস্তাদ খেলোয়াড়রা বলেন, সুরা বা অতিরিক্ত চা পান করলে চলবে না; সিগারেট-সেবা বন্ধ করলে ভালো হয়; লঘু ও পুষ্টিকর খাদ্য—তাও অগ্রচুর ভাবে গ্রহণ কর্তব্য; চকোলেট, কোকো, ঘীয়ের রান্না, কলা—এগুলি বিষবৎ বর্জন করতে হবে। এগুলি গুরুপাক দ্রব্য। আহাৰ-সম্বন্ধে সমন্নানুভূতি মেনে চলতে হবে। টিফিন হবে সামান্য। খাবার সময় বা খাবার পূর্বে বরফ-জল কদাচ পান করা হবে না। রাত্রি দশটা বাজলেই শয্যা গ্রহণ করতে হবে। ন'ঘণ্টা নিদ্রা চাই!



ফরোয়ার্ড-পাশ প্রাক্টিশ

কল্প না হ'লেও শুধু-পায়ের খেলার বহু ক্ষেত্রে বিশেষ অনুবিধা ভোগ ক'রতে হয়। একত্র গোড়া-থেকে জুতা পায়ের দিয়ে খেলার অভ্যাসই সমীচীন।

ফুটবল খেলার জন্য প্যাণ্ট চাই। এ প্যাণ্ট বিশেষভাবে তৈরী করাতে হবে। পায়ের এবং কাঁধে যদি shoulder guards আঁটতে পারো, আরো ভালো। অনেক খেলোয়াড় মাথার head-gear পরেন। Head-gearএ অনুবিধা এই যে, কাণহুটি বলের আঘাত থেকে রক্ষা পাবে। ফুটবল-খেলোয়াড়ের head-gearএর দাম বেশী নয়।

খেলোয়াড়দের খাদ্য এবং পানীয় সম্বন্ধে নিয়ম-কানুন

শরীরে এতটুকু বেদনা বা অস্বাচ্ছন্দ্য বোধ করলে খেলার নামবে না। নামলে গৌয়ার্তুমি করা হবে, এবং সে গৌয়ার্তুমির ফল সাংঘাতিকও হ'তে পারে। খেলতে খেলতে শরীরের কোথাও যদি বেদনা বোধ হয় কিম্বা কেটে ছ'ড়ে যায়, তাহ'লে তোরগালে গরম ক'রে তার সৈঁক দিলে উপকার হবে।

বল নিয়ে pass করার কথা পূর্বে যা বলেছি, বিপক্ষ দলের খেলোয়াড়কে passingএ বেশ খেলিয়ে নিজে খেলা করা চলে। Tackling ক'রে বল নিয়ে সরতে হ'লে নিজের দেহকে বিপক্ষের সামনে নীচ ক'রে বোঁর

দিকে নজর রেখে তার পাশ কাটিয়ে যাওয়া চাই। বলের উপর থেকে লক্ষ্য যেন নিমেষের জন্য বিচ্যুত না হয়। ও-পক্ষ তোমাকে যে-কোন মুহূর্তে ধাক্কা দিতে পারে—সে ধাক্কা তোমার গায়ে না লাগে, সেদিকে বিলক্ষণ হুঁশিয়ার ধাক্কা চাই। Tacklingএ চাই তীর দৃষ্টি, তীক্ষ্ণ হুঁশ, বিচার-সম্মুখে অভ্রান্ত মন এবং leg-draw.


তার পর blocking বা বিপক্ষ-দলের আক্রমণ রোধ করা। বিপক্ষ-দলকে হঠাতে হ'লে তার হাঁটুর একটু উর্দ্ধে একটি ধাক্কা—ব্যস, সে ধাক্কা সফল হবেই! বিপক্ষ প'ড়ে

হাফ ব্যাকের প্রধান কর্তব্য, ফরোয়ার্ডকে সর্বতোভাবে সাহায্য করা। ফুটবলের মাঠে সবচেয়ে বেশী স্বার্থ-ত্যাগ যদি কারো পক্ষে প্রয়োজন হয় তো সে এই হাফ-ব্যাকের।

ব্যাককে সব সময় খুব সপ্রতিভ, সতর্ক থাকতে হবে। লম্বা-কিকে বল কখন এসে পড়বে, কিম্বা পাশ ক'রে কে ফশ ক'রে বল-সম্মত সামনে এসে হাজির হ'বে—সে-দিকে এক মিনিটের জন্য বেহুঁশ বা অনমনস্ক থাকলে চলবে না।

বিপক্ষ যদি খুব শক্তিমান হয়, তাহ'লে আত্মরক্ষার একমাত্র উপায়—লম্বা কিক্। Kick, kick and keep on kicking.

বর্ষায় কর্দমাক্ত ভিজা মাঠে লম্বা-কিক্ সম্মুখে সচেতন থাকতে হবে। এ সময় পাশ করার দিকে লক্ষ্য রাখলে কৃতকার্য হবার আশা পূর্ণ হবে না, জেনো। সাইড্-লাইন ঘেঁষে কখনো থাকবে না; সেন্টার-লাইনেও কদাচ থাকবে না। বাতাসের বিপরীত দিকে বল নিয়ে যাবার সময় মাটিতে সেঁটে থাকতে হবে (Stall) এবং বাতাসের অক্ষুণ্ণে বল নিয়ে যাবার সময় গতিবেগ খুব ক্ষিপ্ত হওয়া চাই। নিজের দল যখন পরিশ্রান্ত, কিম্বা ও-দলের 'জিত্' চলেছে, তখনো মাটি



কাঁধে ঠুপা আঁটিয়া প্রাক্টিশ

ধাড়ে—অমনি রক্তপথে বল নিয়ে সোজা তুমি বেরিয়ে যেতে পারবে।

আক্রমণোত্তর বিপক্ষের গতি রোধ ক'রে বলটিকে তার কবলচ্যুত করার প্রকৃষ্ট উপায় হলো তার সামনে উপুড় হ'য়ে পড়ে-যাওয়া। অত্যন্ত এ-পতনে বিপক্ষ চমকে উঠবে; তার গতি রুদ্ধ হবে! তখন নিজের দলের কেউ-না-কেউ বলটিকে আয়ত্তে নিতে পারে। অবশ্য এ খেলোয়াড়কে খুব হুঁশিয়ার এবং সপ্রতিভ থাকতে হবে। কেন না, এ-পতন এবং স্বদলের খেলোয়াড়ের কাছ থেকে বল নেওয়া—এ-ব্যাপার চকিতে নিঃশেষ করা চাই; এক মিনিটও দেরী করা চলবে না। বিচার-বিবেচনার বা পতনের মর্মে উপলক্ষির সম্মুখে যেন ভুল না হয়!

আঁকড়ে থাকা চাই। এই মাটি এঁটে থাকার নাম Stall করা বা stick in। হারের মুখে গতিবেগ ক্ষিপ্ত রাখবে, কদাচ মন্থর বা slow হবে না। স্বদলে লম্বা কিক্ করার সামর্থ্য যদি কারো না থাকে, তাহলে বল পাবামাত্র যথাসাধ্য লম্বা কিক্ করতে ভুলো না।

বিপক্ষের এলাকার খেলার ক্ষিপ্তকারিতা এবং মনকে ও চোখটিকে খুব সতর্ক রাখা চাই। Trick খেলা ভালো, কিন্তু ক্ষিপ্ত শক্তিমান বিপক্ষদলের সঙ্গে খেলার trick চালাতে গেলে অমুতাপ করতে হবে।

মোটামুটি এই বিধি-নিয়ম মেনে চললে ফুটবল-খেলার কৃতিত্ব অর্জন করা কঠিন বা অসম্ভব হবে না।

## খেলনার শিক্ষা

শুধু বই পড়িয়াই মানুষ শিক্ষা-দীক্ষার বিভূষিত হইয়া মানুষের মতো মানুষ হয় না। খেলা-ধুলার মানুষ হইবার উপকরণ এবং উপাদান প্রচুর আছে। খেলার দৌলতে পৃথিবীতে অনেকে অসাধারণ কৃতিত্ব অর্জন করিয়া মানুষের মতো মানুষ হইয়াছেন,—সে পরিচয় পৃথিবীর ইতিহাসে লিপিবদ্ধ আছে।

জেম্‌স্‌ ওয়াট্‌ যেরে বসিয়া চায়ের কেটলি হইতে বাষ্পোৎসর্গ দেখিতেছিলেন—নেহাৎ খেলার ছলে, ক্রীড়া-কৌতুকের বশবর্তী হইয়া! নিউটনের যুড়ি উড়ানো—তাহাতেও ছিল খেলার আমোদ!

খেলা ও খেলনার প্রভাব ছেলেমেয়ের মনে যে ভাবে বিস্তার লাভ করে, তাহার ফলে বুদ্ধিবৃত্তি কোন্ দিকে বাড়িয়া উঠিবে—ছেলেমেয়ের মন এই খেলার দিক দিয়া কি উৎকর্ষ লাভ করিবে, পূর্কালে অনুমান করা কঠিন।

তবে যুগ-ভেদে শিক্ষা-দীক্ষার বিষয়ের সঙ্গে সঙ্গে ছেলেমেয়েদের খেলায় ও খেলনার যে পার্থক্য ঘটিতেছে, সেই খেলা ও খেলনার জোরে জীবনের রূপ নব নব ভাবে বিকাশ লাভ করিতেছে। তাহার পরিচয় আমরা নিত্য পাইতেছি।


আমাদের দেশে মেয়েদের ছিল একদিন শুধু পুতুল খেলা—মাটির ভাঁড়-খুরি লইয়া রান্নাবান্না খেলা—পুতুলের বিবাহ দিয়া গৃহিণীপনার অভিনয়। এ খেলার ফলে সেকালের মেয়েরা গৃহিণীপনার যে পটুতা, ছেলেমেয়ের পালনে-পরিচর্যায় যে কুশলতা দেখাইয়া গিয়াছেন, একালের সংসারকে তাহার তুলনার বিশৃঙ্খল বলিব। ঐ পুতুল-খেলা এবং রান্নাবান্না খেলার ফলে সহযোগিতা আর প্রীতি-স্নেহ-মমতার তাঁদের মন ভরিয়া উঠিত। ও-সব খেলার মন দরাজ হইত। সংসারের বহু খুঁটিনাটি ব্যাপার হাতে কলমে তাঁরা প্রত্যক্ষভাবে শিখিতে পারিতেন।

ছেলেদের খেলার মধ্যে সেকালে ছিল ব্যাট্‌ বল, ডাঙা-গুলি ও কপাটি। সে খেলার দেহ স্নস্ব সবল হইয়া গড়িয়া উঠিত—কিন্তু তাহাতে মনের শিক্ষার বা জ্ঞানলাভের তেমন উপায় ছিল না।

এ যুগে খেলা ও খেলনার বহু পরিবর্তন ঘটিয়াছে এবং খেলা ও খেলনার সাহায্যে বহু বিষয়ে জ্ঞান-লাভের সুবিধা হইয়াছে। মনের প্রশ্নার বাড়াইবার বহু উপায় মিলিয়াছে। “ট্রিপ রাইট্‌ দী ওয়ার্ল্ড” বা “চীন যুলুকে” বা “ওভার দি শীজ” প্রভৃতি খেলা দেখুন। সমস্ত পৃথিবীর মানচিত্র হয় এ-খেলার ছক্। ডাইশ্‌ ফেলিয়া নম্বর দেখিয়া খুঁটি চালার রীতি। এ খেলার ভূগোলের সঙ্গে পরিচয় যত সহজে, যত নিখুঁতভাবে সম্পাদিত হয়, দশ-বিশখানা ভূগোল মুখস্থ করিলেও শিক্ষা তেমন হইবে না।

বিলাতী খেলনা Building blocks অর্থাৎ নানা


আ কা রে র  
বেলে-মা টা র,  
পা থ রে র বা  
কাঠের তৈয়ারী  
কার্নিশ, খিলান,



খেলা-ঘরের প্লেন আকাশে ওঠে

দেওয়াল, এই কতকগুলো জিনিষ; তার সঙ্গে থাকে নক্সা। ছেলেরা নক্সা দেখিয়া ঐ সব খণ্ড-দ্রব্য লইয়া বাড়ী, কারখানা, স্টেশন, পুল প্রভৃতি তৈয়ার করে। ইহাতে খেলার সখ যেমন মিটে, তেমনি বাড়ী-ঘর-তৈয়ারী বা এঞ্জিনীয়ারিংয়ের দিকে ছেলেদের মনে অহুরাগ সঞ্চারিত হয়—তাঁদের স্নকুমার মনে শিল্প-বোধের উন্মেষ হয়।

বহুকাল পূর্বেকার কথা। সুইডেনে একটি ছেলে বিল্ডিং ব্লক লইয়া খেলা করিত। ছেলোট এক উইণ্ডমিল দেখিয়া খেলা-ঘরের উইণ্ডমিল গড়িবার অভিলাষী হয়; কিন্তু তাহার কাছে যোগ্য ‘ব্লক’ ছিল না। ছেলোট তখন ছোট



ইস্পাতের ফ্রেম লইয়া  
জেটি-তৈয়ারী

প্যারাওট রকেট উভানো

টুকরা-টুকরা অংশ জুড়িয়া মডেল  
গড়া খেলা

করাড, বাটালি, কাঠ কিনিয়া উইণ্ডমিলের আদর্শে প্রয়ো- গড়িয়া তোলে। এবং এ-কাজে কুচি ও অধ্যবসায়ের  
জনীর নানা অংশ কাটিয়া জুড়িয়া খেলাধরের উইণ্ডমিল ফলে এ-বালক পরে বয়স-কালে বড় বড় রণতরী-নির্মাণে

অসাধারণ কৃতিত্ব দেখাইতে সমর্থ হন। ইনি এখন মস্ত একজন পূর্ত-শিল্পী। নাম জন এরিকশন।

আর একটি বালক বইয়ের পাতার নির্দেশ দেখিয়া



যন্ত্র-শেট খেলা

পাং লা ঘু ডী র  
কাগজ, পা খী র  
পালক ও র বা র-  
ব্যাণ্ড লইয়া উড়ন্ত  
পা খী তৈ য়া রী  
করিত। বহু আয়াসে  
এ ক দিন পাখী

তৈয়ারী হইল, এবং সে পাখী আকাশে উড়িল। তখন উৎসাহিত হইয়া আরো বড় আকারের পাখী তৈয়ারী করিল। সে পাখীও আকাশে উড়িল। এবং এই খেলার পাখী উড়ানোর ফলে সে-বালক বড় হইয়া আমেরিকার প্রকাণ্ড কারখানা খুলিয়া এরোপ্লেন রচনা করিতেছেন। তাঁহার নাম প্লেন-শিল্পী উইলিয়াম ষ্টাউট।

১৯১৪ খৃষ্টাব্দের পর হইতে জার্মানিতে এবং সুইজারল্যান্ডে খেলনার রাজ্যে যেন যুগান্তর আসিয়াছে! প্রত্যেকটি খেলনার নির্মাণ-কার্যে তারা দেখে—খেলার আমোদের সঙ্গে কতখানি শিক্ষা মিলে। সেকালে পাশ্চাত্য দেশের ছেলেদের খেলা ছিল,—দম-দেওয়া গাড়ী, লাফ-খাওয়া পুতুলের ডিগবাজী, কুম্বুসি-ক্রাউন, দম-দেওয়া বানর। এ খেলনার পাট একালে উঠিয়া গিয়াছে। এখন খেলা তৈয়ারী হইতেছে ইলেক্ট্রিক শক্তি-সাহায্যে। পুতুলকে এখন সক্রিয় এবং সজীববৎ করিয়া তোলা হইতেছে।

তা' ছাড়া বিবিধ কৃতি অনুধারী বৈজ্ঞানিক ও রাসায়নিক খেলনার সৃষ্টি হইয়াছে।


বর্তমান যুগের খেলা এমন যে, ছেলেরা খেলিতে

বসিয়া এ যুগের বাস্তব জগতের বহু বিষয়ের সঙ্গে হাতে-কলমে পরিচিত হইতে পারে। খেলার টেলিফোন, খেলার বেতার-সেট লইয়া খেলা করিতে বসিয়া তারা এ ছুইটি বস্তুর বৈজ্ঞানিক তথ্য সহজে বুঝিতেছে। এখন বালির তৈয়ারী এমন হাঁচ বিক্রয় হইতেছে যে, তাহা লইয়া বালির গ্রাম-নগর ঘর-বাড়ী নির্মাণ

বালির গ্রাম-নগর

করিয়া তারা মানুষ হইবার সুযোগ পাইতেছে।

মেকানো-সেট এ যুগের চমৎকার খেলা। ষ্ট্যালে নির্মিত ছোট-বড় নানা অংশ লইয়া পুল, বাড়ী-ঘর, মোটর-গাড়ী, এঞ্জিন প্রভৃতি তৈয়ারী করিয়া ছেলেমেয়েরা প্রচুর আনন্দ পায়; তা' ছাড়া বস্ত-বিজ্ঞানে তাদের জ্ঞান এমন গভীর হইতেছে যে, বই পড়িয়া তাহা আয়ত্ত করা যায় না।



একালের খেলার-মোটর বৈজ্ঞানিক শক্তিতে চলে

সেকালের ছেলে-মেয়ে পারে 'প্যাডল' করিয়া খেলায় মোটর-গাড়ী চালাইত। সে গাড়ীর রেওয়াজ আর নাই এখন ছেলেমেয়েদের খেলার মোটর-গাড়ীও বৈজ্ঞানিক শক্তিতে চলে। ছেলেরা ছেলে-বয়স হইতেই মোটর-গাড়ী পরিচালনা এবং তার বিভিন্ন কলকাজ, নক্সা প্রভৃতি



রসায়নের খেলা

ও প্রত্যেকটি অংশের পারস্পরিক-সম্পর্ক বিষয়ে জ্ঞান-লাভ করিতেছে।

রাসায়নিক খেলনাপত্রের সৃষ্টি হইয়াছে। এ খেলনার আসবাবে থাকে এক সেট কম্প্লীট ল্যাবরেটরি। এ খেলা ও খেলনার ফলে নিরুপদ্রব বহু রাসায়নিক পরীক্ষার আয়োদ এবং জ্ঞান প্রচুরভাবে মিলিতেছে।

বর্তমানের যুগ কল্পযুগ। কাজেই ছেলেমেয়েদের হাতে এমন খেলনা দিতে হইবে যে-খেলনার আনন্দ ও শিক্ষা পাইয়া নিজেদের যেন তারা যুগোপযোগী করিয়া গড়িতে পারে—যেখেলায় তাদের বুদ্ধিবৃত্তির সর্বাত্মক বিকাশ ঘটে।

## যাত্রা

যাবার সময় হ'ল মাগো, রাত্রি নেমে আসে,

পূর্বাচলে মেঘের ফাঁকে সূর্য নাহি হাসে ;

পল্লবে আর পুষ্পদলে

কি গান গাহে কতই ছলে,

শিশির-কণা ছড়িয়ে গেছে কচি সবুজ ঘাসে,—

মাগো, সূর্য নাহি হাসে।

একলা আমার ঘেতে হবে অরণ্যাপীর মাঝে  
যেইখানেতে পাতায় পাতায় কার মা বাঁশী বাজে ?

গভীর ঘন অন্ধকারে

ডাক দিল কে বারে বারে,

ঘরের মাঝে বখন থাকি মগ্ন শত কাজে—

কার মা বাঁশী বাজে ?

বখন আমি চলেই যাব নাম-না-জানা দেশে,  
ধরার বুকে যেথায় আসি' আকাশখানি মেশে ;

তখন যদি আমার তরে

সেই অজানা খুঁজে মরে,

বলবে তারে, পালিয়ে গেছি সপ্ত সাগর শেষে,

নাম-না-জানা দেশে।

হয়ত তখন আমার ডাকি গহনে কান্তারে

নিবিড় নিশায়, বর্ষা-ধারায় খুঁজবে বারে বারে ;

নদীর কূলে বকুল-ছায়ে

নিকষ-কালো শৈল-গায়ে,

পাগল সম ছুটবে সে মা, অকূল পারাবারে—

খুঁজবে বারে বারে।

দিগন্ত-হীন মাঠের বুকে ক্লান্ত রবি-করে,

সে যদি মা আমার ডাকে কঁাদন-ভরা স্বরে,


এই কথাটি ব'লো তারে,—

যে রয়েছে সাগর-পারে

তারো ছুটি নয়ন বেয়ে অশ্রু-ধারা বয়ে

মাগো, কঁাদন-ভরা স্বরে।

শ্রীঅজিতকুমার বন্দ্যোপাধ্যায়।



## রেঙ্গুন-মেল

রেঙ্গুন-মেল চলিয়াছে।

রাত্রি এগারোটা বাজিয়াছে। অকূল সমুদ্র। জাহাজে বাতীদেব কলরব নাই। শুধু তরঙ্গের বিপুল কলোচ্ছ্বাস, তার সঙ্গে ষ্টীমারের এঞ্জিনের ধীর-গভীর শব্দ...

মাথার উপর আকাশে তরোদশীর চাঁদ। সমুদ্রের বুকে জ্যোৎস্না। সেই জ্যোৎস্নার সঙ্গে সহস্র তরঙ্গ বাহ মেলিয়া সমুদ্র যেন লীলা-ভরে খেলা করিতেছে!

ডেকে রেলিঙ ধরিয়া দাঁড়াইয়া আছে চন্দ্রা...

আর একটা দিন...তার পর মেল গিয়া রেঙ্গুনে পৌঁছবে। সেখানে স্বামী ইন্দ্রনাথ...বারো বছর বয়সের ছেলে ছালাল। কত দিন দেখে নাই! আর একটা দিন পরে দেখা হইবে!

ভাবিতেছিল, নিজের জীবনের কথা। জীবনে কি না পাইয়াছে! এত পাণ্ডয়ার প্রত্যাশা সে করে নাই!

কলেজে বি-এ পড়িত। বাপের পরসার জোর ছিল না। মেরেকে যোগ্য-ঘরে কি করিয়া দিবেন, সে ভাবনার বাপের মনে দারুণ অশান্তি...

তার পর কোথা হইতে ইন্দ্রনাথ আসিয়া জীবনের পথে দাঁড়াইল...যেন স্বপ্ন! এবং ইন্দ্রনাথ আপনা হইতে...

তার পর শুধুই স্বপ্ন...শুধুই আরাম! আঃ!

চন্দ্রা চক্ষু মুদিল। একটা নিশ্বাস রোধ করিতে পারিল না।

ইন্দ্রনাথ রেঙ্গুনে এ্যাডভোকেট। চন্দ্রা আসিয়াছিল কলিকাতায়। মামার বাড়ীতে মামার মেয়ের বিবাহ... চন্দ্রাকে মামা লিখিয়াছিলেন, তোরা ছাড়া আমার কে আর আছে মা,...তোদের আসিতেই হইবে। না আসিলে...

আসি নহ! মকেল ছাড়িয়া এ সময় ইন্দ্রনাথের আসি ছিল অসম্ভব...ছেলে ছালালের এগজামিন্! চন্দ্রা কান্নার সঙ্গে আসিবে?

পরিহাস করিয়া ইন্দ্রনাথ বলিল—তোমার লেখাপড়া

শেখা মিথ্যা হলো চন্দ্রা! পথে একা বেরুতে এখনো ভয় করো! ছাখো তো ঐ ইংরেজের মেয়েদের পানে চেয়ে। একা ওরা পৃথিবী প্রদক্ষিণ ক'রে বেড়াচ্ছে! কোথায় সেই বুনো কাফ্রীর দেশ আফ্রিকা...কোথায় চীন-জাপান, সুমাত্রা-জাভা...

হাসিয়া চন্দ্রা বলিল—তোমরা আমাদের সে-স্বাধীনতা দিয়েছো কি? ঘরে এনে পাখীর মতো খাঁচার পুরে রাখো যে!

ইন্দ্রনাথ বলিল—যদি খাঁচার দরজা খুলে দি?...একা পারো যেতে কলকাতায়?

চন্দ্রা বলিল—কেন পারবো না?

ইন্দ্রনাথ বলিল—বেশ, খাঁচা খুলে দিচ্ছি। যাও আমার পাখী...নীল-আকাশের বুকে ডানা-মেলে ওড়ো...

বিস্ময়-ভরা দৃষ্টিতে চন্দ্রা বলিল—সত্যি?

ইন্দ্রনাথ বলিল—সত্যি, চন্দ্রা। কবির কথা মনে পড়ছে—রেখেছো বাঙালী করে' মানুষ করোনি!...সত্যি, কিসের ভয়?...কিন্তু তোমার ভয় ক'রবে না তো?

চন্দ্রা বলিল,—না। মানুষকে আজ পর্যন্ত তরঙ্গের বহু বলে' জানবার মতো হুঁজুগ্য আমার হয়নি!

ইন্দ্রনাথ বলিল—অল রাইট মাই ডার্লিং...

এ-ভূমিকার পর চন্দ্রা একদিন ষ্টীমারে চড়িল...

এখন কলিকাতা হইতে নিমন্ত্রণ সারিয়া চন্দ্রা রেঙ্গুনে ফিরিতেছে...

মনে বিজয়ের গর্ভ। কাল বাদে পরশু গিয়া রেঙ্গুনে পৌঁছবে...নিজের ঘরে। গিয়া বলিবে, ঘরে-বাহিরে সর্বত্র এমন নিরাপদ নিশ্চিত ভাব। বাহিরকে মানুষ কেন যে ভয় করে...

ফিরিবার সময়। জাহাজ কলিকাতা ছাড়িয়াছে,...এবার ডারমণ্ড-হার্ভার পার হইয়াছে, এমন সময় আলাপ এক জন



পুরুষ-বাত্মীর সঙ্গে...বিপুল সেন। একা বর্ম্মা চলিয়াছে। মাঙালেতে কাঠের কারবার আছে।...নামিবে রেজুনে। রেজুনে আর্ক-রাইট কোম্পানির সঙ্গে কারবার...তাদের সঙ্গে কি-একটা জরুরি প্রয়োজন সারিয়া কোন্ জঙ্গলে যাইবে।

ডেক-চেয়ারে বসিয়া চন্দ্রা একখানা ইংরেজী নভেল পড়িতেছিল, বিপুল সেন আসিয়া বলিল—যদি কিছু মনে না করেন...

ডাগর ছুটি চোখের দৃষ্টি বিপুল সেনের মুখে নিবন্ধ করিয়া চন্দ্রা বলিল—বলুন...

সে-দৃষ্টির সামনে বিপুল সেনের ক্ষণেক বিভ্রম।...

একটা নিখাস ফেলিয়া বিপুল সেন বলিল,—বড্ড ভুল করেছি। মানে, ছ'চারখানা বই সঙ্গে নেওয়া উচিত ছিল...বরাবর নিই। এবারে নেওয়া হয়নি। আপনার কাছে অনেক কেতাব রয়েছে। একখানা যদি...

হাসিয়া চন্দ্রা বলিল—বেশ তো!...আসুন আমার কেবিনে। অনেকগুলো বই বার ক'রে রেখেছি...তার মধ্য থেকে যেখানা হয়...

বিপুলকে লইয়া চন্দ্রা তার কেবিনে আসিল। একরাশ বই...বাঙলা ইংরেজী নভেল...

বাছিয়া বিপুল একখানা ইংরেজী নভেল হাতে লইল। সমারশেট মমের লেখা কতকগুলো ছোট গল্প।

তার পর এই বই হাতে লইয়া ছ'জনের আলাপ সুরু...

বই শেষ করিয়া বিপুল বলিল—চমৎকার লাগলো। বিশেষ Pool গল্পটি!...এ-গল্প প'ড়ে আমার মনে পড়ছিল মাঙালের কথা। অম্নি এ্যাটমস্ফীয়ার! সেখানেও ছ'চার ধর বাঙালী আছেন...বিয়ে না ক'রে কেমন এক রকম হ'য়ে আছেন...না বাঙালী, না বর্ম্মাজ! মন যেন কিসের ভাবে আচ্ছন্ন...এমন লোককে জানি!

সাগ্রহ দৃষ্টিতে বিপুলের পানে চাহিয়া চন্দ্রা তার কথা গুনিল। বলিল—আমার মনে কিন্তু ভারী কষ্ট হয় ঐ নামক লশনের জন্ত! বেচারী!

উচ্ছাস-ভরে বিপুল বলিল—হিরোইন এখেলের সঙ্গে তার প্রথম দেখা...সিম্পলি চার্মিং! জলে সাঁতার কাটছে আপন-মনে...তার পর পাণ্ডের উপর উঠলো...উঠে মাথার চুল ঝেড়ে জল ঝরাচ্ছে! ছুটি লাইনে কি চমৎকার ছবি এঁকেছেন শুভ্রলোক!

বলিয়া বই খুলিয়া পড়িল,—She wrung out her hair...she looked like a will creature of the woods...সত্যি মিসেস্ চ্যাটার্জী, সমাজের নানা চাপে আপনাদের সহজ চার্ম, natural femininty সব চূর্ণ হয়ে যাচ্ছে...

কথাটা বলিয়া, বিপুল চাহিয়া রহিল চন্দ্রার পানে...

চন্দ্রা কোনো জবাব দিল না। তার মনের মধ্যে একরাশ কুয়াশার বাষ্প আসিয়া জমিল। কোথা হইতে, কে জানে!

জ্যোৎস্না-রাত্রি। জাহাজ চলিয়াছে। রেলিঙ ধরিয়া ডেকে দাঁড়াইয়া চন্দ্রা চাহিয়া আছে দিগন্তব্যাপী সমুদ্রের চক্রেখার পানে...জ্যোৎস্না আর সাগরের তরঙ্গোচ্ছ্বাসে ওদিকটা অস্পষ্ট! দেখিলে মনে হয়, সামনে শুধু অজানা রহস্যের মায়া...গাঢ় নিবিড় হইয়া আছে!

পাশেই হঠাৎ কণ্ঠ জাগিল,—কি দেখছেন মিসেস্ চ্যাটার্জী? সাগরের বুকে চেউ?

একটা নিখাস ফেলিয়া চন্দ্রা ফিরিয়া চাহিল। তার মন ভরিয়া স্বামীপুত্রের চিন্তা! ঘরে সেখানে বিছানার শুইয়া ছগাল ঘুমাইতেছে...একা! নিশ্চয় উনি এখনো বাহিরের ঘরে মকেলের ব্রীক্ লইয়া তাহাতে নিমগ্ন আছেন! চন্দ্রা তা জানে! নিত্য কি রকম তাড়া দিয়া ইন্দ্রনাথকে শোয়াইতে হয়...ব্রীক্ কাড়িয়া তৎসনা করে,—না, আর নয়। রাত বারোটা বাজে! ঘুমোবে চলো...না হ'লে শরীর থাকবে কেন? হাসিয়া মিনতি-ভরে ইন্দ্রনাথ বলে—ওগো আর পাঁচ মিনিট...ওই মাংলুর এন্ডিডেসটা পড়ছিলুম...আর ছ'খানা ফোলিয়ো! ওটুকু শেষ করতে দাও! চন্দ্রা বলে—না...আর এক-মিনিটও ব্রীক্ পড়া চলবে না! হাসিয়া ইন্দ্রনাথ বলে—অর্ধেক তোমার দণ্ড কঠিন বিধান!

কি সুখের সংসার তার!...

বিপুল বলিল—কি ভাবছেন? আর কালকের দিন-রাতটুকু সামনে—তার পর রেজুন!

মুহু হাসিয়া চন্দ্রা বলিল—তাই ভাবছি, সত্যি...

বিপুল বলিল—আপনারা মেরে-জাতটা বস্তু বেশী

সেস্টিমেন্টাল .. শুধু ভবিষ্যতের কথাই ভাবেন ! বর্তমানকে চিরদিন অগ্রাহ্য করেন !

চন্দ্রা বলিল,—তার মানে ?

বিপুল বলিল—You are always home-sick...

চন্দ্রা বলিল—যদি মেয়েমাহুষ হতেন, আর মা হতেন, বুঝতেন...

হাসিয়া বিপুল বলিল,—ও-ছোটোর কোনোটাই হ'বার সম্ভাবনা যখন এ জন্মে নেই, তখন ওটা ছর্কোথ থেকে গেল মিসেস্ চ্যাটার্জী । তা' ছাড়া দর-সংসার—তার দাম কোনো দিন আমি বুঝলুম না ।

চন্দ্রা কহিল,—বিয়ে করেননি বুঝি ?

বিপুল বলিল,—না...এবং এ-জন্মে করবোও না !

চন্দ্রা কোনো জবাব দিল না...বিপুলও নীরব...

স্বনিবিড় স্তব্ধতার মধ্যে সমুদ্রের তরঙ্গ গর্জন, আর এজিনের গস্তীর শব্দ...স্তব্ধতা সে-শব্দে যেন কাঁপিতেছিল !

চন্দ্রার মনে বিস্ময় ! সে ভাবিতেছিল, পুরুষের মন এমন হয়...সত্য ? রেজুনে দেখিয়াছে বিবাহ না করিয়া পুরুষমাহুষ কাজে খাটিয়া যাইতেছে, পরমা রোজগার করিতেছে...জীবনে নানা ঝড় তুফান চলিয়াছে ! .. ভাবিত, কেন এরা বিবাহ করিয়া সংসার পাতে না ? সংসারে কি মোহ...কি মায়ী ! ওদের সাধ হয় না ? কি সুখে ওরা কাজ করে ? কি অবলম্বনই বা পায় ?

বিপুল বলিল—ষ্টীমারে আপনাকে দেখে আমার এমন ভালো লাগলো ! খপর নিলুম । গুনলুম, আপনি একা চলেছেন রেজুন ।...আশ্চর্য্য হলুম । ভারী ভালো লাগলো । বাঙালীর মেয়ে...এ-বয়সে একা চলেছেন ..চমৎকার ! তখনি বুঝলুম...আর পাঁচ জন বাঙালীর মেয়ের মতো আপনি নন !

চন্দ্রার কাণে কথাটা বাজিল গানের মতো ! ফশ্ করিয়া সে জবাব দিল—কাদের মতো মনে হলো ?

একটা সিগারেট ধরাইয়া বিপুল বলিল,—তা জানি না । তবে but you don't mind if I smoke ?

চন্দ্রা বলিল,—না ।...কিন্তু বলুন না, আমাকে কাদের মতো মনে হলো ? রহস্যময়ী ? না, weird ?

বিপুল চাহিয়া রহিল চন্দ্রার পানে । চন্দ্রার মুখে জ্যোৎস্নার আলো পড়িয়াছে ! অধরে হাসির রেখা... চোখে অপরূপ দৃষ্টি !

বিপুল বলিল—তখনি ঠিক করলুম, আপনাকে জানতে হবে চিনতে হবে ।

হাসিয়া চন্দ্রা বলিল—জেনে-চিনে ফেলেচেন আমাকে ? এক নিমেষে ? আশ্চর্য্য ! ...তা হলে এ বইখানা পড়ুন ...সত্যি, এতে যে hero, সে বলেছে, মেয়েদের সম্বন্ধে তার মনে এতটুকু অজানা রহস্ত নেই । মেয়েদের সম্বন্ধে সব কথা তার জানা !

বিপুল বলিল—বই পড়ে মেয়েদের পরিচয় আমাকে নিতে হয়নি, মিসেস্ চ্যাটার্জী ..

কথাটা তীক্ষ্ণ তীরের মতো চন্দ্রার মনে বিধিল ! হাসিয়া চন্দ্রা বলিল—এত গর্ক ভালো নয় মিষ্টার সেন ।

—এ গর্ক নয় . simple truth

—ও .

বিপুলের পানে চন্দ্রা চাহিতে পারিল না . চাহিল সমুদ্রের পানে । জ্যোৎস্না লইয়া লীলা-ভরে সমুদ্রের লোফালুফি চলিয়াছে...অবিরাম অবিচ্ছিন্ন লীলা !

চন্দ্রা বিপুলের পানে চাহিয়া দেখিল ! বিপুল তাহারি পানে চাহিয়া আছে ! চন্দ্রার দেহে-মনে কেমন একটু অস্বস্তি

চন্দ্রা কহিল,— আপনাদের কাঠের কারবারের কথা বলুন । সত্যি, ভারী চমৎকার লাগছিল ! বর্ষাজরা কাঠ চুরি করতে আসে...চারিদিক দিয়ে তাদের ঘিরে আপনাদের রীতিমত লড়াই করতে হয় বুনো হাতীর জটলা...যেন গল্পের মতো ! বেশ খিল আছে !...তার পর ?

বিপুল বলিল—যদি গুনতে চান...তা' হলে ছ'খান ডেক চেয়ার আনাই । বসা যাক । আপনি বসবেন শ্রোতা হয়ে...আর আমি বসবো বক্তার আসনে ।

বিপুল বলিতে লাগিল । বলিবার শক্তি আছে ! তার কথার চন্দ্রা যেন চোখে প্রত্যক্ষ করিতেছিল—ভীষণ বন ...গাছে গাছে মেশামেশি-ঠাশাঠাশি...ষেঁষাষেঁষি কি ভীষণ বন জঙ্গল রৌদ্র যেন সে-জঙ্গলে প্রবেশ করিতে পারে না ! সজ্জ সজ্জ মনে হইতেছিল, এত সাহস... এমন শক্তি ..এ-মাহুষ কাজ লইয়া পাগল চিরদিন... আশ্চর্য্য !

জীবনে কোনো নারী কোনো দিন আসিয়া সামনে দাঁড়াইয়াছে...বিপুলের কথার কোথাও তার এতটুকু ইঙ্গিত

নাই! শুধু কাজ আর শিকার! কখনো বসিয়া বই পড়িয়া সময় কাটান ..

চক্রার মনে বিশ্বয়ের সীমা নাই! প্রীতি স্নেহ মমতা... সে-সবের রেখা কোন দিক দিয়া বিপুলের মনে পড়ে নাই! কি করিয়া এমন সুস্থ মন লইয়া দিন কাটার? কোনো সখ, কোনো বাসনা নাই?...মানুষের সঙ্গ...জী...পুত্র... সংসার! এ-জীবনের সঙ্গে আর কাহারো জীবনের এতটুকু মিল নাই ..

গল্পে-গল্পে ঘড়িতে একটা বাজিল। চক্রা চমকিয়া উঠিল। কহিল—রাত একটা ..না, না, আর নয়! যান, শুতে যান।

বিপুল বলিল—ঘুম পায়নি...

চক্রা বলিল—আমার কিন্তু ঘুম পেয়েছে...

নিখাস ফেলিয়া বিপুল বলিল—আপনি তা'হলে শুতে যান...

চক্রা বলিল—আর আপনি?

বিপুল বলিল—এখানে জেগে ব'সে সমুদ্র আর আকাশ দেখে রাত কাটিয়ে দি। আমার জীবনের সঙ্গে ওদের অনেকখানি মিল আছে কি না...ওদের সুখ-দুঃখ, আমোদ-আহ্লাদ নেই যেমন...নিজেদের নিয়েই আছে চিরদিন...কারো লাভ-ক্ষতির পানে দৃষ্টি নেই...নিজেদের খেয়ালে চলেছে ত চলেছেই...আমারো তেমনি .

কথাটা বলিয়া বিপুল হাসিল...

চক্রা কোনো জবাব দিল না; উঠিয়া ধীর-পায়ে নিজের কেবিনে চলিয়া গেল।

পরের দিন। সকালে উঠিয়া কেবিন হইতে বাহির হইয়া চক্রা দেখে, ডেকের উপর ডেক-চেয়ারে পড়িয়া বিপুল...ঘুমাইতেছে!

চক্রার পা যেন বাধিয়া গেল। ধমকিয়া দাঁড়াইয়া চক্রা তার পানে চাহিয়া রহিল...

এত কর্ম-উদ্দীপনার মাঝে থাকিলেও মুখ নিঃসঙ্গতার বেদনার মলিন! কারবারে অনেক পয়সা রোজগার করে। ...কার জন্ত? ইন্দ্রনাথের মুখে চক্রা শুনিয়াছে তো... চক্রা যখন অমুযোগ তুলিয়া বলিয়াছে, এত খাটো... আমোদ-আহ্লাদে মন নেই...কেন এত করো? নিজেকে

সকল মুখে বঞ্চিত রাখো কেন? হাসিয়া ইন্দ্রনাথ জবাব দিয়াছে,—যাদের ভালোবাসি, তাদের জন্ত খাটি। এ-খাটার যে-আমোদ পাই, খেলাধুলার সে-আমোদ নেই চক্রা... সে কথা মনে পড়িল! এ ভদ্রলোক...জী নাই, পুত্র নাই, গৃহ নাই, সংসার নাই...কার জন্ত এত ছুটাছুটি করেন?

চক্রা নিষ্পন্দ হইয়া দাঁড়াইয়া আছে, কতকণ...খেয়াল নাই!

রৌদ্র আসিয়া বিপুলের মুখে লাগিল। তার ঘুম গেল ভাঙ্গিয়া। ধড়মড়িয়া সে উঠিয়া বসিল। বসিবামাত্র দেখে, সামনে চক্রা...

হাসিয়া বিপুল বলিল—সুপ্রভাত!

চক্রা বলিল—সুপ্রভাত! এখানেই ব'সে ঘুমিয়েছেন...

বিপুল বলিল—ঘুমোইনি। ঘুম যেন দেশছাড়া হয়েছিল। কেবল আপনারই কথা ভেবেছি। ভাবতে ভাবতে ভোরের দিকে একটু তন্দ্রা...you are really wonderful...

চক্রার বুকখানা ছাঁৎ করিয়া উঠিল। এ-লোকটা ধীরে-ধীরে যেন তাকে কাছে টানিতেছে...যেন গ্রাস করতে চায়! নহিলে চক্রার মনেও এ-লোকটির চিন্তা...

নিজের উপর রাগ হইল। ছ' দণ্ডের আলাপ...কোথা-কার মানুষ...এ কি তার মনের খেয়াল!

চক্রা কোনো জবাব দিল না।

বিপুল বলিল,—আপনি বেশ ঘুমিয়েছিলেন?

পরিহাস? চক্রা বলিল,—কেন ঘুমোবো না, বলুন?

—তা নয়! তবে চোখ দেখে মনে হচ্ছে না, সুনিদ্রা হয়েছিল! এর মধ্যে টয়লেট হ'য়ে গেছে...বাঃ! এই তো চাই। সত্যি, কিছু মনে করবেন না...মেয়েদের আমি দেখতে চাই, সব সময়ে ফিট...never clumsy or shabby. আপনাকে দেখে সেই কবিতা মনে পড়ছে,... Dawnlike you come...celestial light thou! ..

চক্রা বলিল—সকালেই কাব্যলোচনা বন্ধ রেখে মুখ-হাত ধুয়ে নিলে ভালো হয়, বোধ হয়!

বিপুল বলিল—হবে'খন! এত তাড়া কিসের!... বসবেন? আপনার আসন শূন্য পড়ে আছে...সে-আসন পূর্ণ করুন!

লোকটার কথায় কি যে আকর্ষণ!

চন্দ্রা ভাবিল, বেচারী! বনে জঙ্গলে থাকে...মাহুঘের সঙ্গ পায় না! চন্দ্রা বসিল।

মুখে কথা নাই। চন্দ্রা চাহিয়া রহিল সমুদ্রের পানে... ফেনিল উচ্ছল সেই তরঙ্গভঙ্গ...শুধু তার রঙ বদলাইয়া গিয়াছে। রাত্রে জ্যোৎস্নাধারা বুকে লইয়া ঘে-রহস্যের সৃষ্টি করিয়াছিল, আজ দিনের আলোয় সে-রহস্য মুছিয়া সাগরের বুকে যেন কঠিন নিশ্চয়তা জাগিয়া উঠিয়াছে! এ-মূর্ত্তি দেখিয়া সাগরকে চিনিতে ভুল হয় না!

বিপুল বলিল—কি ভাবছেন?

চন্দ্রা বলিল—আপনার কালকের কথা। সত্যি, বলুন না, আমাকে কি রকম জেনেছেন?

—শুনে লাভ?

—না, মানে, আপনি এত জানেন...আপনার মুখে নিজের পরিচয়টুকু না হয় শুনতুম!...কেমন সে-পরিচয়... কথাটা বলিয়া চন্দ্রা হাসিল...

সঙ্গে সঙ্গে মনের উপর কাঁটার চাবুক পড়িল।... এ কথা কেন বলিলি? উত্তরে কি কথা তুই শুনিতে চাস?

বিপুল বলিল—কাল বুঝি ঐ চিন্তাই ক'রেছেন সারা-রাত?

বিপুলের চোখের দৃষ্টিতে যেন একগোছা ধারালো তীর!

চন্দ্রা শিহরিয়া উঠিল, বলিল,—না, না। রাত্রে ঘুমিয়েছিলুম। বললুম তো, ভয়ঙ্কর ঘুম পেয়েছিল। বিছানায় যেমন পড়া, অমনি ঘুম।

গভীর কণ্ঠে বিপুল বলিল—হু...

তার পর একটু খামিয়া বিপুল উঠিয়া পড়িল, বলিল,—নাঃ, আপনার কথা শোনা যাক। মুখ হাত ধুয়ে আসি। তার পর চা-পান...কি বলেন?

বিপুল গেল নিজের কেবিনে। চন্দ্রা বসিয়া রহিল... যেন পাথরের মূর্ত্তি।

সমুদ্রে জোয়ার আসিয়াছে...তার বুকের কলরোল অনেকখানি নিখর!

হৃপ্তবেলায় ডেক-চেয়ারে বসিয়া চন্দ্রা সোয়েটার বুনিতোছিল। হুলালের জন্ত। ছেলের সাধ, মা তাকে সোয়েটার বুনিয়া দিবে! কলিকাতার পছন্দ করিয়া উল

কিনিয়া চন্দ্রা তাই নতুন প্যাটার্ণে সোয়েটার বুনিতোছে নামিয়াই তৈয়ারী সোয়েটার ছেলেকে দিবে...

পাশে ডেক-চেয়ারে বসিয়া বিপুল। বিপুলের কোলে একখানা ইংরেজী নভেল। দৃষ্টি নভেলের পাতায় নয়... রৌদ্র-প্রাণিত আকাশের পানে।

চন্দ্রা ভাবিতোছিল...অনেক কথা...

বিপুলকে তার ভালো লাগিয়াছে। হুনিয়ার বাহিরে এ এক নতুন পরিচয়! হু'দিনেই তাকে এমন চিনিয়াছে? বলিয়াছে, চন্দ্রাকে দেখাইতেছিল যেন Dawn! চমৎকার কথা! যেমন উচ্ছল দীপ্তি...তেমনি আবার সে-দীপ্তি অকলুষ, অমলিন! এমন কথা তাকে আর কেহ কখনো বলে নাই! না, কোনো দিন না! ইন্দ্রনাথও না।

মুঠ একটা নিশ্বাস পড়িল। তা'ছাড়া বিপুল বলিয়াছে, তার মন যেন নতন ধাতুতে গড়া...এমন মন বাঙালীর ঘরের আর কোনো মেয়ের নয়! বিপুল নিশ্চয় জানে... অনেকের সঙ্গে মিশিয়াছে! অনেক দেখিয়াছে! কিন্তু বিপুল বহিল, বই পড়িয়া মেয়ে-জাতের পরিচয় লয় নাই...প্রত্যক্ষ পরিচয়! কাকে সে এমন করিয়া চিনিল?...নিশ্চয় দেখিয়াছে, চিনিয়াছে...নহিলে কি করিয়া তাকে চিনিল?

কথাটা মিথ্যা বলে নাই! চন্দ্রাও দেখিয়াছে চিরদিন... তার সঙ্গে অল্প কাহারো মিল নাই...তার মন সত্যই ভিন্ন ছাঁচে গড়া...সে-মনের কোথাও কুয়াশা নাই... ঝাপসা নাই...ধূলি-ভঞ্জাল নাই...সেখানে চিরদিন বসন্ত বাতাস! সেখানে শুধু আলো...অন্ধকারের ছায়া নাই! ...ইন্দ্রনাথ এ-মনের পরিচয় লয় নাই! পরিচয় পায় নাই! অথচ ইন্দ্রনাথের সঙ্গে সে আছে চিরদিন...ইন্দ্রনাথের ছায়ার মতো...না, এ লোকটি সত্যই অদ্ভুত!...হুনিয়ার এমন লোক আছে, চন্দ্রা তা কোনো দিন কল্পনা করে নাই...

চন্দ্রা চাহিল বিপুলের পানে।...

আর একটা রাত্রি পাশাপাশি...তার পর পৃথিবীর বিশাল ভিড়ে কোথায় মিশিয়া অদৃশ্য হইবে!...ইচ্ছা করে, নিজের পরিচয় শুনিয়া লয়...

মুঠ হাতে চন্দ্রা বলিল,—কথা বন্ধ! কি ভাবছেন?

বিপুল একটা নিখাস ফেলিল, বলিল,—আপনার কথা। সত্যি, you are gloriously wonderful! আপনার মতো কোনো নারী আমার মনে কোনো দিন এতখানি চিন্তার সৃষ্টি করেনি! আপনাকে যত জানবার চেষ্টা করছি... ততই...তবু আপনার অন্তরের রুদ্ধ দ্বারে প্রবেশ করতে পারিনি...ঘেটুকু জেনেছি, তা শুধু আপনার মনের বাইরেই দাঁড়িয়ে—আপনাকে দেখে...

নারীর মনে চিরদিনের সেই বিজয়-বাসনা...

চন্দ্রা বলিল,—অন্তরে প্রবেশ করবার মন্ত্র জানা চাই মিষ্টার সেন। দোরে দাঁড়িয়ে থাকলেই কি মানুষ দোর খোলা পায়? সেই আলিবার গল্প জানেন তো...গুহায় ঢোকবার মন্ত্র সে জেনেছিল...open sesame...

কথাগুলো নিজের কাণ দিয়া মনে গিয়া লাগিল যেন আগুনের হকার মতো! সে হকার দাক্রণ দাঃ! তখন সবলে মনকে পা দিয়া চাঁপিয়া-ধরিয়া চন্দ্রা বলিল,—না, এ-সব কথা নয়। এ হলো পাংগলের কথা! তার চেয়ে...

সে খামিয়া বলিল,—বলুন আপনার কথা...রেঙ্গুনে ৩'দিন থেকে কোন্ বনে যাবেন, বলছিলেন! সে-বনে জানোয়ার আছে...শিকার করবেন?

বিপুল কহিল,—জঙ্গল চিরদিন আছে, মিসেস্ চ্যাটার্জী। জঙ্গলের কথা নয়। আপনার কথা বলি... এই passing fantasy আমার জীবনে রঙীন স্বপ্ন হ'য়ে থাকবে কাল-থেকে। আমার কি মনে হচ্ছে, জানেন? আরো কিছু দিন আগে যদি আপনার সঙ্গে পরিচয় হতো!

মনের দুর্বল জায়গায় এ-কথা আবার আঘাত দিল। ...এ-কথায় কি মোহ!

চন্দ্রা বলিল,—তা'হলে কি হতো?

কথাটা বলিয়া ভয়ে সে কাঁটা হইয়া রহিল। যে-কথায় ভয় হয়...বারে-বারে সেই কথাই খোঁচাইয়া ফুলিতেছে! এ তার কি হইয়াছে?

কি হইয়াছে, নিজে বুঝিতে পারিল না.. তবু উৎকর্ণ রহিল উত্তরের প্রতীক্ষায়।

বিপুল বলিল,—তা'হলে আমার পৃথিবীটাই যেতো বদলে! হয় তো আমি আর এক-রকমের মানুষ হতুম ..

চন্দ্রার বকের মধ্যে একসঙ্গে হাজার বোমা ফাটিয়া গেল! ধোঁয়ায় ধোঁয়ায় মন ভরিয়া গেল...চোখের সামনে

ধোঁয়ার রাশি!...মনে হইল, তার জীবন যেন শেষ হইয়া গিয়াছে ..

এবং আর-এক জন চন্দ্রা যেন বিপুলের কথার জবাব দিল। সে-চন্দ্রা বলিল,—আমার স্বামী আছেন, মিষ্টার সেন...আমার ছেলে...বারো বছরের ছেলে।

বিপুল বলিল,—না, আপনার কেউ নেই...কেউ থাকতে পারে না! আপনি শুধু চন্দ্রা দেবী। আপনি একা আছেন...আপনি সেন কবির সেই উর্কনী! নহ মাতা, নহ কত্তা, নহ বধু, সুন্দরী রূপসী...

আকাশের রৌদ্র লজ্জায় যেন মরিয়া গেল! চন্দ্রার চোখের সামনে অন্ধকারের মলিন ছায়া...

শিহরিয়া চন্দ্রা বলিল,—ছি ছি মিষ্টার সেন, এ-সব কি বলছেন!

বিপুল বলিল,—জানেন এ-সব ফাঁকির মিথ্যা একটা লৌকিক বন্ধন শুধু। কে স্বামী? কে ছেলে?...শাক্তের বাধা বুলি! চেয়ে দেখুন ঐ অবাধ মুক্ত আকাশের পানে... ঐ সমুদ্রের পানে...পৃথিবী ওদের চেয়ে বড়...চের বড়! উদার পৃথিবীতে ছোট্ট একটু গণ্ডী টেনে তার মধ্যে নিজেকে এমন বন্দী ক'রে রাখবেন?...এরি জন্ত জন্ম নিয়েছেন? না...

উচ্ছ্বসিত বাক্যের সঙ্গে সঙ্গে বিপুল চাপিয়া ধরিল চন্দ্রার একখানা হাত...

চন্দ্রার সমস্ত দেহ-মন কাঁপিয়া উঠিল...হাত ছাড়াইয়া চারিদিকে ভীত দৃষ্টিতে একবার চাহিয়া চন্দ্রা বলিল,—ছি ছি...কি করেন! পাঁচ জনে কি বলবে?

বিপুল বলিল,—সংসার! সংসার! এত দিন তো সংসারের দাস্ত্র ক'রলেন! কি পেয়েছেন? দেহ-মনকে কতখানি আরো ছড়িয়ে দিতে পারতেন, ভাবুন তো! পৃথিবীর সব যে অজানা রয়ে গেল। পৃথিবীকে ভালো ক'রে দেখবেন না? জানবেন না? মনটাকে এমন ক'রে পিষে গুঁড়িয়ে ফেলবেন বন্ধনের চাপে?...

চন্দ্রা যেন আর নাই! এ যেন আর কে সেখানে বসিয়া বিপুলের কথা শুনিতেছে!

কথা শুনিয়া চন্দ্রার মনে হইল,...যেন তার চোখের সামনে ঘর বাড়ী লোকজন...কেহ নাই, কিছু নাই! সীমাহীন প্রান্তরের মতো বিরাট পৃথিবী পড়িয়া থাঁ-থাঁ

করিতেছে! আর সেই প্রান্তর-পথে চন্দ্রা চলিয়াছে...পাশে ওই বিপুল সেন! পিছনে কেহ ডাকে না—আশে-পাশে কেহ ডাকে না! যেন তার কোনো দায় নাই, কর্তব্য নাই, কিছু নাই! সে চলিয়াছে...চলিয়াছে...মন শুধু বার-বার অধীর প্রশ্ন তুলিতেছিল—কোথায়? কোথায়? সে-প্রশ্নের জবাব মিলে না...তবু চলিয়াছে...চলিয়াছে! এ-চলার শেষ নাই...চলিতে ক্লান্তি নাই!

বিপুল বলিল—না...আমি আপনাকে বাঁচাতে চাই... আপনি আর পাঁচ জনের মতো নন। নন ব'লেই আমার এ ব্যাকুলতা! এত দিন স্বামী-পুত্রের মুখ চেয়ে বেঁচেছেন... এবার নিজের মুখ চেয়ে বাঁচুন! শুধু আপনার একটা কথাই ওয়াস্তা! একবার বলুন, হ্যাঁ!...ছোট্ট রেঙ্গুন! তার সাধ্য নয়, আপনাকে বেঁধে রাখে! সামনে চেয়ে দেখুন—চায়না, জাপান, মালয়, রাশিয়া, আর্কটিক-রিজন্স...

চন্দ্রা কোনো কথা বলিল না...তার সর্বাঙ্গ ঘিরিয়া প্রবল শিহরণ! মনটা মরিয়া পাথরের মতো ভারী...

সমুদ্র যেন তার সমস্ত তরঙ্গ লইয়া চন্দ্রার বৃকের মধ্যে প্রবেশ করিতে চায়!...

চন্দ্রা আর পারে না!

যন্ত্র-চালিতের মতো উঠিয়া টলিতে টলিতে নিজের কেবিনে আসিল। কেবিনের দ্বার বন্ধ করিয়া বিছানায় দেহ লুটাইয়া দিল!

চোখের সামনে অশ্রুর বাষ্পে সব মিলিয়া-মিশিয়া অদৃশ্য হইয়া গেল! জাহাজখানা...মনে হইল, জলের তলায় চলিয়াছে!

সন্ধ্যার পর চন্দ্রার ঘুম ভাঙ্গিল। জাগিয়া উঠিয়া বসিল। ভাবিল, ভাগ্যে ঘুম আসিয়াছিল! নহিলে কি যে করিত...

জাহাজ হুলিতেছে।...বুঝিল, না, জাহাজ তবে ডুবিয়া যায় নাই! চলিয়াছে...

এ সেই জাহাজ...এ-জাহাজে আছে চন্দ্রা...আর আছে ঐ বিপুল সেন...বিপুল সেনের সেই ধারালো চোখ, ধারালো মুখ! ধারালো মুখে সেই আরো! ধারালো কথা...মুক্তির বাণী!

কেবিনেও থাকা যায় না! কে যেন গলা চাপিয়া ধরে

দ্বার খুলিয়া চন্দ্রা ডেকে আসিল।...

ডেকচেরার পড়িয়া আছে...বিপুল নাই! চন্দ্রা স্বস্তি বোধ করিল।

আসিয়া রেলিঙের ধারে দাঁড়াইল।...আকাশে আবার সেই চাঁদ...সাগরের বৃকে আবার সেই তরঙ্গ। ভয়ে চন্দ্রার বৃক কাঁপিয়া উঠিল...

নিশ্বাস রোধ করিতে পারিল না। বহুক্লেশ চাহিয়া থাকিতে-থাকিতে মনে হইল, এ সেই পৃথিবী! সে-সব কথায় এ-পৃথিবীর কোথাও তো এতটুকু চিড় খায় নাই! পৃথিবীর চেহারা কোথাও এতটুকু বদলায় নাই তো!

পাশে কাণের কাছে সেই মৃদু স্বর—কিছু ঠিক করলেন?

চন্দ্রা চাহিল বিপুলের পানে।

চন্দ্রা বলিল,—কিসের কি ঠিক করবো?

বিপুল বলিল—আর এই একটি রাত! তার পর...

চন্দ্রার চোখের দৃষ্টিতে যেন আগুন জলিয়া উঠিল! চন্দ্রা কোনো জবাব দিল না...দূরে সরিয়া গেল।

চাঁদ আসিয়া বসিল আকাশের বৃকের উপর। আর এই রাত্রিটুকু!...আঃ...এ রাত্রি কি পোহাইবে না?

অনেকক্লেশ পরে চন্দ্রা ফিরিয়া চাহিল...বিপুল কাছে আসিয়াছে...তাহারি পানে চাহিয়া আছে।

বিপুল বলিল—রাগ করেছেন?

মনের কি যে বিমূঢ়তা...চন্দ্রা বলিল—না।

বিপুল বলিল—আমার কথা আপনার মনে থাকবে?

কে যেন কণ্ঠ চাপিয়া ধরিল...চন্দ্রা কোনো কথা বলিল না।

বিপুল বলিল—ভুলে যাবেন না আমাকে? বলুন...

জ্বালাতন! কঠিন-স্বরে চন্দ্রা বলিল—না।

—মনে থাকবে তা'হলে?

আঃ! তবু মুক্তি নাই? চন্দ্রা কহিল—থাকবে।

তার পর হু'জনেই চুপ...

বহুক্লেশ পরে বিপুল কথা কহিল; বলিল,—কি ভাবছেন?

চন্দ্রা বলিল—আমার নিজের কথা...

—কি...বলবেন?

চন্দ্রা বলিল—ভাবছিলুম, কি দিয়ে ভগবান এই মেয়ে-জাতটার সৃষ্টি করেছিলেন!

বিপুল কহিল—আপনাকে যা, দিয়ে সৃষ্টি করেছেন...তা শুধু মায়া..মোহ..আবেশ! সত্যি, আপনার উপর আমার জীবন কতখানি নির্ভর করছে...

চন্দ্রা কথা কহিল না!

বিপুল সেন বলিল,—আপনার সঙ্গে পরিচয় হ'য়ে য়েছি, আমি কতখানি নিঃস্ব, কতখানি দুর্ভাগা! এককাল শুধু মরীচিকার পিছনে ছুটেছি...

বিপুল সেন নিশ্বাস ফেলিল। সে-নিশ্বাসে মমতার রুদ্ধ নব্ব'র খুলিয়া গেল।

বিপুল সেন বলিল—আগে যদি আপনার সঙ্গে দেখা হতো..মনে হয়, ঠিক পথে চলতে পারতুম! এখনো পারি...আপনি যদি...

চন্দ্রা বলিল—ও-সব কথা বলবেন না মিষ্টার সেন।

তার হুঁচোখে একরাশ বাষ্প..

বিপুল সেন বলিল—সংসারে নিজেদের আপনারা এমন হ'রে বিসর্জন দান সব প্রীতি-মায়া-স্নেহ এমন নঃশেষে ঢেলে দেন যে, হুঃখী-আতুর বাইরে এসে কোনো দিন হাত পেতে যদি ভিক্ষা চায়...তার প্রাণখানা যদি ভঙ্গে যায়...তবু তার উপর একবিন্দু মমতা বর্ষণ করবেন না!.. এমন নির্ভুর নিশ্বাস কি ক'রে হন?

বিপুল সেন নিশ্বাস ফেলিল, আবার বলিল,—সত্যি আপনারা পরের হুঃখ বোঝেন না?

কে যেন কাছাকে কি বলিতেছে! চন্দ্রা স্থির মবিচল...

কোনো কথা বলিল না। বিপুলের কথাগুলো সাপের মতো তার দেহ-মনকে ঘিরিয়া জড়াইয়া কষিয়া বাধিয়া-ফলিতে চায়! এ বন্ধন হইতে মুক্তির যেন উপায় নাই!

বিপুল সেন বলিল—আমরা আপনাদের দেখি...অন্তর্যাক্ষের কথা জানি না...তবে আপনি আমার সামনে উদয় হয়েছেন কি রহস্য নিয়ে...যেন আপনি নারী নন! মানুষ মনে...আপনি যেন আমার জীবনে...কি বলবো?...আমি, বিবাহ-বন্ধনে নিজেকে বেঁধে আপনার হাতে ছেড়ে

দান এমনভাবে যে, তার ইচ্ছিতে আপনার চলা-ফেরা, চিন্তা-করা পর্যন্ত চলবে? একে দাস্ত্র বলে। এ-দাস্ত্রে আপনার এতটুকু ক্রটি হ'লে নিগ্রহ ভোগ করতে হবে, শাস্তি পেতে হবে। নারীর জীবন কি এই?...

চন্দ্রার বুকের উপর নানা চিন্তা, নানা কথা জমিয়া পাহাড় রচিয়া তুলিয়াছিল...কোথা হইতে কে সে পাহাড়ে সবলে যেন আঘাত করিল...পাহাড় গেল চূর্ণ হইয়া...চন্দ্রা স্বস্তি বোধ করিল।

চন্দ্রা বলিল—দাস্ত্র নয়, মিষ্টার সেন। বিবাহে জী-পুরুষ হুঁজনকে হুঁজনে দেয় মনের অঞ্চল বিশ্বাস! যে-স্বামী জীর চৌকিদারী ক'রে বেড়ায়, সে স্বামীর উপর জীর মনে কি-ভাব জাগে, জানি না। কিন্তু আমার স্বামী... আমাকে একা ছেড়ে দেছেন অজানা পৃথিবীর বৃকে। কেন দেছেন?...তার মনে এ-বিশ্বাস আছে, যাকে নিয়ে তিনি ঘর বেঁধেছেন, আশ্রয়-নীড় রচনা করেছেন, সে তাঁরই থাকবে...দেহ-মন দিয়ে সে-জী তাঁর সে-বিশ্বাস রক্ষা ক'রবে! জীর উপর এ বিশ্বাস তাঁর আছে। স্বামীর উপরেও জী এ-বিশ্বাস রাখে।...আপনার কথা আমি ভেবেছি...সব ছেড়ে পথে যেতে বলছেন আপনার সঙ্গে। যদি যাই...আমাকে আপনার বিশ্বাস হবে কেন? পথে যদি আর-কেউ আমাকে ডাকে?...আপনাকে ছেড়ে তাঁর সঙ্গে আমি চলে যাবো না, এ বিশ্বাস কি ক'রে আপনি রাখবেন? একবার যে এক জনের বিশ্বাস ভাঙতে পারে, ঘরে-বাইরে কোথাও তাকে কেউ বিশ্বাস ক'রতে পারে না, মিষ্টার সেন! আমি অনেক ভেবে দেখেছি..যে-স্বাধীনতার কথা বলছেন, সে-স্বাধীনতার মানে, যখন যা খুশী হবে, তাই করবো, তা নয়!

কথাগুলো তপ্ত মনের উপর যেন স্নিগ্ধ প্রলেপ ব্লাইতে-ছিল...

বিপুল যেন নিঃশব্দে দাঁড়াইয়া এ-কথা শুনিল.. কোনো জবাব দিল না।

ঘড়িতে ঢং-ঢং করিয়া ন'টা বাজিল। চন্দ্রা বলিল,—পাগলামি ক'রবেন না...আমাকে আপনি বলেছেন wonderful...আমিও আপনাকে বলছি, you are also wonderful! অস্ত্র লোক হ'লে এ-অবস্থায় হয় তো আমার অপমান করতো...আপনি সে-লোক নন। এজন্য

...আপনার উপর আমার শ্রদ্ধা অনেকখানি...শুধু আমার কথা...এ চিন্তা ত্যাগ করুন। ..আমুন দিকিন্, বড্ড খিদে পেয়েছে আমার .. please, to give me company. খেতে যাবো...আপনি আমুন।

আহার শেষ হইলে চন্দ্রা বলিল—এখন কি ক'রবেন ?

বিপুল বলিল—বলুন...

—গল্প ?

—বেশ...

চন্দ্রা বলিল—না। কাল রাত্রে যু:মান্নি...ঘুমোতে যান। চলুন, আমি আপনাকে কেবিনে পৌঁছে দিয়ে আসি...

বিপুল যেন মন্ত্র-চালিত...

বিপুলের বিছানা ঝাড়িয়া সাক করিয়া দিয়া চন্দ্রা বলিল—নি, গুয়ে পড়ুন...নিশ্চয় ঘুমোবেন। না'হলে আমি ভয়ানক রাগ করবো . বুঝলেন ?

বিপুল মুহু হাসিল...কহিল—বেশ...

বিছানায় বসিয়া বিপুল ভাবিতেছিল, শিকার করিতে গিয়া দেখিয়াছে, সব পশুকে শিকার করা চলে না। এমন পশুও আছে...

ভেমনি...

...কিন্তু ঘর-সংসার...তার এত মায়া ? ও ঘর-সংসারে কি আছে ? শুধুই বন্ধন...শুধুই দায়...

আশ্চর্য্য !

কেবিনের বিছানায় চন্দ্রা শুইয়া আছে...

চোখে ঘুম নাই! ভাবিতেছিল, মনে এত কিসের হুশিস্তা জাগাইয়া তুলিয়াছিলাম ? চিন্তার কি ছিল ?...আশ্চর্য্য !

—ইন্দ্রনাথ ..ছলল...

চন্দ্রা উঠিয়া ট্রাঙ্ক খুলিল...ছবি বাহির করিল। ইন্দ্রনাথের ফটো...ছললের ফটো...

ছবি মুখে কি স্নেহ...হাসির কি নিশ্চিন্ত দীপ্তি...

ছবি ছ'খানিকে বুকে চাপিয়া ধরিল...চোখের কোণে অশ্রু ঠেলিয়া আসিল !...

ঘুম ভাঙিয়া গেল। ভোরের আলো স্পষ্ট হইয়া কুটির আগে...

চন্দ্রা কেবিন হইতে বাহিরে আসিল ..

আসিয়া দেখে, সাগর নদ, নদী। ইরাবতী নদী। হুই তীরে বসতির আভাস ! জাহাজ চলিয়াছে। ডেকে দাঁড়াইয়া আছে বিপুল সেন।

চন্দ্রাকে দেখিয়া বিপুল বলিল,—সুপ্রভাত...

চন্দ্রা বলিল—সুপ্রভাত...

বিপুল বলিল—ঐ দেখা যাচ্ছে রেঙ্গুনের আকাশ...

তার পর ঐ সব বাড়ী-ঘর !

দিক্চক্রেরেখার পানে চাহিয়া একটা নিশ্বাস ফেলিয়া চন্দ্রা বলিল—ওরি মধ্যে একটি ঘর.. আমার !

সঙ্গে সঙ্গে আর-একটা নিশ্বাস !

বিপুল চাহিল চন্দ্রার পানে...

চন্দ্রার ছ'চোখে সজল দৃষ্টি...সে দৃষ্টি রেঙ্গুনের দিকে নিবন্ধ ! সে-চোখের দৃষ্টিতে মায়ার স্ননিবিড় আবেশ !

বিপুল সে দৃষ্টি লক্ষ্য করিল !...আজিকার প্রভাতে চন্দ্রার চোখের দৃষ্টিতে এ এক নূতন দীপ্তি !...এ-দীপ্তি আরো উজ্জ্বল . আরো মধুর !

তীর ভূমি ক্রমে অস্পষ্ট আব'ছায়ার ঘোর কাটাইয়া স্পষ্ট হইয়া উঠিতেছিল . দূরে ঐ কত-কত জাহাজ... নৌকা...চিমনী...ঘর-বাড়ী ...পথ ... গাড়ী .. লোক-জন ! অস্পষ্ট গুঞ্জন ক্রমে স্পষ্ট কলরবে জাগিয়া উদাম উত্তাল...

চন্দ্রার মনে পুলকের উচ্ছ্বাস...

চন্দ্রা ডাকিল—মিষ্টার সেন...

বিপুল বলিল—Yes মিসেস্ চ্যাটার্জী...

বিপুলের স্বর মুহু...

চন্দ্রা বলিল—একটি request...আপনাকে তা রাখতে হবে ..

—বলুন...

চন্দ্রা বলিল—যদি আমাদের ওখানে গিয়ে ওঠেন... অসুবিধা হবে ?

নিরুত্তরে বিপুল চাহিয়া রহিল চন্দ্রার পানে...

ঈমার বাণী দিল...তীর তীর ধ্বনি !...

চন্দ্রার চোখে সহসা মেঘের মলিন ছায়া...বিপুল তা লক্ষ্য করিল।

বলিল—গেলে আপনি খুশী হবেন ?



— শুধু আমি নই...আমার স্বামী...ছেলে ছলল ..  
ছোট একটা নিখাস ফেলিয়া বিপুল বলিল—বেশ।  
To please you I could do all...what you say.  
চন্দ্রা বলিল,—Thank you that's like a good  
loy !...তাহ'লে আস্চেন ?  
বিপুল বলিল,—কি পরিচয় দেবেন ?  
চন্দ্রা বলিল,—বলবো, a friend...a gentleman...  
good and charming...

ঐ দেখা যায় জেটি ...চন্দ্রার দৃষ্টি জেটির দিকে...  
ঐ যে...ইন্দ্রনাথ...ছলল !  
বিপুলের হাতখানা আবেগ-ভরে চাপিয়া ধরিয়া চন্দ্রা  
বলিল,—ঐ উনি...গ্রে-সুট পরা... তাঁর পাশে ছলল...  
শাট আর শট পরা...! ওঃ! ওরা বোধ হয় রাত্রে যুমোয়

নি...কখন থেকে এসে দাঁড়িয়ে আছে ?...দেখুন তো!  
পাগলামি...যদি দেবীই হ'তো কি হ'তো তাতে ?...  
একটুতেই অস্থির হন ওই গুঁর দোষ !...  
বিপুল নিঃশব্দে শুনিতেছিল...  
চন্দ্রা বলিল,—লগেজগুলো...তাই তো বইগুলো নীচে  
পড়ে আছে...বিছানা-পত্বর...যান, যান...আসছেন  
আমাদের ওখানে ?

কথা শেষ হইল না। চন্দ্রা ছুটিল কেবিনে...

বিপুল সেন দাঁড়াইয়া রহিল.. তেমনি নিশ্চল...  
নিষ্পন্দ ! ..

তীক্ষ্ণ বাণী বাজাইয়া, জাহাজের এঞ্জিন থামিল। তীরে  
লোকজনের বিরাট অটরোল...

শ্রীসৌরীন্দ্রমোহন মুখোপাধ্যায় ।

## চির নারী


নর নই, নর নই, নর নই আমি—  
নারী আমি, নারী আমি, তুমি মোর স্বামী ।  
পুরুষের বেশ ধরি  
নিজেরে আড়াল করি  
জনম-জনম ফিরি তোমারি লাগিয়া  
বক্ষে মোর চির নারী রয়েছে জাগিয়া ।

পৌরুষের অভিমান সে ত' মিছে ছল  
সত্য মোর মর্মকোষে নারী-জাঁখিজল ।  
এ আমার বার বার  
শুধু তব অভিসার  
পথ চেয়ে আসা-যাওয়া শ্রামা ধরনীতে  
যদি দেখা পাই কভু খুঁজিতে খুঁজিতে ।

দাস নই, দাস নই, দাস নই তব—  
অনাদি অনন্ত কাল দাসী হ'য়ে রব' ।  
দাসত্বের অভিলাষী  
কখন' কি হয় দাসী ?  
শুধু মান অভিমানে—শুধু জাঁখিজলে  
তোমারে ভ্লাব আমি রমণীর ছলে ।

সৎ নই, সৎ নই, সতী আমি সতী—  
ভালো-মন্দ যাহা থাক, স্মৃতি-কুমতি  
তোমার বিরহে হিয়া—  
বারে বারে ব্যাকুলিয়া  
উঠে মোর জীবনের রেণুতে রেণুতে,  
পরান উতলি উঠে তোমার বেণুতে ।

শ্রীঅনাথবন্ধু সেনগুপ্ত ( বি এল ) ।



## সমর বিভাগে ভারতের দান

( আলোচনা )

লেক্টেন্যান্ট কর্ণেল সার ফ্রেডারিক ও'কোনর ভারতে আসিয়া দীর্ঘকাল সমর বিভাগের কার্যে নিযুক্ত ছিলেন; পরে তিনি তিব্বতে, পারস্তে, ও নেপালে পররাষ্ট্র বিভাগের কার্যে যোগদান করিয়াছিলেন। অল্প দিন পূর্বে তিনি লণ্ডনের 'ইষ্ট ইণ্ডিয়া এসোসিয়েশনে' সমর বিভাগে ভারতের দান সম্বন্ধে যে সারণ্ত প্রবন্ধ পাঠ করিয়াছিলেন, তাহা বহু জ্ঞাতব্য তথ্যে পূর্ণ বলিয়া বর্তমান প্রবন্ধে তাহার সার-সঙ্কলন প্রকাশিত হইল।

বিগত য়ুরোপীয় মহাযুদ্ধে ভারত বৃটিশ সরকার ও মিত্রশক্তি-সমূহকে নানা ভাবে সাহায্য করিয়াছিল; তন্মধ্যে সৈন্ত দ্বারা যে সাহায্য করিয়াছিল, সার ফ্রেডারিক সর্বাপেক্ষে তাহারই আলোচনা-প্রসঙ্গে বলিয়াছেন, "ভারতের আকার ও জনসংখ্যার তুলনায়, শাস্তির সময় সে যে সকল সৈন্ত পোষণ করে, তাহাদের সংখ্যা নিতান্ত অল্প—দেড় লক্ষ মাত্র; তবে এই সকল সৈন্ত ব্যতীত ভারতে বৃটিশ সৈন্তও সংরক্ষিত আছে। কিন্তু প্রয়োজন হইলে ভারতের সমরনিপুণ জাতিসমূহ হইতে ইহার বহু গুণ অধিক সৈন্ত সংগৃহীত হইতে পারে। বিগত মহাযুদ্ধের সময় প্রায় পনের লক্ষ ভারতীয় সৈন্ত সমুদ্রের পরপারবর্তী বিভিন্ন যুদ্ধক্ষেত্রে প্রেরিত হইয়াছিল; সুতরাং সমর বিভাগের কার্যে যোগদানের জন্ত আগ্রহবান উপযুক্ত সৈনিকের অভাব হয় না। সম্প্রতি ভারতীয় সৈন্তসংখ্যা বর্ধিত করিবার পরিকল্পনা কার্যে পরিণত করিবার চেষ্টা হইতেছে। নূতন নূতন সামরিক কর্মচারী সংগৃহীত হইয়াছে; এবং ভারত হইতে সংবাদ পাওয়া গিয়াছে—সহস্র সহস্র লোক সৈন্তদলে যোগদান করিবার জন্ত তাঁহাদের নিকট উপস্থিত হইতেছে। তাহাদিগকে পরীক্ষা করা হইতেছে, এবং তাহাদের নামের তালিকাও প্রস্তুত হইতেছে। প্রয়োজন হইলে তাহাদিগকে সৈন্তদলে যোগদানের জন্ত আহ্বান করা হইবে। প্রার্থীর সংখ্যা এত অধিক হইয়াছে যে, বর্তমানে তাহাদিগকে চাকরী দেওয়া সম্পূর্ণ অসম্ভব। এতদ্ভিন্ন, স্বেচ্ছাসৈনিকের সংখ্যাও অত্যন্ত অধিক; তাহারা সৈনিকের কার্যে যোগদানের জন্ত অত্যন্ত ব্যাকুল। প্রয়োজন হইলেই তাহাদিগকে পাওয়া যাইবে। ভারতীয় টেরিটোরিয়াল সৈন্তদলের পাঁচটি নূতন ব্যাটেলিয়ন সংগঠিত হইয়াছে।

বিগত যুদ্ধের সময় ভারত বিভিন্ন যুদ্ধক্ষেত্রে যে সকল যুদ্ধোপকরণ ও প্রয়োজনীয় দ্রব্যাদি প্রেরণ করিয়াছিল, তাহাদের মূল্য ধরা হইয়াছিল আট কোটি পাউণ্ড। এতদ্ভিন্ন, যে সকল কাঁচা-মাল প্রেরিত হইয়াছিল, তাহাদের পরিমাণও অত্যন্ত অধিক। এই যুদ্ধের পর হইতে ভারতে কাঁচা-মাল উৎপাদনের পরিমাণ দিন দিনই প্রচুর বর্ধিত হইয়াছে। ১৯১৩ খৃষ্টাব্দের পর হইতে এ-পর্যন্ত টালা-লোহা উৎপাদনের পরিমাণ আট গুণ, এবং ইস্পাত উৎপাদনের পরিমাণ প্রায় ত্রিশ গুণ বর্ধিত হইয়াছে। যুদ্ধের অন্তিম প্রস্তরের জন্ত যে সকল ধাতুর প্রয়োজন, তাহাও প্রচুর পরিমাণে উৎপাদিত

হইতেছে। ১৯০৭-০৮ খৃষ্টাব্দে দশ লক্ষাধিক টন ম্যান্জানিজ ভারত হইতে রপ্তানী হইয়াছে; এতদ্ভিন্ন, ক্রোমাইট এবং উচ্চ শ্রেণীর অক্সিজেন রপ্তানীর পরিমাণও অল্প নহে। সমরোপকরণ এবং এরোপ্লেন-নির্মাণের পক্ষে এই সকল দ্রব্য অপরিহার্য। ভারতে কামান ও গোলা-গুলী নির্মাণের কারখানাগুলির আকারও বিস্তৃত করা হইয়াছে, এবং এই সকল কারখানায় প্রচুর পরিমাণে সমরোপকরণ নির্মিত হইয়া বৃটিশ ও ভারতীয় সৈন্তগণের ব্যবহারের জন্ত সাগর পারে প্রেরিত হইতেছে।

যুদ্ধের সময় পাটনির্মিত দ্রব্যের প্রয়োজন অত্যন্ত অধিক। পাট ভারতেরই একচেটে সম্পদ। ভারত বর্তমান যুদ্ধে পাটজাত দ্রব্য কি পরিমাণে সরবরাহ করিতেছে, তাহা শুনিলে বিস্ময় জন্মে! বর্তমান যুদ্ধ আরম্ভ হইবার পর প্রথম তের সপ্তাহে বিভিন্ন যুদ্ধক্ষেত্রের জন্ত ৮০ লক্ষ পাউণ্ড মূল্যের পাটজাত দ্রব্যের ফরমাসেস পাওয়া গিয়াছে; ৭১ কোটি ৩০ লক্ষ বালির বস্তা (sand-bags) ইহার অন্তর্ভুক্ত। প্রয়োজনানুসারে ভারত হইতে প্রতিমাসে এইরূপ দশ লক্ষ খলি যুদ্ধক্ষেত্রে প্রেরিত হইবে। এতদ্ভিন্ন, ভারতে প্রচুর পরিমাণে খাকি, ড্রিল, কার্পাস-বস্ত্র, কস্মল, ও পশমী বস্ত্রাদিরও বরাদ্দ দেওয়া হইয়াছে।

প্রকৃত পক্ষে, মোটর-কার, জাহাজ, এরোপ্লেন, রেলের ইঞ্জিন প্রভৃতি কতগুলি দ্রব্য ভিন্ন ভারতে উৎপাদিত প্রচুর সমরোপকরণ, ও কাঁচা মাল কেবল যে ভারতেরই ব্যবহারে লাগিতেছে এরূপ নহে, ভারত নিজের অভাব পূরণ করিয়া তাহা প্রচুর পরিমাণে গ্রেটব্রিটেন এবং মিত্র-শক্তির সাহায্যের জন্তও প্রেরণ করিতেছে। ইহাতে সাম্রাজ্যের নিকট তাহাদের সামরিক মূল্য (military value) বিপুল পরিমাণে বর্ধিত হইয়াছে। যুদ্ধারম্ভের পূর্বে পর্যন্ত জার্মানী ভারত হইতে প্রচুর তৈলশক্ত, বাদাম, নারিকেল প্রভৃতির তেল, খৈল, ক্রোমাইট, অভ্র, রবার, চর্ম ক্রয় করিয়া অভাব মোচন করিতেছিল; কিন্তু যুদ্ধারম্ভের পর তাহাকে এই সকল কাঁচামালে বর্ধিত হইতে হইয়াছে।

বিগত যুদ্ধে ভারতীয় রাজস্ববর্গ যে-ভাবে বৃটিশ সরকার ও মিত্র-শক্তিবর্গকে সাহায্য করিয়াছিলেন, তাহা প্রকৃতই বিস্ময়কর! ভারতীয় রাজস্ববর্গের সংখ্যা কয়েক শত হইলেও কাহারও কাহারও রাজ্য য়ুরোপের কোন কোন দেশ অপেক্ষাও বৃহৎ। ভারতের হাট-দরাবাদ ও কাশ্মীর এই উভয় রাজ্যের প্রত্যেকটি আকারে ইংলও অপেক্ষা দেড়গুণ বৃহৎ। বস্তুতঃ, ভারতীয় রাজস্ববর্গ সমগ্র ভারতের এক তৃতীয়াংশের অধিকারী, এবং এই সকল রাজ্যের জনসংখ্যা সর্বসমেত প্রায় নয় কোটি, অর্থাৎ সমগ্র ভারতের জনসংখ্যার প্রায় এক-চতুর্থাংশ।

বিগত মহাযুদ্ধের সময় এই সকল রাজ্যের শাসকগণ গ্রেট ব্রিটেন ও তাহার মিত্রশক্তি সমূহকে ধন, জন এবং বহুবিধ দ্রব্য দ্বারা সাহায্য করিয়াছিলেন। বর্তমান যুদ্ধেও তাঁহাদের রাজস্ব

ও সহযোগিতা সম্পূর্ণ অক্ষুণ্ণ রহিয়াছে। এবারও ভারতের তিন শতাব্দিক রাজস্ব অর্থ ও সৈন্য দ্বারা সাহায্য করিবার জ্ঞান আগ্রহ প্রকাশ করিয়াছেন। তাঁহারা জানেন, ইংরেজ বিপন্ন হইলে ভারতে তাঁহাদের অস্তিত্ব রক্ষা করা কঠিন হইবে।

ভারতের বিভিন্ন করদ বা মিত্র রাজ্য যে সকল সাহায্য প্রেরণ করিয়াছিলেন, সতন্ত্রভাবে তাহার তালিকা প্রকাশ করা সম্ভব নহে; এজন্য এখানে কয়েকটি প্রধান রাজ্য হইতে প্রেরিত সাহায্যের পরিচয় দেওয়া গেল। দক্ষিণপথের হায়দরাবাদ রাজ্যের পরিমাণ-ফল-৩ হাজার বর্গ মাইল, এবং ইহার জনসংখ্যা এক কোটি চল্লিশ লক্ষেরও অধিক। এই রাজ্যের শাসনকর্তা মুসলমান হইলেও অধিকাংশ অধিবাসী হিন্দু। হায়দরাবাদপতি নিজাম এবার তাঁহার রাজ্যের সৈন্যসমূহ বুটেনের হস্তে অর্পণ করিতে চাহিয়াছেন; তদ্বিন্ন, তাঁহার এরোগেনের বহরও বৃটিশ উড়ো-বহরের সাহায্যের জ্ঞান প্রেরণে প্রতিশ্রুত হইয়াছেন। ভারতে ক্ষাত্রশক্তির নিদর্শন বিকানীরের মহারাজা বিগত যুদ্ধে যোগদান করিয়া স্বয়ং তাঁহার সৈন্যসমূহের পরিচালনভার গ্রহণ করিয়াছিলেন; এবারও তিনি ছয় ব্যাটেলিয়ন পদাতিক সৈন্য, এবং তাঁহার উষ্ট্রসদা দ্বারা সাহায্য করিতে চাহিয়াছেন। এবার তাঁহার শেসোক সৈন্যের সংখ্যা পূর্বা পক্ষে দ্বিগুণ বর্দ্ধিত হইয়াছে। এবারও তিনি স্বয়ং যুদ্ধে যোগদানের সংকল্প করিয়াছেন; এতদ্বিন্ন, তাঁহার জীবিতাবশিষ্ট একমাত্র পুত্রকেও এই যুদ্ধে প্রেরণ করিবার অভিপ্রায় জ্ঞাপন করিয়াছেন। কাশ্মীর রাজ্যের অধিকাংশ প্রজা মুসলমান হইলেও এই রাজ্যের নবপতি হিন্দু। তিনি দুই দল পদাতিক সৈন্য, এবং এক দফা 'নাইটেন-ব্যাটারী' প্রেরণ করিতে প্রতিশ্রুত হইয়াছেন। রামপুর, পুপান, এবং ভাওয়ালপুর রাজ্যের নৃপতিগণ মোটর এগ্ল্যান্স দ্বারা সাহায্য করিতে সম্মত হইয়াছেন। পূর্ব-ভারতীয় রাজস্ববৃন্দও এই দৃষ্টান্তের অনুসরণ করিবেন। ভারতের প্রায় সর্বস্থান হইতেই, এমন কি, উত্তরে শিকিম হইতে উত্তর পশ্চিম সীমান্তের চিত্রল ও সিকিগিট এজেন্সী—সকল স্থানের রাজস্ববর্গ, এবং পঞ্জাব, রাজপুতানা, ও দক্ষিণভারতস্থ বিভিন্ন রাজ্যের পরিচালকগণ নানাভাবে সাহায্য করিয়া নিজেরাও যুদ্ধে যোগদানের জ্ঞান আগ্রহ প্রকাশ করিয়াছেন।

ভারতীয় রাজস্ববর্গ যে পরিমাণ অর্থদানে প্রতিশ্রুত হইয়াছেন, তাহাও তাঁহাদের উদারতার পরিচায়ক। হায়দরাবাদের নিজাম যুদ্ধক্ষেত্রে তাঁহার প্রেরিত সৈন্যগণের ব্যয়ভার স্বয়ং বন্দের জ্ঞান মাসিক ১১ হাজার ২ শত পাউণ্ড আর্থিক সাহায্য প্রদান করিবেন। ইন্দোরের মহারাজা মাসিক ৩৮ হাজার পাউণ্ড, বিকানীরের মহারাজা মাসিক ১১ হাজার পাউণ্ড, এবং ত্রিবাঙ্কুরের মহারাজা মাসিক ৪৫ হাজার পাউণ্ড সাহায্য পাঠাইবেন। নৌনগরের শিব সাহেব তাঁহার রাজ্যের বার্ষিক আয়ের দশমাংশ প্রদানে প্রতিশ্রুত হইয়াছেন। অজ্ঞাত রাজগণও সাধ্যানুসারে সাহায্য করিবেন। গত ৫-শে নভেম্বর পর্যন্ত ভারতীয় রাজস্ববর্গ-প্রদত্ত সাহায্যের পরিমাণ ৩১ লক্ষ পাউণ্ড হইয়াছিল; এতদ্বিন্ন, এককালীন প্রদত্ত সাহায্যের পরিমাণ এক লক্ষ পাঁচ হাজার পাউণ্ড হইলেও তাহাই শেষ হইবে। সাম্রাজ্যের বিপদে ভারতীয় রাজস্ববর্গের এই প্রকার সহযোগিতা ও নিষ্ঠার পরিচয় পাইয়া তাঁহাদের প্রজাবর্গ, এমন কি,

তাঁহাদের রাজ্যসীমার বাহিরের অধিবাসীবর্গও যে এই দৃষ্টান্তের অনুসরণ করিতে কুঞ্জিত নহেন, তাহাও জানিতে পারা গিয়াছে।

ভারতীয় করদ ও মিত্র রাজগণের সহিত নেপালের মহারাজার তুলনা চলিতে পারে না; কারণ নেপাল, হায়দরাবাদ, কাশ্মীর প্রভৃতির জায় ইংরেজের আশ্রিত রাজ্য নহে; নেপাল সম্পূর্ণ স্বাধীন রাজ্য, এবং এই রাজ্যের গুণী সৈন্য ভারতীয় সৈন্যগণের অগ্রগণ্য বলিলে অত্যাুক্তি হয় না। নেপালের রক্ষাও যেমন স্বাধীন, তাঁহার রাজ্যের শাসনপ্রণালীও সেইরূপ বৃটিশ ভারতের শাসনপ্রণালী হইতে সম্পূর্ণ স্বতন্ত্র। স্বাধীন নেপাল-রাজ ইচ্ছা করিলে জাশ্বানীর সহিত ইংরেজের যুদ্ধে ইংরেজকে সাহায্য না করিয়া সম্পূর্ণ নিরপেক্ষ, নিলিপ্ত থাকিতে পারিতেন; এজন্য কাহারও নিকট তিনি জবাবদিহি করিতে বাধ্য নহেন। কিন্তু বিগত মহাযুদ্ধে নেপাল মিত্র-শক্তিকে যে ভাবে সাহায্য করিয়াছিলেন, এবং এবারও যেসকল সাহায্য-দানে প্রতিশ্রুত হইয়াছেন, তাহার উল্লেখ না করিলে যুদ্ধে ভারতের সাহায্যদানের প্রসঙ্গ অসম্পূর্ণ থাকিয়া যাইবে; কারণ, স্বাধীন নেপাল বৃটিশ ভারতের সীমান্তে অবস্থিত হইলেও ভারতেরই অংশ। নেপাল-রাজ স্বৈচ্ছায় ২০ হাজার গুণী সৈন্য ভারত-রক্ষার জ্ঞান ভারতীয় সৈন্যদলের অন্তর্ভুক্ত করিয়াছেন; ইহারা ১০টি গুণী ব্যাটেলিয়নে বিভক্ত।

এই সকল সমরকুশল নির্ভীক গুণী সৈন্য এক শতাব্দীরও অধিক কাল হইতে বৃটিশ সৈন্যের পাশে দণ্ডায়মান হইয়া শত শত যুদ্ধে যে অসীম শৌর্ঘ্য-বীর্য প্রদর্শন করিয়া আসিয়াছে, তাহা উপকথা-বর্ণিত বীরত্বপূর্ণ ঘটনাবলীর জায় বিস্ময়াবহ! নেপালরাজ বৃটিশ-ভারতে ইংরেজকে সাহায্য করিবার জ্ঞান যে সকল সৈন্য নিয়োজিত করিয়াছেন, তাহাদের বাদ দিলেও নেপালের নিজের যে গুণী-বাহিনী আছে, তাহাও বর্ণনিপুণ, শৃঙ্খলাবদ্ধ, এবং সুপরিচালিত; যুদ্ধক্ষেত্রে তাহাদের সাহস, বীরত্ব এবং ত্যাগের তুলনা নাই। বিগত মহাযুদ্ধে যে দিন বিঘোষিত হইয়াছিল, সেই দিনই নেপালের তদানীন্তন মন্ত্রী-মহারাজ সার চন্দ্র সমসেরের জ্ঞান তাঁহার সমগ্র সম্পত্তি সন্ন্যাসের কার্যে ত্যাগ করিয়াছিলেন; এবং যে সকল গুণী সৈন্য ভারতীয় সৈন্যদলের অন্তর্ভুক্ত ছিল, যত দিন যুদ্ধ চলিয়াছিল, তত দিন তিনি তাহাদের সংখ্যা দ্বিগুণ বর্দ্ধিত করিয়াছিলেন; এতদ্বিন্ন, মিত্রশক্তিকে সাহায্য করিবার জ্ঞান দুই লক্ষ সৈন্য যুদ্ধক্ষেত্রে প্রেরণ করিয়াছিলেন। যে ক্ষুদ্র রাজ্যের অধিবাসী-সংখ্যা পঞ্চাশ লক্ষের অধিক নহে, সেই রাজ্যের পক্ষে মিত্রশক্তির সাহায্যের জ্ঞান দুই লক্ষ সমরকুশল কন্ডব্যানিষ্ঠ সুশিক্ষিত সৈন্য প্রেরণ বিষয়ে সন্দেহ নাই।

নেপালের বর্তমান প্রধান মন্ত্রী—সার চন্দ্র সমসেরের ভ্রাতা, এবং তাঁহার পদেরও উত্তরাধিকারী। তিনি—সার বোধ সমসেরের জ্ঞান তাঁহার ভ্রাতার দৃষ্টান্তের অনুসরণ করিয়া বর্তমান যুদ্ধেও বৃটিশ জাতিকে সাহায্য করিতে প্রতিশ্রুত হইয়াছেন, এবং আট হাজার নেপালী সৈন্য তাঁহার জ্যেষ্ঠপুত্র সার বাহাদুর সমসেরের নেতৃত্বে ভারতে প্রেরণ করিয়াছেন। বস্তুতঃ, নেপাল বৃহৎ রাজ্য না হইলেও তাহার প্রেরিত সাহায্য অত্যন্ত মূল্যবান, এবং বুটেনের পক্ষে আদরণীয়।

শ্রীদীনেন্দ্রকুমার রায়।





## আন্তর্জাতিক পরিস্থিতি



সুদীর্ঘ আট মাস নিষ্ক্রিয়তার পর যুরোপীয় রণক্ষেত্রে প্রকৃত শক্তি পরীক্ষা আরম্ভ হইয়াছে। চূর্ভেদ্য বাহ ও নিরপেক্ষ প্রতিবেশী রাষ্ট্রের নিরক্ষর বর্ষে আবৃত জার্মানী কৌশলে মিত্রশক্তির অবরোধ-প্রচেষ্টা বিফল করিয়া যুদ্ধ সম্পর্কে এক অচল অবস্থার সৃষ্টি করিতেছিল। অবশেষে স্ক্যান্ডি নর্থনৌতিক যুদ্ধের আঘাতে জার্মান শার্দুল তাহার বিবর হইতে নিষ্ক্রান্ত হইতে বাধ্য হয়। উত্তরাঞ্চলে সদর্পে ব্রিটিশসিংহের কেশরাকর্ষণের পর তাহার সাহস বৃদ্ধি পাইয়াছে। এখন সে বুটেন ও ফ্রান্সের মর্মান্বলে নখরাঘাত করিতে প্রয়াস করিতেছে।

### নরওয়ে অভিবান—

এপ্রিল মাসের দ্বিতীয় সপ্তাহে নরওয়ের সুরম্য উপকূল ও গিরিকন্দরে বিস্ফোরণ আরম্ভ হইলেও বহু পূর্বে হইতেই ঐ অঞ্চলে বিস্ফোরক উপাদান সঞ্চিত হইতেছিল। গত ফেব্রুয়ারী মাসে ক্ষুদ্র কিন্‌ল্যাণ্ড যখন তাহার প্রবল প্রতিবেশীর সহিত অসম সম্বন্ধে প্রবৃত্ত, তখন বুটেন ও ফ্রান্স কিন্‌ল্যাণ্ডকে সাহায্য করিবার জগ্ন প্রস্তুত হয়। জার্মানী তখন নরওয়ে ও সুইডেনকে রক্তচক্ষু প্রদর্শন করিয়া বলিয়াছিল যে, ঐ দুই দেশের মধ্য দিয়া যদি কিন্‌ল্যাণ্ডে সাহায্য গমন করে, তাহা হইলে সে তাহাদিগের কণ্ঠ রোধ করিবে। বুটেন ও ফ্রান্স তখন উত্তর-য়ুরোপের অসহায় রাষ্ট্রহুটিকে পক্ষপুটে গ্রহণ করিয়া জার্মানীর সম্মুখীন হইবার জগ্ন প্রস্তুত হইয়াছিল; ফলে তখনই ঐ অঞ্চলে প্রচণ্ড ঝড় আঁস্জ হইবার লক্ষণ দেখা যায়। সর্বল বিধাসী নরওয়ে ও সুইডেন সে সময় মনে করিয়াছিল, সম্পূর্ণ নিরপেক্ষতা রক্ষা করিয়া চলিলেই তাহার নিরাপদ থাকিবে। তাই, তখন তাহারা বুটেন ও ফ্রান্সের সেনাবাহিনীকে কিন্‌ল্যাণ্ডে গমনের অসম্মতি দিয়া প্রবল শত্রু কণ্ঠক বিধ্বস্ত হওয়া সম্ভব মনে করে নাই।

কিন্তু স্বয়ং বিধাতা তাহাদিগের প্রতি বিরূপ, তাহারা রক্ষা পাইবে কিরূপে? প্রকৃতিদেবী ইহাদিগকে সম্পদশালিনী করিয়া বিপন্ন করিয়াছেন; পৃথিবীর গঠনকল্পে ইহাদিগের ভৌগোলিক অবস্থিতিতে বৈচিত্র্য সৃষ্টি করিয়া নিদ্রভাবে প্রবলের দংষ্ট্রার সম্মুখে রাখিয়াছেন। তাই, নরওয়ে তাহার বলদর্পিত প্রতিবেশীর প্রচণ্ড দস্তাঘাতে নিষ্পেষিত হইয়াছে।

নরওয়ে ও সুইডেনের উপকূল ভাগের ভৌগোলিক গঠন বিচিত্র। সুইডেনের মূল্যবান লৌহ নরওয়ের নার্ভিক বন্দরে জাহাজে চাপিয়া নিরাপদে ঐ দুই দেশের উপকূল-পথে জার্মানীতে পৌঁছিতে পারে। মিত্রশক্তির যে সকল রণপোত জার্মান পোতের সন্ধানে উত্তর সাগরে ও আটলান্টিকে বিচরণ করে, তাহারা নরওয়ে ও সুইডেনের এলাকাভুক্ত সমুদ্রাংশে (territorial waters) প্রবেশ না করিয়া এই সকল জার্মান পোত আটক করিতে পারে না। অথচ নিরপেক্ষ দেশের এলাকাভুক্ত সমুদ্রাংশে প্রবেশ আন্তর্জাতিক বিধানে নিষিদ্ধ। কাজেই, গত সেপ্টেম্বর

মাসে যুদ্ধ আরম্ভ হইবার পর সুদীর্ঘ সাত মাস এই পথে নিরাপদে জার্মানীতে পণ্য প্রবেশ করিয়াছে। ইহা জার্মানীর বিরুদ্ধে মিত্রশক্তির অর্থনৌতিক অবরোধ-প্রচেষ্টার পথে সর্বপ্রধান বিঘ্ন সৃষ্টি করিতেছিল। মিঃ চার্লিলের ভাষায়—There has been no greater impediment to the blockade of Germany than this Norwegian corridor. উত্তরাঞ্চলে এই উপদ্বীপের মূল্যবান খনিজ সম্পদ এবং এই বিচিত্র ভৌগোলিক গঠনই তাহার সর্বনাশের হেতু হইয়াছে।

মিত্রশক্তি নরওয়ে ও সুইডেনকে জার্মানীর সহিত বাণিজ্য-সম্বন্ধ বর্জন করাইবার জগ্ন যথাশক্তি চেষ্টা করিয়াছিলেন। বস্ততঃ সকল নিরপেক্ষ রাষ্ট্রকে মিত্রশক্তির সহিত লোভনীয় সর্ভে বাণিজ্য-চুক্তিতে আবদ্ধ করিয়া জার্মানীর সহিত তাহাদিগের অর্থনৌতিক সম্বন্ধ ছিন্ন করাইবার নীতি গৃহীত হয়। গত এপ্রিল মাসের প্রথমে এই উদ্দেশ্যে লণ্ডনে “ব্রিটিশ কমার্শিয়াল কর্পোরেশন” নামক একটি সরকারী সাহায্যপুষ্টি বাণিজ্য-প্রতিষ্ঠান স্থাপিত হয়। যে কারণেই হউক, নরওয়ের উপকূলপথে জার্মানীতে পণ্য প্রবেশ বন্ধ করা সম্ভব হয় নাই। অবশেষে মিত্রশক্তি স্থির করেন, তাহারা নরওয়ের নিরপেক্ষতা লঙ্ঘন করিয়া ঐ রাষ্ট্রের এলাকাভুক্ত সমুদ্রাংশে মাইন স্থাপন করিবেন। ইহাতে জার্মানীর বাণিজ্যপোতগুলি মধ্য সমুদ্রে প্রবেশ করিতে বাধ্য হইবে; তখন মিত্রশক্তির পর্য্যবেক্ষণকারী রণপোত অনায়াসে তাহাদিগকে আটক করিতে পারিবে। গত ৮ই এপ্রিল এই সিদ্ধান্ত অনুসারে কার্য্য হয়—ঐ দিন প্রাতে মিত্রশক্তির স্থাপিত মাইনে নরওয়ের পূর্ব-উপকূল কণ্ঠকিত হয়।

সতর্ক জার্মানী বহু পূর্বে হইতেই বুঝিয়াছিল যে, উত্তরাঞ্চলের এই পথ আর নিরাপদ নহে; এই জগ্ন সে ঐ অঞ্চল অধিকার করিবার আয়োজন পূর্বেই শেষ করে। বাণ্টিক সাগরের বন্দরগুলিতে জার্মানবাহিনী বহু দিন হইতে দ্রুত পোতারোহণ ও পোতারতরণ শিক্ষা করিতেছিল। কোন্ দিন তাহারা পোতে আরোহণ করিয়া আর অবতরণ করে নাই, কোন্ নিশীথ রাত্রিতে জার্মান পোত তাহাদিগকে বহন করিয়া উত্তর সাগর অভিক্রম করিয়াছে, সে সংবাদ মিত্রশক্তি ঘূর্ণাক্ষরেও জানিতে পারেন নাই। ৮ই এপ্রিল নরওয়ের উপকূলে মাইন স্থাপিত হইবামাত্র জানা গেল—নরওয়ের প্রত্যেকটি বন্দরে জার্মান সেনা অবতরণ করিয়াছে; রাজধানী অস্লো তাহার অধিকারভুক্ত; রাজপরিবার ও নরওয়ে সরকার রাজধানী ত্যাগ করিয়াছেন। ইহার পরদিনই ঘোষিত হইল, ডেনমার্ক জার্মানীর নিকট আত্মসমর্পণ করিয়া আপনার “মাথা বাঁচাইয়াছে।”

তাহার পর ঘটনাস্রোতের গতি দ্রুত। জার্মানী যাহাতে নরওয়ের সহিত সামুদ্রিক সংযোগ রক্ষা করিতে না পারে, তদ্বন্দ্বিত মিত্রশক্তি, ধরা করিয়া নরওয়ের উপকূলে শক্তিশালী নৌবহর প্রেরণ করিলেন; ডেনমার্কের উপকূলে স্ক্যাগেরাক, ক্যাটোগাট, গ্রেট বেন্ট, লিটল বেন্ট প্রভৃতি অঞ্চল মাইন স্থাপন করিয়া

টকিত করিলেন। বিভিন্ন স্থানে জার্মান নৌবহরের সহিত ব্রিটিশ নৌবহরের সংঘর্ষ আরম্ভ হইল। মিত্রশক্তির পক্ষ হইতে লা হইয়াছে যে, ১৩ই এপ্রিল এক নৌযুদ্ধে জার্মানীর নৌবহর বিধ্বস্ত হয়। মিষ্টার চেম্বারলেন ঘোষণা করিয়াছেন—জার্মান নৌবহর এত অধিক পরিমাণে ক্ষতিগ্রস্ত হইয়াছিল যে, উত্তর সাগর হইতে ব্রিটিশ নৌবহরের কতকাংশ ভূমধ্য সাগরে প্রেরণ করা সম্ভব হয়—“...it has been thought possible to divert a more normal distribution of ships to the Mediterranean, which for sometime has been affected by our requirement in the North Sea.”

নৌ-যুদ্ধে জার্মানী ক্ষতিগ্রস্ত হইলেও নরওয়েতে অধিকার স্থাপনের জন্ত তাহার প্রয়োজনীয় সকল ব্যবস্থাই পূর্ব হইতে সম্পন্ন হইয়াছিল। ডেনমার্কের জায় নরওয়ে সরকার নির্বিবাদে জার্মানীর দাবী মানিয়া লন নাই। কাজেই, তাহাকে ঐ অঞ্চলে প্রকৃত সামরিক বিরোধিতার সম্মুখীন হইতে হইয়াছে। নরওয়ে সরকার মিত্রশক্তির সাহায্য প্রার্থনা করিবার পক্ষেই তাহার বড়োমতে সৈন্স প্রেরণ করিয়া জার্মানীকে প্রতিরোধ করিতে প্রয়াস পান। নরওয়ের উপকূলস্থিত প্রধান প্রধান বন্দরে জার্মানী নৌবাহিনী হইতেই অধিকার প্রতিষ্ঠা করিয়াছিল; কাজেই, জার্মানীর প্রতিরোধের সম্মুখীন হইয়া সৈন্স অবতরণ করান মিত্রশক্তির সহজ-সাধ্য ছিল না। যাহা হউক, কয়েক দিনের চেষ্টার ফলে উত্তর অঞ্চলে জার্মানীর নিকটবর্তী একটি দ্বীপে কিছু ব্রিটিশ সৈন্স অবতরণ করে; প্রায় মাসের তৃতীয় সপ্তাহে নামস্ এবং গ্যান্ডাল্‌স্‌নেসে কিছু ব্রিটিশ ফরাসী সৈন্স অবতরণ করে। নার্টিক অঞ্চলে মিত্রশক্তির সৈন্সের প্রাধান্য উল্লেখযোগ্য তৎপরতার পরিচয় পাওয়া যায় নাই; নার্টিক অঞ্চল জার্মানদিগকে লক্ষ্য করিয়া তাহাদিগের অগ্রগতির কথাই মনে পুনঃ প্রচারিত হইয়াছে—তাহাদিগের শেষ সাফল্যের কথা এখনও শুনা যায় নাই। নামস্ ও গ্যান্ডাল্‌স্‌নেসের মিত্রশক্তি-বাহিনী ট্রুগ্‌হীম্ লক্ষ্য করিয়া অগ্রসর হইতে চেষ্টা করে; তাহার প্রতিরোধে নরওয়েজিয়ান সেনাবাহিনীর সহিত সংযোগ স্থাপন করিয়াছিল। কিন্তু দক্ষিণ ও পূর্ব দিক হইতে জার্মান বাহিনী প্রবলবেগে ট্রুগ্‌হীমের দিকে অগ্রসর হয়। ইতোমধ্যে সুদূরপথে ও বিমানযোগে আরও জার্মান সৈন্স নরওয়েতে পৌঁছিয়াছেন। দক্ষিণ-নরওয়ের ষ্ট্যাভেঞ্জার প্রভৃতি স্থানে জার্মান অধিকৃত স্থানসমূহ হইতে ব্রিটিশ ও ফরাসী-বাহিনীর প্রতি প্রবলভাবে আক্রমণ চলিবে। এই বোমা বর্ষণে এবং জার্মান-বাহিনীর আক্রমণে মিত্রশক্তির সৈন্স বিধ্বস্ত হইতে থাকে। বিশেষে তাহারা সমগ্র দক্ষিণ-নরওয়ে হইতে প্রত্যাবর্তন করিতে বাধ্য হয়। গ্যান্ডাল্‌স্‌নেস্ এবং নামস্ নামক যে দুইটি স্থানে মিত্রশক্তির বাহিনী অবতরণ করিয়াছিল, যে মাসের প্রথম দিকে রাড্রির অধিকারে তাহারা পুনরায় সেই দুইটি বন্দরেই আশ্রয় লইয়াছে। দক্ষিণ-নরওয়েতে জার্মানীকে প্রতিরোধের প্রয়াস মিত্রশক্তি সম্পূর্ণ ত্যাগ করিয়াছেন; সুইডেনে প্রবেশের প্রয়াস প্রধান দ্বার ট্রুগ্‌হীম্ পুনরধিকারের আশা পরিত্যক্ত হইয়াছে। উত্তর-নরওয়েতে সুইডেনের লৌহ-রপ্তানীর সিংহদ্বার নার্টিক অঞ্চলের জন্ত তাহারা এখনও সচেষ্ট; সেখানেও সামরিক অবস্থা অসুস্থ বলিয়া শুনা যায় নাই। নার্টিক সম্বন্ধে জার্মানী আর

তত আগ্রহান্বিত নহে; কারণ, নরওয়ে অধিকার করিবার পর সুইডেনের উপর জার্মানীর প্রভুত্ব প্রতিষ্ঠিত হইয়াছে। অতঃপর সুইডেনের কাঁটা লৌহ নার্টিকের পথে না আসিয়া অল্প পথে জার্মানীতে প্রবেশ করিতে পারিবে। এখন জার্মানী বার্টিক সাগরে অপ্রতিহত। সুইডেনের বার্টিক সাগরস্থিত লিউলিয়া বন্দর গ্রীষ্মকালে তুষারমুক্ত থাকে; কাজেই আপাততঃ লৌহ প্রাপ্তি সম্বন্ধে কোন দুশ্চিন্তা নাই। পরে নূতন পথের সৃষ্টি হইতে পারিবে।

নরওয়ে অভিযানের বার্থতায় বৃটেনের যে অর্থনৈতিক ক্ষতি হইয়াছে, তাহা উপেক্ষণীয় নহে। নরওয়ে, ডেনমার্ক, সুইডেন এবং বার্টিক সাগরের তীরবর্তী দেশগুলি হইতে বৃটেন আর কোন পণ্য পাইবে না। বার্টিক সাগর বৃটেনের পক্ষে অনধিগম্য হইয়াছে। নার্টিকের পথে বৃটেনে প্রতি বৎসর যে ৫ লক্ষ ৭০ হাজার টন অপরিষ্কৃত লৌহ আমদানী হইত, তাহা বন্ধ হইয়াছে। বৃটেন ও ফ্রান্সের যে পরিমাণ অর্থনৈতিক ক্ষতি হইয়াছে, জার্মানী ঠিক সেই অল্পপাতে লাভমান হইয়াছে। নরওয়ের কাছে জার্মানীর একাধিপত্য প্রতিষ্ঠিত হইয়াছে; যুদ্ধোপকরণরূপে কাঠের গুরুত্ব নিতান্ত অল্প নহে। অতঃপর ডেনমার্কের দুর্গজাত পণ্য ও মাংস জার্মানীর সেনাবিভাগের আশ্রয় যোগাইবে। সুইডেনের কাঠ ও অপরিষ্কৃত লৌহ জার্মানীতে প্রবেশ করিবে। জার্মানীর এই সকল সুবিধা লাভের পর তাহাকে অর্থনৈতিক বিষয়ে অবরোধ করিবার প্রয়াস সফল হইবার সম্ভাবনা অতি অল্প।

মাত্র তিন সপ্তাহের মধ্যে জার্মানী এই অভিযানে যে সাফল্য লাভ করিয়াছে, তাহার অর্থনৈতিক গুরুত্ব অপেক্ষা সামরিক গুরুত্ব আরও অধিক। আজ ডেনমার্ক জার্মানীর অধিকার ভুক্ত; ইহার পর নরওয়েতে যদি সে সুপ্রতিষ্ঠিত হইতে পারে, তাহা হইলে সে সমগ্র উত্তর সাগরে এবং অংশতঃ আটলান্টিক মহাসাগরে স্বীয় প্রভুত্ব স্থাপন করিতে সমর্থ হইবে; ইহা বৃটেনের পক্ষে অল্প উৎকণ্ঠা ও আশঙ্কার বিষয় নহে। মিঃ লয়েড, জর্জের ভাষায় জার্মানীর দক্ষিণ-নরওয়ে অধিকারে তাহার সাব্‌মেরিন ও বিমান বৃটেনের ২০০ মাইল নিকটবর্তী হইয়াছে—“The German occupation of Norway brings German aeroplanes and submarines 200 miles nearer our coast.”

### সুইডেনে নূতন মন্ত্রিসভা—

নরওয়েতে জার্মানীর অধিকার বিস্তারিত এই ভয়াবহ পরণাম নিশ্চিত জানিয়াও মিত্রশক্তি নিতান্ত বাধ্য হইয়াই দক্ষিণ-নরওয়ে হইতে সৈন্স অপসারণ করিয়াছেন। চেম্বারলেন-মন্ত্রিসভার অনুসৃত নীতির এই শোচনীয় পরিণতি অত্যন্ত লজ্জাকর। ঘটনা-পরম্পরা লক্ষ্য করিলে স্পষ্ট বুঝা যায়, মিত্রশক্তির মনোভাব ও ভবিষ্যৎ কর্মপদ্ধতি জার্মানী হয় অস্বীকার করিয়াছিল, না হয় এসম্বন্ধে সঠিক সংবাদ পূর্বেই সংগ্রহ করিয়াছিল। অথচ বিচক্ষণ মিত্রশক্তি জার্মানীর প্রকৃত মনোভাব আদৌ বুঝিতে পারেন নাই! এই জগুই মিত্রশক্তির সৈন্স নরওয়েতে পৌঁছিবার বহু পূর্বে জার্মানী তথায় আপনাকে সুপ্রতিষ্ঠিত করিতে সমর্থ হয়; ইহাই মিত্রশক্তির সৈন্সের পরাজয়ের প্রধান কারণ। চেম্বারলেন-মন্ত্রিসভার এই অদূরদর্শিতার জন্য ব্রিটিশ পার্লামেন্টে তাহাদিগকে তীব্র সমালোচনার সম্মুখীন হইতে হইয়াছে। মিষ্টার চেম্বারলেনকে ব্যক্তিগতভাবে তীব্র বাক্যবাণে বিদ্ধ

করা হইয়াছে। তিন দিন পার্লামেন্টে উত্তেজনাপূর্ণ বিতর্কের পর ৯ই মে যখন মন্ত্রিসভার প্রতি আস্থাভ্রাণক প্রস্তাব সম্বন্ধে ভোট গৃহীত হয়, তখন উহার ফল সকলকে বিস্মিত করে। মন্ত্রিসভার বিপক্ষে ২০০ এবং পক্ষে মাত্র ২৮১ ভোট প্রদত্ত হয়; ১৭০ জন ভোট দানে বিরত থাকেন। ভোটের এই ফল এতদূর অপ্রত্যাশিত যে, পার্লামেন্টের বিরুদ্ধ দল পর্যন্ত ইহাতে বিস্মিত হন; এমন কি, মন্ত্রিসভার সমর্থক ৪০ জন সদস্য মন্ত্রিসভার বিপক্ষে ভোট দিয়াছিলেন। মিষ্টার চেম্বারলেন প্রমাদ গণিয়া উদারনীতিক ও শ্রমিকদলের সদস্যদিগকে মন্ত্রিসভায় যোগ দিতে অনুরোধ জানাইলেন। কিন্তু শ্রমিকদল মিষ্টার চেম্বারলেনের অধীনে কার্যভার গ্রহণ করিতে সন্মত হইলেন না। অতঃপর ১০ই মে রাত্রিতে মিষ্টার চেম্বারলেন রাজ্যের সচিবত্ব সাংস্কৃত করিয়া পদত্যাগ করিলেন; রাজ্য কাঁচার পদত্যাগ গ্রহণ করিয়া মিষ্টার চার্চিলকে সম্মিলিত মন্ত্রিসভা গঠনের ভার প্রদান করেন। মিষ্টার চার্চিলের নেতৃত্বে গঠিত নূতন মন্ত্রিসভায় শ্রমিক এবং উদারনীতিক দলের সদস্যগণ যোগদান করিয়াছেন। মিষ্টার চেম্বারলেনও এই মন্ত্রিসভায় মিষ্টার চার্চিলের অধীনে কার্যভার গ্রহণ করিয়াছেন।

নরওয়ে অভিযানের বিফলতা চেম্বারলেন-মন্ত্রিসভার পতনের প্রত্যক্ষ কারণ হইলেও, বর্তমান যুদ্ধ আরম্ভ হইবার পূর্বে মিষ্টার চেম্বারলেনের অনুসৃত appeasement policyর বিরুদ্ধে বৃটেনে যে অসন্তোষ সৃষ্ট হইয়াছিল, ১ই মে কমন্স-সভায় ভোটের ফলে তাহার অভিব্যক্তি প্রকাশ পাইয়াছে। প্রধান মন্ত্রীর পদে মিষ্টার চার্চিলের প্রতিষ্ঠা সেই বিরোধী মতবাদের বিজয় ঘোষণা করিয়াছে। কমন্স-সভায় বিতর্ককালে মিষ্টার লয়েড্ জর্জ চেম্বারলেন-মন্ত্রিসভার অনুসৃত নীতির ভয়াবহ ফল ওজস্বিনী ভাষায় বর্ণনা করিয়া বলিয়াছিলেন—“জেকোগোভাকিয়ায় আনবা প্রথম একটি সামরিক সুরিধা হারাই; যুরোপের দশ লক্ষ স্বদক্ষ নৈলোর সহযোগিতা হইতে বঞ্চিত হই। এই সময় ফ্রান্সে সোভিয়েট মৈত্রীর ফলে সোভিয়েট রুশিয়া জেকোগোভাকিয়ার সাহায্যার্থে অগ্রসর হইত; জার্মানীকে আর একটি নূতন রণক্ষেত্রে অপতীর্ণ হইতে হইত। কিন্তু আজ কি ঘটিয়াছে? রুশিয়া আজ বাল্টিক সাগর অতিক্রম করিয়া জার্মানীকে তৈল গোপাইতেছে। রুম্যানিয়া আজ সর্বতোভাবে জার্মানীর পদানত; নরওয়ে সম্পর্কে আমাদের নীতির ফলে আমরা জার্মানীকে রুম্যানিয়া হাতে তুলিয়া দিয়াছি।” স্পেনের মনোভাব সম্পর্কেও মিষ্টার লয়েড্ জর্জ আশঙ্কা প্রকাশ করিয়াছিলেন। কমন্স সভায় বিতর্ককালে মিষ্টার চেম্বারলেন ও তাঁহার সহকর্মীগণ নরওয়ে অভিযানে বৃটেনের নৌযুদ্ধের সাফল্য এবং জার্মানীর সৈন্যবলের কথা উল্লেখ করিয়া আত্মপ্রসাদ লাভ করিতে প্রয়াস পাইয়াছিলেন। মিষ্টার লয়েড্ জর্জ ও সার আর্চিবাল্ড সিন্কেয়ার ইহার উত্তরে বলেন যে, তুচ্ছ লাভ-ক্ষতির হিসাব নিরর্থক; এই অভিযানের সাফল্য জার্মানী যে সামরিক ও অর্থনৈতিক সুরিধা লাভ করিয়াছে, তাহার তুলনায় জার্মানীর ক্ষতির পরিমাণ অধিক নহে।

কমন্স-সভার বিতর্কের গতি লক্ষ্য করিলে প্রতীয়মান হয়, বিরোধীপক্ষ এই কথাই বলিতে চাহিয়াছেন যে, প্রথম হইতে চেম্বারলেন-মন্ত্রিসভা আন্তর্জাতিক ক্ষেত্রে যে নীতি অনুসরণ

করিতেছিলেন, নরওয়ের ব্যর্থতা তাহারই চরম শোচনীয় পরিণতি। যুদ্ধের পূর্বে ঐ মন্ত্রিসভা ভ্রান্তনীতি অনুসরণ করিয়াছিলেন। যুদ্ধ আরম্ভ হইবার পর তাহারা পোল্যান্ডকে প্রদত্ত প্রতিশ্রুতি রক্ষা করিতে পারেন নাই। গত সেপ্টেম্বর মাসে বাল্টিক সাগর অতিক্রম হইল না; ঐ অঞ্চলের যুদ্ধ শেষ হইবার পর পোল্যান্ডের সামান্য নৌবহর বাল্টিক সাগরের পথেই উত্তর সাগরে আসিয়া মিত্রশক্তির নৌবহরে যোগ দিয়াছে। অথচ, যুদ্ধের সময়ে পোল্যান্ডের সাহায্যার্থে একখানিও মিত্রশক্তির রণপোত ড্যানজিগে অথবা ডিনিয়ায় যাইতে উদ্যত হয় নাই। তাহার পর, কারণেই হউক, ফিনল্যান্ডের সাহায্যার্থেও মিত্রশক্তি অগ্রসর হইতে পারেন নাই; আজ নরওয়েরও এই দুর্দশা! তাই মিষ্টার লয়েড্ জর্জ বলিয়াছিলেন—There was the promise to Poland, the promise to Norway, the promise to Finland. Our promissory note are now rubbish in our hands.

নরওয়ে অভিযানের বিফলতার কারণ সম্বন্ধে মিষ্টার চার্চিল বাগা বলিয়াছেন, তাহার জল্প প্রত্যক্ষভাবে চেম্বারলেন-মন্ত্রিসভার দায়ী। মিষ্টার চার্চিলের বক্তৃতায় প্রকাশ পায়, পাঁচ বৎসরের চেষ্টাতেও বৃটেনের বিমানবাহিনী জার্মানীর সমকক্ষতা লাভ করে নাই; এই জল্পই কোন ক্ষেত্রে জার্মানীর পূর্বে বৃটেন আঘাত করিতে পারে না। ইহার জল্পও মিষ্টার চেম্বারলেনের appeasement মনোভাবই দায়ী। মিষ্টার চার্চিল, মিষ্টার ডাল্ কুপার প্রভৃতি রক্ষণশীলগণ এই নীতি সমর্থন করেন নাই। উদারনীতিক মিষ্টার লয়েড্ জর্জ ইহার তীব্র সমালোচনা করিয়াছেন। এই appeasement নীতির ফলেই সমরোপকরণ বৃদ্ধির দিকে বৃটেন তত মনোযোগী হয় নাই, আজ এই জল্পই যে বিমানশক্তিতে জার্মানীর সমকক্ষ নহে। কাজেই, মিষ্টার চেম্বারলেনের প্রতি বৃটিশ জাতির বিরুদ্ধে স্বাভাবিক। মিষ্টার চার্চিল যেমন এক দিকে স্পেন, জেকোগোভাকিয়া এবং সোভিয়েট রুশিয়া সম্পর্কে মিষ্টার চেম্বারলেনের নীতির বিরোধী ছিলেন, তেমনই স্বদেশে সমরোপকরণ বৃদ্ধি সম্পর্কে তৎকালীন ব্যবস্থার তীব্র সমালোচনা করিয়াছেন। মিষ্টার চার্চিল এক সময় বলিয়াছিলেন যে, রুশিয়ার সহিত বৃটেন ও ফ্রান্স যদি মৈত্রী স্থাপনে অসমর্থ হয়, তাহা হইলে জার্মানীকে অর্থনৈতিক বিষয়ে অবরোধ করিবার আশা হ্রাসায় পরিণত হইবে। তাহার ভবিষ্যৎবাণী আজ অক্ষরে অক্ষরে সত্য প্রমাণিত হইতেছে। তেমনই সমরোপকরণ বৃদ্ধি সম্পর্কে তাঁহার সমরোচিত সতর্কবাণীতে কর্ণপাত না করায় আজ ভয়াবহ ফল অনুভূত হইতেছে। বৃটিশ মন্ত্রিসভার পতন মিষ্টার চেম্বারলেনের ব্যক্তিগত পরাজয় নহে; তিন বৎসর তিনি যে নীতি অনুসরণ করিয়াছিলেন, সেই নীতির বিরুদ্ধে আজ বৃটিশ জাতি অভিমত জ্ঞাপন করিয়াছে এবং তাহারা সেই নীতির বিরোধী, তাহাদিগকে সমর্থন করিয়াছে।

### ডেন্‌মার্কের আত্মসমর্পণ—

৮ই এপ্রিল রাত্রিতে জার্মান সেনাবাহিনী দীনেমার-জার্মান সীমান্ত অতিক্রম করে; সীমান্তস্থিত দীনেমার সৈন্যের ক্ষীণ প্রতিরোধ তাহারা অনায়াসে ব্যর্থ করিতে সমর্থ হয়। পরদিন প্রাতে

দীনেমারগণ শয্যা হইতে উগিত হইয়া সবিম্বয়ে লক্ষ্য করে, আকাশ-পথে অসংখ্য জার্মান বিমান উড়িতেছে। ডেনমার্ক কি অবস্থায় জার্মানীর নিকট আত্মসমর্পণ করে, তাহার সঠিক সংবাদ পাওয়া যায় নাই। দীনেমার প্রধান-মন্ত্রী মঃ ষ্টনিঙ্গ তাঁহার সংক্ষিপ্ত বিবৃতিতে বলিয়াছেন, দীনেমার সরকার জার্মানীর দাবী মানিয়া লইতে বাধ্য হয়—“...the Government had to accept the German demands for the admission of German troops into Denmark. মঃ ষ্টনিঙ্গের ঘোষণায় প্রকাশ— দীনেমার সরকার জার্মানীর নিকট হইতে ডেনমার্কের স্বাধীনতা ও রাজ্যগত অখণ্ডতা রক্ষার আশাস প্রাপ্ত হইয়াছিলেন; যুদ্ধের ভয়াবহ অবস্থা হইতে দেশকে রক্ষা করিবার উদ্দেশ্যেই তাঁহারা জার্মানীর দাবী মানিয়া লইতে বাধ্য হইয়াছেন।

বস্তুতঃ, ডেনমার্ক পূর্বে হইতেই জার্মানীর অন্তর্গত ছিল। গত বৎসর মে মাসে জার্মানী উত্তর-যুরোপের চারিটি রাষ্ট্রকে তাহার সহিত পারস্পরিক অনাক্রমণ-চুক্তিতে আবদ্ধ হইতে আহ্বান করিয়াছিল। এই প্রস্তাব সম্বন্ধে আলোচনার জগৎ ষ্টকহলমে নরওয়ে, সুইডেন, ফিনল্যান্ড ও ডেনমার্কের রাষ্ট্রনায়কগণ সমবেত হইয়া আলোচনার প্রবৃত্ত হন। তাঁহারা আলোচনাস্তে এই মর্মে এক বিবৃতি প্রকাশ করেন যে, এই সকল রাষ্ট্র যুরোপীয় রাজনীতিক্ষেত্রের দলাদলির বাহিরে থাকিতে চাহে এবং ভবিষ্যৎ যুদ্ধে তাহারা সম্পূর্ণ নিরপেক্ষ থাকিবেন। এই সিদ্ধান্ত অনুসারে তিনটি রাষ্ট্র জার্মানীর প্রস্তাব প্রত্যাখ্যান করে; কিন্তু ডেনমার্ক জার্মানীর সহিত পারস্পরিক অনাক্রমণ-চুক্তিতে আবদ্ধ হয়। বর্তমানে সে যদি স্বেচ্ছায় জার্মানীর রক্ষণাধীন হইয়া থাকে, তাহা হইলে এই অনাক্রমণ-চুক্তি লঙ্ঘিত হইয়াছে বলা চলে না; বস্তুতঃ জার্মানী না কি আশাস দিয়াছে, সে ডেনমার্কের রাজনীতিক স্বাধীনতা অথবা রাজ্যগত অখণ্ডতা ক্ষুণ্ণ করিবে না। প্রতিবেশী শক্তিশালী রাষ্ট্রের সহিত ক্ষুদ্র রাষ্ট্রের অনাক্রমণ-চুক্তি প্রবলের নিকট দুর্বলের আশ্রয় গ্রহণের সমতুল্য। কাজেই, জার্মানীর ডেনমার্ক অধিকার সম্পর্কে বলা যায় যে, দুর্বল ডেনমার্ক পূর্বে হইতেই জার্মানীর আশ্রয় গ্রহণ করিয়াছিল। এখন জার্মানী প্রয়োজনবোধে তাহার আশ্রিতের সাহায্যে আপনাদের ভাগ্যের সহিত প্রাথিত করিয়াছে।

জার্মানীর অজ্ঞাত দুর্বল প্রতিবেশী রাষ্ট্রের পক্ষে নরওয়ে ও ডেনমার্কের অবস্থা এক অশুভ উদাহরণের সৃষ্টি করিয়াছে। এই সমস্ত রাষ্ট্র দেখিতেছে, পোল্যান্ড জার্মানীর প্রতিরোধে প্রবৃত্ত হইয়া এক পক্ষকালের মধ্যে নিশ্চিহ্ন হয়; নরওয়ে জার্মানীর দাবীতে অসম্মত হইয়া আশানে পরিণত হইল, নরওয়ের সর্বাপেক্ষা স্বাধীন অঞ্চল হইতে জার্মানী মিত্রশক্তির সৈন্য বিতাড়িত করিয়াছে। পোল্যান্ডের বাক-বিভূতিসম্পন্ন মিত্রগণ তাহার সাহায্যার্থে তাহার হইবার সুযোগে বঞ্চিত হইয়াছিলেন, নরওয়েতে তাহারা তাহার হইলেও সমরান্নির লেগিহান জিহ্বায় ঐ দেশ ভয়ে পরিণত হইয়াছে; যদি নাহে মাত্র নরওয়ের স্বাধীনতা শেষ পর্যন্ত রক্ষিত হইত।

তাহার রাজ্যের অখণ্ডতা রক্ষিত হইবে না, ইহা নিশ্চিত। বস্তুতঃ, ডেনমার্ক জার্মানীর নিকট সামরিক বিষয়ে আত্মসমর্পণ করিয়াছে। জার্মানী যদি এই যুদ্ধে জয়ী হয়, তাহা হইলে ডেনমার্ক পূর্ণ স্বাধীনতা পুনঃ প্রাপ্তির আশা করিতে পারে। জার্মানী যদি পরাভূত হয়, তাহা হইলেও, সে বাধ্য হইয়া

জার্মানীর নিকট আত্মসমর্পণ করিয়াছে—এই যুক্তিতে অজ্ঞাত শক্তির নিকট সহায়ত্ব আশা করিতে পারে। ডেনমার্ক যদি অদূর ভবিষ্যতে জার্মানীর শত্রুপক্ষের আক্রমণে বিপর্যস্ত না হয়, তাহা হইলে নরওয়ে ও পোল্যান্ডের তুলনায় সে লাভান হইয়াছে বলা যাইতে পারে। এইরূপ দৃষ্টান্ত সম্মুখে থাকায় ভবিষ্যতে জার্মানীর কোন কোন দুর্বল প্রতিবেশীর পক্ষে সামরিক বিষয়ে তাহার নিকট আত্মসমর্পণ করিতে ইচ্ছুক হওয়া অস্বাভাবিক নহে।

## জার্মানীর নূতন অভিযান :-

নরওয়ে অভিযানের সাফল্যে জার্মানী বিজয়লাভ সম্বন্ধে অত্যন্ত আশাবিত্ত হইয়াছে। সে দেখিয়াছে যে, পূর্বাঙ্কে সে যদি কোন অঞ্চলের গুরুত্বপূর্ণ স্থানগুলিতে আপনাদের সামরিক অধিকার বিস্তার করিতে পারে, তাহা হইলে তাহাকে প্রতিরোধ করা অত্যন্ত দুষ্কর। বস্তুতঃ, দক্ষিণ-নরওয়েতে মিত্রশক্তির সেনাবাহিনী তাহাকে প্রতিরোধ করিতে সমর্থ হয় নাই।

কাজেই, নিশ্চিত বিজয়-লাভের আশায় জার্মানী আর কাল-বিলম্ব না করিয়া বৃটেন ও ফ্রান্সের সহিত প্রত্যক্ষ শক্তি-পরীক্ষায় প্রবৃত্ত হইয়াছে। জার্মানীর উত্তর-পশ্চিম সীমান্তস্থিত নিরপেক্ষ রাষ্ট্র হল্যান্ড ও বেলজিয়ামের নিরপেক্ষতা লঙ্ঘন না করিলে বৃটেন ও ফ্রান্সকে আঘাত করা সম্ভব নহে। এই জগৎ জার্মানী ১০ই মে প্রাতে এক সঙ্গে হল্যান্ড ও বেলজিয়ামকে আক্রমণ করিয়াছে; ভৌগলিক কারণে ফ্রান্স লাক্সেমবার্গও আক্রান্ত হইয়াছে।

জার্মানী এই নূতন অভিযান আরম্ভ করিবার সময় বলিয়াছে যে, বৃটেন ও ফ্রান্স তাহার দর জেলা আক্রমণ করিবার আয়োজন করিয়াছিল; হল্যান্ড এবং বেলজিয়ামের মধ্য দিয়াই তাহাদিগের এই আক্রমণ পরিচালিত হইত। এই দুইটি নিরপেক্ষ রাষ্ট্র বৃটেন ও ফ্রান্সের অনুকূল মনোভাবাপন্ন, ইহাতে জার্মানীর সন্দেহ ছিল না। এই জগৎই সে ঐ অঞ্চলে পূর্বাঙ্কে আক্রমণ করিতে বাধ্য হইয়াছে।

মিত্রশক্তি রুর আক্রমণের আয়োজন করিতেছিলেন কি না, ইহা জানিবার উপায় নাই। তবে, তাহারা যে সত্তর কোন স্থানে জার্মানীর সম্মুখীন হইবার জগৎ প্রস্তুত হইতেছিলেন, তাহা ৯ই মে বৃটিশ কমন্স-সভার বিতর্কে প্রকাশ পাইয়াছিল। এই বিতর্কের উত্তর দান কালে মিষ্টার চার্চিল বলিয়াছিলেন যে, দক্ষিণ নরওয়ে হইতে জার্মানীকে বিতাড়িত করিবার জগৎ আমরা আমাদের বিমানবহর বিপর্যস্ত করিতে চাহি নাই; কারণ, অজ্ঞাত আরও বৃহত্তর বিপদের জগৎ উহার প্রয়োজন হইতে পারে। মিষ্টার চার্চিলের এই উক্তি হইতে মনে হয় যে, অজ্ঞাত জার্মানীর সম্মুখীন হইবার উদ্দেশ্যে বৃটেন হয় ত স্বেচ্ছায় দক্ষিণ-নরওয়েতে পরাজয়ের গ্লানি মাথা পাতিয়া লইয়াছে। হল্যান্ড ও বেলজিয়ামের মনোভাব সম্পর্কে জার্মানীর অভিযোগ সম্পূর্ণ মিথ্যা নহে। এই দুইটি রাষ্ট্র নিরপেক্ষ থাকিলেও তাহারা জার্মানীর নিকট হইতেই আক্রমণের আশঙ্কা করিয়াছে এবং সেই জগৎ জার্মানীর সীমান্তের দিকেই প্রতিরোধের ব্যবস্থা দৃঢ় করিয়াছে। সময় সময় হল্যান্ডের মধ্য দিয়া বৃটেনের বিমান জার্মানীতে গিয়াছে—জার্মানীর এই অভিযোগও মিথ্যা নহে। বস্তুতঃ, এই দুইটি রাষ্ট্র নিরপেক্ষ হইলেও তাহাদিগের মনোভাব মিত্রশক্তির অনুকূলই ছিল।

জার্মানীর আক্রমণের বৈশিষ্ট্য এই যে, সর্বপ্রথম সে

বিমান ষাঁটি, সামরিক কেন্দ্র এবং পেট্রোলের গুদামের প্রতি মনোযোগ প্রদান করে; সঙ্গে সঙ্গে কার্যকরী লঘু অস্ত্রে সুসজ্জিত সৈন্য বিমান হইতে "প্যারাসুটের" সাহায্যে বিভিন্ন স্থানে অবতরণ করায়। হল্যাণ্ড ও বেলজিয়াম সম্পর্কেও সে ঠিক এই নীতিই অবলম্বন করিয়াছে।

সে এই দুই দেশের প্রত্যেকটি সামরিক গুরুত্বসম্পন্ন স্থানে প্রবলভাবে বোমা বর্ষণ করিতেছে। বিমান হইতেও দলে দলে জার্মান সৈন্য নানা স্থানে অবতরণ করিতেছে; এই সকল সৈন্য ধর্মযাজকের বেশে, গলন্দাজ, ফরাসী ও ব্রিটিশ সৈন্যের বেশে আত্মগোপন করিতে প্রয়াস পাইতেছে। বিমান হইতে যে সকল সৈন্য অন্তরণ করিতেছে, তাহারা এবং ওয়াল্‌নদী বহিরা নৌকাযোগে আগত কিছু সৈন্য রটারডেম্ ও হেগের বোমাঘাঁটা অধিকার করিয়াছিল। গলন্দাজ বাহিনী ও ব্রিটিশ বিমান-বহরের বিশেষ চেষ্টায় এই সকল সৈন্য তাহাদিগের অধিকৃত স্থান ত্যাগ করিতে বাধ্য হইয়াছে। জার্মানী দাবী করিতেছে যে, তাহারা উত্তর-হল্যাণ্ডে জুডার জীর পূর্ব উপকূল পর্যন্ত পৌঁছিয়াছে। বেলজিয়ামে জার্মান-বাহিনী মাসট্রীক্ট হইতে য়াল্‌বার্ট খাল ধরিয়া উত্তর অভিমুখে অগ্রসর হইতেছে, এই অঞ্চলে হল্যাণ্ড ও বেলজিয়ামের সংযোগ বিচ্ছিন্ন করাট জার্মান-বাহিনীর উদ্দেশ্য। এদিকে জার্মানী লাক্সেমবার্গে প্রবলভাবে আক্রমণ করিয়া মিত্রশক্তির সেনাবাহিনীকে বিব্রত রাখিতে চেষ্টা করিতেছে।

হল্যাণ্ড ও বেলজিয়াম সর্বতোভাবে জার্মানীকে প্রতিরোধ করিতে প্রবৃত্ত হইয়াছে। সঙ্গে সঙ্গে তাহারা মিত্রশক্তির নিকট সাহায্যের আবেদন জানাইয়াছে; মিত্রশক্তিও অবিলম্বে ঐ দুইটি অঞ্চলে সৈন্য প্রেরণ করিয়াছেন। মিত্রশক্তির সেনাবাহিনী এখন হল্যাণ্ড এবং বেলজিয়ামে জার্মান-বাহিনীর সহিত প্রচণ্ড সঙ্ঘর্ষে প্রবৃত্ত। এই সঙ্ঘর্ষের ফলাফল কি হইবে, সে সম্বন্ধে মতামত প্রকাশের সময় ইহা নহে। তবে, জার্মানী এবার প্রত্যক্ষভাবে মিত্রশক্তির বিরোধিতা করিতেছে; এই সঙ্ঘর্ষেই বর্তমান যুরোপীয় সংগ্রামের চরম জয়পরাজয় নির্ধারিত হইবে, ইহা নিশ্চিত।

জার্মানী তাহার নরওয়ের অভিজ্ঞতা হইতে মনে করিতেছে যে, সে যদি পূর্বাঙ্কে হল্যাণ্ড ও বেলজিয়ামের সামরিক গুরুত্বপূর্ণ স্থানগুলি অধিকার করিতে পারে, তাহা হইলে বৈমানিক সৈন্যের সহযোগিতায় পদাতিক সৈন্য যখন অগ্রসর হইবে, তখন তাহাদিগকে প্রতিরোধ করা মিত্রশক্তির পক্ষে আর সম্ভব হইবে না। সে আশা করে, হল্যাণ্ড ও বেলজিয়াম হইতে যদি সে মিত্রশক্তির সেনাবাহিনীকে ফ্রান্সের অভ্যন্তরে পশ্চাদপসরণ করিতে বাধ্য করিতে পারে, তাহা হইলে তাহার ব্রুটেন আক্রমণের স্বপ্ন সফল হইবে। হল্যাণ্ড ও বেলজিয়ামের উপকূল হইতে ব্রুটেনের বিরুদ্ধে প্রত্যক্ষ আক্রমণ পরিচালনই হিটলারের চরম লক্ষ্য।

হিটলার স্বয়ং পশ্চিম বণক্রেতে গমন করিয়া জার্মান সেনাবাহিনীকে উদ্দেশ্য করিয়া বলিয়াছেন—“The hour has come for the most decisive struggle of the German people...The fight, which begins to-day will determine Germany's future for the next 1,000 years.”

হিটলারের এই উক্তি শ্রবণ করিয়া আজ জগৎবাসী মনে করিতেছে—পশ্চিম-য়ুরোপে যে সঙ্কট আরম্ভ হইল, ইহাতে আগামী সমস্ত বৎসরের জন্ম কেবল জার্মান জাতির ভাগ্যই নিয়ন্ত্রিত হইবে না; বস্তুতঃ, সমগ্র সভ্য জগতের ভবিষ্যৎ এই সঙ্ঘর্ষের ফলাফলের উপর নির্ভর করিতেছে। তাই, আজ সমগ্র বিশ্ববাসী আকুল আগ্রহে এই যুদ্ধের গতি লক্ষ্য করিতেছে।

## ইটালী ও ভূমধ্য সাগর—

বর্তমান যুরোপীয় যুদ্ধ সম্পর্কে ইটালীর মনোভাব প্রথম হইতেই বহুস্বজনক; সে নিরপেক্ষ হইলেও তাহার ভাবগতি ঠিক নিরপেক্ষ রাষ্ট্রের জায় নহে। গত নভেম্বর মাসে ইটালীর মনোভাব সম্পর্কে 'কম্যুনিষ্ট ম্যানিফেস্টো'তে মন্তব্য করা হইয়াছিল যে, সে বিজয়ী-পক্ষের সহিত যোগদান করিয়া লাভবান হইতে চাহে—“...waiting to join the winning side and share in the spoil” ইটালী বিজয়ী-পক্ষে যোগদানের জন্ম প্রতীক্ষায় থাকুক আর না থাকুক, সে যে বর্তমান যুদ্ধের সুযোগে আপনার সাম্রাজ্যবাদী আকাঙ্ক্ষা পূরণ করিতে সচেষ্ট হইয়াছে, ইহা নিশ্চিত। ইটালীতে সংবাদপত্রগুলি রাষ্ট্রের কঠোর নিয়ন্ত্রণাধীন; কাজেই ঐ সকল পত্রের উক্তিকে ইটালীয় সরকারের ভবিষ্যৎ নীতির ইঙ্গিত বলা যাইতে পারে। জার্মানীর নরওয়ে অভিযানের পর হইতে ইটালীতে সংবাদপত্রগুলি জার্মানীর গুণকীর্তনে পক্ষমুখ হইয়াছে এবং ইটালীর সাম্রাজ্যবাদী আকাঙ্ক্ষা উচ্চ কণ্ঠে ঘোষণা করিতেছে। এপ্রিল মাসের মধ্যভাগে কাউন্ট সিয়ানোর পত্র 'টেলিগ্রাফো'র অষ্টম ডিরেক্টর সীনার য়্যান্ম্যাগ্‌ডো এক বেতার বক্তৃতায় বলিয়াছিলেন, “নরওয়েতে যে যুদ্ধ আরম্ভ হইয়াছে, তাহাতে আমাদিগের ব্যাপৃত হইবার সম্ভাবনা আছে; বণভেরী যদি বাজে, তাহা হইলে আমরাই তাহা প্রথমে বাজাইব।” তাহার একটি উক্তির গুরুত্ব অত্যন্ত অধিক; তিনি বলিয়াছিলেন—Italy is preparing for the moment which will be most opportune. ইহার পর, তার হিটলারের জন্মতিথিতে মুসোলিনীর প্রতিষ্ঠিত 'পপলো ডু ইতালিয়া' পত্রে মন্তব্য প্রকাশিত হইয়াছিল,—“যে সকল ঘটনাবলী যুরোপের মানচিত্রকে নতুন ভাবে অঙ্কিত করিবে, তাহার সম্বন্ধে ইটালীয়দিগের জায় বিরাট জাতি কখনও উদাসীন থাকিতে পারে না; নিজের গৃহে অবস্থান করিয়া নিষ্ক্রিয়ভাবে এই ঘটনাবলী লক্ষ্য করা তাহাদিগের পক্ষে সম্ভব নহে।” তাহার পর, এই পত্রে ইটালীর জাতীয় আকাঙ্ক্ষার কথা উল্লেখ করিয়া বলা হইয়াছে যে, সমুদ্রপথের অবাধ অধিকার ব্যতীত কোন বিশাল জাতি তৃপ্ত থাকিতে পারে না; বর্তমানে মাসোয়া ও ত্রিস্তে বন্দরের সংযোগ যে কোন মুহূর্তে অবরুদ্ধ হইতে পারে। সম্প্রতি রোম রেডিও হইতে খোলাখুলি ভাবে ঘোষণা করা হইয়াছে—ইটালী নিরপেক্ষ নহে। কয়েক দিন পূর্বে অষ্ট্রেলিয়ার প্রধান-মন্ত্রী মিঃ মেঞ্জিস্ ইটালী ও ব্রুটেনের মধ্যে মৈত্রী স্থাপনের উদ্দেশ্যে ইটালীয় ভাষায় কয়েকটি বেতার বক্তৃতা করিয়াছিলেন। ঐ সকল বক্তৃতার উত্তরে রোম রেডিও ঘোষণা করিয়াছে—Italy is not neutral and she does not intend to be pushed aside in the present conflict because she has claims to put forward. ইটালীর দাবী সম্পর্কে বলা



হইয়াছে যে, ভূমধ্য সাগরে পূর্ণ স্বাধীনতা লাভ—ইটালীর প্রধান দাবী।

ইটালীর পক্ষ হইতে বিভিন্ন সময়ে প্রকাশিত এই সকল যস্তব্য হইতে সুস্পষ্ট বুঝা যায় যে, যুদ্ধের সময়েই ইটালী তাহার আন্তর্জাতিক দাবীগুলি পূরণ করাইতে চাহে এবং যুদ্ধাবসানে নূতন করিয়া যে ভাগবাটোয়া হইবে, সেই 'কালনেমির লক্ষ্যভাগে' সে বাদ পড়িতে চাহে না। ইটালীর সন্দেহজনক মনোভাব লক্ষ্য করিয়া মিত্রশক্তি পূর্বে হইতে সতর্ক হইয়াছেন; গত ১লা মে হইতে ভূমধ্যসাগরপথে মিত্রশক্তির বাণিজ্যপোতের গমনাগমন নিষিদ্ধ হইয়াছে; উত্তমাশা অস্তরীপ ঘুরিয়া পক্ষকাল অধিক সময় এবং প্রায় দ্বিগুণ শক্তি ব্যয় করিয়া প্রাচীর সহিত বুটেনের বাণিজ্যিক সম্বন্ধ রক্ষার ব্যবস্থা হইয়াছে। আলেকজেন্দ্রিয়া নৌঘাটতে মিত্রশক্তি তাহাদিগের বিরাট নৌবহর সন্নিবেশিত করিয়াছেন। কেবল ইটালীর সন্দেহজনক মনোভাব লক্ষ্য করিয়াই এই ব্যবস্থা হয় নাই—ইটালীর কার্যও হয় ত আপত্তিকর হইয়া উঠিয়াছে। কয়েক দিন পূর্বে ওনা গিয়াছিল, যুগোস্লাভিয়ার সীমান্তে ইটালীর সৈন্যের তৎপরতা বৃদ্ধি পাইয়াছে; গ্রীসের নিকটে ডোভেকেনীস্ দ্বীপপুঞ্জের পার্শ্বে ইটালীর নৌবহর সমাবেশের সংবাদও রাষ্ট্র হইয়াছে।

ইটালীর প্রধান দাবী—সুয়েজ খালের পথ ইটালীর জাহাজের পক্ষে অপ্রতিহত থাকিবে। আভিসিনিয়া যুদ্ধের সময় ইটালী সুয়েজ খাল কোম্পানীকে ২০ লক্ষ পাউণ্ড শুষ্ক যোগাইয়াছে; আভিসিনিয়ার সহিত সংযোগ রক্ষার জন্ত এখনও তাহাকে শুষ্ক দিতে হইতেছে। সুয়েজ খাল কোম্পানীর (Compagnie Universelle du Canal de Suez) ২৮ জন ডিরেক্টরের মধ্যে ১৬ জন ফরাসী, ১০ জন ব্রিটিশ, এক জন ওলন্দাজ এবং একজন মিশরীয়। কাজেই সুয়েজ খাল সম্পর্কে ইটালীর দাবী প্রধানতঃ বুটেন ও ফ্রান্সের নিকট। ১৮৮১ খৃষ্টাব্দে টিউনিসে ফরাসী অধিকার প্রতিষ্ঠিত হইবার বহু পূর্বে হইতেই ঐ অঞ্চলের প্রতি ইটালীর লুক দৃষ্টি ছিল। টিউনিসে প্রায় ১ লক্ষ ইটালীর বাস; ইহার সীমান্তবর্তী লিবিয়ার (পূর্বে নাম ত্রিপলি) ইটালী নূতন নৌ-ঘাট স্থাপন করিয়াছে। কাজেই টিউনিস সম্পর্কে নূতন করিয়া ব্যবস্থা করা ইটালীর বিশেষ প্রয়োজন; এই বিষয়ে ফ্রান্স ইটালীর প্রতিদ্বন্দ্বী। আভিসিনিয়ার সহিত সংযোগ রক্ষার জন্ত জিবুতি বন্দর ইটালীর পক্ষে অপরিহার্য; ফরাসী-অধিকৃত জিবুতি বন্দর দিয়া ইটালীয়রা তাহাদিগের সাম্রাজ্যে পৌঁছাবে, ইহা সাম্রাজ্যবাদী ইটালীর দুঃসহ হওয়া অস্বাভাবিক নহে। কপ্তিকা পূর্বে ইটালীরই অধিকারভুক্ত ছিল; এক হৃদনে ফ্রান্স ইহা অধিকার করে। সাম্রাজ্যবাদী ইটালী এই অপমানের বোঝা নির্মূল্যকার চিন্তে বহন করিতে পারে না। এই সকল অঞ্চলে অধিকার বিস্তৃতির পর ইহাদিগের সহিত অপ্রতিহত সংযোগ রক্ষার জন্ত ভূমধ্য সাগরে ইটালীর পূর্ণ কর্তৃত্ব স্থাপিত হওয়া একান্ত আবশ্যিক। ইহা ব্যতীত, সাম্রাজ্যবাদীদিগের ভোগ্য যুরোপীয় অঞ্চলগুলি যখন বন্টন করা হইবে, তখন ইটালী তাহার স্বাধীন অংশ

পাইবার দাবী রাখে। সম্পূর্ণরূপে স্বীয় পদানত করিয়াই হউক, অথবা অর্থনীতিক ও রাজনীতিক প্রভুত্ব বিস্তার করিয়াই হউক, বলকান অঞ্চলের অর্থনীতিক শোষণে ইটালী আপনার অংশ বুঝিয়া লইবার জন্ত সচেষ্ট।

ইটালীর এই দাবীগুলির প্রতি লক্ষ্য করিলে ইহাই প্রতীয়মান হইবে যে, তাহার প্রত্যক্ষ প্রতিদ্বন্দ্বী বুটেন ও ফ্রান্স। জার্মানীর—হয় ত সোভিয়েট রুশিয়ার সহিতও রফা করিয়া ইটালী দক্ষিণ পূর্ব যুরোপ সম্পর্কে স্বীয় অভিসন্ধি সিদ্ধ করিতে পারিবে। ওনা যাইতেছে, বলকান অঞ্চলে প্রভুত্ব বিস্তার সম্পর্কে ইটালী, জার্মানী ও রুশিয়ার মধ্যে রফা হইয়া গিয়াছে। জার্মানীর পক্ষে এখন ইটালীর পোষকতার বিশেষ প্রয়োজন। যুদ্ধের পূর্বে জার্মানীর নিকট হইতে কোন নিশ্চিত প্রতিশ্রুতি পাইয়াই হয় ত ইটালী তাহার সহিত সামরিক চুক্তিতে আবদ্ধ হইয়াছিল এবং যুদ্ধের সময় সে জার্মানীর সহিত অর্থনীতিক সহযোগিতা করিতেছে। ইটালীর টিউনিস-কপ্তিকা-জিবুতি-সুয়েজ ও ভূমধ্য সাগর সংক্রান্ত দাবী বুটেন ও ফ্রান্সকে অবনমিত করিতে না পারিলে পূর্ণ হইবার সম্ভাবনা নাই। গত মহাযুদ্ধের ফল সম্পর্কে ইটালীর অভিজ্ঞতা প্রীতিকর নহে; তাহার স্মরণ আছে, তাসাইয়ের ভাগ-বাটোয়ার বৈঠকে তাহাকে কেবল দক্ষিণ-টাইরল পাইয়াই সন্তুষ্ট থাকিতে হইয়াছিল। পরে, ফ্রান্সের নিকট হইতে সাহারা অঞ্চলের তিবেন্ডি, লোহিত সাগরের ডুমারিয়া দ্বীপ এবং জিবুতি রেলপথের কয়েকটি অংশ পাইয়াই ইটালীকে তৃপ্তিলাভ করিতে হইয়াছে। কাজেই, এবার ইটালীর নীতি সুস্পষ্ট; সে প্রথম হইতেই জার্মানীর অল্পকূল মনোভাব অবলম্বন করিয়াছে। সে মনে করে, বর্তমান যুদ্ধের ফলে বুটেন ও ফ্রান্সের শক্তি যদি আরও বৃদ্ধি হয়, তাহা হইলে উহা তাহার পক্ষে কল্যাণপ্রদ হইতে পারে না।

বুটেন ও ফ্রান্সের শক্তি বৃদ্ধি ইটালীর আকাঙ্ক্ষিত না হইলেও সে এতদিন জার্মানীর অল্পকূলে অস্ত্রধারণ করে নাই। ইহার কারণ, সে নিরপেক্ষ থাকিয়া অর্থনীতিক সহযোগিতার দ্বারা জার্মানীর অধিকতর উপকার করিতে পারিয়াছে। ইহা ব্যতীত, সে হয় ত মনে করিয়াছে, বুটেন ও ফ্রান্স যখন জার্মানীর সহিত যুদ্ধে জটিলভাবে জড়াইয়া পড়িবে এবং তাহাদিগের কিছু শক্তি ক্ষয় হইবে, সেই সময় তাহাদিগকে আঘাত করাই কূটনীতিসঙ্গত কার্য হইবে। বর্তমানে মিত্রশক্তি জার্মানীর সহিত যুদ্ধে বিশেষভাবে জড়িত হইয়াছেন এবং তাহাদিগের কিছু শক্তিক্ষয়ও হইয়াছে মনে করিয়াই ইটালী ভূমধ্যসাগরের জলে ও উপকূলে তৎপর হইয়াছে কি না কে বলিবে? বিশেষতঃ সম্রাতি জার্মানীর সহিত নিরপেক্ষ রাষ্ট্রগুলির অর্থনীতিক সহযোগিতা বন্ধ করাইবার জন্ত মিত্রশক্তি বিশেষ দৃঢ়তা অবলম্বন করিয়াছেন। ইটালী বুঝিয়াছে যে, নিরপেক্ষতার নামে জার্মানীকে অর্থনীতিক সাহায্য দান আর অধিককাল সম্ভব হইবে না।

শ্রীঅতুল দত্ত।



# স্বাধীনতা সংগ্রাম

## ভারত-সচিবের প্রস্তাব

বৃটিশ পার্লামেন্টে ভারত-সচিব লর্ড জেটল্যাণ্ড গত এই বৈশাখ বৃহস্পতিবারে এই মত্রে এক প্রস্তাব উপস্থাপিত করিয়াছিলেন যে, ভারতের যে সাতটি প্রদেশে কংগ্রেস-মন্ত্রিমণ্ডলী শাসন-কার্যের সংস্কার ত্যাগ করিয়াছেন, সেই সাতটি প্রদেশের প্রাদেশিক শাসন-কর্তারা আরও বার মাসের জন্য শাসন-সংস্কার আইনের ১৩৩খ ধারা মতে শাসন-কার্য পরিচালিত করিতে থাকিবেন; তিনি তাঁহার এই প্রস্তাবের মঞ্জুরী প্রার্থনা করায় পার্লামেন্ট প্রস্তাবটি মঞ্জুর করিয়াছেন। কিন্তু এই উপক্ষে লর্ড জেটল্যাণ্ড লর্ড সভায়, এবং সহকারী ভারত-সচিব কমন্স সভায় যে বক্তৃতা করিয়াছিলেন, তাহা পাঠে এক সম্প্রদায়ের মুসলমান ভিন্ন আর কেহই সন্তুষ্ট হইতে পারেন মাই। ভারতে এইরূপ রাজনৈতিক অচল অবস্থার উদ্ভব হওয়ার অনেককেই চঞ্চল হইতে হইয়াছে। লর্ড জেটল্যাণ্ডের উক্তির ছত্রে ছত্রেই রাজনৈতিক কুট চাঁল পরিস্ফুট! যুদ্ধাঙ্গের পরই ভারতের বড়লাট লর্ড লিনলিথগো গান্ধীজীর সহিত আলাপ করিবার অভিপ্রায়ে তাঁহাকে শিমলায় আহ্বান করিয়াছিলেন। গান্ধীজীর সহিত বড়লাটের যে সকল আলোচনা হইয়াছিল, তাহা কংগ্রেসের কল্পপক্ষেই শ্রীতিপ্রদ হয় নাই; সেই জন্য গত এই কার্তিক কংগ্রেসের কার্য-নির্বাহক সমিতি কংগ্রেসের সদস্যদিগকে মন্ত্রি পরিত্যাগ করিবার জন্য এক নির্দেশ প্রদান করায় কংগ্রেসী সদস্যগণ মন্ত্রি ত্যাগ করেন; তদবধি প্রাদেশিক গভর্নররা ঐ সাতটি প্রদেশের শাসনকার্য পরিচালনের ভার গ্রহণ করিয়াছেন। কিন্তু আইন মতে প্রাদেশিক শাসনকর্তারা বড়লাটের অনুমতি লইয়া ছয় মাসের অধিককাল এই ভাবে শাসন-কার্য পরিচালন করিতে পারেন না। গত এপ্রিল মাসেই সেই সময় উত্তীর্ণ হইয়াছে; অগত্যা ভারত-সচিব পার্লামেন্টের নিকট মঞ্জুরী লইয়া প্রাদেশিক শাসনকর্তাদিগকে আরও বার মাস এই ভার অর্পণ করিলেন। আমাদের দেশের লোককে একটি কথাও জিজ্ঞাসা না করিয়া—তাহাদের মতামতের প্রতীক্ষা না করিয়া,—তাহাদের স্বদেশীয় রাজনৈতিক সভার বিনা-অনুমোদনে আইন-নির্দিষ্ট কালকে অতিক্রম করিয়া এই ভাবে প্রাদেশিক শাসন-ব্যবস্থার প্রবর্তন স্বৈরশাসন প্রণালীর যে সুস্পষ্ট নিদর্শন, ইহাতে কি সন্দেহ থাকিতে পারে? এ দেশে স্বাধীন-শাসনের অধিকার কি পরিমাণে প্রবর্তিত হইয়াছে, এই ব্যাপারেই তাহা প্রতিপন্ন হইয়াছে। ঐ প্রস্তাবে বলা হইয়াছে যে, প্রাদেশিক সরকাররা অতি অল্পসংখ্যক পরামর্শদাতার সাহায্যে শাসনকার্য পরিচালিত করিবেন; অথচ এই পরামর্শদাতা মনোনীত করিবেন কে? তাঁহারা প্রাদেশিক শাসনকর্তাদেরই মনোনীত; অর্থাৎ প্রাদেশিক গভর্নররা গাছেবও পাড়িবেন, তলারও কুড়াইবেন। এরূপ ক্ষেত্রে গভর্নরের পরামর্শদাতাদিগের পরামর্শের গুরুত্বের পরিমাণ কতখানি হইবে, তাহা বুঝিতে অতি-বড় নির্বোধেরও বিলম্ব হইবার সম্ভাবনা নাই। শাসনকর্তারা ঐ সাতটি প্রদেশে পুনঃনির্বাচনের ব্যবস্থা করিয়া এ সম্বন্ধে জনমত অবগত হইবার চেষ্টা করিলেও তাঁহাদের কথা ও কাজের সামঞ্জস্যের কিঞ্চিৎ

পরিচয় পাওয়া যাইত। তাঁহারা বিলক্ষণ বুঝেন যে, জনমত পুনর্নির্বাচনেও কংগ্রেসওয়ালাদিগেরই সমর্থন করিবে। সেই জন্য ঐ পথ ত্যাগ করাই তাঁহাদের পক্ষে নিরাপদ। অথবা তাঁহারা সমস্ত প্রতিপক্ষ দলকে সম্মিলিতভাবে মন্ত্রিমণ্ডলী গঠন করিতে আদেশ করিলেন না কেন? ইহাই কি গণতন্ত্রসম্মত ব্যবস্থা? লর্ড জেটল্যাণ্ড “আর্য্যাবর্তের হৃদয়” নামক গ্রন্থে তাঁহার ভারতীয় অভিজ্ঞতার পরিচয় দিয়াছেন, বাঙ্গালায় কিছুদিন লাটগিরিও করিয়াছেন, কিন্তু তিনি যে ভারতবাসীকে ঠিক চিনিতে পারেন নাই, তাহা তাঁহার উক্তিভেদেই সুপ্রকাশ।

## লর্ড জেটল্যাণ্ডের বক্তৃতা

বৃটিশ লর্ডসভায় উল্লিখিত প্রস্তাব উপস্থিত করিবার সময় লর্ড জেটল্যাণ্ড এক সুদীর্ঘ বক্তৃতা করিয়াছিলেন। তাঁহার বক্তৃতা আমাদের দেশের কোন চিন্তাশীল ব্যক্তিকেই আকৃষ্ট করিতে পারে নাই; তাহাতে এদেশের শিক্ষিত সমাজের মত-পরিবর্তনও হয় নাই। তাঁহার সেই একই কথা—কংগ্রেস ও লীগে আগে মিলন কর, তাহার পর স্বাধীনতার দাবী করিও। লর্ড জেটল্যাণ্ড এই একই কথা পুনঃ পুনঃ বলিয়াও কাহাকেও তুলাইতে পারিবেন না। লীগের সহিত কংগ্রেসের সর্ব-বিষয়ে একমতাবলম্বী হওয়া কখনই সম্ভব হইবে না, ইহা তিনিও জানেন; এবং কি কারণে ইহা অসম্ভব, তাহা আমরা বারংবার বলিতে চাহি না। লর্ড জেটল্যাণ্ড জানেন কি না জানি না, কিন্তু একথা সত্য যে, শাসকদিগের মধ্যে কতকগুলি অদূরদর্শী সঙ্কীর্ণচেতা লোক আছেন, তাঁহারা ভারতের বিভিন্ন সম্প্রদায়ের মধ্যে বিরোধ স্থায়ী করিয়া ভারতে বৃটিশ অধিকার কায়েম করিয়া রাখিবার জন্য সচেষ্ট। অধ্যাপক লীলি, মিষ্টার জে. এ. হবসন (J. A. Hobson) প্রভৃতি বলিয়াছেন, ভারতে হিন্দু-মুসলমানের বিরোধ আছে বলিয়া এখানে বৃটিশ জাতির পক্ষে সাম্রাজ্য প্রতিষ্ঠিত করা সম্ভব হইয়াছে। সুতরাং সাম্রাজ্যবাদীরা যে এই বিরোধ স্থায়ী করিবার চেষ্টা করিবেন ইহা সম্পূর্ণ স্বাভাবিক। এরূপ ক্ষেত্রে মুসলিম লীগের সহিত কংগ্রেসের মিলন হইবে না; সুতরাং স্বাধীনতার দাবীও গ্রাহ্য হইবে না। লর্ড জেটল্যাণ্ড তাঁহার বক্তৃতায় বলিয়াছেন, “কংগ্রেসওয়ালারা বহু মুসলমানের মনে যে ভীতির সঞ্চার করিয়া দিয়াছেন, তাহার উপশান্তি তাঁহারা করিতে পারেন?” কংগ্রেস এমন কোন কাজই করেন নাই, যে জন্য ইসলাম ধর্মাবলম্বীদিগের মনে শঙ্কার সঞ্চার হইতে পারে। লর্ড জেটল্যাণ্ড কি জানেন না যে, তিনি তাহার একটি দৃষ্টান্তও দেখাইতে পারিবেন না! তিনি আরও বলিয়াছেন—এই সম্পর্কে সর্বাপেক্ষা গুরু সমস্তা এট যে, কংগ্রেস যে মিলনের জন্য একান্ত কামনা করেন, সেই মিলনের পথ কি একেবারে বন্ধ করিয়া দিবেন? অসাধ্যসাধন করিতে যাওয়া নির্বুদ্ধিতার কার্য। কংগ্রেস যখন বুঝিতে পারিতেছেন যে, লীগের পশ্চাতে যবনিকার অন্তরালে শকুনীর জ্বর মন্ত্রণাদাতা থাকিতে পরস্পরের মিলনের কোন সম্ভাবনা নাই, তখন বুঝা তাঁহারা আঁ রাজনৈতিক মরকাস্তারে প্রাণহারিনী মৃগতৃফিকায় আকৃষ্ট হইয়া

নবশত মাত্র সফর করিবেন কেন? উহা কোন মতেই সম্ভব হইতে পারে না। লর্ড জেটল্যাণ্ড কি জানেন না যে, হিন্দুস্থানকে হিন্দুস্থান এবং পাকিস্থানে পরিণত করিবার যে প্রস্তাব মুসলিম লীগ কর্তৃক উপস্থাপিত হইয়াছে, অনেক লীগপন্থী মুসলমানেরই নিকট সেই প্রস্তাব অসারবোধে উপেক্ষার বোগ্য; দিল্লীতে অধিবেশিত রাজাদ সমিতি উহা আমলে আনেন নাই। উর্হারাও লীগপন্থী। হুজুর, জম্মায়েৎ উলেমা, মোমিন, অর্হর ও সিয়া মুসলমানগণ লীগের এ প্রস্তাব কাণেই তুলেন নাই। একরূপ অবস্থায় বিভিন্ন মুসলমান সম্প্রদায় বাহাতে এক মত হইতে পারেন, লর্ড জেটল্যাণ্ড কি সর্ব্বাঙ্গে তাহারই ব্যবস্থা করিবেন? ইহাদিগকে একমত করিবার জগৎ হাজার আগ্রহ কোথায়? অল্পাঙ্গ সম্প্রদায়ের মত অগ্রাহ করিয়া একমাত্র লীগের গোঁড়ামী করিবারই বা হেতু কি?

—

### হেঁচু ওয়ে দুর্ঘটনার দণ্ড

প্রায় এক বৎসব পূর্বে পূর্ববঙ্গ রেলপথের মাজদিয়া ষ্টেশনে যে ভীষণ দুর্ঘটনা ঘটয়াছিল তাহাতে বহু যাত্রীকে হতাহত হইতে হইয়াছিল। কর্তব্যে ক্রটির অভিযোগে সংঘর্ষের নিমিত্ত দায়ী ঢাকা সেন-ট্রেনের গার্ড এবং ড্রাইভার উভয়েই চুয়াডাঙ্গার মহকুমা আদালতে ফৌজদারী-সোপর্দ হইয়াছিল। চুয়াডাঙ্গার মহকুমা-ম্যাজিস্ট্রেটের বিচারে ঐ ট্রেনের গার্ড এবং ড্রাইভার উভয়েই অপরাধী প্রতিপন্ন হওয়ার দণ্ডদেশ-প্রাপ্ত আমানীত্ব ম্যাজিস্ট্রেটের আদেশের বিরুদ্ধে নদীয়ার দায়রা-জজের আদালতে আপীল করিয়াছিল। আপীলের বিচারে গার্ড মুক্তিলাভ করিয়াছে। দায়রা-জজ ড্রাইভারের তিন বৎসরের কারাদণ্ড হ্রাস করিয়া দুই বৎসর কারাবাসের আদেশ দিয়াছেন। এই ভীষণ দুর্ঘটনার বহু পরিবারে যে সর্বনাশ হইয়াছে, অপর ধীর দণ্ড যতই কঠিন হউক, সে ক্ষতি পূরণের সম্ভাবনা নাই। এ অবস্থায় ভবিষ্যতে এইরূপ দুর্ঘটনা না ঘটে, সে জগৎ যথাযোগ্য সতর্কতা অবলম্বন একান্তই প্রয়োজন। বিশেষতঃ, ট্রেনের ভারপ্রাপ্ত কর্মচারীর ক্রটিতে একরূপ দুর্ঘটনা ঘটিলে তাহাদের কাণ্ডে কর্তৃপক্ষের লক্ষ্য থাকা বিশেষ আবশ্যিক। এইরূপ ক্ষেত্রে ক্রম-পালনে ক্রটির জগৎ দোষীদিগকে কঠোর দণ্ডে দণ্ডিত করিলে ট্রেনের কর্মচারীরা সতর্ক হইতে পারে।

—

### স্বাধীনতার সূক্ষ্মতা

লর্ড জেটল্যাণ্ড তাঁহার অভিভাষণে বলিয়াছেন, “বাঙ্গালার, পশ্চিম প্রদেশে, সিন্ধুতে, এবং আসামে সরকারের নির্বাচিত শাসন-ব্যবস্থা অতি সুন্দর ভাবে পরিচালিত হইতেছে।” কি চমৎকার প্রশংসা! “সর্ব্বঃ কান্তমাস্বীয়ম্ পশ্চতি।” মানুষের স্বভাব এই যে, বাহার দ্বারা বাহার প্রয়োজন সিদ্ধ হয়, সে তাহাকেই আশ্রয় মনে করে; আশ্রয়কেই লোক সুন্দর দেখে। তাই বলিয়া বহুদর্শী ও প্রথরবুদ্ধি লর্ড জেটল্যাণ্ডের এই অশোভন অসার উক্তি শুনিয়া বিস্মিত না হইয়া থাকা যায় না। লীগের দ্বারা সাম্প্রদায়িক মুসলিম-প্রতিপত্তি কর্তৃক পরিচালিত বাঙ্গালার সরকার কিরূপ বোগ্যতা হইয়াছে তাহা বাঙ্গালার শাসন সংরক্ষণ কার্য করিতেছেন, তাহা ‘বিদিত হইবে।’ আবার পশ্চিম মুসলমান শাসন কি ভাবে পরিচালিত

হইতেছে তাহা ঐ প্রদেশের প্রশাসন বিভাগের অধ্যক্ষ (Director of Industries) রায় বাহাদুর রামলালকে অকালে কার্যক্ষেত্র হইতে বিদায় গ্রহণ করিতে বাধ্য করিতেই সুস্পষ্টরূপে বোধগম্য হইয়াছে। তথাকার সচিবদের বিরুদ্ধবাদীরা স্পষ্টই বলিয়াছেন যে, প্রধান-সচিবের কোনও ঘনিষ্ঠ-সম্পর্কিত লোককে কার্যে নিযুক্ত করিবার জগৎই রায় বাহাদুর রামলাল এই ভাবে অবসর গ্রহণ করিতে বাধ্য হইয়াছেন। বিকাশ-সাধন বিভাগের সচিব এই আশ্রয়তার কথা অস্বীকার করিয়া বলিয়াছেন, যে ব্যক্তিকে ঐ পদে নিযুক্ত করিবার সঙ্কল্প করা হইয়াছে সে ব্যক্তি মুসলমান হইলেও বোগ্যতার তাহার জোড়া ঝেলে না! এইরূপ অজুহাতে যদি হিন্দুদিগকে তাহাদিগের স্থায়ী পদ হইতে বিতাড়িত করা হয়,—তাহা হইলে সে শাসন কেমন সুন্দর লর্ড জেটল্যাণ্ডের তাহা বুঝিতে বিলম্ব না হইবারই কথা বটে! এমন দৃষ্টান্ত আর দেখা যায় কি? ঐ চারিটি অকংগ্রেস-শাসিত প্রদেশের শাসন-ব্যবস্থার প্রশংসা-কীর্তনে লর্ড জেটল্যাণ্ড কি জগৎ লজ্জা বোধ করিলেন না, তাগ বুঝাইতে লজ্জাকেও কি লজ্জা পাইতে হয় না? কিন্তু ‘গরজ্জকা নাহি লাজ!’

—

### প্রতিশ্রুতির পুনরাবৃত্তি

ভারত-সচিব কাঁকতালে ভারতবাসীকে উপনিবেশিক স্বায়ত্ত শাসন দানের আর এক দফা প্রতিশ্রুতি ধরবার করিয়াছেন; সুতরাং ‘দানে দানে ধূল-পরিমাণ!’ তিনি কি আশা করেন তাঁহার এই ফাকা আওয়াজেই ভারতের লোক-শুষ্ক-ভোজনের উদ্যোগ তুলিয়া পেটে হাত বুলাইবে? তাঁহার যখন বাহা-মৎকিঞ্চিৎ বিতরণ করিয়াছেন, তাহা এই প্রকার পুনঃ পুনঃ প্রতিশ্রুতির আড়ম্বরে আসর না জমাইয়াই দিয়াছেন, এবং চাল কাঁড়া কি আঁকাঁড়া সে সম্বন্ধে ভারতবাসীর অভিমতের বা অভিযোগেরও প্রতীকা করেন নাই! উদাহরণ স্বরূপ ১৯৩৫ খৃষ্টাব্দের ভারত-শাসন আইনের কথাই বলা যাইতে পারে। তাঁহার ভারতবাসীর মত না লইয়া একেবারে আচম্কা দড়াম করিয়া উহা ভারতবাসীর দুর্বল স্বন্ধে চাপাইয়া দিয়াছেন; তাহার পর সেই বোঝা বহিতে ভারতবাসী লবেজান! এবারও তাঁহার ঐ ভাবে ভারতবাসীর মতামত না লইয়া তাহাদের ঘাড়ে উপনিবেশিক স্বায়ত্ত শাসনের মধুর হাঁড়া চাপাইয়া দিলেন না কেন? প্রভু, কান্দালকে পুনঃ পুনঃ শাকের ক্ষেত আর দেখাইবেন না, খালি পেটে অত করুণা বরদাস্ত হইবে না; অনাহারের উপর অজীর্ণ সাংঘাতিক হইতে পারে। যদি ওয়েষ্ট মিনিষ্টারী ছাঁদের উপনিবেশিক স্বায়ত্ত শাসন দেওয়াই মালিকদের ইচ্ছা হয়, তাহা হইলে আবার দেশরক্ষার কথা উঠে কেন? ভারতবাসীর পক্ষে দেশ রক্ষার জগৎ ইংরেজের সাহায্য গ্রহণের প্রয়োজন হইবেই ত। সে ব্যবস্থা তখনকার রাষ্ট্রনায়কগণ পরামর্শ করিয়া স্থির করিবেন। উপনিবেশগুলির রক্ষার ভার যেমন গ্রেটব্রিটেন গ্রহণ করিয়াছেন ভারতের রক্ষার ভারও সেইরূপ গ্রেটব্রিটেনকে গ্রহণ করিতে হইবে। ঘোড়া নাই, চাবুক জুটিবে কিনা তাবিয়া দুশ্চিন্তায় ঘুম হইতেছে না! ইহা কি হান্তোদ্দীপক নহে?

—

## বৃটিশ জাতির বিরুদ্ধ

গত ২২শে অগ্রহায়ণ শুক্রবার লণ্ডনের ক্যান্টন হলে সার আলফ্রেড ওয়াটসন "ভারতের শাসন যন্ত্র ও সংগঠন" নামক একটি সন্দর্ভ পাঠ করেন। উহাতে তিনি বলেন যে, "আন্তর্জাতিক এই মহাসঙ্ঘটনের সময় ভারতীয় রাজনীতিকরা যে তাঁহাদের স্বায়ত্ত শাসন লাভের পথে অগ্রসর হইবার উপযুক্ত অবসর বুঝিয়াছেন, ইহাতে ইংরেজ জাতি স্তম্ভিত হইয়াছেন!" এই কথা লইয়া এদেশে অনেক আলোচনা হইয়া গিয়াছে। সম্প্রতি ক্রীযুত পিয়ারী লাল এ সম্বন্ধে "হরিজন" পত্রে একটি প্রবন্ধ লিখিয়াছেন। তাহাতে তিনি বলিয়াছেন, "বৃটিশ জাতির বিবেক-বুদ্ধি অনেকটা স্থিতিস্থাপক; অর্থাৎ উঠা যখন যেমন তখন তেমনই হইয়া দাঁড়ায়। কাজের সময় ইহারা গভীরবেদী হন, এবং স্তম্ভিত হন না।" ভারতের অন্ততম অবসরপ্রাপ্ত শাসক মিষ্টার এফ. জি. প্র্যাট (Pratt) ঐ সভায় উপস্থিত ছিলেন, তাহাতে তিনি বলিয়াছিলেন, বিগত যুদ্ধ যখন প্রবল ভাবে চলিতেছিল, তখন ১৯১৭ খৃষ্টাব্দের ১৬ই এপ্রিল তারিখে বিলাতে যে উপনিবেশিক মন্ত্রীদিগের মহাসম্মেলন হইয়াছিল, তখনও সেই সভায় ভারতকে স্বায়ত্ত শাসনের অধিকার দিবার কথা হইয়াছিল। তখন ড. কুশিয়ায় বিপ্লব উপস্থিত হইয়াছে, ভীষী শৈলমালায় তুমুল সংগ্রাম চলিতেছিল। কিন্তু তাহা সত্ত্বেও তখন কর্তৃপক্ষ উপনিবেশগুলির এবং ভারতের শাসন-সংস্কারের কথা বলিতে পারিয়াছিলেন। তখন ত এই ইংরেজ জাতি উপনিবেশগুলির অধিকার-প্রাপ্তির কথায় রাজনীতিক দরকষাকষির কথা বলেন নাই। এখন কেবল ভারতের ভাগ্যই বাক্যের জোয়ার ছুটিল! ভারতের লোক নিজের ঘর সামলাইবার কথা বলিলেই গৃহস্থের মন বুঝিবার জন্ত তাহাদের ঘরের বেড়া নাড়িয়া দেখিবার ধুম পড়িয়া যায়! বাক-বিভূতিতে এ দেশের লোককে সস্তম্ভ রাখিবার চেষ্টা কি কখন বিরাম হইবে?

## আজাদ সম্মেলন

গত ১৪ই বৈশাখ শনিবার নয়্যা দিল্লীতে মুসলমান সম্প্রদায়ের আজাদ সমিতির অধিবেশন আরম্ভ হয়; এই বৈঠকের অধিবেশন হইয়াছিল তিনদিন। ইহা আজাদি অর্থাৎ স্বাধীনতাকামী মুসলমান সম্প্রদায়ের সম্মেলন। খান বাহাদুর সেখ মহম্মদ জান অভ্যর্থনা সমিতির সভাপতি ও খান বাহাদুর আল্লাবক্স এই সমিতির মূল সভাপতি হইয়াছিলেন। অভ্যর্থনা সমিতির সভাপতি মুসলমান সম্প্রদায়কে স্বাধীনতালাভের জন্ত ত্যাগস্বীকার করিতে অস্বীকার করিয়াছেন। যথাকালে প্রকাশ, ঐ দিন অপরাহ্ন সাড়ে ৪ ঘটিকার সময় অধিবেশন আরম্ভ হইবার কথা ছিল—কিন্তু শ্রোতার এবং সদস্যের সংখ্যাধিক্য না হওয়ার সন্ধ্যা সাড়ে ৬টার পূর্বে সভার কার্য আরম্ভ করা সম্ভব হয় নাই। সভাপতির অভিভাষণে যে কষ্ট-কল্পনার আভাস ছিল, কথাগুলি সত্বেও বলিলে সেই ক্রটি সংশোধিত হইতে পারিত। এই সমিতি মুসলমানদের অন্তর্ভুক্ত বলিয়া স্বীকার করা হইলেও বহু বিষয়ে লীগের বিরোধী মত ইহাতে প্রকাশ হই-  
পূর্ণ স্বাধীনতার দাবী সম্বন্ধে এই সমিতি কংগ্রেসের সহিত

একমত; কিন্তু ইহা ভারতবর্ষকে জবাই করিয়া তাহার ধ্বংস ও মুগ্ধ দ্বারা হিন্দুস্থান এবং পাকিস্থান নির্মাণের প্রস্তাবের বিরোধী। গত ১৬ই বৈশাখের অধিবেশনে এই সমিতি যে প্রস্তাব গ্রহণ করিয়াছিলেন, তাহাতে সুস্পষ্টরূপেই বলা হইয়াছিল, "পূর্ণ স্বাধীনতাই তাঁহাদের কাম্য; ভারতবর্ষ সকল সম্প্রদায়ের জননী, এই হেতু উহা অবিভাজ্য। অধিকন্তু সাম্রাজ্যবাদের কতকগুলি পাণ্ডা বলিয়া থাকেন, মুসলমান সম্প্রদায়ই ভারতের স্বাধীনতালাভের পক্ষে অর্গলস্বরূপ, তাঁহাদের এ কথা সত্য নহে। মুসলমান সম্প্রদায় স্বাধীনতা-সংগ্রামে কাহারও পশ্চাতে পড়িয়া থাকা লজ্জাজনক মনে করেন," ইত্যাদি। ইহারা মুসলিম-লীগকে মুসলমান সম্প্রদায়ের একমাত্র মুখপাত্র বলিয়া মনে করেন না। এই সমিতিতে মৌলবী ও মৌলানাগণের সংখ্যা অল্প নহে। তাঁহারা নির্দিষ্ট সময় উত্তীর্ণ হইবার পর সভায় উপস্থিত হইয়াছিলেন। ইহারা আপনাদিগকে সাম্প্রদায়িকতার মোহপাশ হইতে মুক্ত করিতে পারেন নাই। সাম্প্রদায়িকভাবে গণপরিষদ-গঠন প্রস্তাবেই তাহা স্পষ্টপ্রকাশ।

## মন্ত্রিত্ব গ্রহণের পরামর্শ

সার জগদীশ প্রসাদ এবং সার নৃপেন্দ্র নাথ সরকার গত ১৪ই বৈশাখ দািল্লীতে হইতে এই অভিমত প্রচার করিয়াছেন যে, কংগ্রেস যে সাতটি প্রদেশে মন্ত্রিত্ব বর্জন করিয়াছেন, সেই সাতটি প্রদেশে তাঁহাদের অবিলম্বে মন্ত্রিত্ব গ্রহণ করা আবশ্যিক; তাঁহারা মন্ত্রিত্ব ত্যাগ করিয়া এইভাবে অচল অবস্থায় সৃষ্টি করিয়া রাখিলে সাম্প্রদায়িক সমস্যার কোন মতেই সমাধান হইতে পারিবে না। সার জগদীশ প্রসাদ আরও বলিয়াছেন,—লর্ড লিনলিথগো ভারতে থাকিতে এই অচল অবস্থার অবসান ঘটাইলে দেশের স্বার্থ সুরক্ষিত হইবে। সার নৃপেন্দ্র নাথ সার জগদীশ প্রসাদের উক্তির সমর্থন করিয়া আরও কিঞ্চিৎ অগ্রসর হইয়াছেন; বলিয়াছেন,—ভারতের মঙ্গল সাধন করিবার ক্ষমতা কংগ্রেসের আছে। তাঁহারা ইচ্ছা করিয়া সে কার্যভার ত্যাগ করিয়াছেন; কিন্তু যত অধিক দিন তাঁহারা উহাতে অবিচলিত থাকিবেন—তাঁহাদের প্রভাব ততই ক্ষয় পাইবে। অতএব অবিলম্বেই কংগ্রেসের মন্ত্রিত্ব গ্রহণ করা উচিত।—ইহারা উভয়েই ভারত সরকারের অতি উচ্চপদস্থ কর্মচারী ছিলেন। সেই জন্ত, ইহাদের উভয়ের মিলিত কণ্ঠের ঐক্যতানিক ধ্বনি শুনিয়া অনেকে মাথা নাড়িয়া নেপথ্যে যে মন্তব্য প্রকাশ করিতেছেন, তাহা সংশয়-তিরিরবর্জিত নহে; তবে ই সকল কথা ধয়ের ধায়ের দলের মুখ হইতে বাহির হইলে যেরূপ চাপা উপেক্ষার হাসি ও স্তম্ভিত বিজ্রপের বাণি ঘরে ও বাহিরে বাজিয়া উঠিত, তাহার অভাব লক্ষিত হইতেছে বটে; ইহার আরও একটি কারণ, উভয়েই স্বদেশের কল্যাণ কামনা করেন। বাগ 'হউক, লর্ড লিনলিথগো যদি এই সাম্প্রদায়িক সমস্যার সমাধানের জন্ত আন্তরিক চেষ্টা করেন—তাহা হইলে কংগ্রেস মন্ত্রিত্ব পুনঃগ্রহণ না করিলেও তাঁহার পক্ষে সমস্ত সমাধানের পথে অগ্রসর হওয়া অসম্ভব না হইতেও পারে। শ্রায় পথে ব্যবস্থা করিলে সাম্প্রদায়িক সমস্যার বা সংখ্যালঘিষ্ঠ ও সংখ্যাগরিষ্ঠ সমস্যার সমাধান করা কঠিন হইবে না। সকল সম্প্রদায়ই ত তাঁহাদের বক্তব্য বড়লাকের সকাশে পেশ করিয়াছেন; স্ব স্ব দাবীও তাঁহার গোচর

করিয়াছেন। এক্ষণে অবস্থায় তিনি যদি সম্পূর্ণ নিরপেক্ষ ভাবে এই সাম্প্রদায়িক সমস্যার সমাধানের চেষ্টা করেন—তাহা হইলে ভারতবাসী হিতৈষী-জ্ঞানে তাঁহাকে চিরদিনই শ্রদ্ধার অর্থ্য অর্পণ করিবে! প্রত্যেক সম্প্রদায় বাহাতে আশনাদের সংস্কৃতি, সভ্যতা, ধর্ম প্রভৃতি অক্ষুণ্ণ রাখিয়া চলিতে পারে যদি তাহার সুব্যবস্থা হয়, এবং যদি রাজনীতি-ক্ষেত্রে যোগ্যতা ও মনীষা যথাযোগ্যভাবে সমাদৃত হয়, তাহা হইলে এ সমস্যার সমাধান সম্ভব হইতে পারে। ইহা ভিন্ন অন্য পথ আছে বলিয়া মনে হয় না। সার নৃপেন্দ্রনাথ এই উপলক্ষে অনেক কথাই বলিয়াছেন। তিনি বলিয়াছেন, সংখ্যানুসারে নিজ সম্প্রদায়ের লোকের ভোটে নির্বাচিত হইয়া আপনাদের অধিকার অক্ষুণ্ণ রাখিবার জন্ত বাহাই চাহিবেন, তাহাই পাইবেন, সংখ্যাগরিষ্ঠ সম্প্রদায় তাহাতে কথাটিও কহিতে পারিবেন না, এক্ষণে ব্যবস্থা করিলে তখন যে অবস্থার উদ্ভব হইবে, তাহা অসম্ভব, এবং তদনুসারে কার্য করা কঠিন হইবে।—এ কথা সত্য; এবং যদি ইহাই ধার্য হয় যে, এক্ষণে ব্যবস্থা কেবলমাত্র সম্প্রদায়গত কৃষ্টি, সভ্যতা, এবং ধর্ম বিষয়ে নিবন্ধ থাকিবে, সাধারণ রাজনীতিক অধিকার সম্পর্কে তাহা ব্যবহৃত হইবে না,—তাহা হইলে তাহাতে বিশেষ ক্ষতি হইবে না। তিনি আর একটা কথা বলিয়াছেন— ভারতের ভবিষ্যৎ শাসনব্যবস্থায় বৃটিশ জাতির কোন হাত থাকিবে না,—এ কথাটা তর্কশাস্ত্রের আলোচ্য বিষয় হইতে পারে, কিন্তু উহা বাস্তবিক অবস্থার দিকে দৃষ্টি রাখিয়া বলা হইতেছে না। তর্কশাস্ত্র বা জায়শাস্ত্রের উপর বেশী জোর দেওয়া ঠিক নহে। ইংরেজ তাহা করেন না; মুসলমানেরাও তাহা করেন না। মুসলমানগণ সে জন্ত কিছু সুবিধা করিতে পারিয়াছেন—ইহাই সার নৃপেন্দ্রনাথের উক্তি। জায়ের পথ ছাড়িয়া সুবিধাবাদের পথ ধরা সম্ভব কি না, সে বিষয় লইয়া আমরা স্বধী সার নৃপেন্দ্রনাথের সহিত তর্ক করিতে ইচ্ছা করি না। কিন্তু সত্যের অহুরোধে একথা স্বীকার করিতেই হইবে যে, ১৯০৭ খৃষ্টাব্দে সুরাটের কংগ্রেসের অধিবেশন পর্য্যন্ত এবং তাহার পরেও কিছুদিন কংগ্রেস এই সুবিধাবাদের আশ্রয় করিয়া চলিয়াছিল; কিন্তু তাহাতে কোন সুবিধাই হয় নাই। আসল কথা, মুসলমানদিগের সুবিধার অন্ত কারণ আছে। আমরা এস্থলে সেই প্রশ্নের অবতারণা করিয়া বোলতার চাকে ধোঁচা দিতে চাহি না।

### স্বাস্থ্যবিজ্ঞান-শিক্ষা

বিজ্ঞানদের ছাত্রদিগকে হাতে-কলমে স্বাস্থ্য বিজ্ঞানের তথ্যগুলি বুঝাইবার জন্ত গত ১৪ই বৈশাখ শনিবার হইতে তিন দিন কলিকাতাস্থিত নিখিল ভারতীয় স্বাস্থ্য বিজ্ঞান প্রতিষ্ঠানে এবং কলিকাতা কর্পোরেশনের স্বাস্থ্য সম্পর্কিত বাহুঘরে (All India Institute of Hygiene and Calcutta Corporation of Health Museum) ছাত্রগণকে উপদেশদানের আয়োজন করা হইয়াছিল। ঐ দিন সকাল সাড়ে ৮টার মধ্যেই কলিকাতার বহু স্থলের শত শত ছাত্র উভয় স্থানই পূর্ণ হইয়াছিল। জনতা অত্যন্ত অধিক হওয়ায় চিত্র এবং আদর্শগুলি প্রদর্শন করিয়া ছাত্রদিগকে তাহা বুঝাইবার অনুবিধা হইয়াছিল। ছাত্ররা উহা শিখিবার জন্ত আগ্রহ প্রকাশ করিয়াছিল। স্বাস্থ্যরক্ষা-সংক্রান্ত

অনেক তথ্যই তাহাদিগকে বুঝাইয়া দেওয়া হইয়াছিল। বিরূপ জল পান করা উচিত, বিরূপ খাওয়া খাইলে দেহের পুষ্টি সাধিত হয় তাহা জানিয়া রাখা ভাল; কিন্তু গ্রামে বাহাদের বাস, বাহাদের নির্মূল পানীয় জলের অভাব, বাহারা পেট ভরিয়া খাইতে পার না, এই সকল উপদেশ তাহাদের পক্ষে নিষ্ফল, উপহাস মাত্র। বাহা হউক, কলিকাতা বিশ্ববিদ্যালয়ের ভাইস চ্যান্সেলার খান বাহাদের আজিজুল হক ছাত্রদিগকে কি প্রকারে শরীর এবং স্বাস্থ্যরক্ষা করিতে হয়, জীবনসংগ্রামে জয়লাভ করিতে হইলে দেহ এবং স্বাস্থ্যরক্ষা বিরূপ আবশ্যিক, ইহা বাঙ্গালা ভাষায় পরিস্কৃষ্টরূপেই বুঝাইয়া দিয়াছিলেন। ছাত্ররা এই সম্বন্ধে আলোকচিত্রাদি দেখিয়া আনন্দ লাভ করিয়াছিল। জীবনসংগ্রামে জয়লাভ করিতে হইলে সর্বোচ্চ জীবন ধারণের উপাদান সংগ্রহ করা আবশ্যিক, তাহা অর্থসাপেক্ষ; সেই অর্থসাপেক্ষের উপায় নির্ধারণই সর্বপ্রধান সমস্যা; এই সমস্যা সমাধানের চেষ্টা সর্বোচ্চ না করিলে অন্য কোন চেষ্টাই সফল হইবার সম্ভাবনা নাই।

### ভারতবর্ষীয় ব্যবস্থা পরিষদ

বর্তমান ভারতবর্ষীয় ব্যবস্থা-পরিষদ ১৯০৪ খৃষ্টাব্দের নির্বাচন দ্বারা সংগঠিত হইয়াছিল। বর্তমান ইহার থাকিবার কথা, তাহার প্রায় দ্বিগুণ কাল ইহাকে কার্যে নিয়োজিত রাখা হইয়াছে। বর্তমান ব্যবস্থানুসারে আগামী ১৪ই আশ্বিন (৩০শে সেপ্টেম্বর) ইহার স্থিতিকাল শেষ হইবার কথা। কিন্তু অতঃপর কার্যের ব্যবস্থা বিরূপ হইবে 'প্রশ্ন ইহাই এখন।' কেহ কেহ বলিতেছেন, যুদ্ধের সময় নির্বাচন বন্ধ রাখা হউক। যুদ্ধ কতদিন চলিবে কেহই তাহা বলিতে পারেন না। যদি যুদ্ধের স্থায়িত্বকালের উপর এই ব্যবস্থা-পরিষদের অস্তিত্ব নির্ভর করে, তাহা হইলে ভবিষ্যতে এই পরিষদকে অনির্দিষ্টকালের জন্ত টানিয়া লম্বা করিতে হইবে। তন্নিম্ন, কংগ্রেস কর্তৃক যদি আগামী শরৎকালে আইন অমান্য আন্দোলন আরম্ভ হয়, তাহা হইলে এই নির্বাচনের কাল পিছাইয়া দিতে হইবে। তবে গান্ধীজীর প্রস্তাব, সহসা তিনি আইন অমান্য আন্দোলন আরম্ভ করিবেন না। কংগ্রেস গণ-পরিষদ সম্বন্ধে দেশের লোকের অভিমত জানিবেন; মগ্নিম লীগও পাকিস্থানের প্রস্তাব সম্বন্ধে মুসলমান সমাজের পাকাপাকি মত জানিবার চেষ্টা করিবেন। অনেকেই ত পাকিস্থানের প্রস্তাব উদ্গাদের প্রেলাপ বলিয়া কাঁচাইয়া দিয়াছেন। এখন লর্ড লিনলিথগো এ বিষয়ে কি করিবেন? আগামী ২৫শে ভাদ্র (১০ই সেপ্টেম্বর) ভারতবর্ষীয় ব্যবস্থা পরিষদের শারদীয় অধিবেশন আরম্ভ হইবার কথা। কিন্তু মেঘাভ্রমর দেখিয়া মনে হইতেছে ইহার অধিবেশন কিছু পূর্বে হওয়াই সম্ভব। আর এতদিন ধরিয়া যদি নির্বাচন বন্ধ রাখা হয় তাহা হইলে উহাতে জনমত যথাযথভাবে প্রতিবিম্বিত হয় কি?

### আইন অমান্য আন্দোলন

গান্ধীজী সম্প্রতি 'হরিজন'-পত্রে আইন অমান্য আন্দোলনের প্রবর্তন সম্বন্ধে কতকগুলি বিশেষ কথা লিখিয়াছেন। তিনি স্পষ্ট ভাবে বলিয়াছেন, এখন সকলে মিলিয়া আইন ভঙ্গ আন্দোলন আর চালান হইবেই না। তবে কংগ্রেসের কার্য-নির্বাহক সমিতি আইন

অমাত্য আন্দোলনের কথা আলোচনা করিয়াছেন, তাহা তাঁহারা বিবেচনা পূর্বকই করিয়াছিলেন। যদি উহা প্রবর্তিত করিতেই হয়, তাহা হইলে কি ভাবে উহার প্রবর্তন করিতে হইবে, তাহা পরামর্শ-সমিতির বিচার্য বিষয় ছিল। তাঁহাদের কাছে অস্ত্র কোন বিচার্য বিষয় ছিল না। এখন কথা হইতেছে, যদি ইহা অবলম্বন করিতেই হয়, তাহা হইলে একমাত্র গান্ধীজীই তাহার রূপ প্রদান করিতে পারিবেন; অস্ত্র কেহ পারিবেন না। গান্ধীজীর মতে দেশে এখন বেরুপ-বিশৃঙ্খলা উপস্থিত হইয়াছে, তাহাতে এই সময় আইন অমাত্য আন্দোলন চালাইলে উগাও বিশৃঙ্খলাপূর্ণ এবং নিয়মবহির্ভূত ব্যাপারেই পরিণত হইবে। থাকসার আন্দোলন অহিংসার পথে চালিত হইতেছে না। যে সকল কৃষাণ গয়া এবং কিউল ট্রেনের মধ্যে ট্রেন থামাইয়াছিল, তাহাদের কার্যও বৈধ আইন অমাত্য নহে; অথচ ঐ কৃষাণরা কংগ্রেসেরই অন্তর্ভুক্ত। অতএব এখন আইন অমাত্য আন্দোলন চালাইবার সময় হয় নাই। রামগড়ে আইন অমাত্য আন্দোলন সম্বন্ধে এই প্রস্তাব গৃহীত হইয়াছে যে, গান্ধীজীর অনুমোদন ব্যতীত কংগ্রেস আইন অমাত্য প্রবর্তিত করিতে পারিবেন না। অতএব ইহা স্থির যে, এখন আইন অমাত্য আন্দোলন চলিবে না।

### প্রচারের বাহাদুরী

খাজা সার নাজিমুদ্দীন এবার জৌনপুর জিলা-মুন্সিম লীগের সভাপতি হইয়াছিলেন। এই উপলক্ষে তিনি যে বক্তৃতা করিয়াছিলেন তাহার সহিত সত্যনিষ্ঠার কতটুকু সম্বন্ধ ছিল,—তাহা সকলেই বুঝিতে পারিয়াছেন। তিনি বলিয়াছেন, লীগপন্থী মুসলমানরাও স্বাধীনতা কামনা করেন; তবে তাঁহাদের মনে এই একটা মস্ত ভয় জন্মিয়াছে যে, গণতান্ত্রিক শাসন ব্যবস্থায় সংখ্যাগরিষ্ঠ সম্প্রদায়ের চাপে, বাহারা সংখ্যাগরিষ্ঠ তাহারা নিশ্চিহ্ন হইয়া ধরাপৃষ্ঠ হইতে বিলুপ্ত হইবে! পৃথিবীর কোন দেশেই গণ-শাসনের ব্যবস্থায় সংখ্যাগরিষ্ঠ সম্প্রদায়ের চাপে নিশ্চিহ্ন হইয়া মুছিয়া যাওয়া ত দুরের কথা, কোনরূপ ক্রিষ্ট হইয়াছে, ইহাও বলা যায় না। যে রাজ্যে নিয়মাত্মক ভাবে গণ-শাসন প্রবর্তিত হইয়াছে,—তথায় ঐরূপ সম্বন্ধ উপস্থিত হইতেই পারে না; কারণ, প্রকৃত গণ-শাসনে ক্ষমতার পরিবর্তে মুক্তিরই প্রাধান্য প্রতিষ্ঠিত হয়। বাহারা মনে করেন যে, প্রকৃত গণ-শাসনে সংখ্যাগরিষ্ঠ সম্প্রদায় নিশ্চিহ্ন হইয়া মুছিয়া যাইতে পারে, তাঁহারা প্রকৃতপক্ষে গণ-শাসন সম্বন্ধে সম্পূর্ণ অজ্ঞ। খাজা সাহেবের যদি শাসন-ব্যবস্থা সম্বন্ধে মোটামুটি জ্ঞানও থাকিত, তাহা হইলে তিনি বুঝিতেন যে, সর্বপ্রকার হিতসাধক শাসনের,—বিশেষতঃ গণ-শাসনের,—মূলনীতিই হইতেছে যে, উহার আইন এবং রাজনৈতিক প্রতিষ্ঠানগুলি ঐরূপ ভাবে পরিচালিত করিতে হইবে যে, সর্বসাধারণের মঙ্গল-সাধনই যেন উহার লক্ষ্য হয়, এবং সাধারণের হিতসাধন করিবার জন্য কোন সম্প্রদায়-বিশেষকে বিশেষ অধিকার দেওয়া না হয়। কেবলমাত্র সাধারণের হিতসাধন করিবার জন্যই নিতান্ত আবশ্যিক হইলে ঐরূপভাবে বিশেষ অধিকার দিতে হইবে। (সিদ্ধউইক Elements of politics p. 582)। সুতরাং গণ-শাসন যদি ঠিক মত প্রতিষ্ঠিত হয়, তাহা হইলে কখনই উহার দ্বারা সংখ্যাগরিষ্ঠ সম্প্রদায়ের নিশ্চিহ্ন হইয়া মুছিয়া যাইবার সম্ভাবনা থাকি-

ত দুরের কথা, কোন সম্প্রদায়ের কোনরূপ অসুবিধা হইবার সম্ভাবনা থাকিবার পর্যন্ত কথা নয়। ইহাতে লাভ হইতেছে কাহার তাহা সম্বন্ধে হিন্দু এবং মুসলমান নেতৃবর্গ ভাবিয়া দেখিবেন।

### হুম্মুদৌল হোঃগঃফঃগঃ

শ্রীযুত সুভাষ বসুর দল কলিকাতা কর্পোরেশনের মুন্সিম লীগদলের সহিত যে যোগাযোগ করিয়াছেন, তাহাতে আমরা 'কোন চোখে বা হাসি, আর কোন চোখে বা কাঁদি!' আমরা ইহার পূর্বে সুভাষ বাবুর অনেক কার্যের সমর্থন করিয়াছি, কোন কোন কার্যের সম্বন্ধে ভিন্ন মতও প্রকাশ করিয়াছি। কিন্তু আমরা তাঁহার এই কার্যে যৎপরোনাস্তি বিস্মিত এবং হুঃখিত হইয়াছি। কংগ্রেসের কর্তৃপক্ষ কংগ্রেসের পক্ষ হইতে নির্দেশ দিয়াছিলেন যে, তাঁহারা কংগ্রেসের লোক বলিয়া কলিকাতা-কর্পোরেশনের নির্বাচনে কাহাকেও দাঁড় করাইবেন না; এ বিষয়ে তাঁহারা উদাসীনই থাকিবেন। কিন্তু তাহা হইলেও বসু মহাশয়ের দলস্থ বাহারা কংগ্রেসের সদস্য নির্বাচিত হইয়াছেন তাঁহারা আপনাদিগকে কংগ্রেসের লোক বলিয়া কেন পরিচিত করিলেন, তাহা আমরা বুঝি না। ইহা অসঙ্গত। অধিকন্তু, লীগের সহিত কংগ্রেসী উপদল সুভাষ বাবুর যোগাযোগ হইল কি উপায়ে তাহাও আমরা বুঝি নাই। সুভাষ বাবুর অগ্রগামী দল আর যাহাই করুক, তাহারা সমস্ত ভারতবর্ষের লোকদিগকে এক অঞ্চল জাতি মনে করে, এবং একই জাতীয়ভাবে প্রভাবিত করিতে চাহে। মুন্সিম-লীগ ভারতকে হিন্দুস্থান এবং পাকিস্থানে বিভক্ত করিয়া ইহাকে জীর্ণ করিয়া রাখিতে ইচ্ছা করে। মুন্সিম-লীগ কেবল বলিতেছে যে, কংগ্রেসী মুন্সিমগণী মুসলমান সম্প্রদায়ের উপর নিদারুণ অত্যাচার করিতেছে, অথচ সে সম্বন্ধে তাহারা একটি প্রমাণও উপস্থিত করিতে পারে নাই। সুভাষ বাবু যখন কংগ্রেসের প্রেসিডেন্ট ছিলেন, তখন তিনি কংগ্রেসের সহিত লীগের মিলন ঘটাইবার জন্য একাধিক বার জিন্নার দ্বারস্থ হইয়াছিলেন; কিন্তু তখনও তিনি মিলন ঘটাইতে পারেন নাই—এখন সে মিলন হইল কি করিয়া? সুভাষ বাবুকে এ ভাবে রাজনৈতিক পক্ষে লাফাইয়া পড়িতে দেখিয়া আমরা কেবল হুঃখিত নহি, স্তম্ভিত!

### মৌলবী মুজীবুর রহমান

গত ১৩ই বৈশাখ শুক্রবার মৌলবী মুজীবুর রহমানের মৃত্যু হইয়াছে। মৌলবী সাহেব জাতীয়তাবাদী মুসলমান ছিলেন। তিনি দক্ষতার সহিত 'মুসলমান' নামক সাময়িক পত্রিকার সম্পাদকীয় ত্রুত পালন করিয়াছিলেন। তাঁহার স্বদেশ উদার ছিল, এবং তিনি জাতীয়তাবাদী হিন্দুর সহিত দীর্ঘকাল একযোগে কার্য করিলেও স্বার্থের অহুরোধে কোন দিন তাঁহার মত পরিবর্তন করেন নাই। তাঁহার আর্থিক সচ্ছলতা না থাকিলেও অর্থের জন্য সম্পাদকের পবিত্র ত্রুত হইতে তাঁহাকে কখন বিচলিত হইতে দেখা যায় নাই। অসহযোগ আন্দোলনের সময় তিনি বঙ্গীয় প্রাদেশিক কংগ্রেস সমিতি ও খিলাফত সমিতির সম্পাদক ছিলেন। তিনি এক বৎসর কারাদণ্ড ভোগ করিয়াছিলেন। সততা ও স্বদেশাত্মবোধের জন্য সকলেই তাঁহাকে শ্রদ্ধা করিতেন। তাঁহার বহু সদৃশের কথা স্মরণ করিয়া আমরা তাঁহার মৃত্যুতে কোভ প্রকাশ করিতেছি।

পণ্ডিত অমূল্যচরণ বিজ্ঞানভূষণ

পরলোকে সুরেন্দ্রনাথ ঠাকুর

পণ্ডিত অমূল্যচরণ বিজ্ঞানভূষণ অসুস্থ দেহে কলিকাতা হইতে তাঁহার ঘাটশীলার ভবনে গমন করিয়া ১০ই বৈশাখ মঙ্গলবার হঠাৎ প্রাণত্যাগ করিয়াছেন। স্বর্গীয় বিজ্ঞানভূষণ নানা ভাষায় অভিজ্ঞ ছিলেন। বঙ্গসাহিত্যে তাঁহার আন্তরিক অনুরাগ ছিল। তিনি কিছুদিন 'ভারতবর্ষ'র অঙ্গতর সম্পাদকের পদে নিযুক্ত ছিলেন; তাহার পর একে একে 'সঙ্কল্প' 'পঞ্চপুষ্প' প্রভৃতি কয়েকখানি মাসিক পত্র প্রকাশ করিয়াছিলেন; তন্মধ্যে পঞ্চপুষ্পই

মহর্ষি দেবেন্দ্রনাথ ঠাকুরের পৌত্র, এবং সর্ব-প্রথম ভারতীয় সিভিলিয়ান সত্যেন্দ্রনাথ ঠাকুরের একমাত্র পুত্র সুরেন্দ্রনাথ ঠাকুর গত ২০শে বৈশাখ শুক্রবার রাত্রি প্রায় সাড়ে দশটার সময় প্রায় ৭০বৎসর বয়সে তাঁহার বালিগঞ্জস্থ ভবনে প্রাণত্যাগ করিয়াছেন।

পরদিন প্রভাতে সাকুলার রোডস্থ শবদাহ-স্থলে তাঁহার অন্ত্যেষ্টিক্রিয়া সম্পন্ন হয়।

সুরেন্দ্রনাথ ঠাকুর সাহিত্যাত্ম-ভাগী ছিলেন; তিনি সাহিত্যাত্ম-শীলনে তাঁহার পিতৃব্য শ্রীযুক্ত রবীন্দ্রনাথ ঠাকুরকে যথেষ্ট সাহায্য করিতেন, এবং ইংরেজী সাহিত্যেও তাঁহার গভীর জ্ঞান ছিল। কিন্তু তিনি সাহিত্যে স্থায়ী-কিছু রাখিয়া যান নাই। তাঁহার হৃদয় স্নেহ-প্রবণ ও উদার ছিল; তাঁহার সহিত ঘনিষ্ঠভাবে মিশিবার সুযোগের অভাবে জনসাধারণ কোন দিন তাঁহার হৃদয়ের পরিচয় পায় নাই। তাঁহার জ্ঞানার্জন-স্পৃহাও অনন্তসাধারণ ছিল। রবীন্দ্রনাথের অনেক রচনা তিনি ইংরেজী ভাষায় অনুবাদ করিয়াছিলেন। বীমার কার্যে তাঁহার অসাধারণ অভিজ্ঞতা ছিল। তিনি এদেশে বীমার উন্নতি-বিষয়ে যথেষ্ট সাহায্য করিয়াছিলেন। বাঙ্গালার একটি বীমা-প্রতিষ্ঠানের সহিত বহুদিন তাঁহার সংস্ক ছিল। সুরেন্দ্রনাথের বৃদ্ধা জননী এখনও জীবিতা আছেন; তিনি একমাত্র পুত্রের বিয়োগে বার্ষিক্যে যে শোক পাইলেন, তাহার সামান্য নাই। আমরা সুরেন্দ্রনাথের শোকান্ত পরিজনবর্গকে আন্তরিক সমবেদনা জ্ঞাপন করিতেছি।



সুরেন্দ্রনাথ ঠাকুর



অমূল্যচরণ বিজ্ঞানভূষণ

কিছুদিন স্থায়ী হইয়াছিল। তিনি মিষ্টভাবী ও নিরহঙ্কার ছিলেন, এবং বাক্যচ্ছটারও লোকের চিত্তাকর্ষণ করিতে পারিতেন। ভাষা সম্বন্ধে তিনি গবেষণাকার্যে হস্তক্ষেপ করিয়া শেষজীবনে দ্বিতীয় 'মহাকোষ' সঙ্কলনে প্রবৃত্ত হইয়াছিলেন; কিন্তু তাহা শেষ করিয়া যাইতে পারেন নাই। তাঁহার মৃত্যুতে বাঙ্গালা দেশে একজন বহু-ভাষাবিদেব অভাব হইল। মৃত্যুকালে তাঁহার বয়স ৬৩ বৎসর হইয়াছিল।



জর্জ লাস্কর

জর্জ লাস্কর  
পরলোকে


সম্প্রতি জর্জ লাস্করীর মৃত্যু হওয়ার ইংরেজের মধ্যে ভারতের একজন প্রকৃত হিতৈষীর অভাব হইল। বিগত যুরোপীয় মহাযুদ্ধের অবসান-কালে এই বিচক্ষণ রাজনীতিক স্পষ্ট-ভাষায় বলিয়াছিলেন, যুটেন, সার্কিয়া ও মন্টিনিগ্রোর যে স্বাধীনতার অল্প সংগ্রাম করিতেছে বলিতেছে,—ভারতবর্ষকে যদি সেই পরিমাণ স্বাধীনতা প্রদান না

করে, তবে সে অজ্ঞাত জাতির স্বায়ত্ত শাসনের দাবী লইয়া শান্তি-সম্মিলনে বাইতে পারে না।—তাঁহার এই হুঁশা পূর্ণ হয় নাই বটে, কিন্তু এই উদ্ভিতে তাঁহার স্বপ্নের পরিচয় পাওয়া গিয়াছিল। তাঁহার জায় নিভীক ও স্পষ্টবাদী হিতৈষীর মৃত্যুতে ভারতের শিক্ষিত সমাজ আজ ক্ষুব্ধ। তিনি ১৮৫৯ খৃষ্টাব্দের ফ্রেব্রুয়ারী মাসে জন্মগ্রহণ করিয়াছিলেন। তাঁহার জীবন বৈচিত্র্যবহুল। তিনি পার্লামেন্টের সদস্য ছিলেন, কিন্তু স্পষ্টবাদিতার জন্ম তাঁহাকে পার্লামেন্টে প্রবেশাধিকারে বঞ্চিত করা হয়। ১৯২২ খৃষ্টাব্দে তিনি পার্লামেন্টে পুনঃ প্রবেশ করেন। তিনি লেনীনকে অত্যন্ত শ্রদ্ধা করিতেন। ১৯৩১ খৃষ্টাব্দে তিনি শ্রমিকনেতৃত্ব হইয়াছিলেন। তিনি ইটালীর আভিসিনিয়া আক্রমণের প্রতিবাদে ইটালীর বিরুদ্ধে সামরিক 'স্বাংসনের' সমর্থন করেন। চিরদিনই তিনি অজ্ঞায়ের বিরুদ্ধে সংগ্রাম করিয়া গিয়াছেন। এতদিনে সেই সংগ্রামের অবসান হইল; ভগবান তাঁহার আত্মাকে শান্তি দান করুন।

### শেখ-মুহাম্মদ

কলিকাতা হাইকোর্টের প্রতিষ্ঠাপন এটর্নী রমেশলাল গুপ্ত গত ২রা এপ্রিল মঙ্গলবার রাত্রি প্রায় বারটার সময় তাঁহার ধর্মতলাস্থ বাসভবনে পরলোক গমন করিয়াছেন।

রমেশলাল বাবু ১৯২৬ খৃষ্টাব্দে আইন-ব্যবসায় আরম্ভ করিয়া



রমেশলাল গুপ্ত

অধ্যবসায় এবং আইন-শাস্ত্রে পারদর্শিতাবলে অল্পদিনেই ব্যবসায়ের যথেষ্ট উন্নতি লাভ করিয়াছিলেন। তাঁহার স্বপ্ন দয়ার পূর্ণ ছিল; বহু অতাবশ্রম ব্যক্তিকে তিনি অর্থ সাহায্য করিতেন। তিনি বিধবা পত্নী, এক পুত্র, এবং দুই কন্যা রাখিয়া গিয়াছেন।

### সুরেশ্বরী দেবীর স্মৃতি-পূজা

কলিকাতা নিম্ন গোবিন্দীর লেনের মহীয়সী মহিলা স্বর্গীয় সুরেশ্বরী দেবী আহিরীটোলা পল্লীর হিতসাধন ত্রুতে আত্মনিবেদন করিয়া-ছিলেন। তাঁহার মত স্বধর্ম নিষ্ঠাবতী—বুদ্ধিমতী প্রবীণা মহিলার



সুরেশ্বরী দেবী

সংখ্যা বর্তমান যুগে দিন-দিন বিয়ল হইতেছে। তিনি স্বর্গে দাতব্য হোমিওপ্যাথি চিকিৎসালয়ের প্রতিষ্ঠা করিয়া জনসেবার সুব্যবস্থা করিয়া গিয়াছেন। এই ইংরেজী শিক্ষাসভ্যতার অন্ধ অন্ধকরণের যুগে সংস্কৃত শিক্ষার প্রসার তাঁহার একান্ত কাম্য ছিল। তাঁহার স্মৃতিপূজা উপলক্ষেও বাঙ্গালার বিভিন্ন টোলে সাহায্য প্রদত্ত হইয়াছে জানিয়া আমরা আনন্দিত হইয়াছি।

### স্বর্গীয় নগেন্দ্রনাথ দেব

গত ২১শে বৈশাখ শনিবার অপরাহ্নে কবিশেখর নগেন্দ্রনাথ সোম ৭০বৎসর বয়সে তাঁহার কলিকাতাস্থ ভবনে প্রাণত্যাগ করিয়াছেন। তিনি পাটনার ওভারসিয়ারী পরীক্ষায় উত্তীর্ণ হইয়া বিভিন্ন স্থানে কাজ করিয়াছিলেন; পরে কলিকাতার কর্পোরেশনের কার্যেও অনেক দিন নিযুক্ত ছিলেন। তিনি সেকালের বহু মাসিক পত্রিকায় প্রবন্ধ ও কবিতা প্রভৃতি লিখিয়াছিলেন; কিন্তু মাইকেল মধুসূদনের জীবন-চরিতই তাঁহার রচিত বহু তথ্যপূর্ণ প্রধান গ্রন্থ। তিনি চিরকুমার ছিলেন। ভগবান এই মধুসূদনের সাহিত্য-সেবকের আত্মার কল্যাণ করুন।

### শ্রীমতীশচন্দ্র সুখোপাধ্যায় সম্পাদিত

কলিকাতা, ১৬৬ নং বহুবাজার স্ট্রীট, 'বহুমতী' মোটরী মেসিনে শ্রীশশিকৃষ্ণ দত্ত মুদ্রিত ও প্রকাশিত।





ভাড়াভাড়া

[ জ্যৈষ্ঠ, ১৩৪৭ ]

[ শিল্পী—মিস্টার উমানন্দ ]







১৯শ বর্ষ ]

জ্যৈষ্ঠ, ১৩৪৭

[ ২য় সংখ্যা ]



## শাক্ত-সিদ্ধান্তের পরিচয়



বর্তমান সময়ে ভারতবর্ষে যত প্রকার উপাসক-সম্প্রদায় প্রাচীন কাল হইতে প্রচলিত আছে, তাহাদের মধ্যে প্রায় সকল সম্প্রদায়ের উপাসনা-

শাক্তকে প্রমাণরূপে স্বীকার করিয়া থাকেন, তাহা হইলে তাঁহাদের পরস্পর মতভেদ হয় কেন? একটি সম্প্রদায়ের মধ্যেও আমরা নানারূপ

পদ্ধতিই তন্ত্রের প্রভাবে প্রভাবিত; এই তন্ত্রের প্রভাব একরূপভাবে বিস্তৃত হইয়া পড়িয়াছে যে, বৈদিক এবং পৌরাণিক উপাসনা-পদ্ধতির মধ্যেও তাহার চিহ্ন লক্ষ্য করিতে পারা যায়। তান্ত্রিক-সম্প্রদায়ের ভেদও বহুপ্রকার। এই সকল সম্প্রদায়ের প্রত্যেক সম্প্রদায়ই কোন না কোন একটি দার্শনিক মতবাদকে অবলম্বন করিয়া প্রতিষ্ঠিত। আমরা বর্তমান প্রবন্ধে শাক্ত-সম্প্রদায়ের দার্শনিক সিদ্ধান্ত সম্বন্ধে কিঞ্চিৎ আলোচনা করিব।

অবাস্তর ভেদ দেখিতে পাই কেন? ইহার উত্তরে বক্তব্য এই যে, শাক্ত এবং সম্প্রদায়-প্রবর্তক পুরুষ এক হইলেও পরবর্তী আচার্য্যগণ নিজ নিজ অনুভব অনুসারে সেই সকল শাক্ত ও গুরুর উক্তির বেরূপ তাৎপর্য্য হৃদয়ঙ্গম করিয়াছেন, তদনুসারে তাঁহারা শাক্ত এবং গুরুবাক্যের ব্যাখ্যা করিয়া গিয়াছেন। তাঁহাদের ব্যাখ্যা-পদ্ধতি অনুসারে সিদ্ধান্তের মধ্যে কিছু কিছু বিভিন্নতা লক্ষিত হইলেও, মূলতঃ প্রত্যেক সম্প্রদায়ের লক্ষ্য এক একটি কেন্দ্রের অভিমুখে নিয়ন্ত্রিত আছে। এইরূপ মত-ভেদের হাত হইতে অবৈদিক জৈন এবং বৌদ্ধগণও নিষ্কৃতি লাভ করিতে পারেন নাই; এই জন্তই জৈনদের মধ্যে খেতাঘর ও দিগঘর নামক দুইটি বিভিন্ন সম্প্রদায়ের সত্তা লক্ষিত হয়। বৌদ্ধগণের মধ্যে সৌত্রান্তিক, বৈভাষিক, যোগাচার ও মাধ্যমিক নামক চারিটি প্রধান সম্প্রদায় এবং সেই চারিটি সম্প্রদায়ের অন্তর্গত অবাস্তর অনেক সম্প্রদায়

এই প্রসঙ্গে এখানে বক্তব্য—চার্কা-মত ব্যতীত ভারতবর্ষের সমস্ত দার্শনিক মতবাদেই শাক্তকে অর্থাৎ আপ্ত-বাক্যকে কোন না কোন ভাবে প্রমাণরূপে স্বীকার করা হইয়াছে; বৌদ্ধ এবং জৈন দার্শনিকগণ যদিও বেদকে প্রমাণরূপে স্বীকার করেন নাই, তথাপি তাঁহারা তাঁহাদের সম্প্রদায়-প্রবর্তক মূল গুরুর উক্তিকে প্রমাণরূপে স্বীকার করিয়াছেন।

এখানে একটি প্রশ্ন উঠে যে, যদি সকল সম্প্রদায়ই

দেখিতে পাওয়া যায় (১)। বৌদ্ধ দার্শনিকগণও এ বিষয় লক্ষ্য করিয়াছিলেন,—শিখ্যগণের বুদ্ধির বৈলক্ষ্য্য অঙ্গুণারে গুরুবাক্যের তাৎপর্য্য বিভিন্নভাবে প্রচারিত হওয়ার সম্প্রদায়ভেদ হইয়াছে, একথা তাঁহারাও বলিয়া গিয়াছেন (২)।

মহাসংহিতার কুলুকভট্টেব টীকার দ্বিতীয় অধ্যায়ের প্রারম্ভে (২১) একটি হারীতের বচন উদ্ধৃত করা হইয়াছে, “ঋতিষ্ঠা দ্বিবিধা, বৈদিকী তান্ত্রিকী চ”। এই বচনের বঙ্গদেশে অনেকে এইরূপ ব্যাখ্যা করেন;—ঋতি দুই প্রকার, বৈদিকী ও তান্ত্রিকী; বৈদিক ঋতি অন্তকে অপেক্ষা না করিয়া বেরূপ ধর্মে প্রমাণ, তান্ত্রিকী ঋতিও সেইরূপ স্বতন্ত্রভাবে ধর্মে প্রমাণ; অর্থাৎ বেদ বেরূপ নিজের প্রামাণ্যের জন্ত তন্ত্রের বা অন্য কোন প্রমাণের অপেক্ষা না করিয়া স্বতন্ত্রভাবে প্রমাণ, তন্ত্রও সেইরূপ বেদের বা অন্য কোন কিছু অপেক্ষা না করিয়া স্বতন্ত্রভাবে প্রমাণ। বেদ ও তন্ত্র দুইটি সম্পূর্ণ পৃথক বস্তু; ইহাদের প্রবর্তিত পথ সম্পূর্ণ বিভিন্ন; যদি কোন স্থানে বেদের সহিত তন্ত্রের বিরোধ ঘটে, তাহা হইলে এই বিরোধের জন্ত যেমন বেদের অপ্রামাণ্য হয় না, সেইরূপ এই বিরোধের ফলে তন্ত্রেরও অপ্রামাণ্য হইতে পারে না; যেহেতু, তন্ত্র স্বয়ং প্রমাণ।

সুপ্রসিদ্ধ দার্শনিক অঙ্গর দীক্ষিত এইভাবে তন্ত্রের প্রামাণ্য স্বীকার করেন নাই। একসময়ের শ্রীকৃষ্ণ-প্রণীত শৈববিশিষ্টাষ্টমত-মতানুযায়ী যে ভাষ্য আছে, অঙ্গর দীক্ষিত “শিবাকর্মণীদীপিকা” নামে তাহার একখানি বিস্তৃত টীকা রচনা করিয়াছেন; সেই টীকায় তিনি প্রসঙ্গক্রমে তন্ত্রের প্রামাণ্য বিচার করিতে বাইয়া বলিয়াছেন, তন্ত্র দুই শ্রেণীতে বিভক্ত;—কতকগুলি তন্ত্র বেদের অঙ্গুকুল এবং কতকগুলি তন্ত্র বেদ-বিরুদ্ধ। যাহারা বেদে অধিকারী, বেদাঙ্গুকুল

তন্ত্রগুলি তাঁহাদের জন্ত; যাহারা বেদে অধিকারী নহেন, বেদবিরুদ্ধ তন্ত্রগুলিতে তাঁহাদের অধিকার (৩)।

শাক্ত দার্শনিক ভাস্কর রায় বলিয়াছেন,—তন্ত্রশাস্ত্র ধর্মশাস্ত্রের (স্বতিশাস্ত্রের) অন্তর্গত (৪)। তন্ত্রশাস্ত্র ধর্মশাস্ত্রের অন্তর্গত হইলেও মনু-প্রভৃতি-প্রণীত ধর্মশাস্ত্র হইতে তন্ত্রশাস্ত্রের যে বৈলক্ষ্য্য আছে, তাহার উল্লেখ করিতে তিনি ভুলেন নাই। ভাস্কর রায় বলিয়াছেন, মনুদি-প্রণীত স্বতি বেদের কর্মকাণ্ডের অঙ্গুকুল হওয়ার সেগুলি বেদের কর্মকাণ্ডভাগের উপযোগী; তন্ত্রশাস্ত্র স্বতিশাস্ত্র হইলেও বেদের কর্মকাণ্ডের সহিত উহার সম্পর্ক নাই, উহা বেদের কর্মকাণ্ডের উপযোগী (৫)।

শাক্ত দার্শনিকগণের মধ্যে ভাস্কর রায় এক জন অতি প্রধান ব্যক্তি। ভাস্কর রায় সর্বশাস্ত্রে সুপণ্ডিত ছিলেন। তিনি শ্রীবিষ্ণুর উপাসক ছিলেন এবং তাঁহার উপাসনা কৌলপদ্ধতির অনুযায়ী ছিল—ইহা তাঁহার লিখিত নানা গ্রন্থ ও পরম্পরা-প্রচলিত কিংবদন্তী হইতে বুঝিতে পারা যায়। নানা প্রমাণের বিচার করিয়া স্থির করা হইয়াছে, ভাস্কর রায় অষ্টাদশ শতাব্দীতে বিদ্বান ছিলেন (৬)।

(৩) দ্রষ্টব্য—শিবাকর্মণীদীপিকা ২।২।৪৮, ৪২। আচার্য্য শঙ্করের সৌন্দর্যালঙ্কারী লক্ষ্মীধরকৃত টীকাতেও এই কথা বলা হইয়াছে (৩১ শ্লোকের ব্যাখ্যা দ্রষ্টব্য)।

(৪) তন্ত্রাণাং ধর্মশাস্ত্রে অন্তর্ভাবঃ।—ভাস্কররায়কৃত বরивস্ভারহস্তপ্রকাশ ১।৬

পণ্ডিত-প্রবর শ্রীযুক্ত পঞ্চানন তর্করত্ন মহাশয় তাঁহার “শক্তিভাষ্যে” (৩।১।২৫) হারীতের উক্ত বচনের বঙ্গদেশে প্রচলিত অর্থের অঙ্গুসরণে তন্ত্রকে ঋতির মধ্যে গ্রহণ করিয়াছেন,—“ঋতিরপি ত্বেধা, বৈদিকী তান্ত্রিকী চ”। ভাস্কররায় তন্ত্রকে ঋতি বলেন নাই। ঋতির অঙ্গুগামী বলিয়াছেন—“সর্বপ্রমাণমুৎকরণা ঋত্যা তদঙ্গুসারিতন্ত্রেষু চ” (বরивস্ভারহস্তপ্রকাশ ১।৬)। ভাস্কর রায় তন্ত্রের ধর্মশাস্ত্রের মধ্যে পরিগণনার অঙ্গুকুলে তাঁহার তন্ত্রাণ্ড-ব্যাখ্যানে যে বিস্তৃত বিচার প্রদর্শন করিয়াছেন, তাহারও উল্লেখ করিতে ভুলেন নাই। দ্রষ্টব্য—বরивস্ভারহস্তপ্রকাশ ১।৬।

(৫) পরমার্থতন্ত্র তন্ত্রাণাং স্বতিদ্বাবিশেষেহপি মনাদিন্দুতীনাঃ কর্মকাণ্ডশেষতঃ তন্ত্রাণাং ত্রক্ষকাণ্ডশেষতমিতি সিদ্ধান্তাৎ।—সৌভাগ্যভাস্কর (ললিতাসহস্রনামভাষ্য) প্রথম শতকের উপক্রম

(৬) We may therefore unreservedly assume that the literary career of Bhaskara Raya lasted from beginning of the 18th Century A. D. to some where near 1768 A. D.—Introduction (Barivasyarahasya, Adyar edition, 1934.)

P. XXIY.

(১) এইরূপ মতভেদ মুসলমান এবং খৃষ্টানসম্প্রদায়েও আছে; মুসলমানগণের সিয়া ও সুন্নী সম্প্রদায় ব্যতীত সুফি প্রভৃতি সম্প্রদায়ের কথা অনেকেরই সুবিদিত; খৃষ্টানসম্প্রদায়েও রোমান ক্যাথলিক ও প্রটেস্ট্যান্ট সম্প্রদায় ছাড়া আরও অনেক অবাস্তব সম্প্রদায় আছে।

(২) দেশনা লোকনাথানাং সঙ্ঘাশয়-বশাঙ্গুগাঃ।

ভিত্তান্তে বহুধা লোক উপায়ৈবহুভিঃ পুনঃ।—বৌদ্ধ-চিন্তা-বিবরণ,—ভাস্করীতে (২।২।১৮) উদ্ধৃত।

সামরা এই প্রবন্ধের অনেক স্থলে ভাস্কর রায়ের মত উদ্ধৃত করিব।

ভারতীয় দার্শনিক সম্প্রদায়ের মধ্যে প্রধান ভাবে তিনটি সিদ্ধান্ত প্রচলিত,—আরম্ভবাদ ( ৭ ), পরিণামবাদ ( ৮ ), এবং বিবর্তবাদ ( ৯ )। শাস্ত্র দার্শনিকগণ পরিণামবাদ স্বীকার করিতেম।

পরম শিব জ্ঞানস্বরূপ,—এই জ্ঞানকে প্রকাশ শব্দের দ্বারা অভিহিত করা হয় ( ১০ )। এই জ্ঞানের আনন্দরূপ যে অংশ, আগম শাস্ত্রে তাহাকে সুরগ, পরা-হংতা, বিমর্শ, পরা, ললিতা ভট্টাট্টিকারিকা, ত্রিপুরসুন্দরী প্রভৃতি শব্দের দ্বারা নির্দেশ করা হইয়া থাকে ( ১১ )। এই সুরগ বা বিমর্শ ইহা জ্ঞানস্বরূপ ব্রহ্মের স্বাভাবিক শক্তি ; এই বিমর্শশক্তির সহায়তায় শিব জগতের

উৎপত্তি, পালন এবং সংহার করিয়া থাকেন ( ১২ )। তন্ত্রশাস্ত্রে পরমেশ্বরের পঞ্চ কৃত্য ( কার্য ) বর্ণিত আছে। উৎপত্তি, পালন এবং সংহার ব্যতীত পরমেশ্বরের অপর দুইটি কৃত্য আছে,—তিরোধান ও অমুগ্রহ ( ১৩ )। এই বিমর্শ-শক্তির সহায়তায় পরমেশ্বরের এই দুইটি কৃত্যও ( তিরোধান ও অমুগ্রহ ) নির্বাহিত হইয়া থাকে ( ১৪ )। শিব ও শক্তির মধ্যে একটি সম্বন্ধ আছে,—সেই সম্বন্ধের নাম 'সামরস্বসম্বন্ধ' ; এই সামরস্বসম্বন্ধে শক্তিবিশিষ্ট শিব পরব্রহ্ম ( ১৫ )। ইহার তাৎপর্য এই—শক্তি ও শিব পরস্পর অভিন্নভাবে পরস্পরের মধ্যে অমুস্থ্যত আছেন, এই অবস্থাই সমরস অবস্থা ; এই সমরসভাবে মিলিত শক্তি ও শিব পরব্রহ্ম ; কেবল শিব অথবা কেবল শক্তি পরব্রহ্ম নহেন। শক্তি ও শিব—এই উভয়ের মধ্যে একটা অচ্ছেদ্য সম্বন্ধ বিদ্যমান আছে, ইহা স্বীকার করিতে হইবে। এই সম্বন্ধ একরূপ ঘনিষ্ঠ যে, ইহাকে "সামরস্ব" নাম ব্যতীত অন্য নামে অভিহিত করিতে পারা যায় না। সম্পূর্ণ পৃথক দুইটি পদার্থের মধ্যেই একটি সম্বন্ধ বিদ্যমান থাকিতে পারে, ইহা আমরা জাগতিক ব্যবহারক্ষেত্রে লক্ষ্য করিয়া আসিতেছি। আমাদের এই জাগতিক অভিজ্ঞতার ফলে মনে হইতে পারে,—শিব ও শক্তির মধ্যে একটি সম্বন্ধ বিদ্যমান আছে, অতএব এই দুইটি পরস্পর সম্পূর্ণরূপে

( ৭ ) কোন পরম সূক্ষ্ম অবিভাজ্য বস্তু তাহারই সদৃশ অল্প বৃদ্ধ বস্তুর সহিত সংযুক্ত হইয়া ক্রমে মূল বস্তুরূপে উৎপন্ন হইয়া থাকে,—ইহাই আরম্ভবাদ ; নৈয়ায়িক, বৈশেষিক, ভাট্ট-মীমাংসক, জৈন প্রভৃতি দার্শনিকগণ আরম্ভবাদী।

( ৮ ) কোন একটি সূক্ষ্ম বস্তু ক্রমশঃ অবস্থান্তর প্রাপ্ত হইয়া মূলরূপে পরিণত হইয়াছে,—ইহা পরিণাম-বাদ ; সাংখ্য, পাতঞ্জল, ভট্টাট্টিকার, বল্লাভাচার্য্য, নিম্বার্ক, রামানুজ, মাধব গোড়ীয়বৈষ্ণব প্রভৃতি দার্শনিকগণ পরিণামবাদী।

( ৯ ) কোন পরমার্থ বস্তুর কোন বিকার মা ঘটিয়াও বিকৃত-রূপে যে প্রতীতি,—ইহাই বিবর্ত ; আচার্য্য শঙ্কর এই বিবর্ত-বাদের প্রধান সমর্থক। ইহা ব্যতীত কাশ্মীরের প্রত্যভিজ্ঞামতা-বলধী আচার্য্যগণ "স্বাত্মবাদ" নামক পৃথক সিদ্ধান্ত স্বীকার করিতেম। সৌত্রান্তিক ও বৈভাবিক বৌদ্ধগণ পরমাণুবাদী ছিলেন, তাহাদের সিদ্ধান্তের নাম "সংঘাতবাদ"। নৈয়ায়িক, বৈশেষিক ও জৈন দার্শনিকগণ পরমাণুবাদী হইলেও আরম্ভবাদী ; ভাট্ট-মীমাংসক ভ্রমরকেই নিত্য বলিয়া স্বীকার করিতেম এবং আরম্ভবাদের সমর্থক ছিলেন।

( ১০ ) জ্ঞানমেব প্রকাশাভিধং—বরিবস্ত্রাহস্ত প্রকাশ ১।৩

( ১১ ) তন্ত্র চান্দ্ররূপাংশ এব সুরগং পরাহংতা বিমর্শঃ পরা-হংতাভট্টাট্টিকারিকা ত্রিপুরসুন্দরীত্যাদিপদৈর্ব্যবহৃত্যতে ;—বরিবস্ত্রা-হস্ত প্রকাশ ১।৩

এখানে ইহা বস্তুব্য, ভাস্কর রায় স্বয়ং ত্রিপুরসুন্দরীর উপাসক ছিলেন ; এই তন্ত্র ব্রহ্মশক্তিকে ত্রিপুরসুন্দরীরূপে বর্ণনা করিয়াছেন। যাহারা তন্ত্র দেবীর উপাসক, তাহাদের পক্ষে তন্ত্র উপাস্ত্র দেবীকে ব্রহ্মশক্তিরূপে বুঝিতে হইবে। এই ভিত্তিতে ভাস্কর রায় এখানে "ইত্যাদি" শব্দের প্রয়োগ করিয়াছেন।

( ১২ ) নৈসর্গিকী সুরতা বিমর্শরূপাহস্ত বর্ডতে শক্তিঃ।

তদ্যোগাদেব শিবো জগৎপাদয়তি পাতি সংহরতি চ।

বরিবস্ত্রাহস্ত ১।৪

এখানে "তদ্যোগাদেব" এই স্থলে "এব" শব্দের প্রয়োগ করার ইহা স্মৃতি হইতেছে, এই শক্তির সম্পর্ক ব্যতিরেকে কেবল জ্ঞান দ্বারা কোন কিছুই সাধিত হয় না। ইহা ভগবান্ শঙ্করাচার্য্য "সৌন্দর্য্যলহরী"তে স্পষ্টরূপে বলিয়াছেন—

শিবঃ শক্ত্যা যুক্তো যদি ভবতি শক্তঃ প্রভবিতুং।

নোচেদেবং দেবো ন ভবতি কুশলঃ স্পন্দিতুমপি।

( ১৩ ) পঞ্চবিধং তৎকৃত্যং—সৃষ্টিঃ-স্থিতিঃসংহরতী তিরোধাবঃ।

তদ্বদমুগ্রহকরণং জগতঃ সত্ততোদিতস্তাস্য—সৌভাগ্যভাস্কর ১।৫

পরমেশ্বরের স্বেচ্ছায় জীবিত্যপ্রাপ্তিরূপ যে বন্ধন, তাহার নাম তিরোধান। সেই বন্ধন হইতে যে ব্যাপারের ফলে পুনরায় স্বরূপপ্রাপ্তিরূপ মোক্ষ ঘটে, তাহার নাম অমুগ্রহ। তিরোধানামুগ্রহে বন্ধমোক্ষো। সৌভাগ্যভাস্কর ১।৫

( ১৪ ) ইহোৎপাদনাদিভয়ং তিরোধানামুগ্রহয়োঃপলম্বণম্

বরিবস্ত্রাহস্তপ্রকাশ ১।৪

( ১৫ ) সামরস্যসম্বন্ধেন. শক্তিবিশিষ্টঃ শিব এব হি পর ব্রহ্ম।

সৌভাগ্যভাস্কর ( ললিতাসহস্রনামতাব্য ) ২০১

পৃথক্ পদার্থ; কিন্তু একরূপ মনে করা অনুচিত। শাক্ত-মতে শক্তি ও শক্তিমান্ তথা উপাদান কারণ ও তাহার কার্য—ইহাদের পরস্পরের মধ্যে আত্যন্তিক অভেদ স্বীকৃত হইয়াছে (১৬); সুতরাং এ স্থলে পৃথগ্ভাবে (ভেদের) কোন প্রশ্ন উঠিতে পারে না।

পূর্বে একথা বলা হইয়াছে যে; শাক্তদার্শনিকগণ পরিণামবাদী। তাঁহাদের মতে বিমর্শশক্তির পরিণতিতেই এই বিশ্বপ্রপঞ্চের আবির্ভাব। এই সৃষ্টিপ্রপঞ্চকে ভাস্কর রায় চারি শ্রেণীতে বিভক্ত করিয়াছেন;—(১ম) অর্ধময়ী সৃষ্টি, (২য়) শকময়ী সৃষ্টি (৩য়) চক্রময়ী সৃষ্টি এবং (৪র্থ) দেহময়ী সৃষ্টি (১৭)।

এই সৃষ্টিকে আপাতদৃষ্টিতে শক্তির পরিণাম বলিলেও

(১৬) শক্তিশক্তিমতো রূপাদানোপাদেয়োরত্যন্তমভেদঃ।  
বরিবস্তারহস্তপ্রকাশ ১১০

কাশ্মীরের প্রত্যভিজ্ঞামতানুযায়ী শৈবচাৰ্যগণও শক্তি এবং শক্তিমানের অভেদ স্বীকার করিতেন,—

শক্তিঃ শক্তিমরূপাদ্ ব্যতিরেকং ন বাঙ্কতি।

তাদাত্ম্যমনয়োনিত্যং বহুদাহিকয়োরিব।

অভিনবগুপ্ত-কৃত বোধপঞ্চদশিকা ৩

আচার্য্য ভট্টহরিও শক্তি এবং শক্তিমানের অভেদ স্বীকার করিয়াছেন।—দ্রষ্টব্য—বাক্যপদীর ১১২

(১৭) সাংবিশ্বং বিজ্ঞেয়া যৎপরিণামাদভূদেবা।

অর্ধময়ী শকময়ী চক্রময়ী দেহমখ্যপি সৃষ্টিঃ।

বরিবস্তারহস্ত। ১১৫

(১ম) অর্ধময়ী সৃষ্টি—বটজিংশং তৎ, (২য়) শকময়ী সৃষ্টি—পরা, পশুস্তী, মধ্যমা ও বৈধরী। (৩য়) দেবতার পূজার যে যজ্ঞ, তাহার নামান্তর চক্র,—তৃতীয় প্রকার সৃষ্টি চক্রময়ী। (৪র্থ) স্থূল সূক্ষ্ম দেহ চতুর্থ প্রকারের সৃষ্টি।

বক্তব্য—আগম (৩য়) শাস্ত্রের অনুগামী—শাক্ত এবং কোন কোন শৈব-সম্প্রদায়—৩৬ পদার্থ স্বীকার করেন,—এই ৩৬ পদার্থকে বটজিংশং তৎ বলা হয়। বটজিংশং তৎ এই—(১) শিব (২) শক্তি (৩) সদাশিব (৪) ঈশ্বর (৫) শুদ্ধ বিজ্ঞা (৬) মায়ী (৭) কলা (৮) (অশুদ্ধ) বিজ্ঞা (৯) রাগ (১০) কাল (১১) নিয়তি (১২) পুরুষ (জীব) (১৩) প্রকৃতি (১৪) অহঙ্কার (১৫) বুদ্ধি (১৬) মনঃ (১৭) শ্রোত্র (১৮) স্বকৃ (১৯) নেত্র (২০) জিহ্বা (২১) ঘ্রাণ (২২) বাকৃ (২৩) পাণি (২৪) পাদ (২৫) পায়ু (২৬) উপস্থ (২৭) শব্দ (২৮) স্পর্শ (২৯) রূপ (৩০) রস (৩১) গন্ধ (৩২) আকাশ (৩৩) বায়ু (৩৪) তেজঃ (৩৫) জল (৩৬) এবং পৃথিবী।

দেহের মধ্য স্থানের নাম মূলাধার,—পায়ু ইন্দ্রিয় হইতে ছই অঙ্গুলী উর্ধ্বে ও উপস্থ ইন্দ্রিয় হইতে ছই অঙ্গুলী নীচে এই মূলাধার

বাস্তবপক্ষে ইহা কেবল শক্তির পরিণাম নহে; যেহেতু; কেবল শিব অথবা কেবল শক্তির দ্বারা কোন কার্যই সিদ্ধ হয় না; সৃষ্টি-প্রক্রিয়ায় এই ছইটি বস্তু একটি অন্তর্বে অপেক্ষা করিয়া কার্য সম্পাদন করে; সুতরাং যে স্থলে কেবল শিব অথবা কেবল শক্তিকে জগতের কারণ বলা হইয়াছে, সেই সকল স্থলেই উভয়কে মিলিতরূপে জগতের কারণ বলিয়া গ্রহণ করিতে হইবে (১৮); তাহা হইলে আমরা দেখিতে পাইতেছি,—এই জগৎ কেবল শক্তির পরিণাম না হইয়া শিব ও শক্তির সামরস্বরূপ যে পরত্রয়, তাহারই পরিণাম (১৯)। শক্তিরহিত শিব কোন কিছু করিতে সমর্থ নহেন; শিব শক্তিযুক্ত হইয়াই সমস্ত ব্যাপারে সমর্থ হইয়া থাকেন (২০)।

অবস্থিত, ইহার আকার অধোমুখ ত্রিকোণ। ইহা কুলকুণ্ডলিনীৰ স্থান:—

দেহস্য মধ্যমং স্থানং মূলাধার ইতীর্থ্যতে।

ঊর্ধ্বাত্মু ষ্টিমূলাধুর্ধ্বং মেটুর্ধ্বাত্মু ষ্টিমূলাধঃ।

ত্রিকোণোহধোমুখোশ্চ কল্পকাষোনিসম্মিতঃ।

তত্র কুণ্ডলিনী নাম পরা শক্তিঃ প্রতিষ্ঠিতা।

মানসোল্লাস—৪।১২-১৩

পরম সূক্ষ্ম যে শব্দ, তাহার স্থান মূলাধার; এই মূলাধারে অভিব্যক্ত পরম সূক্ষ্ম শব্দের নাম “পরা” বাকৃ। এই পরম সূক্ষ্ম শব্দ যখন নাভিদেশে সূক্ষ্মরূপে অভিব্যক্ত হয়, সেই অবস্থায় তাহাকে “পশুস্তী” বলে। এই বাকৃ যখন হৃদয়দেশে ঈষৎ স্থূলরূপে অভিব্যক্ত হয়, সেই অবস্থায় তাহার নাম “মধ্যমা”। যখন এই বাকৃ (শব্দ) কণ্ঠ তালু প্রকৃতির ব্যাপারের দ্বারা শ্রোত্র-গ্রাহ স্থূলরূপে অভিব্যক্ত হয়, সে অবস্থায় তাহাকে “বৈধরী” বলে।—

“পরাবাও মূলচক্রহা পশুস্তী নাভিসংস্থিতা।

হৃদিস্থা মধ্যমা জ্ঞেয়া বৈধরী কণ্ঠদেশগা।”

পরা, পশুস্তী, মধ্যমা ও বৈধরী এই চতুর্বিধ বাকৃত্বের বিষয়ে প্রত্যভিজ্ঞাদর্শন, আচার্য্য ভট্টহরি ও ভট্টহরির পরবর্তী বৈয়াকরণ-গণের মধ্যে উল্লেখযোগ্য মতভেদ দেখিতে পাওয়া যায়। আমরা এখানে সংক্ষেপে শাক্তসিদ্ধান্তেরই উল্লেখ করিলাম।

(১৮) .. প্রকাশস্বরূপোশ্চ মিলিতয়োরেব জগৎকারণত্বম্, অস্ততরমাত্রস্ত জগৎকারণতানুপপত্তে: “কামকলাবিলাস” ব্যাখ্যায়ঃ স্কটতরমূপপাদনাৎ। তেন শুদ্ধস্ত শিবস্ত শুদ্ধায়া: শক্তেবী জগৎ-কারণত্বং তত্র তত্রোচ্যমানং শিবশক্তিরূপস্তোভয়ান্নন এব বোধ্যম্।

—বরিবস্তারহস্তপ্রকাশ। ২।৬৭।৬৮

(১৯) ইয়ং সৃষ্টিঃ পরত্রয়পরিণামঃ।—বরিবস্তারহস্তপ্রকাশ

২।৬৭।৬৮

(২০) পরো হি শক্তিরহিতঃ শক্তিঃ কর্তৃং ন কিঞ্চন।

শক্তস্ত পরমেশানি শক্ত্যা যুক্তো যদা ভবেৎ।—

বামকেশরতন্ত্র-নিত্যা-বোড়শিকার্নব। ৪।৬

প্রথমতঃ এই সৃষ্টিকে চারি শ্রেণীতে বিভক্ত করিলেও বাস্তবপক্ষে এই সৃষ্টি দুই শ্রেণীতেই বিভক্ত হইবার যোগ্য,— অর্থময়ী সৃষ্টি ও শব্দময়ী সৃষ্টি ; চক্রময়ী সৃষ্টি ও দেহময়ী সৃষ্টি—এই দুই প্রকারের সৃষ্টি—অর্থসৃষ্টিরই অন্তর্গত,—অর্থসৃষ্টি হইতে এই দুই প্রকার সৃষ্টির ( যন্ত্রসৃষ্টি ও দেহসৃষ্টির ) আত্যন্তিক ভেদ নাই ( ২১ ) । এই দুই প্রকার সৃষ্টির ( অর্থসৃষ্টি ও শব্দসৃষ্টির ) এক সময়েই উৎপত্তি হয় এবং এক সঙ্গেই বৃদ্ধি হইয়া থাকে ; বীজ হইতে যেমন অক্ষর ও অক্ষরের ছায়া এক সময়েই উৎপন্ন হয় এবং এক সঙ্গেই উভয়ে বৃদ্ধিপ্রাপ্ত হইয়া থাকে, এইরূপ অর্থসৃষ্টি ও শব্দসৃষ্টি এক সঙ্গে উৎপন্ন হইয়া এক সঙ্গেই বৃদ্ধিপ্রাপ্ত হয় ( ২২ ) ; শব্দ ও অর্থের এইরূপ ঘনিষ্ঠ সম্বন্ধ লক্ষ্য করিয়াই মহাকবি কালিদাস রঘুবংশের আরম্ভে, জগতের মাতাপিতা পার্বতী ও পরমেশ্বরকে বাক্ ( শব্দ ) ও অর্থের স্তায় পরস্পর ঘনিষ্ঠভাবে সংশ্লিষ্ট বলিয়া উল্লেখ করিয়াছেন ( ২৩ ) ।

এই দুই প্রকার ( অর্থময়ী ও শব্দময়ী ) সৃষ্টির জ্ঞান মনের দ্বারা হয় । এই মনঃ শব্দকে শ্রবণেন্দ্রিয়ের সাহায্যে গ্রহণ করে ; অর্থের মধ্যে কতকগুলি অর্থকে সাক্ষাৎ গ্রহণ করে, অপর কতকগুলি অর্থকে চক্ষুঃ প্রভৃতি ইন্দ্রিয়ের সাহায্যে গ্রহণ করে ।

এই দুই প্রকার সৃষ্টির প্রত্যেক সৃষ্টিই আবার চারি প্রকার—স্থূল, সূক্ষ্ম, সূক্ষ্মতর এবং সূক্ষ্মতম । শব্দের মধ্যে

শক্তিবিরহিত শিব কোন শব্দের দ্বারা প্রকাশিত হইতে পারেন না এবং সেই অবস্থায় শিব জ্ঞানের বিষয়ও নহেন ;—শক্ত্যাধিনা শিবে সূক্ষ্ম নাম ধাম ন বিদ্যতে ।

( ২১ ) সা সৃষ্টির্দেহাধর্মময়ী শব্দময়ী চেতি । চক্রময়ী দেহময়ী চেতি সৃষ্টিধর্ম তু..... অর্থসৃষ্টীবাস্তর্গতম্, ন পুনরত্যস্তং বিদ্যতে ।—বরবিষ্ণুরহস্যপ্রকাশ ২।৩৬।৬৮

( ২২ ) সা চ দ্বিবিধাপি সৃষ্টিঃ সমকালীনোৎপত্তিকা সমকালীনভিবৃদ্ধিশালিনী চ, যথা বীজাদক্ষুরতচ্ছায়ে ।—বরবিষ্ণুরহস্যপ্রকাশ ২।৩৭-৬৮

( ২৩ ) বাগর্থাবিব সম্পূক্তৌ বাগর্থপ্রতিপত্তয়ে ।

জগতঃ পিতরৌ বন্দে পার্বতীপরমেশ্বরৌ ।

রঘুবংশ ১।১

কালিদাসের এই শ্লোকের উত্তরার্ধে পার্বতী ও পরমেশ্বরকে স্নাতকরূপে বর্ণনা করা হইয়াছে ; কালিদাসও সম্মিলিত শক্তি এবং শক্তি হইতে জগতের উৎপত্তি হইয়াছে,—এই কথাই বুঝিয়াছেন,—আমরা একরূপ মনে করিলে বোধ হয় অস্বাভাবিক হইবে

বৈখরী স্থূল, মধ্যমা সূক্ষ্ম, পশ্চাতী সূক্ষ্মতর এবং পরা সূক্ষ্মতম । স্থূল শব্দের বাচ্য বেক্রপ স্থূল বস্তু, সেইরূপ সূক্ষ্মশব্দের বাচ্য সূক্ষ্ম বস্তু ; বৈখরীর বাচ্য বেক্রপ স্থূল ঘট, সেইরূপ মধ্যমার বাচ্য সূক্ষ্ম ঘট, পশ্চাতীর বাচ্য সূক্ষ্মতর ঘট এবং পরার বাচ্য সূক্ষ্মতম ঘট । শ্রবণেন্দ্রিয় এবং মনঃ এই উভয়েরই স্থূল, সূক্ষ্ম, সূক্ষ্মতর এবং সূক্ষ্মতমস্বরূপ শাক্ত-সিদ্ধান্তে স্বীকৃত হইয়াছে । স্থূল শ্রোত্রের দ্বারা যেমন স্থূল শব্দের জ্ঞান হয়, এইরূপ স্থূল মনের দ্বারা স্থূল বস্তুর জ্ঞান হইয়া থাকে । শব্দ এবং যোগের অভ্যাস হইতে যে উৎকর্ষলাভ হয়, সেই উৎকর্ষই মনঃ ও শ্রোত্রের সূক্ষ্মতার প্রতি কারণ । স্থূল ঘট হইতে সূক্ষ্ম, সূক্ষ্মতর, এবং সূক্ষ্মতম ঘটের কোন ভেদ নাই ; এক জাতীয় অবয়বসমূহই চারি প্রকার ঘটে বিদ্যমান আছে ; স্থূল ঘটে সেই অবয়বসমূহ যে ভাবে আছে, সূক্ষ্মঘটে তাহা অপেক্ষা সঙ্কুচিতভাবে সেই অবয়বই আছে ; অবয়বের সঙ্কোচ ও বিকাশবশতঃ ঘটের পরিমাণ-ভেদ ঘটিলেও ঘট বস্তু সকল অবস্থাতে একই আছে, ইহা শাক্ত-সিদ্ধান্তে স্বীকৃত হইয়াছে ( জ্যৈষ্ঠ—বরবিষ্ণুরহস্যপ্রকাশ ২ । ৬৭-৬৮ ) ।

ষট্‌ত্রিংশৎ তত্ত্বরূপে পরব্রহ্মের পরিণামকে স্পন্দ বলে । এই ষট্‌ত্রিংশৎ তত্ত্ব “আত্মতত্ত্ব,” “বিদ্যাতত্ত্ব” ও “শিবতত্ত্ব” রূপে তন্ত্রশাস্ত্রে বিভক্ত হইয়াছে । যে সকল পদার্থ শিবের জীবিতাবের কারণ এবং যে পদার্থগুলি এই জীবের ভোগোপযোগী, তাহাদের নাম “আত্মতত্ত্ব” । এই ষট্‌ত্রিংশৎ তত্ত্বের মধ্যে পৃথিবী হইতে মায়ী পর্যন্ত একত্রিশটি পদার্থের নাম “আত্মতত্ত্ব” । শুদ্ধবিদ্যা, ঈশ্বর এবং সদাশিব এই তিনটি তত্ত্বের নাম “বিদ্যাতত্ত্ব” । এই অবস্থায় মায়ার কোন প্রভাব না থাকায় বিদ্যা অর্থাৎ জ্ঞান স্বচ্ছ অবস্থায় থাকে ; এই জন্ত এই তিনটি পদার্থ “বিদ্যাতত্ত্ব” শব্দের দ্বারা অভিহিত হয় । ইহার উর্ধ্বে শিবতত্ত্ব—শক্তি এবং শিব । এই ষট্‌ত্রিংশৎ পদার্থের সমষ্টিকে অর্থাৎ পরব্রহ্মের স্পন্দকে “তুরীয় তত্ত্ব” বা চতুর্থ তত্ত্ব বলা হয় ( ২৪ ) ।

( ২৪ ) মায়াস্তমাস্তত্ত্বং বিদ্যাতত্ত্বং সদাশিবাস্তং স্তাৎ ।

শক্তিশিবৌ শিবতত্ত্বং তুরীয়তত্ত্বং সমষ্টিরেতেষাম্ ।—

সৌভাগ্যভাষ্য, ২১৯ শ্লোকের ব্যাখ্যা ।

( এই শ্লোকটি বামকেশরতন্ত্রের অন্তর্গত নিত্যাবোড়শিকর্ণবের ভাস্কররায়কৃত ‘তুবন্ধ’ টীকাত্তেও উদ্ধৃত আছে । )

বিমর্শশক্তির বহিমূখরূপে সংকুচিতভাবে যে বিকাশ,—  
তাহার ফলে পরম শিবেরই জীবরূপে পরিণতি ঘটিয়াছে, ইহা

পরব্রহ্ম সচ্চিদানন্দ স্বরূপ ; সেই পরব্রহ্ম হইতে প্রকটিত ষট্‌ত্রিংশৎ  
তত্ত্বের মধ্যে শিব ও শক্তিতে ব্রহ্মের আনন্দাংশ অনাবৃত আছে—  
এই জ্ঞান শক্তি এবং শিবস্বরূপ শিবতত্ত্বকে ‘আনন্দতত্ত্ব’ নামে  
অভিহিত করা হয় ; ‘শিবতত্ত্ব’ শব্দের অন্তর্গত শিব শব্দের অর্থ  
আনন্দ । বিজ্ঞাততত্ত্ব শব্দের অন্তর্গত বিজ্ঞানশব্দের অর্থ জ্ঞান  
অর্থাৎ চিৎ (= চৈতন্য) ; সদাশিব, ঈশ্বর এবং শুদ্ধ বিজ্ঞা—এই  
তিনটিতে ব্রহ্মের চিদংশ অর্থাৎ জ্ঞানাংশ আবৃত হয় নাই ; এই জ্ঞান  
বিজ্ঞাততত্ত্বের অপর নাম চিত্ততত্ত্ব ( -জ্ঞান-তত্ত্ব -চৈতন্য-তত্ত্ব ) ।  
মায়ী হইতে আরম্ভ করিয়া পৃথিবী পর্যন্ত একত্রিশটি তত্ত্ব ব্রহ্মের  
আনন্দ ও চৈতন্যাংশ আবৃত হইয়া গিয়াছে, কেবল সত্তা অংশ  
অনাবৃত আছে ; এই জ্ঞান এই একত্রিশটি তত্ত্বকে সত্তা বা সত্তাতত্ত্ব  
বলিতে পারা যায় । আত্মতত্ত্ব শব্দের অন্তর্গত ‘আত্ম’ শব্দটি সত্তার  
বাচক ; যেমন সত্তাপ্রাপ্তি অর্থে ব্যবহৃত ‘আত্মলাভ’ শব্দের  
অন্তর্গত আত্মশব্দের অর্থ সত্তা, সেইরূপ আত্মতত্ত্ব শব্দের অন্তর্গত  
‘আত্ম’ শব্দটিও সত্তা অর্থে ব্যবহৃত হইয়াছে ।

এখানে ইহা প্রণিধান-যোগ্য যে, শিবতত্ত্ব ব্রহ্মের সচ্চিদানন্দ-  
স্বরূপ পূর্ণরূপে বিদ্যমান ; বিজ্ঞাততত্ত্ব সং ও চিৎ—এই দুই অংশ  
অনাবৃত হইলেও আনন্দাংশ অল্প পরিমাণে আবৃত আছে ;  
আত্মতত্ত্ব চৈতন্য ( -জ্ঞান ) এং আনন্দাংশ সম্পূর্ণভাবে আবৃত  
আছে, কেবল সং ( -সত্তা ) অংশ অনাবৃত ।

প্রপঞ্চ-সারের আচার্য্য পদ্মপাদ-বিগচিত্ত বিবরণে এই বিষয়  
একটু অল্পভাবে বিবৃত হইয়াছে । যে অবস্থায় শক্তি ও শিবকে  
ভাস্কর রায় পরব্রহ্ম বলিয়াছেন, আচার্য্য পদ্মপাদ শক্তি এবং  
শিবকে সেই পরম সূক্ষ্ম অবস্থায় অনাহত ( নিঃস্পন্দ ) শক্তি ও অনাহত  
( নিঃস্পন্দ ) শিব শব্দে অভিহিত করিয়াছেন । এই অনাহত শক্তি  
সাক্ষিস্বরূপ এবং অনাহত শিব অধিষ্ঠান । সামরসসম্বন্ধে সম্মিলিত  
শক্তিশিবাস্বক ব্রহ্ম হইতে সৃষ্টিকালে শিব ও শক্তির ঈষৎ স্থলরূপে  
আবির্ভাব হয় এবং তাহার পরে অবশিষ্ট ৩৪টি তত্ত্বের প্রকাশ  
হইয়া থাকে,—ইহা ভাস্কর রায়ের মত । আচার্য্য পদ্মপাদের  
মতে সৃষ্টির প্রারম্ভে অনাহত শিব ও অনাহত শক্তি ঈষৎ স্থল  
অবস্থায় পরিণত হইয়া আহত ( স্পন্দিত ) শিব ও আহত ( স্পন্দিত )  
শক্তি নামে অভিহিত হয় ; এই অবস্থায় শক্তিকে ‘বিন্দু’ বলা হয় ।  
ইহা হইতে অবশিষ্ট তত্ত্বগুলি উৎপন্ন হয় । একই আহত শক্তির  
অন্তমূখভাবে ও বহিমূখভাবে বিকাশ হইয়া এই বিশ্বপ্রপঞ্চ  
প্রকাশিত হইয়াছে । শক্তির অন্তমূখভাবে যে বিকাশ, তাহাই  
সদাশিব, ঈশ্বর এবং শুদ্ধ বিজ্ঞাততত্ত্ব ; শক্তির বহিমূখভাবে যে  
বিকাশ, তাহাই মায়ী প্রভৃতি একত্রিশটি তত্ত্ব । আচার্য্য পদ্মপাদ  
প্রমের, প্রমাণ ( জ্ঞান ) এবং প্রমাতৃরূপে এই ত্রিবিধ তত্ত্বের  
বিভাগ করিয়াছেন । মায়ী হইতে আরম্ভ করিয়া পৃথিবী পর্যন্ত  
একত্রিশটি তত্ত্ব প্রমেরবর্গের অন্তর্গত,—এই একত্রিশটি তত্ত্ব  
আত্মতত্ত্ব ; সদাশিব, ঈশ্বর এবং শুদ্ধ বিজ্ঞা, এই তিনটি জ্ঞানরূপ  
বলিয়া বিজ্ঞাততত্ত্ব ; আহত শিব ও আহত শক্তি প্রমাতৃস্বরূপ হওয়ার  
শিব-তত্ত্ব । ( স্রষ্টব্য—প্রপঞ্চসার-বিবরণ ১।৪১ এবং ৬০ ) ।

পূর্বোক্ত-শ্লোকে ষট্‌ত্রিংশৎ তত্ত্বের সমষ্টিকে তুরীয় তত্ত্ব,

শাক্তমতে স্বীকৃত হইয়াছে । একই শক্তি ( ২৫ ) অন্তমূখ-  
রূপে বিকশিত হইয়া বিজ্ঞা, ঈশ্বর এবং সদাশিবরূপে প্রকা-  
শিত হইয়া থাকে ; সেই শক্তিই বহিমূখরূপে সংকুচিতভাবে  
প্রকাশিত হইয়া মায়ী প্রভৃতি তত্ত্বরূপে পরিণত হয় । মায়ী  
বিপরীত দৃষ্টি এবং কালের দ্বারা পরিচ্ছেদের ( পরিমাণের )  
প্রতি কারণ ; কালতত্ত্ব মায়ী হইতে উৎপন্ন হয় ; দেশ, কাল,  
কর্ম এবং তাহার ফল প্রভৃতির নিয়মের হেতু যে ঈশ্বরেচ্ছা,  
তাহাই নিয়তিতত্ত্ব ; পশু অর্থাৎ জীবের সংকুচিত স্বল্প-  
কর্তৃত্বশক্তির নাম কলা । এই জীবের অল্পজ্ঞাতাশক্তির  
নাম অশুদ্ধ বিজ্ঞা । জীব নিজের মধ্যে যে একটি  
অপূর্ণতা ( অতৃপ্তি ) অনুভব করে, তাহাই রাগতত্ত্ব ( ২৬ ) ।

মায়ী, কাল, নিয়তি, কলা, অশুদ্ধবিজ্ঞা এবং রাগ—এই  
ছয়টির সহিত সংযুক্ত হইয়া পরম শিব জীবত্ব প্রাপ্ত  
হইয়াছেন ; এই জীবই পুরুষতত্ত্ব ( ২৭ ) । পূর্বে বলা  
হইয়াছে—সৃষ্টি, স্থিতি, সংহার, তিরোধান এবং অনুগ্রহ,—  
এই পাঁচটি কৃত্য শক্তির সহায়তায় শিব নির্বাহ করিয়া  
থাকেন । পরমেশ্বর নিজের স্বরূপকে আচ্ছাদন করিয়া  
জীবরূপে পরিণত হইয়াছেন,—ইহা তিরোধান ; তিনি

বলা হইয়াছে । আচার্য্য পদ্মপাদ “তুরীয়তত্ত্ব” নামে কোন  
তত্ত্ব স্বীকার করেন নাই ; তিনি এই ত্রিবিধ তত্ত্ব ব্যতীত ‘সর্বতত্ত্ব’,  
নামক একটি তত্ত্বের কথা বলিয়াছেন ; যিনি জগতের অধিষ্ঠান,  
সেই পরমশিব এই সর্বতত্ত্ব—ইহাও বলিয়াছেন ( স্রষ্টব্য—প্রপঞ্চসার-  
বিবরণ ১।৬০ ) ।

( ২৫ ) কেবল শক্তির পরিণাম হয় না, যে স্থলে কেবল  
শক্তির পরিণামের কথা বলা হইয়াছে, সেস্থলে শিব-সহিত শক্তির  
পরিণাম হইয়াছে—ইহা বুঝিতে হইবে—একথা পূর্বে বলা হইয়াছে ।  
তবে এখানে ইহাও বস্তুব্য যে, ভাস্কর রায়ের সিদ্ধান্তের অনুসরণ  
করিয়া এরূপ কথা বলা হইয়াছে । সূক্ষ্ম দৃষ্টিতে বিচার করিলেও  
বস্তুস্থিতি সেই রূপই পর্য্যবসিত হইবে । যেহেতু, শিব ও শক্তি  
কোন অবস্থাতেই এককে পরিত্যাগ করিয়া অপরে থাকিতে পারে  
না ; বিশেষতঃ শক্তি বস্তুটি ধর্ম, সে কোন ধর্মীকে অবলম্বন করিয়াই  
থাকিতে পারে । পারমাণবিক দৃষ্টিতে ইহাও সত্য যে, শক্তি এবং  
শিবের মধ্যে কোন ভেদ নাই ।

( ২৬ ) ( ১ ) মায়ী বিক্ষেপে কালপরিচ্ছেদে হেতুঃ ( ২ )  
কালতত্ত্ব তত্ৰ এব । ( ৩ ) দেশকালকর্মফলাদিনিয়তহেতুঃ ঈশ্ব-  
রেচ্ছা এব নিয়তিতত্ত্বম্ । ( ৪ ) কলা স্বেৎপরিচ্ছিন্নস্ত পশোঃ  
কিঞ্চিৎকর্তৃত্বশক্তিঃ । ( ৫ ) তন্ত্ৰৈব কিঞ্চিজ্জ্ঞাতশক্তিঃ অশুদ্ধবিজ্ঞা ।  
( ৬ ) তস্তা পূর্ণস্বভাৱা রাগতত্ত্বম্ ।—প্রপঞ্চসারবিবরণ ১।৫৯ ;

( ২৭ ) এতৎস্বট্‌কবিশিষ্টঃ পরমশিবো জীবঃ । স পুরুষতত্ত্বম্ ।

প্রপঞ্চসারবিবরণ ১।৫৯



যে বিশ্বপ্রপঞ্চরূপে—জড়রূপে—প্রকাশিত হইয়াছেন, ইহাও তিরোধান। শিবের এই স্বেচ্ছা-পরিগৃহীত জীব-ভাব এবং সেই জীব-ভাবে অবস্থিত হইয়া নিজ-সৃষ্ট বিশ্বপ্রপঞ্চের আশ্রয়ে ভোগোন্মুখতা, এইটিই বন্ধ। অতএব এই বন্ধ তিরোধানেরই অন্তর্ভূত।

এই সঙ্কুচিত জীব অবস্থা হইতে শিবভাবে উপনীত হইতে হইলে দীক্ষাগ্রহণ-পূর্বক সাধনার প্রয়োজন। এই সাধনার স্বরূপ বিচার করিয়া উপাসককে অধম, মধ্যম এবং উত্তম,— এই তিন শ্রেণীতে বিভক্ত করা হইয়াছে; এই তিন প্রকার উপাসক যথাক্রমে অগুরু, মিশ্র এবং গুরু—এই তিনটি শব্দের দ্বারা অভিহিত হয়; ইহাদের আরও তিনটি নাম আছে—সকল ( অধম ), প্রলয়াকল ( মধ্যম ), এবং বিজ্ঞানকেবল ( উত্তম )। যাহাদের ভেদদৃষ্টি দৃঢ়ভাবে বিদ্যমান, শিবের সহিত নিজের অভেদ ভাবনা যাহাদের নাই, যাহারা কেবল কর্ম্মই আসক্ত—( অর্থাৎ যাহাদের জ্ঞানমার্গে ঈশ্বরাত্মও গতি নাই ) তাহারা অধম উপাসক। যাহাদের আণবমল, কার্মণমল এবং মারীমল এই ত্রিবিধ মল এবং কর্ম্ম পরিপক অবস্থা প্রাপ্ত হইয়াছে, যাহারা কর্ম্মমার্গ ও জ্ঞান-মার্গ—এই উভয় মার্গই এক সঙ্গে আশ্রয় করিয়া আছে, অর্থাৎ যাহাদের জ্ঞানমার্গে প্রবেশ ঘটিলেও কর্ম্ম-মার্গ পরিত্যক্ত হয় নাই, তাহারা মধ্যম উপাসক। যাহাদের ভেদবুদ্ধি বিনষ্ট হইয়াছে—যাহাদের দৃষ্টিতে সর্বত্র একমাত্র শিবই প্রতিভাত হয়—অতএব যাহারা জ্ঞানমার্গে অধিষ্ঠিত, তাহারা উত্তম উপাসক ( ২৮ )। এই ত্রিবিধ উপাসককে আগমশাস্ত্রে “বীর” শব্দের দ্বারা অভিহিত করা হয়।

( ২৮ ) বরিবস্যারহস্যপ্রকাশ ২।৭৭

এখানে কিঞ্চিৎ বক্তব্য আছে;—আগমশাস্ত্রে ত্রিবিধ পাশ কথিত হইয়াছে;—অণু, ভেদ এবং কর্ম্ম; এই ত্রিবিধ পাশ আবার ত্রিবিধ মলরূপে ব্যাখ্যাত হইয়াছে। অজ্ঞানের নাম অণু; এই অজ্ঞান দুই প্রকার,—চৈতন্যরূপ আত্মাতে আত্মবুদ্ধির অভাব এবং দেহাদি অনাত্মবস্তুতে আত্মবুদ্ধি। এই উভয় প্রকার অজ্ঞানের নাম আণব মল।

এক অদ্বিতীয় আত্মাতে নানাত্বপ্রতীতির নাম ভেদ; এই ভেদের মূল কারণ মায়া এবং এই মায়া হইতে উৎপন্ন ‘কলা’ হইতে আরম্ভ করিয়া পৃথিবী পর্যন্ত ত্রিশটি তত্ত্ব—সর্বসমেত এই একত্রিশটি তত্ত্ব ( যাহাকে ‘আত্মতত্ত্ব’ শব্দের দ্বারা শাস্ত্রে আখ্যাত করা হয় ) ‘মারীমল’ নামে অভিহিত হয়।

পুণ্য এবং পাপ এই দুইটি কার্মণ মল। এই ত্রিবিধ পাশের

যাহারা নিজের পরাক্রমে অর্থাৎ সাধনাবলে “অহং” পদার্থ পরব্রহ্মে “ইদং” পদার্থ জগৎকে বিলীন করিয়া সকল দুঃখের অতীত নিজের আত্মরূপে বিদ্যমান সেই “অহং”কে উপভোগ করিতে পারে, তাহারাই বীর; পূর্বোক্ত ত্রিবিধ উপাসক সাধনার পরিপক অবস্থায় এই অধিকার অর্জন করিতে পারে, ‘এই জন্ত এই সকল উপাসক “বীর” শব্দে অভিহিত হইবার যোগ্য ( ২৯ )।

পরব্রহ্ম পরমশিব এক অদ্বিতীয়—সর্বভেদবর্জিত; সেই পরম শিবের সহিত নিজগুরুর কোন ভেদ নাই; এই গুরুর রূপায় উপাসকের সহিত ব্রহ্মের অভেদ সিদ্ধ হয়,— শিবের সহিত জীব যে অভিন্ন—সেই অভিন্নতার প্রতীতি হয়। এই অর্থেতবুদ্ধি হইতে জীব তাহার নিজের সঙ্কুচিত স্বরূপকে পরিত্যাগ করিয়া স্বাভাবিক শিবভাব প্রাপ্ত হয়; শিব, গুরু এবং উপাসক—এই তিনের যে অভেদজ্ঞান—এই জ্ঞানই জীবের শিবে মিলিত হইবার উপায়; এই জ্ঞানের বিষয়ীভূত শিব, গুরু এবং জীবের ঐক্যকে আগমশাস্ত্রে “নিগর্তার্থ” নামে অভিহিত করা হয় ( ৩০ )।

উপাস্ত্র দেবতা, মন্ত্র, পূজার, যজ্ঞ, গুরু এবং উপাসকের মধ্যে পরস্পর অভেদ বিদ্যমান আছে; এই অভেদকে “কৌলিকার্থ” অর্থাৎ কৌলিক বস্তু বলা হয়। এই পাঁচটি বস্তু ব্রহ্ম হইতে অভিন্ন হওয়ার একজাতীয়; কুল শব্দের অর্থ সজাতীয়ের সমুদায়; এই পাঁচটি

মধ্যে একটি, দুইটি অথবা তিনটি পাশের দ্বারা বন্ধ জীবকে আগম শাস্ত্রে ‘পণ্ড’ শব্দে অভিহিত করা হয়। যে সকল উপাসক তিনটি পাশের দ্বারা আবদ্ধ, তাহারা ‘সকল’ ( অধম ); যাহারা কেবল আণব মল ও কার্মণ মল—এই দুইটি পাশের দ্বারা আবদ্ধ, সেই সকল উপাসকের নাম ‘প্রলয়াকল’—ইহারা মধ্যম উপাসক। যাহারা কেবল ‘আণব’ মলের দ্বারা বন্ধ, তাহাদের নাম বিজ্ঞানকেবল; ইহারা উত্তম উপাসক। স্তম্ভব্য—সৌভাগ্যভাস্কর ১২৯ শ্লোকব্যাখ্যা

( ২৯ ) সকলাদিনামকাত্ত্রিবিধা উপাসকা বীরশব্দেনোচ্যন্তে—

অহমি প্রলয়ং কুর্ক্বন্নিদমঃ প্রতিযোগিনঃ।

পরাক্রমণবো ভূক্তে স্বাত্মানমশিবাগম্।

ইত্যাदिना पवापकाशिकारामञ्जत्र च वीरपदस्य साधकपरचे-  
नैव निरर्कनां।—बरिवस्यारहस्यप्रकाश २।७४—७५

( ৩০ ) পরমশিবে নিষ্কলতা তদভিন্নত্বং স্বদেশিকেহস্য।

তৎকরণাতঃ স্বম্মিন্নপি তদভেদো নিগর্তার্থঃ।

বরিবস্যারহস্য ২।৮২

বস্তু সমানজাতীয় বলিয়া ইহাদের সমুদায়কে “কৌলিকার্থ” বলা হয় ( ৩১ ) ।

পূর্বে এ কথা বলা হইয়াছে,—শাক্তগণ পরিণামবাদী ; ইহারা মনে করেন,—ঋতিতে এবং বাদরায়ণ প্রণীত ব্রহ্মসূত্রে পরিণামবাদই সমর্থিত হইয়াছে ।

শাক্তগণ পরিণামবাদী হইলেও সাংখ্য এবং পাতঞ্জল-দর্শনের শ্রায় ইহাদের দর্শনে দ্বৈতবাদের সমর্থন করা হয় নাই, ইহারা অদ্বৈতবাদী ; এই মতে শিব-শক্তি-সামরশ্বরূপ যে পরব্রহ্ম, তাহার পরিণাম এই বিশ্বপ্রপঞ্চ কল্পিত নহে,—পারমার্থিক ; তবে এই জগৎ এক অদ্বিতীয় পরব্রহ্ম হইতে বাস্তবপক্ষে অভিন্ন হইলেও ইহাতে যে দ্বৈত অর্থাৎ ভেদের প্রতীতি হইতেছে, এই ভেদটিই কল্পিত ; “নেহ নানাহস্তি কিঞ্চন” ( বৃহদারণ্যক ৪।৪।১২ ) ইত্যাদি ঋতিবাক্যে বিশ্বপ্রপঞ্চে প্রতীকমান ভেদেরই নিষেধ করা হইয়াছে,—প্রপঞ্চের নিষেধ করা হয় নাই । আচার্য্য শঙ্করের মতে জগতের নিমিত্ত কারণ এবং উপাদান কারণ উভয়ই ব্রহ্ম ; শাক্তগণও পরব্রহ্মকে জগতের নিমিত্ত এবং উপাদান উভয়রূপেই স্বীকার করিয়াছেন ; কিন্তু শাক্ত-সিদ্ধান্ত হইতে এই শাক্ত-সিদ্ধান্তে

( ৩১ ) পরদেবতায় বিদ্যায়াম্ভক্ররাজশ্চ ত্রীণ্ডরোরাজ্ঞনর্শচক্যং কৌলিকার্থ ইত্যুচ্যতে, সর্কোবাং ব্রহ্মাভেদেন সজাতীয়হাং, সজাতীয়-বৃথশ্চ কুলপদবাচ্যহাং, “সজাতীয়েঃ কুলং মূখম্” ইত্যমরোক্তেঃ ।—বরিবস্তারহস্তপ্রকাশ ২।৮৩ শ্লোকের অবতরণিকা ।

এখানে একটি প্রণিধান-যোগ্য বিষয় আছে,—এই মতে সকল বস্তুই ব্রহ্ম হইতে অভিন্ন, এই জ্ঞান প্রদর্শিত যুক্তি অনুসারে যে কোন বস্তুর সমুদায়কেই “কৌলিকার্থ” বলা যাইতে পারে ; কিন্তু এই শাক্ত-সম্প্রদায়ে উক্ত পাঁচটি বস্তুর সমুদায়কেই কৌলিকার্থ বলা হয় ; যে কোন বস্তুর সমুদায়কে কৌলিকার্থ বলা হয় না । এই জ্ঞান এখানে মনে রাখিতে হইবে,—এই কৌলিকার্থ শব্দটি পাঁচক শব্দের শ্রায় কেবল বৈশিষ্ট্য নহে, কিন্তু পঞ্চক শব্দের মত যোগ-রূঢ় অর্থাৎ এই শব্দটির ব্যুৎপত্তি-লভ্য অর্থ থাকিলেও, কেবল সেই ব্যুৎপত্তি-লভ্য অর্থকে অবলম্বন করিয়া এই শব্দটির প্রয়োগ হয় না ; পূর্বনির্দিষ্ট উক্ত পাঁচটি বস্তুর সমুদায়কে বুঝাইবার উদ্দেশ্যেই ইহার ব্যবহার হয় ।

এই প্রসঙ্গে এখানে আরও বক্তব্য এই যে, তন্ত্রশাস্ত্রে ‘কুল’ শব্দের অর্থও নির্দিষ্ট আছে,—‘কুল’ শব্দের অর্থ শক্তি, ‘অকুল’ শব্দের অর্থ শিব ; এই শিব ও শক্তির ‘সামরশ্ব’ নামক যে সঙ্কট,—তাহার নাম ‘কৌল’ ;—

‘কুলং শক্তিরিতি প্রোক্তমকুলং শিব উচ্যতে ।

কুলেহকুলশ্চ সঙ্কটঃ কৌলমিত্যাভিধীয়তে ।’

—( সৌভাগ্যভাষ্য, ৮৮ শ্লোক )

বৈলক্ষণ্য আছে । আচার্য্য শঙ্কর ব্রহ্মকে জগতের বিবর্তোপাদান বলিয়া স্বীকার করিয়াছেন । ব্রহ্মকে পরিণামী উপাদানরূপে স্বীকার করেন নাই ; তাঁহার মতে অবিভ্যাক্ত ব্রহ্মশক্তিই জগতের পরিণামী উপাদান,—ব্রহ্ম পরিণামী উপাদান নহেন । এই অবিভ্যাক্ত আচার্য্য শঙ্করের মতে কল্পিত বস্তু, পারমার্থিক বস্তু নয় । মোক্ষ অবস্থায় তত্ত্বজ্ঞানের দ্বারা এই কল্পিত অবিভ্যাক্ত নিবৃত্তি হইয়া থাকে । শাক্তগণ শক্তিকে পারমার্থিক বস্তু বলিয়া স্বীকার করেন । এই শক্তি অথবা শক্তিবিশিষ্ট শিব ( পরব্রহ্ম ) জগতের পরিণামী উপাদান ; শক্তি পারমার্থিক বস্তু হওয়ার মোক্ষ অবস্থায় শক্তির নিবৃত্তি হয় না, সে অবস্থাতেও শক্তি বিদ্যমান থাকে । এখানে সংক্ষেপে বলিতে গেলে বলিতে হয় যে, আচার্য্য শঙ্করের নির্বিশেষ অদ্বৈতবাদ শাক্ত-সম্প্রদায় গ্রহণ করেন নাই ; শঙ্করের মতে জ্ঞান-স্বরূপ ব্রহ্মের কোন ধর্ম নাই ; শাক্তগণের মতে জ্ঞানস্বরূপ শিব বিমর্শশক্তি বিদ্যমান আছে ; কিন্তু শক্তি ও শক্তি-মানের ঐক্যবশতঃ অদ্বৈতবাদেই শাক্ত-সিদ্ধান্ত পর্য্যবসিত হইয়াছে ( ৩২ ) ।

( ৩২ ) সৌভাগ্যময়ত বহু শ্রাং প্রজ্ঞায়ৈ ( তৈত্তিরীয়োপ-নিষদ্ ২।৬ ) ইতি ঋতিশ্চ । ‘অকাময়ত’ ইতি নিমিত্ততায় ‘বহু শ্রামি’তি পরিণাম্যুপাদানতায়াম্ভচ প্রতীতেঃ । ‘প্রকৃতিশ্চ প্রতিজ্ঞা-দৃষ্টান্তাম্ভরোধাদ্—( ব্রহ্মসূত্র ১।৪।১৩ ) ইত্যধিকরণে “আত্মকৃত্তেঃ পরিণামাদ্” ( ব্রহ্মসূত্র ১।৪।২৬ ) ইতি ব্রহ্মসূত্রে চ । সৌভাগ্য-ভাষ্য—প্রথম শতকের উপক্রম ।

সর্বপ্রমাণমুদ্বল্লয়া ঋত্যা তদনুসারিততৈত্তিরীয়োপ-নিষদ্ তদ্বিধিক্রমেণ তাসমানঃ কার্য্যকারণয়োর্ভেদাংশ এব কল্পিত আত্মাঃ ন পুনঃ সর্কোহপি প্রপঞ্চঃ । “নেহ নানাহস্তি কিঞ্চন” ( বৃহদারণ্যক ৪।৪।১২ কঠোপনিষদ্ ৪।১১ ) ইত্যাদিঋতিষপি ভেদাংশশ্চ নিষেধো ন প্রপঞ্চশ্চ । “একমেবাদ্বিতীয়ম্” ( ছান্দোগ্যোপনিষদ্ ৬।২।১ ) ইত্যাদৌ ঋয়মাণো ভেদবৎপ্রপঞ্চাভাবোহপি বিশেষণা-ভাবপ্রযুক্ত এব...১।৩

ভগবতা ব্যাসেনাপি “প্রকৃতিশ্চ ‘প্রতিজ্ঞাদৃষ্টান্তরোধাদ্ ( ব্রহ্মসূত্র ১।৪।১৩ ) ইত্যধিকরণে একবিজ্ঞানেন সর্ববিজ্ঞানপ্রতিজ্ঞা ( ছান্দোগ্যোপনিষদ্ ৬।১৩ ) মুদ্বল্লয়নিকৃন্তনাদিদৃষ্টান্তঃ ( ছান্দোগ্যোপনিষদ্ ৬।১।৪-৬ ) বহু শ্রাং প্রজ্ঞায়ৈ ( তৈত্তিরীয়োপনিষদ্ ২।৬ ) ইত্যভিধ্যোপদেশাদিকং চাহুসম্বন্ধানেন পরিণামবাদ এবাভিপ্রেতঃ কঠরবেণোক্তশ্চ “আত্মকৃত্তেঃ পরিণামাদ্” ( ব্রহ্মসূত্র ১।৪।২৬ ) ই-সূত্রে । ভাষ্যকারৈরপি ( —শঙ্করাচার্য্যৈরপি ) তত্র বিবর্তবাদাত্ত সারেন ব্যাচক্ষাণৈরপি সৌন্দর্যালহর্য্যঃ “মনঃ ব্যোমমম্” ( ৩৫ ) ইতি শ্লোকে “ঋয়ি পরিণতায়ামি”তি স্বাভিমতঃ পরিণামবাদ এ-সুটীকৃতঃ ।—বরিবস্তারহস্তপ্রকাশ ১।৩

গুরুর নিকট হইতে দীক্ষা গ্রহণ করিয়া গুরু উপদেশ অনুসারে উপাসনা করিলে অভীষিত পুরুষার্থের লাভ হয় ; তাহার কোন গুরু উপদেশ না লইয়া স্বয়ং শাস্ত্রপাঠ করিয়া সাধনায় প্রবৃত্ত হয়, তাহাদের গুরু-পরম্পরাগত আচারপদ্ধতি না থাকায় সিদ্ধিলাভ হয় না, অনিষ্টের প্রাপ্তি ঘটে ( ৩৩ ) । কেবলমাত্র দীক্ষাগ্রহণ করিলেই ঐহিক এবং পারত্রিক পুরুষার্থের লাভ হয় না, দীক্ষাগ্রহণ করিয়া মন্ত্রের সাধনা করিলেই পুরুষার্থ লাভ হয় ( ৩৪ ) ।

দীক্ষা শব্দের সাধারণতঃ তিনটি অর্থ শাস্ত্রে দেখিতে পাওয়া যায় ; ( ১ ) বাহার দ্বারা জ্ঞান-প্রাপ্তি ঘটে, তাহার নাম দীক্ষা ; ( ২ ) গুরু কৃপাপ্রদর্শন হইয়া যে অশুষ্ঠানের দ্বারা শিষ্যকে মন্ত্রদান করিয়া তাহার পাপ নষ্ট করিয়া দেন, —তাহার নাম দীক্ষা ( ৩৫ ) ; ( ৩ ) যাহা হইতে দিব্য-ভাবের প্রাপ্তি হয় এবং পাপ ক্ষয় হয়, তাহার নাম দীক্ষা ;

( ৩৩ ) পারম্পর্যবিহীন যে জ্ঞানমাত্রেন গন্ধিতাঃ ।

তেষাং সময়লোপেন বিকূর্ষন্তি মরীচয়ঃ ।

বরিবণ্ডারহস্তপ্রকাশে ( ২১৬৫ ) উদ্ধৃত আগমবাক্য । মরীচয়ঃ — ডাকিছাদয়ঃ । বিকূর্ষন্তি — ধাতুবিকারপ্রাপণেন মারয়ন্তীত্যর্থঃ । বরিবণ্ডারহস্তপ্রকাশ ২১৬৫

( ৩৪ ) ন কেবলং দীক্ষাগ্রহণমাদেশে ঐহিকামৃতিকপুরুষার্থলাভঃ বিন্দু তৎপূর্বকমন্ত্রসাধনাদেব । — প্রপঞ্চসারবিবরণ ৫১

( ৩৫ ) দ্বিয়ং জ্ঞানং ক্রিণোতি প্রাপয়তীতি দীক্ষা । “অথাতো দীক্ষা কত্রাস্বিক্তোদীক্ষিত ইত্যচক্ষতে” ইত্যরভ্য “তং বা এতং দীক্ষিতং সন্তং দীক্ষিত ইত্যচক্ষতে” ইত্যস্তাথর্ষণব্রাহ্মণাং ।

এই দীক্ষা হইতেই মন্ত্র-সাধনার দ্বারা সিদ্ধিলাভ হইয়া থাকে ( ৩৬ ) । যদিও পাণিনির মতে দীক্ষা শব্দের অন্তরূপ অর্থ হইতে পারে, তথাপি সে অর্থ তন্ত্রশাস্ত্রে আদৃত হয় নাই ।

আচার্য্য শঙ্করের প্রবর্তিত বেদান্তমতে উপাসনার দ্বারা চিত্তশুদ্ধি হইলেও সিদ্ধিলাভ অর্থাৎ মোক্ষপ্রাপ্তি হয় না ; যে সকল শ্রুতিবাক্যে কেবল জীব কিংবা কেবল ব্রহ্মের স্বরূপের উপদেশ আছে, তাহাদের নাম ‘অবাস্তব বাক্য’ ; যে সকল শ্রুতিবাক্যে জীব ও ব্রহ্মের অভেদ উপদেশ আছে, তাহাদের নাম ‘মহাবাক্য’ । আচার্য্য শঙ্করের প্রচারিত বেদান্তসিদ্ধান্তে এই মহাবাক্যের শব্দ-মনন পূর্বক যে নিদিধ্যাসন, তাহা হইতে ব্রহ্মের সাঙ্গাৎকার হইয়া জীবের ব্রহ্মভাব-প্রাপ্তি হয় ; ইহাই মোক্ষ—ইহাই পরমপুরুষার্থ । আমরা দেখিতে পাইতেছি, শাস্ত্র-সম্প্রদায়ের সিদ্ধান্ত একেত্রেও আচার্য্য শঙ্করের সিদ্ধান্ত হইতে বিভিন্ন পথ অবলম্বন করিয়াছে ; শাস্ত্র আচার্য্যগণ উপাসনাকেই ভোগ ও মোক্ষের প্রত্যাসন্ন সাধনরূপে স্বীকার করিয়াছেন ।

শ্রীহারিণচন্দ্র শাস্ত্রী ।

শিষ্যোভ্যো মন্ত্রদানেন পাপং ক্ষয়তীতি বাণা ‘দীক্ষতে কৃপয়া শিষ্যে ক্ষীয়তে পাপসঞ্চয়ঃ । তেন দীক্ষতি কথিতা’—ইতি পরমানন্দতন্ত্রাং । — সৌভাগ্যভাস্কর—১৮৭

( ৩৬ ) দত্তাচ্চ দিব্যভাবং কিণ্বয়াদুরিতাজ্ঞতো দীক্ষা । — প্রপঞ্চসার ৫১২ দীক্ষাশব্দনির্কটনেন দীক্ষায়াঃ সিদ্ধিদানসামর্থ্যাৎ দর্শয়তি—দত্তাদিত্য । — প্রপঞ্চসারবিবরণ ।

## কঠিন কৌতুক

মোটরে চড়িয়া পথে যবে চলি কেহ তো দেখে না চেয়ে,  
পায়ের ছেঁড়া চটি বাহিরাই যেই বন্ধুরা আসে ছেয়ে !

লজ্জা যতই ঢেকে দিতে চাই,

গরীবের লাজ চাকে না তো ভাই,

কাপড়ে জামায় তালি ও সেলাই উড়ে ওঠে হাওয়া পেয়ে !

মোটরে চড়িয়া পথে যবে চলি কেহ তো দেখে না চেয়ে !

হাঁৎ কখনো কাবুলীর কাছে টাকা যদি ধার করি

সে আমন, আকাশ-বাতাস সংবাদে ওঠে ভরি' ।

এখানে এত যে দান ক'রে যাই,

জগতে সেখানে অন্ধ সবাই,

মালো কাজে কত সাক্ষী মেলে না মন্দে ডুবিয়া মরি ।

হাঁৎ কখনো কাবুলীর কাছে টাকা যদি ধার করি ।

বাহিরে চুকট কখন টেনেছি তাতেও রক্ষা নাই,

যত গুরুজন যেখানে যে থাকে সেবে টের পায় ভাই ! .

আফিসের কাজে খাটি যবে যত,

মালিক তাহার দেখে না তো তত,

জিরতে গেলেই—“ফাঁকিবাজ ফ'তো” হার রে আখ্যা পাই !

বাহিরেতে পাপ কখনো ক'রেছি তাতেও রক্ষা নাই !

দেবতা, তুমি যে এমন রসিক কে জানিত হার শেষে,

মড়ার উপরে খাঁড়া চলাইতে হুঃখ নেই— ওঠো হেসে ;

ছিদ্র যদি বা ঢেকে রাখি হার,

তুমি খুলে দাও কৌতুক-বার,

হুর্কলতা যে হ'ল অসহায় আঁধারেও যায় ফেশে ।

দেবতা, তুমি যে এমন রসিক কে জানিত হার শেষে !

শ্রীমধুসূদন চট্টোপাধ্যায় ।



## অভিনেত্রী

( গল্প )

সিনেমার রূপালী পর্দায় মঞ্জু দেবীকে দেখে অনেকেই করতালি দিয়েছেন।—তাকে না জানেন, তার রূপ ও অভিনয় দেখে মুগ্ধ না হ'য়েছেন, নাট্যরসজ্ঞদের মধ্যে এমন লোক বাঙ্গালা দেশে কম। তার শাড়ী-পরিধানের বৈশিষ্ট্য, কেশচর্চার অপরূপ ভঙ্গি আজ বাঙ্গালার প্রগতি-বাদিনী মহিলাগণের অনুকরণীয়। কিন্তু তার হৃদয়ের গোপন রহস্যের সহিত পরিচিত হওয়ার সৌভাগ্য অনেকেই হয়নি;—বলতে বাধা নেই, এ বিষয়ে আমি ভাগ্যবান।

মঞ্জুর বংশ-পরিচয়, জন্ম-পরিচয় না দিলে রসচর্চার কোন ক্রটির আশঙ্কা নেই; এটুকু বললেই যথেষ্ট হবে যে, প্রয়োজনে হোক, বা অপ্রয়োজনেই হোক, অথবা খ্যাতির মোহেই হোক, কি, এ পড়তে-পড়তে হঠাৎ সে অভিনেত্রী হ'য়ে পড়ে। খ্যাতি সে অর্জন ক'রেছে খুব আকস্মিক ভাবেই, অর্থও সঙ্গে সঙ্গে এসেছে প্রয়োজনের অতিরিক্ত; কাজেই অপব্যয় ক'রতেও কোন দিন কুষ্ঠা বোধ করেনি।

একদিন তার বাড়ীতে চা-পাটির উৎসবাস্তে সে নিভূতে আমার প্রশ্নের উত্তরে ব'লেছিল, -আমি কেন চা-পাটি দিয়ে হৈ-চৈ বাধাই? কারণ, সাহিত্যিকদের আমার বড় ভাল লাগে,—লেখা প'ড়ে মনে হয়, যারা মানুষের অন্তরকে এমনি ক'রে বিচার ক'রবে, তারা নিশ্চয়ই আমাকেও বুঝবে, তাই আপনার ব'লে মনে হয়। এজন্য মাঝে মাঝে ডেকে এনে তৃপ্তি পাই—আপনারা সাহিত্যের আলোচনা করেন, তাতেই আমার আনন্দ, সেই আমার লাভ।

আমি হেসে ব'লেছিলাম,—যখন আমরা লিখি তখন আমরা পরের অন্তরকে বুঝি, যখন চাকুরী করি তখন স্বার্থকে বুঝি—তোমার এই পাটি তাই পণ্ড্রম।

মঞ্জু চুপ ক'রেই রইল, হয় ত কি একটা কথা ভাবছিল। আমি প্রশ্ন ক'রলাম,—তোমার এত অর্থ—এত খ্যাতি; পর্দায় তোমাকে দেখে দর্শকদল চঞ্চল হ'য়ে কলরব ক'রে

ওঠে, তোমার নাম সকলের মুখে মুখে; কত লোক তোমাকে ঘিরে স্বপ্নের কুহক-জাল রচনা করে! তবুও কি বলতে চাও—তুমি সুখী নও? যে আয়ত নেত্রের চঞ্চল কটাক্ষের আঘাতে সমগ্র দেশ রোমাঞ্চিত হ'য়ে ওঠে, সেই নলিন নেত্রের বিলোল কটাক্ষ আমার মুখের উপর নিক্ষেপ ক'রে মঞ্জু শাস্ত কণ্ঠে ব'লল,—হ্যাঁ, সত্যিই সুখী নই আমি। আশ্চর্য্য হবেন হয় ত, কিন্তু মনে মনে আমি বড় একা, তাই অশান্তি আমার নিত্য সঙ্গী।

আশ্চর্য্য হ'য়েছিলাম; ব'ললাম,—তোমার একটু কৃপাপ্রার্থী হ'য়ে কত লোক আসে; তোমার একবিন্দু ভালবাসা পেলে যারা ধন্ত হয়—

মঞ্জু ব্যথিত কণ্ঠে ব'লল,—না, তারা আমার ভালবাসাও চায় না, আমাকে ভালও বাসে না; কয়েক দিনের জন্তে তারা পানানন্দের বিহ্বলতা পেতে চায় মাত্র।

—এত লোক তোমার দিকে লুক নেত্রে চেয়ে থাকে, তোমার গুণগান করে, তোমাকে কল্পনা ক'রে তারা পুলকে রোমাঞ্চিত, এতে তুমি মনে মনে গর্ক অনুভব কর না? মঞ্জু তাচ্ছিল্যভরে উত্তর দিল, আগে ক'রতাম, এখন ওতে ঘেন্না ধ'রে গেছে।

আমি ব'ললাম,—আমি সঙ্গীক হ'চার দিন বেরিয়েছি; কোনও ব্যক্তি লোলুপ দৃষ্টিতে তাঁর দিকে তাকালে তিনি কি বলেন, জানো?—লোকগুলো কি অসভ্য; এমনি ক'রে তাকায়, যেন গিলতে চায়!—তিনি হয় ত অস্বস্তি বোধ করেন।

মঞ্জু উত্তর দিল,—হ্যাঁ, স্বাভাবিক বটে।

—কিন্তু কোন মহিলা আমাদের দিকে তাকাতো আমরা গর্ক অর্থাৎ গৌরব অনুভব করি।

মঞ্জু ব'লল,—সেটাও স্বাভাবিক; আপনাদের মনে সঙ্গ আমাদের মনের তফাৎই ঐখানে।

বার বার সে কেমন অসংলগ্নভাবে আমার কথা জবাব দিতে লাগলো, তাই বিদায় নিয়ে বেরিয়ে এলাম।

মঞ্জুর বয়স এখন প্রায় তিরিশের কোঠায় পৌঁছেছে, দেহে এখনও সযত্নসঞ্চিত যৌবন। তার বয়স যখন বাইশ বৎসর, তখন সবে তার নাম জাহির হ'তে চ'লেছে। সাহিত্যিক গোপাল বাবুর লেখা তার খুব ভাল লাগতো—গোপাল বাবুর বয়স তখন মাত্র আটাশ বৎসর। গোপাল-বাবুর ভাষা তীব্র, ও তাঁর রচিত প্রত্যেক চিত্রে সে যেন নিজের প্রতিচ্ছবিই প্রতিফলিত দেখত।

ষ্টুডিওতে এসে তাঁর সঙ্গে মঞ্জুর পরিচয় হয়, সে তাঁকে নিমন্ত্রণ ক'রে নিয়ে আসে। গোপাল বাবু তখন ভবঘুরে, চাকুরী নেই। এমনি ক'রে তাঁদের প্রথম পরিচয় হয়; কিন্তু মঞ্জু তাঁকে ভালবেসেছিল।

মঞ্জু তার নিভৃত কক্ষে প্রসাধনে রত ছিল, গোপাল বাবু পর্দার ফাঁকে ব'ললেন—আসতে পারি?

—আসুন।

গোপাল বাবু দ্বিধা না ক'রেই ব'ললেন,—আমাকে একটা টাকা দিতে পারেন? খাইনি, তা' ছাড়া একটু অন্ত্র ঘেতে হবে।

মঞ্জু নির্ঝাঁকু বিষয়ে একটু চূপ ক'রে থেকে তাঁকে গোটা-চারেক টাকা দিল। গোপাল বাবু বাকি কয়টা ফেলে-রেখে একটি মাত্র টাকা নিয়ে, ধনুবাদ না জানিয়েই বেরিয়ে পড়লেন।

মঞ্জুর মন করুণা ও সহানুভূতিতে পূর্ণ হ'য়েছিল। গোপাল বাবুকে এই সাহায্যটুকু ক'রে সে অপূর্ণ আত্ম-সম্মতি অনুভব ক'রেছিল।

গোপাল বাবুর সঙ্গে তার পরিচয় ঘনিষ্ঠ হ'য়ে উঠলো।

গোপাল বাবু দারুণ ভবঘুরে, তাঁকে বল ক'রে মঞ্জু তৃপ্তি প'ত্ত ক'রতো। গোপাল বাবুও নিশ্চিন্ত হ'য়ে মঞ্জুর আশ্রয় গ্রহণ ক'রলেন। গোপাল বাবু লিখতেন, মঞ্জু তাঁকে সাহায্য দিত, পরম আগ্রহে তাঁর লেখা শুনতো; এমনি ক'রে ছ'টি বৎসরে তাঁদের হৃদয় পরস্পরের প্রতি আকৃষ্ট হ'য়েছিল।

গোপাল বাবু ব'লতেন,—এ জগতে সমাজ, নীতি,

এগুলো মানুষের সৃষ্টি, প্রয়োজনবোধে নিজের সুবিধামত তারা সেটা গ'ড়ে-তুলেছে, তাই এর মূল্য খুব কম। আমি কাউকে গ্রাহ্য করিনে; এই যে তোমার আশ্রয় গ্রহণ ক'রেছি, এর মাঝে হয় ত লোকের দৃষ্টিকটু অনেক কিছু আছে, হয় ত আড়ালে ব্যঙ্গও তারা করে; কিন্তু আমাদের হৃদয়ের পরিচয়ই কি সবচেয়ে বড় নয়?

জ্যোৎস্না রাতে খোলা ছাতে ব'সে মঞ্জু মাথা নেড়ে ব'লতো,—নিশ্চয়ই। সমাজ আমাদের পিছু আসবে, আমাদের অন্তর অনুধায়ী গ'ড়ে উঠবে। সমাজের য'পকাঠে আমরা গলা বাড়িয়ে দিয়ে বলি হ'তে চাইনে।

গোপাল বাবু ব'লতেন,—এই খে আমি, আমার অর্থ নেই, বিত্ত নেই। তোমার পক্ষে আমাকে ভালবাসা সম্ভব নয়; কিন্তু তবুও তোমার এই যে ভালবাসা—এ কি মিথ্যা? সমাজের উপরে এর দাবী।

মঞ্জু মাথা নেড়ে ব'লত,—হ্যাঁ, নিশ্চয়ই।

তখন যদি কোন বন্ধু মঞ্জুকে গোপাল বাবুর প্রসঙ্গ নিয়ে বিদ্রূপ বা পরিহাস ক'রত, মঞ্জু দৃঢ়কণ্ঠে জবাব দিত, সমাজের পরিচয়ই মানুষের পরিচয় নয়, তার হৃদয়ের পরিচয়ই তার সবচেয়ে বড় পরিচয়। সমাজের কটাক্ষ ও পরিহাসকে তাই আমি কোন মূল্যই দিতে পারিনে, সে জন্তে আমার ক্ষমা ক'রো।

অনেকে হাসতো, অনেকে মনে ক'রতো, ইহা মঞ্জুর গর্ব, অহঙ্কার। কেহ বা সহানুভূতি ভরে মনে ক'রতো, -- ও যদি গোপাল বাবুকে বিবাহ ক'রে সুখী হ'তে চায় ত হোক।

গোপাল বাবু ছ'চার দিন না এলে, মঞ্জু ব্যস্ত হ'ত। এদিক ওদিকে টেলিফোন ক'রে সংবাদ নেওয়ার চেষ্টা ক'রতো। ষ্টুডিও থেকে ফিরে ক্লাস্ত দেহে তাঁর প্রতীক্ষা ক'রতো।

গোপাল বাবু এলে সে অভিযোগ ক'রতো; যদি এদিক ওদিক যাওয়ার দরকার হয়, ব'লে গেলেই হয়, আমি বৃথা ভেবে মরিনে।

গোপাল বাবু হেসে ব'লতেন,—ওটা দরকার। আর আমার অনুপস্থিতির জন্তে আমার দায়িত্ব খুবই কম। অর্থাৎ নানান কাজে আসা হয় না।

মঞ্জু বিশ্বাস ক'রে তাঁর আজামত গান ক'রলে গোপাল বাবু শুনে তারিফ ক'রতেন।

হঠাৎ গোপাল বাবুর আসা-ধাওয়ার ব্যবধান বাড়তে আরম্ভ হ'ল। মঞ্জু অভিযোগ ক'রলেও সে ব্যবধান কমতো না। অকস্মাৎ মাসাবধি আর গোপাল বাবুর দেখা নাই।

মঞ্জু তাঁর অসুস্থতা অনুমান ক'রে কত সম্ভব অসম্ভব ভবিষ্যৎ কল্পনার ভয়ে ছুঃখে নানা প্রকার অস্বস্তি অনুভব ক'রতো।

একদিন সে সংবাদ পেল, গোপাল বাবুর বিবাহ হ'য়েছে, এবং তিনি নিশ্চিন্ত মনে ধর-সংসার ক'রছেন। গোপাল বাবুর জীও কুশলেই আছেন।

মঞ্জু হুঃ ত সে রাতে ছ' ফোটা অশ্রু ত্যাগ ক'রে নিজের লাঞ্ছনাকে নীরবে সহ ক'রেছিল। জীবনের সেই পৃষ্ঠাটি উন্টে ফেলে নতুন ক'রে আবার জীবনের পথে অগ্রসর হ'য়েছিল।

তারপরে মঞ্জুর জীবনে এসেছিলেন আর একজন,— বিখ্যাত নট অধীর বসু।

অধীর বাবু ব'লতেন,—‘ঋণং কৃত্বা দ্বুতং পিবেৎ।’ যে দেহ ছ'দিন বাদে ছাই হ'য়ে যাবে, তাকে অত সমীহ করা চলে না। যে ক'দিন বেঁচে থাকি, আনন্দে থাকি; যখন বুঝবো, ছুঃখ-দারিদ্র্য অনিবার্য, সেদিন দেহটাকে ধ্বংস ক'রলেই সব চুকে যাবে। সমাজকে মানলে সুনাম, যা আমার সঙ্গে যাবে না, তার জন্তে জীবনের, যৌবনের শ্রেষ্ঠ দিনক'টিকে ছুঃখময় ক'রে তোলা নির্করুণিতা ছাড়া আর কিছুই নয়।

মঞ্জুও ভাবতো, বৃথা নীতি ও সংস্কারের বোঝা মাথায় নিয়ে জীবনকে পঙ্গু ক'রে কি লাভ! আনন্দের খরশ্রোতে জীবন-তরীকে ভাসিয়ে দেবে সে উদ্দেশ্যহীন লক্ষ্যহীন ভাবে—অর্থের অপ্ৰাচুর্য যখন তার নেই। ভগবান যা দিয়েছেন তা ভোগ করাই প্রয়োজন।

অধীর বাবুর আদেশে মঞ্জু গান ক'রতো, অত্যন্ত সরল ভোগলালসাপূর্ণ গান। অধীর বাবু তা শুনে অধীর হ'য়ে উঠতেন, দ্রব্যগুণে কত কি প্রলাপ ব'লে যেতেন; মঞ্জু শুনে হাসতো, আর তাঁর সেই বন্ধনহীন উচ্ছ্বল জীবনকে মানসিক শক্তি আখ্যা দিয়ে তার তারিফ ক'রতো।

বন্ধুদের প্রশ্নের জবাবে সে ব'লতো,—দীর্ঘকাল বেঁচে

থাকতে আমি চাইনে, যে ক'দিন বেঁচে থাকি সুখে থাকতে চাই। আর আজ আমি অখ্যাতি কুখ্যাতির বাইরে।

তারা ব'লতো,—কুকাঙ্ক করা বা কুখ্যাতি অর্জন করার মধ্যে পৌরুষ বা মহানুভবতার কোনটাই নেই। মঞ্জু হেসে ব'লতো,—আনন্দ ত আছে, সেই যথেষ্ট।

অধীর বাবু, গোপাল বাবুর মতই অনুপস্থিত হ'লেন।

কিছুকাল পরে মঞ্জু জানল—অধীর বাবুর জীও তাঁকে বাসায় বন্দী ক'রে রেখেছেন। সে বন্ধন উপেক্ষা ক'রে ‘ঋণং কৃত্বা দ্বুতং’ পান ক'রবার সাহস তাঁর নেই।

মঞ্জু আবার ছ' ফোটা অশ্রু বিসর্জন ক'রে নীরবে তাঁর উপেক্ষাও মার্জনা ক'রল। জীবনের এ পৃষ্ঠাটিও অতীতের অন্ধকারাচ্ছন্ন বিস্মৃতি-গহ্বরে সমাহিত হ'ল।

এমনি ক'রে আরও অনেকেই মঞ্জুর জীবনের মেঘ-রৌদ্রে লীলাচঞ্চল সঙ্কীর্ণ নেপথ্যে ছ'দিনের জন্তে উৎসব ক'রে গেছে। উৎসবান্তের অবসাদে ও উচ্ছিষ্ট আবর্জনার সেই প্রাক্কণ আজ পরিপূর্ণ; বিবাহ অস্ত্রে ক'নের বাড়ীর শূন্যতার হাহাকারে আজ তার অন্তর দিশেহারা।

আমার বইটার যখন মহলা চ'লছিল ও স্টুটিংএর জোগাড় হচ্ছিল, সেই সময় মঞ্জু এক দিন আমার পাশে সোফায় ব'সেছিল। প্রগল্ভতা ও হাত্তরসের যথেষ্ট পরিচয়ই সে দিয়েছিল; আমি ব'সেই ছিলাম। মঞ্জু মৃদুস্বরে আমার ব'লল,—আপনার অনেক লেখা আমি প'ড়েছি—

—বটে! কেমন লাগে? ভাল না নিশ্চয়ই।

—আপনার ‘ধরিত্রী’ বইখানা আমার এত ভাল লাগে—বইখান চোখের জলে ভিজ্জে গেছে কতবার, তা আপনি কিরূপে বুঝবেন?

আমি ব'ললাম,—বুঝতে না পারা আমার দুর্ভাগ্য। তোমাদের বই পড়বার সময় আছে, বা কাঁদবারও অবসর পাও তোমরা—এমন ধারণা আমার নেই।

মঞ্জু জবাব দিল না। চুপ ক'রে ব'সে রইল।

কার্যসমাপনান্তে সে আমাকে প্রশ্ন ক'রল,—আপনার বাসা ত ঝামাপুকুর?

—হ্যাঁ।

—চলুন, আমার গাড়ীতে। আমি পৌঁছে দেবো।

—চলো।—ট্রামের পরসী ক'টা বেঁচে গেল—এ কথা মুহূর্তের জন্য মনে প'ড়েছিল।

মঞ্জু গাড়ীতে উঠে ব'লল,—আপনি অন্যের অন্তরকে বুঝতে পারেন, তাকে উপযুক্ত মূল্য দিতে পারেন ব'লে আমার বিশ্বাস। আপনি অন্ততঃ আমাকে ব্যঙ্গ ক'রবেন না।

আমি আশ্চর্য হ'য়ে ব'ললাম,—আমি ব্যঙ্গ ত করিনি। তোমাকে—মানে তুমি অভিনেত্রী ব'লে আমি ব্যঙ্গ করিনি, বড়লোকদের পক্ষে সদয়হীন হওয়া স্বাভাবিক, এই কথাই ব'লতে চেয়েছি।

মঞ্জু হেসে ব'লল,—আমি কি বড়লোক?

গম্ভীর মুখে ব'ললাম,—এ আলোচনা নিঃপ্রয়োজন।

দরজার কাছে এসে গাড়ী থামলো।

বাধ্য হ'য়ে ব'ললাম,—যদি কিছু মনে না কর, গম্ভীরের বাড়ীতে একবার—

মঞ্জু হেসে ব'লল,—আমাকে কটুক্তি করার লোভ কিছুতেই সম্বরণ ক'রতে পারেন না?

বৈঠকখানা ঘরে প্রলম্বি একখানা ছেঁড়া ঘুড়ীর সর্কান্দে তালি লাগাচ্ছিল। আমার আঠার পাত্রটি নিঃশেষিত হ'য়ে গেছে, এবং খোকার দেহের বহু স্থানেও তালির কিছু কিছু চিহ্ন বর্তমান!

—ওরে বোকা, সবখানি আঠা নষ্ট ক'রেছিস্? সারা গায়ের মেখেছিস্?

খোকার বয়স বছর পাঁচেক। গম্ভীর স্বরে সে জবাব দিল,—ঘুড়ী মেরামত ক'রচি কি না!

গৃহিণীকে চা'য়ের জন্যে ব'লতে যাবো, গুনলাম, খোকা মঞ্জুকে ব'লছে,—কাল পাঁচখানা ঘুড়ী কেটেছি, তা মা বকে।

মঞ্জুর গান শুনে, অভিনয় দেখে গৃহিণী বহু প্রশংসা ক'রেছেন; কিন্তু আজ সেই মঞ্জু স্বয়ং আমার অতিথি, এবং আমার সঙ্গেই এসেছে জেনে তিনি কিঞ্চিৎ অপ্রসন্ন হ'লেন। একটু বিরক্তির সঙ্গে চা'এর কেৎলীটা সশব্দে উত্তনের উপর বসিয়ে দিলেন।

ফিরে দেখি, আঠা ও তালি অবলুপ্ত খোকা ছিন্ন ঘুড়ীর সূতা ধ'রে মঞ্জুর কোলে ব'সে, কোন্ দোকানের

ঘুড়ী ভাল ও সস্তা সে বিষয়ে তার অভিমত জানাচ্ছে, এবং অকুণ্ঠিতভাবে পিতার ঘুড়ী সনাক্তীয় উদাসীনতার বিরুদ্ধে অভিযোগ ক'রছে।

মঞ্জু হেসে ব'লল,—আপনি ঘুড়ী সম্বন্ধে কোন কোতূহলই প্রকাশ করেন না, এটা সত্যিই অন্যায়।

আমি ব'ললাম,—তার চেয়েও বেশী অন্যায় আঠা লাগিয়ে দাগী কাপড়টা নষ্ট করা। খোকা, মা এখন থেকে, নোংরা ভূত কোথাকার—

খোকা নামতে উত্তত হ'য়েছিল। মঞ্জু ব'লল,—থাক না। কি সুন্দর ছেলে!

খোকা আমার পুত্র হ'লেও চেহারাটা মন্দ নয়; মঞ্জুর প্রশংসায় মনে মনে খুসীই হয়েছিলাম। গৃহিণী চা নিয়ে এলেন। মঞ্জু নমস্কার ক'রলে গৃহিণী জবাব দিলেন,—আপনার অভিনয় কত দেখেছি। আমার পুত্র ভাল লাগে।

মঞ্জু হেসে ব'লল—সত্যি!

আলাপটাকে অগ্রসর হ'তে দেওয়া তাঁর ইচ্ছা ছিল না, তাই ছুতা ক'রে তিনি বেরিয়ে গেলেন। মঞ্জু খোকাকে ব'লল,—তোমার ক'টা খেলনা আছে।

খোকা সুপ. ক'রে তার কোল থেকে লাগিয়ে প'ড়ে ব'লল,—দেখবে?

—হঁ।

সগর্বে সে তার সিগারেটের কোটার সুটকেশ বের ক'রে দেখালে,—ছ'টি কন্ধকাটা চিনেমাটির পুতুল, একটা চ্যাপটা আলুর পুতুল—

খোকা ব'লল,—নাম জানো?

মঞ্জু ব'লল—না।

—এটা কন্ধকাটা, এটা ব্রহ্মদষ্টি, এটা পেদ্রী—

—এসব নাম তুমি রেখেছ।

খোকা সগর্বে ব'লল,—“বাবা রেখেছে ওসব নাম।”

মঞ্জু হো হো ক'রে হেসে ব'লল,—ছেলেকে এমন ক'রে ভুলোতে হয়!

আমি ব'ললাম,—জীবিত কালে ওদের নাম অশ্রুত ছিল; এখন পারলৌকিক জীবনে ওদের নাম ওই—ওদের লীলা-জীবনের নাম এখনও রেখে-দেওয়া ঠিক নয়।

মঞ্জু আমার কথায় প্রগল্ভের মত খানিক হাসি

উদ্দিগরণ করে খোকাকে বলল,—তোমার ডিগবাজী খাওয়া পুতুল নেই ?

—বাবা দেয় না।

আমি যদি দেই তুমি আমায় কি দেবে ?

খোকা অনিচ্ছাসঙ্গেও একটা কক্ককাটা পুতুল দেখিয়ে বলল,—এইটে।

আমার কাছে আসবে।

—হঁ। কবে দেবে ?

—কালই দেব।

—যুড়ী দেবে ?

—হঁ—কিন্তু তুমি ছাতে ওড়াতে যেতে পারবে না।

খোকা অনিচ্ছাসঙ্গেও এই সন্তে রাজি হ'ল।

মঞ্জু বলল,—আমার সঙ্গে যাবে।

—না। মা ব'কবে—

পরদিন সন্ধ্যা শেষে মঞ্জু বলল,—চলুন যাই।

তার গাড়ীতে উঠে ব'সলাম।

গাড়ীখানা চলতে চলতে হঠাৎ থামলো। মঞ্জু হ'খানা ঘুড়ী ও কিছু খেলনা কিনল।

আমি বললাম,—তুমি সেই কথা মনে ক'রে রেখেছ—

মঞ্জু বলল,—বেশ! খোকা হয় ত কত আশা ক'রে অপেক্ষা করছে।

আমি হেসে বললাম,—বহুক্ষণ সে কথা সে ভুলে গেছে—তা না হ'লে রোজ কত কি দেব প্রতিজ্ঞা করি, তা যদি সবই দিতে হ'ত তবে ত আমি ফতুর—

—তা হোক!

ঘরে ফিরে দেখা গেল, খোকা দোয়াতের কালির প্রায় সবখানিই নিজ অঙ্গে মেখে ধরা-পড়া চোরের মত আমার লেখার টেবিলের উপর দাঁড়িয়ে আছে।

মঞ্জু বলল,—এ কি ক'রেছ খোকা ?

খোকা নিজের দেহের দিকে তাকিয়ে ভীত দৃষ্টিতে আমার দিকে চেয়ে রইল। বুঝলুম, একটা কিছু অস্তায় সে ক'রেছেই—

মঞ্জু খোকাকে কোলে ক'রে নামাতেই দেখা গেল—মঞ্জুরই ছবিওলা একখানা ক্যালেন্ডার দেয়ালে ঝুলতো,

সেটাতে আজ অকস্মাৎ একটা বেমানান গৌফের আবির্ভাব হ'য়েছে।

ব'ললাম,—মঞ্জু, দেখ তোমার হুর্গতি।

মঞ্জু হেসে উঠল। বলল,—খোকা, এ ছবি কার ?

খোকা কাঁদ-কাঁদ হ'য়ে বলল,—বাবার।

মঞ্জু আবার হেসে বলল,—ওই মেয়েটার চেহারা আমার মত নয় ?

খোকা অশ্রুপূর্ণ চোখ রগড়ে হু'ফোটা অশ্রু মুছে বলল,—হেঁ।

—তবে গৌফ দিলে কেন ? আমার কি গৌফ আছে ? সত্তর দৃষ্টিতে আমার মুখের দিকে একবার চেয়ে খোকা মঞ্জুর বুকের মাঝে মাথা লুকাল। মঞ্জু তার মাথার হাত বুলিয়ে দিয়ে বলল,—যাক্গে,—গৌফ না হয় থাক্, তুমি ঘুড়ী দেখবে না ?

খোকা মাথা তুলে বলল,—কই ?

মঞ্জু তাকে ঘুড়ী ও খেলনা দিয়ে বলল,—এই দেখ, খোকা কেমন ডিগবাজী খাবে।

সে দম্ দিয়ে ছেড়ে দিল; সেলুলয়েডের খোকা অবিশ্রান্ত ডিগবাজী খেতে লাগল আর সেই সঙ্গে আমার খোকাও আনন্দে নাচতে আরম্ভ ক'রল।

মঞ্জু এইবার প্রশ্ন ক'রল,—ওর গৌফ এঁকে দিলে কেন ?

খোকা সেদিকে বিশেষ মনোযোগ না দিয়েই বলল—বাবার গৌফ আছে যে!

আমি বললাম,—অর্থাৎ যেহেতু ওর বাবার গৌফ আছে, সেই হেতুই জীপুরুষ-নির্কিশেষে সকলেরই গৌফ থাকতে হবে।

মঞ্জু হোঃ হোঃ ক'রে হেসে-উঠে খোকাকে কোলে টেনে নিল। হু'টি চুম্বন তাকে আদর ক'রে বলল,—তা গৌফ না হয় থাক্। তুমি যাবে আগার সঙ্গে, গাড়ীতে ক'রে গড়ের মাঠে নিয়ে যাবো—

খোকা বলল,—গাড়ী কই ?

উন্মুক্ত দরজার ফাঁক দিয়ে মঞ্জু তার গাড়ী দেখিয়ে বলল,—ওই যে।

—আমার চড়তে দেবে ?

—দেব বই কি।



—মা যে বকে ।

—তোর কাছে গুনেই যাবে, নইলে কি আমিই নিয়ে যেতে পারি ?

—গুনে আসবো ?

মঞ্জু ব'লল,—আজ নয়, তুমি গুনে রেখো, আর একদিন নিয়ে যাবো । আজ কাজ আছে ।

খোকার সঙ্গে মঞ্জুর ঘনিষ্ঠতা নিবিড়তর হ'য়ে উঠলো ।

মঞ্জু আস্তো, আমার অপেক্ষা না-ক'রেই খোকাকে নিয়ে খেলা ক'রতো, এবং খোকাও তারই কাছে তার যাবতীয় আকার পেশ ক'রতে আরম্ভ ক'রেছিল ।

মঞ্জুর খেলনার ঘর ভরে গেছে, খোকা সেগুলোকে ভেঙ্গেও শেষ ক'রতে পারছে না এমনি তার স্বাচ্ছন্দ্য ।

একদিন মঞ্জুকে চা দিয়ে ব'ললাম,—মঞ্জু, আর খেলনা কিনে অর্থের অপচয় ক'রো না । যথেষ্টই ত দিয়েছ, ওগুলো আগে ভেঙ্গে সাবাড় করুক—

—অপচয় ত অনেকই করি ।

—কিন্তু এতে ক্ষতি আছে । তুমি আর দিও না ।

মঞ্জু বিস্মিত হ'য়ে ব'লল,—আপনি অসন্তুষ্ট হন ?

—না, তোমার মত একজন মহিলা আমার ছেলেকে আদর করে, এ আমার গৌরবের বিষয় সন্দেহ নেই । কিন্তু ও দরিদ্রের ঘরে জন্মেছে, ভবিষ্যতে হুঃখ, কষ্ট ও অতৃপ্তি ওকে পেতেই হবে, তাই এখন থেকেই ওর মনকে ব্যর্থতার জন্তে প্রস্তুত হ'তে দাও ।

মঞ্জু ব'লল, এই ! যে কয়দিন তৃপ্তি পায় সে-ই লাভের ; ভবিষ্যতে যে ও দরিদ্রই থাকবে তার কি প্রমাণ আছে ? ও বড় হবে—

আমি ব'ললাম,—এখনকার ওই পরিতৃপ্তি ভবিষ্যতে ওর অতৃপ্তিকে দ্বিগুণ ক'রে ফিরিয়ে দেবে, তখন হয় ত সে হুঃখকে বইবার সাধ্য ওর হবে না ।

মঞ্জু হেসে ব'লল,—আচ্ছা ।

খোকা গৃহপালিত বিড়ালটির কাণ ধ'রে টানতে টানতে এনে ব'লল,—এই যে মিলি ।

মঞ্জু কুদর্শন বিড়ালটিকে হাতে নিয়ে ব'লল,—খোকা ক'বে না আজ বেড়াতে ?

খোকা ব্যথিত ভাবে ব'লল,—না ।

মঞ্জু ভাবল, তার কোনও আকার হয় ত আছে, তাই সে ব'লল,—কি দিলে তুমি যাবে বল ত ? গাড়ীতে যাবে না ।

খোকা আবার ব'লল—না ।

খোকাকে কোলে টেনে নিয়ে সে ব'লল,—তবে কি চাই ?

খোকা ব'লল,—তুলোর কুকুর, আজ টিপলে কুঁই-কুঁই ক'রে—তাই দেবে ?

মঞ্জু ব'লল,—নিশ্চয়ই, কাল পাটি আছে আমার বাড়ীতে, তুমিও যাবে তোমার বাবার সঙ্গে । গিয়ে এত-বড় একটা কুকুর নিয়ে আসবে—কেমন ? না, আমিই গাড়ী নিয়ে আসবো ?

খোকা হাত দিয়ে কুকুরের আয়তনটা দেখিয়ে ব'লল,—এত বড় ?

—হ্যাঁ, অত বড় ।

আমাকে মঞ্জু ব'লল,—কাল ওকে নিয়ে যাবেন পাটিতে । ...খোকাকে ব'লল,—আচ্ছা খোকা, আমি না এলে তোমার হুঃখ হয় ?

—হুঁ !

—আমার কথা মনে পড়ে ?

—হুঁ । তিনখানা যুড়ী ধ'রেছি কাল, দেখবে ?

আমি হাসছিলাম, কেউ না এলে হুঃখ বোধ করা, বা কারও কথা মনে পড়ে কি না সেকথা নির্ণয় ক'রবার শক্তি খোকার আজও হয়নি । মঞ্জু তা জানে না ।

মঞ্জু প্রশ্ন ক'রল,—হাসছেন যে ?

—খোকার বিরহ বুঝবার বয়স হ'য়নি তাই ।

মঞ্জু হেসে ব'লল,—বেশ, আপনিই ত ব'ললেন সেদিন, আমি আসিনি ব'লে খোকা আমার কথা জিজ্ঞাসা ক'রেছে ।

—তোমার জন্তে নয়, খেলনার প্রলোভনে ।

মঞ্জু ব'লল,—আমার বিশ্বাস, ওদেরও অন্তরে প্রবৃত্তিপূর্ণ খানিক ভালবাসা আছে ।

মঞ্জুকে বিমুখ ক'রবো না মনে ক'রে ব'ললাম,—হবে ।

সেদিন ঘুমিয়েছিলাম, হঠাৎ উঠে দেখি, পাটিতে যাওয়ার সময় আসন্ন । খুব তাড়াতাড়ি প্রস্তুত হ'তে হবে । তাড়াতাড়ি দাড়ি কামিয়ে, কাপড়-জামা পরতে সুরু ক'রে

দিলাম। গৃহিণীকে বললাম,—খোকাকে একটু দাজিয়ে দাও।

এ সম্বন্ধে গৃহিণীর কোন উৎসাহই নেই। ধূলা-বালি-অবলুপ্ত ঝলিত-পেণ্টলুন পোকা তখনও তার নানাবিধ ভাঙ্গা ও গোটা খেলনার স্তূপে সমাধিস্ত। বিরক্তির সঙ্গে বললাম, খোকাকে তৈয়েরী ক'রে দাও। ওকেও যে নেমস্তন্ন ক'রে গেছে মঞ্জু—

খোকাকে বললাম,—খোকা, কুকুর আনতে যাবিনে ?

খোকা স্তম্ভ মনে উঠে-দাঁড়িয়ে বলল,—হঁ।

গৃহিণী অত্যন্ত দৃঢ়কণ্ঠে বললেন,—না, ওকে যেতে হবে না।

—তার মানে ?

—খোকা যাবে না।

—মঞ্জু কত আদর ক'রে ওকে নেমস্তন্ন ক'রে গেছে, আর তুমি বলছো—

গৃহিণী ঝাঁপাল স্বরে বললেন,—তুমি যাচ্ছ যাও, খোকাকে আমি ও-সব মায়াবিনীর কাছে নিয়ে যেতে দেব না! ওদের হাসিতে মধু ঝরে, কিন্তু নিখাসে সব শুকিয়ে যায়—

আশ্চর্য্য হ'য়েছিলাম! গৃহিণীর অনেক দিনের সঞ্চিত ক্ষোভ আজ প্রকাশ লাভ ক'রেছে। আমি বললাম,—মঞ্জু ওকে নেড়ে-চেড়ে একটু আনন্দ পেতে চায়, সেটুকু দেওয়ার মত উদারতা তোমার থাকে উচিত; আছে বলেই বিশ্বাস ছিল—

গৃহিণী রুদ্ধ স্বরে বললেন,—তোমার বেলায় সে উদারতা আমি যথেষ্টই ত দেখাচ্ছি, খোকার বেলায় পারবো না।

—তার মানে ?

—তার মানে এই যে, আজ চক্ষু-লজ্জায়, নেহাৎ দয়া ক'রে রাত্রে বাড়ী ফিরচ। খোকা বড় হ'লে সে কষ্ট-টুকুও তোমাকে ক'রতে হবে না।

রুদ্ধ হ'য়েছিলাম, বললাম,—তুমি বলতে চাও, মঞ্জু আর আমার সম্পর্ক রুচিকর নয় ?

গৃহিণী ব্যঙ্গোক্তি ক'রলেন,—অবশ্যই। তোমাদের নিকট তা খুবই রুচিকর।

গৃহিণী কোন উত্তরের অপেক্ষা না ক'রে খোকার হাত ধ'রে হিড়-হিড় ক'রে টানতে টানতে পর্দার আড়ালে অদৃশ্য হ'লেন।

উত্তেজিত হ'য়েছিলাম। জুতার ফিতাটি সজোরে বেঁধে বেগের সঙ্গেই দরজাটা খুলে ফেললাম। দেখি, সামনে কে যেন দাঁড়িয়ে, তাই থেমে গেলাম।

অত্যন্ত অপরাধীর মত আমারই গৃহদ্বারে মঞ্জু তুলোর কুকুর হাতে ক'রে দাঁড়িয়ে আছে। তার সর্কাক্ষে অস্তায়-মান তপনের লোহিত কিরণ বর্ষিত হ'য়ে তাকে উজ্জল ক'রে তুলেছে। মঞ্জুর চোখ দু'টিতে দু'ফোটা অশ্রু টল-টল ক'রছে।

কিছু বলবার পূর্বেই আমার হাতের উপর কুকুরটা ফেলে-দিয়ে নিঃশব্দে সে মোটরে গিয়ে উঠল, এবং আমি মোটরের নিকটবর্তী হওয়ার পূর্বেই মোটর গলির মোড়ে অদৃশ্য হ'য়ে গেল—

আমাদের বাদানুবাদ মঞ্জুর কাণে না গিয়েছে এমন নয়; আজ সেই কটুক্তির ভিক্ষা গ্রহণ ক'রে তার ভিখারী হৃদয় চিরদিনের মত অদৃশ্য হ'য়ে গেছে। মঞ্জুর দেওয়া উপহার হাতে ক'রে এক-পা ছ'পা ক'রে ধরে ফিরে এলাম।

পরে একদিন গৃহিণীর কটুক্তির জন্তে আমি মঞ্জুর কাছে তাঁর হ'য়ে ক্ষমা চেয়েছিলাম। মঞ্জু জবাব দিয়েছিল,—আমার প্রাণ্য আমি পেয়েছি, তার জন্তে ক্ষমা চাইবার কিছু নেই।

প্রশ্ন ক'রেছিল,—কুকুরটা খোকাকে দিয়েছেন ?

—হ্যাঁ।

—খুব খুশী হ'য়েছে ত ?

—হ্যাঁ।

তার পরে মঞ্জু আর কখন আমার বাড়ীতে আসেনি।

অভিনয়ের মাঝামাঝি এ ভাবে যবনিকা পড়বে, তা পূর্বে ভাবতে পারিনি। মনে হ'ল ট্রাজিডিটা বড় সফল।

শ্রীপৃথ্বীশঙ্কর ভট্টাচার্য্য (এম-এ)।





## বাঙ্গালা কাব্যে মানবতার রূপ



( রবীন্দ্র-পূর্ববর্তী যুগে )

মানব-জীবনের ও মানব-মনের সূক্ষ্মতম পরিবর্তনও অল্পভিত্তিক কাব্যসাহিত্যে ধরা পড়ে, কারণ জীবনকে ঘিরিয়াই কাব্য। কোন কবির কল্পনায় মানুষের হৃদয়ের কোন বিশেষ রূপ ঘনীভূত হইয়া আপন অনন্ত বৈচিত্র্যের একটা অপরূপ প্রকাশ সৌন্দর্যের সাহায্যে কুটাইয়া তুলিল, তাহাই কাব্য-সমালোচনায় বিবেচনা করিয়া দেখিবার বিষয়। কবির উপমা ভালো, বা ভাষা সরস, অথবা বর্ণনা সন্দর হইলেই যথেষ্ট হইল না। কাব্যে মানব হৃদয়ের একটা বিশেষ রূপ বাধা পড়ে; কবির কল্পনা যেন স্পষ্ট কেন্দ্ররূপ হইয়া মানুষের মনোলোকের কোন অব্যক্তকে একটা বিশেষ সৌন্দর্যে ব্যক্ত করে, কাব্যবিচারের তাহাই লক্ষ্য। ম্যাথু আরনল্ড বলিয়াছেন, "Poetry is the criticism of life." পৃথিবীর সকল কাব্য ও মগ্ধকাব্যই মানবজীবনের গতিধারার পর্যায়ক্রমিক বিশ্লেষণ দ্বারা রচিত। সুতরাং বলা যাইতে পারে—যে যুগে মানুষ মনুষ্যত্বের বিরাট মহিমাবোধকে সম্যক উপলব্ধি করিতে সমর্থ হয়, সেই যুগেই কাব্যকলার সর্বাপেক্ষা অধিক উন্নতির সম্ভাবনা। যখনই কাব্যের অন্তর্দেশ ঘিরিয়া মানবতার বিরাট মহিমাবোধ রূপায়িত হইয়া উঠে, তখনই তাহার চরম সার্থকতা। যুরোপীয় কাব্যসাহিত্যেও তাই দেখা যায়। 'পুনরুত্থান' যুগের পর হইতে মাজ পর্য্যন্ত মানবতাত্তেই কাব্য প্রাণবন্ত। যদিও শেলীর পক্ষে প্রকৃতি মানবজীবন অপেক্ষাও উন্নত, এবং জীবন এই সৃষ্টির মধ্যে মসীবিন্দু মাত্র ("a blot on the creation") যদিও তাহার মতে,—

Life like a dome of many-coloured glass  
Stains the white radiance of Eternity."

তথাপি "Prometheus Unbound"এর কবিহিসাবে তিনি মানব-বিগ্রহেরই পূজারী। ওয়ার্ডসওয়ার্থের মধ্যেও এই একটা মানবতার রাগিনীর (music of Humanity) অস্তিত্ব দেখা যায়। কাউপার প্রকৃতির সঙ্গীত গায়িলেন; তিনি মানুষের মধ্যে প্রকৃতির শুধু রূপ দেখিলেন না, প্রকৃতির মধ্যে মানবতারও বিকাশ লক্ষ্য করিলেন। ব্রাউনিঙ-এর কাব্যে প্রকৃতিকে পটভূমি হিসাবে পিছনে রাখিয়া যে মানবধর্মের ঘৌবন-সমুচ্ছাসিত মগ্ধ ভাগিরাছে তাহা আমাদের দৃষ্টি আকর্ষণ করে। কবি হেমচন্দ্রের এই সাধনা সার্থক হইয়াছে, যখন তিনি গায়িয়াছেন,—

"হার রে প্রকৃতি সনে

মানবের মন বাঁধা আছে কি বন্ধনে।"

তাহা হইলেই দেখা যাইতেছে, কাব্য প্রকৃতপক্ষে মানব-মনের সূক্ষ্ম আলোছায়াবিস্তারিত একখানি আলোচ্য এবং মানব-জীবনের সীমিততম অল্পভূক্তি মগ্ধ প্রেম নামে অভিহিত, তাহাকে কেন্দ্র করিয়াই মানুষের সাহিত্য, স্থাপত্য, চাকরলাসমূহ যুগে যুগে গড়িয়া উঠিয়াছে। কিন্তু প্রেমের, তথা মানব-জীবনের এই বিরাট প্রতিষ্ঠা

বাঙ্গালা সাহিত্যের আদিযুগে আপনার আসন প্রতিষ্ঠিত করিতে পারে নাই;—প্রাচীন বাঙ্গালা কাব্য মানুষের কামনা, বেদনা, সুখ, দুঃখের বিচিত্র অল্পভূক্তি সমূহের কোন মূল্যই নির্দেশ করে নাই। মনুষ্যত্বের এই অসীম মহিমাবোধ—তাগর বাস্টুকু পর্য্যন্ত পূর্বে বাঙ্গালা কাব্যের আকাশে স্থান পায় নাই। তখন বাঙ্গালীর মনোভূমিতে ভালোবাসা অপেক্ষা ভয় ও ভক্তির আসন ব্যাপকভাবে প্রতিষ্ঠিত ছিল। এই ভীতিকে কেন্দ্র করিয়াই তাহার যে বৃহত্তম সাহিত্য-শাখার উদ্ভব হইল, তাহাই সাধারণতঃ 'মঙ্গল-কাব্যশাখা' নামে অভিহিত। সামাজিক ও আধিদৈবিক—এই দ্বিবিধ সম্মান হইতে বাঁচিয়া থাকিবার জন্য বাঙ্গালার হিন্দুসাধারণকে নানা দেব-দেবীর পক্ষপটে আশ্রয় গ্রহণ করিয়া বহিসংঘাত হইতে আত্মরক্ষার ব্যবস্থা করিতে হইয়াছিল। এই দৈব-মহিমা বা দেবাত্মগ্রহ নতশিরে সর্বান্তঃকরণে মানিয়া লইবার দুঃপনেষ কলঙ্ক সমগ্র জাতিতে হীন করিয়া ফেলিয়াছিল বলিয়াই অনেকের ধারণা। চণ্ডিকা, বিবহরী, শীতলা, অন্নদা, এমন কি, ধর্ম ও শিব পর্য্যন্ত—দেব-দেবীর জন্মস্থান প্রায়ই পুরাণ বা তথাকথিত পুরাণ হইলেও কর্মক্ষেত্র কিন্তু এই বাঙ্গালা দেশ ও ধর্মভীরু বাঙ্গালীর মনোরাজ্য। মঙ্গলকাব্যে মানুষের ইচ্ছা-শক্তি দেবতার করতলগত—তাহাদের জীবনধারা একান্ত যত্নবদ্ধ—অনির্কচনীয় ক্ষমতাশালী দেবতার অঙ্গুলি সঙ্কেতমাত্র কত কি ওলট-পালট হইয়া যায়,—এমন কি, সদাগরের সপ্তডিঙ্গা সমুদ্রের অতলে তলাইয়া গিয়াও ভাসিয়া উঠে! মানুষ দুঃখ পাইলে কেন তাহা পাইল, তাহার আলোচনার মাথা ঘামায় না; পরিজ্ঞানেরও কোন চেষ্টা কোথাও দেখা যায় না। বলির-পশুর মত অবলীলায় নিয়তির তীক্ষ্ণ খড়্গের নীচে নিজেই আগাইয়া যায়। মুক্তি যখন আসে, তাহাও চেষ্টালব্ধ বা স্বোপাঞ্জিত নহে, দেবতার বররূপে তাহার আবির্ভাব। তাই এক দিকে যেমন তাহারা এই পাওয়ারকে পূর্ণভাবে গ্রহণ করিতে পারে না, অপর দিকে ঠিক তেমনি অস্বীকার করিতেও বিধা বোধ করে। সেকস্পীরার যেন তাহাদেরই প্রসঙ্গে লিখিয়াছেন,—

"As flies to wanton boys, are we to the gods  
They kill us for their sport."

মানুষের সেখানে করণীয় কিছুই নাই। বহুবিবাহের দেশে সপত্নীর পীড়ন হেতু খুলনা বনে বনে ছাগল চরায়, মাটির গর্তে ফুলমা 'আমানি' খায়—"কত শত খায় কোঁক নাতি খায় কণি"—বলিয়া অপরিসীম বেদনায় অশ্রুপাত করে। অধ্যাহতি যদি পায় তবে তাহা একমাত্র চণ্ডিকার অমুকম্পার ফল। সন্তবিবাহিত বিধবা বেহুলা স্বামীর মৃতদেহ বুকে চাপিয়া ভেলার ভাসিতে ভাসিতে অবশেষে দৈবকৃপাতেই স্বামীর পুনর্জীবন লাভ করে। দারিদ্র্য যখন ঘাস করে, তখন দেবী-আরাধনার ফলে ধনে-পুল্পে লক্ষ্মীলাভ ঘটে; এমন কি, বিজার অবাঞ্ছিত মাতৃত্বের ক্ষেত্রেও মা-কালীর অমুকম্পা ব্যতীত

সমস্যার সমাধান হওয়া চূর্ণট। অর্থাৎ এক কথায়, মানুষের ব্যক্তিত্ব বা তাহার অন্তর্নিহিত মনুষ্যত্ব বলিয়া কোন বস্তুই এই কাব্য-নিচয়ে স্বীকৃত হয় নাই; মনুষ্যত্বের এমন অবমাননা আর বিশ্বের কোন সাহিত্যেই এরূপ সুলভ নহে।

মাতৃপূজার এই সনাতন ঐতিহ্যের মোহ কাটাইয়া—আসিল বৈষ্ণব-যুগ। বিকৃত বৌদ্ধধর্ম যে সাস্ত্রনা, যে আনন্দ দান করিতে পারে নাই, হিন্দুধর্মের পুনরুত্থানের যুগেও শঙ্করের অর্ধেতবাদাশ্রয়ী শৈব-ধর্ম তাহা পারিল না; পারিল এই কিশোর-লীলার মন্দাকিনী-প্রবাহ। এইখানে আসিয়া দেবতার সহিত মানুষের একটা সম্বন্ধের খবর পাওয়া গেল—ভাবের নয়, প্রেমের। মানুষ স্বর্গের দেবতাকে, দূরের দেবতাকে পাইল একান্ত নিকটে,— প্রিয়তমরূপে, সখারূপে, পুত্ররূপে ও বাথার ব্যথীরূপে। কিন্তু এখানেও আধ্যাত্মিকতার নামে অনেকে মাতিয়া উঠেন। তাঁহাদের মতে, শ্রীকৃষ্ণ পরমাত্মা, শ্রীরাধা জীবাশ্মার প্রতীক। “আনন্দরূপ-মমৃতং যদ্বিভাতি”—সেই ভগবান সচ্চিদানন্দ বিগ্রহরূপে আপনাকে প্রকাশ করিতেছেন, তাঁহারই স্বয়ম্প্রকাশেচ্ছা মানব-হৃদয়ে প্রতিবিম্বিত হইয়া নরনারীর ভিতর আপনাকে চির-প্রকাশিত রাখিয়াছেন। শ্রীরাধা শ্রীকৃষ্ণের সর্বার্থসাধিকা, স্লাদিনী প্রেমরূপিনী সঙ্গিনী। রাধার হৃদয়ের অতলে অবগাহন করিয়াই ভগবান কমললোচন কৃষ্ণ আপনার অনন্ত প্রেমসম্ভাবনাকে আন্বাদন করিলেন; তাই যমাত্ম পুরুষ গোলোক হইতে নামিয়া আসিলেন সৃষ্টির বৃন্দাবনের মধ্যে— এইখানেই চলিয়াছে তাঁহার অনন্ত আশ্রয়িতার নিত্যলীলা।

এই ধরণের বিশ্লেষণ দিতে গিয়া এই আধ্যাত্মবাদী দল বৈষ্ণব-কবিতার মানবীয় প্রেমের মাধুর্য্যটুকু হইতে আমাদের বঞ্চিত করিতে চাহেন। চণ্ডীদাসের নামে প্রচলিত “সবার উপরে মানুষ সত্য, তাহার উপরে নাই”—ইহাই ত প্রেমের উপনিষদ; পাঁচ শত বৎসর পূর্বে রূপরাগ-বিভোর মিথিলায় বসিয়া সাধক কবি বিজ্ঞাপতি যখন বিলাস-কলাময়ী ঈষৎস্বস্তিময়ী বন্য রূপলাবণ্যবতী রাধার বয়ঃসন্ধি বর্ণনা করিতে বলিলেন,—

“খির নয়ন অখির কিছু ভেল”

অথবা, চণ্ডীদাসের কৃষ্ণ যখন বলেন,—

“চলে নীল সাড়ী নিঙাড়ি নিঙাড়ি  
পরায়ণ সহিত মোর”

তখন মনে হয়, নীলবসনা রূপসী বিনোদিনীর প্রত্যেক ভঙ্গীতে, প্রত্যেক চরণপাতে যেন বাসনার অরবিন্দ ফুটিয়া উঠিতেছে। “রূপো-চ্চয়নে মনসাবিধিনা কৃতানু”—শকুন্তলা সম্বন্ধে প্রযুক্ত কালিদাসের এই উক্তিটি রাধার পক্ষে একান্ত সত্য; রাধাকে বিধাতার সৃষ্টি বলিলে বোধ করি ঠিক বলা হয় না, রাধা অর্ধেক মানবী ও অর্ধেক কল্পনা। রাধা বৈষ্ণবপদকর্তাদের মানস-প্রতিমা; কবি তাই বলিয়াছেন,—

“সেনিকার রাধিকার ছবির পিছনে

কবির চোখের কাছে

কোন একটি মেয়ে ছিল,

ভালোবাসার কুঁড়ি-খা তার মন

মুখচোরা সেই মেয়ে

চোখে কাজলপরা

তিনশো বছর আগেকার

কবির জানা সেই বাঙালী-মেয়ে—”

যে-মেয়ে মেঘ-মেহুর বর্ণগঘন শ্রাবণনিশায় তাহার প্রিয়দয়িত্বের স্বপ্ন দেখিয়া বলিয়াছিল,—

“এ ঘোর রজনী মেঘের খটা

কেমনে আইলা বাটে।

আড়িনার মাঝে বঁধুয়া ভিজিছে

দেখিয়া পরায়ণ ফাটে।”

অথবা—

“এ ভরা বাদর মাহ ভাদর

শুভ্র মন্দির মোর।”

ভাদ্রমাসের ভরা বাদলে শুভ্র ঘরের বেদনা কত লোকেরই মনে কথা না কহিয়া কত দিন ঘুরিয়া ঘুরিয়া ফিরিয়াছে; যেমনি ঠিক ছন্দে ঠিক কথাটি বাহির হইল অমনি সকলেরই অনেক দিনের সেই কথাটি মূর্ত্তি ধরিয়া বসিল। রবীন্দ্রনাথ প্রশ্ন করিয়াছেন,—

“সত্য ক’রে কহ মোরে হে বৈষ্ণব কবি

কোথা হ’তে পেয়েছিলে এই প্রেমচ্ছবি?”

এ প্রশ্নের উত্তর তিনি নিজেই স্মন্দরভাবে দিয়াছেন,—

“এই প্রেমগীতিহার

গাঁথা হয় নরনারী মিলন-মেলায়

কেহ দেয় তারে কেহ বঁধুর গলায়

দেবতারে যাহা দিতে পারি দিই তাই

প্রিয়জনে; প্রিয়জনে যাহা দিতে পাই

দিই তাই দেবতারে; আর পাব কোথা!

দেবতারে প্রিয় করি প্রিয়েরে দেবতা।”

রাধা কৃষ্ণলীলাকে মানবীয় প্রেমচ্ছবি হিসাবে না দেখিতে পারিলে তাহার সমগ্র রসরূপটিই ব্যর্থ হইবে। রাধা অতুলনীয় রূপসী—পদকর্তৃগণ পঞ্চেন্দ্রিয়ের পঞ্চপ্রদীপ জ্বালাইয়া প্রকৃতির পটভূমির সম্মুখে সমসাময়িক সৌন্দর্য্যবোধের দৃষ্টি লইয়া আপন মনের বিচিত্রতর বর্ণ-সংযোগে তাঁহাকে রূপ দিয়াছেন—ইহাতে তাঁহাদের ভালোলাগার স্পর্শ আছে, রূপানুভূতির তীব্রতাও আছে প্রচুর। রাধার প্রণয়ের প্রগতি স্তরে স্তরে প্রতিক্রমে, প্রাণ-ভঙ্গিমায় নিপুণভাবে বিশ্লেষণ করা হইয়াছে। পদাবলীসাহিত্যে রাধাকৃষ্ণকে একান্ত মানব-মানবী হিসাবে ধরিয়া-লইলে তাঁহাদের প্রতি স্মবিচারই করা হইবে। কবিগণ এই রূপজ প্রেমকে স্থানে স্থানে অরূপজ প্রেমের মণি-কোঠায় লইয়া গিয়াছেন।

বৈষ্ণব বড় পৌত্তলিক; দেহ-বিগ্রহের পূজারী। বৃন্দাবনের এই আদর্শের মধ্যেও লৌকিক জগতের সকল সত্যকার প্রেমলীলা প্রচ্ছন্ন রহিয়াছে। তাহা না হইলে বৈষ্ণবপদাবলী গুহ্য সাধন কাহিনীতেই পর্য্যবসিত হইত, উৎকৃষ্ট কাব্যরূপে রসজ্ঞ পাঠকগণের মনোরঞ্জন করিতে পারিত না। নরনারীর মিলন-প্রবৃত্তি চিরস্বপ্নের—তাহাকে মিথ্যা বলিয়া উড়াইয়া দেওয়াই ত নিবৃদ্ধি-নার পরিচয়; কারণ, ইহাও মানুষের সহজাত ধর্ম। সৃষ্টির এই আদি ও শাস্ত রহস্যের প্রতি শ্রদ্ধা না করাই মূঢ়তা। ইহাও মানবাত্মার পরাজয়ের গানি নাই; কারণ, শাস্ত্র ও সাংসার যাহাকে পাপ বলে, যদি তাহাতে মনুষ্যধর্ম থাকে, তাহা হইলে সাহিত্যের পক্ষে তাহা আদৌ কুপথ্য নহে। কারণ, সাহিত্য সমগ্র জীবনের প্রতিবিশ্ব, এবং জীবনের প্রথম সুলভতম কাহিনী হইতেছে ভোগকাজ্জ্বা। যাহার ভোগকাজ্জ্বা বতখানি সত্য, তাহার জীবনও ঠিক ততখানিই সত্য। তাই জীবনের মধু-নেশায় পান

কদাচিত্ত ভরপুর হইয়া উঠে, তখনই তাহার কণ্ঠে ধ্বনিত হইয়া উঠে,—

“রূপ লাগি আঁখি বুঝে শুণে মন ভোর ।

প্রতি অঙ্গ লাগি কান্দে প্রতি অঙ্গ মোর ।

হিম্মত পরশ লাগি হিয়া মোর কান্দে ।

পরায়ণ পীরিত লাগি থির নাহি বাঞ্চে ।”

রাধা-কুশলের প্রেম যে শাস্ত, তাগা যে মানব-মনের চিরন্তন বিকাশ, তাহা রবীন্দ্রনাথের বাণী হইতেও উপলব্ধি করা যায়,—

“আজো আছে বৃন্দাবন মানবের মনে ।

শরতের পূর্ণিমায় শ্রাবণের বরিষায়

উঠে বিরহের গান বনে উপবনে ।

এখনো সে বাঁশী বাজে যমুনার তীরে ।

এখনো প্রেমের খেলা সারাদিন সারাবেলা

এখনো কাঁদিছে রাধা হৃদয়-কুটারে ।”

কিন্তু সত্য কথা বলিতে গেলে, এখানেও মানুষের প্রতি মানুষের গভীর অশঙ্কা; তখনও পর্যাপ্ত মানুষ বৃষ্টিয়া উঠিতে পারে নাই, মানুষের জীবনের মাহাত্ম্য কত বৃহৎ, কত অসীম, জীবনের রহস্য কত অতলস্পর্শ। মানুষের সঙ্গে মানুষের, তথা বস্তু-প্রকৃতির সঙ্গে মানুষের যে সত্যকার সম্বন্ধ তাহারই সুবিপুল রহস্য তখনও কাব্যের ভিতর দিয়া হৃদয়ের গোচর হয় নাই। ভারতীয় চিন্তায় মানুষকে প্রকৃতির পরিবেশ হইতে দূরে সরাইয়া তাগাকে স্বতন্ত্রভাবে সৃষ্টি করা হইয়াছে। বৈষ্ণব-কবিতায় ও সহজধর্ম প্রাণের আকৃতি বস্তুবাদের প্রতীকের সাহায্য-ভিন্ন ব্যক্ত হইতে পারে নাই—সাহিত্যেও জগৎ এবং জীবনকে বিশেষ কোন আমল দেওয়া হয় নাই। এই কাব্য ভরিয়া আছে—শুধু রাধা-কুশলের প্রেমের দীর্ঘশ্বাস। ‘জীবধর্মী প্রাণ পুরুষের যে সার্বজনীন রূপ আছে, তাহার ছায়া এখন কাব্যের মায়াস্পর্শে প্রতিফলিত হইতে দেখা যায়, তখনই সৃষ্টিতোর শুষ্কগাথা সহসা প্রাণের আবেগে পুনরায় মুঞ্জরিত হইয়া উঠে।’ কদাচিত্ত দুই এক স্থলে প্রাণধর্মের এই সার্বজনীনত্ব বস্তুবাদের কবিতায় দেখা যায়—যাগ মানবতার দিক্ হইতে রসোত্তীর্ণ হইয়াছে বলা যাইতে পারে। বিভাপতির এই পদটি তাহার বিশেষ উদাহরণ,—

“জনম অবধি হম রূপ নেহারলু’

নয়ন না তিরপিত ভেল ।

লাখ লাখ যুগ হিয়ে হিয়ে রাখলু’

তবু হিয়া জুড়ন না গেল ।”

সংগে পল্লীকবি-বিরচিত গীতিকথার মধ্যে আসিয়া মানবধর্মের ও মানবপ্রেমের যে নির্ভীক বিকাশটুকু লক্ষ্য করি, তাগা সত্যই প্রাচীন বাঙ্গালী কাব্যে স্মরণ্য নহে। এ প্রেম অপ্রাকৃত ভাব-প্রকাশের নহে; ধূলার ধরণীর বুকের পরে ইগা শতদল হইয়া উঠিয়াছে। ভালোবাসার আকর্ষণ অস্বাভাবিক আকর্ষণের মত প্রবল। তাই “সোতের সেওলা-”সম মহয়া প্রেমের নিগড়ে পড়িয়া নদেরচাঁদের জন্ত বুকের আঙ্গিনায় আলিপনা রচনা হইয়াছে, মনের মধুচক্রে বোবন-মধু সঞ্চয় করিয়া রাখিয়াছে। সহজ ধর্মের আবরণ নাই; আধ্যাত্মিকতার কৈফিয়ৎও নাই। নারীবহী মহয়া একান্ত নিভৃতে অন্তরের অন্তস্তলে যে আসনখানি প্রেমের জন্ত পাতিয়াছিল, পালক-সইএর কাছে তাহা সে গোপন

করে নাই। প্রতিকূল আবেষ্টনীর বিপুল সাহায্যের মধ্যে এখানে সে একটুমাত্র শামলছায়াবিতানের সন্ধান পাইয়াছিল, তাই বলিয়াছে,—

“চন্দ্র-স্বর্ঘ্য সাকী সই, সাকী হইও তুমি ।

নজার ঠাকুর হইল আমার প্রাণের সোয়ামী ।”

জীবনকে ফুল-ফলে সার্থক করিয়া তুলিতে হইলে মানস-দেউলের প্রেম-বিগ্রহটির মধ্যে প্রাণ-প্রতিষ্ঠার প্রয়োজন—কাজিত ধনকে একান্ত করিয়া পাওয়া আবশ্যিক। মহয়ারও প্রেম-বল্লরী তমাল তরুর আয় নদেরচাঁদকে জড়াইয়া বাড়িয়া উঠিয়াছিল। এই বীর্ঘবান প্রেম বিধি নিষেধের সঙ্কীর্ণ সীমানাকে বহু দূর ছাড়াইয়া গিয়াছে। “চন্দ্রস্বর্ঘ্য”-এর তুল্য তাগার অকলের নিধিকে সে মন দিয়া আকর্ষণ করিয়াছে, দেহ দিয়া সেবা করিয়াছে, এমন কি, প্রেমের বেদীমূলে প্রাণকে অর্ঘ্য দিয়াছে। লৌকিক ও সামাজিক ধর্মবোধকে খাটো করিয়া প্রাণ-ধর্মের জয়-ঘোষণায় মানুষের প্রেম এখানে সার্থক।

মলুয়া বাঙ্গালী-বধুর পরিপূর্ণ ছবি। চান্দবিনোদকে একাকী সন্ধ্যাবেলা জলের খাটে অসহায়ের মত শুইয়া থাকিতে দেখিয়া কোমলহৃদয়া বাঙ্গালী বধুর প্রাণে যে বেদনা ও সহানুভূতি সঞ্জীবিত হইয়া উঠে, কবির কাহিনীতে তাহারই একান্ত স্বাভাবিক চিত্র পরিস্ফুট হইয়াছে। সে একবার ভাবিতেছে, নিদ্রাগত এই পর-পুরুষকে জাগাইয়া তাহার পিত্রালয়ের পথ দেখাইয়া দেয়, কিন্তু “পল্লগারা ভিনপুরুষের দুঃখ” তাগার কাছে যতই বড় হোক না কেন, কুল-মানের ভয় তাগাকে আরও ব্যথিত ও উদ্ভ্রান্ত করিয়া তুলিল। এই চিত্রের মধ্যে একটি সেবা-প্রায়ণ খাঁটি বাঙ্গালী-প্রাণেরই পরিচয় পাওয়া যাইতেছে।

নিজের অনবধানতায় অন্তরের বিকচ-কুসুমের মালাখানি কৈশোরের সাথী দয়ানন্দকে পরাইয়া-দিয়া তাহার কাছে চন্দ্রাবতী নিজেকে নিবেদন করিয়া দিয়াছিল। জীবন-সঙ্গী নিব্বাচনে সে ভুল করিয়াছিল কিনা তাগা লইয়া বিতর্ক করা চলে না; কিন্তু তাগার এমন গভীর প্রেম সংঘের জন্ত ব্যর্থ হইয়াছে—এইখানেই ত জীবনের ট্রাজিডি। তাগাকে পাইলে সে সার্থক হইতে পারিত, তাহাকেই দেহলি হইতে বিদায় দিতে হইল, ইহারই বেদনা সমগ্র কাব্যখানিকে আগ্রত করিয়াছে। চন্দ্রাবতীর অন্তর ইহার ফলে বিক্ষুব্ধ ও আবিষ্ট হইয়াছে; কিন্তু প্রেম, কর্তব্যনিষ্ঠা ও আত্মসংঘের এই সম্বন্ধই ত মানব-জীবনের সত্যকার সম্পদ; পশুজীবন হইতে মানুষ এইখানেই উচ্চস্তরের। এই সংঘাত না থাকিলে মানুষ মানুষ না হইয়া দেবতা অথবা দানব হইয়া উঠিত। এই ঘূর্ণীর মাঝখানে আবর্তিত আমরা তাহাকে রক্তমাংসে গড়া মানুষ হিসাবে পাই—সে ত দেবানুগৃহীত ক্রীড়নক মাত্র নহে। পুষ্পবনের গোপন অনঙ্গ মানুষের অন্তর এক দিকে কেমন করিয়া তোলে অপর দিকে বৃহত্তর অন্তরায় সেই প্রেমের সর্বস্বধনটিকে দূরে রাখিতে বাধ্য করায়—ইগাই ত মানুষের জীবনের শাস্ত বেদনা। দুঃখবাদী সোফেনহাওয়ার বলেন, মানুষের জীবনের সারসত্য এই দুঃখ। মানুষ যখন কোন-রকমে পুষ্পিত হইতে চাহে, তখনই তাহাকে ঘিরিয়া ধরে দুঃখ। বোবনের প্রেম-মধুকে বুকে চাপিয়া বর্ণে গন্ধে অনবদ্য হইয়া এই যে শুভ্র পুষ্পটি ধরণীর একপ্রান্তে ফুটিয়া উঠিল, তাগার সৌভবে যে ব্যর্থ হইল তাহা কি অপরাধে ও কাহার অপরাধে?

এই সংসারের আইন-কানূনের নীচে কত অসংখ্য নিরীহ প্রাণ নিরন্তর পিষিয়া মরিতেছে—তাহার এই দুর্ভোগের জ্ঞান সে নিজে কতটুকু দায়ী? এই যে মানুষের জীবনের প্রতি গভীর শ্রদ্ধা, নিবিড় দরদবোধ—এইখানেই কবিচিন্তের পরিচয়। এই মানবতার দৃষ্টিটুকুই পরবর্তী কবিদের কাব্যে রূপ পাইবার চেষ্টা করিয়াছে।

রূপ-রস-গন্ধ-স্পর্শের যে মোহিনী শক্তি মানুষের প্রাণে প্রেম নামক মহাপিপাসার উদ্রেক করে, তাহাই কবিগণ্যলাদের গানে একটি বাস্তব রূপ পাইয়াছে। অনেকের মতে কবির গান কামগন্ধী, কিন্তু এই একটি বিষয় লক্ষ্য করিবার যোগ্য যে, ইংগদের মধ্যে, চণ্ডীমঙ্গল, বিভাসুন্দর, অথবা রাধাকৃষ্ণের বৈচিত্র্যবিহীন গতানুগতিকতাকে ছাড়াইয়া-উঠিবার একটা চেষ্টা আছে। প্রাচীনের অতিরিক্ত নিয়মানুবর্তিতা যখন বাঙ্গালা কাব্যকে সূত্রসার করিয়া ফেলিল, তখন সকল দিক হইতেই একটা পরিবর্তনের চেষ্টা লক্ষিত হইল। পুরোগামী ঐ সকল অন্ধ অনুকরণ একটা জাতীয় রসতৃষ্ণাকে কতকাল তৃপ্ত রাখিতে পারে? তাই কবিগানগায়করা নিজের মনের গহনে ডুব দিয়া সেখানকার সুখ-দুঃখ, কামনা-বেদনা, জয়-পরাজয়ের বৈচিত্র্যময় অনুভূতিকে বর্ণোচ্ছল করিয়া দেখাইয়াছেন। প্রাচীন কাব্যের একটা বিশেষ ধর্ম এই যে, তাহা Objective বা বিষয়ধর্মী, কিন্তু কবি-গানের মধ্যে Subjectivism বা মনোধর্মের প্রথম পরিচয় কিঞ্চিৎ পরিমাণে পাওয়া যায়। কিন্তু মনোভাবকে রূপায়িত করিবার মত ভাষা তাঁহাদের ছিল না; অধিকন্তু, তাঁহারা ছিলেন মুখ্যতঃ জনসাধারণের কবি, বিদগ্ধজনের নয়। যখন তাঁহাদের বলিতে শুনি,—

“নয়নেরে দোষ কেন,

মনেরে বুঝিয়ে বল, নয়নেরে দোষ কেন।

অাঁধি কি মজাতে পারে না হলে মন-মিলন?”

অথবা— “না হতে পতন তরু দহন হইল আগে।

আমার এ অমুরাগ তারে যেন নাহি লাগে।

চিত্তে চিত্তা সাজাইয়ে তাহে হৃৎ-তৃণ দিয়ে

আপনি হইব দগ্ধ আপনাবি অমুরাগে।”

তখন বেশ বুঝিতে পারি, ইহা একান্ত মনের কথা। গীতিকবিতা বা লিরিক-এর প্রধান ধর্মই হইতেছে যে, তাহা একরকম আত্মগত হওয়া প্রয়োজন। জীবনের বেদনা, তিস্ততা ও প্রেমের বিফলতা এই জাতীয় কবিতা বা পাঁচালীগুলিতে অতি সুন্দরভাবে পরিস্কৃত হইয়াছে; যথা,—

“আমার মনোবেদনা কতু জানাও না তায়।

শুনিলে আমার দুঃখ সে পাছে বেদনা পায়।

না বাসে না বাসে ভালো ভালো থাকে সেই ভালো

শুনিলে মঙ্গল তার তবুও প্রাণ জুড়ায়।”

মানুষ হিসাবেই মানুষের মনুষ্যত্ব। অধ্যাপক মোহিত লাল মজুমদার বলিয়াছেন, “সুরোপীয় সাহিত্যে হোমার হইতে সেক্সপীয়ার এবং সেক্সপীয়ার হইতে গেটে পর্যন্ত কাব্যকেই মানুষের জীবন-বেদরূপে প্রতিষ্ঠিত করিয়াছেন। তাহাতে মানুষের সঙ্গে মানুষের এমন স্বাভাবিক সহজ আত্মীয়তাবোধ ফুটিয়া উঠে, জগৎ ও জীবনের এমন একটা দিক উদ্ঘাটিত হয় যে, সে সাহিত্যের প্রভাবে হৃদয়বান জাতিমাত্রেরই মানুষ হইয়া মানুষের মত করিয়া এই

দেগাধিষ্ঠিত আত্মার বিচিত্র লীলা-রস আবাদনের আকাঙ্ক্ষা জাগে—বাঙ্গালীরও এই আকাঙ্ক্ষা জাগিয়াছিল।

পশ্চিমের প্রবল সংঘাতের কলে আমাদের কাব্য-সাহিত্যে ও প্রাণের মর্ম্মমূলে যে আলোড়ন উপস্থিত হইয়াছিল, তাহার কলে আমরা আমাদের প্রাণের অস্থিরতাকে সর্বত্র কাব্যের মধ্যে সুপ্রতিষ্ঠিত করিবার চেষ্টা করিয়াছি। বাঙ্গালীর খাঁটি বাঙ্গালী-প্রাণ এই পাশ্চাত্য-সংস্পর্শের কলে মহাকাব্যের গীতোচ্ছাদে মুখরিত হইয়া উঠিয়াছে। মেঘনাদ-বধের কবিই বাঙ্গালা কাব্যে সর্ববিধ সংস্কার উপেক্ষা করিয়া মানুষের স্বাভাবিক হৃদয়-সংবেদনাকে কাব্যে স্থান দিলেন। মেঘনাদ-বধ কাব্যের বীরত্বের উপর স্থান পাইয়াছে—মানবতা; বীরত্বের সহিত মানবজীবনের সূক্ষ্মতঃ অনুভূতিসমূহ এমন ওতঃপ্রোতভাবে মিশিয়া গিয়াছে যে, তাহাতে মহাকাব্যের আদর্শ ক্ষুণ্ণ হইলেও কাব্যের মর্যাদা বিলক্ষণ বাড়িয়াই গিয়াছে। অল্পকথায় বলিতে গেলে, বস্তুতঃ মাইকেল মহাকাব্যের সৌধ গড়িতে গিয়া গীতিকাব্যের মনোহর কুসুমোচ্ছানই রচনা করিয়াছেন।

কবি অন্তরের কোমলতম মর্ম্মকোষে তাঁহার কাব্যের নায়ককে প্রতিষ্ঠিত করিয়াছেন, তাহার প্রতি তিনি যতখানি সহানুভূতিশীল, তাহার অনেকখানি আত্মপ্রকাশ করিয়াছে কবির একান্ত নিজের কথার ছদ্মবেশে। বীরপুত্র দেশের জ্ঞান মৃত্যু-বরণ করিয়াছে, তাহাতে এক দিকে রাজা রাবণের বীরহৃদয় যেমন পুত্র-গৌরবে গর্ভিত হইয়াছে, অল্প দিকে তাঁহার শোকাকুল পিতৃহৃদয়ের সক্রমণ আন্তর্নাদও তেমনই এই মর্ম্মস্পর্শী ভাষায় ধ্বনিত হইয়া উঠিয়াছে,—

“তবু বংশ যে হৃদয় মুগ্ধ মোহ-মদে

কোমল সে ফুলসম; এ বজ্র আঘাতে

কত যে কাতর সে তা জানেন সে জন—

অস্ত্রধারী যিনি।”

রাবণের হৃদমর্নীয় বীর্যের অন্তরালে একখানি অশ্রুকোমল পিতৃহৃদয় তাঁহার প্রিয়তম পুত্রের মৃত্যুতে যে কতখানি আঘাত পাইয়াছে, তাহারই পরিচয় পাই তাঁহার এই সক্রমণ ও মর্ম্মস্তম্ব শোকাকুল আর্ন্তনাদে। প্রকৃত পক্ষে, বীর মাত্র একটি দম-দেওয়া কণের পুতুল নহে, তাহার মধ্যেও মানুষের ক্রটি-বিচ্যুতি স্বপ্নন-পতন আছে, এবং তাহারই স্বাভাবিক ছবি মেঘনাদ-বধের কবি দেখাইয়া শেষে বলিয়াছেন, “Ravana is a grand fellow”—তাঁহার সকল গুণ থাকা-সত্ত্বেও যখন দেখি, তিনি নিয়তির অন্ধ ক্রীড়নক মাত্র, তখনই তাঁহার প্রতি আমরা গভীর সমবেদনা অনুভব করি। মনগ্র শাখা-প্রশাখা ও পত্র-পল্লবাদি-বিহীন একটি সমুচ্চ বনস্পতির ন্যায় উন্নতশীর্ষ যে রাবণ, তাঁহাকে সখেদে বলিতে শুনি,—

“বনের মাঝারে যথা শাখাদলে আগে

একে একে কাঠুরিয়া কাটি অবশেষে

নাশে বৃক্ষে, হে বিধাতঃ, এ হরন্তু রিপু

তেমতি দুর্বল দেখ করিছে আমারে

নিরন্তর।”

অথবা— “হৃদয়-বৃক্ষে ফোটে যে কুসুম

তাহারে ছিঁড়িলে কাল বিকল হৃদয়

ডোবে শোকসাগরে, যুগল যথা মলে

ববে কুবলয়-খন লয় কেহ হরি।”

চতুর্থ সর্গটি মূল কাহিনীর সহিত খুব বেশী সংশ্লিষ্ট না হইলেও ইহার মধ্যে যে একখানি চিত্র পাই, কাব্যের দিক্ হইতে এবং মানবতার স্পর্শের দিক্ হইতে তাহার মূল্যনিরূপণ করা সহজ নহে। সীতার দুঃখের সমবেদনার সাগরের উর্ধ্বমালা তটরেখায় আছড়াইয়া পড়িতেছে। প্রেমের এই পবিত্র নিষ্ঠা আমাদের কাছে 'ক্যাসাগুর' কথা স্মরণ করাইয়া দেয়। দেবতা ও দানবের মহা-সমরে সীতা সামান্য নিরপরাধ নিরুলুপ অর্ধ্যাত্ম। নির্জুন প্রান্তরে বসিয়া 'কথ'-এর মন যে বেদনার আলোড়িত হইয়াছিল, রাক্ষসাদিকৃত এই অশোক-কাননে সাধ্বী সরসার কাছে সীতা তাঁহার সেই মর্মবেদনা জানাইবার অবকাশ পাইয়াছিলেন—এই subjective element ঠিক মহাকাব্যোচিত না হইলেও এই অংশের গাঁতিধর্মটুকু সার্থক হইয়াছে। "মাইকেলের কবিকল্পনার দেবতা ও দেবানুগ্রহীত মানুষ অপেক্ষা রাক্ষস নামে ভাগ্যবিড়ম্বিত প্রবৃত্তি ও পুরুষকার-সম্বল পাপ-তাপ-মৃত্যু-মনোহর মানুষের জীবন এক নূতন মহিমায় মণ্ডিত হইল।" ইংরেজীতে ইহাকেই বলে Humanity বা মানবতা। মেঘনাদ-বধ-কাব্যকাহিনীর ঘনঘটার কাঁকে কাঁকে বাঙ্গালীর কুললক্ষ্মী মাতা ও বধুর যে মনোরম আলেখ্য আমরা পাই—বাঙ্গালীর গৃহ-সংসারের সেই পুণ্যদীপ্তি আমাদের মনোহরণ করে। সোমকে সম্বোধন করিয়া গুরুপত্নী তারা লিখিয়াছে,— "তারার ঘোঁসন-বন-খাতুরাজ তুমি"; কিম্বা ফাল্গুনীকে পাঞ্চালী যখন বলিতেছে যে, তাহার মত রমণীর জীবনই বুধা, "তবু নিত্য সমীরণ কহে তার কাণে প্রেমের রহস্য-কথা"; অথবা লক্ষণের প্রতি সুর্পনখা প্রেম-নিবেদন করিয়া যখন বলিতেছে,—

"আইস ভ্রমররূপে; না জোগায় যদি  
মধু এ ঘোঁসন-ফুল, যাইও উড়িয়া  
গুঞ্জরি বিরাগ-রাগে—"

তখন স্পষ্টতঃ বৃত্তিতে পারি, এ কথা সমগ্র জগতের প্রেমিক-প্রেমিকার কথা; এ আকৃতি মানবজাতির বেদনাজাত। ইহাদের প্রেম লোকচক্ষুতে কলুষিত, কিন্তু মানবতার দিক্ হইতে দেখিতে গেলে ইহাকে অতখানি ছোট করা চলে না। এই মানবধর্মের প্রতিই জাগে সহানুভূতি, জাগে করুণা; এই যে মানুষের জীবনের প্রতি কবির গভীর শ্রদ্ধা, নিবিড় দরদ-বোধ—এইখানেই তাঁহার প্রকৃত কবিচিত্তের পরিচয়।

এই যে মনুষ্যত্বের বিরাট মহিমা, নবীনচন্দ্রের কাব্যে ইহারই অপূর্ণ প্রকাশ। হেমচন্দ্রের কাব্যে আমরা খাঁটি বাঙ্গালী প্রাণেরই পরিচয় পাই; কিন্তু সে প্রাণ অলস, কর্মের প্রেরণা তাহাতে নাই। নবীনচন্দ্রের কাব্যে মানুষের জীবনমাশাস্ত্র অত্যন্ত স্পষ্টভাবে ফুটিয়া উঠিয়াছে। তাঁহার শ্রীকৃষ্ণ বৈকুণ্ঠের দেবতা নহেন, তিনি মানবতার বা মানবধর্মের পূর্ণদর্শ। মানুষের মধ্যে "সোহং"-বাদ নবীনচন্দ্রের কাব্যের আদর্শ। তাই শ্রীকৃষ্ণ সেখানে মনুষ্যত্বের

প্রতিনিধি। তাঁহার মানবতার মাহাত্ম্যই বড় হইয়া দেখা দিয়াছে। মানবতার উদার দৃষ্টিতে দেখিলে দেখা যায় যে, ভগবান মানুষের অনন্ত সম্ভাবনার মধ্যে নিজেকে উপলব্ধি করেন; নিজের বিকাশ-সাধন করেন। কিন্তু ইহা ব্যতীত প্রত্যেক মানুষের মধ্যে নারায়ণের অংশ বর্তমান—যাহা তাহাকে পূর্ণতার পথে সর্বদা একটা প্রেরণা দিয়া আগাইয়া দিতেছে। তখন তিনি আমাদের সম্মুখে নরোত্তম বা গীতার মহামানব হইয়া দেখা দেন; মহাভারতের কৃষ্ণকে আমরা ধ্যানযোগী হিসাবে পাই না, তাঁহার কর্মময় বিরাট মানবীয় সম্ভার সন্ধান পাই। কাব্যের প্রথমেই তাই নবীনচন্দ্র দেখাইতে চাহিয়াছেন যে, যদিও উভয়েই মূলতঃ সমপর্যায়ভুক্ত, তবে কেন পৃথিবীর ধূলিপুঞ্জ অপেক্ষা নীহারিকা-মণ্ডলের সূর্য্য আমাদের অধিক শ্রদ্ধার অধিকারী। এইখানেই কবির পৃথিবীর ও তত্রস্থ মানবমণ্ডলীর উপর জাগিয়া উঠিয়াছে গভীর মমতাবোধ ও অপরিসীম সহানুভূতি। ঠিক সেই একই যুক্তিতে তিনি জানিতে চাহিয়াছেন যে, সমাজের উচ্চশীর্ষে অবস্থিত ব্রাহ্মণ কেন অবহেলিত, অবজ্ঞাত নিম্নশ্রেণীর উপর এমন আধিপত্য করিবে। অর্জুন এবং শ্রীকৃষ্ণের মধ্যে এই আলোচনা সূচনাতেই কাব্যের মূল সুরটিকে জমাইয়া তুলিতেছে,—

"মানব চেতনায়ুক্ত, স্বাধীন  
জড় এই সৃষ্টি হইতে কত শ্রেষ্ঠতর।  
মানব! উৎকৃষ্ট সৃষ্টি যে অনন্ত জ্ঞানে  
সৃষ্টি ও চালিত এই বিশ্বচরাচরে  
পড়েছে সে জ্ঞানছায়া হৃদয়ে যাহার,  
ছাড়ি সে অনন্ত জ্ঞান, অনন্ত শক্তি,  
কেন সে পূজিবে অন্ধ জড় প্রভাকর?"

এখানে প্রাচীন মনোবৃত্তির বিকল্পে নূতনের অভিধান। সুভদ্রা ও শৈলজা অর্জুনের মানবসত্তাকে রূপ দান করিয়াছে, যার ফলে আমরা দেখিতে পাই, তিনি এক জন "Paste-Board Hero" নহেন। শ্রীকৃষ্ণের প্রতি জরংকাকর তীব্র অগুরাগ দুর্বাসার কুট-রাজনীতি ব্যর্থ করিয়া দিয়াছে; মনুষ্যত্বের কাছে, প্রেমের কাছে রাজনীতি পরাভব মানিয়াছে।

অমিতাভের মধ্যেও নবীনচন্দ্র ভগবান বৃদ্ধদেবকে অবতার বলিয়া গ্রহণ করেন নাই; মানুষের সুখ-দুঃখ-বেদনার সকল কলরোল যেখানে নীঃস্ব হইয়া গিয়াছে—তাঁহার সেই ধ্যান-শাস্ত্র নৃত্তিই কবি আকিয়াছেন। কৈফিয়ৎ স্বরূপ কবি নিজেই লিখিয়াছেন,—

"সকলেই বুদ্ধকে অগ্নাধিক অতিমানুষ-ভাবে চিত্রিত করিয়াছেন। আমি যথাসাধ্য তাঁহাকে মানুসিক ভাবাপন্ন করিতে চেষ্টা করিয়াছি। এই অবতারদিগকে মানুসিক ভাবে দেখিলে যেন আমার হৃদয় অধিক প্রীতিলভ করে; তাঁহাদিগকে অধিক আপনার বলিয়া বোধ হয়।"

শ্রীকৃষ্ণ মিত্র।





## সপ্তম পর্ল

ঢাকীসমেত বিসর্জন !

( পিটারের উক্তি )

চেয়ারখানা পশ্চাতে ঠেলিয়া ফেলিয়া আমস্ অধীরভাবে চেয়ার হইতে উঠিয়া দাঁড়াইল; তাহার পর কাপ্তেন পিউজেলকে বলিল, “আমার সকল কথাই তুমি শুনিয়াছ কাপ্তেন, আর সময় নষ্ট না করিয়া এখন কাষে হাত দিবে? বলিয়াছি ত, বিপদ কেবল আমার নয়, ডাইনী-বুড়ী মুখ খুলিলে তোমাদেরও সর্বনাশ হইবে।”

অতঃপর আমস্ আমার মুখের দিকে চাহিয়া বলিল, “তোমাকেও আমাদের সঙ্গে যাইতে হইবে পিটার।”

কাপ্তেন পিউজেল তাহার কথা শুনিয়া বলিল, “না, ও ছোকরাকে আমরা সঙ্গে লইতে চাই না।”

আমস্ দৃঢ়স্বরে বলিল, “আমার প্রস্তাবে আপত্তি করিও না কাপ্তেন! বিশেষ কারণে আমি পিটারকে সঙ্গে লইতে চাহিতেছি। কিছু দিন হইতে উহাকে আমি চোখে চোখে রাখিয়াছি। আমার এইরূপ সতর্কতার কারণ জানিবার জন্ত তুমি আগ্রহ প্রকাশ করিও না; এইমাত্র শুনিয়া রাখ যে, সে কারণ গোপনীয়, ব্যক্তিগতও বঁটে।”

পিউজেল বিরক্তিতে বলিল, “অল্ রাইট, তুমি যাহা ভাল বোঝ, কর। কিন্তু উহাকে সঙ্গে লইতে আমার আপত্তি ছিল।”

আমস্ আর কোন কথা বলিল না। আমরা তিন জনে পাকশালা ত্যাগ করিলাম, এবং সমুদ্রতটে উপস্থিত হইয়া একখানি ডিকী নৌকায় উঠিয়া বসিলাম। অনন্তর পিউজেলের আদেশে ডিকীখান ‘ইউ’বোটের নিকটে লইয়া যাওয়া হইল। ‘ইউ’বোট হইতে এক জন জার্মান নাবিককে

আমাদের প্রত্যাগমন-প্রতীক্ষায় সমুদ্রতীরে প্রেরণ করা হইল। অতঃপর সবমেরিগখানা কিছু দূরে লইয়া গিয়া স্কাই দ্বীপের অভিমুখে পরিচালিত করা হইল। আমস্ জেবি ‘ইউ’-বোটের টাওয়ারের উপর পিউজেলের পার্শ্বে বসিয়া রহিল। নৈশ অন্ধকারাচ্ছন্ন সমুদ্রে ইউবোট চালাইবার সময় কাপ্তেন পিউজেল ও ‘ইউ’বোটের প্রধান প্রহরী চকুর সম্মুখে দূরবীণ ধরিয়া চারি দিকে চাহিতে লাগিল; তাহারা মুহূর্তের জন্ত চকু হইতে দূরবীণ নামাইল না।

তাহাদের এইরূপ সতর্কতার কারণ বুঝিতে পারিলাম। তাহারা অন্ধকার-সমাচ্ছন্ন সমুদ্রে চলিতে আরম্ভ করিলেও বিপদের আশঙ্কা ছিল। তাহারা জানিত, যে-কোন মুহূর্তে কোন বৃটিশ মানোয়ারী জাহাজ বা ‘প্যাট্রল-বোটের’ সার্চ-লাইট সেই নিবিড় নৈশ অন্ধকার ভেদ করিয়া উজ্জ্বল আলোকে সমুদ্র-বক্ষ উদ্ভাসিত করিতে পারে; সেই আলোকে ‘ইউ’বোট তাহাদের দৃষ্টিগোচর হইবামাত্র কামান-সমূহ গর্জন করিয়া উঠিবে, এবং মুঘলধারে গোলা বর্ষিত হইয়া ‘ইউ’-বোটখানিকে চূর্ণ করিয়া ডুবাইয়া দিবে।

‘ইউ’বোট স্কাই দ্বীপ অভিমুখে ধীরে ধীরে চলিতে লাগিল; এজন্ত সমুদ্রের তরঙ্গরাশি সবেগে আলোড়িত হইল না। আশ্চর্যকর অসমর্থ্য একটি বৃদ্ধকে হত্যা করিবার জন্ত এরূপ আয়োজন নিতান্ত বাহুল্য বলিয়াই আমার মনে হইল; বৃদ্ধার পরিণাম চিন্তা করিয়া আমি অত্যন্ত ক্লক ও বিরক্ত হইলাম। আমি ইহাদিগকে হিংস্র পশু অপেক্ষা শ্রেষ্ঠ বলিয়া মনে করিতে পারিলাম না।

আমি সেই নিরুপায় নিরাশ্রয় বৃদ্ধার শোচনীয় পরিণামের কথা চিন্তা করিতে লাগিলাম। আমি জানিতাম, সেই ডাইনী-বুড়ীকে রাক্ষসী বলিলে অত্যাক্তি হয় না; কিন্তু সে ছর্কল বৃদ্ধা, তাহাকে হত্যা করিবার জন্ত এই বড়বন্দ, অত্যন্ত ইতরের কার্য্য বলিয়াই আমার ধারণা হইল।



আমি তাহার জীবন-রক্ষার কোন উপায় দেখিলাম না; কেবল একটিমাত্র উপায় ছিল; যদি কোন বৃটিশ যুদ্ধজাহাজ এই ‘ইউ’-বোট দেখিতে পাইয়া গোলাবর্ষণে ইহাকে সমুদ্রে ডুবাইয়া দিতে পারিত, তাহা হইলেই বৃদ্ধার জীবন রক্ষা হইত; কিন্তু কোন বৃটিশ রণপোত কর্তৃক ইহার আক্রান্ত হইবার কোন সম্ভাবনা দেখিলাম না।

কিছুকাল পরে আমরা নির্ঝিলে স্বাই দ্বীপের নিকট উপস্থিত হইলাম। সমুদ্র-বেলার কিছু দূরে থাকিতে ‘ইউ’ বোট ধামিল। সেই দিন অপরাহ্নে আমি আমসের সহিত যে স্থানে নামিয়াছিলাম, আমস্ কাপ্তেন পিউজেল ও চারি জন জার্মান নাবিক সঙ্গে লইয়া সেই স্থানেই অবতরণ করিবে স্থির করিল।

তাহাদিগকে ‘ইউ’-বোট হইতে নামিতে দেখিয়া আমিও উঠিয়া দাঁড়াইলাম; কিন্তু আমস্ আমাকে বলিল, “তোমাকে আমাদের সঙ্গে যাইতে হইবে না; তুমি এখানেই থাক।”

কিন্তু ‘ইউ’-বোটে আমার থাকিবার ইচ্ছা ছিল না; আমস্ সদলে পাতলা ডিকীতে উঠিয়া অন্ধকারে অদৃশ্য হইবামাত্র আমি ‘ইউ’-বোটের টাওয়ারের বাহিরের দিকের লোহ-সোপানের সাহায্যে লোহার ডেকে নামিয়া পড়িলাম, এবং পরমুহূর্তে আমার জ্যাকেট খুলিয়া-ফেলিয়া তুষার-শীতল জলে লাফাইয়া পড়িলাম; তাহার পর সমুদ্র-তট লক্ষ্য করিয়া সাঁতার দিতে লাগিলাম। সেই নৈশ-সমুদ্রের শীতল জলে আমার সর্বাঙ্গ আড়ষ্ট হইয়া উঠিল।

আমি সম্মুখ দিকে ‘ইউ’-বোটের ডিকীর চারিখানি টাঁড়ের বুপ্-বুপ্ শব্দ শুনিতে পাইলাম। আমি স্থির করিলাম, উহাদের ডিকী দ্বীপের যে স্থানে ভিড়িবে, তাহার কিছু দূরে আমাকে আগেই উঠিতে হইবে; এজন্য আমি সেরেহের সকল শক্তি প্রয়োগে তীর লক্ষ্য করিয়া হাত-পা লাগাইতে লাগিলাম।

আমার ইচ্ছা ছিল, আমি আমসের দলের অগ্রেই দ্বীপে উঠিয়া দ্রুতবেগে বৃদ্ধার কুটীরে উপস্থিত হইব, এবং তাহার বিপদের সংবাদ জানাইয়া তাহাকে সতর্ক করিব। যদিও সে কয়েক মিনিট মাত্র পলায়নের সুযোগ পাইবে, কিন্তু তাহাই যথেষ্ট বলিয়া আমার মনে হইল। কারণ, সে তাড়াতাড়ি তাহার কুটীরের বাহিরে গিয়া নৈশ অন্ধকারে

কোথাও অদৃশ্য হইলে আততায়ীরা তাহাকে খুঁজিয়া বাহির করিতে পারিবে না। সেই পার্বত্য দ্বীপে লুকাইবার স্থানের অভাব ছিল না। আমি বৃদ্ধাকে সতর্ক করিয়া তাড়াতাড়ি ‘ইউ’-বোটে ফিরিয়া যাইব, এবং বৃদ্ধার কুটীরে আমার উপস্থিতির কথা আমস্কে জানিতে দিব না। যদি সে জানিতে পারে, বৃদ্ধা আমার নিকট তাহার আসন্ন বিপদের সংবাদ পাইয়া পলায়ন করিয়াছে, তাহা হইলে ক্রোদি প্রহারে আমার অস্থি-পঞ্জর চূর্ণ করিবে, সে রাগিলে তাহার কাণ্ডজ্ঞান থাকে না। সে ‘ইউ’-বোটে ফিরিয়া-গিয়া আমার ভিজা পরিচ্ছদ দেখিয়া আমাকে জেরা করিলে আমি বলিব—‘ইউ’-বোট হইতে হঠাৎ সমুদ্রে পড়িয়া যাওয়ায় ভিজিয়া গিয়াছি।

সমুদ্রবেলার যে স্থানে ‘ইউ’-বোটের ডিকী ভিড়িল, আমি তাহার প্রায় ত্রিশ চল্লিশ হাত দূরে জল হইতে উঠিয়া পড়িলাম, এবং এক রকম গুঁড়ি মারিয়াই বৃদ্ধার কুটীর লক্ষ্য করিয়া তাড়াতাড়ি চলিতে লাগিলাম।

বৃদ্ধার কুটীরের নিকট উপস্থিত হইয়া আমি অল্প দূরে আমস্ ও কাপ্তেন পিউজেলের কণ্ঠস্বর শুনিতে পাইলাম। বুঝিলাম, তাহারা আর কয়েক মিনিটের মধ্যে কুটীরে প্রবেশ করিয়া বৃদ্ধাকে হত্যা করিবে; এই জন্ত আমি দ্রুতবেগে বৃদ্ধার কুটীর-দ্বারে উপস্থিত হইলাম, এবং কুটীরে প্রবেশের জন্ত তাহার অনুমতি প্রার্থনা না করিয়াই অন্ধকারাচ্ছন্ন কুটীরে প্রবেশ করিলাম।

বৃদ্ধা তাহার প্রকাণ্ড কালো বিড়ালটাকে পাশে লইয়া অগ্নিকুণ্ডের নিকট তাহার জীর্ণ টুলখানার উপরে বসিয়া বিড়-বিড় করিয়া কি বকিতেছিল। আমরা সেই দিন বৈকালে তাহাকে ঠিক সেই ভাবেই টুলের উপর বসিয়া থাকিতে দেখিয়াছিলাম। আমি ব্যগ্রভাবে তাহার সম্মুখে উপস্থিত হইতেই বৃদ্ধা মুখ তুলিয়া তাহার কোটরগত নিশ্চিন্ত নেত্রের দৃষ্টি আমার মুখের উপর স্থাপন করিল।

আমি হাঁপাইতে হাঁপাইতে বলিলাম, “বুড়ী, তুমি পালাও, এই মুহূর্তেই তোমার কুটীর হইতে সরিয়া পড়। আমস্ ক্রোদি ও কয়েক জন জার্মান তোমাকে খুন করিতে আসিতেছে। তাহারা স্থির করিয়াছে—এখনই তোমাকে হত্যা করিবে।”

বৃদ্ধা আমার কথা শুনিয়া নড়িল না, উঠিবারও চেষ্টা

করিল না; স্থিরভাবে বসিয়া নির্নিমেষ নেত্রে আমার মুখের দিকে চাহিয়া রহিল।

তাহার ভাব-ভঙ্গী দেখিয়া আমি অত্যন্ত বিচলিত হইলাম। তাড়াতাড়ি তাহার সম্মুখে বুঁকিয়া-পড়িয়া, তাহার অস্থিচর্মসার শিরাবহুল শীর্ণ হাতখানি দৃঢ়মুষ্টিতে ধরিয়া ব্যাকুল স্বরে বলিলাম, “আমার কথা কি তুমি বুঝিতে পারিতেছ না? তুমি এই মুহূর্তেই পলায়ন কর। উহার ছই-এক মিনিটের মধ্যেই তোমার সম্মুখে আসিয়া পড়িবে;—তখন তোমার পলায়ন করা—”

বৃদ্ধা আমার কথায় বাধা দিয়া ভগ্নস্বরে বলিল, “কিন্তু বাচ্চা, তুমি বৃথা আমাকে সতর্ক করিতে আসিয়াছ; আর আমার পলায়নের সুযোগ নাই, তাহারা আমার কুটারের নিকট আসিয়া পড়িয়াছে। তুমি কি তাহাদের পদশব্দ শুনিতে পাইতেছ না? আমি বুড়া হইয়াছি, মৃত্যু আমার শিরেরে দাঁড়াইয়া আছে; পলাইয়া কি তাহার কবল হইতে নিষ্কৃতি পাইব?”

বৃদ্ধার কথা শুনিয়া বুঝিতে পারিলাম, আর তাহার প্রাণ-রক্ষার আশা নাই। আমি হতাশ ভাবে কুটারের দ্বারের দিকে ফিরিলাম; কিন্তু দ্বারের চৌকাঠের বাহিরেই আমসের উত্তেজিত কণ্ঠস্বর শুনিতে পাইলাম। বুঝিলাম, কুটারের বাহিরে যাইবার চেষ্টা করিলেই আমাকে ধরা পড়িতে হইবে! আমি দ্বারের নিকটে দাঁড়াইয়া, কোথায় লুকাইব তাহাই ভাবিতেছিলাম, সেই সময় আমস্ জোকাবি, কাপ্তেন পিউজেল ও জার্মান নাবিক চতুষ্টয়সহ কুটার-মধ্যে প্রবেশ করিল। আমি আর লুকাইবার সুযোগ পাইলাম না, আমস্কে আমার ঠিক সম্মুখে সমদূতের স্তায় দণ্ডায়মান দেখিলাম।

আমস্ আমাকে দেখিবামাত্র ক্রোধে ক্রিপ্তপ্রায় হইয়া গর্জন করিয়া বলিল, “তুই এখানে? ওরে পাজী, শূয়ার, বদ্‌মাসেস! আমার আদেশ অগ্রাহ করিয়া এখানে তুই কেন আসিয়াছিস?”

আমি তাহার ভাবভঙ্গি দেখিয়া দূরে সরিয়া যাইবার চেষ্টা করিতেই আমস্ দৃঢ়মুষ্টিতে আমার হাত চাপিয়া ধরিয়া আমার ঘাড়েরে এমন এক ঘূসি মারিল যে, সেই আঘাতে আমি ঘুরিয়া পড়িলাম; আমার চেতনা লোপের উপক্রম হইল। কিন্তু আমি আত্মসংবরণ করিয়া অতি কষ্টে উঠিয়া দাঁড়াইলাম।

কাপ্তেন পিউজেল আমার অবস্থা দেখিয়া আমার প্রতি কিঞ্চিৎ সমবেদনা প্রকাশ করিয়া আমস্কে বলিল, “আহা, ছেলেমানুষ, কেন উহাকে ঘূসাইতেছ? ও বোধ হয় মজা দেখিতে এখানে আসিয়াছে। উহাকে বাড়ী রাখিয়া আসিলেই পারিতে।”

আমস্ ক্রোধে গর্জন করিয়া সবেগে মাথা বাঁকাইয়া বলিল, “না কাপ্তেন! ও এখানে আসিয়াছে—ঐ বুড়ীকে সতর্ক করিতে। আমি কি উহাকে চিনি না? আমি উহাকে অনাথ, অসহায় দেখিয়া খাইতে পরিতে দিয়া ম.হুঘ করিয়া তুলিলাম; আর হতভাগা, পাজী, রাঙ্কেল ক্রমাগত আমার অনিষ্ট-চেষ্টা করিতেছে! কখন আমার কি ক্ষতি করে, এই আশঙ্কায় সর্বদা উহাকে চোখে-চোখে রাখিতে হয়; তথাপি সুযোগ পাইলেই এই ভাবে আমার চোখে ধূলা দেওয়ার চেষ্টা করে।”

এই কথা বলিয়া আমস্ আমার গালে প্রচণ্ডবেগে চপেটাঘাত করিল; তাহার পর বিকৃত স্বরে বলিল, “আগে বাড়ী ফিরিয়া যাই, তাহার পর উহাকে ঘরের খামে বাঁধিয়া উহার শরীরের চামড়া ছাড়াইয়া লইব। নিতা জুতা-লাখি খাইয়াও উহার শিক্কা হইল না।”

বৃদ্ধা নীরবে আমসের সকল কথা শুনিতেছিল; সে আমস্কে লক্ষ্য করিয়া বলিল, “আমস্ জোকাবি, তুমি বড় বেশী কথা বল, ভয়ঙ্কর বাচাল তুমি! ঐটুকু ছেলেকে ঐভাবে নির্যাতন করিতে তোমার মত আধবুড়ো মিন্‌সের লজ্জা হয় না? তোমার এক বিন্দু দয়া-মায়ী নাই।”

আমস্ গর্জন করিয়া বলিল, “মুখ বুঁজিয়া বসিয়া থাক বুড়ী! আমরা কি জন্ত এখানে আসিয়াছি, তা জানিলে নিজের কথা চিন্তা না করিয়া পরের কথার আলোচনা করিতে তোর প্রবৃত্তি হইত না।”

বৃদ্ধা কঠোর স্বরে বলিল, “তোমরা কি উদ্দেশ্যে এখানে আসিয়াছ, তাহা আমার জানা আছে, আমস্ জোকাবি! তোমাদের লোহার বোট অন্ধকার ভেদ করিয়া স্বাই দ্বীপের দিকে আসিতেছিল, তাহা আমি এখানে বসিয়া থাকিয়াই দেখিতে পাইয়াছিলাম। তোমরা কি মতলবে এখানে আসিতেছিলে, তাহা সেই সময়েই আমি জানিতে পারিয়াছিলাম।”

এই সকল কথা বলিতে বলিতে বৃদ্ধার কণ্ঠস্বর দূরগত

ব-গর্জনের স্রাব গম্ভীর হইয়া উঠিল। সে উত্তেজিত স্বরে বলিল, “আজ বৈকালে তোমাকে কি বলিয়াছিলাম, তাহা কি তোমার স্মরণ নাই, আমস্ জোবি? আমি তোমাকে বলিয়াছিলাম, তুমি কখন আগাকে হত্যা করিতে পারিবে না; ঐ কাজ করিতে একজন মানুষের মত মানুষের দরকার। তোমার মত অস্পৃশ্য, ঘৃণিত, বিশ্বাসঘাতক কৃন্দরের উহা সাধ্য নহে।”

কাপ্তেন পিউজেল এবার সরোষে গর্জন করিল, “চুপ কর বৃড়ী!”—তাহার পর সে আমস্কে জিজ্ঞাসা করিল, “তুমি কি এই স্ত্রীলোকটারই কথা বলিয়াছিলে?”

আমস্ বলিল, “হাঁ, ঐ বৃড়ীর জন্তই ত এত কষ্ট করিয়া আগাদের এখানে আসা!”

এ কথা শুনিয়া হাঁড়িমুখো নাজী কাপ্তেনটা ছই এক পা-অগ্রসর হইয়া বৃদ্ধার ঠিক সম্মুখে দাঁড়াইল; তাহার পর তাহা উচু করিয়া বুক ফুলাইয়া কঠোর স্বরে বলিল, “শোন বৃড়ী, হার জোবি আগাকে বলিয়াছে—আমাদের ‘ইউ’-বোটগুলির রসদ যোগাইবার জন্ত সে তাহার এলাকায় যে আড্ডা স্থাপন করিয়াছে, সেই আড্ডার সংবাদ সমুদ্রোপকূলের ইংরেজ প্রহরীগণের নিকট প্রকাশ করিবার ভয় দেখাইয়া তুমি উহার নিকট দফায় দফায় ঘুসু আদায় করিয়াছ; তাহার এ কথা কি সত্য?”

বৃদ্ধা তাহার ক্ষুদ্র মিটমিটে চক্ষুর চঞ্চল দৃষ্টি নাজী কাপ্তেনটার মুখের উপর স্থাপন করিয়া নীরস স্বরে বলিল, “আমি বলিতেছি, উহা মিথ্যা কথা। ইংরেজ জাতির কলঙ্ক, ঐ বিশ্বাসঘাতক, ইতর মিথ্যাবাদীটা ছলে কৌশলে আমাদের নিকট হইতে আরও বেশী টাকা আদায়ের মতলবে ঐ কথা বলিয়া তোমাকে ধাপ্লা দিয়াছে।”

আমস্ জোবি বৃদ্ধার কথা শুনিয়া সক্রোধে লাফাইয়া উঠিল, এবং তাহার মুখের উপর অগ্নিময় দৃষ্টি নিক্ষেপ করিয়া উচ্চ স্বরে বলিল, “তুমি জান, আমার কথা সত্য; তবু মিথ্যা কথায় এখন তাহা ঢাকিবার চেষ্টা করিতেছ! আমি কাপ্তেনদিগকে সাহায্য করিতে আরম্ভ করিবার পর হইতে তুমি আমাকে বিপদে ফেলিবার ভয় দেখাইয়া দফায় দফায় টাকা আদায় করিয়াছ, আর আজ তাহা অস্বীকার করিয়া আমাকেই মিথ্যাবাদী বলিতেছ! কিন্তু আমার কথা সত্য, তাহার প্রমাণ আছে।”

আমস্ তৎক্ষণাৎ সেই কুটারের এক কোণে গমন করিয়া মেঝে হইতে আলগা পাথরের একটা দলা সরাইয়া ফেলিল। তাহার নীচে একটি গহ্বর ছিল; সেই গহ্বরে হাত পুরিয়া সে একটি কৃষ্ণবর্ণ মোজা টানিয়া তুলিল, তাহা এক রাশি নোট পূর্ণ ছিল। সেই নোটগুলি মোজা হইতে বাহির করা হইলে আমি দেখিতে পাইলাম, সেগুলি বৃটিশ-নোট। বৃদ্ধারস্তের পূর্বে জাঙ্গাণরা সেই সকল নোট সংগ্রহ করিয়াছিল বলিয়াই আমার ধারণা হইল।

কাপ্তেন পিউজেল সেই নোটগুলি পরীক্ষা করিয়া আমসের হাতে প্রত্যর্পণ করিলে আমস্ বৃদ্ধার মুখের উপর সর্গর্ভ দৃষ্টি নিক্ষেপ করিয়া নোটগুলি তৎক্ষণাৎ কোটের পকেটে পুরিল।

বৃদ্ধা চীৎকার করিয়া বলিল, “চোর! রাগ্ আমার নোট, ও আমার বহু দিনের সঞ্চয়।”

কিন্তু আমস্ বা কাপ্তেন তাহার প্রতিবাদে কর্ণপাত করিল না। কাপ্তেন পিউজেল তাহার অন্তর নাবিক-চতুষ্টয়কে আদেশ করিল, “ঐ বৃড়ীটাকে ধরিয়া-লইয়া বাহিরে চল।”

‘ইউ’-বোটের নাবিক-চতুষ্টয় বৃদ্ধাকে আক্রমণ করিল, এবং তাহাকে টানিতে টানিতে কুটারের দ্বার অভিমুখে অগ্রসর হইল।

বৃদ্ধা আর্ন্তনাদ করিয়া বলিল, “আমাকে বাহিরে লইয়া গিয়া তোমরা কি করিবে? আমাকে কোথায় লইয়া যাইতেছ?”

আমস্ বলিল, “আমরা তোমাকে পাহাড়ের মাথায় লইয়া গিয়া নীচে ফেলিয়া দিব। যদি কেহ সেখানে তোমার মৃতদেহ দেখিতে পায়, তাহা হইলে সে মনে করিবে, তুমি পাহাড়ের মাথা হইতে হঠাৎ পা-ফস্কাইয়া নীচে পড়িয়াছ, এবং সেই আঘাতে অকালান্ত করিয়াছ।—শীঘ্র উহাকে পাহাড়ের উপর লইয়া চল।”

আমস্ নৈশ অন্ধকারে স্বাই দ্বীপের গিরিশ্রেণীর অভিমুখে ধাবিত হইল। নাবিক চতুষ্টয় বৃদ্ধাকে টানিতে টানিতে তাহার পশ্চাতে চলিতে লাগিল। আমরা তাহাদের অনুসরণ করিলাম। সেই পাহাড়ের উচ্চ চূড়ার বহু নিম্নে পাহাড়ের পাদভূমি; তাহা চালু হইয়া সমুদ্রে পেনেশ করিয়াছিল।

নাবিক-চতুষ্টয়ের কবলে বৃদ্ধা কাতর স্বরে আর্তনাদ করিতে করিতে মুক্তি লাভের জন্ত তাহাদের সঙ্গে ধস্তাধস্তি করিতে লাগিল। কিন্তু তাহার দেহ জীর্ণ, দুর্বল; সে চারি জন বলিষ্ঠ নাবিকের কবল হইতে মুক্তি লাভ করিবে, তাহার সম্ভাবনা ছিল না।

বৃদ্ধার জীবনের আশা ছিল না, তাহার মৃত্যু নিশ্চিত; ইহা জানিয়াও মনুষ্যত্ববর্জিত, নির্ধূর আমস্ তখনও তাহাকে বিক্রপ করিতে ও কঠোর ভাষায় গালি দিতে লাগিল! তাহার পৈশাচিক ব্যবহারে আমি স্তম্ভিত হইলাম। আমার মনে হইল, আমস্ ও কাপ্তেন কি উপায়ে বৃদ্ধাকে হত্যা করিবে, নৌকার আসিবার সময় যুক্তি পরামর্শ করিয়া তাহা স্থির করিয়াছিল।

নাবিকগণ বৃদ্ধাকে যে গিরিশৃঙ্গের উচ্চ চূড়ায় উত্তোলন করিল, তাহার পাদমূলে উদ্বেলিত, শুভ্র ফেনপুঞ্জমুকুটিত সমুদ্রতরঙ্গ পুনঃ পুনঃ সবেগে প্রতিহত হইতেছিল। গিরি-চূড়া হইতে সেই স্থানে দৃষ্টিপাত করিলে মাথা ঘুরিয়া যায়! নাবিকরা বৃদ্ধাকে সেই গিরিচূড়ার প্রান্তভাগে ধরিয়া রাখিলে আমস্ তাহাকে কর্কশস্বরে বলিল, “নীচে একবার চাহিয়া দেখ্ বৃদ্ধী, কোথায় পড়িয়া এখনই তোর সকল কষ্টের অবসান হইবে।”

বৃদ্ধা ক্রুদ্ধ দৃষ্টিতে আমসের মুখের দিকে চাহিয়া বলিল, “তোমারও মৃত্যুর আর অধিক বিলম্ব নাই আমস্ জ্ঞেবি! আমি আরও বলিতেছি যে, আমাকে হত্যা করিবার জন্ত তুমি যাহাকে এখানে লইয়া আসিয়াছ, তাহাকেও কাল প্রভাত পর্যন্ত জীবিত থাকিয়া সূর্যের মুখ দেখিতে হইবে না।”

কাপ্তেন পিউজেল তখন সেই গিরিশিখরে বৃদ্ধার অদূরে নিরাপদ স্থানে দাঁড়াইয়া ছিল। সে বৃদ্ধার ভবিষ্যদ্বাণী শুনিয়া কঠোর স্বরে বলিল, “আমার ভবিষ্যতের কথা ভাবিয়া তোকে চিন্তিত হইতে হইবে না বৃদ্ধী! মৃত্যুর পূর্বে তুই পরমেশ্বরের নাম স্মরণ কর।”

অনন্তর সে নাবিক-চতুষ্টয়কে লক্ষ্য করিয়া বলিল, “তোমরা সকলে প্রস্তুত? তবে—এক ছই—তিন।”

কাপ্তেনের মুখ হইতে ‘তিন’ উচ্চারিত হইবামাত্র বৃদ্ধা এক ধাক্কাই সেই গিরিশৃঙ্গ হইতে শত শত গজ নিয়ে নিক্ষিপ্ত হইল। আমার মনে হইল, হেঁড়া শাকড়ার একটা

বাঙিল সবেগে নিয়ে পড়িতেছিল! বৃদ্ধার স্বপ্নভেদী কাতর আর্তনাদ মুহূর্তমধ্যে শূন্যে বিলীন হইল। নীচে দৃষ্টিপাত করিয়া আমরা তাহার চিহ্নমাত্র দেখিতে পাইলাম না। উদ্বেলিত উচ্ছ্বসিত সমুদ্র মুহূর্তে তাহাকে গ্রাস করিয়াছিল।

কাপ্তেন পিউজেল মুখ বিকৃত করিয়া বলিল, “দৃশ্যটা মনোহর না হইলেও ইহা পরিহার করিবার উপায় ছিল না।”

কাপ্তেন গিরিশৃঙ্গের কিনারায় ঘুরিয়া-দাঁড়াইয়া রুমাল দ্বারা ললাটের ঘর্ষণধারা অপসারিত করিল। আমি তাহার পার্শ্বেই দাঁড়াইয়া ছিলাম। আমি আমার পদপ্রান্তে দৃষ্টিপাত করিতেই অন্ধকারে একজোড়া স্মগোল চকু দেখিতে পাইলাম; অন্ধকারে তাহা জলন্ত অঙ্গারের স্তায় জল্-জল্ করিতেছিল।

মুহূর্তমধ্যে আমি বৃদ্ধিতে পারিলাম, বৃদ্ধার সেই প্রকাণ্ড কালো বিড়ালটা বৃদ্ধার অনুসরণ করিয়া সেই স্থানে আসিয়া পড়িয়াছিল। কাপ্তেন পিউজেল তাহার পদপ্রান্তস্থ গভীর গহবরের নিকট হইতে নিরাপদ স্থানে সরিয়া যাইবার পূর্বেই সেই বিড়ালটা সবেগে কাপ্তেনের বুকের উপর লাফাইয়া-উঠিয়া, ভীক্ষাগ্র দীর্ঘ দস্তশ্রেণী দ্বারা তাহার নাসিকা কামড়াইয়া ধরিল।

কাপ্তেন সেই ক্রুদ্ধ ভীষণ জানোয়ার কর্তৃক এই ভাবে আক্রান্ত হওয়ার প্রাণভয়ে আর্তনাদ করিয়া ব্যাকুলভাবে পশ্চাতে হঠিয়া যাইতেই পদস্থলন হইয়া বৃদ্ধা যে স্থানে নিক্ষিপ্ত হইয়া প্রাণ হারাইয়াছিল, তাহার কয়েক ফুট দূরে সমুদ্রগর্ভে পড়িয়া অদৃশ্য হইল। উদ্বেলিত সমুদ্রতরঙ্গ যেন শত বাহু প্রসারিত করিয়া তাহাকেও মুহূর্ত মধ্যে গ্রাস করিল।

এই ভীষণ দৃশ্য দেখিয়া আমস্ জ্ঞেবি ভয়ে আর্তনাদ করিয়া সেই গিরিশৃঙ্গ হইতে দূরে পলায়ন করিল। তাহার ছই চকু ভয়ে কপালে উঠিয়াছিল; তাহার মুখ মৃতের মুখের স্তায় বিবর্ণ।

আমস্ বিকৃত স্বরে বলিল “ডাইনী-বৃদ্ধীর প্রেতা... এই ভাবে প্রতিহিংসা গ্রহণ করিল! উহার ভবিষ্যদ্বাণী সঙ্গে-সঙ্গে ফলিয়া গেল! তাহার প্রেতাত্মা আমাদেরও আক্রমণ করিতে আসিতেছে; যদি বাঁচিবার সাধ থাকে, তবে সকলে শীঘ্র পলায়ন কর।”

আমস্ দৌড়াইতে দৌড়াইতে সমুদ্রতটে উপস্থিত হইয়া, ডিক্সী নৌকায় উঠিয়া বসিয়া হাঁপাইতে লাগিল। নাবিক-গণও দ্রুতবেগে তাহার অনুসরণ করিয়াছিল। আমিও তাড়াতাড়ি ডিক্সীতে উঠিয়া আমসের পার্শ্বে বসিয়া পড়িলাম। আমস্ ভয়ে কাঁপিতে কাঁপিতে পুনঃ পুনঃ সেই গিরিশৃঙ্গের দিকে চাহিতে লাগিল।

‘ইউ’-বোটের নাবিকরা ‘ইউ’-বোটে প্রবেশ করিয়া কাপ্তেন পিউজেলের সহকারী লেফ্টেনাণ্ট ফাল্কেকে কাপ্তেনের শোচনীয় মৃত্যুসংবাদ জ্ঞাপন করিল। লেফ্টেনাণ্ট ফাল্কে প্রথমে কিছুই বুঝিতে পারিল না। অবশেষে আমস্ তাহাকে সকল কথা সজ্জপে বুঝাইয়া দিল। লেফ্টেনাণ্ট ফাল্কে গভীর ভাবে কয়েক মিনিট চিন্তার পর কাপ্তেন পিউজেলের মৃতদেহ সংগ্রহ করিবার আশায় একখানি ডিক্সী লইয়া গিরিপাদমূলস্থ সেই ভয়াবহ স্থানে গমনের প্রস্তাব করিল।

ফাল্কের প্রস্তাব শুনিয়া আমস্ সতর্ক বলিল, “না না, তুমি সেই স্থানে গমন করিয়া কাপ্তেনের মৃতদেহ আবিষ্কার করিতে পারিবে না। সেই স্থানে জলের ভিতর যে সকল মগ্ন-শৈল আছে, তাহাতে ধাক্কা লাগিয়া ডিক্সীখান সমুদ্রগর্ভে মুহূর্ত্তে তলাইয়া যাইবে; ডিক্সীর কোন আরোহীর প্রাণরক্ষা হইবে না।”

আমসের কথাগুলি সঙ্গত মনে করিয়া লেফ্টেনাণ্ট ফাল্কে কাপ্তেনের মৃতদেহ উদ্ধারের আশা ত্যাগ করিল। কয়েক মিনিট পরে সে ‘ইউ’-বোটের ইন্ধন সংগ্রহের জন্ত নির্দিষ্ট স্থানে যাত্রা করিল।

আমরা বাড়ী ফিরিয়া আসিলাম। সমুদ্রকূলে নামিবার মাত্র আমস্কে পশ্চাতে ফেলিয়া আমি দৌড়াইতে দৌড়াইতে আমাদের পাকশালার প্রবেশ করিলাম। মেরী দেখানে আমাদের প্রতীক্ষা করিতেছিল। আমি তাড়াতাড়ি নিজ পোষাক খুলিয়া অগ্নিকুণ্ডের নিকট নিক্ষেপ করিয়া মেরীকে ব্যগ্রভাবে সকল কথাই বলিতে আরম্ভ করিলাম।

আমার কথা শেষ হইবার পূর্বেই আমস্ আমাদের নিকট উপস্থিত হইল। সে তখনও ভয়ে কাঁপিতেছিল। সে টেবলের নিকট বসিয়া পাথরের জগ হইতে টিনের মগে এক টালিয়া এক নিঃশ্বাসে মগটা খালি করিল। তাহার পর মগটা কম্পিত-হস্তে নামাইয়া রাখিয়া ঋণিত স্বরে মেরীকে

বলিল, “আমি পিউজেলকে বলিয়াছিলাম, এ-কাজে বিপদের আশঙ্কা আছে, কিন্তু সে আমার কথায় কর্ণপাত করিল না। সে ত মরিলই, ইহার পর আরও যে কি ঘটবে, কে বলিতে পারে? আজ বৈকালে সেই ডাইনী-বুড়ী ভয়ঙ্কর ভবিষ্যদ্বাণী করিয়াছিল; সে কথা স্মরণ হইলে হৃৎকম্প হয়। টাকার লোভে কেনই বা আমি জার্মানদের সাহায্য করিবার ভার লইয়াছিলাম!”

আমস্ উঠিয়া অস্থিরভাবে সেই কক্ষে ঘুরিয়া বেড়াইতে লাগিল, তাহার পর আরও খানিক মদ গিলিল। অবশেষে সে মেরীর সম্মুখে আসিয়া কি যেন কথা বলিবার উপক্রম করিল; কিন্তু তাহার মুখ হইতে কথা-বাহির হইল না।

মেরী কোতূহলভরে দৃষ্টিপাত করিল, “সেই ডাইনী-বুড়ী আজ বৈকালে তোমাকে এমন কি ভয়ঙ্কর কথা বলিয়াছিল যে, তুমি ভয়ে কাঁপিয়া মরিতেছ?”

আমস্ বিচলিত স্বরে বলিল, “সে বলিয়াছিল, আমার চোখ বাঁধিয়া আমাকে গুলী করিয়া হত্যা করা হইবে। তাহার এ কথা মিথ্যা নহে; যদি ইংরেজরা জানিতে পারে, আমি জার্মানগণকে সাহায্য করিতেছি, তাহা হইলে তাহারা নিশ্চিতই আমাকে গুলী করিয়া মারিবে।”

কণকাল সে নীরব থাকিয়া পুনর্বার বলিল, “আমি পলায়ন করিব। হাঁ, আমাকে এই দ্বীপ ছাড়িয়া প্রাণ লইয়া পলাইতে হইবে; নতুবা আমার প্রাণ রক্ষার আশা নাই।—কোন আশা নাই, নাই!”—সে ব্যাকুলভাবে উভয় হস্ত পরস্পর নিষ্পেষিত করিতে লাগিল।

কয়েক মিনিট পরে আমস্ দোতালার কক্ষে প্রস্থান করিল। আমি ও মেরী পাকশালার বসিয়া রহিলাম। তখন রাত্রি প্রায় শেষ হইয়াছিল। আমরা উভয়ে টেবলের কাছে বসিয়া নানা কথার আলোচনা করিতে লাগিলাম; শেষে লেফ্টেনাণ্ট হাগেনের কথা উঠিল। হাগেন কত দিন পরে আমাদের দ্বীপে আসিয়া মেরীকে ও আমাকে দেশান্তরে লইয়া যাইবে, বহির্জগৎ সম্বন্ধে আমরা কত নূতন অভিজ্ঞতা লাভ করিব—এই সকল কথার আলোচনার বর্তমানের হৃৎকম্পিত বিস্তৃত হইলাম। অবশেষে আমি বিচলিত বিছাইয়া সেই কক্ষের এক প্রান্তে শয়ন করিলাম। শয়নমাত্র আমার নিজাক্ষণ হইল। মেরী তখনও বসিয়া ছিল। সে পাকশালার এক প্রান্তে বসিয়া বসিয়া সেই

স্থানে শয়ন করিল। ফার্গসের হত্যাকাণ্ডের পর সে কোন দিন দোতালার কোন কক্ষে শয়ন করে নাই। ফার্গসের মৃত্যুকালের দৃশ্য স্মরণ হইলে তখনও ভয়ে তাহার সংকল্প হইত।

পরদিন প্রত্যয়ে আমি নিদ্রাভঙ্গে, সমুদ্রের অদূরবর্তী খাঁড়িতে সেরেস্তার মাছ পড়িয়াছে কি না তাহা দেখিতে চলিলাম। কারণ, তাহার উপর আমাদের আহার নির্ভর করিতেছিল। সেই স্থান হইতে আমি সমুদ্রতীরে উপস্থিত হইয়া সমুদ্রবক্ষে দৃষ্টিনিক্ষেপ করিলাম। সহসা কিছু দূরে বাদামী পাল-সংযুক্ত একখান মেছো-নৌকা দেখিতে পাইলাম; পাল তুলিয়া তাহা আমাদের দ্বীপের দিকেই আসিতেছিল।

কাহারো সেই নৌকার আরোহী? ঐরূপ বোটে আরোহণ করিয়া বাহিরের কোনও লোক কোন দিন আমাদের দ্বীপে আসিত না। উহা ইংরেজের কোন গোরেন্দার নৌকা নহে ত? নানা হুশিচস্তায়, ভয়ে আমার বুক ধড়-ফড় করিতে লাগিল; আমার নিশ্বাস-রোধের উপক্রম হইল! আমি সেই নৌকার দিকে চাহিয়া ভয়ে ঘামিতে লাগিলাম।

### অষ্টম পর্ল

#### ফার্গসের ভগিনীর আবির্ভাব

আমস্ ফ্রোবি পুনঃ পুনঃ আমাকে বলিয়াছিল, বাহিরের কোন লোক কোন দিক হইতে আমাদের দ্বীপে উপস্থিত হইলে আমাদের বিপদের আশঙ্কা আছে।—সেজন্য আমা-দিগকে সর্বদা সতর্ক থাকিতে হইত। আলেন্ ফার্গস্ আমাদের জার্মান অতিথি লেফ্ টেনাণ্ট ছাগেনের গুলীতে নিহত হইবার পর আমাদের বিপদের আশঙ্কা দিন দিন বর্ধিত হইতেছিল।

এই জন্মই সেই দিন প্রভাতে বাদামী-রঙের পাল উড়াইয়া সেই মেছো নৌকাখানাকে সমুদ্র-তরঙ্গ ভেদ করিয়া আমাদের দ্বীপের অভিমুখে আসিতে দেখিয়া, ভয় ও হুশিচস্তায় আমি ব্যাকুল হইয়াছিলাম; এবং সেই নৌকার কাহারো আসিতেছিল—তাহা জানিবার জন্ম সমুদ্র-বেলায় দাঁড়াইয়া রহিলাম।

কিছুকাল পরে বোটখানি তীরে ভিড়িলে তাহা আরোহীদিগকে দেখিয়া আমার আতঙ্ক দূর হইল, আমি স্বস্তি বোধ করিলাম। আমি বুকিতে পারিলাম, সেই বোটের আরোহীদিগের কোন ছুরতিসন্ধি থাকিতে পারে না; আমস্ ফ্রোবির উপর তাহাদের বিন্দুমাত্র সন্দেহ ছিল না; এবং স্বদেশজ্যোহী আমস্ যে জার্মানগণকে সাহায্য করিবার জন্ম এই দ্বীপের ‘ডেভিলস্ কেভে’ ‘ইউ’-বোটের পরিচালনোপযোগী তেল, পেট্রল প্রভৃতি লুকাইয়া রাখিবার ব্যবস্থা করিয়াছিল, তাহাও তাহাদের সম্পূর্ণ অজ্ঞাত ছিল।

আগন্তুকগণ বড় দেশ হইতে আগত মৎস্যজীবী ডোনাল্ডসন পরিবারের লোক। বোটে সেই পরিবারের তিন জন লোক ছিল। এক জন বৃদ্ধ ড্যান ডোনাল্ডসন, —প্রকাণ্ড দেহ, রোদপোড়া মুখের বর্ণ লোহিতাভ, মাথার চুলগুলি সমস্তই পাকিয়া সাদা হইয়াছিল; কিন্তু বৃদ্ধ হইলেও তাহার দেহ বক্র হয় নাই, তাহা সরল, সবল ও কার্যক্ষম; বার্কিক্যের জড়তাও তাহাকে স্পর্শ করিতে পারে নাই। দ্বিতীয় ব্যক্তি তাহার ভ্রাতা গ্যালকম; তাহারও দেহ ড্যানের দেহের অহুরূপ, তবে সেরূপ দীর্ঘ নহে। তৃতীয় ব্যক্তি ড্যানের পুত্র—যক্, প্রায় কুড়ি-একুশ বৎসর বয়স বৃষঙ্গক বলবান যুবক, মুখের বর্ণ ঈষৎ বাদামী।

তাহারা পূর্বেও আমাদের দ্বীপে আসিয়াছিল; এবং আমি জানিতাম, মেরী পূর্বে কখন কখন আগসের সহিত বড় দেশে গমন করিয়া এই পরিবারেরই আতিথ্য গ্রহণ করিত। তাহারো নৌকার পাল নামাইয়া এবং নীচে নঙ্গর ফেলিয়া নৌকা হইতে নামিয়া আসিলে তাহাদের অভ্যর্থনা করিবার জন্ম আমি সাগর-বেলায় প্রতীক্ষা করিতে লাগিলাম। বৃদ্ধ ড্যান হাতের কাজ শেষ করিয়া আমার সম্মুখে আসিল, এবং আমার কাঁধে হাত রাখিয়া উৎসাহ-ভরে বলিল, “ওয়েল্ ল্যাড্ডি, তুমি আছ কেমন? আর আমস্? আমরা তাহাকে এবং তাহার মেয়েটিকে বহুদিন দেখি নাই। মেরী কেমন আছে, তাহা জানিবার জন্ম যক্ বাবাজীর আগ্রহের সীমা নাই! কি বল যক্?”

বাপের কথায় যক্ লজ্জায় মুখ রাঙ্গা করিয়া কুণ্ঠিত ভাবে বলিল, “হাঁ, বাবা, ও কথা সত্য।”

আমি বলিলাম, “মেরী বেশ ভাল আছে, আ.স্ও ভালই আছে।”

অতঃপর আমরা সকলেই বাড়ীর দিকে চলিলাম। চলিতে চলিতে বৃদ্ধ জেলে ড্যান বলিল, “আমি যককে বলিতেছিলাম—মিষ্টার ফার্গস্ যত দিন পর্যন্ত সুন্দরী মেরীর মনোরঞ্জনের জন্ত তাহার সঙ্গে সঙ্গে ঘুরিয়া বেড়াইবে—তত দিন তোমার বাপু, কোনই আশা ভরসা নাই। আর সত্য কথা বলিতে কি, যদি কোন কুমারী কোন ধনবান্ চাষীর ছেলেকে বিবাহ করিতে পার—তাহা হইলে সে কি জাল-বওয়া জেলের ছেলের দিকে ফিরিয়া তাকায়?—হা—হা—হা।” বৃদ্ধের উচ্চ হাস্তে সুবিস্তীর্ণ সমুদ্র-তট প্রতিধ্বনিত হইল।

ড্যানের ভাই ম্যাল্কমও সেই হাস্তে যোগদান করিল। কিন্তু আমি হাসিতে পারিলাম না। ফার্গস্ জীবিত আছে ও মেরীর প্রেমাকাঙ্ক্ষা করিতেছে ভাবিয়া বৃদ্ধ যে রসিকতা করিতেছিল, তাহাতে যোগদান করা দূরের কথা—প্রকৃত ব্যাপার যদি সে কোন উপায়ে জানিতে পারে, তাহা হইলে কি বিপদ ঘটবে ভাবিয়া ভয়ে আমার মুখ শুকাইয়া গেল, বুক ছক্-ছক্ করিতে লাগিল।

কিন্তু বৃদ্ধ আমার মুখের দিকে না চাহিয়া উৎসাহভরে বলিতে লাগিল, “কিন্তু ঐ মেয়েটিকে যকের বড়ই মনে ধরিয়াছে। বক্ সৈন্তদলে যোগ দিতে আগামী সপ্তাহে সহরে যাইতেছে; সে প্রবাস-যাত্রার পূর্বে মেরীকে একবার দেখিবার জন্ত আমাদের সঙ্গে এখানে আছিল। মেরী আমাদের সঙ্গে বড় দেশে গিয়া আমাদের বাড়ীতে কয়েক দিন বাস করে, এজন্য আমরা আমস্কে অনুরোধ করিতে আসিয়াছি।”

বৃদ্ধ ড্যানের কথা শুনিয়া তাহাদের আসিবার কারণ বলিতে পারিলাম। আরও জানিতে পারিলাম—মিসেস্ ড্যান ডোনাল্ডসনও মেরীকে অত্যন্ত স্নেহ করে; মেরীকে পুত্রবধু করিবার জন্ত তাহার প্রবল আগ্রহ। ‘তাহার পুত্র বক্ সৈন্তদলে যোগদান করিতে যাইবার পূর্বে মেরীকে নিমন্ত্রণ করিয়া একবার নিজের বাড়ীতে লইয়া যাইবার জন্ত সেই বৃদ্ধাই ইহাদিগকে এখানে পাঠাইয়া দিয়াছে।

মেরীর মনের কথা আমি জানিতাম, সেখানে তাহার যাইবার ইচ্ছা ছিল না; কিন্তু সে সম্ভবতঃ এই নিমন্ত্রণ প্রত্যাখ্যান করিবে না। এই প্রস্তাবে যে আমসের আপত্তি হইবে না, এ বিষয়ে আমার সন্দেহ ছিল না।

মেরীর ইচ্ছা থাক্ বা না থাক্, তাহাকে কয়েক দিনের জন্ত স্থানান্তরে পাঠাইতে আমসের প্রবল আগ্রহ হইয়াছিল, এইরূপই আমি অনুমান করিয়াছিলাম।

আমার এই অনুমান মিথ্যা হইল না; আমসের নিকট বৃদ্ধ ড্যান এই প্রস্তাব উপাধন করিলে আমস্ মেরীকে বলিল, “উহারা তোমাকে লইতে আসিয়াছে, তুমি উহাদের সঙ্গে যাও মেরী! আমি পিটারের সাহায্যে সংসারের সকল কাজের ব্যবস্থা করিতে পারিব। তুমি বড় দেশে যাইলে তোমার স্বাস্থ্যেরও উন্নতি হইবে; তন্নিম্ন, সেখানে যে সকল সঙ্গী পাইবে, এখানে ত সেরূপ সঙ্গী পাও না। তোমার সেখানে অবস্থ হইবে না; অহাটটাও ভালই চলিবে, এজন্য তুমি উহাদের সঙ্গে যাও—ইহাই আমার ইচ্ছা; তুমি উহাদের অনুরোধ প্রত্যাখ্যান করিও না মেরী!”

মেরী অগত্যা তাহাদের প্রস্তাবে সম্মতি প্রকাশ করিল। সে তাহার নিত্য-ব্যবহার্য্য জিনিসপত্র গুছাইয়া লইলে, বক্ তাহার মোট ঘাড়ে তুলিয়া লইল ও তাহা তাহাদের নৌকার লইয়া চলিল। মেরী তাহার সঙ্গে গমন করায় বক্কে অত্যন্ত উৎফুল্ল দেখিলাম।

বক্ মেরীর সঙ্গে প্রস্থান করিলে ড্যান ও তাহার ভ্রাতা ম্যাল্কম আমাদের পাকশালায় বসিয়া মগ্ন পান করিতে করিতে আমসের সঙ্গে গল্প করিতে লাগিল। ড্যান আমস্কে বলিল, “বক্ প্রফুল্লচিত্তেই যুদ্ধে যাইতে পারিবে ক্লেবি! ফার্গস্ যকের প্রণয়ের প্রতিধ্বন্দী বলিয়া বক্ ফার্গসের হিংসা করে। ইহা স্বাভাবিক। বেচারার বড় দুঃখ!”

আমস্ এ-কথা শুনিয়া মনের ভাব গোপন করিবার জন্ত কাসিতে লাগিল; তখন তাহার হাতে মদের গ্যাস ছিল। আমি দেখিলাম, তাহার হাত কাঁপিতেছিল।

ম্যাল্কম আমস্কে বলিল, “ফার্গস্কে কি এখানে আসিতে দেখিয়াছিলে? সে কি মেরীকে দেখিতে আসিয়াছিল?”

আমস্ ভগ্ন স্বরে বলিল, “আমি? না, আমি তাহাকে নিশ্চয়ই দেখি নাই। কিরূপে তাহাকে দেখিব? সে ত এখানে কোন দিন আসে নাই।”

ম্যাল্কম বলিল, “সেই কথা তোমাকে জিজ্ঞাসা করিতেছিলাম; কারণ, কয়েক দিন পূর্বে শুনিয়াছিলাম, সে তাহার বোট লইয়া সমুদ্র-যাত্রা করিয়াছিল।”

আমস্ বলিল, “সে কি বলিয়াছিল—এ—এখানেই সে আসিবে?” তাহার কণ্ঠস্বর যেন আড়ষ্ট হইয়া উঠিয়াছিল।

ম্যালকম বলিল, “তাহা জানি না; শুনিয়াছি, সে তাহার বোটে এই দিকেই আসিয়াছিল।—চুলোয় যাক ও-সব কথা, ড্যান, চল আমরা বোটে যাই। মেরী ও যক্ আমাদের প্রতীক্ষা করিতেছে।”

অতঃপর আমস্ তাহাদিগকে বিদায়দান করিতে আমাকে সঙ্গে লইয়া সমুদ্রতটে উপস্থিত হইল। মেরী পূর্বেই ড্যানের নৌকায় উঠিয়া বসিয়াছিল; তাহার পাল তুলিয়া নৌকা ছাড়িয়া দিলে আমি রুমাল উড়াইয়া মেরীকে বিদায়-সম্ভাষণ জ্ঞাপন করিলাম।

নৌকা সমুদ্রতরঙ্গে নাচিতে নাচিতে অকূলে ভাসিল। তখন আমস্ দৃঢ়-মুষ্টিতে আমার হাত ধরিয়া উত্তেজিত স্বরে বলিল, “আলেন্ ফার্গস্কে লইয়া বিষম ফাসাদেই পড়িতে হইবে! তাহার আত্মীয়-স্বজনরা নিশ্চিতই তাহার সন্ধানে বাহির হইবে। কেহ না কেহ তাহার সন্ধানে এখানে আসিবে, এ কথা আমি বাজি রাখিয়া বলিতে পারি। কেহ এখানে আসিয়া তোমাকে জিজ্ঞাসা করিলে তুমি কিছুই জান না বলিবে।—বলিবে, ফার্গস্ কোন দিন এখানে আসে নাই, তাহাকে তুমি কখন দেখ নাই।—আমার কথা বুঝিতে পারিয়াছ?”

আমি সকলই বুঝিয়াছিলাম; আমসের আশ্রয়ে বাস করিয়া তাহার আদেশ লঙ্ঘন করিবার উপায় নাই, তাহাও জানিতাম। মেরী চলিয়া যাওয়ার ‘ব্ল্যাক-গল ফার্ম’ অত্যন্ত নির্জন মনে হইতে লাগিল; তবে এই ভাবিয়া আমি সাশ্বনা লাভ করিলাম যে, মেরী দুই-তিন দিন পরেই ফিরিয়া আসিবে। সে ডোনাল্ডসন্দের বাড়ীতে স্নেহে থাকিবে ভাবিয়া আমার আনন্দই হইল।

বাহির হইতে কোন লোক ফার্গসের সন্ধানে আসিতে পারে ভাবিয়া সমস্ত দিন আমাদের বড় উৎকণ্ঠায় কাটিল। কিন্তু কেহই সে-দিন ফার্গসের সন্ধান লইতে আসিল না। রাত্রিকালে আমস্ পাকশালার অগ্নিকুণ্ডের পাশে বসিয়া তাহার জ্যাকেটের পকেট হইতে কাপ্তেন লড্-উইগ ভন রথভেনের নিকট হইতে প্রাপ্ত সোনার ঘড়ি, চেন ও অঙ্গুরী বাহির করিয়া লইল। আমি পাকশালার এক কোণে বসিয়া তাহার ভাব-ভঙ্গি লক্ষ্য করিতেছিলাম।

আমস্ সেগুলি তাহার অপরিচ্ছন্ন করতলে লইয়া লোলুপদৃষ্টিতে নিরীক্ষণ করিতে করিতে আপন-মনে বলিতে লাগিল, “এ সকল যাহার জিনিস, সে ত দেশে ফিরিবার সময় ইংলিশ চ্যান্যেলেই ডুবিয়া মরিয়াছে; তাহার স্মৃতি-চিহ্ন স্বরূপ যাহাকে এগুলি সে দিতে বলিয়া গিয়াছে, সে-ও শীঘ্রই ডুবিয়া মরিবে; তবে আর কি জন্ত এগুলো হাতছাড়া করিব? এমনই করিয়াই ত পরের জিনিস কোথা হইতে উড়িয়া আসিয়া ভাগ্যবান ব্যক্তির ভোগে লাগে, হা—হা।”

তাহাকে হাসিতে দেখিয়া আমি তাহার মুখের দিকে চাহিলাম। আমস্ বোধ হয় আমার মনের ভাব বুঝিতে পারিয়া আমার মুখের উপর কঠোর দৃষ্টি নিক্ষেপ করিল; তাহার পর পকেট হইতে একখানি পত্র বাহির করিল। সেই পত্রখানি তাহার হাতে দেখিয়াই আমি বুঝিতে পারিলাম—লড্-উইগ ভন রথভেন যে পত্রখানি লিখিয়া তাহার ভাই লেফ্-টেনাণ্ট কার্ল রথভেনকে দেওয়ার জন্ত আমসের নিকট রাখিয়া গিয়াছিল—উহা সেই পত্র। আমস্ পত্রখানি সক্র করিয়া পাকাইয়া তদ্বারা একটি পলিতা প্রস্তুত করিল, এবং সেই পলিতার ডগা অগ্নিকুণ্ডের অগ্নিতে স্পর্শ করিল; তাহা দীপ-শিখার ত্রায় জলিয়া-উঠিলে সে তদ্বারা তাহার মুখ-সংলগ্ন পাইপের তামাক ধরাইয়া লইল; তাহার পর অর্ধদণ্ড পলিতাটি অগ্নিকুণ্ডে নিক্ষেপ করিল। মুহূর্ত্ত মধ্যে তাহা পুড়িয়া ভস্মে পরিণত হইল। তাহা দেখিয়া সে আবার হাসিয়া উঠিল!—বিশ্বাসঘাতক!

এই কার্য শেষ হইলে আমস্ মুখের পাইপ নামাইয়া আমাকে তীব্র স্বরে বলিল, “মেরীকে আমি ডোনাল্ডসন্দের সঙ্গে দেশান্তরে পাঠাইলাম কেন, তাহা তুমি বুঝিতে পারিয়াছ কি? কার্ল রথভেন ‘ইউ’-বোট লইয়া পূর্বেও কয়েকবার এখানে আসায় মেরীর সঙ্গে তাহার বন্ধু হইয়াছিল, তাহা ত জান। কার্লের ভাই লড্-উইগ সে-দিন আসিয়া আমাকে বলিয়াছিল, কার্ল তিন দিন পরে আসিবে, সেই সময় আমার নিকট গচ্ছিত তাহার পত্র ও ঘড়ি, চেন, অঙ্গুরী তাহাকে দিতে হইবে। আজই এক সময় কার্ল এখানে আসিয়া পড়িবে। মেরী এখানে থাকিলে কথার কথায় কার্লের নিকট ঐ সকল কথা প্রকাশ করিত, এবং



কার্ল তাহা শুনিয়া আমার নিকট ঐ সকল জিনিসের দাবী করিত। এই অসুবিধা দূর করিবার জন্তই মেরীকে তাহার চক্ষুর আড়ালে পাঠাইলাম। কার্ল ‘ইউ’-বোটের খোরাক সংগ্রহ করিয়া শীঘ্রই চলিয়া যাইবে; তাহার পর মেরী এখানে ফিরিয়া আসিলে আমার কোন ক্ষতি হইবে না। এই সকল মূল্যবান সামগ্রী আমি কার্লকে—

তাহার কথা শেষ হইবার পূর্বেই পাকশালার বাহিরে কাহারও পায়ের ভারী বুটের শব্দ শুনিতে পাইলাম। মুহূর্ত্ত পরেই পাকশালার দ্বার খুলিয়া লেফটেনাণ্ট কার্ল ভন রথভেন আমাদের সম্মুখে উপস্থিত হইল।

কার্লকে অত্যন্ত বাস্তবাবে পাকশালার প্রবেশ করিতে দেখিয়া আমস্ তাড়াতাড়ি তাহার হাতের বড়ি, চেন প্রভৃতি পকেটে ফেলিল। সে কোন কথা বলিবার পূর্বেই লেফটেনাণ্ট কার্ল উত্তেজিত স্বরে বলিল, “হাল্লো ফ্রোবি, আমাদিগকে সাক্ষেতিক আলো দেখাইবার জন্ত তুমি সমুদ্র-তীরে হাজির থাক নাই কেন? ইহা অত্যন্ত অশ্রীয়া।”

আমস্ বলিল, “সমুদ্রতীর হইতে অল্পকাল পূর্বেই ত বাড়ী আনিয়াছি; তখন তোমরা কোথায় ছিলে? আমি পিটারের সঙ্গে বাড়ী ফিরিয়া-আসিয়া এই ত ধূমপান করিতে বসিলাম।”

লেফটেনাণ্ট কার্ল গম্ভীর স্বরে বলিল, “আমি কিন্তু অস্বাভাবিক ভাবিয়াছিলাম। আমি ভাবিয়াছিলাম—ব্রিটিশ সৈন্যদল এই দ্বীপ অধিকার করিয়াছে। কতখানি ঝুঁকি ঝাড়ে লইয়া আমি তীরে উঠিয়াছি, তাহা তোমার বৃথাবার শক্তি নাই।”

আমস্ বলিল, “হাঁ, এখন তোমাদিগকে ঝুঁকি ঝাড়ে লইয়াই সর্বদা সকল কাজ করিতে হইবে। এ কথা ভাবিয়া প্রস্তুত করা বৃথা! আমার অথবা পিটারের নিকট হইতে সাহায্য না পাইলে তোমাদের কোন ‘ইউ’-বোটের সাহায্যেরই এই দ্বীপে অবতরণ করা উচিত নহে, এ কথা স্মরণ রাখিবে।”

লেফটেনাণ্ট কার্ল বলিল, “ও সকল কথা আমার জানা আছে; কিন্তু এবার আমরা আসিয়া সাগর তট হইতে তোমাদের সাড়া পাই নাই।”

আমস্ বিরক্তিভরে বলিল, “কিন্তু তোমাদের প্রতীকার

আমরা ত সারা রাত্রি সমুদ্রবেলায় বসিয়া থাকিতে পারি না। তুমিই বল, আমাদের পক্ষে তাহা কি সম্ভব?”

লেফটেনাণ্ট কার্ল এই প্রশ্ন ত্যাগ করিয়া আমস্কে জিজ্ঞাসা করিল, “হাগেন এখনও এখানে আছে কি?”

আমস্ বিকৃত স্বরে বলিল, “না, নাই; ছই রাত্রি পূর্বে সে তোমার ভ্রাতার সঙ্গে চলিয়া গিয়াছে।”

কার্ল আগ্রহভরে জিজ্ঞাসা করিল, “আমার ভাই—লড্-উইগ কি এখানে আসিয়াছিল? সে কি দেশে ফিরিয়াছে? কোন কথা তোমাকে বলিয়া গিয়াছে?”

আমস্ বলিল, “হাঁ, দেশেই ফিরিয়াছে।—যদি তোমার কথা শেষ হইয়া থাকে ত-চল, তোমার ‘ইউ’-বোটের খোরাক দিয়া আসি; তাহা লইয়া তাড়াতাড়ি সরিয়া পড়। কে কখন এখানে আসিয়া পড়ে, তোমার আর এখানে বিলম্ব করা উচিত নয়।”

দেখিলাম, লেফটেনাণ্ট কার্লকে তাড়াতাড়ি বিদায় করিবার জন্ত আমস্ অধীর হইয়া উঠিয়াছিল। বলা বাহুল্য, আমস্ তাহার নিকট গচ্ছিত লড্-উইগের দ্রব্যগুলির প্রশ্নে কার্লকে কোন কথাই বলিল না।

নৈশ অন্ধকারে সমুদ্রতটে গমন করিবার সময় আমস্ মুহূর্ত্তে আমাকে বলিল, “উহার ভাই আমার নিকট যে সকল দ্রব্য গচ্ছিত রাখিয়া গিয়াছে, সে সম্বন্ধে কোন কথা যদি উহার নিকট প্রকাশ কর, তাহা হইলে আমি তোমাকে খুন করিয়া ফেলিব।”

সে যে সত্যই আমাকে হত্যা করিতে কুণ্ঠিত হইত না, ইহা আমি জানিতাম; কোন দুষ্স্বপ্ন তাহার অসাধ্য ছিল না, ইহার বহু পরিচয়ই পাইয়াছিলাম। এজন্য আমি কোন কথা বলিলাম না, নির্ঝুঁকি রহিলাম।

লেফটেনাণ্ট কার্ল ভন রথভেন প্রস্থান করিলেও আমি রাত্রির অবশিষ্টকাল অল্প ‘ইউ’-বোটের প্রতীকার সমুদ্রবেলায় স্তব্ধভাবে বসিয়া রহিলাম। কিন্তু সেই রাত্রিতে অল্প কোন ‘ইউ’-বোট আসিল না। প্রত্যুষে আমি উঠিয়া ঘরে চলিলাম, এবং পাকশালার প্রবেশ করিয়া নির্দিষ্ট স্থানে আমার বিচলীর শব্দ প্রসারিত করিলাম। সারা রাত্রি জাগিয়া কাটাইয়াছি; আমি শয়ন মাত্র গাঢ় নিদ্রায় অভিভূত হইলাম।

আমি কতকগুলি ঘুমাইয়াছিলাম, তাহা জানিতে পারি

নাই। সহসা আমার নিদ্রাভঙ্গ হইলে আমি চাহিয়া দেখি, আমস্ আমার মাথার কাছে দাঁড়াইয়া জুতা দিয়া আমার মাথা গুঁতাইতেছে।

তাহার এই ব্যবহারে আমার বিশ্বয়ের কারণ ছিল না; তাহার জুতার আঘাতে আমার দেহের অনেক স্থলে কড়া পড়িয়াছিল। আমি নিরুপায়, তাহার আশ্রিত; কারণে অকারণে যখন-তখন আমাকে জুতাপেটা করিবার তাহার অধিকার ছিল। এইরূপ নির্যাতনে আমি আর কষ্টবোধ করিতাম না; অভিমানই বা কাহার উপর করিব?

জুতার গুঁতার-চোটে আমার নিদ্রাভঙ্গ হওয়ায় আমি তাড়াতাড়ি উঠিয়া বসিলাম। আনসের মুখের দিকে চাহিয়া দেখি, তাহার মুখ শুকাইয়া বিবর্ণ হইয়াছিল, এবং আতঙ্ক ও হুশিস্তায় তাহার সর্বাঙ্গ কাঁপিতেছিল; মুহূর্ত্ত পরেই ইহার কারণ বুঝিতে পারিলাম। নিহত আলেন ফার্গসের ভগিনী হানা ফার্গস্ ঝড়ের ঞায় বেগে পাকশালার প্রবেশ করিল, এবং নীল পরিচ্ছদধারী দুই জন প্রৌঢ় অনুচর তাহার অনুসরণ করিল। আমস্ সেই তিন মূর্ত্তিকে পূর্বেই তাহার গৃহাভিমুখে আসিতে দেখিয়াছিল, এবং এই জন্তই ঐরূপ আতঙ্কভিত্ত হইয়াছিল।

আমি হানা ফার্গসের মুখের দিকে চাহিলাম। ক্রীলোকটা যৌবনসীমা অতিক্রম করিয়াছিল, কিন্তু কি ভীষণ কদাকার তাহার মুখ! যেন একটা গোলাকার লাল হাঁড়ি। মুখে প্রকাণ্ড প্রকাণ্ড দাঁত, অধরোষ্ঠে তাহা ঢাকা পড়ে না। বিস্তীর্ণ ললাট যেন মাঠ, তাহাতে দড়ার মত স্থল শিরা ফুটিয়া বাহির হইয়াছিল; গভীর অন্ধ-কোঠরের ভিতর প্রবিষ্ট সুগোল ক্ষুদ্র চক্ষু দুটি মিটমিট করিতেছিল; সেই চক্ষুতে ধূর্ততা ও কপটতা প্রতিফলিত।

তাহার চাপা ওষ্ঠে সঙ্কল্পের দৃঢ়তা ব্যক্ত হইতেছিল।

হানা ফার্গস্ যেন হাঁড়ার ভিতর হইতে আওয়াজ বাহির করিয়া, বক্রশ মেঠো স্বরে আমস্কে বলিল, “আমার ভাই এখানে আছে?”

আমস্ ক্ষীণস্বরে বলিল, “না, মা’ম্, সে এখানে নাই।”

হানা বলিল, “সে কখন এখান হইতে চলিয়া গিয়াছে?”

আমস্ যেন আকাশ হইতে পড়িয়া বাধ-বাধ স্বরে বলিল, “কখন চলিয়া গিয়াছে—তাহাই জিজ্ঞাসা করিতেছ?”

যে এখানে কোন দিনও আসে নাই, সে কখন চলিয়া গিয়াছে—এরূপ প্রশ্নের মাথা-মুণ্ড কিছু মানে আছে কি? সে এখানে আদৌ আসে নাই, সুতরাং কখন চলিয়া গিয়াছে—এ প্রশ্ন উঠিতেই পারে না।”

হানা সরোষে গর্জন করিয়া বলিল, “ও তোমার মিথ্যা কথা! সে চারি দিন পূর্বে বড় দেশ ছাড়িয়া এখানে আসিয়াছিল; আসিয়াছিল—তোমার সেই রূপসী মেয়েটাকে দেখিবার জন্ত। শীঘ্র বল—সে কোথায়?”

আমস্ এবার দৃঢ়স্বরে বলিল, “আমি তোমাকে পূর্বেই বলিয়াছি—সে এখানে আসে নাই; এখানে তাহাকে কোন দিনও দেখি নাই। আর তুমি বলিতেছ—আমার এ কথা মিথ্যা! ইহা যদি মিথ্যা হয়, তাহা হইলে সত্য কি, তাহা আমার জানা নাই।”

হানা ফার্গস্ দাঁত দিয়া অধর চাপিয়া-ধরিয়া তীক্ষ্ণ দৃষ্টিতে আমসের আপাদমস্তক নিরীক্ষণ করিল। তাহার মিটমিটে চক্ষুতে অবিশ্বাস ফুটিয়া উঠিল।

ক্ষণকাল পরে হানা আমসের মুখের উপর তীব্র দৃষ্টি নিক্ষেপ করিয়া বলিল, “তুমি অতি অদ্ভুত কথা বলিতেছ! সে এখানে আসিবে বলিয়া বাড়ী হইতে বাহির হইয়াছিল। ভাল, তোমার সেই মেয়ে—মেরী কোথায়?”

আমস্ ঢোক গিলিয়া বলিল, “সে,—ইয়ে কি বলে—সে সাগরপারে তোমাদেরই বড় দেশে গিয়াছে।”

হানা ফার্গস্ এবার উৎসাহভরে বলিয়া উঠিল, “হুম, তবে যে কথাটা উড়াইয়া দিতেছিলে? সে আমার ভাইএর বোটে যায় নাই—এই কথা কি তুমি বলিতে চাও?”

আমস্ উত্তেজিত স্বরে বলিল, “বলিয়াছি ত, তোমার ভাই আদৌ এখানে আসে নাই; তবে মেরী তাহারই বোটে গিয়াছে—তোমার এই অনুমান কিরূপে সত্য হইতে পারে? যাহার মাথা নাই, তাহার মাথা ব্যথা? মেরী বড় দেশে গিয়াছে বটে, কিন্তু সে ড্যান ডোনাল্ডসন্দের সঙ্গে গিয়াছে; সুতরাং এই প্রসঙ্গে তোমার ভাই বা তাহার নৌকার কথা উঠিতেই পারে না। বাজে কথা লইয়া তুমি তর্ক করিও না চাষার বেটা!”

আমসের এই অশিষ্ট মন্তব্যে হানার চক্ষু কঠিন হইয়া উঠিল; সে সন্ধিগ্ন দৃষ্টিতে আমসের মুখের দিকে চাহিয়া বলিল, “সে আমাদিগকে পুনঃ পুনঃ বলিয়াছিল, তোমা

মেয়ে মেরীকে সঙ্গে লইয়া বাড়ী ফিরিবে—এই মতলবেই তাহার এখানে আসা। তাহার সে কথা মিথ্যা হইতে পারে না। ঐ একই কথা যদি সে আমাদিগকে পুনঃ পুনঃ না বলিত, তাহা হইলে তোমার কথা সত্য বলিয়া ধারণা হইতেও পারিত; হয় ত তোমার কথা আমি বিশ্বাস করিতাম।”

আমস্ ক্রুদ্ধভাবে বলিল, “মর্ মাগী, যা মুখে আসিতেছে, তাই বলিতে আরম্ভ করিয়াছিস্! আমি তোকে সতর্ক করিতেছি—মুখ সামলাইয়া কথা বলিস্। পরের বাড়ী আসিয়া ও-রকম মেজাজ দেখান চলিবে না।”

হানা ফার্গস্ গর্জন করিল, “মুখ বুঁজিয়া থাক, বেটা শয়তানের বাচ্চা!”

তাহার সেই হুকুরে আমসের মুখে আর কথা সরিল না! আমার মনে হইল, আমস্ তাহার সেই আদেশ অগ্রাহ করিলে তখনই হানার বজ্রবৎ কঠিন হস্তের চপেটাঘাতের রসাস্বাদন করিত। সে রস অত্যন্ত দুপ্চাচ্য!

হানা অতঃপর তাহার অমুচরঘরের মুখের দিকে চাহিয়া বলিল, “আমার ভাই যেদিন এখানে আসিবার জন্ত বাড়ী হইতে বাহির হইয়াছিল, সেদিন আকাশের অবস্থা কিরূপ ছিল? বেশ ভাল ছিল না কি?”

এক জন অমুচর অধীরভাবে পাকশালার মেঝেতে পা ঘষিতে ঘষিতে বলিল, “আকাশ সেদিন খাসা পরিষ্কার ছিল, মেঘ-ঝড়ের চিহ্নমাত্র ছিল না।”

হানা পুনর্বার বলিল, “আমার ভাই হাল ধরিয়া একা নোকা চালাইয়া আসিয়াছিল; সে কি পাকা মাঝি নয়?”

অন্য অমুচর মাথা ঝাঁকাইয়া বলিল, “আলবৎ পাকা, একদম্বুনো!”

হানা বলিল, “তাহা হইলে তাহার এখানে পৌঁছাইতে পথে যে কোন রকম বিঘ্ন ঘটিবে, তাহার সম্ভাবনা ছিল না?”

এক জন অমুচর বলিল, “এখানে আসিবে বলিয়া সে যখন নোকা লইয়া বাহির হইয়াছিল, তখন সেই দিনই সন্ধ্যার অনেক পূর্বে সে এখানে পৌঁছাইয়াছিল, এ বিষয়ে বিন্দুমাত্র সন্দেহ থাকিতে পারে না। ও-সব বাজে খাঙ্গা!”

দ্বিতীয় অমুচর তাহার কথার প্রতিধ্বনি করিয়া বলিল, “একবিন্দুও সন্দেহ থাকিতে পারে না। ও খাঙ্গাবাজি!”

হানা পুনর্বার আমসের মুখের দিকে আরম্ভ নেত্র

চাহিয়া স্পষ্টভাবে বলিল, “আমার ভাই তোমার মেয়েটিকে তাহার নোকায় তুলিয়া-লইয়া হয় কোন দিকে ভাসিয়া পড়িয়াছে, না হয়, তাহার ভাগ্যে কোন অঘটন ঘটনা ঘটিয়াছে। প্রকৃত ব্যাপার কি, তাহা আমি ঠিক বুঝিতে পারিতেছি না; কিন্তু ব্যাপার যাহাই হউক, আর সমস্তা যতই জটিল হউক; আমি তাহা আবিষ্কার করিয়া, এই জটিল সমস্তার সমাধান করিব, এ কথা তোমাকে বলিয়া যাইতেছি। যদি তাহার কোন বিপদ ঘটিয়া থাকে, তাহা হইলে তাহার বোটখানা-পর্যন্ত অদৃশ্য হইয়া যাইবে, ইহা কদাচ সম্ভব হইতে পারে না। সে বোট হইতে নামিয়া যাইবার পর কোন কারণে কোথাও ফেরার হইয়াছে কি না, তাহা আমাকে আবিষ্কার করিতেই হইবে। তুমি আবার আমার দেখা পাইবে আমস্ জ্ঞেপবি! এক ছোঁড়া তোমার তন্নিদারী করে, তাহাকেও জেরা করিতে চাই।”

এই সকল কথায় আমস্কে ভয় প্রদর্শন করিয়া রুক্ষ-ভাষিণী, বলদপিতা হানা ফার্গস্ সদন্তে অমুচরঘরসহ পাক-শালা ত্যাগ করিল, এবং সমুদ্রতটে তাহার বোটে ফিরিয়া চলিল।

প্রত্যতে এই সকল কাণ্ড ঘটিবার পর আমস্ ভয় ও হুশিঙ্কায় অধীর হইয়া সমস্ত দিন ঘরে-বাহিরে দাপাইয়া বেড়াইল, এবং ভবিষ্যতে হানা তাহার সহিত দেখা করিতে আসিলে আমি যদি তাহার নিকট কোন কথা প্রকাশ করি—তাহা হইলে আমাকে হত্যা করিবে বলিয়া পুনঃ পুনঃ ভয় প্রদর্শন করিতে লাগিল। অবশেষে সন্ধ্যা অতীত হইলে আমি তাহার সম্মুখ হইতে পলায়ন করিয়া বাঁচিলাম। রাত্রিকালে যদি কোন ‘ইউ’-বোট আসে, তাহা হইলে তাহাকে সাক্ষেতিক আলোক দেখাইতে হইবে বলিয়া সমুদ্র-কূলে গমন করিলাম।

মোম-জামার পুরাতন কোটে দেহ আবৃত করিয়া, এবং হারিকেন লণ্ঠনটি পাশে লইয়া পাহাড়ের পাদদেশে বালুকা-স্তূপের উপর আমি বসিয়া রহিলাম। আমার স্নেহময়ী সঙ্গিনী মেরীকে কয়েক দিন দেখি নাই; সেই নিঃসঙ্গ সাগর-বেলায় নিবিড় নৈশ অন্ধকারে একাকী বসিয়া থাকিতে থাকিতে তাহার কথা পুনঃ পুনঃ আমার মনে পড়িতে লাগিল।

সহসা সমুদ্র-বকের গাঢ় অন্ধকাররাশি বিদীর্ণ করিয়া

কিছু দূরস্থ রক্ত-লোহিত আলোকের স্তম্ভ প্রভা আমার নয়ন-সুগলে প্রতিভাত হইল। তাহা দেখিবামাত্র আমি বুকিতে পারিলাম, কোন 'ইউ'-বোট তাহার খোরাক সংগ্রহ করিতে আসিয়াছে।

সেই 'ইউ'-বোট হইতে উপযুক্ত পরি তিনবার সাঙ্কেতিক লোহিতালোক প্রদর্শিত হইলে আমি আমার পার্শ্বস্থ হারিকেন লণ্ঠনটা আলিয়া উর্দ্ধে তুলিলাম, এবং যথানিয়মে আন্দোলিত করিয়া 'ইউ'-বোটকে সাড়া দিলাম।

কয়েক মিনিট পরে 'ইউ'-বোটের একখানি ডিক্কারী দাঁড়ের রুপ-রুপ শব্দ আমার কর্ণগোচর হইল। আমি রুদ্ধনিঃশ্বাসে তাহার প্রতীক্ষা করিতে লাগিলাম। ডিক্কারী সমুদ্রকূলে ভিড়িলে এক জন দীর্ঘদেহ আরোহী ডিক্কারী হইতে নামিয়া আসিল। আমি তাহাকে দেখিবামাত্র চিনিত্তে পারিলাম।

কাপ্তেন রডল্ফ তন্ জাওয়ার্জ আমাকে দেখিয়া মূঢ় স্বরে বলিল, "গুড্ ইভ্‌নিং পিটার, খবর সব ভাল ত?"

আমি কুণ্ঠিতভাবে বলিলাম, "হাঁ মহাশয়, সব ভাল।"

'ইউ'-বোটের যতগুলি কাপ্তেনের সহিত আমার পরিচয় হইয়াছিল, তাহাদের মধ্যে কাপ্তেন রডল্ফ জাওয়ার্জকে আমি সর্বাপেক্ষা অধিক ভয় করিতাম। তাহার তুল্য রাশভারী স্কন্ধ জাম্বাণ নৌ-যোদ্ধা আমি আর এক জনও দেখি নাই।

লোকটি বিশালদেহ জোয়ান, মুখের বর্ণ ঈষৎ মলিন, চক্ষু ছ'টি একটু বসা; কিন্তু সেই চক্ষুর দৃষ্টি অত্যন্ত তীক্ষ্ণ, অন্তর্ভেদী; মুখখানি গোল, অধরোষ্ঠ পাতলা, চূয়াল-জোড়া প্রশস্ত; তাহার মুখের দিকে চাহিলেই মনে হইত—তাহার দেহের শক্তি অসাধারণ।

গুনিতাম, নৌ-বিজ্ঞান এই কাপ্তেনের অসামান্য অভিজ্ঞতা ছিল। আমি অগ্রান্ত 'ইউ'-বোটের কাপ্তেনের নিকট গুনিয়াছিলাম, কাপ্তেন রডল্ফ জাওয়ার্জের কার্যদক্ষতার পরিচয় পাইয়া হার হিটলার তাহাকে জাম্বাণ নৌ-বিভাগের কোন উচ্চপদে নিযুক্ত করিবার জন্ত আগ্রহ প্রকাশ করিয়াছিলেন; কিন্তু কাপ্তেন রডল্ফ 'ইউ'-বোট-পরিচালনের দৃষ্টান্তসমূহ কার্যভার ত্যাগ করিতে সম্মত হয় নাই। এই বিপজ্জনক কার্যে জীবন উৎসর্গ করাই তাহার একমাত্র কামনা ছিল।

ইংলণ্ডের প্রতি দারুণ ঘৃণা ও বিদ্বেষ এই কর্তব্যনিষ্ঠ নির্ভীক নাজী কাপ্তেনের যেন সহজাতসংস্কার! এই ঘৃণা ও বিদ্বেষ যেন তাহার শিরায় শিরায় শোণিত-স্রোতের সহিত প্রবাহিত হইতেছিল; এবং তাহা এতই প্রবল ছিল যে, সে যে-সকল বৃটিশ জাহাজ আক্রমণ করিয়া টর্পেডোর আঘাতে ডুবাইয়া দিত, সেই সকল জাহাজের কোনও মনোমুখ, বিপন্ন আরোহীর প্রাণরক্ষার জন্ত চেষ্টা করিত না; সে তাহাদিগকে কীটের স্থায় ভূচ্ছ মনে করিত। নরহত্যায় তাহার সেই আনন্দ পৈশাচিক বলিলে অত্যুক্তি হয় না।

গুনিয়াছি, 'ইউ'-বোটের এই কাপ্তেনের স্থায় উগ্র-প্রকৃতি, অত্যাৎসাহী, দাস্তিক নাজী, জাম্বাণীতে অতি অল্পই দেখিতে পাওয়া যায়। তাহাকে না কি নাজীর আদর্শ বলিয়া মনে করা হইত। তাহার ধারণা, বৃটেনের নিকট বাধা না পাইলে জাম্বাণীই এ যুগে পৃথিবীর সর্বশ্রেষ্ঠ শক্তি বলিয়া পরিগণিত হইত। কিন্তু এই দুর্ব্বল, নিষ্ঠুর কাপ্তেন, কি কারণে বলিতে পারি না, আমার প্রতি কিঞ্চিৎ সদয় ছিল; এবং যখনই আমাদের ঘীপে আসিত, মিষ্ট কথায় আমাকে খুসী করিবার চেষ্টা করিত।

কাপ্তেন রডল্ফ এক দিন আমাকে বলিয়াছিল, "দেশে আমার একটি পুত্র আছে, সে দেখিতে প্রায় তোমারই মত; তোমাকে দেখিলেই তাহার কথা আমার মনে পড়িত। কত দিন তাহাকে দেখি নাই!"—কথাটা বলিয়া এই নিষ্ঠুর, নরহস্তা নাজীও দীর্ঘনিশ্বাস ত্যাগ করিয়াছিল। বোধ হয়, এই পুত্রস্নেহই তাহার হৃদয়ের একমাত্র দুর্ব্বলতা! তাহার পুত্রের একখান ফটো সে সর্বদা নিজের কাছে রাখিত; এক দিন সে সেই ফটো আমাকে দেখিতে দিয়াছিল। হয় ত আমার মুখের সহিত সেই মুখের কিঞ্চিৎ সাদৃশ্য ছিল।

কাপ্তেন জিজ্ঞাসা করিল, "ক্রোবি কোথায়?"

আমি বলিলাম, "আমাকে আপনাদের নিকট সংবাদ দিতে পাঠাইয়া যেন গুইয়া ঘুমাইতেছে।"

কাপ্তেন কঠোর স্বরে বলিল, "কাউন্ডেল! এই ছোট ছেলেটাকে রাজির অঙ্ককারে একা পাহারার পাঠাইয়া যেন গুইয়া ঘুমাইতে তাহার লজ্জা হয় না? গার

তাহাকে ডাকিয়া আনো; কাজ শেষ করিয়া এখনই আমাকে চলিয়া যাইতে হইবে।”

আমি আমস্কে সংবাদ দিতে চলিলাম। আমার লাকা-ডাকিতে তাহার ঘুম ভাঙিলে সে উঠিয়া বসিল, এবং কাপ্তেন রডল্ফকে গালি দিতে লাগিল। কিন্তু কাপ্তেন রডল্ফকে সে-ও অত্যন্ত ভয় করিত; সুতরাং গালাগালি করিয়া অবিলম্বে তাহাকে সমুদ্রতীরে আসিতে হইল।

‘ইউ’-বোটের জন্ত পেট্রল, তেল প্রভৃতি লওয়া হইলে কাপ্তেন রডল্ফ ডিকীতে উঠিতে যাইবে, সেই সময় আমস্ অত্যন্ত বিনীতভাবে তাহাকে বলিল, “আপনার সঙ্গে আমার ছই-একটা কথা ছিল কাপ্তেন, আপনার কি গৃহা শুনিবার সুযোগ হইবে?”

কাপ্তেন ডিকীর অদূরে থমকিয়া দাঁড়াইয়া বলিল, “কি কথা, বল।”

আমস্ নরম সুরে বলিল, “কথা—আপনাদের এখানকার এই আড্ডা সম্বন্ধে। লেফ্টেনাণ্ট হ্যাগেন সম্বন্ধেও আমার কিছু বলিবার আছে। সে কয়েক রাত্রি পূর্বে আমারই ঘরে একটা লোককে গুলী করিয়া মারিয়া স্বদেশগামী একখান ‘ইউ’-বোটে চাপিয়া দেশে চলিয়া গিয়াছে। যদি আপনি দয়া করিয়া আমার বাড়ী-পর্যন্ত যাইতে পারেন, গৃহা হইলে সকল কথা আপনাকে বলিতে পারি।”

কাপ্তেন রডল্ফ তখন জাওয়ার্ড বলিল, “এখানে বলিতে আমার আপত্তি কি?”

আমস্ মাথা চুলকাইয়া কুষ্ঠিতভাবে বলিল, “আপত্তি বেশ-কিছু নাই; তবে সে অনেক কথা, বলিতে একটু সময় লাগিবে কি না, এখানে দাঁড়াইয়া বলিবার সুবিধা হইবে না; আর আমার বাড়ীও ত অধিক দূরে নহে। আপনার অধিক সময় নষ্ট হইবে না।”

কাপ্তেন রডল্ফ ছই-এক মিনিট কি ভাবিল; তাহার পর সেই ডিকীর মাঝিকে সেখানে অপেক্ষা করিতে বলিয়া আমসের সঙ্গে তাহার বাড়ীর দিকে চলিল।

আমি তাহাদের অনুসরণ করিলাম; কারণ, আমস্ কাপ্তেনকে কি বলে তাহা শুনিবার জন্ত আমার কৌতূহল প্রবল ছিল। অতঃপর তাহারা পাকশালার প্রবেশ করিলে আমস্ কাপ্তেনকে চেয়ারে বসাইয়া নিজে তাহার অদূরে বসিল, এবং লেফ্টেনাণ্ট হ্যাগেন কি ভাবে ফার্গস্কে

গুলী করিয়া মারিয়াছিল, তাহার বিবরণ বলিতে লাগিল। সে কাপ্তেনের নিকট কোন কোন কথা গোপন করিল। ফার্গস্ মেরীর সঙ্গে দেখা করিতে আসিয়াছিল, মেরী সম্বন্ধে ইহার অতিরিক্ত কোন কথা সে প্রকাশ করিল না; লেফ্টেনাণ্ট হ্যাগেনের সহিত মেরীর ঘনিষ্ঠতার কথাটাও চাপিয়া গেল। কাপ্তেন রডল্ফ নির্ঝাঁকভাবে তাহার সকল কথা শুনিল। আমস্ এ কথা শেষ করিবার সময় বলিল, “ফার্গস্কে গুলী করিয়া হত্যা করা ভিন্ন লেফ্টেনাণ্ট হ্যাগেনের অন্য কোন উপায় ছিল না। হ্যাগেন তাহাকে গুলী করিয়া হত্যা না করিলে ফার্গস্ দেখিতে পাইত, আমার ঘরে যে লোকটি আশ্রয় লইয়াছিল—সে ইংরেজের মহাশত্রু জার্মান আফিসার। সে উহা জানিতে পারিবার পর নির্ঝিঁয়ে আমার গৃহ ত্যাগ করিবার সুযোগ পাইলে তাহার কি ফল হইত, তাহা আপনাকে বুঝাইবার প্রয়োজন নাই।”

কাপ্তেন রডল্ফ বলিল, “আমি তাহা বেশ বুঝিতে পারিয়াছি। লেফ্টেনাণ্ট হ্যাগেন যাহা করিয়াছিল, প্রত্যেক জার্মান আফিসার ঐ অবস্থায় ঠিক ঐরূপ কার্যই করিত। তবে কথা এই যে, লোকটা যখন মরিয়া গিয়াছে, এবং গোপনে তাহার মৃতদেহেরও সদগতি করিয়াছ, তখন আর তোমার হুঁচিস্তার কি কারণ থাকিতে পারে?”

আমস্ বলিল, “সে মরিয়াছে বটে, কিন্তু তাহার একটা দন্ডাল ভগিনী আছে, সে মাগী পুরুষের বাবা! সে ভারী ফ্যাসাদ বাধাইবার যোগাড় করিয়া তুলিয়াছে!”

হানা ফার্গস্ সেই দিন প্রভাতে আমসের বাড়ীতে আসিয়া কিরূপ চোটপাট করিয়াছিল, তাহার আমূল বৃত্তান্ত সে কাপ্তেনের গোচর করিল; তাহার পর বলিল, “সেই মাগী আবার এখানে তদন্ত করিতে আসিবে বলিয়া ভয় দেখাইয়া গিয়াছে। যদি সে আসে, তাহা হইলে পিটারকে ধেরা করিয়া গুপ্ত-কথা কিছু কিছু বাহির করিয়া লইবে বলিয়াই আমার আশঙ্কা। আমি উহাকে সতর্ক করিয়া দিয়াছি বটে, কিন্তু সেই মাগীর জটিল কন্দী-কিকিরে উহাকে জড়াইয়া পড়িতেই হইবে। তাহার চালাকি বা চাল বুঝিবার শক্তি উহার নাই! সুতরাং আমার সকল চেষ্টাই বিফল হইবে। আপনাদের এই আড্ডাটি নষ্ট হইবে, এবং ইংরেজ সৈন্যরা আমার চোখ বাধিয়া আমাকে কুকুরের মত গুলী

করিয়া মারিবে! আপনাদের টাকাগুলি আমার আর ভোগে লাগিবে না।”—সে জিহ্বা দ্বারা শুক ওঠ লেহন করিয়া তাহার ভাল চোখটির তীক্ষ্ণ দৃষ্টি-কাপ্তেনের মুখের উপর স্থাপন করিল, যেন কাপ্তেনের উত্তরের উপর তাহার ভবিষ্যৎ শুভাশুভ নির্ভর করিতেছিল।

কাপ্তেন রডল্ফ ক্রণকাল নীরব থাকিয়া ঈষৎ বিক্রপের সুরে বলিল, “টাকাগুলি ভোগে লাগাইবার জন্ত এখন তুমি কি করিতে চাও?”

আমস্ কুণ্ঠিত ভাবে বলিল, “আমি—আমি ঐ ছোঁড়াকে এখন হইতে কিছু দিনের জন্ত সরাইয়া দিতে চাই। এ অঞ্চলেই উহাকে রাখিতে আমার ইচ্ছা নাই।”

কাপ্তেন বলিল, “উহাকে বঁড় দেশে কিছু দিনের জন্ত নির্কাসনে পাঠাও।”

আমস্ হতাশ ভাবে বলিল, “আপনি বেশ কথা বলিলেন; এ যেন ডাইনীর হাতে ছেলে সঁপিরা দিবার উপদেশ! হানা ফার্নস সেখান হইতে তাহার নিরুদ্ধিষ্ট ভাইএর সন্ধান লইতে এখানে আসিত, কিন্তু আর তাহাকে আসিতে হইবে না, দেশে বসিয়াই পিটারের মুখ হইতে সকল সংবাদ বাহির করিয়া লইতে পারিবে।”

কাপ্তেন বলিল, “তাহা হইলে কোন-একটা উপায় স্থির করিয়াছ?”

আমস্ মুখ কাচুমাচু করিয়া বলিল, “আমি ভাবিতো-ছিলাম, অর্থাৎ আমার মনে হইতেছিল যে—”

তাহার মুখের কথা শেষ হইল না; সে হতাশ ভাবে ছই হাতে ঘাড় চুলকাইতে লাগিল। অত্যন্ত অসহায় অবস্থা!

কাপ্তেন ক্র কুণ্ঠিত করিয়া বলিল, “তোমার কি মনে হইতেছিল, তাহা মুখ দিয়া বাহির করিতে গিয়া বোবা সাজিলে কেন?”

আমস্ এবার তাড়াতাড়ি এক নিশ্বাসে বলিয়া ফেলিল, “আমার মনে হইতেছিল, আপনি যদি কয়েক দিনের জন্ত

পিটারকে সঙ্গে লইয়া যান, তাহা হইলে ও নিরাপদ থাকিতে পারে, আমিও নিশ্চিত হই।”

আমসের প্রস্তাব শুনিয়া আতঙ্কে আমার বুকের ভিতর যেন লোহার হাতুড়ী পড়িতে লাগিল। নিরাপদ! কাপ্তেন রডল্ফ ভন জাওয়ার্জের সঙ্গে তাহার ‘ইউ’-বোটে আশ্রয় লইয়া আমি নিরাপদ হইব! ‘ইউ’-বোটের যে সকল কর্মচারী বৃটিশ যুদ্ধ-জাহাজের গোলায় আঘাতে বিধ্বস্ত ও ‘ইউ’-বোটের সহিত সমুদ্রগর্ভে সমাহিত হইয়া নিরাপদ হইয়াছে, আমিও সেইরূপই নিরাপদ হইব! এই চির-বৈচিত্র্যময়ী, রূপ-রস-গন্ধভরা, মাধুর্যপূর্ণ বসুন্ধরার বক্ষে আর আমাকে পদবিক্ষেপ করিতে হইবে না। কিন্তু আক্ষেপ রখা! আমসের প্রস্তাব শুনিয়া কাপ্তেন রডল্ফ কি মন্তব্য প্রকাশ করে তাহা শুনিবার জন্ত আমি উৎকর্ষ হইয়া, বিস্ফারিত নেত্রে, রুদ্ধনিশ্বাসে তাহার মুখের দিকে চাহিয়া রহিলাম।

কাপ্তেন রডল্ফ ক্রণকাল নীরব থাকিয়া বলিল, “জোবি, তুমি যে বিপদের আশঙ্কা করিতেছ, হয় ত সেই আশঙ্কা অমূলক।”

আমস্ ব্যাকুল ভাবে বলিল, “না মিষ্টার, আমার বিশ্বাস, এই বিপদের আশঙ্কা অকারণ নহে। হানা ফার্নস অতি ভয়ানক মেয়ে-মানুষ! সে পিটারকে হাতে পাইলে আমাদের সর্বনাশ করিবে। আট দশ দিন উহাকে দূরে রাখিতেই হইবে। উহার অজ্ঞাতবাসই আমার নিষ্কৃতি-লাভের একমাত্র উপায়।”

কাপ্তেন রডল্ফ চেয়ার হইতে উঠিয়া বলিল, “বেশ, পিটারকে আমি সঙ্গে লইয়া যাইব। আমি ঘুরিতে ঘুরিতে আটল্যান্টিকের অত্র প্রান্তে যাইব; সেখানে আমার দিন-দশেক বিলম্ব হইতে পারে। যদি না মরি, তাহার পর এ দিকে ফিরিলে উহাকে এই দ্বীপে নামাইয়া দিয়া যাইব।”

কিন্তু আর এখানে ফিরিতে পারিব কি?

[ ক্রমশঃ ]

শ্রীদীনেন্দ্রকুমার রায় :



# বিজ্ঞানের দান

## নল খাগড়ায় কাগজ

কথায় বলে, অভাবই আবিষ্কারের মূল। গত জার্মান যুদ্ধের সময় পাটের অভাবে জার্মানী কাগজে খলিয়া প্রস্তুত করিয়া তাহাই ব্যবহার করিয়াছিল। এ বার প্রথমে সাবমেরিনের উপদ্রবে, তাহার পর জার্মানীর নরওয়ে অধিকারে কাগজের উপাদান কাঠের মণ্ড অক্ষিপ্য হইয়াছে। সেই জঙ্গ বিলাতে এক নূতন শিল্পের উদ্ভব হইয়াছে। ইংলণ্ডের যে অংশ ইষ্ট-অ্যাংলিয়া নামে পরিচিত, সেই অংশে নরফোক ও সাফোকে জলাভূমিতে বিস্তৃত স্থানে নল খাগড়া দেখা যায়। এতদিন উহা গৃহের চাল নির্মাণের জন্তই ব্যবহৃত হইত; এখন উহা হইতে কাগজের উপকরণ মণ্ড প্রস্তুত করা হইতেছে। যদিও এই মণ্ড উৎকৃষ্ট কাঠের মণ্ডের মত নহে, তথাপি বিশেষজ্ঞগণের মতে ইহা এস্পার্টো নামক ঘাস হইতে প্রস্তুত মণ্ড অপেক্ষা হীন নহে। বৃটেনে প্রতি বৎসর ৩ লক্ষ টন এই ঘাস আমদানী হয়। নল খাগড়া উৎপাদন শিল্পে সরকারী সাহায্য প্রার্থনার বিষয় বিবেচিত হইতেছে। এই পরীক্ষা সফল হইলে বহু পদ্ধতিতে লাভজনক কৃষিকার্য হইতে পারিবে।

## সেলের মূল্য ও ব্যয়সঙ্কোচ

গত জার্মান যুদ্ধের সময় বিস্ফোরকপূর্ণ সেলের যে দাম ছিল, এ বার তাহা অনেক বাড়িয়াছে। তাহার কারণ, কামান হইতে পূর্বাপেক্ষা দূরে সেল নিক্ষেপ হইতেছে। বিমান আক্রমণজন্ত যে সব কামান ব্যবহৃত হয়, সে সকল হইতে প্রক্ষিপ্ত সেল ৩০ হাজার ফিট পর্যন্ত উঠে যায়। সেই জঙ্গ মূল্যবান উপকরণ কর্ডাইট অধিক ব্যবহার করিতে হয়। এই ব্যয়বৃদ্ধিহেতু অল্প দিকে ব্যয়-সঙ্কোচ করা হইতেছে। পূর্বে কাঠের বাস্তব সমর-সরঞ্জাম লওয়া হইত; এখন সেই কার্যে কয় প্রকার স্থল কার্ডবোর্ড ব্যবহৃত হইতেছে। কাঠের তুলনায় কার্ডবোর্ডের মূল্য অল্প এবং দেখা গিয়াছে, নলের আকারে ব্যবহৃত হইলে কার্ডবোর্ড কাঠেরই মত দৃঢ় হয়।

## “সেল শক”

গত জার্মান যুদ্ধে প্রায় ৪ বৎসরে বহু লোক বিস্ফোরক সেলের বিস্ফোরণে বিকৃত-ইন্দ্রিয় হইয়াছিল। এই “সেল শক” বলিতে নানারূপ বিকৃতি বুঝায়। পরীক্ষা করিয়া দেখা গিয়াছে, যাহারা “সেল শক” কাতর হয়, তাহাদিগের মধ্যে শতকরা মাত্র ১০ জন বিস্ফোরণের ফলে বিকৃত-ইন্দ্রিয় হয়। শতকরা ৪০ জন আর ১০ জন দাঁর্বকালব্যাপী শ্রমে স্বাভাবিক ও মানসিক প্রতিভাতে কাতর হইয়াছিল। অবশিষ্ট শতকরা প্রায় ৮০ জনের অনভ্যন্তরীণ ভীষণ দৃশ্য দেখিয়া ও আশঙ্কায় অর্থাৎ ভীতিপ্রদ সঙ্কটের কাতর হয়। এ সবই “সেল শক” বলিয়া বর্ণিত হয়।

## তুষার-সঞ্চয়

রুশ-বাহিনী যখন ফিনল্যান্ড আক্রমণ করিয়াছিল, তখন তাহাদের পক্ষে তুষারপাতে তাহাদিগের অভিযান যত বিব্রত হইয়াছিল, তাহাদিগের বাধায় তত হয় নাই। তখন তাহারা এই

প্রাকৃতিক বাধায় বিরক্ত হইয়াছিল বটে, কিন্তু রুশ রাজ্যের কোন কোন অংশে প্রবল তুষারপাত দেবতার আশীর্বাদ বলিয়া বিবেচিত হয় এবং উত্তর ভারতে যেমন শীতকালে বৃষ্টিপাত হইলে দুর্ভিক্ষে লোক বিপন্ন হয়, তেমনই সে সব অঞ্চলে প্রবল তুষারপাত না হইলে লোকের কষ্টের অবধি থাকে না। উত্তর প্রদেশের কোন কোন স্থানের অধিবাসীরা গ্রীষ্মে পানীয় জলের জমা শীতকালে সঞ্চিত তুষারের উপর সর্বতোভাবে নির্ভর করে। আবার আলাস্কা প্রভৃতি কোন কোন স্থানে লোক মেরুদ্বীপ শীতকালে পানীয়ের জঙ্গ তুষার সঞ্চয় করিয়া থাকে। এ দেশে শিমলা প্রভৃতি স্থানে অধিবাসীরা গ্রীষ্মকালে ব্যবহার জঙ্গ গর্তে তুষার সঞ্চয় করিয়া রাখে।

## আপেলের গ্যাস

আজকাল যুদ্ধে বিষবাস্প দিয়া শত্রুকে বিপন্ন করা—লোকক্লেশ করা প্রথা হইয়াছে। গত জার্মান যুদ্ধে প্রথম গ্যাসের ব্যবহার আরম্ভ হইয়াছিল। তাহার পর আবিসিনিয়া অধিকার-কালে ইটালীয়ানরা ব্যাপক ভাবে বিষবাস্পের ব্যবহার করিয়াছিল। বর্তমান যুদ্ধেও কখন উহার ব্যবহার আরম্ভ হইবে, তাহা কেহ বলিতে পারে না। সেই জঙ্গ পূর্বে হইতেই গ্যাসরোধক যুগ্মসের প্রচলন হইতেছে। জার্মানী জেকোমোভাকিয়া অধিকারের সময় হইতেই বৃটিশ সরকার বিমান-বাহিনী বৃদ্ধির সঙ্গে সঙ্গে গ্যাস-মাস্ক বিতরণ করিয়াছিলেন। কিন্তু অনেকেই জানেন না, আপেল হইতে যে গ্যাস স্বভাবতঃ বাহির হয়, তাহা গোলাপের পাতার পক্ষে বিশেষ অনিষ্টকারী। সেই জঙ্গ গোলাপ গাছ পত্রহীন করিতে হইলে কতকগুলি আপেল ও গাছগুলি এক ঘরে রাখিয়া উহার ছায়া ও জানালা বন্ধ করিয়া রাখা হয়। ঘরের তাপ একটু অধিক হওয়া প্রয়োজন। ইহাতে ৪ দিনে গোলাপ গাছের সব পাতা ঝরিয়া পড়ে। একটি একটি করিয়া পাতা ছিঁড়িবার সময় ও শ্রম হইতে এইরূপে অনায়াসে অব্যাহতি লাভ করা যায়।

## পথের উপকরণ—লবণ

এ দেশে শরীর শিল্পের বিস্তৃতি ও উন্নতির সঙ্গে সঙ্গে চিটাগুড়ের ব্যবহার-সমস্তার উদ্ভব হইয়াছে। কোন কোন বৈজ্ঞানিক পরীক্ষা করিয়া মত প্রকাশ করিয়াছেন, রাস্তার উপকরণরূপে উহা ব্যবহৃত হইতে পারে। চিটাগুড় একরূপ বিনামূল্যেই পাওয়া যাইতে পারে—সুতরাং তাহা ব্যবহার করিলে রাস্তা রচনার ব্যয়ও অল্প হয়। সংপ্রতি কানাডা হইতে সংবাদ পাওয়া গিয়াছে, তথায় রাস্তা-প্রস্তুতের কার্যে লবণ ব্যবহার করিয়া সফল পাওয়া গিয়াছে। কাদার সহিত লবণ মিশাইয়া রাস্তায় ব্যবহার করা হইতেছে এবং তাহাতে রাস্তা দৃঢ় হইতেছে। বিমান-বন্দর প্রভৃতি যে সব স্থানে রাস্তার দৃঢ়তা অধিক প্রয়োজন, সে সব স্থানে লবণ-মিশ্রিত কর্দম ব্যবহারে বিশেষ সফল পাওয়া যাইতেছে। ট্রান্স-কানাডা বিমান-বন্দরগুলিতে এই উপকরণের ব্যবহার দিন দিন বাড়িয়া যাইতেছে। ইহার পর সাধারণ রাজপথ রচনারও এই উপকরণ ব্যবহৃত হইবে বলিয়া মনে হয়। লবণের মূল্য নামমাত্র—ভ্রূতের জন্তই উহার মূল্য বর্ধিত হয়।





## বিবিধ শিল্পে দুগ্ধের প্রয়োগ

শিল্প ডুমিষ্ঠ হইয়াই যে আহার গ্রহণ করে অথবা করিতে পারে, সকলেই জানেন, তাহা দুগ্ধ। সকল স্তন্যপায়ী জীবের পক্ষেই ইহা সাধারণ সত্য। অজ্ঞাত স্তন্যপায়ী জীব কিছুদিন পরে দুগ্ধ পান ত্যাগ করিয়া প্রাণরক্ষার উপযোগী আমিষ বা নিরামিষ খাদ্য খাইয়া জীবন ধারণ করিতে অভ্যস্ত হয়। মানব কিন্তু বহুবিধ আহার্য্য জব্যে ক্ষুন্নিবারণ করিতে পারিলেও দুগ্ধপানে সম্পূর্ণরূপে বিরত হয় না। মানব-শিল্পে মাতৃদুগ্ধ অধিক দিন পায় না বটে, কিন্তু সভ্যতার আদি যুগ হইতে মানবগণ পশুপালন-বিজ্ঞা আয়ত্ত করায় বিভিন্ন জাতীয় স্তন্যপায়ী পশুর দুগ্ধ সংগ্রহ করা তাহাদের সহজসাধ্য হইয়াছে। এই সকল প্রাণীর মধ্যে গো এবং মহিষ প্রধান; কিন্তু অজ্ঞাত বহু প্রাণী—যথা গর্দভ, ছাগ, মেঘ, উষ্ট্র, এমন কি, বস্ত্র হরিণ (যেমন Rein deer অর্থাৎ 'বল্গা হরিণ') দেশবিশেষে মনুষ্যকে দুগ্ধ-দানে পরিপুষ্ট ও পরিভূক্ত করিয়া থাকে। বস্তুতঃ, দুগ্ধ এত কাল ধরিয়া আহার্য্যজব্য বলিয়াই পরিগণিত হইয়া আসিয়াছে, এবং এই-রূপ হওয়াই স্বাভাবিক; কারণ, দুগ্ধের স্তায় পুষ্টিকর খাদ্য—খাদ্য-সমূহের মধ্যে একান্ত বিরল।

বর্তমান যুগে বিজ্ঞানের বিশ্বয়কর উন্নতির সহিত এক দিকে যেমন কৃত্রিম উপায়ে স্বভাবজ জব্যের অম্লরূপ বা পরিবর্তিত জব্য প্রস্তুত হইতেছে, অন্য দিকে সেইরূপ অনেক স্বভাবজ জব্যের নব নব ব্যবহার-প্রণালীও আবিষ্কৃত হইয়াছে, এবং এখনও এই আবিষ্কারের বিরাম নাই। দুগ্ধের সার্থকতা এখন কেবল বিভিন্ন আহার্য্য জব্য উৎপাদনেই নির্ভর করিতেছে না; অধিকন্তু ইহা কয়েক প্রকার শিল্পের উপাদানেও পরিণত হইয়াছে। বিগত ২৫ বৎসরের মধ্যে মানবের অনেক প্রয়োজনীয় ও সৌখিন জব্যও রূপান্তরিত দুগ্ধ হইতে প্রস্তুত হইয়াছে, এবং ঐরূপ জব্যের সংখ্যাও বিজ্ঞানের উন্নতির সঙ্গে সঙ্গে ক্রমশঃ বর্দ্ধিত হইতেছে। আমরা বর্তমান প্রবন্ধে দুগ্ধের এইরূপ নব নব প্রয়োগ সম্বন্ধে আলোচনা করিতেছি।

### কেসিন প্রস্তুত-প্রণালী

সকল প্রকার দুগ্ধেরই উপাদান বিশ্লেষণ করিলে প্রধানতঃ প্রতীদ, বসা, শর্করা, লবণ ও জলই পাওয়া যায়। তন্মধ্যে প্রতীদ বা নাইট্রোজেনমূলক অংশই বর্তমানকালে সমধিক মাত্রায় বিভিন্ন শিল্পে প্রয়োগ করা হইতেছে। বিশেষভাবে প্রস্তুত দুগ্ধ-প্রতীদের নাম 'কেসিন' (Casein); কিন্তু ইহা ছানারই রূপান্তর মাত্র। মাঠা-তোলা দুগ্ধ ও ঘোল হইতে ইহা প্রস্তুত করা হয়, এবং উক্ত পদার্থদ্বয় হইতে মোটের উপর শতকরা ৩ ভাগ কেসিন পাওয়া যায়।

পাশ্চাত্য দেশসমূহে 'সেন্ট্রিফুগাল' (Centrifugal) যন্ত্রে সাহায্যে দুগ্ধ হইতে বসা অর্থাৎ মাখন বাহির করিয়া লওয়া হয়। দুগ্ধের সেই মাঠা-বর্দ্ধিত অংশ 'মাঠা-তোলা দুগ্ধ' বা Skimmed milk নামে অভিহিত হইয়া থাকে। দুগ্ধকে দধিতে পরিণত করিয়া মন্থন-দণ্ডের সাহায্যে সেই দধি হইতে মাখন তুলিয়া লওয়া হইলে যে তরল পদার্থ অবশিষ্ট থাকে, তাহাই যে ঘোল, ইহা সকলেরই সুবিদিত; ইনি ইংরেজের ভাষায় Butter milk নামে খ্যাত হইয়াছেন। এই উভয় প্রকার বসাবর্দ্ধিত দুগ্ধ হইতেই কেসিন পাওয়া যায়। দুই প্রণালীতে কেসিন প্রস্তুত হইয়া থাকে; একটি প্রণালী অম্ল-সংযোগমূলক, অন্যটি বেণেট-সংযোগমূলক এবং উক্ত উভয় প্রণালীতে প্রস্তুত কেসিনকে যথাক্রমে Acid Casein এবং Rennet Casein আখ্যা প্রদান করা হইয়াছে।

অম্ল-কেসিন প্রস্তুতে প্রথমে মাঠাতোলা দুগ্ধ বা ঘোলকে ৯৪-৯৬ ডিগ্রি ফারেনহাইট পর্যন্ত উত্তপ্ত করিয়া তাহাতে ১ ভাগে ৭ ভাগ জল মিশ্রিত হাইড্রোক্লোরিন বা সল্ফিউরিক অম্ল সংযোগ করা হয়। ইহার ফলে কেসিন পৃথক হইয়া অধঃস্থ হয়।

উক্ত অধঃপাতিত কেসিনকে জলে ধৌত করিয়া উহা হইতে Maltosh অংশ নিঃসারিত করা হলে পুনর্বার উহাকে সোডা-কার্বনেট দ্রাবণে গলাইয়া লওয়া হয়। ল্যাঙ্কটিক-অম্ল সহযোগে পূর্বেস্তুত দ্রাবণ হইতে আবার কেসিনকে পৃথক করিয়া উহা জলে ধৌত করিবার পরে শুষ্ক করিয়া চূর্ণ করিলেই সাধারণ বা অম্ল-কেসিন প্রস্তুত হইয়া থাকে। শুষ্ক চূর্ণাকারে সাধারণতঃ ইহা বাজারে আমদানী হইয়া থাকে। নিকুষ্ঠ কেসিনের বর্ণ মলিন এবং পীতাত শুভ্র।

বেণেট-কেসিন-প্রস্তুতের প্রণালী কিঞ্চিৎ স্বতন্ত্র। যে উৎসেৎ পদার্থ দুগ্ধে সংযোজিত করিলে পানীর উৎপন্ন হয়, তাহাই বেণেট নামে অভিহিত হইয়া থাকে। মাঠা-তোলা উক্ত দুগ্ধের প্রতি শত গ্যালনে দেড় আউল মাত্রায় বেণেট মিশ্রিত করিয়া উহাকে কিছুকাল অবিচলিত অবস্থায় রাখিয়া দিতে হয়। তাহা হইলে সবটুকু কোসিন চাপ বাধিয়া তলায় পড়িয়া যায়। তখন তাহা খণ্ড খণ্ড করিয়া কাটিয়া বাহির করিয়া লইতে হয়। উহা কাটিবার জন্য সৌক-নির্মিত অস্ত্রের পরিবর্তে অস্ত্র ধাতুর বা কাঠের ছুরী ব্যবহার করিতে হয়। খণ্ড খণ্ড ভাবে সংগৃহীত কেসিন অতঃপর ধৌত করিয়া চাপ দিয়া তাহা হইতে জল বাহির করিয়া কেলিয়া শুষ্ক করা হয়।

সাধারণতঃ, এক মণ মাঠাতোলা দুগ্ধ বা ঘোল হইতে আধ মণ পরিমাণ শুষ্ক কেসিন পাওয়া যায়। ইহার প্রস্তুতকারকগণ তৎকাল নানা স্থানে বিভিন্ন প্রণালীতে কেসিন প্রস্তুত করিতেছেন। কিন্তু এই সকল প্রণালী পূর্বেস্তুত মূল প্রণালীরই প্রকার-ভেদ মাত্র।



সিমেন্ট ও অল্প-কেসিনের গুণেরও পার্থক্য আছে, এবং উহারা বিভিন্ন প্রকার শিল্প-কার্যে ব্যবহৃত হয়। প্রথমোক্ত শ্রেণীর কেসিন ছুঁল-নানাযুক্ত, সোডা জাবনে অজবণীয়, এবং অল্প পরিমাণ সোডাগা-কিমা অ্যামোনিয়া-জলে জবণীয়। প্রাষ্টিক-প্রস্তুতে ইহারই প্রাধান্য লক্ষিত হয়। শিল্পকার্যে প্রয়োগের জন্ত সাধারণতঃ কেসিনের যে বিশেষ গুণের সুরোগ গ্রহণ করা হয়, তাহা উহার অল্প-ধর্ম। এই ধর্মই ইহা অজ্ঞাত মৌলিক পদার্থের সহিত মিলিত হইয়া বিভিন্ন প্রকার 'Caseinate' উৎপাদন করে। কাচকড়া (celluloic) বা কাঠমার (cellulose) জমির (base) সহিত এইরূপ কেসিনেট মিশ্রিত করিয়া 'প্রাষ্টিক' শ্রেণীর দ্রব্য প্রস্তুত করা হয়। বলা বাহুল্য, বর্তমান কালে প্রাষ্টিকের সাহায্যে শিল্পজগতে যুগান্তর উপস্থিত হইয়াছে। কতিপয় শিল্প—কাচ, চিনামাটি, ধাতু, কাঠ বা অজ্ঞাত স্বভাবজ উপাদানের পরিবর্তে প্রাষ্টিক ব্যবহৃত হইতেছে। কেসিন-মূলক প্রাষ্টিক কল হইতে চাদর বা দণ্ডের (rod) আকারে বাহির হইয়া থাকে। ঐ সমুদয় সহজেই করাত দিয়া কাটা বা বঁদা দিয়া চাঁছা-ছোলা করা যায়, এবং অজ্ঞাত উপায়ে উহা যে কোন আকারে পরিবর্তিত হইতে পারে। অধিকন্তু, ইহা কাঁচ-কড়ার জায় সহজদাহ (inflammable) নহে। যে প্রাষ্টিকে যত অধিক পরিমাণে caseinate থাকে, সহসা তাহাতে আগুন ধরবার সম্ভাবনা তত অল্প। এই সকল কারণেই বিভিন্ন শিল্পে কেসিনের ব্যবহার দ্রুত বর্ধিত হইতেছে। আমরা নিম্নে তাহার কয়েকটি বিশিষ্ট উদাহরণ সন্নিবিষ্ট করিতেছি।

### ২ং, বার্নিস ও আঠা

খাজকাল অনেক স্থলে রং ও বার্নিসে কেসিন ব্যবহৃত হইতেছে। কোন জিনিষের ভিতর ও বাহির, উভয় দিকেই এতদ্বারা রং করা চলে। ভিতরের রং চূণ ও অ্যামোনিয়া সহযোগে প্রস্তুত হয়। বহির্ভাগের রঙের জন্ত কেসিনের সহিত চূণ ও ডিম্বের খেতাংশের মিশ্রণই প্রশস্ত। ইহাতে অল্প পরিমাণ formaldehyde মিশাইলে রং আবহাওরাসহ হয়; আবার তিসি বা সীসিক তৈল ও Titanium oxide এর সংমিশ্রণ-ফলে দীর্ঘকালেও রঙের বিকৃতি ঘটে না।

খুব শক্ত আঠা, সিরিষ, সিমেন্ট ইত্যাদি প্রস্তুতেও কেসিনের ব্যবহার অল্প নহে। Plywood নামক বোড়া দেওয়া কাঠ এখন আসবাব-পত্র ও আধারাদি নির্মাণের জন্ত প্রচুর পরিমাণে ব্যবহৃত হইতেছে; অধিকাংশ স্থলেই উহা কেসিনের আঠা দ্বারা শক্ত। কেসিন ব্যতীত অ্যামোনিয়া ও সোডাগা এইরূপ আঠার অজ্ঞাত উপাদান। কেসিনের সহিত বালি ও চূণ মিশ্রিত করিয়া যে সিমেন্ট প্রস্তুত করা হয়, তাহা অত্যন্ত দৃঢ় হইয়া থাকে।

### কাগজ, কাপড় ইত্যাদি

মান্য প্রকার সুরঞ্জিত সৌখীন ও আর্টপেশায়, বিশেষতঃ গাহাতে উৎকৃষ্ট ছবি বা ফটো ছাপা হয়, সেগুলি প্রথমতঃ কেসিন হইতে প্রস্তুত। আর্ট-বোর্ড ও আইভরি-কার্ড মনুষ্য ও চকচকে করিবার জন্ত কেসিনের প্রয়োগ অপরিহার্য। শেষোক্ত প্রকারের দ্রব্য কেসিনের সহিত কর্কের গুঁড়া মিশ্রিত করা হয়। কেসিন-জাত

কাগজ সহজে ছেঁড়ে না, এবং উহা সাধারণ কাগজের অপেক্ষা জল ও অগ্নির প্রভাব অধিক সহ্য করিতে পারে। কাগজের উপর ফরম্যাডি-হাইড্রোক্স পর্দা দ্বারা নকল চামড়ার জায় দ্রব্য প্রস্তুত হইয়া থাকে।

### প্রাষ্টিক

পূর্বেই বলা হইয়াছে—কেসিনজাত প্রাষ্টিক বহুবিধ শিল্প-দ্রব্যের উপযোগী। সেলুলোজের পরিবর্তে অনেক স্থলেই কেসিন ব্যবহৃত হয়। নকল শৃঙ্গ, হস্তিদন্ত এবং তাহা হইতে সংগঠিত দ্রব্যাদিরও মূল উপাদান কেসিন। বোতাম, পেনসিল, এমন কি, নকল বহুমূল্য প্রস্তুত যথা amber jade প্রভৃতিও এখন কেসিন হইতেই প্রস্তুত হইতেছে। মোটর-গাড়ী ও বিমানের কোন কোন অংশ নির্মাণেও কেসিনের উপযোগিতা অত্যন্ত অধিক বলিয়া প্রতিপন্ন হইয়াছে। কেসিনে উচ্চতর পালিশ সম্ভবপর, এবং ইহা যে কোন বর্ণে সহজে রঞ্জিত হইতে পারে। নানাবিধ প্রয়োজনীয় ও সৌখীন দ্রব্য প্রস্তুতে কেসিন প্রয়োগে এইরূপ সুরিধা হইয়া থাকে।

### কৃত্রিম পশম

কৃত্রিম পশম উৎপাদনের উপাদানরূপেই এখন কেসিনের সর্বাধিক আধুনিক কিন্তু দ্রুত-বৃদ্ধিশীল ব্যবহার। ইটালী দেশীয় কোন রাসায়নিক ইহা প্রথমে আবিষ্কার করেন। ৪।৫ ২২সর মাত্র ইহা ব্যবসায়িক মাত্রায় উৎপাদিত হইতে আরম্ভ হইয়াছে; কিন্তু এই অল্পকালের মধ্যেই এই Synthetic wool বা Lanital যে ভাবে বিস্তার লাভ করিয়াছে, তাহাতে অস্বাভাবিক হয়, কৃত্রিম বেশমের জায় ইহাও অদূরভবিষ্যতে তত্ত্বজাত বিভিন্ন দ্রব্যাদির বাজারে নবযুগের প্রবর্তন করিবে। মার্কিন যুক্তরাষ্ট্রের Bureau of Dairy Industryতেও ইহা প্রস্তুত হইতে আরম্ভ হইয়াছে। কেসিন-প্রস্তুত ও কয়েক প্রকার প্রক্রিয়া দ্বারা উহা শোধন করিয়া একরূপ ঘন চট্‌চটে কেসিন-দ্রাবণ প্রস্তুত করা হয়। উক্ত দ্রাবণ রেয়ন বা কৃত্রিম বেশমদ্রাবণের জায় সূক্ষ্ম ছিঁড়পথে চালাইয়া তন্ত বা সূতা তৈয়ারী করা হয়। ফলতঃ, দ্রাবণ প্রস্তুতের পর হইতে কৃত্রিম বেশম ও পশম প্রস্তুতের এত অধিক সাদৃশ্য বর্তমান যে, একই কলে উভয় বস্তু প্রস্তুত হইতে পারে।

স্বভাবজ পশমের জায় কৃত্রিম পশমও কোমল এবং গরম। ইহার উপাদানের মধ্যে সামান্য পরিমাণে গন্ধক থাকায় ইহার তাপ-সংরক্ষণের শক্তি বরং কিছু অধিক। স্বভাবজ পশমের সঙ্গে ইহার প্রভেদ এই যে, ইহা ঐরূপ ধ্বংস (kinky) নহে। ধ্বংসে কৃত্রিম পশমও অবশ্য প্রস্তুত হইতে পারে, কিন্তু মনুষ্য পশমের মত উহা উচ্চ গুণসম্পন্ন হয় না। বস্তুতঃ, কৃত্রিম পশমের কয়েকটি বিশিষ্ট গুণ আছে, স্বভাবজ পশমে তাহা দেখিতে পাওয়া যায় না, প্রথমতঃ, গায়ে কুটকুট করে না বলিয়া কৃত্রিম পশমজাত পরিচ্ছদ খালি-গায়ে (next to skin) ব্যবহার করিতে অসুবিধা হয় না। দ্বিতীয়তঃ, কাচিলে সাধারণ পশমের মত সঙ্কুচিত হইয়া ইহার আরতম হ্রাস হয় না; তৃতীয় সুরিধা এই যে, নির্দিষ্ট দ্রব্য প্রস্তুতের উপযোগী করিবার জন্ত ইহার তন্ত ছুঁই দীর্ঘ বা সক্ষম মোটা করিয়া লওয়া যায়।

### খাদ্য, ঔষধ ও প্রসাধন-দ্রব্যাদি

দুগ্ধজাত খাদ্যদ্রব্যের মধ্যে ছানা অত্যন্ত পুষ্টিকর পদার্থ; কেসিনও তরুণ খাদ্যার্থ ব্যবহৃত হইতেছে। বিশেষ প্রণালীতে শোধন করিয়া এবং ইহার শরীর-পোষক গুণ অক্ষুণ্ণ রাখিয়া ইহাকে সহজপাচ্য খাদ্যে পরিণত করা হইয়াছে। বর্তমানকালে যে সকল বলকারক পেটেন্ট খাদ্য প্রস্তুত হইয়া বাজারে বিক্রয় হয়, তাহাদিগের অধিকাংশেরই প্রধান উপাদান কেসিন। রৌপ্য, খটিক, বিস্মাথ ইত্যাদির কেসিনেট সমূহ এখন ঔষধে ব্যবহৃত হইতেছে। প্রসাধন-দ্রব্যাদি প্রস্তুতেও কেসিনের ব্যবহার অল্প নহে। অনেক বহু-বিজ্ঞাপিত মর-নারীর অঙ্গরাগ-প্রসাধন চূর্ণ (Powder) এবং লেপ (cream, snow) মূলতঃ কেসিন হইতেই প্রস্তুত থাকে। Stearic acid-যুক্ত সম-প্রকারেদ দ্রব্য অপেক্ষা কেসিনজাত প্রস্তুতকারক-সমূহ (preparations) চর্মের পক্ষে অধিক উপকারী বলিয়া উহাদের প্রস্তুতকারকগণ দাবী করিয়া থাকেন। তাহা যে সম্পূর্ণ অহেতুক, একথা বলা যায় না। কারণ, পূর্বে দুগ্ধ ও মবনী চর্মের উজ্জলতা ও মৃৎতা বৃদ্ধির জন্য ব্যবহৃত হইত, এবং এখনও সম্রাস্ত হিন্দুর গৃহে ও বহু জাতির মধ্যে সে প্রথা বর্তমান।

### দুগ্ধজাত শিল্প-উপাদানের ভবিষ্যৎ

প্রকৃত আহাৰ্য্য দ্রব্য ব্যতীত দুগ্ধ হইতে Lactic acid, Sugar of milk প্রভৃতি কয়েকটি দ্রব্যও প্রস্তুত হয়। কিন্তু এগুলে কেসিনের উপরই আমাদের বিশেষ লক্ষ্য প্রদানের কারণ এই যে, ক্রমশঃ অধিক সংখ্যক শিল্পে ইহার ব্যবহার বিস্তার লাভ করিতেছে, এবং ভারতে ইহা ব্যাপক ভাবে উৎপাদনের অনেক সুবিধা আছে। বিগত যুরোপীয় মহাযুদ্ধের সময় এদেশে কেসিন প্রস্তুত আরম্ভ হইয়াছিল এবং এখনও সামান্য পরিমাণে উৎপন্ন

হইতেছে, এবং তাহার গুণও নিকট। চেষ্টা করিলে সুলভে বিলাতী কেসিনের তুল্য কেসিন উৎপাদন করা অসম্ভব নহে।

কিছু দিন পূর্বে সরকারের অনুসন্ধানের ফলে জানা যায় যে, ভারতে গবাদি পশুর সংখ্যা ত্রিশ কোটির কম নহে। ইহা পাশ্চাত্যের সর্বাপেক্ষা অধিক পশু-সম্পদশালী মার্কিন যুক্তরাষ্ট্রের পশু-সংখ্যার প্রায় দ্বিগুণ। খাদ্যভাবে শীর্ণ-দেহ দেশীয় গরু অতি অল্প দুগ্ধ প্রদান করে; তথাপি বিশেষজ্ঞ Dr. Wright অনুমান করেন যে, ভারতে বার্ষিক ৭০ হইতে ৮০ কোটি মণ দুগ্ধ উৎপন্ন হয়। গ্রেট ব্রিটেন ও ডেনমার্কের তুলনায় ইহা বথাক্রমে ৪ গুণ ও ৫ গুণ অধিক। ভারতোৎপন্ন এই বিপুল পরিমাণ দুগ্ধের শতকরা ৯৮-ই ভাগ দেশীয় প্রথায় অর্থাৎ পানীয় দুগ্ধ, ঘৃত, দধি, ঘোল ইত্যাদি রূপে ব্যবহৃত হয়। বিলাতী প্রথায় মাখন তোলা হয় মা বলিয়া Skimmed milk এদেশে অল্প। কিন্তু দধি হইতে মাখন তুলিয়া ঘৃত প্রস্তুতের ব্যবস্থা এদেশে অত্যন্ত সাধারণ, এজ্ঞ ঘোলের অভাব নাই, এবং তাহা সুলভ। এদেশের বহু পল্লী অঞ্চলে ক্রেতার অভাবে গৃহস্থের অতিরিক্ত ঘোল অকারণে নষ্ট হইয়া যায়; সুতরাং ঘৃত প্রস্তুতের আনুসঙ্গিক কার্যরূপে কেসিন প্রস্তুত একটি গ্রাম্য-শিল্পরূপে অপেক্ষাকৃত অল্প আয়াসেই পুষ্টিলাভ করিতে পারে। মার্কিন যুক্তরাষ্ট্রে প্রথম বৎসরে প্রায় ৪ কোটি ৮০ লক্ষ পাউণ্ড কেসিন প্রস্তুত হইতেছে। জগতের অন্যান্য সুসভ্য দেশও এ বিষয়ে উদাসীন নাই। এদেশে দুগ্ধ উৎপাদনের মাত্রা দ্বিগুণ বর্দ্ধিত করিবার উদ্দেশ্যে কেন্দ্রীয় গবর্ণমেন্ট বথায়োগ্য ব্যবস্থা করিবেন বলিয়া আশা ভরসা দিতেছেন। সেই পরিকল্পনার মধ্যে কেসিন উৎপাদন স্থান পাইলে একটি প্রয়োজনীয় শিল্প প্রতিষ্ঠিত হইতে পারে। দেশ-বাসিগণও ইচ্ছা করিলে এ বিষয়ে বহুদূর অগ্রসর হইতে পারেন; কারণ, ঘোল হইতে কেসিন প্রস্তুতের ব্যবস্থা বিশেষ ব্যয়সাধ্য নহে, এবং উৎপাদিত কেসিনকে ভিত্তি করিয়া এদেশে কয়েকটি ক্ষুদ্র শিল্প প্রতিষ্ঠিত করিবারও অবকাশ আছে।

ত্রীনিকুঞ্জবিহারী দত্ত।

## সন্ধান

আপন দীনতা-ভারে যেবা

সঙ্কুচিত আপনার কাছে,

সদা চাহে লুকায়ে থাকিতে

কেহ তারে দেখে ফেলে পাছে!

হ'নমনে ক্লাস্তিতরা দিঠি

কণ্ঠস্বরে ক্রন্দন জড়ানো,

অপনের নমনের পানে

চাহে আঁখি সরম-মাখানো!

কণে কণে দীর্ঘশ্বাস বহে

কারণ শুধালে নাহি কর,

জেনো তারই জীবনের রণে

হইয়াছে ঘোর পরাজয়।

ত্রীনিতা দেবী



## জীবন-বাণী

বিয়ের পর থেকেই সংসার সঙ্কে প্রগতির ধারণাটা একটু একটু ক'রে বদলাতে লাগলো। এত দিন যে স্বপ্ন ও কল্পনার রাজ্যে সে বাস ক'রে এসেছে, সেটা যে সংসারের আসল মূর্তি নয়, এ সত্য অনেকখানি আঘাত-বেদনার ভিতর দিয়েই তার উপলব্ধি হ'লো। যে বাড়ীতে প্রগতির বিয়ে হয়েছিল সেই বৃহৎ পরিবারে এসে নিজের কথা তাকে ভুলে যেতে হ'লো; সংসারে আরও পাঁচ জনের প্রতি যে একটা কর্তব্য আছে, সে-কথাটা মুহূর্তের জন্তুও সেখানে তার বিস্মৃত হ'বার উপায় ছিল না। পিতার সংসার ছোট মা হ'লেও তার তুলনার এ ঘেন হাট। স্বপ্ন, ভাগুর, স্বামী, দেবর, নমদ, ভাগ্নে, ভাগ্নী ও অন্যান্য পোষ্য তো আছেই, তা' ছাড়া গরু বাছুর, হাঁস, কুকুর, বিড়াল, ময়না, শালিক প্রভৃতি পালিত পশু-পক্ষীরও অভাব নাই। একত্র সমস্ত বাড়ীটাতে ঘেন স্বাস গ্রহণের মত পর্যাপ্ত স্থানের অভাবও সে প্রথম প্রথম অনুভব করতো।

তার পিতা পশ্চিমের কোন সহরে সরকারী কাজ করেন। বদলীর চাকরী, ছ'পাঁচ মাস পরেই ডেরা-ভাণ্ডা গুটিয়ে অল্প জায়গার সংসার পাতে হয়; একত্র সুযোগের অভাবে একটু বেশী বয়সেই প্রগতির বিয়ে হ'য়েছিল। কিন্তু স্বামীর বয়স তার চেয়ে দেড়গুণ বেশী। গৃহিণীশূন্য সংসারের জন্তু বয়স্বা মেয়েই খুঁজছিলেন, একত্র প্রগতিককে পেয়ে সকলেই খুসী হলেন। খোঁটার দেশের খোঁটা বি চাকর ও আবালগামী প্রতিবেশীদের দেখে দেখে প্রগতিদের বাড়ীর সকলে বাঙ্গালীর মুখ একরকম ভুলেই গিয়েছিল; তাই বাঙ্গালী দেশে আসতে পেয়ে সে খুসী হ'লো। কিন্তু

সে পশ্চিমে থাকায় এত সব গাড়ী, খোঁড়া, জনসমাগম দেখতে পেতো না। এত কাল আপন-ভোলা বাপের কাছে থেকে, পৃথিবীর সকল লোককে সে তার বাবার মত সদাশিব ব'লেই ধারণা ক'রে রেখেছিল। ক্রমশঃ তার তুল ভাবতে লাগলো।

গান-বাজনার সখ ছিল ব'লে বিয়ের আগে প্রগতি ওস্তাদের কাছে নানা রকম বাজনা শিখেছিল ও গীতবাদের চর্চাতেই বেশী সময় কাটিয়ে দিত। স্বপ্নরবাড়ী এসে সে-সব শিক্ষা তার কোন কাজেই লাগলো না। এত বড় সংসারের ছোট বড় সকল কর্তব্য শেষ ক'রে নিজের জীবনের কথা ভাবতে বসলে এক এক সময় প্রগতির মন দুঃখে খুবই অভিভূত হ'তো; কিন্তু সে দীর্ঘনিশ্বাস কেলে ভাবতো, মেয়েদের স্বাধীন ইচ্ছার আর মূল্য কি? তবে এই ভেবে সে সাঙ্ঘনা লাভ ক'রতো যে, সাংসারিক লোকের হিসাবে মোটামুটি সে সুখেই আছে। মার কথা তার প্রায়ই মনে পড়ে। মা ব'লতেন, মেয়েরা তো বঙ্গ, যেখানে যে হাতে তাকে যেমন-ক'রে বাজাবে, সেইখানে তাকে তেমনি-ক'রেই বাজতে হবে। অবশ্য, এরকম সাঙ্ঘনার মন যে খুব শান্ত হ'তো তা নয়, তবে এ ছাড়া ত উপায় ছিল না। আর প্রত্যেক মেয়েকেই যে তার জীবন মৃত্যু-ক'রে গড়ে' নিতে হয় এ তো তার জানাই আছে।

প্রগতি যে কল্পনার স্বর্গ রচনা ক'রে রেখেছিল, সংসারে ক্রমাগত আঘাত পেয়ে দেখলো, বাস্তবের সঙ্গে তার একটুও মিল নেই! চিন্তা করবার অবসরও তার বেশী ছিল না; ভোর পাঁচটা থেকে রাত ষারোটা পর্যন্ত এক মিনিটও তার একলা থাকবার সুবিধে

নেই। এ বলে, “বৌদি’ আমার তোয়ালেটা একটু খুঁজে দাও তো।” ও বলে, “মামীমা, ঠাকুরকে একটু তাড়া দাও না, আমার কলেজের বেলা হ’য়ে যাচ্ছে যে।” কেউ বলে, “কাকীমা, খাবার-টাবার যা হয় আনিয়ে রেখো, কিন্তু সাড়ে-চারটার মধ্যেই আমার চা চাই।” শাওড়ী নেই। খুড়ীমা, পিসীমার অভাব না থাকলেও নতুন ভারগায় সঙ্কোচ কাটতে-না কাটতেই নানান ঝগড়া তাকে ঘাড়ে নিতে হয়েছে। সকলের নানা রকম অনুরোধ অতিরোধও শুনতে হয়।

প্রথম প্রথম অনভ্যস্ত হাতে সকলের ফরমাস খাটতে গিরে পদে গদে তাকে হৌচট খেতে হ’তো। পিস্মাওড়ী মুখ ঝিকিয়ে বললেন, “ওমা ওকি বউ! তাম্রব্র বেলপাতার যে পূজো হয় না, হিঁহর মেয়ে-হ’য়ে এ কথা কি কক্ষনো শোননি? কি নজ্জার কথা! তোমার যা তোমার এ-সব পূজো-আচার কাজ শেখানোর দরকার নেই ভেবেছিল বুঝি? তা’ তাই যদি তার মনে ছিল, তা’ হ’লে কোন বেসজ্ঞানীর ঘরে তোমাকে পার করাই তো পারতো।” প্রগতি কোন-রকমে নিজের ক্রটি শুধরে নিয়ে বললো, “আমার ভুল হ’য়ে গেছে, পিসীমা! আমি একুণি বদলে এনে দিচ্ছি।” কোন দিন হয় ত দেওরদের সেক্সপীরের কবিতার আবৃত্তি চলছে, সে সেই কবিতা উপভোগ করছে;—আড়াল থেকে তা লক্ষ্য ক’রে খুড়ী-শাওড়ীর স্তূতিক কটু মন্তব্য ভেসে আসতো, “মাগো, বৌ যেন একেবারে মিস্ত্রী! নজ্জা সরমের বালাই নেই, দিবে-রাত্তির কেবল পুঁথি-ঘাঁটা। মর বেটা, কেতাব নিয়েই যদি দিন কাটাবি ত ঐ সব নিয়ে পণ্ডিত বাপের কাছে থাকলেই পারতিস্। এ সংসারে এসেছিস কেন ম’রতে?”

প্রগতি অতি কষ্টে নিজেকে সংযত ক’রে স’য়ে আসতো। আবার কোনো দিন হয়তো ভাগ্নী বা মনদের পীড়াপীড়িতে সেতারটার ধুলো ঝেড়ে নিয়ে তা বাগিয়ে ধ’রে একটুখানি বাজাতে সুরু করেছে, খুড়ী শাওড়ী, পিস্মাওড়ীর দল অমমি মুখ-ঝিকিয়ে ঝঙ্কার দিয়ে উঠলেন, “মাগো, কি ঘেন্না! গেরস্ত-ঘরের বউ-ঝির আবার গান বাজনার সখ! তখনই তো বলেছিলাম—একে খোঁটার দেশের মেয়ে, তাতে পাকা বাঁশ, এ তো কাঁচা ককি ময়

যে, ইচ্ছেমত হুইয়ে নোবো, তা কারো কোন কথাই তো শুনলেন না।”

প্রগতি তাড়াতাড়ি উঠে এলো। মেয়ের দল অপ্রতিভ হয়েছিল অবশ্য সবাই, কিন্তু নজ্জার প্রগতির যেন একেবারে মাথা কাটা গেলো। তার পর থেকে আবার নিয়মিত ভাবে সেতারের সর্কাজে ধুলো জমতে লাগলো এবং বেহালাটা অঘরে ঘরের কোণে প’ড়ে-থেকে আবর্জনার স্তূপ বাড়িয়ে তুললো। নিজের ঘরে ফিরে এসে প্রগতি চোখ মুছে ভাবলো, সত্যি তারই তো অজ্ঞান, তবু ও যে তা’র আজন্মের অভ্যাস। আর দেওর ননদদের সঙ্গে ভাই বোনদের মতো ব্যবহার ক’রতেই তো মা তাকে ব’লে দিয়েছিলেন; এখানে যে নজ্জা ক’রতে হয় তা তো কেউ তাকে শিখিয়ে দেয়-নি! ভাগ্যবিড়ম্বনার তার শিক্ষা অসম্পূর্ণ—তাই কি সকলের কাছে প্রতিপন্ন হ’তে থাকবে বারংবার? প্রগতির স্বপ্নের কাণেও যায় এসব কথা। সন্ধ্যাবেলা প্রগতিকে নিজের ঘরে ডেকে তিনি বলেন, “গৃহস্থালী করাই হিন্দুর মেয়েদের আসল ধর্ম। তোমার বাবা-মা হিন্দুঘরেই তোমার বিয়ে দেবেন ব’লে যখন ঠিক ক’রেছিলেন, তখন মিছি-মিছি লেখাপড়ার আর গান-বাজনার অধিকা তোমার সময় নষ্ট ক’রে সুবিবেচনার পরিচয় দেননি। আমার ইচ্ছে—এখন থেকে এদিকে মন দিয়ে এতদিনকার সব ক্রটি সংশোধন ক’রে নেবে তুমি, বৌমা!”

প্রগতি নিরুত্তর হ’য়ে নতমুখে ফিরে গেলো। তার বাপ-মা অত্যন্ত বিজ্ঞানুগামী ছিলেন, এই জন্যই ছেলেমেয়েদেরও শিক্ষার কোনো ক্রটি ঘটতে দেননি; কিন্তু এ বাড়ীতে এসে মেয়েদের জীবনে বিজ্ঞান যে কোনো প্রয়োজনই নেই, প্রায় প্রত্যেককেই তার জীবন যে অপরের ইচ্ছা-হুসারে পরিচালিত ক’রতে হয়, এবং নিজেদের স্বতন্ত্র ইচ্ছার যে কোন মূল্যই নেই, এই সত্যটা সে যেন প্রত্যক্ষ নতুন ক’রে অনুভব ক’রতে লাগলো। বিয়ের পর সে ভেবেছিল, লেখাপড়ার চর্চাটা একেবারেই ছেড়ে না দিয়ে অন্ততঃ অবসর সময়টুকু ওটার সদ্যবহার ক’রবে। কিন্তু ক্রমশঃ সে বুঝতে পারলো, এ শুধু অসম্ভবই নয়, এ বাড়ীতে ওটা অমার্জনীর অপরাধও বটে! বাবার ওপর অভিমান হওয়ার প্রগতির চোখে জল এলো।

পড়াশুনার ইচ্ছা যে তার বরাবরই ছিল, তা তিনি তো জানতেন। বিয়ের আগে আরো কিছু-দূর পড়বার আকিঞ্চন সে-ও জানিয়েছিল। তখন প্রণতিকে তিনি বুঝিয়ে বলেছিলেন “মা, পড়াশোনাটা ম্যাডিসনাল। প্রত্যেক মেয়েকেই একদিন সংসার ক’রতে হয়; তুমিও আমাদের অবাধ্য হবে না, এইটুকুই আমরা তোমার কাছে আশা করি। তা’ছাড়া তোমার এবং আমাদের ইচ্ছানুসারে কিছুদূর তো এগিয়েছ, বাকীটুকু তুমি নিজের চালায়ে নিতে পারবে। কিন্তু সবই যে আকাশকুসুমের মত শূন্যে মিলিয়ে যাবে, তখন কি সে তা জানতো? প্রণতির অভিমানী চিত্ত নিজের ছঃখ চাপা দিয়ে রাখতেই চিরদিন অভ্যস্ত ছিল; তাই এ সমস্ত নিয়ে বাপ-মার কাছে কখনো সে কোনো অভিযোগ ক’রবে না ঠিক ক’রেছিল। এখানে আসবার সময় যে সব বই সে সঙ্গে এনেছিল, একদিন আবার সেগুলি বাস্তব ভেতর সমস্ত কাপড়-জামার নীচে চাপা দিয়ে রেখে, গভীর দীর্ঘনিশ্বাস ফেলে—ভেবেছিল নিজেকে সে সংসারের ভেতর একেবারে ডুবিয়ে দিতে পারবে না কেন?

শুভরের আদেশ নীরবে মেনে-নিয়ে নিজের ঘরে ফিরে এসে প্রণতি আর একবার মনে মনে সেই প্রতিজ্ঞাই করলো। এর পর অনেক রাতে, সকলে ঘুমিয়ে পড়লে, কত দিন সে বিছানা থেকে আস্তে আস্তে উঠে আসতো। তার পর বইগুলি বের ক’রে-নিয়ে টেবলের ধারে ঘণ্টার পর ঘণ্টা কাটিয়ে দিয়ে, ভোর হওয়ার আগেই সেগুলি আবার যথাস্থানে লুকিয়ে রাখতো। হঠাৎ এক দিন প্রণতির মায়ের মৃত্যুসংবাদ এলো, এবং প্রণতির বাবা এই নিদারুণ শোকে সব ছেলে-মেয়েদের এক জায়গায় ক’রবেন ভেবে তাকেও নিতে পাঠালেন; কিন্তু প্রণতির শুভর তাকে পাঠাতে কোনমতে রাজী হলেন না; বলে দিলেন, “মা থাকতেই মেয়ে কোনো রকম শিক্ষা পায়নি; গৃহস্থ-ঘরের মেয়ে বই এবং বীণা হাতে পেয়েই খুসী! এখন বৌমাকে আমাদের সংসারের উপযুক্ত ক’রে গড়ে নিতে হ’লে বাপের বাড়ী পাঠানো একেবারেই অসম্ভব।”

প্রণতির বাবা মেয়েকে লিখে পাঠালেন, “শুনে অত্যন্ত ছঃখিত হ’লাম, মা! বিয়ের আগেও তোমাকে বলেছি, এখনো বলছি—সব বিষয়েই সীমার মধ্যে থাকা ভালো। ধারণা ছিল, তুমি বুদ্ধিমতী; আশা করি,

নিজেকে এমন ভাবে পরিচালিত ক’রবে, যেন আমাকে আর কখনো মনে কষ্ট পেতে না হয়।”

প্রণতি চোখের জল মুছে ভাবলো, মা থাকলে হয় তো ঠিক এ কথাটি বলতেন না। তাঁর অশিক্ষিত জীবনে স্বামী এবং স্বজন-বন্ধুদের কাছে যে হুর্ভোগটা ভুগতে হ’য়েছিল, তার বেদনা আর সকলে ভুলে গেলেও তিনি ভুলতে পারেন-নি বলেই—মেয়ের জীবনে তার পুনরতিনয়ন না হয়, সেজন্ত যথাসাধ্য চেষ্টা ক’রেছিলেন সকল রকম সুরোগ এবং সুরিধা দিয়ে। কিন্তু সংসারের যে আরও একটা রূপ আছে, তাঁর বেদনার্ত্ত হৃদয় হয় ত সে কথা কোন দিনও ভাবতে পারেনি। প্রণতির স্বামী ছিলেন অত্যন্ত নিরীহ এবং শান্তিপ্ৰিয় মানুষ। পারিবারিক কোনো ব্যবস্থার হাত দেওয়া সম্বন্ধে তাঁর অভ্যাস এবং প্রবৃত্তি হু’য়েরই অভাব ছিল। দিনের অধিকাংশ সময় কাজ-কর্মের বাইরে কাটিয়ে এসে এ সকল অভিযোগ অসুযোগ শুনতে রাজী ছিলেন না বলেই বুদ্ধিমানের মত সকলকেই তিনি এড়িয়ে চলতেন। তিনি গভীর প্রকৃতি লোক; এজন্য এ সব কথা কেউ তাঁর কাণেও ভুলত না। আর প্রণতির মত মেয়েরা যে কাউকে কোন অভিযোগ জানাবে না, সকলেই এ কথা জানতো। রাজি-কালে সকলের অগোচরে লুকিয়ে লেখাপড়ার চর্চাও তার বেশী দিন চললো না। প্রণতির স্বামী হঠাৎ একদিন তার পাঠানুরাগের কথা জানতে পারলেন। সংসারের কাজ শেষ ক’রে যথাসময়ে সে শয়ন-কক্ষে প্রবেশ ক’রলে সেই পতি-দেবতাটি প্রণতিকে শুনিয়ে দিলেন, “এ বাড়ীতে যখন এ-সব চলবেই না, তখন অকারণে সকলের সহানুভূতিতে বঞ্চিত হওয়া আমি ভাল মনে করি-নে। আর অত বাড়াবাড়ি ক’রেই-বা লাভটা কি?”—স্বামীর এই কঠোর মন্তব্যের কোন প্রতিবাদ না ক’রে প্রণতি পরদিন থেকেই লেখাপড়ার অভ্যাস ত্যাগ ক’রল। স্বামীর আদেশ তো বটেই, তাছাড়া সারাদিন সংসারের পরিশ্রমের পর রাজি-জাগরণের ক্লান্তিতে শরীরও ক্রমশঃ অসল হ’য়ে উঠেছিল।

আগে মাঝে-মাঝে গভীর রাজিতে যখন কি একটা অব্যক্ত বেদনার প্রণতি বিছানায় প’ড়ে ছট্-ফট্ ক’রতো তখন সে শয়ন-কক্ষ ত্যাগ ক’রে, তার অসজ্ঞাত ধূলিধূসর সেতারটি সযত্নে হাতে তুলে নিয়ে নিঃশব্দে ছাতে গিয়ে ব’সতো। নিস্তর রাজির সুগভীর প্রশান্তির মধ্যে তার

সেতারের স্বর কি এক অপূর্ব ছন্দে বেজে উঠতো, এবং তার মধুর ধ্বনি দূর-দূরান্তে প্রতিধ্বনিত হ'য়ে নৈশ স্তব্ধতার বিলীন হতো। অন্ধকারাচ্ছন্ন স্তব্ধ আকাশের দিগন্তবিস্তৃত নীলিমার পানে অপলক নেত্রে চেয়ে থেকে যখন সে গোপন হৃদয়ের রুদ্ধ স্বর ধীরে ধীরে উদঘাটিত ক'রত, তখন সে বুঝতে পারতো, তার অতীত জীবনের অব্যক্ত বেদনা সেই নৈশ প্রশান্তির মধ্যে প্রকাশের পথ খুঁজে পেয়েছে; কিন্তু লেখা-পড়ার অভ্যাগ ত্যাগ করবার সঙ্গে সঙ্গে সে এই অভ্যাগও ত্যাগ ক'রল। তার সঙ্কল্প হ'লো, নিজের জীবন ভেঙ্গে সে নূতন ক'রে গ'ড়ে তুলবে—যেন তার আজন্মের এ নিত্য-পরিচিত জীবনকে আর কখনো খুঁজে না পাওয়া যায়! এই ভাবে কিছুদিন কাটাবার পর সে সংসারের ঘূর্ণিপাকে প'ড়ে সত্যিই কোথায় একেবারে তলিয়ে গেল!

বছর-চারেক পরে একদিন প্রণতির বাবা মেয়েকে দেখতে তার খণ্ডরবাড়ীতে উপস্থিত হ'লেন। আসবার সময় প্রণতিকে উপহার দেবার জন্ত তিনি কয়েকখানা ভাল বই কিনে এনেছেন দেখে প্রণতি ম্লান হাসিতে ওষ্ঠ রঞ্জিত ক'রে ব'লল, “আমি কি এখনও সেই আগেকার মতন ছেলে-মানুষটি আছি, বাবা! দেখছ না, এতো বড় সংসার, খণ্ডর, ভাণ্ডর, তাঁদের সেবাতেই আমি ব্যস্ত; ওসব পড়বার আর আমার সময় কোথায়?”—কথাগুলি সে অত্যন্ত হালকা ভাবে বলবার চেষ্টা ক'রলেও কথা শেষ করবার সময় যেন তার কণ্ঠস্বর একটু কঁপে উঠলো; তা দমন করা তার অসাধ্য হলো। গলাটা তার কেমন-যেন হঠাৎ ভারী হ'য়ে উঠলো, এবং চক্ষু-জু'টিও অশ্রুভারে যেন ছল-ছল ক'রতে লাগলো; সেই উচ্ছ্বসিত অশ্রু দমন করা তার পক্ষে কঠিন হ'লো। প্রণতির বাবা তার এই বিচলিতভাব লক্ষ্য ক'রলেন না; তার ব্যথিত হৃদয়ের অভিমানটুকুও ধ'রতে পারলেন না। তিনি কিঞ্চিৎ অপ্রতিভ-হাস্তে ক্ষণকাল স্তব্ধভাবে ব'সে-থেকে জিজ্ঞাসা ক'রলেন, “তাহ'লে বেশ সুখেই তো সংসার করচিস্ মা?” প্রণতি অল্প দিকে মুখ ফিরিয়ে চলে যেতে যেতে ব'লল, “হ্যাঁ বাবা, সুখেই আছি।” সুখে আছি—এ ছাড়া আর কি বলবার আছে? বইগুলি নিয়ে একটু নাড়াচাড়া ক'রতে ক'রতে সে ভাবলো, মিথ্যে মায়ার এগুলোকে আর জড়িয়ে লাভ কি? তখনি দেওর ননদদের ডেকে সেগুলি বিতরণ ক'রে যেন সে নিখাস

ফেলে বাঁচলো; তার পর সংসারের কাজে যোগ দিতে চ'ললো। ছ'-এক দিন পরে প্রণতির বাবা কল্লার নিকট বিদায় নিয়ে নিজের কাজে চ'লে গেলেন। তিনি তাঁর অশাস্ত অবাধ্য মেয়েটির সংসারাসক্তির পরিচয় পেয়ে খুসী হ'লেন বটে, কিন্তু তাঁর মেয়ের এই পরিবর্তন তাঁর এতই অস্বাভাবিক মনে হ'ল যে, বুকের ভিতর তিনি কি যেন একটা অব্যক্ত বেদনা অনুভব ক'রতে লাগলেন; অথচ তার ঠিক কারণটি তিনি আবিষ্কার ক'রতে পারলেন না।

প্রণতি তার সংসারের কাজে ডুবে রইল, আর সংসার তার আবালায় ঘনিষ্ঠভাবে পরিচিত জীবন হ'তে তার সকল বৈচিত্র্য মুছে ফেলবার আয়োজনে প্রবৃত্ত হ'ল।

\* \* \* \*

পঁচিশ বছর পরের কথা।

এই দীর্ঘকালে প্রণতির সংসারের অনেক পরিবর্তন হওয়াই স্বাভাবিক, এবং হ'য়েছেও তাই। তার খণ্ডর, এবং গুরুজনদের আরও কেউ কেউ অনেক দিন আগেই সংসারের খেলা শেষ ক'রে পরপারে যাত্রা ক'রেছিলেন। আর বারা সেই সংসারে ছিল, তারাও জীবন-নদীর কূলে এসে দাঁড়িয়েছে। প্রণতির স্বামী সরকারী আজ থেকে অবসর নিয়েছিলেন। তিনিও বছর-দুই আগে প্রণতির হাতের নোয়া ও সিঁথির সিঁদূর ঘুচিয়ে দিয়ে নিত্যধামে চ'লে গেছেন। প্রণতির ছুটি ছেলে। ছোটটি এখনো কলেজ ছাড়েনি। বড় ছেলে ইঞ্জিনিয়ার। অনেক টাকা তার বেতন। গাড়ী, বাড়ী, ধনাঢ্য গৃহস্থের কোন আড়ম্বরেরই অভাব নেই। ইঞ্জিনিয়ার তার মা-বাবাকে প্রায় বছর-পাঁচেক আগে কলকাতায় নিয়ে এসেছিল। প্রণতির মেয়ে একটি; মাস-চারেক আগে কলকাতাতেই তার বিয়ে হ'য়ে গেছে। এতদিন মেয়েটি মায়ের কাছেই ছিল, দিন-কয়েক আগে সে খণ্ডরবাড়ী গেছে। ছেলে-মেয়েরা অত্যন্ত মাতৃভক্ত। মায়ের আদেশ পালনে তাদের বিন্দুমাত্র ক্রটি নেই। প্রণতিও প্রাণপণে ছেলে-মেয়েদের আদর-বহ্ন করে। কিন্তু সংসারে কোন অভাব না থাকলেও প্রণতি প্রতিজ্ঞা ক'রেছিল—তার মেয়ে পরাগকে কখনো গান শিখতে দেবে না। তার সেই অটল প্রতিজ্ঞা কোন দিন ভঙ্গ হয়নি। স্কুল-কলেজে তার শিক্ষাদানেও প্রণতির দারুণ আগ্রহি ছিল। পরাগের

চোখের জলেও মায়ের সঙ্কল্প টলেনি। ছেলেরা বিস্তর অহুন্নর বিনয় ক'রেও মায়ের অহুমতি না পেয়ে তাঁর অমতেই পরাগকে স্কুলের ম্যাট্রিক ক্লাশ পর্যন্ত রেখেছিল; শেষে তার স্কুলের শিক্ষা শেষ হবার পূর্বেই মায়ের পীড়াপীড়িতে তারা তার বিয়ে দিতে বাধ্য হ'লো। মায়ের এ-রকম অকারণ বিরোধিতার ছুঃখিত হ'য়ে তারা তাঁর এই অদ্বুত গোঁড়ামীর কারণ জানতে আগ্রহ প্রকাশ ক'রেছিল, কিন্তু প্রগতি স্পষ্ট কিছু ব'লতো না, কেবল ব'লতো তোদের আর কোনো ইচ্ছাতেই তো আমি বাধা দিইনি, কিন্তু মেয়েকে ভবিষ্যতে যেন আমার মত ভুগতে না হয়, তারই ব্যবস্থা আমি গোড়া থেকে ক'রে রাখতে চাই।

পরাগের সংস্কারগত সুর-জ্ঞান ছিল, এজন্য ভায়েরা বহু-বার মাকে বোঝাবার চেষ্টা ক'রেছে, সঙ্গীত-চর্চার সুযোগ পেল না ব'লে পরাগ নিজেও বহু অহুযোগ অভিযোগের সঙ্গে এ-যুগের মেয়েদের অনেক দৃষ্টান্ত দেখিয়েছে; কিন্তু সকল চেষ্টাই বিফল হ'য়েছিল। ছেলেরা মায়ের অমতে একটা ইচ্ছা পূর্ণ ক'রে অতটর ওপর আর জোর দিতে সাহস করেনি। পরাগের এক বান্ধবী চমৎকার সেতার বাজাতে পারতো। স্কুলের জয়ন্তী-উৎসবে গীত-বাণের আসরে সে সেতার বাজিয়ে শ্রোতাদের মুগ্ধ ক'রেছে দেখে পরাগের সুপ্ত পিপাসা আবার প্রবল হ'য়ে উঠলো। পরদিন থেকে সে স্কুলের ছুটির পর বান্ধবীর কাছে সেতার শিখতে লাগলো। মায়ের হাতের গুণ যেন সংস্কার-বশে সে লাভ ক'রেছিল। দুই এক দিনের সাধনায় তার পরিচয় পেয়ে পরাগের বান্ধবী খুশী হ'য়ে ব'ললো, “আমার চেয়েও তোমার হাত মিষ্টি, ভাই! আগামীবার স্কুলের বার্ষিক উৎসবে তোমাকেই বাজাতে হবে।”—পরাগ বাজাবে কি না ভাবছে, এমন সময় প্রগতি কথাটা জানতে পেরে অত্যন্ত ব্যথিত হ'লো। তার আপত্তি বুঝতে পেরে পরাগ সেতার-বাজানো ছেড়ে দিল; কিন্তু মায়ের ব্যথা কোথায়, তা সে জানতে পারল না। আরও কয়েক মাস পরে বনিয়াদী ঘরের সুপাত্রের সঙ্গে পরাগের বিয়ে হ'য়ে গেলো। বিয়ের পর পরাগ মায়ের কাছে মাস-চারেক ছিল, তার সেই অবসরে স্বামীর অহুমতি নিয়ে ম্যাট্রিক পরীক্ষাটা সে দিয়ে ফেললো। খণ্ডর-বাড়ীর মত আছে শু'নে প্রগতিও বিশেষ আপত্তি ক'রলো না। কল বেকলে দেখা গেল, পরাগ বেশ কৃতিত্বের

সঙ্গেই উত্তীর্ণ হয়েছে। আরো দিন কয়েক থেকে তাকে খণ্ডর-বাড়ী চ'লে যেতে হ'লো। প্রগতি ব্যাকুল হৃদয়ে তাকে নানা রকম উপদেশ দান ক'রলো। নিজের জীবনের তিস্তম অভিজ্ঞতা স্বরণ হওয়ার তার মন আশঙ্কা ও উদ্বেগে বিচলিত হ'য়ে উঠল। পরাগ মাকে নিশ্চিত থাকতে ব'লে নানা রকমে সাঙ্ঘনা দিয়ে গেল। কিন্তু বিধাতার বিধান মানব-বুদ্ধির অগোচর! পরাগের পায়ের ধুলো তার খণ্ডরবাড়ীতে পড়বার সঙ্গে সঙ্গে সেখানকার হাওয়াও যেন বদলে গেল।

এক দিন সন্ধ্যাকালে প্রগতি বারানায় ব'সে শুপুরি কাটছিল; জামাই অমিতাভ তার সম্মুখে এসে হাসিমুখে প্রণাম ক'রে সজ্জ ভাবে বললো, “পরীকে বাবা আজ কলেজে ভর্তি ক'রে দিয়েছেন। তাঁর ইচ্ছে, ও আরো কিছু-দূর পড়ুক।”—প্রগতি আশ্চর্য হ'য়ে গেল; বিধাতা সত্যই কৌতুকময়! যাবার সময় অমিতাভ প্রগতিকে তাদের বাড়ীতে যাবার জন্য তার মায়ের পক্ষ থেকে বারংবার অহুরোধ জানালো।

দিন-দশেক পরে প্রগতি ছোট ছেলেটিকে সঙ্গে নিয়ে পরাগের খণ্ডরবাড়ী বেড়াতে গেল। তখন সন্ধ্যা অতীত-প্রায়। প্রগতি অন্তরমহলে প্রবেশ ক'রতেই সেতারের সুমিষ্ট সুর তার কাণে যেন মধু-বর্ষণ ক'রলো। সেতার শু'নে সে একেবারে অভিভূত হ'য়ে পড়লো। দোতলার সিঁড়িতে উঠে সে স্তব্ধ ভাবে দাঁড়িয়ে রইলো। এক পাশে তার ছোট ছেলে, অন্য পাশে অমিতাভ রেলিঙ খ'রে দাঁড়িয়ে সেই পরম তৃপ্তিকর সুর-মাধুর্য্য কাণ পেতে উপভোগ ক'রতে লাগলো। ঘরের দরজার গাঢ় বেগুনী-রঙের পর্দা বাতাসে মৃহ মৃহ হুলছে। মাঝখানে একটা ইঞ্জি-চেরারের ওপর পরাগের খণ্ডর চোখ ব'লে শুয়ে আছেন। এক পাশে পরাগের শাণ্ডী একটা বেতের মোড়ায় উপবিষ্ট; পাশে তাঁর ছেলেমেয়েরা কার্পেটের ওপর এখানে-ওখানে আনন্দোদ্ভাসিত মুখে স্থির ভাবে ব'সে আছে। পরাগ খণ্ডরের পায়ের কাছে ছোট একটা গালিচার আসনে ব'সে নিবিষ্টচিত্তে সেতারে বহুর দিচ্ছে। তার অনবগুণ্ঠিত মুখে, সুদীর্ঘ মুক্ত কেশদামে টেবিলস্তিত নীল আলোর উজ্জল রশ্মি প্রতিকলিত হচ্ছে। বাজনা থামতেই পরাগের খণ্ডর আবেগ-বিহ্বল স্বরে ব'লে উঠলেন, “মা, তোমার বুড়ো ছেলের

অল্পরোধ, এই গানটি তুমি আর একবার বাজাও। তোমার হাতের মিষ্টি বাজনা আমি ত আর কোন দিন শুনি নি। অমিতের কাছে শুনেছি, তোমার মাও কোনে দিন শোনেন নি। এ শুনে তিনি হয় ত ভারী খুশী হবেন।” পরাগের সেতার আবার ঝঙ্কার দিয়ে উঠলো। প্রণতির মনে হ’ল, সে যেন তার অতীতকালের তরুণ জীবনে ফিরে গেছে। ঘরে ব’সে যে সেতার বাজাচ্ছে—ও যেন পরাগ নয়, ও যেন পঁচিশ বছর আগেকার সেই বঞ্চিতা, ক্ষুধিতা, আশাহতা, অভিমানিনী প্রণতি! ইজিচেয়ারে উপবিষ্ট ঐ সৌম্য শাস্ত্র বুদ্ধের অকুণ্ঠ আশীর্ষচন যে মেয়েটির জীবনে আলোকের স্রোত প্রবাহিত ক’রেছে, সেও যেন তার আদরিণী পরাগ নয়। প্রণতি অমিতাভের মাথায় নীররে হাত বুলাতে লাগলো। পরাগের সেতার তখন কল-কাকলীতে মুগ্ধ হ’য়ে উঠেছে, যেন তা দেবমতার কোন নৃত্যকুশলা নর্তকীর অশ্রাস্ত নূপুর-ধ্বনি।

বর্ষার আতটজলপূর্ণ প্রবাহিনীর বোচিবিকোভ-চঞ্চল

তরুণের স্মরণ সেই সুর-লহরীতে ভেসে আসছিল কেবলই সেই ধ্বনি—“জাগো সুন্দর, জাগো সুন্দর, জাগো হে জীবন-দেবতা, রিক্ত তবু ভরিয়া-উঠে তব নীরব ব্যাকুলতা।” প্রণতির ঠোঁট কাঁপছে, চোখের জলে দৃষ্টি ঝাপসা হ’য়ে এসেছে। সে মনে মনে বার বার বলছে, “জীবন-দেবতা জাগো! পঁচিশ বছর আগে এক অভাগা মেয়ের যে অর্ঘ্য ধূলার মিশে স্নান হ’য়েছিল, আজ আবার তার স্নেহের নন্দিনীর হাত থেকে সেই অর্ঘ্য তুমি গ্রহণ ক’রে তাকে স্মৃতি কর, তৃপ্ত কর, ধন্ত কর।” প্রণতির ছোট ছেলে ছুই হাতে মায়ের হাত ধ’রে উচ্ছ্বসিত স্বরে ব’লল, “চলো মা, আজ আমরা এখান থেকেই বাড়ী ফিরে যাই।”

প্রণতি পূর্ণ হৃদয়ে আবেগকম্পিত বকে অস্ত্রের অলক্ষ্যে ধীরে ধীরে সিঁড়ি দিয়ে নীচে নামলো। সে জীবনে কোনও দিন এ আশা ক’রতে পারেনি যে, তার অসুন্দেবতা তার অস্ত্রের কামনার কর্ণপাত ক’রেছিলেন।

শ্রীআশা রায়।

## বিস্মার্কের স্মৃতি-ফলক

[ বিস্মার্কের সমাধি-শিলার কোদিত ]

শুণী সত্রাট উইলহেমের ভৃত্য ছিলাম আমি,  
বন্ধু ছিলাম, পুত্র ছিলাম, জানেন অস্বর্য়ামী।  
জার্মানী হ’ল মহিমান্বিত নামের সঙ্গে তাঁরি,  
একতা আসিয়া করিল জাতিরে মর্যাদা অধিকারী।  
ভূবন ভরিয়া সুবশ আসিল, হেথা বাহুল্য বলা,  
নূতন জীবন, নব সাহিত্য, নবীন শিল্পকলা।  
বিদায়ের কালে মহামনা তাঁর পুণ্য স্মৃতি স্মরি,  
আমি যে তাঁহার ভৃত্য ছিলাম সেই গৌরব করি।

আমার মূল্য তুমি কি বুঝবে? ধ্বংসের পথে ধাও—  
পূজ্য পূজার ব্যতিক্রমেই গূঢ় আনন্দ পাও।  
তোমার দম্ভ, আক্ষালন, আর তোমার প্রগল্ভতা,  
জীবনেও হার দিয়াছে তাঁহারে মরণ অধিক ব্যথা,  
বহুধারে ভাগবাসিতে যে হয় জাতিরে করিতে বড়,  
নীতিজ্ঞ নয় কপট যে শুধু কলহ বাধাতে দড়।  
তুমি ত কেবল কর্ণেতে দেখ, বেষ্টিত চাটুকারে,  
কামনা এবং কামান্ কখনো বড় কি করিতে পারে?

সমাধির এই পাষণ-ফলক বলিছে জাতিরে ডাকি,  
করেছি যে কাজ বিচার করিও, অনেক রহিল বাকি।  
গড়িয়া তুলেছি বিরাত সৌধ ধন্ত নিজেকে মানি,  
দিয়াছি জাতিরে নব আদর্শ অস্ত্র আশার বাণী।  
অধিক সবল বৃহৎ উজল হটক মোদের ভূমি,  
জীবন যেখার আমি আনিয়াছি, মরণ এনো না তুমি  
সমাধির লিপি সজল নয়নে চাহিতেছে বার বার,  
আমার দীনতা এ কেনো তোমার বিধির তিরস্কার।

শ্রীকুমুদরঞ্জন মল্লিক





## বৈষ্ণবমত-বিবেক



### চতুর্থ অধ্যায়

#### শ্রীবৃন্দাবনে শ্রীজীব

শ্রীবৃন্দাবন তখন ভক্তগণের সমাগমে প্রেমভক্তির মহাশক্তিশালী সাম্রাজ্যের প্রধান শাসনকেন্দ্রে পরিণত হইয়াছে। শ্রীচৈতন্যদেবের কৃপাপ্রাপ্ত বৈরাগ্যের মূর্তি লোনাথ ও ভূগর্ভ শ্রীমন্ মাধবেন্দ্রপুরী গোস্বামীর শিষ্য গোবর্দ্ধনের শ্রীগোপালের সেবাইত দুই জন গোড়ীয় বৈষ্ণব ব্রাহ্মণ, সুবিখ্যাত শ্রীসনাতন গোস্বামী ও শ্রীরূপ গোস্বামী, ইহাদের অল্প এক জ্ঞাতি-ভ্রাতৃপুত্র রাজেন্দ্র, ভক্তপ্রবর মধু পণ্ডিত— ইহারাষ্ট বৃন্দাবনের মূল প্রতিষ্ঠিত করিয়াছিলেন। ইহার পর মহাপ্রভু শ্রীচৈতন্যদেবের কৃপাদেশপ্রাপ্ত শ্রীল গোপাল ভট্ট গোস্বামী, শ্রীল রঘুনাথ ভট্ট গোস্বামী ও শ্রীল কাশীশ্বর গোস্বামী শ্রীবৃন্দাবনে আসিয়াছেন। মহাপ্রভুর লীলা-সম্বরণের পর বৈরাগ্য ও ভজন-নিষ্ঠার জীবন্ত প্রতীক স্বরূপ গোস্বামীর প্রিয়তম শিষ্য “গোড়কায়স্থ-কুলভাস্কর” পরমভাগবত \* শ্রীল রঘুনাথ দাস গোস্বামীও তখন শ্রীবৃন্দাবনধামে উপস্থিত; শ্রীল কৃষ্ণদাস কবিরাজ গোস্বামী, বিষ্ণু হারদাস, উদ্ধবদাস, মাধবাচার্য্য, ষাটবাচার্য্য গোস্বামী, ভূগর্ভ গোস্বামীর শিষ্য চৈতন্যদাস, গোপালদাস, নারায়ণদাস, পণ্ডিত হরিদাস, কাশীশ্বর গোস্বামীর শিষ্য গোবিন্দ গোস্বামী, মুকুন্দানন্দ চক্রবর্তী, শিবানন্দ চক্রবর্তী, প্রেমী কৃষ্ণদাস, গুণরীকাক, ঈশান, ষাটব গোস্বামী প্রমুখ প্রভাবী ভক্তবৃন্দ তখন শ্রীবৃন্দাবনধামের মলকারস্বরূপ বিবাজিত। এতদ্ব্যতীত শ্রীবৃন্দাবনধামরূপ শ্রীরাধিকার অন্তঃপুরের দ্বারপালরূপে বৃন্দ ববীয়ান্ সুবুদ্ধি রায় তখন মথুরাধামে অবস্থান করিতেছিলেন। ঐ সময়ে শ্রীবল্লভ ভট্ট ও তাঁহার গুণবান্ ভক্তপুত্র শ্রীবিঠলনাথ গোবর্দ্ধনপর্বত সমীপে গাঠুলিগ্রামে আশ্রম স্থাপন করিয়া বাস করিতেছিলেন। † বিঠলনাথ শ্রীচৈতন্যদেবকে নিরতিশয় ভক্তি করিতেন। শ্রীগোড়ীয় বৈষ্ণবগণের প্রতিও তাঁহার অসাধারণ শ্রদ্ধা ছিল। তখনও গোড়ীয় সম্প্রদায়, বল্লভ-সম্প্রদায়, নিম্বার্ক-সম্প্রদায়ের মধ্যে সাধন-ভজন প্রণালীর পার্থক্য ভিন্ন অল্প ক্ষেত্রে সাম্প্রদায়িক সংকীর্ণতা বা ষাটবুদ্ধি পরিলক্ষিত হইত না। মহাপ্রভুর পরমপ্রিয়পাত্র বেকট ভট্টের সহোদর ভ্রাতা শ্রীসম্প্রদায়ে লকদীক্ষ শ্রীল গোপাল ভট্ট গোস্বামীর গুরু ও পিতৃব্য শ্রীমৎ প্রবোধানন্দ সরস্বতীও ঐ সময়ে

\* শ্রীসনাতন গোস্বামী শ্রীহরিভক্তিবিলাসের ‘দিগ্দর্শিনী’ টীকায় ১ম বিলাসের দ্বিতীয় স্লোকের ব্যাখ্যায় লিখিয়াছেন—“শ্রীরঘুনাথদাসো নাম গোড়কায়স্থকুলভাস্করঃ পরমভাগবতঃ পরমভাগবতঃ”।

† শ্রীবিঠলনাথ বা বিঠলেশ্বর গাঠুলিগ্রাম শ্রীচৈতন্যদেবের নিগৃহ স্থাপন করিয়াছিলেন। পরবর্তীকালে যখন শ্রীনিবাস ও নবোত্তম ষাটব গোস্বামীর সহিত শ্রীভক্তমণ্ডলদর্শনে বহির্গত হন, তখন গাঠুলিগ্রামে তাঁহারা এই বিগ্ৰহ দর্শন করেন।

শ্রীবৃন্দাবনে আগমন করিয়াছেন। ইনি উক্তকালে “শ্রীচৈতন্য-চন্দ্রামৃত” “শ্রীবৃন্দাবনশতকং” “শ্রীরাধারসমুদানিধি” প্রমুখ গ্রন্থসমূহ প্রণয়ন করিয়া শ্রীচৈতন্যদেবের প্রতি তাঁহার ঐকান্তিক নিষ্ঠা ও ও তৎপ্রদর্শিত সাধনবয়ে তাঁহার অসীম অমুরাগ প্রদর্শন করেন।

যখন শ্রীবৃন্দাবনের গৌরবশ্রী এইরূপ সুপরিষ্কৃত, যখন গোবর্দ্ধন-নাথ শ্রীগোপালদেব, শ্রীগোবিন্দদেব, শ্রীমদনমোহন ও শ্রীগোপীনাথ ভক্তগণকে কৃপা করিবার জন্য প্রকট হইয়া শ্রীবৃন্দাবনকে অলঙ্কৃত করিয়াছেন, যখন এই ভক্তিসাম্রাজ্যের অধীশ্বর অমুপমকীর্তি শ্রীরূপ সনাতন প্রেমভক্তি রস ও সিদ্ধাস্তমূলক গ্রন্থ প্রণয়নে আত্মনিয়োগ করিয়াছেন—সেই শুভ সময়ে শ্রীকৃষ্ণচৈতন্যদেব প্রকটলীলা সম্বরণ করিয়া তাঁহার অপ্রকট নিত্যলীলায় শ্রীবৃন্দাবনে আগমন করিলেন। তিনি জগদানন্দ পণ্ডিতের দ্বারা শ্রীসনাতনকে এই সংবাদ পাঠাইয়া-ছিলেন; যথা—

“আমিও আসিতেছি—কহিও সনাতনে।

আমার তরে এক স্থান যেন করে বৃন্দাবনে।

—চৈঃ চৈঃ অস্ত্য। ১৩ পরিচ্ছেদ।

শ্রীচৈতন্যদেব প্রকট লীলার কথা না বলিয়া ইহার দ্বারা অপ্রকট লীলা প্রসঙ্গেরই ইঙ্গিত করিয়াছিলেন। শ্রীরূপ-সনাতন এইজন্মই পুরীতে শ্রীচৈতন্যদেবের অন্তর্ধানের কথা শুনিয়াও ধীর প্রশান্ত হৃদয়ে মহাপ্রভুর আদেশানুযায়ী শ্রীবৃন্দাবনে শাস্ত্রপ্রচার, লুপ্ততীর্থ উদ্ধার প্রমুখ বিবিধ কার্য্য সম্পাদনে সমর্থ হইয়াছিলেন। এইজন্মই শ্রীশ্রীপুরীধামে মহাপ্রভু লীলাগোপন করিলে শ্রীল রঘুনাথদাস গোস্বামী শ্রীরূপ সনাতনকে দর্শনের পর শ্রীবৃন্দাবনে গোবর্দ্ধন পর্বত হইতে ভূতপাতের দ্বারা প্রাণত্যাগের সঙ্কল্পেই শ্রীবৃন্দাবনে আসিয়া-ছিলেন; সেই দাসগোস্বামীকে শ্রীরূপ সনাতন শ্রীবৃন্দাবনে শ্রীল মহাপ্রভুর অপ্রকট নিত্যলীলা উপলক্ষি করাইয়া সেই সঙ্কল্প ত্যাগ করাইতে সমর্থ হইয়াছিলেন। এই অপ্রকট নিত্যলীলার স্বরূপ কি, তাহা মথুরী ভক্তগণেরই অল্পভবগম্য এবং সাধকগণের অসুমান-সাধ্য।

শ্রীমদমহাপ্রভুর বিষয়গব্যথায় শ্রীজীব অত্যন্ত দুঃখভারাক্রান্ত-হৃদয়ে অক্ষপূর্ণলোচনে তাঁহার পিতৃব্যুষের শ্রীচরণে সমাগত হইলেন। পরম দয়ালু শ্রীসনাতন ও শ্রীরূপ তাঁহার গভীর দুঃখ হৃদয়ঙ্গম করিলেন। শ্রীমদমহাপ্রভু শ্রীচৈতন্যদেবের প্রতি শ্রীজীবের এই প্রকার অসাধারণ ভক্তির পরিচয় পাইয়া তাঁহাকে পরম প্রীতি-ভরে আলিঙ্গন করিলেন, এবং তাঁহাকে সাহসনাদান করিয়া শ্রীমদমহাপ্রভুর অলৌকিক লীলার কথা, এবং সেই লীলা যে বস্তুতঃ শ্রীশ্রীরাধা-গোবিন্দের লীলারই নিগূঢ় বহুস্তে পরিপূর্ণ, ইহাও বুঝাইতে লাগিলেন; এবং এই সকল উপদেশ ফলপ্রসূ করিবার উদ্দেশ্যে অতঃপর শ্রীল সনাতনের আদেশে শ্রীরূপ গোস্বামী শুভক্ষণে শ্রীজীবকে ‘মন্ত্ররাজ’ দীক্ষাদান করিলেন। দীক্ষাদানের পর সাধনাজ ভক্তির

আবির্ভাবে শ্রীজীব অচিরকাল মধ্যে অভীষ্টলাভে সমর্থ হইলেন। এইরূপে তিনি শ্রীকৃষ্ণের নিকট আবার সমগ্র ঋতি স্মৃতি এই নূতন অভিজ্ঞতার আলোকে অধ্যয়ন করিতে লাগিলেন।

শ্রীজীব শ্রীবৃন্দাবনে আসিলেই শ্রীসনাতন ও শ্রীকৃষ্ণ শ্রীবৃন্দাবনের সকল ভক্তের সহিত তাঁহার পরিচয় করাইয়া দিলেন। শ্রীবৃন্দাবনের সর্বজনশ্রদ্ধেয় শ্রীমদ্ভাগবতের অধ্যাপক শ্রীভাগবতমূর্তি শ্রীচৈতন্যদেবের কৃপাদেশে যিনি সর্বশ্ব ত্যাগ করিয়া শ্রীভাগবতকে জীবনের একমাত্র সঙ্গরূপে বরণ করিয়া লইয়াছিলেন—নীলাচলে শ্রীলগ্নদাধর পণ্ডিত গোস্বামীর যিনি প্রিয় ছাত্র—সেই শ্রীলগ্নদাধর ভট্ট গোস্বামীর নিকট শ্রীজীব সর্ববেদান্তসার শ্রীমদ্ভাগবত পড়িতে লাগিলেন। কাশীধামে শ্রীল প্রকাশানন্দ সরস্বতীর সভায় যেভাবে স্বয়ং ভগবান জগদগুরু শ্রীচৈতন্যদেব ব্রহ্মসূত্র ব্যাখ্যারূপে শ্রীভাগবত-দর্শন ব্যাখ্যা করিয়াছিলেন—শ্রীলগ্নদাধর ভট্ট গোস্বামী ও শ্রীল সনাতন গোস্বামী তাহা শুনিয়াছিলেন। ঋতিধর কুমার ব্রহ্মচারী শ্রীলগ্নদাধর ভট্ট গোস্বামীর নিকট শ্রীজীব সেই অপূর্ণ ব্যাখ্যা শুনিতে লাগিলেন ও সেই ব্যাখ্যার আলোকে শ্রীমদ্ভাগবত পাঠ করিতে লাগিলেন—এবং যিনি স্বপ্নে শ্রীভাগবত প্রাপ্ত হইয়া যৌবনের প্রারম্ভ হইতে অনবরত শ্রীভাগবতালোচনায় তদন্তপ্রাণ তোষণী টীকা বিরচনে ব্যাপৃত, সেই জ্যেষ্ঠতাত শ্রীকৃষ্ণ গুরু শ্রীল সনাতন গোস্বামীর নিকটও সেই রসতত্ত্ব ও ভক্তিসিদ্ধান্তপূর্ণ ব্যাখ্যা আশ্বাদন করিয়া তোষণী টীকা রচনার সাহায্য প্রবৃত্ত হইলেন। এই সঙ্গে অগ্ৰাঙ্গ সম্প্রদায়ের পূর্বাচাধ্যক্ষ ব্রহ্মসূত্রের যে ভাষ্য বা টীকা রচনা করিয়াছিলেন, শ্রীজীব ইহাদের নিকট তাহারও আলোচনা করিতে আরম্ভ করিলেন। অগ্ৰাঙ্গ বৈষ্ণব সম্প্রদায়ের টীকাকারগণ শ্রীমদ্ভাগবতের যে টীকা রচনা করিয়াছিলেন, তাহারও এই সঙ্গে আলোচনা চলিতে লাগিল। এদিকে শ্রীসনাতন ও শ্রীগোপাল ভট্ট গোস্বামী একযোগে শ্রীহরিভক্তিবিনায়ক গ্রন্থ ও তাহার টীকা রচনা করিতে আরম্ভ করিলেন। বল: বাহুল্য, লেখক প্রধানতঃ এই দুই জন হইলেও সকল গোস্বামীর সমবেত আলোচনার ফলেই এই গ্রন্থখানি বিরচিত হইয়াছিল।

সুপ্রসিদ্ধ তোষণী টীকা \* রচনার সঙ্গে সঙ্গেই শ্রীল সনাতন গোস্বামীর শ্রীভাগবতামৃত গ্রন্থ ( বাহা সাধারণতঃ 'বৃহদ্ভাগবতামৃত' নামে খ্যাত ) এই সময়ে এই প্রকারে রচিত হইতেছিল। এই সময়ে শ্রীজীবকেই অধিকাংশ সময়ে লিখিবার ভার গ্রহণ করিতে হইত এবং অনেক সময়ে গোস্বামিগণের আলোচনার ফলে যে সিদ্ধান্ত স্থিরীকৃত হইত, শ্রীজীবকেই তাহার ভাষা যোগাইতে হইত। তন্ময় অবস্থায় ইহারা কোনও বিশেষ বিষয় তুলিয়া গেলে শ্রীজীবই ইহাদিগকে তাহা স্মরণ করাইয়া দিতেন। "ক্রান্ত বৃন্দান্ত" ও

\* শ্রীল সনাতন গোস্বামীর "তোষণী" টীকার প্রারম্ভ তাঁহার শ্রীবৃন্দাবনবাসের পরই হইয়াছিল। শ্রীবৃন্দাবনে সুদীর্ঘ কাল ধরিয়া ইহার রচনা ও আলোচনা চলিয়াছিল; অবশেষে ১৪৭৬ শকাব্দায় ইহার শেষাংশ সমাপ্ত হয়। সুতরাং প্রথম হইতেই গোপাল ভট্ট, শ্রীজীব, লগ্নদাধর দাস, শ্রীকৃষ্ণ ও লগ্নদাধর ভট্ট এই গোস্বামিগণের সহিত আলোচনার ও আশ্বাদনের ফলে এই টীকার উদ্ভব হইয়াছিল। শ্রীল সনাতন শেষ বয়সে এই সুবিস্তৃত টীকা শেষ করিয়া শ্রীজীবের উপর উহা সংক্ষেপ করিবার ভার প্রদান করেন।

খণ্ডিত বিষয়গুলিকে শ্রীজীবই পর্যায়বদ্ধ করিতেন। এইরূপে শ্রীজীব যুগপৎ পাঁচ গোস্বামীর সেবায় ব্যাপৃত রহিলেন।

ফলতঃ শ্রীজীবের অসীম কাব্যকমতা ও অনলস সেবাহুরক্তি তাঁহাকে শ্রীবৃন্দাবনের সর্বশ্রেণীর বৈষ্ণব ভক্তগণের নিকট বিশ্বয়োগ বস্তুরূপে পরিণত করিয়াছিল। শ্রীকৃষ্ণসনাতন যখন শাস্ত্ররচনা ব্যাপৃত থাকিয়া বাহুল্য হারাইয়া ফেলিতেন, তখন শ্রীজীব তাঁহাদের সর্ব-বিষয়ে সমাধান করিতেন।

### সাধনায় শাস্ত্র-দর্শন

অনেকে প্রশ্ন করিয়া থাকেন যে, জনশূন্য অরণ্যে শ্রীকৃষ্ণসনাতন শ্রীল গোপাল ভট্ট ও লগ্নদাধর দাস প্রমুখ গোস্বামিগণ যে গ্রন্থাবলী লিখিয়া গিয়াছেন—তাঁহারা তাত্‌কালিক শ্রীবৃন্দাবনের বনে কি প্রকারে তাহার প্রমাণস্থানীয় প্রাচীন শাস্ত্র গ্রন্থাবলী সংগ্রহ করিয়াছিলেন? এই কথার উত্তর দান করিতে গেলে শাস্ত্র-দর্শনের একটি গুঢ় তথ্য সন্ধকে আলোচনার প্রয়োজন। ইদানীং শিক্ষিত জগতে এইরূপ একটি অলৌকিক বিবরণ পাওয়া যায়। ব্রহ্মবিজ্ঞান সমিতি ( Theosophical society ) নামক সুবিখ্যাত সমিতির মূল স্থাপয়িত্রী ম্যাডাম ব্লাভাট্‌স্কি এক জন রুশদেশীয়া বিদুষী মহিলা যে ভাবে তাঁহার Secret Doctrine নামক সুবৃহৎ গ্রন্থ লিখিয়াছেন—তিনি নিজেই তাহার বিবরণ প্রকাশ করিয়া গিয়াছেন। এই বিবরণের দ্বারা জানা যায় যে, যখন কোনও বহু পুরাতন গ্রন্থের প্রমাণের আবশ্যক হইত, তখন ব্রহ্মবিজ্ঞান সমিতির পৃষ্ঠপোষক ও গুরুস্থানীয় মহাস্থানগণের কৃপায় তাঁহার নিকটে মানসজগতে ঐ সকল গ্রন্থের যে যে স্থানের প্রমাণের প্রয়োজন, সেই সেই স্থানের মানস-প্রত্যক্ষ ঘটত। ঐ অবস্থায় তাহা দর্শন করিয়াই এই সাধিকা মহিলা তাঁহার লিখিত গ্রন্থাবলীতে উদ্ধৃত প্রমাণাবলী সংগ্রহ করিতেন। সুতরাং তাঁহার এই গ্রন্থরচনায় কোনও পুস্তকাগারের প্রয়োজন হয় নাই। নিম্বার্ক সম্প্রদায়ের নিত্যধামগত সাধু সন্তদাস বাবাজী ( যিনি পূর্বাশ্রমে হাইকোর্টের স্প্রসিদ্ধ উকীল তারাকিশোর চৌধুরী নামে পরিচিত ছিলেন ) মহারাজ তাঁহার গুরু শ্রীল রামদাস কাঠিয়াবাবার জীবনচরিত লিখিবার সময়ে লিখিয়াছেন যে, সিঙ্ক-লাভের পর তাঁহার গুরুদেবেরও শাস্ত্রগ্রন্থরাজি ঐ ভাবে মানস-প্রত্যক্ষ ঘটত। বিজ্ঞান বনে ঋষিগণ এইরূপ মানস-প্রত্যক্ষ দ্বারা শাস্ত্র সন্ধকে সন্দেহের নিরসন করিতেন। এই মানস-প্রত্যক্ষ দ্বারাই বেদের মন্ত্রপ্রট্টা ঋষিগণ মন্ত্রদর্শন করিতেন। অনাদি অপৌকুষেয় বেদের বা ঋতি-মন্ত্রের এইভাবে সাক্ষাৎকার লাভ করিয়াই, ঋষিগণ তাহা জনসমাজে প্রকাশ করিয়াছিলেন।

ঋষিপ্রকাশিত শাস্ত্রের বহু স্থানেই এইরূপে শাস্ত্রজ্ঞানের উৎপত্তির কথা দেখিতে পাওয়া যায়। নিম্বার্ক স্থাপদসকুল বৃন্দাবনের বনে অবস্থান করিয়া এই ভাবেই শ্রীকৃষ্ণ ও শ্রীপাদ সনাতন তাঁহাদের গ্রন্থাবলী রচনা করিয়াছিলেন।

ব্যবহারিক জগতে অবস্থিত জীববৃন্দকে আধ্যাত্মিক জগতের উপযোগী করিবার জন্তই শাস্ত্রের প্রয়োজনীয়তা। ব্যবহারিক জগৎ ও আধ্যাত্মিক জগৎ সাধারণ জীবের নিকট স্বতন্ত্র। এই প্রতীয়মান স্বতন্ত্র জগৎদ্বয়ের সম্মিলনের সেতু শাস্ত্র। ব্যবহারিক জগৎ হইতে আধ্যাত্মিক জগতে উপনীত হইবার জন্তই এই সেতু শ্রীভগবান

কর্তৃক নির্মিত হইয়াছে। সুতরাং ব্যবহারিক জগৎ হইতে আত্মানায় বিচার বা চিন্তা বিচার অক্ষয় বা ইঞ্জিয়-সম্পর্কে জ্ঞাত জ্ঞান হইতে আরম্ভ হইয়া থাকে। শাস্ত্র এই বিচারের পথ-নির্দেশক। এইজন্ত অধোক্ক্ষ জ্ঞানভাণ্ডার সাধারণ অক্ষয় জ্ঞান-প্রায়ণ জীবের নিকট উন্মুক্ত করিতে হইলে অচিন্ত্য জ্ঞানকে একেবারে অগ্রাহ্য করা চলে না। সুতরাং জগৎ-ব্যাপারের বিচার হইতেই “জগদ্ব্যবস্থা বহুঃ” ( বাহ্য হইতে সৃষ্টি, স্থিতি ও লয় হয় ) জগতের মূলভূত জগৎদৈবের জ্ঞান আরম্ভ হইয়া থাকে। এই কারণেই ব্যবহারিক জগতের লোককে প্রমাণ প্রয়োগ দ্বারা বুঝাইবার প্রয়োজন। অচিন্ত্য বা অলৌকিক জ্ঞানকে সাধারণ বাদ বিবাদের ক্ষেত্রে টানিয়া আনিবার চেষ্টা করাও এইজন্তই উচিত নহে। পরবর্তী-কালে শ্রীজীব যখন শ্রীবৃন্দাবনের প্রেম-ভক্তি রাজ্যের সম্রাট হইলেন, তিনি তখন বিবিধ শাস্ত্রগ্রন্থ সংগ্রহ করিয়া তাঁহার পিতৃব্যধর্মের লিখিত পুস্তকের প্রমাণাবলীর মূল নির্দেশ করিয়া দিয়াছিলেন। কিন্তু লীলাভবের অনেক রহস্য শ্রীসনাতন ও শ্রীরূপকে শ্রীভগবৎ-রূপায় প্রত্যক্ষ করিয়াই লিখিতে হইয়াছিল। অনেক সময় এমন ঘটনা ঘটিত যে, একে যাহা প্রত্যক্ষ করিয়া লিখিয়াছেন, অপরের হাতে সন্দেহ উপস্থিত হইত; তখন তিনি আবার উহার সত্য, প্রত্যক্ষভবের দ্বারা বুঝিয়া, সন্দেহ ভঞ্জন করিতেন।\*

সুতরাং কেবল কাব্য, ব্যাকরণ, অলঙ্কার, ন্যায়মীমাংসাদির জ্ঞান থাকিলে চলে না। উহার অতিরিক্ত যে অন্তত্ববসিদ্ধ জ্ঞান—আর্যভূমি ভাবতববের প্রাচীন ঋষিগণের ও সিদ্ধ মহাপুরুষগণের তাহা ছিল। শ্রীরূপ ও শ্রীসনাতন শ্রীচৈতন্যদেবের রূপায়ুতে অভিবিক্ত হইয়া এই জ্ঞানের অধিকারী হইয়াছিলেন। বলা বাহুল্য, ত্যাগ ও সাধনা-প্রভাবে শ্রীরঘুনাথ দাস গোস্বামী, শ্রীগোপাল ভট্ট ও শ্রীল রঘুনাথ ভট্ট গোস্বামীও এই নিত্যসিদ্ধ অধ্যাত্ম জ্ঞানের অধিকারী হইয়াছিলেন। তাহা হইলে, শ্রীজীবও যাহাতে বহিরাবেশ ত্যাগ করিয়া এইভাবে বিভাবিত হইতে পারেন, তজ্জন্ত শ্রীরূপ ও সনাতন তাহাতে শক্তি সঞ্চারিত করিতে লাগিলেন।

শ্রীজীবকে বৈষ্ণবতার পরাকর্ষা শিক্ষা-দানের জন্ত শ্রীরূপের গায়ত্রী-সিঁইত্বী, কোমলস্বভাব ও করুণহৃদয় বৈষ্ণব মহাজনকেও সন্দেহ সময়ে শ্রীরূপ কঠোরতা অবলম্বন করিতে হইয়াছিল, শ্রীজীবের জীবনে তাহার একটি দৃষ্টান্ত পাওয়া যায়। শ্রীরূপ যখন “ভক্তি-রসামৃতসিন্ধু” গ্রন্থ লিখিতে প্রবৃত্ত, তখন শ্রীজীবের সহিত ও শ্রীপাদ সনাতনের সহিত বিচার করিয়া অল্পে অল্পে করচাকারে লিপিবদ্ধ

‘ভক্তিরত্নাকরে’ বর্ণিত আছে যে, একদা শ্রীরূপ গোস্বামী তন্নয় চিত্তে শ্রীমতী রাধিকাকে দর্শন করিয়া তাঁহার রূপ বর্ণনা করিয়া “শ্ৰীচৈতন্যপুস্তক” নামে একটি স্তব রচনা করেন। উহাতে শ্রীরাধার বর্ণনা করিয়া তিনি লিখিয়াছিলেন—“মণিস্তবকবিছোতিবেণী মণিদানফণাং।” ভুক্তিনীর ফণার সহিত শ্রীরাধার বেণীর তুলনা শ্রীরূপ সনাতন গোস্বামীর অশোভন মনে হইয়াছিল। ঐ বিষয়ে সন্দেহকুল চিত্তে অবস্থান করিবার সময় শ্রীরাধিকা ও তাঁহার সঙ্গী শ্রীরাধাকুণ্ডের সন্নিহিত কোনও স্থানে তাঁহাকে দর্শন দান করিয়া, স্বীয় বেণী দেখাইয়া তাঁহার সন্দেহের নিরসন করেন। \* আছে, এইরূপ ঘটনা আরও অনেকবার ঐ ভ্রাতৃদ্বয়ের জীবনে ঘটিয়াছিল।

করিতেছেন। কখনও নিজে লিখিতেছেন, কখনও বা নিজে বলিতেছেন শ্রীজীব লিখিতেছেন। দ্বিবারাত্রি ভক্তনের অবসরে এই কার্য চলিতেছে; কখনও বা ভক্তনের পৃথিবতে ভক্তনাক্রমে অবিরত এই কার্যই চলিতেছে। ঐ সময়ে একদা শ্রীবল্লভ ভট্ট \* শ্রীরূপের সহিত সাক্ষাৎ করিতে আসিয়া তাঁহাকে গ্রন্থ লিখিতে দেখিতে পাইলেন। প্রয়াগে শ্রীরূপ যখন শ্রীচৈতন্যদেবের পদে আত্মসমর্পণ করিয়াছিলেন, তখন বল্লভ ভট্ট এক দিন শ্রীচৈতন্যদেবকে নিমন্ত্রণ করিয়া গঙ্গার উপর পারবতী স্বীয় বাসস্থান আউল গ্রামে লইয়া গিয়াছিলেন। শ্রীচৈতন্য-চরিতামৃতের মধ্যলীলায় ঊনবিংশ পরিচ্ছেদে এই বিবরণ প্রদত্ত হইয়াছে। শ্রীরূপও ঐ সময়ে শ্রীচৈতন্যদেবের সঙ্গে বল্লভ ভট্টের নিকেতনে গমন করিয়াছিলেন। শ্রীরূপ ঐ সময়ে শ্রীচৈতন্যের উপর বল্লভ ভট্টের শ্রদ্ধা ও বল্লভ ভট্টের উপর শ্রীচৈতন্যদেবের সশ্রদ্ধ শ্ৰেণভাব দেখিয়াছিলেন। যাজ্ঞিক ও ফুলীন হইয়াও বল্লভ ভট্ট শ্রীরূপে নিষ্ঠাময়ী ভক্তি লাভ করিয়াছিলেন; এই জন্ত শ্রীরূপ বল্লভ-ভট্টকে গুরুরূপে জ্ঞান করিতেন। রূপ কি গ্রন্থ লিখিতেছেন, বল্লভ ভট্ট তাহা জিজ্ঞাসা করিলে, শ্রীরূপ “ভক্তিরসামৃতসিন্ধু” নামে যে গ্রন্থ লিখিতেছিলেন, তাহা দেখাইলেন। ঐ সময়ে শ্রীরূপ সে শ্লোকটি লিখিতেছিলেন, তাহা এই—

ভুক্তিমুক্তিস্পৃহা বাবৎ পিশাচী হৃদি বভুতে।

তাবৎ ভক্তিস্বখগাজ কথমহ্যদয়ো ভবেৎ।

ভঃ রঃ সিঃ—পূর্ব, ২য় লহরী।

অনুবাদ—

ভোগস্পৃহা ও মুক্তিস্পৃহারূপা পিশাচী বতক্ষণ হৃদয়ক্ষেত্র অধিকার করিয়া বর্তমান থাকিবে, ততক্ষণ কি প্রকারে সেট হৃদয়ে ভক্তি-স্বখের অভ্যুদয় ( আবির্ভাব ? ) হইবে ?

শ্রীরূপ এই শ্লোকটি দেখাইলে শ্রীবল্লভ ভট্ট এই শ্লোকটিতে আপত্তি করিয়া বলিলেন—“পূর্বাচার্যগণ সকলেই ভক্তিকে মুক্তির সাধিকা বলিয়া গিয়াছেন, এবং মুক্তি যে চতুর্বিধ পুরুষার্থের মধ্যে সর্বপ্রধান, তাহাও তাঁহারা নির্দেশ করিয়াছেন। শ্রুতিশিরঃ উপনিষদাদিতে নানাভাবে এই মুক্তিকেই পরমপুরুষার্থ বলিয়া স্থির করা হইয়াছে। শ্রীমৎগবদগীতাতে মুক্তি বা মোক্ষই জীবের একমাত্র কাম্য পদার্থরূপে নির্দিষ্ট হইয়াছে। মুক্তির মধ্যে সালোক্য ও সামীপ্য—এই দুইটি সেবার জন্তও প্রয়োজন। পান্দাদি-দেহলাভে সেবার অভিলাষ পূর্ণ হয়; তাহাও এই মুক্তির অন্তর্গত। অতএব পূর্বাচার্যগণের মর্যাদা ও শাস্ত্রকারগণের মর্যাদা রক্ষা করিতে হইলে মুক্তিস্পৃহাকে পিশাচীরূপে বর্ণনা করা কোনও ক্রমে উচিত হয় নাই। ভুক্তির পক্ষেও কিছু বলা যাইতে পারে—কারণ বৈধভোগ সর্বশাস্ত্রেরই অমুমোদিত। তথাপি ভোগে চিত্ত বিক্ষিপ্ত হয় বলিয়া ভোগ সাধারণতঃ নিন্দনীয় বিবেচিত হইলেও হইতে

\* ইনি ১৬০১ শকে আবির্ভূত হইয়া বিষ্ণুস্বামি-প্রবর্তিত মতবাদ কিয়দংশে গ্রহণ পূর্বক বিষ্ণুস্বামিসম্প্রদায়ের অনুবর্তী হইয়া সম্প্রদায় বন্ধন এবং বৈষ্ণবমত প্রচার করেন। ইহার মতবাদ “মর্যাদা-মার্গ” ও “মুক্তিমার্গ” এই দুই ভাগে বিভক্ত। বর্তমানে মধুরা, রাজপুতানা ও বোম্বাই অঞ্চলে ইহার সম্প্রদায় অত্যন্ত প্রবল।

পারে। কিন্তু মুক্তির এইরূপ নিশ্চয়তা কোনও ক্রমেই উচিত নহে। অতএব তুমি ঐ 'পিশাচী' কথাটি পরিত্যাগ করিয়া অল্প কোনও কথা একরূপভাবে ব্যবহার কর—যাহাতে মুক্তিকামী ভক্ত-দিগের মনে ব্যথার উদ্রেক না হয়।"

শ্রীকৃষ্ণ শ্রীমদ্ভগবত ভট্টের আজ্ঞার বিন্দুমাত্র প্রতিবাদ না করিয়া অতি বিনয়সহকারে তাহা গুরুর আজ্ঞার জায় অবিচারিতভাবে শিরোধার্য করিয়া লইলেন, এবং শ্লোকটিকে সম্পূর্ণরূপে বর্জন না করিয়া তৎক্ষণাৎ এইভাবে পাঠ পরিবর্তন করিলেন; যথা—

ব্যাপ্নোতি হৃদয়ং বাবভুক্তি-মুক্তিস্পৃহাগ্রহঃ।

তাবভুক্তিসুখস্বাদে কথমভ্যুদয়ো ভবেৎ।

অর্থাৎ—যে পর্য্যন্ত ভুক্তি-মুক্তিস্পৃহারূপে গ্রহ হৃদয়ে ব্যাপ্ত হইয়া থাকে ততক্ষণ পর্য্যন্ত সেই হৃদয়ে কি প্রকারে ভক্তিসুখের অভ্যুদয় হইবে? \*

বল্লভ ভট্ট পূর্বপাঠ অপেক্ষা এই পাঠ উৎকৃষ্ট ভাবিয়া অগত্যা এই পাঠেই সম্মতিদান করিলেন। তখন শ্রীকৃষ্ণ ও বল্লভ ভট্ট 'ভক্তিরসামৃতসিন্ধু' গ্রন্থের প্রতিপাত্ত বিষয়ের আলোচনা করিলেন, এবং গ্রন্থ লিখিত হইলে শ্রীমদ্ভগবত ভট্ট অস্বস্তি স্থলও সংশোধন করিয়া দিবেন বলিয়া ইচ্ছা প্রকাশ করিলেন। ইহার পরেই আচার্য্য বল্লভ ভট্ট যমুনা-স্নানে গমন করিলেন; শ্রীজীবও তাঁহার অনুসরণ করিলেন। যমুনাকূলে আসিয়া তিনি আচার্য্য বল্লভ ভট্টকে প্রণাম করিয়া তাঁহার নিকট ছুই একটি বিষয় জিজ্ঞাসা করিবার অনুমতি ভিক্ষা করিলেন। বল্লভ ভট্ট হঠাৎই এই প্রিয়দর্শন শুকুমার তেজস্বী অথচ বিনয়ী যুবককে শাস্ত্রবিষয়ে প্রশ্ন করিবার অনুমতি দান করিলেন।

শ্রীকৃষ্ণ গোস্বামী 'শ্রীমদ্ভগবত শ্রীচৈতন্যদেবের আদেশ প্রাপ্ত হইয়া, এবং তাঁহার কৃপায় অন্তরে প্রেরণা অনুভব করিয়াই "ভক্তিরসামৃত সিদ্ধু" গ্রন্থ রচনা করিয়াছেন; এবং তিনি স্বয়ং একথা ঐ গ্রন্থের দ্বিতীয় শ্লোকে স্বীকার করিয়াছেন; যথা—

হৃদি যন্ত প্রেরণয়া প্রবর্তিতোহহং বরাকরূপোহপি।

তন্ত হরেঃ পদকমলং বন্দে চৈতন্যদেবন্ত।

ভঃ রঃ সিঃ—পূর্ব ১ম লহরী, ২য় শ্লোক।

\* শ্রীকৃষ্ণের সহিত আচার্য্য বল্লভ ভট্টের যে এই শ্লোক লইয়াই মতভেদ হইয়াছিল, ঐতিহ্য ভিন্ন তাহার প্রমাণ নাই। আমরা শ্রীবৃন্দাবনবাসী বৃদ্ধ বৈষ্ণবগণের নিকট ও আমার শ্রীভাগবত অধ্যয়নের অন্ততম আচার্য্য যিনি অনূন ২৫ বৎসর পূর্বে প্রায় ৯০ বৎসর বয়সে নিত্যধাম প্রাপ্ত হইয়াছেন—সেই হুগলী দীপার শ্রীমৎ কৃষ্ণানন্দ পুরীর পাটের সুপণ্ডিত শ্রীপাদ বেণীমাধব গোস্বামীর নিকট এই উপাখ্যান শুনিয়াছি। তিনি ইহা কালনার নিত্যধামগত প্রসিদ্ধ শ্রীপাদ ভগবানদাস বাবাজীর নিকট শুনিয়াছিলেন। শ্রীকৃষ্ণ গোস্বামীর 'ভক্তিরসামৃতসিন্ধুর' দুর্গম সঙ্গমণী নামী টীকায় শ্রীজীব নিজেই এই পাঠান্তর দিয়াছেন যথা—

ব্যাপ্নোতি হৃদয়ং বাবদ্ ভুক্তিমুক্তিস্পৃহাগ্রহ ইতি পাঠান্তরন্ত

সুমিষ্টং।

বিশেষতঃ, শ্রীজীব গোস্বামীর সহিত যে বল্লভাচার্য্যের বিচার হইয়াছিল, বল্লভ সম্প্রদায়ের গ্রন্থ হইতে ইহার প্রমাণ পরে প্রদত্ত হইয়াছে।

অর্থাৎ—আমি অতি ক্ষুদ্র ব্যক্তি হইলেও হৃদয়ে যাহার সাক্ষাৎ প্রেরণা অনুভব করিয়া এই গ্রন্থরচনায় প্রবৃত্ত হইয়াছি, সেই শ্রীচৈতন্যদেব হরির পদকমলকে আমি বন্দনা করিতেছি। একথা যে কত দূর সত্য শ্রীজীব তাহা জানিতেন, এবং সর্বতোভাবে বিশ্বাস করিতেন যে, শ্রীচৈতন্যদেবই শ্রীকৃষ্ণ গোস্বামীকে অবলম্বন করিয়া এই গ্রন্থ প্রণয়ন করিতেছেন। অতএব এই গ্রন্থের প্রত্যেকটি শ্লোক, বাক্য ও অক্ষরকে তিনি বেদবাক্যের জায় অস্বস্তি মনে করিতেন। শ্রীবল্লভ ভট্ট আসিয়া শ্রীকৃষ্ণের গ্রন্থ-সম্মিলিত সেই শ্লোকের পরিবর্তন সাধনের আদেশ করায় তিনি মর্মান্বিত হইয়াছিলেন। পূজাপাদ শ্রীশুক শ্রীকৃষ্ণের সাক্ষাতে তিনি শ্রীমদ্ভগবত ভট্টকে এই পরিবর্তন সম্বন্ধে তাঁহার অভিমত জ্ঞাপন করিতে পারেন নাই; এখন শ্রীমদ্ভগবত ভট্টকে নিজেই পাওয়ায় তিনি ঐ বিষয়ে তাঁহার সহিত আলোচনার অগ্রসর হইয়া, বল্লভ ভট্ট কি কারণে ঐ শ্লোকটিকে দোষাবহ বলিয়া উহার পরিবর্তনের প্রস্তাব করিয়াছিলেন তাহাই সর্বপ্রথমে জিজ্ঞাসা করিলেন। আচার্য্য বল্লভ বলিলেন যে, ঐ শ্লোকটিতে সর্বশাস্ত্র প্রতিপাদিত ও সর্বাচার্য্যসম্মত মুক্তির নিশ্চয়তা করা হইয়াছে, এইজন্যই তিনি ঐ শ্লোকটি আপত্তিজনক বলিয়া মনে করিয়াছেন।

শ্রীজীব কহিলেন, যাহারা ভক্তিতে ইচ্ছুক, তাঁহাদের পক্ষে মুক্তি কি নিশ্চয় নহে? শ্রীভগবান জীবমান্তেরই, বিশেষতঃ ভক্তিতে মুক্তির একমাত্র উপায়। ভগবানের আরাধনা করিয়া সর্বসাধনের সার তাঁহাকেই না চাহিয়া অন্য বস্তুর অভিলাষ করা কি কপটতা নহে? এই জন্যই শ্রীনৃসিংহদেবের সাক্ষাৎ কৃপাপ্রাপ্ত শ্রীপদ স্বামিপাদ শ্রীমদ্ভাগবতের প্রারম্ভের দ্বিতীয় শ্লোকের টীকায় পরম ধর্মের স্বরূপ নির্দেশে প্রবৃত্ত হইয়া ঐ শ্লোকে ঐ ধর্মের বিশেষরূপে প্রযুক্ত "প্রোক্তবিত্তকৈতবঃ" শব্দের ব্যাখ্যায় বলিতেছেন—“প্রকর্ষণ উক্তবিত্তং কৈতবং ফলাভিসন্ধি লক্ষণং কপটং যস্মিন্ সঃ প্রশঙ্কেন মোক্ষাভিসন্ধিরপি নিরস্তঃ।” (অর্থাৎ “প্রকৃষ্টরূপে ফলাভিসন্ধি লক্ষণ কপটতা বা কৈতব যাহাতে অপগত হইয়াছে, সেইরূপ ধর্ম; বিশেষতঃ “প্র” এই শব্দ দ্বারা মোক্ষের অভিসন্ধিকেও নিরস্ত করা হইয়াছে।) এইরূপ ব্যাখ্যা করিয়াছেন। এই ব্যাখ্যা দ্বারা সালোক্যাদি সর্বপ্রকার মোক্ষের অভিসন্ধিকেও নিরাকৃত করা হইয়াছে। শ্রীভাগবতের তৃতীয় স্কন্ধে শ্রীকপিলদেব তাঁহার মাতা দেবহৃতিকে বলিতেছেন যে—

অহৈতুক্যব্যবহিতা যা ভক্তিঃ পুরুবোস্তমে।

সালোক্যসাপ্তি সামীপ্যসারূপৈকতমপাত।

দীর্ঘমানং ন গৃহ্ণন্তি বিনা মৎসেবনং জনাঃ।

স এব ভক্তিযোগাধ্য আত্যস্তিকঃ উদাহৃতঃ।

অর্থাৎ—হে মাতঃ! যাহারা আমাতে অল্প বস্তুর অভিলাষশূন্য ও জ্ঞান-কর্মাধিকরূপ ব্যবধান-রহিত মনের গতিরূপা ভক্তিতে করিয়াছেন, সেই ভক্তগণের আমার সন্নিধানে অল্প কোনও ফলাভিসন্ধি দূরে থাকুক, প্রত্যুত তাঁহাদিগকে সালোক্য অর্থাৎ আমার সহিত একলোকে বাস, আমার সমান ঐশ্বর্য্য, আমার সামীপ্য, আমার সমানরূপত্ব, অথবা সায়ুজ্য, অর্থাৎ আমার সহিত ঐক্যরূপ মোক্ষ বস্তু দিতে চাহিলেও তাঁহারা উহা গ্রহণ করেন না; কেবল আমার সেবাকেই পরম পুরুবার্ধ জানিয়া প্রার্থনা করিয়া থাকেন—ইহাকেই

শাস্ত্রিক ভক্তিযোগ নামে অভিহিত করা হইয়া থাকে।” এই প্রকার ভক্তির নিকট মোক্ষ অতি তুচ্ছ।\* নারদপঞ্চরাত্রেও বলা হইয়াছে যে, যেমন চোটিকা অর্থাৎ দাসীসকল ভীতচিত্তে রাজ-মহিষীর অনুগামিনী হয়, তদ্রূপ ভুক্তি-মুক্তি প্রভৃতি অদ্ভুত সিদ্ধি-সকল হরিভক্তি মহাদেবীর অনুগামিনী হইয়া থাকে।† অতএব তাঁহারা বিস্ময়া অর্থাৎ কর্ণজ্ঞানাদি দ্বারা অস্পৃষ্টা ভগবদ্ভক্তি কামনা করিয়া থাকেন, মুক্তি ও ভোগকে তাঁহারা এই ভক্তিপথের বাধা বলিয়া মনে করিয়া থাকেন।

বলভাচার্য্য কহিলেন, এই সকল কথা শাস্ত্রসিদ্ধ, কিন্তু পূর্বাচাৰ্য্য-গণের মৰ্যাদা রক্ষা সকলেরই কর্তব্য, এ অবস্থায় মুক্তিকে যখন তাঁহারা বহুমানন করিয়াছেন, তখন মুক্তিকে কিছুতেই “পিশাচী” বলা উচিত নহে।

শ্রীজীব কহিলেন, ঐ শ্লোকে মুক্তিকে “পিশাচী” বলা হয় নাই, ভুক্তিমুক্তি স্পৃহাকেই পিশাচী বলা হইয়াছে। বাস্তবিক নিষ্কাম চিত্তে বৈধভোগ ভক্তির পরিপন্থী নহে, কিন্তু ভোগের জন্ম যে ঐকান্তিক আগ্রহ—আকুলতা, উঃ! সমগ্র হৃদয় এমন ভাবে অধিকার করে যে, সেই হৃদয়ে আর ভগবানের স্থান থাকে না। মুক্তির আগ্রহ তদপেক্ষা আরও ভয়ঙ্কর, উঃ! হৃদয়ে বন্ধন হইলে আর কিছুই ভাল লাগে না—ভগবৎকথা বা নিষ্কাম ভগবদ্ভক্তির পক্ষে উঃ! প্রবল বাধা। ফলতঃ, মুক্ত ব্যক্তিরই অনেক সময় ভগবদ্ভক্তি গাত হইয়া থাকে—ভক্ত না চাহিলেও ভোগ ও মুক্তি অনেক সময় তাহার নিকট উপস্থিত হয়, কিন্তু যতক্ষণ মুক্তি লাভের জন্ম আকাঙ্ক্ষা থাকে, ততক্ষণ কিছুতেই ভক্তি-মহাদেবীর কৃপা হয় না। এই জন্মই ব্রহ্মসূত্রের নিরপেক্ষ ভাষ্যরূপ শ্রীমদ্ভাগবত গ্রন্থে সূত্রকার ব্যাসদেব নিজেই ভক্তির মহিমার নিকট মুক্তিকে তুচ্ছ বলিয়া বর্ণনা করিয়াছেন। যাঃ! হউক, মুক্তিকে সাক্ষাৎ সম্বন্ধে পিশাচী বলা হয় নাই, মুক্তির স্পৃহাকেই এই শ্লোকে পিশাচী বলা হইয়াছে। ইহাতে পূর্বাচাৰ্য্যগণের সিদ্ধান্তকেও কোনওরূপে নিন্দা করা হয় নাই। একপ অবস্থায় ঐ শ্লোকটি কি দোষাবহ বলিয়া গণ্য হইতে পারে? আপনি পরম পণ্ডিত, আমার গুরুদেবের নিকটও গৌবের পাত্র—আপনি ধীরভাবে বিবেচনা করিয়া যাঃ! সঙ্গত হয়, তাহারই ব্যবস্থা করুন।

বলভাচার্য্য প্রীত হইয়া শ্রীজীবকে কহিলেন, “তোমার কথাগুলি অতিশয় যুক্তিযুক্ত ও মধুর। ভাবে বুঝিতেছি, শাস্ত্রাদিও তুমি উত্তমরূপে অধ্যয়ন করিয়াছ। আমি তোমার কথা শুনিয়া বিচার করিয়া বুঝিতে পারিতেছি যে, যে গ্রন্থে নিরপেক্ষভাবে নিষ্কাম ভক্তির আলোচনা করা হইয়াছে, তাহাতে মুক্তির ইচ্ছাকে পিশাচী বলিয়া বর্ণনা করায় দোষ হয় নাই। পরন্তু মুক্তিকে

সাক্ষাৎ সম্বন্ধে নিন্দা না করায় পূর্বাচাৰ্য্যগণের মৰ্যাদা নহে, ইহা করা হয় নাই। সুতরাং দেখিতেছি, আমারই ভ্রম হইতে পারে। অতএব ঐ শ্লোকটি ঐ স্থানে স্মরণতই হইয়াছিল, কিন্তু আমার বুদ্ধি পরিণত ভুলেই আমি শ্রীকৃপকে ঐ শ্লোক পরিবর্তন করিবার অঙ্গুরে। আদেশ করিয়াছি। শ্রীমান্ শ্রীকৃপ আমাকে অতিশয় সম্মান করেন বলিয়াই তিনি কোনওরূপ বিচার না করিয়াই আমার প্রস্তাবে সন্মত হইয়াছেন। ঐরূপ বিনয় সত্যই বৈষ্ণবোচিত; কিন্তু আমার ব্যবহার তদ্রূপ হয় নাই। আমি নিজে না বুঝিয়াই—শ্রীকৃপের সাধু অভিপ্রায় অবগত হইতে না পারিয়া ঐ শ্লোকটিকে দোষাবহ স্থির করিয়াছিলাম। পরন্তু, আমি মুক্তিস্পৃহাকে পিশাচী বলায় মুক্তিকেই পিশাচী বলা হইয়াছে মনে করিয়াছিলাম। এখন দেখিতেছি যে, মুক্তির স্পৃহা বাস্তবিকই নিন্দনীয়। অতএব তুমি আমার ভ্রান্তিনিরাস করিয়া যথার্থই আমার উপকার করিলে।”

ইহার কিয়ৎকাল পরেই যমুনাগ্নান দেখে করিয়া শ্রীবল্লভ ভট্ট শ্রীকৃপের নিকট পুনরায় আগমন করিলেন। তাঁহার আগমন মাত্রেই শ্রীকৃপ অভিবাচন পূর্বক আসন দান করিয়া প্রণত হইলে বলভাচার্য্য কহিলেন,—“কৃপ! বিচারের ফলে দেখা গেল যে, আমি তোমার পূর্বশ্লোকটিতে যে দোষ দিয়াছিলাম তাহা সঙ্গত হয় নাই—তোমার ঐ শ্লোকটির পূর্বপার্শ্বই স্মরণত ছিল; তুমি ভুক্তি মুক্তির স্পৃহাকে মাত্র পিশাচী বলিয়াছ, সাক্ষাৎভাবে মুক্তির নিন্দা কর নাই; সুতরাং ইহাতে পূর্বাচাৰ্য্যগণের মৰ্যাদাহানিও হয় নাই। তুমি পুঁথিতে যে পরিবর্তন করিয়াছ তাহা না করিয়া পূর্বে যে শ্লোকটি লিখিয়াছিলে তাহাই রাখিয়া দাও।”

শ্রীকৃপ “যে আজ্ঞা” বলিয়া তৎক্ষণাৎ পুঁথিখানি আনিয়া তাহাতে পুনরায় পূর্বশ্লোকটি লিখিয়া শ্রীমদ্ভল্লভ ভট্টের আদেশ প্রতিপালন করিলেন। তখন বলভ ভট্ট শ্রীকৃপকে জিজ্ঞাসা করিলেন—“কৃপ! তোমার নিকট যে সুদর্শন যুবকটি অবস্থান করেন ইনি কে?” শ্রীকৃপ বলিলেন—“ঐ বালকটি আমার ভ্রাতৃস্পুত্র শ্রীজীব। আপনি উহার পিতা অনুপমকে আমার সহিত প্রয়াগে ও আড়ৈলৈ দেখিয়া-ছিলেন। অনুপম আমার কনিষ্ঠ ছিলেন; গোড়দেশে তাঁহার ৩গঙ্গাপ্রাপ্তি হইয়াছে। ভাগ্যবান্ অনুপমের শ্রীরামচন্দ্রে নিষ্ঠাময়ী গুণা ভক্তি ছিল। আপনি আশীর্বাদ করুন, যেন তাঁহার একমাত্র পুত্র শ্রীজীবও বিস্ময়া ভগবদ্ভক্তির অধিকারী হইতে পারে।”—এই বলিয়া শ্রীকৃপ অদূরবর্তী শ্রীজীবকে আহ্বান করিয়া শ্রীমদ্ভল্লভ ভট্টকে প্রণাম করিতে বলিলেন। শ্রীজীব বলভ ভট্টকে প্রণাম করিলে তিনি শ্রীজীবকে আলিঙ্গন করিয়া আশীর্বাদ করিলেন। বলভ ভট্ট শ্রীকৃপকে বলিলেন—“ইহার সহিত আমার পূর্বেই পরিচয় হইয়াছে। বালকটি বেশ প্রতিভাবান ও পণ্ডিত। তোমার পুঁথির যে শ্লোকটি আমি পরিবর্তন করিয়াছিলাম, ইনি তাহা লইয়া আমার সহিত বিচার করায় আমি আমার ভ্রম বুঝিতে পারিয়াছি। ইহার আচরণে ও বিভাবস্তায় বুঝিতে পারিলাম যে, এ বালক উত্তরকালে এক জন অসাধারণ পণ্ডিত হইবে।” শ্রীকৃপ এই কথা শুনিয়া বলিলেন—“আপনার জ্ঞানবৃদ্ধ ও বয়স্ক সম্প্রদায়ের প্রবর্তক আচার্য্যের সহিত বিচারে প্রবৃত্ত হইয়া এই বালক অতীব দম্ভের পরিচয় দিয়াছে—আপনি এই অর্কাটীন অভিমানী বালকের অপরাধ ক্ষমা করুন।” শ্রীকৃপের এই কথায় তাঁহার অভিপ্রায় বুঝিতে পারিয়া তৎক্ষণাৎ

\* যথা ভাবার্থদীপিকায়াঃ—

ভৃৎকথামৃতপাথোধৌ বিহরন্তঃ মহামুদঃ

কুর্বাঙ্স্তি কৃতিনঃ কেচিচ্চতুর্বর্গং ভৃগোপমম্ ।

অর্থাৎ—তোমার কথামূতরূপ অমৃত সাগরে বিহরণশীল পুণ্যবান জনগণ মহানন্দ অনুভব করিয়া চতুর্বর্গকেও ভৃগুতুল্য তুচ্ছজ্ঞান দিয়া থাকেন।

† হরিভক্তি মহাদেব্যঃ সর্বা মুক্ত্যাদি সিদ্ধয়ঃ ।

ভুক্তয়শ্চাত্তান্তশ্চাশ্চটিকাবদমুত্রতাঃ ।

পতিত হইয়া ক্ষমা ভিক্ষা করিলেন।

হইতে উত্তোলন করিয়া বলিলেন—

নাই। শাস্ত্র সম্বন্ধে নিরপেক্ষ

এই বলিয়া ভট্টপাদ স্বীয় আশ্রমে

গমন ত্যাগ করিলেন—শ্রীরূপও তাঁহার প্রত্যাদামন

তাঁহাকে অভিবাদন করিয়া প্রত্যাবর্তন করিলেন।

শ্রীমদ্বল্লভ ভট্টের প্রস্থানের পর শ্রীরূপ শ্রীজীবকে নিকটে আহ্বান করিয়া বলিলেন—“দেখ শ্রীজীব! বুঝলাম, তুমি পরম পূজ্যপাদ ষাড্ধিকাগ্রগণ্য সম্প্রদায়চার্য্য সুপ্রবীণ শ্রীমদ্বল্লভ ভট্টের সহিত বিচার করিয়া দস্তুর পরাকাষ্ঠা প্রদর্শন করিয়াছ। দস্ত, জিগীষা ইত্যাদি প্রাকৃত রজস্তমোগুণময় ভাব হৃদয়ে পোষণ করিয়া তুমি শ্রীধামের নিকট অপরাধী হইতেছ—অতএব যত দিন তোমার হৃদয় হইতে এই সকল প্রাকৃতভাব অন্তর্হিত না হইতেছে, তত দিন পূর্বাভিমুখে গমন করিতে থাক—পরে মন স্থির হইলে শ্রীবৃন্দাবনে ফিরিয়া আসিও।”

শাস্ত্রানুসারে শ্রীশুকুর মর্গ্যাদাত্তানি শিষ্যের পক্ষে অসহনীয়; এই জন্মই শ্রীশুকুর শ্রীরূপের ও তাঁহাতে আবিষ্ট শ্রীশ্রীমনমহাপ্রভুর মর্গ্যাদারক্ষার আগ্রহেই শ্রীজীব শ্রীমদ্বল্লভ ভট্টের সহিত বিচারে প্রবৃত্ত হইয়াছিলেন। কিন্তু এখন শ্রীরূপ গোস্বামীর এই শাসনবাক্যে বুঝিতে পারিলেন যে, নিশ্চয় গুরুদেবের মর্গ্যাদারক্ষাপ্রবৃত্তির অন্তরালে তাঁহার পাণ্ডিত্যের অভিমান প্রচ্ছন্ন ছিল, এই জন্মই অসীম করুণাময় শ্রীরূপ গোস্বামী তাঁহাকে শাসন করিতেছেন। এই ভাবিয়া, শ্রীরূপের এই আদেশ শিরোধার্য্য করিয়া শ্রীজীব গুরুপদে দণ্ডবৎ প্রণতি পুরসের অক্ষুণ্ণ লোচনে পূর্বাভিমুখে অগ্রসর হইতে লাগিলেন, এবং শ্রীশুকুর চরণ স্মরণ করিয়া মন স্থির করিবার জন্ম যথাশক্তি চেষ্টা করিতে লাগিলেন—এইরূপে অতীষ্টদেবের স্মরণ, মনন ও কীর্ত্তনে প্রবৃত্ত হইবার পরেই তাঁহার মন স্থির হইল। তখন তিনি সেই স্থল হইতে প্রত্যাগমন করিয়া শ্রীশুকুরদেবের আদেশানুযায়ী শ্রীবৃন্দাবনে প্রবেশ করিলেন। কিন্তু শ্রীরূপের নিকটে যাইবার অমুমতি না পাওয়ায়—তিনি নন্দঘাটে আসিয়া রাখালদিগের রচিত একখানি পূর্ণকূটীরে অবস্থান করিতে লাগিলেন। এই স্থানে তিনি দিবারাত্রি স্মরণ, মনন ও কীর্ত্তনে ব্যাপ্ত থাকিয়া, অঘাটিত বৃত্তি অবলম্বন করিয়া, গ্রামবাসিগণের স্বেচ্ছাপ্রদত্ত কিঞ্চিৎ যব ও গোধূমচূর্ণ জলে মিশাইয়া ভোজনে প্রাণ ধারণ করিয়া নিজের অপরাধের কথা ভাবিতে লাগিলেন, এবং তাহার প্রায়শ্চিত্ত করিবার জন্ম দৃঢ়সঙ্কল্প হইলেন। অল্প দিনেই শ্রীজীবের শরীর শীর্ণ হইয়া গেল, কিন্তু তথাপি তাঁহার সঙ্কল্প শিথিল হইল না। এদিকে শ্রীপাদ সনাতন গোস্বামী শ্রীব্রজ-মণ্ডল পরিভ্রমণ করিতে করিতে ঐ অঞ্চলে আগমন করিলেন। সনাতন শ্রীবৃন্দাবনের আবালবৃদ্ধবনিতার এতই প্রিয় ছিলেন যে, যখন তিনি যে গ্রামে আসিতেন, তখন সে গ্রামের আবালবৃদ্ধবনিতা তাঁহাকে পাইয়া আনন্দে উন্মত্তপ্রায় হইত, সকলেই তাঁহাকে লইয়া নানা প্রসঙ্গে পরমানন্দে কালযাপন করিত। গ্রামের গৃহস্থগণের সকলেই তাঁহার নিকট নিতান্ত আত্মীয়ের স্তায় পারিবারিক গোপনীয় কথা পর্য্যন্ত প্রকাশ করিয়া দ্বিধাশূন্য চিত্তে পরামর্শ লইত। তিনি সেবাবুদ্ধিতে যাহাতে জীবমাত্রেরই কল্যাণ হয়, তদ্বিষয়ে পরামর্শ দিতেন।

শ্রীপাদ সনাতন নন্দঘাটের অঞ্চলে আসিলেই তদ্রত্যয় তাঁহাকে অভ্যর্থনা করিয়া লইয়া আসিল, এবং তাহাদের গ্রামে প্রাপ্তে যে একটি অতি সুন্দর নবীন যুবক তপস্বী আসিয়া অধ্যয়ন করিতেছেন, সে সংবাদ দিতে বিন্দুমাত্র বিলম্ব করিল না। শ্রীভক্তিরত্নাকরে লিখিত আছে—

“অলপ বয়স এক তপস্বী সুন্দর।

কথোদিন হৈল রহে এ বন ভিতর।

ভূজাইতে যত্ন করি অনেক প্রকার।

কত ফল মূল ভুঞ্জে কত নিরাহার।

বহু যত্নে কিঞ্চিৎ গোধূম চূর্ণ লৈয়া।

করয়ে ভক্ষণ তাহা জলে মিশাইয়া।

৫ম তরঙ্গ—২৭৩ পৃঃ।

সনাতন গোস্বামী শুনিয়া কৌতূহলাক্রান্ত হইয়া ঐ স্থানে গমন করিয়া দেখিতে পাইলেন যে, ঐ নবীন তপস্বী আর কেহ নহে—তাঁহারই ভ্রাতৃপুত্র শ্রীরূপের প্রিয় শিষ্য শ্রীজীব। শ্রীজীব জ্যেষ্ঠ পিতৃব্যদেবকে দেখিয়া অক্ষুণ্ণলোচনে তাঁহার পদপ্রাপ্তে পতিত হইলেন। শ্রীজীবকে সাহসনাদান পূর্বক তিনি সমস্ত বৃত্তান্ত শুনিয়ে বুঝিলেন যে, উদার-হৃদয় পরমধীর শ্রীরূপ নিশ্চয়ই কোনও পুণ্ড্র উদ্দেশ্যে এবং পরম স্নেহের পাত্র শ্রীজীবের কোনও মঙ্গল সাধনের অভিপ্রায়েই শ্রীজীবের প্রতি এই শাস্তির ব্যবস্থা করিয়াছেন। শ্রীপাদ সনাতন ইহা বুঝিয়াই শ্রীজীবকে সঙ্গে না লইয়া একাকী শ্রীবৃন্দাবনে শ্রীরূপের নিকট গমন করিলেন। শ্রীপাদ সনাতন জানিতেন যে, গ্রন্থ-রচনায় শ্রীজীবই শ্রীরূপের অধিতীয় সহায়। তিনি লেখনী হইতে পুঁথির জন্য তালপত্র বা ভূজপত্র পর্য্যন্ত সংগ্রহ করেন। তিনিই পুঁথির আবরণ-কাঠ সংগ্রহ করেন, এবং ডুরি দিয়া বাঁধিয়া রাখেন। শ্রীজীব যখন বলিয়া বাইতে থাকেন তখন তিনিই লিখিতে থাকেন—কখনও বা তর্কিত বিষয়ে শ্রীজীবের সহিত আলোচনা করিয়া সুসিদ্ধান্তে উপনীত হইয়া শ্রীরূপ শ্রীজীবকে তাহা ভাষা সম্বন্ধ করিয়া লিখিতে বলেন, কখনও বা স্বকীয় মুক্তাপংক্তিসদৃশ অঙ্গ-বলিতে স্বয়ং সেই পুঁথি সমলঙ্কৃত করেন। শ্রীজীবের হস্তাক্ষরও অতি সুন্দর ছিল,—শ্রীপাদ সনাতন শ্রীবৃন্দাবনে আসিয়াছেন শুনিতে পাইয়া শ্রীরূপগোস্বামীও অত্যন্ত ব্যস্তভাবে তাঁহাকে দর্শন করিতে চলিলেন। উভয়ে মিলিত হইলে শ্রীপাদ সনাতন শ্রীরূপকে জিজ্ঞাসা করিলেন, “ভক্তিরসামৃতসিন্ধু” গ্রন্থ শেষ হইয়াছে কি না? শ্রীরূপ বলিলেন—“গ্রন্থখানি প্রায় শেষ হইয়াছে, কিন্তু এখনও সংশোধন হয় নাই; শ্রীজীব এখানে থাকিলে এত দিনে উহা সংশোধিত হইত।” তখন প্রসঙ্গক্রমে শ্রীল সনাতন শ্রীজীবের শরীর কি প্রকার শীর্ণ হইয়াছে এবং কত কিছু দিন এইভাবে কাটিলে তাঁহাদিগকে শ্রীজীবের জীবনের অংশ ত্যাগ করিতে হইবে—ইহা শ্রীরূপকে তিনি জানাইয়া দিলেন। শ্রীরূপ শ্রীজীবের অবস্থা শুনিয়া অত্যন্ত বিচলিতচিত্তে তখনই উপস্থিত লোক পাঠাইয়া শ্রীজীবকে ডাকাইয়া আনিলেন, এবং যথাযোগ্য ভাবে তাঁহার সেবাসুস্কার বন্দোবস্ত করিয়া, অত্যল্পকালের মধ্যেই তাঁহাকে স্থস্থ করিয়া তুলিলেন। এই প্রকারে শ্রীজীবকে সম্পূর্ণরূপে নির্মল ও শুদ্ধ করিয়া শ্রীরূপ সনাতনাদি তাঁহার উপরেই পূর্ণ সংক্রান্ত সকল ভার অর্পণ করিলেন।

“প্রেমবিলাস” নামক অনতিপ্রামাণিক বৈষ্ণবগ্রন্থের ত্রয়ো-  
বিংশতি বিলাসের শেষভাগে এইরূপ একটি উপাখ্যান আছে।  
তাঁহাতে বিবৃত হইয়াছে যে, কোনও দিগ্বিজয়ী পণ্ডিত শ্রীবৃন্দাবনে  
দিগ্বিজয়ে আসিয়া শ্রীকৃষ্ণ সনাতনের নিকট হইতে জয়-পত্র লইয়া  
যাইলে শ্রীজীব ক্রুদ্ধ হইয়া তাঁহাকে বিচারে পরাভূত করিয়া তাঁহাব  
নিকট হইতে শ্রীকৃষ্ণ সনাতন-প্রদত্ত জয়পত্রগুলি ফিরাইয়া লইলেন।  
তাঁহাতে সেই পণ্ডিত বিষয়টিতে শ্রীকৃষ্ণের নিকট প্রত্যাগমন করিলে  
শ্রীকৃষ্ণ তাঁহাকে পুনরায় জয়পত্র লিখিয়া দিলেন, এবং শ্রীজীবকে  
ভাঙ্গিয়া বলিলেন—

“অকালে বৈরাগ্য-বেশ ধরিলে মটমতি ।  
কোণের উপরে কোণ না হইল তোমার ।  
তে কারণে তোর মুখ না দেখিব আর ।  
গুরুবর্জ্য হইয়া জীব সুবিষয় ননে ।  
প্রবেশ করিলা যা-এগ নিজ্জন কাননে ।  
তথি সর্বসম্বাদিনী গ্রন্থ বিরচিলা ।  
গুরু রূপ-সনাতনের নাম না লিখিলা ।”

ইহার পরে শ্রীল সনাতন গোস্বামী শ্রীজীবকে দেখিয়া-আসিয়া  
ভক্তিবন্ধাকরের উপাখ্যানে যেভাবে শ্রীকৃষ্ণের সন্তিত মিলন  
করাইয়া দেন, প্রায় সেই ভাবেই মিলন করাষ্টয়া দিলেন। প্রভেদ  
এই যে, ভক্তিবন্ধাকরে আছে শ্রীপাদ সনাতন শ্রীকৃষ্ণকে “শ্রীভক্তি-  
রসামৃতসিন্দু” গ্রন্থ শেষ হইয়াছে কি না জিজ্ঞাসা করায় শ্রীজীবের  
প্রসঙ্গ উপাধিত হইয়াছিল, কিন্তু “প্রেমবিলাসে” আছে—

“সনাতন গিয়া রূপে কহে এক কথা,  
জীবের কন্ডব্য মোরে বলহ সর্বথা ।  
রূপ বোলে গোসাঞি তুমি সব জান ।  
জীবে দয়া নামে কচি তাঁহা তুমি মান ।  
সনাতন বলে দয়া কেন বা না হয় ।  
হাসিয়া গোসাঞি বোলে তুমি দয়াময় ।  
রূপগোসাঞি বোলে যবে তোমার দয়া হৈল ।  
অপরাধ নাঞি আমি তাঁরে কুপা কৈল ।  
এত বলি শ্রীজীবে আনিয়া তখন ।  
তাঁর মাথে হুঁহে ধরিল শ্রীচরণ ।  
কুপা পাঠিয়া জীব ক্রমসন্দর্ভাদি গ্রন্থ ।  
রচনা করিল মনের আনন্দে একান্ত ।”

শ্রীজীব যে বলভ ভট্টের সন্তিত বিচার করিয়াছিলেন, প্রেম-  
বিলাসের বর্ণনায় তাহার আভাস নাই; পরন্তু যখন জয়পত্র দেওয়ার  
কথা আছে, এবং যখন শ্রীস্বরূপ গোস্বামীর ভাতৃপুত্র রূপনারায়ণের  
সন্তিত শ্রীজীবের বিচারের পর এই বিচার হইয়াছিল, এবং  
প্রেমবিলাসে এমন কোনও কথা যখন নাই—তখন এই বিচার যে বলভ  
ভট্টের সন্তিত নহে, এ বিষয়ে সন্দেহের কারণ নাই। বিশেষতঃ,  
এই বিচারের পর যখন শ্রীকৃষ্ণ শ্রীজীবকে বর্জন করেন, তখন সেই  
অসময়ে শ্রীজীব “সর্বসম্বাদিনী” গ্রন্থ রচনা করেন, এই কথা

উল্লেখ আছে। “সর্বসম্বাদিনী” গ্রন্থখানি মূল গ্রন্থ নহে, ইহা  
শ্রীজীবের ছয়টি সন্দেহের অন্তর্ভুক্ত চারিটির অন্তর্ভুক্ত। অতএব  
এই গ্রন্থ যে শ্রীজীবের ষট্‌সন্দর্ভাদি গ্রন্থের পরে—তাঁহার পরিণত  
বয়সেই লিখিত হইয়াছিল, ইহা নিঃসন্দেহে বলা যাইতে পারে।  
সম্ভবতঃ ইহাই শ্রীজীবের সর্বশেষ গ্রন্থ।

শ্রীবল্লভাচার্য সম্প্রদায়ের “শ্রীআচার্য্যাকী নিজ-বালা”—“যক্ষবালা”  
তথা “চৌরাশী বৈঠনলে চরিত্রাদি” নামক প্রাচীন তিনটি ভাষায়  
লিখিত কয়েকখানি পুস্তক পাওয়া যায়। ১৯৫৯ সন্থতে ( ১৯০০  
খৃষ্টাব্দে ) এই পুস্তক কয়খানি বোম্বাইয়ের ‘তত্ত্ববিবেচক’ মুদ্রাযন্ত্রে  
মুদ্রিত হইয়াছিল। এই পুরাতন পুস্তক এখন অত্যন্ত দুর্লভ।  
এই পুঁথিগুলির নিজবালায় ৩১ বাতায় আছে—“এক সময়ে  
শ্রীআচার্য্যাকী মহাপ্রভু চাতুর্শাস্ত্র বর্ষা ঋতু করিবেকৌ সংবৎ ১৫৪৮  
ফাল্গুন শুক্ল ৬ রবীবারকৌ শ্রীবৃন্দাবন পঞ্চমেরে। তহা আপ ৪ মহিনী  
বিরাছে। তহা কৃষ্ণ চৈতন্যকৌ সীগাম ভয়ো। বিনকৌ  
শ্রীভাগবতকৌ সুবোধিনী মিকাকৌ ব্যাখ্যা কহী সুনাই। তহা  
ভাণ্ডির বটকী কুঞ্জমে রূপ সনাতন ঐর কৃষ্ণচৈতন্যকৌ শিষ্য জীব  
গোস্বামীকৌ সংগ ভগবৎচর্চা ভই। বামে জীব গোস্বামীনে আপসৌ  
বাদ কियो। সো সুনকে কৃষ্ণচৈতন্যনে বাকৌ ত্যাগ কियो।  
তব বানে শ্রীজয়নাজীকৌ তীরপে জায়া দিন দোয় মুঠিভরি ভক্ষণ  
করি। অনশনব্রত নে বোয়া। সো সুনকে শ্রীআচার্য্যাকী আপ  
বর্ষা কৃষ্ণচৈতন্যকৌ সংগ লে কে পধারে। তব বিনকৌ তথা  
শুককৌ দেখি জীব গোস্বামীনে অপনে অপরাধকৌ ক্ষমা মাগী।  
তব আপ শ্রীআচার্য্যাকীনে বাকৌ কৃষ্ণচৈতন্যকৌ সংগ করি দियो।”

এই বিবরণে ১৫৪৮ সংবৎ অর্থাৎ ১৪৯২ খৃষ্টাব্দে শ্রীবৃন্দাবনের  
ভাণ্ডীর বটের কুঞ্জে শ্রীকৃষ্ণচৈতন্য দেব, শ্রীকৃষ্ণসনাতনের ও শ্রীজীবের  
অবস্থানের বিবরণ অর্নৈতিহাসিক। কারণ ১৫৪২ সংবতে ( ১৪৮৬  
খৃষ্টাব্দে ) শ্রীগৌরাঙ্গদেবের আধিভাব হইয়াছিল। ১৫৪৮ সংবতে বা  
১৪৯২ খৃষ্টাব্দে শ্রীগৌরাঙ্গদেবের বয়স মাত্র ৬ বা ৭ বৎসর। এই  
সময়ে তাঁহার সন্তিত শ্রীকৃষ্ণসনাতনের বা শ্রীজীবের সাক্ষাৎ হওয়া  
অসম্ভব। বল্লভাচার্য্যের বয়সও এই সময়ে চৌদ্দ বৎসরের অধিক হয়  
নাই। শ্রীবৃন্দাবনে চৈতন্যদেবের সন্তিত শ্রীকৃষ্ণ সনাতনের বা  
শ্রীজীবের সাক্ষাতের বৃত্তান্ত সম্পূর্ণ অর্নৈতিহাসিক। অনেকের  
মতে শ্রীজীবের অতি শৈশবকালে রামকেশীতে ভিন্ন শ্রীচৈতন্যদেবের  
সন্তিত তাঁহার সাক্ষাৎ হই হয় নাই। মনে হয়, পরবর্তীকালে “শ্রীজীবের  
সন্তিত বল্লভাচার্য্যের বিচার হইয়াছিল, এবং তৎকালে শ্রীজীবের  
শুক তাঁহাকে ‘ত্যাগ করেন।’—এই ঐতিহ্যের পরেই এই  
কাল্পনিক উপাখ্যান রচিত হইয়া বল্লভ সম্প্রদায়ের গ্রন্থে স্থান  
পাইয়াছে। শ্রীচৈতন্যদেবের সন্তিত বল্লভাচার্য্যের ও গোপাল-  
ভট্টের সাক্ষাৎ শ্রীবল্লভাচার্য্যের কৃপায় শ্রীরাধারমণজীর প্রাকট্য,  
শ্রীগোপালভট্ট গোস্বামীর বল্লভাচার্য্যের নিকট হইতে দীক্ষা  
লইবার আগ্রহ, এবং শ্রীকৃষ্ণচৈতন্যের শিষ্য বলিয়া গোপালভট্ট  
গোস্বামীকে বল্লভাচার্য্যের দীক্ষাদানে অস্বীকৃতি, শ্রীগোবর্দ্ধন-  
নাথ গোপালের সেবাপ্রাপ্তি, সেবা-রক্ষণ, ও বাঙ্গালী বৈষ্ণবদিগকে  
সেবা হইতে বিভাঙন—ইত্যাদি নানা ব্যাপারে এই পুঁথি কয়েক-  
খানিতে অনেক পরবর্তী কালে রচিত উপাখ্যান স্থান পাইয়াছে।

শ্রীসত্যেন্দ্রনাথ দস্ত ( এম-এ, বি-এল )।





## যুক্তির মূল্য

১৮

টাকসীতে আরোহণকালে কাশেমের মনে হইয়াছিল, সে সম্মুখের আসনে—চালকের পার্শ্বে বসিবে, কিন্তু তাহা হয় নাই—চালকের এক জন সঙ্গী ছিল। অনিচ্ছায় তাহাকে মধ্যস্থ আসনে বসিতে হইয়াছিল। রসুলান প্রথমেই উঠিয়া এক পার্শ্বে বসিয়া নেজমাকে ডাকিয়া পার্শ্বে বসাইয়াছিল—কাশেম অপর পার্শ্বে বসিয়াছিল। কাশেম যত দিন নেজমাকে পাইবার চেষ্টা করিয়াছিল, তত দিন সে কিছুতেই তাহাকে লাভ করিতে পারে নাই—সে দরিদ্র কাশেমের বাসনা-সীমার বহির্ভূত না থাকিলেও তাহার পক্ষে অনধিগম্য ছিল। আর আজ যখন সে নেজমার নিকট হইতে দূরে যাইবার জন্ত আগ্রহশীল, তখন সে তাহার নিকট হইতে যাইতে পারিতেছে না। কাশেম ভাবিতে লাগিল, অদৃষ্টের এ কি উপহাস!

সে কেবলই রসুলানের কথা ভাবিতে লাগিল—সে কাশেমের পত্নী না হইয়া যদি কোন উপত্যাসের নারিকা হইত, তবে তাহাই তাহার উপযুক্ত হইত। কি সাহস! স্বামীর প্রতি কি অবিচলিত বিশ্বাস! আত্মশক্তিতে কি প্রত্যয়! কি প্রত্যাশপন্নমতিত্ব! বেগম-মহল হইতে বাহির হইবার সময় সে অনায়াসে যে ভাবে সেই শঙ্কাকুল পুরীর বিপদের জাল হাসিতে হাসিতে—অথচ নিপুণভাবে ছিন্ন—বিচ্ছিন্ন করিয়া আপনি বাহির হইয়া আসিয়াছে এবং নেজমাকে মুক্ত করিয়া আনিয়াছে, তাহা উপত্যাসেই সম্ভব বলিয়া মনে হয়। সে পিচ্ছিল পথে বিস্ময়কর ভাবে ভার-সামগ্রণ্ড রক্ষা করিয়া অগ্রসর হইয়াছে—গন্তব্য স্থানে উপনীত হইয়াছে, শ্রান্ত হয় নাই, ক্লান্ত হয় নাই, বিরক্ত হয় নাই। অথচ স্বামীর তুষ্টি সাধন ব্যতীত তাহার কাযের কোন উদ্দেশ্যই ছিল না!

সঙ্গে সঙ্গে তাহার মনে হইল—গন্তব্য স্থান কোথায়— তাহা এখনও কত দূরে? সে দিল্লীতে ফিরিয়া যাইতে পারিবে না। ফিরিয়া যাইবার পথে অন্তরায় একাধিক। দিল্লীতে নবাবের লোক তাহার ও তাহাদিগের সন্ধান লইবে এবং সন্ধান পাইলে কি হইতে পারে, তাহা সে অনুমান করিতে পারে। অথচ তাহার পিতামাতা দিল্লীতে। তবে কি তাহাদিগের সহিত তাহার আর কখন সাক্ষাৎ হইবে না? দিল্লীতে ফিরিবার আরও প্রবল অন্তরায় আছে। মাদক দ্রব্য সেবন-ফলে যে উত্তেজনার উদ্ভব হয়, তাহার বশে মানুষ যে কায করিতে পারে, স্বাভাবিক অবস্থায়—বিচার-বিবেচনা না হারাইলে যেমন সে সব কায করিতে পারে না—তেমনই তাহার নেজমার উদ্ধার সাধনের যে আগ্রহ রসুলানের প্ররোচনার উত্তেজনার পরিণত হইয়াছিল, তাহার বশে কায করিবার সময় সে আর একটি বিষয় বিবেচনা করিয়া দেখিতে পারে নাই—নেজমাকে লইয়া সে কি করিবে? সে দরিদ্র—দরিদ্রের পক্ষে একটি ক্ষুদ্র সংসারের ব্যয় নির্বাহ করাই হুঃসাধ্য; যে দরিদ্র, সে তাহার পুত্রকন্যাদিগকে ইচ্ছানুরূপ ভাবে পালন করিতে পারে না—তাহাদিগকে যে সব জিনিষ দিতে স্বভাবতঃ তাহার ইচ্ছা হয়, সে সে সবও দিতে পারে না—যে রূপ স্থানে তাহাদিগকে রাখিতে ইচ্ছা করে, সে রূপ স্থানে রাখিতে পারে না, আপনার স্নেহের সম্বল পুত্রকন্যাও সময় সময় দরিদ্রের পক্ষে ভার বলিয়া মনে হয়। সে কিরূপে নেজমার অতিরিক্ত ভার বহন করিবে? কি ভাবে সে সেই ভার বহন করিবে? বিবাহ? সে রসুলানকে প্রতিশ্রুতি দিয়াছে, আর কাহাকেও বিবাহ করিবে না। আর বিবাহ করিলেও সে কখন নেজমার পিতামাতার ও আত্মীয়-স্বজনের অপ্রীতি ও শত্রুতা ব্যতীত আর কিছুই পাইবে



না। তাহার পিতামাতা সে সুখী হইবে মনে করিয়াই তাহাকে নবাবের নিকট বিক্রয় করিয়াছিলেন, সঙ্গে সঙ্গে আপনারাও আর্থিক হিসাবে লাভবান হইয়াছিলেন। তাহার পিতামাতা যে তাহার সহিত নেজমার বিবাহ দিতে সম্মত ছিলেন না, তাহার কারণ—সে দরিদ্র, নেজমার রূপের মূল্য দিতে পারে না—সে তাহা লাভ করিবার উপযুক্ত নহে। দরিদ্রের সুখ ও সৌভাগ্য সম্বন্ধে ধারণার স্বাতন্ত্র্য থাকে। সে পার্থক্য তাহাদিগের আর্থিক অবস্থা হইতে উদ্ভূত হয়। যে উদয়ান্ত শ্রম করিয়াও সকল সময় গ্রাসাচ্ছাদনের উপায় অর্জন করিতে পারে না, সে যদি অর্থকে পরমার্থ বিবেচনা করে, তবে কি সেজন্য তাহাকে দোষ দেওয়া যায়? সে কোথায় বাইবে? সে কি করিবে?

চিন্তা অনেক সময় তরকারীর ক্ষেত্রে ছাগের মত ব্যবহার করে। যদি ক্ষেত্রের দ্বার রুদ্ধ কর, সে বেড়ার মধ্য দিয়া ক্ষেত্রে উপস্থিত হয়—যদি বেড়া নূতন করিয়া বাঁধ, সে বেড়া লাফাইয়া আইসে। এই সব চিন্তা তেমনই কাশেমের মনে আসিতে লাগিল—সে কিছুতেই তাহাদিগকে দূর করিতে পারিল না।

সে আজ নেজমাকে পাইয়াছে—কিন্তু—? গল্প আছে—রাজার মাহতরা প্রভাতে যখন হস্তীগুলিকে “পালা” অর্থাৎ বৃক্ষপত্র ও শাখা আহাৰ্য্য দিবার জন্ত বাজারের মধ্য দিয়া নগরের বাহিরে লইয়া বাইতেছিল, তখন বাজারে মড়ের দোকানের সম্মুখে মত্তপানরত এক ব্যক্তি তাহাদিগকে জিজ্ঞাসা করিয়াছিল, “হাতী বেচিবে?” মাহতরা তাহার কথার কোন উত্তর না দিয়া হাসিয়া হাতী লইয়া চলিয়া গিয়াছিল। অপরাহ্নে তাহারা যখন হাতী লইয়া ফিরিতেছিল, তখনও সে সেই স্থানে উপবিষ্ট—কিন্তু আর মত্ত নহে। মাহতরা তাহাকে “হাতী কিনিবে?” জিজ্ঞাসা করায় সে উত্তর দিয়াছিল, “যে হাতী কিনিতে চাহিয়াছিল, সে চলিয়া গিয়াছে—” অর্থাৎ তাহার মত্ততা দূর হইয়াছে।

কিন্তু নেজমাকে পাইবার আকাঙ্ক্ষা কি সে নিশ্চল করিতে পারিয়াছিল—সে কি সে আকাঙ্ক্ষার মত্ততা হইতে অব্যাহতি লাভ করিয়াছিল? আজ যখন কল্পনাভীত বিপদের মধ্য হইতে সে নেজমাকে পাইয়াছে, তখন—তাহার কেশ ও দেহ হইতে নির্গত গন্ধদ্রবোর সৌরভ তাহাকে অভিভূত করিয়া মত্ততা দিতেছিল কেন? তাহার

পার্শ্বে উপবিষ্টার দেহের তাপ সে তাহার দেহে অনুভব করিতেছিল কেন?

কাশেম ভাবিল, এ কি? সে আপনাকে ধিকার দিতে লাগিল—সে এত দুর্বল! আর সে কখন যাহা হয় নাই তাহাই হইল—রসুলানের উপর বিরক্ত হইল। রসুলানই আপনার অনাবিল প্রেমে তাহার, নেজমালাভে অক্ষমতার ক্ষত প্রক্ষালিত করিয়াছে—সে ক্ষত দূর করিয়াছে। কিন্তু সে কেন আবার সেই ক্ষতের কারণ হইয়াছে? আজ রসুলানের অসাধারণ সাহস ও কৌশল ব্যতীত নেজমা কখন বেগম-মহল হইতে ছদ্মবেশে আসিয়া তাহার পার্শ্বে উপবিষ্টা হইতে পারিত না। রসুলানই আজ তাহার প্রলোভনের উপাদান সংগ্রহ করিয়া আনিয়াছে। সে কেন তাহার এই শক্রতা করিল?

কিন্তু রসুলান কাহার অধিক শক্রতা সাধন করিয়াছে—তাহার, না আপনার? সে স্বামীর তৃষ্ণা সাধনের জন্ত আপনার কি বিপদ ডাকিয়া আনিয়াছে! কাশেম রসুলানের উপর যত রুষ্ট হইবার চেষ্টা করিতে লাগিল, তত শ্রদ্ধার ও প্রশংসার সম্মিলিত জলোচ্ছ্বাস সেই রোষ ধৌত করিয়া লইয়া যাইতে লাগিল। তাহার ভালবাসা অসাধারণ—কাশেমের কল্পনাভীত—কাশেমের অভিজ্ঞতা তাহার সীমার সন্ধান পায় না। যে সমাজে সে জাত ও বর্দ্ধিত, সে সমাজে এইরূপ ত্যাগের দৃষ্টান্ত কবিকল্পনার বিষয় হইলেও বাস্তবের অতীত।

কাশেম কেবলই ভাবিতে লাগিল—এখন সে কি করিবে? নবোদগত যৌবন হইতে সে যাহাকে অমূল্য সম্পদ বলিয়া বিবেচনা করিয়া আসিয়াছে—যাহাকে লাভ করা সকল বাসনার তৃষ্ণা বলিয়া মনে করিয়াছে, আজ সে তাহাকে পাইয়াছে—নানা বিপদের মধ্য দিয়া তাহাকে যখন সে পাইয়াছে, তখন সে যেন আপদ বলিয়াই মনে হইতেছে। হায় মানুষের মন! যত দিন তাহাকে পাইবার আগ্রহই প্রবল ছিল, তত দিন তাহাকে পাইলে সে কি করিবে তাহা চিন্তা করিবার অবসর তাহার মনে হয় নাই! আজ যখন সে অবসর আসিয়াছে, তখন সে ভাবিতেছে—সে এ কি করিয়াছে!

“দূরে যে কেবলই আলো                      তা’রে দূরে রাখা ভাল,  
কাছে এলে মনে হ’বে হেথা হোথা—

অন্ধকার।”

কিন্তু অন্ধকার নহে—এ যে “কাল বৈশাখীর” প্রবল ঝঙ্কা—ইহাতে জীবনের সব ব্যবস্থা ভাঙ্গিয়া যাইবার সম্ভাবনা।

তখনও কাশেম কেবল ভাবিতেছিল—মানুষ দুর্বল, সে সকল সময় গ্লোভ প্রহত করিতে পারে না। কি জানি, যদি তাহার মন আবার নেজমার প্রতি আকৃষ্ট হয়! রসুলানকে লইয়া সে যে সংসার রচনা করিয়াছে, তাহা সুখসুন্দর। কে বলিতে পারে—নেজমার আগমনে তাহার সুখ ও সৌন্দর্য্য নষ্ট হইয়া যাইতে পারে না? যে দরিদ্র সে যখন বহু কষ্টে—বহু যত্নে তাহার কুটার নিৰ্ম্মাণ করাইয়া মনে করে, সে তাহার প্রিয়জনদিগকে লইয়া সুখে তাহাতে বাস করিবে, তখন যদি বৈশাখের ঝড়ে তাহা নষ্ট হয়, তবে তাহার অবস্থা কিরূপ হয়? যদি তেমনই হয়! এ কথা কি সে কল্পনা করিতেও পারে নাই? সে কি এমনই মূঢ়?

তাহার পর সে নেজমার কথা ভাবিতে লাগিল। নেজমার পিতামাতা আত্মীয়-স্বজন তাহাকে যে পাত্র প্রদান করিয়া আপনাদিগকে ভাগ্যবান মনে করিয়াছিলেন, যে পাত্র সে যত অর্পাত্রই কেন বিবেচনা করুক না—কোন অধিকারে সে তাহাকে তাহার অধিকারচ্যুত করে? সে নেজমার কে? তাহারও মূল্যবান দ্রব্য চোরের যে অধিকার, নেজমায় তাহার সেই অধিকার। চোরের শাস্তি হয়—তাহারও শাস্তি হইতে পারে—আইনের বিচারে তাহাই হয়।

কিন্তু সে যে কেবল এই অতি মূল্যবান দ্রব্য আনিয়াছে তাহাই নহে। ইহা লইয়া সে কি করিবে—ইহা সে কোথায় রাখিবে? সে কথা সে ভাবে নাই? সে দরিদ্র—তাহাকে সংসার প্রতিপালনের জন্ত পরিশ্রম করিয়া অর্থার্জন করিতে হয়। সে যে অর্থ উপার্জন করিতে পারে, তাহার পরিমাণ কত হইতে পারে তাহা সে জানিয়াছে। সে অর্থে একটি ক্ষুদ্র দরিদ্র সংসারের অনিবার্য্য ব্যয় কোনরূপে নির্বাহ হইতে পারে—এই মাত্র। সে উপার্জনে সংসারের ব্যয়ে কোনরূপ বাহুল্য থাকিতে পারে না। সেই অর্থও সে কিরূপে অপরিচিত স্থানে উপার্জন করিতে পারিবে, তাহাও সে জানে না। দিল্লীতে ফিরিবার উপায় তাহার নাই। সে যে বিচার্জনে আবশ্যক মনোযোগ দেয় নাই, সে

জন্ত সে পূর্বে কখন অমৃতপ্ত হয় নাই; কিন্তু আজ তাহাই হইল—তাহার মনে হইল, সে যদি আবশ্যক মনোযোগ সহকারে বিচার্জন করিত, তবে সে দিল্লী ব্যতীত অন্য স্থানেও অর্থার্জন করিতে পারিত। ব্যবসারেও সে মনোযোগ দেয় নাই—তাহাও শিক্ষাসাপেক্ষ, সন্দেহ নাই। কিন্তু এখন আর শিক্ষার সময় নাই। এখন তাহাকে অর্থার্জন করিতে হইবে—সংসারে তিনটি লোক—সে, রসুলান ও নেজমা। সে কিরূপে সংসার প্রতিপালন করিবে?

এইরূপ চিন্তা হইতে কাশেম কিছুতেই আপনাকে মুক্ত করিতে পারিতেছিল না।

সে ভাবিয়া কিছুই স্থির করিবার পূর্বেই ট্যাক্সী রেল ষ্টেশনে আসিল। কাশেম আপনি যান হইতে অবতরণ করিয়া নেজমাকে ও রসুলানকে নামাইল।

তখনও ট্রেন আসিতে বিলম্ব ছিল। প্ল্যাটফর্মে প্রবেশের দ্বার বন্ধ ছিল—ষ্টেশনও অন্ধকার। তাহাদিগকে বাহিরে অপেক্ষা করিতে হইল। এতক্ষণ কেহই কথা বলা নাই—আশঙ্কার পরিবেষ্টন যেন খাস রোধ করিতেছিল। কিন্তু দীর্ঘ সময় চুপ করিয়া থাকা রসুলানের প্রকৃতির বিরুদ্ধ—তাই সে সর্বপ্রথম কথা বলিল—“ট্রেন কখন আসিবে?”

কাশেম বলিল, “বোধ হয়, আর অধিক বিলম্ব নাই।”

“কখন ট্রেন হইতে নামিতে হইবে?”

“শেষ রাত্রিতে।”

তাহার পর সুপ্ত ষ্টেশনে জাগরণের চিহ্ন লক্ষিত হইল; ষ্টেশন মাষ্টারের কণ্ঠ শুনা গেল,—এক জন লোক আসিয়া প্ল্যাটফর্মে প্রবেশের রুদ্ধ দ্বার মুক্ত করিল, যে গবাক্ষ হইতে যাত্রীদিগকে টিকিট দেওয়া হয় তাহা মুক্ত হইল এবং তথায় একটি ল্যাম্প আলোক উদগীরণ করিতে লাগিল। কাশেম গবাক্ষ পার্শ্বে যাইয়া তিন জনের টিকিট কিনিল। তাহার পর তিন জন প্ল্যাটফর্মে প্রবেশ করিল।

কাশেম পূর্বেই স্থির করিয়াছিল, সে রসুলানকে ও নেজমাকে স্ত্রীলোকদিগের জন্ত নির্দিষ্ট স্বতন্ত্র কামরা দিবে না। কারণ, সে জানিত, যেমন বেগম-মহল হইতে বাহির হইলে সৌরভে তাহাদিগের বিপদ-সম্ভাবনা ঘটিয়াছিল, তেমনই একান্ত অপ্রত্যাশিত কারণে বিপদ ঘটতে পারে। ট্রেন আসিলে সে একটি কামরায় উঠিয়া তাহাদিগকে সেই কামরায় তুলিল। কামরায় যে স্থানাভাব ছিল,

হাঙ্গা নহে; তবুও অল্প যাত্রীদিগের মধ্যে ছুই এক জন বলিল, “মেয়ে গাড়ীতে কি স্থান নাই যে, মেয়েদেরও পুরুষের গাড়ীতে তুলিতে হইবে?” কাশেম সে কথার কোন উত্তর দিল না।

ট্রেন ছাড়িল। তাহার যাত্রা নিদ্রিষ্ট স্থানের জন্য। কাশেমের মনে হইল, তাহার যাত্রার কোন উদ্দিষ্ট স্থান নাই। অন্ধকার ভেদ করিয়া ট্রেন চলিতে লাগিল। ষ্টেশনের পর ষ্টেশনে যাত্রী নামাইয়া ও যাত্রী লইয়া রাত্রিশেষে ট্রেন একটি বৃহৎ ষ্টেশনে আসিয়া দাঁড়াইলে কাশেম ট্রেন হইতে নামিয়া সঙ্গী ছুই জনকে নামাইল। সে যখন টিকিট কিনিয়াছিল তখন রসুলান গুনিয়াছিল, সে বোম্বাইএর টিকিট চাহিয়াছিল। তাই সে জিজ্ঞাসা করিল, “এই কি বোম্বাই?”

কাশেম বলিল, “না। আজ এই সহরে বিশ্রাম করিয়া আবার যাত্রা করিব।”

ষ্টেশনে কি জনতা, কি গোলমাল!

টিকিট দেখাইয়া ষ্টেশনের বাহিরে আসিলেই যান-চালকদিগের চীৎকার।

কাশেম একখানি ট্যাক্সী লইয়া তাহাকে বড় মুশাফেরখানায় যাইতে নির্দেশ দিল।

ষ্টেশনের নিকটেই বড় মুশাফেরখানা। ট্যাক্সী যখন তাহার দ্বারে আসিয়া দাঁড়াইল, তখন রাত্রি শেষ হইয়া আসিয়াছে। মুশাফেরখানার কর্মচারী খাটিরায় ঘুমাইতেছিলেন। ভৃত্যদিগের ডাকাডাকির পর নিদ্রা ভঙ্গ হইলে তিনি একটু বিরক্ত ভাবেই আসিয়া জিজ্ঞাসা করিলেন, “কয়টি ঘর লওয়া হইবে?”

কাশেম বলিল, “একটি।”

তিনি খাতা বাহির করিয়া কাশেমকে তাহাতে স্বাক্ষর দিতে বলিলেন এবং তাহার পর আর একখানি খাতা দেখিয়া ভৃত্যকে বলিলেন, “তিন তলে—ছাপ্পান নম্বর কামরা। এক ‘সাহেব’, ছুই বিবি।” ঘর যখন একটি লওয়া হইল তখন তিনি মনে করিলেন—ছুই জমই “সাহেবের” বিবি।

কাশেম কথাটিতে চমকিয়া উঠিল। তাহার মনে আর এক চিন্তা আরম্ভ হইল—নেজমাকে সে কি বলিয়া পরিচয় দিবে?

চিন্তার পর চিন্তা যেন তাহাকে বিশ্রাম দিতেছিল না। এক দল শিকারী কুকুর যেমন হরিণকে ধরিবার জন্য দ্রুত ধাবমান হয়, বহু চিন্তা তেমনই তাহার পশ্চাদ্ধাবন করিতেছিল।

ভৃত্যের অন্তর্দৃষ্টি করিয়া তিন জন ত্রিতলে ছাপ্পান নম্বর ঘরের দ্বারে উপনীত হইল। ভৃত্য দ্বার খুলিয়া দিয়া বলিল, ঘরে দুইখানি খাট আছে, আর একখানি পরে আনিয়া দেওয়া হইবে। সে যাইয়া লোক পাঠাইয়া দিতেছে, যদি কোন প্রয়োজন হয়, তাহাকে বলিতে হইবে। স্নানের ঘর পার্শ্বেই আছে—জল উপরে ট্যাঙ্কে পাম্প করা আছে। অতি দ্রুত এত কথা বলিয়া সে চলিয়া গেল।

বিছাতের বাতি জালিয়া কাশেম বলিল, “আর রাত্রিও শেষ হইয়াছে।” সে বিছাতের বাতি জালিলেই কোথা হইতে আলোকের সূচী যেন ঠিকরাইয়া গেল। সকলেই বিস্মিত হইল। সে আলো নেজমার অঙ্গুরীর হীরক হইতে বাহির হইল।

কাশেম বলিল, “হীরা?”

নেজমা যেন লজ্জিতভাবে বলিল, “আসিবার তাড়াতাড়িতে অঙ্গুরী খুলিয়া রাখিয়া আসিতে ভুল হইয়াছে।” সে সেই প্রথম কথা বলিল।

কাশেম বলিল, “খুলিয়া রাখ—যদি কেহ দেখিতে পায়, সন্দেহ করিবে।”

রসুলান কাশেমকে বলিল, “তুমি হাত মুখ ধুইবে না?”

কাশেম বলিল, “অগ্রে তোমরা সারিয়া লও।”

ততক্ষণে রসুলান বোরকা খুলিয়াছে।

তাহার কথায় নেজমাও বোরকা খুলিল।

কত দিন—যেন কত যুগ পরে কাশেম নেজমাকে দেখিল। তাহার মনে হইল, রসুলান সত্যই বলিয়াছে, এ রূপ দরিদ্রের ঘরে শোভা পায় না—যে মণি বহুমূল্য তাহা স্বর্ণেই বসাইতে হয়—নহিলে তাহার মর্যাদা থাকে না।

১৯

কাশেমের কথা গুনিয়াই নেজমা তাহার অঙ্গুরী হইতে বহুমূল্য হীরক-সজ্জিত অঙ্গুরী খুলিয়া ফেলিয়াছিল। স্নানের ঘরে প্রবেশ করিয়াই সে সেটি রসুলানকে দিতে গেল। রসুলান হাসিয়া বলিল, “ও বেগমের অলঙ্কার—দরিদ্রের নহে। আমি ও অঙ্গুরী লইব না।”

নেজমা বিষন্নভাবে রসুলানের দিকে চাহিয়া বলিল, “তুমি—তুমিও কি আমাকে ঐ কথা বলিবে? আমি কি তোমার ভগিনী নহি?”

কথা বলিতে বলিতে নেজমার গলাটা “ধরিয়া আসিল”—তাহার চক্ষুতে জল আসিল। রসুলানের মনে হইল, সেই অশ্রুসজল চক্ষুর দীপ্তি সেই হীরকের দীপ্তি অপেক্ষা মধুর। সে সাগ্রহে নেজমার নিকট হইতে অঙ্গুরীটি লইল এবং তাহাকে জড়াইয়া ধরিয়া বলিল, “হাঁ, নেজমা, তুমি আমার ভগিনী।”

রসুলাম মনে করিল, সে যে বিপদের সম্ভাবনা অবজ্ঞা করিয়া বেগম-মহল হইতে তাহার উদ্ধার সাধন করিয়াছে, তাহাই মনে করিয়া নেজমা তাহাকে ভগিনীর স্থান দিয়াছে। সে ভাবিল; নেজমা যদি তাহার ঐরূপ কার্যের কারণ জানিত, তবে সে কখনই তাহাকে সে জন্ত এত কৃতজ্ঞতা জানাইত না; সে কাশেমের জন্তই বিপদ বরণ করিয়াছিল এবং এক বার সে কাষে প্রবৃত্ত হইবার পর যেন তাহার “জিদ” বাড়িয়া গিয়াছিল—মাদক দ্রব্য যেমন উহা সেবনকারীকে মত্ত করে, বিশ্বয়কর কার্যে আগ্রহ তাহাকে তেমনি মত্ত করিয়া তুলিয়াছিল।

কিন্তু রসুলাম নেজমার মনের ভাব বুঝিতে পারে নাই। মানুষ স্বাভাবিক আগ্রহে সৈনিককে প্রশংসা করে—মনে করে বীর সৈনিক মানুষের প্রশংসনীর সকল গুণের ও বৈশিষ্ট্যের প্রতীক,—সৈনিকের উচ্চ স্থরে উপনীত হইবার উপকরণ—অস্ত্রের উপর তাহার প্রভাব। সেই প্রভাব মানুষ প্রহত করিতে পারে না। নেজমারও কাশেমের সম্বন্ধে তাহাই হইয়াছিল। যেমন উগ্র অগ্নিতাপে অল্পকণ মধ্যে নানা ধাতু গলিয়া মিশিয়া যে অষ্টধাতুতে পরিণত হয়, তাহাই দেবমূর্তির উপকরণ, তেমনি তাহার বিশ্বয়ের অগ্নিতে প্রশংসা প্রভৃতি মনোভাব এক হইয়া যাহাতে পরিণত হইয়াছিল, তাহা প্রেম। আপনার প্রেমের মধ্য দিয়া সে তখন সব দেখিতেছিল—তাহার জগতের কেন্দ্রে কাশেম অবস্থিত। রসুলান যে কেবল তাহাকে সেই কাশেমের নিকট আনিয়া দিয়াছে, তাহাই নহে—সে কাশেমের প্রেমও পাইয়াছে। সেই জন্ত রসুলাম তাহার ভগিনী।

রসুলান ঝানের ঘরের তাকের উপর অঙ্গুরী রক্ষা

করিল। তাহার পর সে নেজমার দিকে চাহিয়া বলিল,—“হইল ত?”

নেজমা প্রশংসমান দৃষ্টিতে তাহার দিকে চাহিয়া বলিল, “রসুলান, তোমার চক্ষু কি সুন্দর!”

রসুলান বলিল, “বাল্যকালাবধি ঐ কথা শুনিয়া শুনিয়া সময় সময় আমার মনে হইয়াছে—চক্ষু কি উৎপাটিত করিয়া ফেলিলে হয় না? কিন্তু তাহার পর বুঝিয়াছি, যাহার প্রশংসার এক ব্যতীত দ্বিতীয় উপকরণ নাই, তাহার ঐ এক উপকরণই লোকের দৃষ্টি আকর্ষণ করে। তোমার মত রূপসীর কোম্টি অধিক প্রশংসনীয়, তাহা স্থির করা যায় না।”

“কিন্তু রূপ যে অনেক সময় বিপদের কারণ হয়, তাহা ত আমিও জানিয়াছি, তুমিও জানিয়াছ।”

“রূপ ত সম্পদও বটে। মারীর উহা অপেক্ষা মূল্যবান সম্পদ আর কি আছে?”

“শুণ।”

“সে রূপের পরে লোককে আকৃষ্ট করে, সেই জন্তই ত কথার বলে—

‘পহিলে দর্শনধারী

পিছে গুণ-বিচারী।’

রূপ অষ্টদশ ঘটার।”

“রূপের জন্য মানুষের জীবনে যে ঝড় বহিতে পারে, তাহা সর্বনাশের সঙ্গী।”

উভয়ে এইরূপ কথা হইতে লাগিল।

নেজমা দীর্ঘকাল এমন স্বচ্ছন্দে কাহারও সহিত কথা বলিতে পারে নাই। বেগম-মহলে কথা বলিবার পাত্র কেবল বাদীরা; তাহারাও কলের মত কাষ করিত, কথা বলিবার প্রয়োজন বড় হইত না। তাই সে যেন আপনার কণ্ঠস্বর আপনি তুলিয়া গিয়াছিল। তথায় যে কথার আদেশ ব্যক্ত হয়, তাহাই উচ্চে উচ্চারিত হয়—কিন্তু তাহা কক্ষ, আর সবই যেন সত্যায় আত্মগোপন করিতে চাহে। মানুষ তথায় কৃত্রিমতার মধ্যেই বাস করে। স্বাধীনতা তথায় সর্বপ্রকারে সঙ্কুচিত। তাই মুক্তির আনন্দে আজ নেজমা আনন্দিতা। যে স্বাধীনতা কখন হারায় নাই, সে এখন তাহার মূল্য নির্ধারণ করিতে পারে না। তাই গর আছে, যুরোপের কোন যুদ্ধে এক জন সৈনিক শত্রুতে

দীর্ঘকাল বন্দী থাকিয়া যখন মুক্তি পায়, তখন সে স্বদেশে ফিরিবার পথে এক ব্যক্তিকে একটি পিঞ্জরে কঠকগুলি পাখী লইয়া যাইতে দেখিয়া সেগুলি কিনিয়া মুক্ত করিয়া দিয়াছিল। বাহা হারাই নাই, তাহার মূল্য আমরা বুঝিতে পারি না। তাই নেজমার আজ আনন্দ, আর সেই জন্যই রসুলান সে আনন্দের স্বরূপ বুঝিতে পারে নাই।

নেজমার আনন্দের দ্বিতীয় কারণ তাহার মুক্তিলাভের পরে উদ্ভূত হইয়াছিল। কিন্তু তাহা তাহার সমগ্র হৃদয় ব্যাপ্ত করিয়াই বিকশিত হইয়াছিল এবং তাহার সৌরভের মন্বতা তাহার সমগ্র সত্তা যেন আবিষ্ট করিয়াছিল। আজ কাহারও উপর তাহার বিদ্বেষ, কাহারও সহিত তাহার বিরোধ ছিল না। আজ তাহার পক্ষে সংসার আলোকময়, জীবন আনন্দ-মধুর। যেন বাত্যাবিষ্কৃত বিপদসমুদ্র সাগর হইতে সে কূলে যে নিরাপদ স্থানে উপনীত হইয়াছে, তাহাই নন্দনকানন—তাহা বিকচকুম্ভে শোভিত, বিহগ-বিরাবে মুখরিত, তথায় সুখ আছে হুঃখ নাই। প্রেমের ঐক্সজালিক দণ্ডস্পর্শে যে সেই অসাধ্য সাধন করিয়াছে, সে আজ তাহার নিকটে—তাহাদিগের এই মিলনে কি কখন বিরক্ত আসিতে পারে?

স্নানশেষে বেশ-পরিবর্তন করিয়া উভয়ে যখন স্নানকক্ষ ত্যাগ করিবে, তখন রসুলান বলিল, “অঙ্গুরী যেন ভুলিয়া না যাই।” সে তাহা লইল।

উভয়ে যখন স্নান-কক্ষ হইতে আসিল, তখন তাহারা দেখিল, শয্যায় শয়ন করিয়া কাশেম ঘুমাইয়া পড়িয়াছে। উৎকণ্ঠা, আশঙ্কা, চিন্তা—এই তিনটির যে কোন একটি মানুষকে অবসন্ন করে; সে তিনের সম্মিলিত আক্রমণ ভোগ করিয়াছে। তাই রসুলান ও নেজমা যাইবার পর সে ভবিষ্যতের বিষয় চিন্তা করিতে করিতে শয্যায় শয়ন করিলেই তাহার নিজাকর্ষণ হইয়াছিল।

রসুলান তাহাকে ডাকিবার উপক্রম করিতে না করিতে নেজমা মুহূর্ত্তে বলিল, “ঘুম ভাঙাইবে?”

রসুলান মুহূর্ত্তমাত্র চিন্তা করিয়া বলিল, “না। প্রবল শ্রান্তির ফলেই নিদ্রা আসিয়াছে। একটু বিলম্ব করি।”

উভয়ে কি করিবে স্থির করিতে না করিতে কিন্তু কাশেমের নিদ্রাভঙ্গ হইল। তাহারা যে মুহূর্ত্তে কথা বলিয়াছিল, তাহাতেই সেই লঘু নিদ্রার অবসান হইল।

কাশেম চাহিয়া দেখিল। রসুলান তাহার একটি মাত্র বাস্তব সামান্য কয়টি বেশ আনিতে পারিয়াছিল। তাহারা ধনী নহে, কিন্তু তবুও দিল্লী ত্যাগ করিয়া যাইবার পর কাশেম তাহাকে প্রয়োজনাতিরিক্ত বেশ দিয়াছিল—সে সবও সে আনিতে পারে নাই। আজ সে স্বয়ং একটি ফিরোজা বর্ণের বেশ পরিধান করিয়া নেজমাটিকে যে বেশটি দিয়াছিল, তাহার বর্ণ গাঢ় সবুজ। সেই বেশে তাহাকে সজ্জ আহরিত মাগনোলিয়া গ্র্যাণ্ডিফ্লোরা ফুলের মত দেখাইতেছিল। কি সুন্দর!

কাশেম উঠিয়া বসিল।

রসুলান তাহাকে অঙ্গুরী দেখাইয়া বলিল, “এটি কোথায় রাখিবে—রাখ।”

কাশেম বলিল, “বাস্তব রাখ।”

সে তখন রসুলানের হৃঃসাহসের বিষয় চিন্তা করিতেছিল। তাহার কি মনে ভয় নাই যে, সে এই সুন্দরীকে স্বামীর কাছে আনিয়াছে? সে বেগম-মহলের সকল বিপদ সম্ভাবনা তুচ্ছ করিয়া যে সাহসের পরিচয় দিয়াছে, ইহা কি সেই হৃঃসাহসেরই পরিচায়ক নহে? কিন্তু যদি স্বামীর প্রেম দৃঢ়তর করিবার জন্যই সে তখন সেই সাহসের পরিচয় দিয়া থাকে, তবে আজ তাহার কার্যে সে কি সেই ভালবাসাই বিপন্ন করিতে পারে না?

রসুলান বলিল, “যাও, স্নান করিয়া আইস। আজ সকলেরই নিজার প্রয়োজন অত্যন্ত অধিক। শয্যায় যে অভাব, তাহা অনুভূতও হইবে না।”

কাশেম হাসিয়া বলিল, “কতক্ষণ ঘুমাইবে?”

“কেন?”

“সন্ধ্যার সময় যে ট্রেন।”

“সে তুমি যাহাই কেন বল না—আজ বিশ্রাম না করিয়া যাওয়া হইবে না।”

সকলেরই বিশ্রামের প্রয়োজন কত অধিক তাহা কাশেম বুঝিল, কিন্তু উপায় কি? সে একটু স্নান হাসি হাসিয়া বলিল, “বিশ্রাম প্রাচুর্যের সঙ্গে থাকে—দারিদ্র্যের নহে। দরিদ্রের ভাগ্যে বিশ্রাম কোথায়?”

আপনার অবস্থার সঙ্কট থাকা ও তাহাতেই তুলি অনুভব করা স্বামীর সঙ্গস্থলে অভ্যস্তা রসুলানের যেন প্রকৃতিগত হইয়াছিল। সে বলিল, “কিসের অভাব?”

অভাব ভাবিলেই অভাব। আহাৰ্য্যের, বস্ত্রের প্রাচুর্য্য ও বিলাস কে চাহে? আমরা আশাদিগের মনে অভাবকে স্থান না দিয়াই তাহাকে পরাভূত করিয়াছি।”

“কিন্তু সে সেই পরাভবের প্রতিশোধ লইতে পারে, রসুলান।”

“পারে না। তোমরা—পুরুষরা বড় ভীৰু—কবে কি হইতে পারে ভাবিয়াই ভয় পাও।”

“তুমি সে কথা বলিবার অধিকারী বটে। কারণ, তুমি যে সাহস দেখাইয়াছ ও দেখাইতেছিলে, তাহা কল্পনাভীত।”

“বাহা কল্পনাভীত, তাহা কি কখন সম্ভব হয়?”

“তাহাকেই অসাধ্য-সাধন বলে।”

রসুলান নেজমার স্বক্বে হস্ত দিয়া বলিল, “কেন, সাহসের কি পুরস্কার নাই?”

কাশেমের মুখ দিয়া বাহির হইতেছিল, “বলিতে পারি না”—কিন্তু সে তাহা না বলিয়া, “আমি জান করিতে চলিলাম”—বলিয়া চলিয়া গেল।

সত্য সত্যই তাহার ভাবনার—হৃৎভাবনার অস্ত ছিল না।

কাশেম চলিয়া যাইলে নেজমা রসুলানকে বলিল, “সত্যই, রসুলান, তোমার সাহস অসাধারণ।”

“সাহস! সাহস কি আমার? শুনিয়াছি, চন্দ্ৰের আলো তাহার নহে—সূর্য্যের প্রতিফলিত আলো। আশাদিগেরও তাহাই, নেজমা। স্বামীর সাহসে জীর সাহস—নহিলে বেগম-মহলের সংবাদ কে জানিত?”

নিগ্রামুদীনে মেলা হইতে ফিরিবার পথে কাশেম যে তাহাকে নেজমার উদ্ধার সাধনে সহায় হইতে প্রতিশ্রুত করিয়াছিল, সেই কথা হইতে তাহাদিগের উদ্ধারের উপায় চিন্তা, দিল্লী ত্যাগ করিয়া নবাবের রাজধানীতে আগমনের সময় কাশেমের বাদীর পোষাক প্রস্তুত করান—তাহাকে বেগম-মহলে পাঠাইবার কল্পনা কার্য্যে পরিণত করা, সে সব রসুলান বিবৃত করিতে লাগিল। প্রত্যেক কাষই যে কাশেমের বুদ্ধিজাত, তাহা তাহার কথায় নেজমাও বুদ্ধিতে লাগিল। আর সঙ্গে সঙ্গে কাশেমের স্বক্বে তাহার প্রশংসা তাহার অহুরাগ বর্দ্ধিত করিতে লাগিল।

রসুলান যখন সেই কথা বলিতেছিল, আর নেজমা শুনিতেছিল, তখন মোসাকেরখানার এক জন ভৃত্য

আসিয়া উপস্থিত হইল। সে ঘরে প্রবেশ করিয়া যখন দেখিল, ঘরে ছই জন স্ত্রীলোক, তখন তাড়াতাড়ি বাহির হইয়া যাইয়া বারান্দা হইতে বলিল, তাহাদিগের কি কি জিনিষের প্রয়োজন বলিলে তাহার ব্যবস্থা হইবে।

নেজমা অভ্যাসহেতু আপনার বোরকা সন্ধান করিতে উঠিল। রসুলান বলিল, “সাহেব গোসলখানায় গিয়াছেন ফিরিয়া আসিয়া কি প্রয়োজন, তাহা বলিয়া আসিবেন।”

ভৃত্য চলিয়া গেল।

কাশেম জানঘর হইতে আসিলে রসুলান তাহাকে মোসাকেরখানার ভৃত্যের কথা বলিল। শুনিয়া কাশেম বলিল, “এক বেলা আহারের ব্যবস্থা করিতে হইবে।”

রসুলান বলিল, “আর এক বেলা?”

“তুমি কি সত্য সত্যই আজ যাইবে না?”


“না।”

কাশেম বলিল, “এই একটি ঘর।”

“হুইটির প্রয়োজন? মোসাকেরখানার লোক ত আর একখানা খাট আনিবে বলিয়া গিয়াছে। তাহারও প্রয়োজন নাই। আমরা ছই ভগিনী এক খাটেই ঘুমাইতে পারিব। কি বল, নেজমা?”

নেজমা কিছু বলিল না। সে স্বভাবতঃ যত্নস্বভাব—সে তাব সে তাহার মাতার নিকট হইতে লাভ করিয়াছিল। রসুলান সে প্রকৃতির নহে। বিশেষ অবিভাবকদিগের নিকট হইতে দূরে স্বামীর গৃহে গৃহিণী হইয়া থাকিয়া তাহার চিন্তের দৃঢ়তা আরও বর্দ্ধিত হইয়াছিল। তাহার মতই নেজমার মত প্রভাবিত ও তাহাকে চালিত করিতেছিল।

কাশেম ভাবিতেছিল। তাহার ভাবনা বর্তমানেরও বটে ভবিষ্যতেরও বটে—তবে ভবিষ্যতের ভাবনাই অধিক। এতদিন যে চিন্তা মনের মধ্যে শরতের আকাশে লঘু মেঘের মত দেখা দিয়াছে, আজ তাহা নিদাঘ-দিগন্তে ঘন মেঘের মতই হইতেছিল। তাহার বন্ধে বুদ্ধি বিছাৎও ছিল। সে ভাবিতেছিল, নেজমা আসিয়াছে—সে নিতান্ত বিচার-বিবেচনাহীন হইয়া যে কথা বলিয়াছিল, তাহাতে অকারণ গুরুত্ব আরোপ করিয়া—নানা বিপদের মধ্য দিয়া সে—রসুলানের সাহায্যে—তাহার প্রতিশ্রুতি রক্ষা করিয়াছে। তাহাতে তাহার ইষ্ট সাধিত হয় নাই—বরং অনিষ্টের সম্ভাবনা হইয়াছে। আর তাহাতে নেজমারও যে ইষ্ট সাধিত







হইয়াছে, তাহা বলা যায় না এবং তাহার অনিষ্টই যে হয় নাই, তাহা কে বলিতে পারে? ইহার পর নেজমার কি হইবে—সে তাহার দায়িত্ব কতদূর বহন করিতে পারিবে? সে নিঃস্বল—কেবল নিঃস্বল নহে—ভারগ্রস্ত। সে রসুলানকে বিবাহ করিয়াছে, সে তাহার সব ভার বহন করিতে বাধ্য। আর নেজমার ভার? অকারণে সে সেই ভার গ্রহণ করিয়াছে। সে যত ভাবিতেছিল, ততই সেই ভারের গুরুত্ব সে অনুভব ও উপলব্ধি করিতেছিল। সে কিরূপে তাহার ভার বহন করিবে? কি বলিয়া সে নেজমার পরিচয় দিবে? লোক কি মনে করিবে? লোকের কথা ধনীরা উপেক্ষা করিতে পারে—তাহারা সমাজকে অবজ্ঞা করিতে পারে; কিন্তু দরিদ্র তাহা পারে না। কারণ, দরিদ্রকে সমাজের বিধি-নিবেদ-শাসন মানিয়া চলিতে হয়। সমাজ তাহার সম্বন্ধে কিরূপ ব্যবস্থা করিবে, কে বলিবে? রসুলান এখন তাহার কার্যের সাফল্যে মত্ত হইয়া আছে। তাহাকে এখন এ সব কথা বুঝান যাইবে না—শুনিলেও সে বুঝিবে না। শুনাইবার অবকাশও নাই—সে এক বারও নেজমাকে ছাড়িয়া যাইতেছে না। কিন্তু তাহাকে এ সব শুনাইতে ও বুঝাইতে হইবে, রসুলানকেও এসব শুনিতে ও বুঝিতে হইবে। সে জন্ত অবসরের প্রয়োজন।

কাশেম রসুলানকে বলিল, “ভাল; তোমারই জয় হইল। আমরা আগামী কল্য বোম্বাই যাত্রা করিব।”

সে ছই বেলা আহ্বারের ব্যবস্থা করিতে গেল। সে-ও

শ্রান্ত হইয়াছিল; কিন্তু চিন্তার উত্তেজনা তাহাকে শ্রান্তি ভয় করাইতেছিল।

যে বোড়া বহুক্ষণ শ্রম করে সে যখন মুক্তি পায়, তখন যেমন ভাবে তাহার বিশ্রাম উপভোগ করে, তিন জন আহ্বারের পব তেমনই তাহাদিগের বিশ্রাম উপভোগ করিল। যখন সর্বাগ্রে নেজমার নিদ্রাভঙ্গ হইল, তখন অপরাহ্ন। সে রসুলানকে জাগাইল। তাহার পর কাশেম উঠিল।

রসুলান কাশেমকে জিজ্ঞাসা করিল, “এ সহরে কি দেখিবার কিছুই নাই?”

কাশেম বলিল, “তাহা ত শুনি নাই।”

বাহির হইতে কাশেমের ইচ্ছা ছিল না। তাহার আশঙ্কাও যে ছিল না, তাহা নহে—নবাবের লোক নিশ্চরই সন্ধান বাহির হইয়াছে, হয়ত সন্ধান পাইবে।

সে বোম্বাই নগরে উপনীত হইবার জন্ত ব্যস্ত হইয়াছিল। তথায় যাইয়া—সামান্য সঞ্চয় নিঃশেষ হইবার পূর্বে তাহাকে অর্থার্জনের উপায় করিতে হইবে। সে উপায়ের সন্ধানলাভ যে সহজ নহে, তাহা সে জানিত। কিন্তু সে কথা বলিয়া সে রসুলানকেও আতঙ্কিত করিতে চাহিল না। যে ভালবাসে সে সব চিন্তা আপনি লইয়া ভালবাসার পাত্রকে ভাবনামুক্ত করিতেই চাহে। তাহাতেই সে তৃপ্তি ও আনন্দ লাভ করে।

[ক্রমশঃ।

শ্রীহেমেন্দ্রপ্রসাদ ঘোষ।

## ফুলের ফসল

ছোট এক-গুছি “করবী” কুম্ব ;

“ট্রেন” খামিরাছে “ইষ্টিশানে”—

তুলিয়া নিলাম ; কোথা তারে ধুই ?

চেয়ে দেখি যত যাত্রী পানে ॥

ছোট এক মেয়ে ব'সেছিল চেয়ে

হাসিমুখে নিল সে ফুলগুলি—

পরিপাটি করি' একে একে একে

সাজালো তাহার খোঁপায় তুলি' !

\* \* \* \*

কাননের ফুল বৃন্তের 'পরে

ফুটেছিল কত মনের সুখে,

নিষ্ঠুর সম ছি'ড়িলাম তা'রে

অনুতাপে মরি দারুণ দুখে।

এবে দেখিলাম ফুলেলা আননে

রূপের কাননে পেল সে ঠাই—

খোঁপার বৃন্তে ফুটিল আবার !

মনে আর মোর হুঃখ নাই !

শ্রীরামেন্দু দত্ত

# ইতিহাসের খবুসার

## ভারতে মুসলমান-বিজয়

মুসলমান কর্তৃক ভারত-বিজয় ভারতের ইতিহাসে প্রসিদ্ধ ঐতিহাসিক ঘটনা; কিন্তু এই ঘটনা নিবিড় রহস্য-জালে সমাচ্ছন্ন। এ সম্বন্ধে হিন্দু ঐতিহাসিকগণের লিখিত কোন নির্ভরযোগ্য ইতিহাস নাই। মুসলমানদিগের লিখিত কিছু কিছু বিবরণ পাওয়া যায় সত্য, কিন্তু সেই বিবরণ যে সম্পূর্ণ পক্ষপাতবর্জিত ইহা বিশ্বাস করা কঠিন; এবং কি কারণে অবিখ্যাত তাহা বুঝিতে পারা কঠিন নহে; বর্তমানকালে আমরা সুস্পষ্টরূপেই দেখিতে পাইতেছি যে, বিজয়ী-পক্ষ অনেক সময় আপনাদের নিষ্ঠুর, নীতিবিগর্হিত কার্যের সমর্থনের জন্য কতকগুলি সত্য তথ্য গোপন বা বিকৃত, এবং আপনাদের গৌরবসাধক কতকগুলি অতিরঞ্জিত কাল্পনিক কথার অবতারণা করিয়া নিরপেক্ষ ইতিহাস রচনা করেন। ফলতঃ, ইতিহাসের ধারা বধায়ক ভাবে রক্ষিত হয় না। সকল দেশের ইতিহাসেরই অস্বাভাবিক বিকৃতি এই ভাবেই সাধিত হইয়া থাকে; কিন্তু অধিকাংশ স্থলেই তাহার উদ্ধার-সাধনের উপায় পাওয়া যায় না। যে সকল ঐতিহাসিক এবং ঐতিহাসিক-গবেষণাকারী নানা অসামঞ্জস্যের মধ্যে সামঞ্জস্যসাধনের চেষ্টা করেন, তাঁহারা অনেক সময় স্ব স্ব ব্যক্তিগত ঝোঁক ও ভ্রান্ত ধারণার ফলে ভ্রম-সংশোধনের চেষ্টায় নূতন নূতন ভুলের সৃষ্টি করিতেও কুষ্ঠিত নহেন; সুতরাং ঐতিহাসিক তথ্য আলোচনা করিতে হইলে সকল সিদ্ধান্তই যে অস্বাভাবিক হইবে, এরূপ আশা করা যায় না।

ভারতে মুসলমান-বিজয়ের ব্যাপারটা বুঝিতে হইলে তাহার পূর্ববর্তী সময়ে ভারতের রাজনীতিক পরিস্থিতি কিরূপ ছিল, তাহা বুঝিবার প্রয়োজন। খৃষ্টীয় ষষ্ঠ এবং সপ্তম শতাব্দী হইতে উত্তর-ভারতে রাজপুতদিগের রাজত্ব-কালের যুগ বলিয়া সিদ্ধান্ত করা হইয়া থাকে। এই সময়ে রাজপুত জাতিই আর্য্যাবর্তের প্রায় সর্বত্র রাজ্য স্থাপন করিতে আরম্ভ করেন। একথা সকলেরই সুবিদিত যে, রাজপুতরা চন্দ্র-সূর্য্যবংশীয় বলিয়া আপনাদের পরিচয় দিয়া

থাকেন। কতকগুলি আধুনিক ঐতিহাসিকের অভিমত এই যে, তাঁহারা রামায়ণ ও মহাভারতে বর্ণিত সূর্য্য ও চন্দ্র-বংশীয় নৃপতিগণের বংশধর নহেন; তাঁহারা হুণ ও গুর্জর জাতির বংশধর। এই হুণ বা হুন্নি জাতির বিশেষ কোন পরিচয় পাওয়া যায় না। কেহ কেহ বলেন, হুণ জাতি মধ্য-এসিয়ার অন্ততম বর্কর জাতি। ইহারা কাম্পিয়ান সাগরের সান্নিধ্যে বাস করিত। ইহারা মানব জাতির মঙ্গোলীয় (Mongolian) শাখা-সমূহ, এবং বর্কর জাতি। আবার কেহ কেহ বলেন, ইহারা তাতার (Tartary) দেশ হইতে চীনের প্রান্ত সীমা পর্যন্ত বিস্তৃত ভূভাগে বাস করিত। ইহাদের আকৃতিগত বৈশিষ্ট্য এই যে, ইহারা বৃষক্ষ, ইহাদের নাসিকা চ্যাপ্টা, চক্ষু কোটরগত, এবং ইহাদের শব্দ-উদগম হইত না। বলা বাহুল্য, ইহাদের বর্ণিত এই আকৃতির সহিত রাজপুতদিগের আকৃতির সাদৃশ্য লক্ষিত হয় না। এরূপ অবস্থায় রাজপুতরা যে হুণদিগের বংশধর, এরূপ ধারণা হয় না। ইহার পর যুরোপীয় পণ্ডিতরা গবেষণা করিয়া এই অভিমত প্রকাশ করিয়াছেন যে, হুণ জাতির সহিত কৃত্রিম জাতির শোণিত-সংশ্রবণেই রাজপুত জাতির উদ্ভব। এই উক্তির সমর্থন করিতে হইলে যেরূপ নির্ভরযোগ্য প্রমাণের প্রয়োজন, সেরূপ প্রমাণের সম্পূর্ণ অভাব; অধিকন্তু তাঁহাদের প্রমাণ অতি দুর্বল। অতি প্রাচীনকাল হইতে এ দেশে বিভিন্ন জাতির বা বর্ণের রক্ত-সংশ্রবণের বিরোধী ব্যবস্থা প্রবর্তিত আছে। বৌদ্ধ যুগের শেষের দিকে সেই ব্যবস্থা, অর্থাৎ জাতিভেদ কতকটা শিথিল হইলেও উহা সম্পূর্ণ উপেক্ষিত হয় নাই। কৃত্রিমদিগের মধ্যে তাহা হয়-ই নাই। এরূপ অবস্থায় কতকটা অসুস্থতার উপর নির্ভর করিয়া রাজপুতরা হুণ বা গুর্জরদিগের বংশধর, এইরূপ সিদ্ধান্ত আদৌ যুক্তিসহ নহে। ইহার প্রকৃষ্ট প্রমাণ তাঁহারা কোথায় পাইয়াছেন,—তাহা আবিষ্কার করা অসাধ্য। কতকগুলি হুণ দেড় হাজার বৎসর পূর্বে উত্তর এবং পশ্চিম-ভারতে আসিয়া বাস

রিয়াছিল,—এ কথা তথ্য হইতে পারে ; কিন্তু রাজপুত্রা  
য তাহাদেরই বংশধর, ইহার প্রমাণ কোথায় ? যুরোপীয়রা  
লেন,—মিশ্র-শোণিতসম্মত ঐ সকল হুণের বংশধরগুলিকে  
ব্রাহ্মণরা হিন্দুধর্মে দীক্ষিত করিয়া, তাহাদিগকে এক  
একটা কৃত্রিমবংশজাত বলিয়া নির্দেশ করিয়াছিলেন ! কিন্তু  
ইহার নির্ভরযোগ্য প্রমাণ তাঁহাদের কেতাবে নাই । কেবল  
অনুমানে নির্ভর করিয়া নির্ভয়ে হিন্দুদিগকে জালিয়াৎ বলিয়া-  
ছেন ! কিন্তু কেবল অনুমানে নির্ভর করিয়া ঐরূপ অশ্রদ্ধের  
কথা বলা ধৃষ্টতা ভিন্ন আর কি ? আবার একদল যুরোপীয়  
পণ্ডিত বলিয়া থাকেন, রাজপুত্রা গ্রীকদিগের বংশধর ;  
অর্থাৎ রাজপুত্রা যে ভারতীয় নহে, অন্য দেশের লোক  
ইহা প্রতিপন্ন ও প্রচার করিবার জন্য যুরোপীয়গণ অত্যন্ত  
আগ্রহবান ; কিন্তু রাজপুত্রগণ প্রকৃতই ভারতীয় । কেবল  
দুই একটা নামের বা অভিখ্যার ধাত্মিক আংশিক সাদৃশ্য  
দেখিয়া উহাদিগকে ভিন্ন জাতীয় বলিয়া অনুমান করিলে  
সে অনুমান ভ্রমাত্মক হইবার সম্ভাবনাই অত্যন্ত অধিক ।  
ধনিগত সাদৃশ্য দেখিয়া যদি কেহ সিদ্ধান্ত করেন যে,  
ক্যানিউট ( Kanute ) এবং কণিক একই ব্যক্তি ছিলেন,  
বান্দালার গড়গড়ি অভিখ্যাত ব্রাহ্মণগণ প্রথম এবং প্রধান  
পোপ গ্রেগরীর বংশসম্মত, শাস্ত্রু এবং সেণ্ট এণ্ড্রুজ এক  
জাতীয়, তাহা হইলে যেরূপ হাশ্বজনক ভ্রমে পতিত হইতে  
হয়, ইহাও সেইরূপ ; যেহেতু, চাহমান বা চৌহান রাজপুত্রগণ  
আপনাদিগকে খিচি বলিয়া আত্মপরিচয় দেন, এবং হুণদিগের  
মধ্যে খিচি নামক একটা দল ছিল, অতএব চৌহান রাজ-  
পুত্রা মঙ্গোলীয় হুণ, এরূপ সিদ্ধান্ত করাও কি হাস্যোদ্বীপক  
নহে ? এখানে এ বিষয়ের দীর্ঘ আলোচনা অপ্ৰাসঙ্গিক ।  
বস্তুতঃ, রাজপুত্রগণ হুণ বা গ্রীক-শোণিতসম্মত নহে, এ  
কথা দৃঢ়তার সহিত বলিতে পারা যায় । রাজপুত্রা  
শোণিতের বিগুচ্ছিরকার জন্ত বিশেষ যত্নবান ছিলেন,—  
ইতিহাসে তাহার প্রচুর প্রমাণ পাওয়া যায় । মিশ্র জাতির  
শোণিতের বিগুচ্ছিরকার কখন মনোযোগী হয় নাই ।

যাহা হউক, খৃষ্টীয় ষষ্ঠ শতাব্দীর শেষ ভাগ হইতে আরম্ভ  
করিয়া ত্রয়োদশ শতাব্দীর শেষ ভাগ পর্য্যন্ত যে যুগ আসিয়া-  
ল, আর্ঘ্যাবর্তের ইতিহাসে কেহ কেহ তাহা রাজপুত্র-যুগ  
নামে অভিহিত করিয়া থাকেন । এই কালে চালুক্য,  
পাণ্ডুকট, পরমার, প্রতিহার, চাহমান, গহড়বান, হৈহয়,

চন্দেল প্রভৃতি রাজপুত্র জাতির বিভিন্ন শাখা আর্ঘ্যাবর্তের  
বিভিন্ন অঞ্চলে প্রবল হইয়া সিংহাসন স্থাপন করিয়াছিলেন ।  
ইহাদের প্রায় সকল শাখাই শৌর্য্য-বীর্য্যসম্পন্ন ছিলেন ; কিন্তু  
পরস্পর বিরোধে রত হইয়া ভারতের সামরিক শক্তি ক্ষীণ  
করিয়া ফেলিয়াছিলেন । ফলে খৃষ্টীয় ত্রয়োদশ শতাব্দীতে  
উত্তর-ভারতের ক্ষত্র জাতিদের পক্ষে আর বাহির হইতে  
প্রচণ্ড আক্রমণে বাধাদানের তেমন অধিক শক্তি ছিল না ।  
অবশেষে উত্তর-পশ্চিম ভারতে কৃত্রিমগণের পরিবর্তে  
ব্রাহ্মণগণ স্থানে স্থানে রাজ্য-শাসনের ভার লইয়াছিলেন ।  
অধিকাংশ কৃত্রিম-রাজ্যই ক্ষুদ্র ক্ষুদ্র রাজ্য প্রতিষ্ঠিত করিয়া  
শাসনদণ্ড পরিচালিত করিতেছিলেন । পরস্পর বিবাদে ফলে  
ইহাদিগের শক্তিকর হওয়ার ইহারা অতিশয় দুর্বল হইয়া  
পড়েন । খৃষ্টীয় দ্বাদশ শতাব্দীতে এবং ত্রয়োদশ শতাব্দীর  
প্রথমেও এই দোষ অত্যন্ত প্রবল হইয়াছিল ; এই সুযোগেই  
গজনীর মামুদের পক্ষে ভারত আক্রমণ সহজ হইয়াছিল ।  
ইসলাম ধর্ম ৬২২ খৃষ্টাব্দের অল্পকাল পূর্বে আরব দেশে  
প্রচারিত হইয়া তড়িৎ-বেগে পারস্ত, মেসোপটেমিয়া, সিরিয়া  
প্রভৃতি পশ্চিম-এসিয়ার বিস্তীর্ণ ভূভাগ আয়ত্ত করিয়াছিল ।  
আফগান রাজ্যে এবং ভারতে বহুকাল উহা প্রবেশলাভ  
করিতে পারে নাই ; তাহার কারণ, তখন আফগান রাজ্যের  
বহু স্থান রণকুশল হিন্দুদিগের দ্বারা শাসিত হইতেছিল ।  
একটা উদাহরণ হইতেই ইহা পরিষ্কৃত হইবে । খৃষ্টীয় অষ্টম  
শতাব্দীতে সিন্ধু দেশে দাহির নামক রাজপুত্র-রাজা রাজত্ব  
করিতেন । এই স্থানের রাজপুত্রগণ বৈষ্ণব মতাবলম্বী  
ছিলেন, সুতরাং তাঁহারা অহিংস ছিলেন । কিন্তু দেশের  
প্রজাসাধারণ বৌদ্ধ ছিলেন, এজন্য তাঁহারাও কতকটা হিংসা-  
শূন্য ছিলেন । রাজপুত্র শাসকদিগের সহিত দেশের প্রজা-  
সাধারণের প্রবল বিরোধ ছিল । সিন্ধুদেশের জলদস্যুরা  
সিংহল হইতে পারস্তগামী কলিকথানি যাত্রী-জাহাজ লুণ্ঠন  
করে । পারস্তরাজ এজন্য কতিপূরণের দাবী করিলে রাজা  
দাহির এই দাবী প্রত্যাখ্যান করেন । ক্রুদ্ধ পারস্তরাজ  
সিন্ধুপতিকে শিকাদানের জন্ত দাহিরের বিরুদ্ধে হইবার  
সৈন্য প্রেরণ করিয়াছিলেন । হইবারই পারসিক সৈন্যদলকে  
পরাজিত হইয়া প্রত্যাগমন করিতে হইয়াছিল । তৃতীয়বার  
পারস্তের শাসনকর্তা ( Hajjaj ) হজ্জর তাঁহার জামাতা  
মহম্মদ বিন কাশিমের নেতৃত্বাধীনে এক বিপুল বাহিনী

প্রেরণ করেন। কাশিম সিদ্ধদেশে আসিয়া বৌদ্ধ জমিদার প্রভৃতিকে কুমন্ত্রণা দানে স্বকীয় দলভুক্ত করিয়াছিলেন। দাহিরের সৈন্তগণ যখন মুসলমানদিগের সহিত যুদ্ধ করিবার জন্ত রণক্ষেত্রে উপস্থিত হইল, তখন সিদ্ধ দেশের বৌদ্ধগণ ঘোর বিশ্বাসঘাতকতা সহকারে দাহিরের রাজপুত্র সৈন্তদিগকে পরিবেষ্টন করিল। 'ফলতঃ ( Rabar ) রাবরের রণক্ষেত্রে দাহিরের বীর সৈনিকগণকে সম্পূর্ণরূপে পরাজিত হইতে হইয়াছিল। দাহির রণক্ষেত্রে নিহত হইলে রাজমহিষী অসম সাহসের সহিত দুর্গরক্ষা করিতেছিলেন। যখন দুর্গরক্ষার আর কোন আশা রহিল না, তখন রাণী তাঁহার সচরীবর্গে পরিবৃত হইয়া অগ্রিকূণ্ডে প্রাণ বিসর্জন করিলেন। কাশিম এই কৌশলে সিদ্ধদেশ জয় করিলেন। বৌদ্ধ সিদ্ধ-প্রজাদিগের সেই বিশ্বাসঘাতকতার ফলে সিদ্ধদেশ যে পরাধীনতার নিগড়ে শৃঙ্খলিত হইয়াছিল,—তাহা হইতে আর তাহার উদ্ধার হয় নাই। যে বৌদ্ধগণ বিশ্বাসঘাতকতা করিয়া এই রাজ্যটি কাশিমের হস্তে তুলিয়া দিয়াছিল, কিছুকাল পরে তাহাদিগকেই বলপ্রকাশে মুসলমান-ধর্মে দীক্ষিত করা হইয়াছিল! মহম্মদ বিন কাশিমও কোন কারণে খলিফার বিষদৃষ্টিতে পতিত হওয়ার খলিফার আদেশে প্রাণদণ্ডে দণ্ডিত হইয়াছিলেন। সিদ্ধ হইতে আরবগণ কয়েকটি হিন্দু রাজ্যের বিরুদ্ধে অভিযান করিয়াছিল; \* কিন্তু তাহাদের চেষ্টা সফল হয় নাই। ইহা খৃষ্টীয় অষ্টম শতাব্দীর ঘটনা। ইহার পর ভারতে আর কিছু কাল মুসলমান-আক্রমণ হয় নাই।

সিদ্ধ-বিজয় ব্যাপারে বুঝা যায় যে, হিন্দুস্থানে গৃহবিবাদে এবং বিভিন্ন সম্প্রদায়ের পরস্পর-বিষেবে বিদেশীদিগের পক্ষে ভারতীয় রাজ্যগুলিকে আক্রমণ করা সহজসাধ্য হইয়াছিল। হিন্দুদিগের মধ্যে এই সময়ে দেশাশ্রবোধ অনেকটা হ্রাস হইয়াছিল। লোক ব্যক্তিগত এবং সম্প্রদায়গত বিষেবের প্রেরণার কার্য করিত। সেই জন্ত

\* এই স্থানের কমলা দেবী এবং দেবলা দেবীর কাহিনী ইতিহাসে বর্ণিত আছে। কিন্তু অনেক ঐতিহাসিক উহা সত্য বলিয়া স্বীকার করেন না। সেইজন্য সেই কাহিনীটি এখানে উল্লেখযোগ্য বলিয়া মনে হইল না। কতকগুলি কাল্পনিক গল্পকে ইতিহাসের মর্যাদা দিলে ইতিহাসের গৌরব ক্ষুণ্ণ হয়—অনেক শিক্ষিত লোকও ইহা বুঝিতে পারেন না।

কোন রাজ্য বহিঃশত্রু কর্তৃক আক্রান্ত হইলেই সেই রাজ্যের একদল প্রবল লোক আক্রমণকারীদিগকে সাহায্য করিতে কুণ্ঠিত হইত না। দাহিরের সময় উহা কিয়ৎ পরিমাণে প্রকাশ পাইলেও এই দেশাশ্রবোধের অভাব ক্রমশঃ অধিক মাত্রায় প্রকটিত হইয়াছিল।

কাশিমের পর তিন শত বৎসর মুসলমানগণ আর ভারত আক্রমণ করিতে পারেন নাই। কুমতী থাকিলে সে সুযোগ তাঁহারা ত্যাগ করিতেন না। তাঁহারা প্রথমে আফগান রাজ্যকে মুসলমান শাসনাধীনে আনিবার চেষ্টা করিয়াছিলেন। সিদ্ধদেশ মুসলমানদিগের অধীন হইলেও আফগান রাজ্য হিন্দুদিগেরই অধীন ছিল। শুনা যায়, কপিফের জনৈক বংশধর আফগান রাজ্য শাসন করিতেন। ইহারা তখন বৌদ্ধধর্মাবলম্বী হইয়াছিলেন। কাশিম কর্তৃক সিদ্ধ-বিজয়ের প্রায় শতাধিক বৎসর পরে পারস্ত এবং তুর্কীস্থান হইতে সমাগত মুসলমান সেনাপতির্যাদীরা ধীরে ধীরে উত্তর এবং পশ্চিম আফগান রাজ্য অধিকার করিয়াছিলেন; কিন্তু ঐ সকল স্থান হস্তচ্যুত হওয়ার্তে বৌদ্ধ এবং হিন্দুদিগের মনে কোন প্রকার ক্রোধ বা হুঃখ হইয়াছিল—তাহার কোন প্রমাণ নাই। ইহারা ক্রমশঃ পঞ্চনদ প্রদেশের দিকে ধাবিত হইলেন; কিন্তু সত-রাজ্য পুনরুদ্ধারের জন্ত কোনরূপ চেষ্টাই ইহারা আর করেন নাই। খৃষ্টীয় দশম শতাব্দীতে ইয়াকুব বিন লইস নামক একজন মুসলমান সেনাপতি হিন্দুদিগের অধিকার হইতে কাবুল অঞ্চলটি আত্মসাৎ করিয়াছিলেন। খৃষ্টীয় দশম শতকের শেষভাগে বোগ্দাদের আরব-রাজশক্তি ক্ষুণ্ণ হইলে ভারতের পশ্চিমপ্রান্তে কতকগুলি ক্ষুদ্র ক্ষুদ্র মুসলমান রাজ্য স্থাপিত হইয়াছিল। পারস্তের খোরাসান এবং মধ্য-এসিয়ার বোখারা অঞ্চল পর্য্যন্ত বিস্তৃত ভূভাগে আলপ্তিগীন নামক জনৈক তুর্কী ক্রৌতদাস গজনীর ভারতীয় শাসকদিগকে পরাজিত করিয়া গজনীতেই মুসলমান প্রভুত্ব প্রতিষ্ঠিত করেন। আলপ্তিগীন যে হিন্দু রাজ্যকে পরাজিত করিয়া ঐ রাজ্য অধিকার করিয়াছিলেন তিনি ব্রাহ্মণ। এই ব্রাহ্মণটি ছিলেন ঐ রাজ্যের মন্ত্রী। তিনি ঐ অঞ্চলের রাজা কপিফের জনৈক বংশধরকে সিংহাসনচ্যুত করিয়া স্বয়ং সিংহাসনে আরোহণ করিয়াছিলেন। ইনি বুদ্ধবিহার স্তম্ভ ছিলেন ৩।

ভারতীয় রাজগণ ইহার প্রতি সহায়ত্বসম্পন্ন ছিলেন না; সেই জন্ত পঞ্জাবের প্রান্তবর্তী স্থান গজনীর মুসলমান-দিগের অধিকারভুক্ত হইলেও ভারতের হিন্দুদিগের মনে চাঞ্চল্যের সৃষ্টি হয় নাই। আলপ্তিগীন তাঁহার বংশকে 'ইয়ামিনী' বংশ বলিয়া অভিহিত করেন। আলপ্তিগীনের মৃত্যুর পর তাঁহার ক্রীতদাস সবুক্তিগীন গজনীর সিংহাসনে আরোহণ করিয়াছিলেন। সবুক্তিগীন বহু তুর্কীকে তাঁহার রাজ্যে বাস করিবার জন্ত আহ্বান করেন। এই সকল তুর্কী গজনী এবং তাহার সন্নিহিত জনপদগুলির হিন্দু ও বৌদ্ধদিগের মনে আতঙ্ক-সঞ্চার করিয়াছিল। কাবুল মুসলমানদিগের হস্তগত হইলে উহার ব্রাহ্মণ রাজবংশ (শাহাবংশ) উন্ড (Und) বা উদ্ভাস্তপুর নামক এক নগরী প্রতিষ্ঠিত করিয়া তথায় রাজত্ব করিতে আরম্ভ করেন। এই উদ্ভাস্তপুর বর্তমান আটকের আট ক্রোশ উত্তরে সিঙ্কুনদতীরে অবস্থিত ছিল। জয়পাল গজনীস্থিত তুর্কীদিগের সহিত বারংবার যুদ্ধ করিয়াও কখন বিশেষভাবে জয়ী হইতে পারেন নাই; বরং বহুবার পরাজিত হইয়াছিলেন। পরাজিত ব্রাহ্মণ রাজবংশীয় রাজা জয়পাল আফগান রাজ্যের অংশ তুর্কীদিগকে ছাড়িয়া দিতে বাধ্য হইয়াছিলেন। ভারতীয় অগ্রাণু নৃপতি জয়পালের সাহায্যার্থ প্রথমে অগ্রসর হইলে ইতিহাসের দ্বারা অত্র খাতে প্রবাহিত হইত।

ইহার পর সবুক্তিগীনের মৃত্যু হইলে তাঁহার কনিষ্ঠ পুত্র ইসমাইল তাঁহার সিংহাসনে আরোহণ করেন; কিন্তু উহার সাত মাস পরে তাঁহার জ্যেষ্ঠ ভ্রাতা মামুদ তাঁহাকে যুদ্ধে পরাস্ত করিয়া পিতৃসিংহাসন অধিকার করেন। তিনি খলিফার নিকট হইতে সুলতান উপাধি লাভ করেন, এবং প্রতি বৎসর ভারত আক্রমণের ব্যবস্থা করেন। তিনি কতবার ভারত আক্রমণ করিয়াছিলেন, তাহার সঠিক বিবরণ ছুপ্রাপ্য। কেহ কেহ বলেন, তিনি ২২ বার ভারত আক্রমণ করেন। কেহ কেহ বলেন, ভারত হস্তগতকর্তৃক সতের আঠার বার আক্রান্ত হইয়াছিল। ইতিহাসিক উৎসার "কিতাব উল-যামিনী" নামক গ্রন্থে ইহার বিবরণ প্রদত্ত হইয়াছে। কিন্তু সেই বিবরণ অত্যন্ত সংক্ষিপ্ত; তবে উহা মামুদের মৃত্যুর অল্পকাল পরে লিখিত। পরিষ্কার উহার বিবরণ পাওয়া যায় সত্য, কিন্তু উহা

মামুদের অভিযানের অনেক পরে লিখিত; সুতরাং উহার উপর সম্পূর্ণ নির্ভর করা যাইতে পারে না। ইহার পর "জৈহুন আকবর অব গির্দিজী" নামক একখানি গ্রন্থের সন্ধান পাওয়া যায়। মূল পুস্তকখানি ফার্সি ভাষায় লিখিত। অধ্যাপক মহম্মদ নাজিম কর্তৃক উহা প্রকাশিত হইয়াছে। কথিত আছে—এই গ্রন্থখানি সুলতান মামুদের মৃত্যুর কুড়ি পঁচিশ বৎসর পরে লিখিত হইয়াছিল। সেই জন্ত অনেক ইতিহাসলেখক উহা প্রামাণ্য বলিয়া স্বীকার করিতেছেন। কিন্তু উহার প্রদত্ত বিবরণ কোন কোন স্থানে অতিরঞ্জিত বলিয়া সন্দেহ হয়। ইহাতে প্রকাশ, ৩৯০ হিজিরায় অর্থাৎ ১০০০ খৃষ্টাব্দে মামুদ প্রথমে ভারত আক্রমণ করিয়া অনেকগুলি কেল্লা দখল করিয়াছিলেন। ইহা কতদূর বিশ্বাসযোগ্য তাহা বলা কঠিন। কারণ, অত্র কোন ঐতিহাসিক এই অভিযানের উল্লেখ করেন নাই। অত্র সকলের মতে মামুদ ৩৯১ হিজিরায় ৫ই রমজানে (১০০১ খৃষ্টাব্দের ২৮শে আগষ্ট তারিখে) দশ হাজার সৈন্য লইয়া তাঁহার পিতৃবৈরী রাজা জয়পালের বিরুদ্ধে প্রথম অভিযান করেন। রাজা জয়পাল তাঁহার বিরুদ্ধে সমরক্ষেত্রে অবতরণ করেন; কিন্তু যুদ্ধে পরাজিত হইয়া তাঁহাকে বন্দী হইতে হয়। তাঁহার কয়েকটি পুত্র এবং ভ্রাতাকেও মামুদ বন্দী করিতে সমর্থ হইয়াছিলেন। রাজা জয়পাল মামুদকে করদানের অঙ্গীকারে পরে মুক্তিলাভ করেন। কিন্তু যুদ্ধে পরাজিত তেজস্বী নরপতি জয়পালের মনে এতই ধিকার জন্মিয়াছিল যে, তিনি স্বহস্তে চিতা সজ্জিত করিয়া সেই চিতানলে জীবন বিসর্জন করেন। গির্দিজীতে কথিত হইয়াছে যে, সুলতান মামুদ শতদ্রু নদীর তীর পর্য্যন্ত অগ্রসর হইয়াছিলেন। অনেকের মতে ইহাই ভারতের বিরুদ্ধে মামুদের প্রথম অভিযান। ৩৯২ হিজিরায় ৮ই মহরম (১০০১ খৃষ্টাব্দের ২৭শে নবেম্বর) রণক্ষেত্রে জয়পালের সহিত মামুদের শক্তিপরীক্ষা হইয়াছিল।

ইহার পরে মামুদ আর প্রায় সাত বৎসর কাল ভারত আক্রমণ করেন নাই; অন্ততঃ অত্র ইতিহাসে তাহার উল্লেখ দেখা যায় না। কিন্তু গির্দিজী লিখিয়াছেন, ১০০৩ খৃষ্টাব্দের পর মামুদ ভাটিনা বা ভাটিণ্ডা আক্রমণ করিয়া তাহা অধিকার করেন। এই স্থানে তিন দিন ধরিয়া উত্তর পক্ষের তুঘল সংগ্রামের পর ভাটিণ্ডা-রাজ বাজ

রাও সৈন্তদিগকে সমরক্ষেত্রে যুদ্ধে পাঠাইয়া স্বয়ং সাসনা (Sasana) নদীতীরে গমন করেন। মামুদ তাঁহাকে বন্দী করিবার জন্ত সৈন্ত প্রেরণ করিলে বাজ রাও অপমানের ভয়ে আত্মহত্যা করেন, কিন্তু মরিয়াও অপমান হইতে নিষ্কৃতি লাভ করিতে পারিলেন না; মামুদের সেনাপতি মৃত বাজ রাওয়ের মাথা কাটিয়া লইয়া মামুদকে উপহার দান করিলেন। এই কাহিনী নানা কারণে বিশ্বাসের অযোগ্য, এবং এই অভিযানের সত্যতা সম্বন্ধে সন্দেহের কারণ আছে। উৎচী ইহার কথা কিছুই বলেন নাই; ফেরিস্তাতেও এই প্রকার পৈশাচিক নির্ভরতার—এত বড় হিন্দুমানির উল্লেখ নাই। ভাটিগায় কোন ধন-রত্নের আকর্ষণ ছিল না; তবে পরস্বাপহারী অর্থগণ্ণ মামুদ কোন্ লোভে সেখানে আকৃষ্ট হইবেন? মামুদ মধ্যে বে সাত বৎসর ভারত আক্রমণে বিরত ছিলেন,—তাঁহার প্রকৃতির সহিত এই সুদীর্ঘ বিরামের সামঞ্জস্য না থাকায় এই আক্রমণের কাহিনী রচিত হইয়া তাঁহার অশ্রান্ত ভারত আক্রমণের বার্তা ঘোষিত হওয়া অসম্ভব নহে।

গির্দিজীতে বর্ণিত হইয়াছে যে, ৩৯৬ হিজিরায় বা ১০০৬ খৃষ্টাব্দে মামুদ বক্রপথ ধরিয়া মুলতান আক্রমণ করিয়াছিলেন। মুলতানের রাজা আনন্দ পাল পরাজিত হইয়া কাশ্মীরে পলায়ন করেন। মামুদ মুলতান অবরুদ্ধ করিলেন; শেষে উভয় পক্ষের সন্ধি হয়। কিন্তু এ ব্যাপারটির সহিতও সত্যের সম্বন্ধ স্বীকার করা কঠিন। উৎচী বা ফেরিস্তা কেহই উহার উল্লেখ করেন নাই। গির্দিজীর মতে ইহার পর আর আনন্দ পালের সহিত মামুদের কোন সংঘর্ষ হয় নাই; কিন্তু অত্রাণ ঐতিহাসিকরা বলেন, ১০০৮ খৃষ্টাব্দে মামুদ মুলতানের জৈনক সর্দার আবুল-ফৎ লোদীকে শাস্তিদানের জন্ত ভারত আক্রমণ করিয়াছিলেন, এবং তাহাকে কঠোর শাস্তিই দিয়াছিলেন। ঐ সময়ে মুলতান মামুদের সহিত জয়পালের পুত্র আনন্দ (অনঙ্গ?) পালের তুমুল সংগ্রাম হইয়াছিল। উত্তর-পশ্চিম ভারতের অনেক হিন্দু রাজা আনন্দ পালকে সাহায্য করিবার জন্ত সৈন্য ও অর্থ প্রেরণ করিয়াছিলেন; তথাপি আনন্দ পালকে যুদ্ধে পরাজিত হইতে হইয়াছিল। মামুদ হিন্দুদিগের অহুসরণে নগরকোটে উপস্থিত হইয়াছিলেন। এই সময়েই তিনি জালা-মুখীর প্রসিদ্ধ হিন্দুমন্দির বিধ্বস্ত করিয়া নগরকোট-দুর্গ

অবরুদ্ধ করেন; তিন দিন পর দুর্গ শত্রুহস্তে নিপতিত হইলে মামুদ দুর্গসম্বন্ধিত বহু ধনরত্ন লুণ্ঠন করিয়া স্বদেশে প্রত্যাগমন করেন। প্রকাশ, এই সময়ে ব্রাহ্মণ রাজা জয়পালকে এক পৌত্র সুখপাল হিন্দুধর্ম ত্যাগ করিয়া ইসলামধর্মে দীক্ষিত হইয়াছিলেন। ইনি পরে, কি কারণে প্রকাশ নাই ইসলামধর্ম ত্যাগ করেন; এই সংবাদে ক্রুদ্ধ মামুদ তাঁহার প্রতি দণ্ডবিধানের জন্য পুনর্বার ভারত আক্রমণ করিয়া ছিলেন। সুখপালকে বন্দী অবস্থায় নিহত হইতে হইয়াছিল বেচারী কেঁচে গণ্ণ না করিলে হয় ত বাঁচিয়া যাইতেন মামুদ এই সময়ে মুলতান নিজ রাজ্যের অন্তর্ভুক্ত করিয়া ছিলেন। তাহা হইলেও আনন্দ পাল মামুদের সহিত পুনঃ পুনঃ যুদ্ধ করিয়াছিলেন; কিন্তু হিন্দুসৈন্য অপেক্ষা তুর্ক সৈন্যরা অধিক রণ-কুশল থাকায় তিনি অধিকাংশ যুদ্ধেই পরাজিত হইয়াছিলেন। তিনি নন্দন নামক নগরে তাঁহার রাজধানী প্রতিষ্ঠিত করেন। মামুদ ঐ নগর ধ্বংস করিয়া ছিলেন; তথাপি আনন্দ পাল মামুদের বশতা স্বীকার করেন নাই। তাঁহার মৃত্যুর পর তাঁহার পুত্র ত্রিলোচন পালও মামুদের সহিত যুদ্ধে বিরত হন নাই।

৪০২ হিজিরায় (১০১২ খৃষ্টাব্দে) পরধনলোলুপ মুলতান মামুদ খানেশ্বর লুণ্ঠনের অভিসন্ধিতে বিপুল বাহিনীসহ গজনী হইতে ভারতে অভিযান করেন। উত্তর-পশ্চিম ভারতের অধিপতি ত্রিলোচন পাল এই সংবাদ শ্রবণে মামুদকে জানাইয়া ছিলেন, তিনি তাঁহার সঙ্কল্প ত্যাগ করিলে ত্রিলোচন পাল তাঁহাকে ৫০টি হস্তী উপহার প্রদান করিবেন; কিন্তু খানেশ্বর-মন্দিরের অমূল্য হীরক-রত্ন বাহার লক্ষ্য, গোটাকতক হাতী দিয়া তাঁহাকে ভুলাইবার চেষ্টা বাতুলতা মাত্র। মামুদের সৈন্তদল “রামের শিবিরে” উপস্থিত হইলে ত্রিলোচন পালের সৈন্তদল সুরক্ষিত স্থান হইতে মামুদের সৈন্তদলকে আক্রমণ করে। ইহাতে বহু তুর্কী সৈন্ত নিহত হইলেও এই কতি মামুদকে সঙ্কল্পচ্যুত করিতে পারে নাই। মামুদ খানেশ্বরে প্রবেশ করিয়া পুরী জনমানবহীন নিস্তব্ধ শ্মশানবৎ প্রত্যক্ষ করিলেন। তিনি তখন মনের সাধে হিন্দুর দেব-প্রতিমাগুলি চূর্ণ করিলেন। খানেশ্বরে প্রতিষ্ঠিত জোগারওম নামক বিখ্যাত বিগ্রহকে মামুদ গজনীতে লইয়া যান, এবং তাহা একটি দর্গায় স্থাপন করেন, সম্ভবতঃ দর্গায়

তাহা পাদপীঠরূপে ব্যবহার করাই তাঁহার উদ্দেশ্য ছিল। \* ১০১৪ খৃষ্টাব্দে বড় জয়পালের নন্দনগর অধিকার করিয়া উহার রাজাকে বন্দী করিবার উদ্দেশ্যে মামুদ পুনর্বার ভারতে অভিযান করিয়াছিলেন। রাজা বড় জয়পাল তাহা জানিতে পারিয়া বিশিষ্ট যোদ্ধৃবর্গের হস্তে দুর্গরক্ষার ভার গ্রহণ করিয়া স্বয়ং কাশ্মীরভিমুখে প্রস্থান করেন। মামুদ নন্দপুরাধীশের নগরে উপনীত হইয়া উহার দুর্গ অবরুদ্ধ করেন। দুর্গরক্ষক সৈনিকরা অবশেষে নিরুপায় হইয়া মামুদের হস্তে দুর্গ সমর্পণ করিয়াছিল। মামুদ যথেষ্টক্রমে সেই স্থানের ধনরত্ন লুণ্ঠন করিয়াছিলেন। লুণ্ঠন শেষ করিয়া মামুদ রাজাকে ধরিবার জন্য কাশ্মীর ভিমুখে ধাবিত হইয়াছিলেন। গির্দিকী বলেন, এই রাজার নাম বড় জয়পাল। কিন্তু প্রকৃতপক্ষে ত্রিলোচন পাল তখন নন্দনের রাজা ছিলেন। সম্ভবতঃ খানেখরের রাজা বড় জয় পাল স্বতন্ত্র ব্যক্তি। তাঁহার রাজধানীর নাম ছিল নন্দ—নন্দন নহে। এই জটিল ঐতিহাসিক সমস্যার সমাধান করা অসাধ্য। অনেক বিবরণ অনুমানে নির্ভর করিয়া রচিত বলিয়াই মনে হয়। উক্ত বা উদ্ভাস্তপুরের রাজা ত্রিলোচন পাল ১০২১ খৃষ্টাব্দে মামুদের সহিত যুদ্ধে পরাজিত ও নিহত হইয়াছিলেন। ত্রিলোচন পালের পুত্র ভীমপাল তাঁহার পর মামুদের সহিত যুদ্ধ করিয়াছিলেন; কিন্তু তিনি অধিক দিন জীবিত ছিলেন না। তাঁহার পরলোক-গমনে এই গাঙ্গী নামক ব্রাহ্মণ রাজবংশ বিলুপ্ত হইলে ১০২৬ খৃষ্টাব্দে পঞ্জাব মামুদের রাজ্যসীমার অন্তর্ভুক্ত হইয়াছিল।

মামুদ দুইবার কাশ্মীর রাজ্য জয় করিবার চেষ্টা করিয়া বিফলমনোরথ হইয়াছিলেন। ১০১৮ খৃষ্টাব্দে তিনি প্রতিহাররাজ রাজ্যপালের রাজধানী কণৌজ নগর আক্রমণ করিয়াছিলেন। তিনি মথুরা জয় করিয়া বহু ধনরত্ন লুণ্ঠন করেন; পরে কণৌজ জয় করেন। \* কাপুরুষ রাজ্যপাল মামুদের আগমন-সংবাদ পাইয়াই রাজধানী হইতে পলায়ন করিয়া কুড়ি ক্রোশ দূরবর্তী বারিনগরে আশ্রয় গ্রহণ করেন; সুতরাং মামুদ অতি সহজেই কাশ্মীর অধিকার করিতে সমর্থ হইয়াছিলেন। কিন্তু মামুদের প্রস্থানের পর রাজ্যপালের সামন্ত রাজগণ তাঁহার

কাপুরুষতায় বিরক্ত হইয়া বিদ্রোহ ঘোষণা করিয়াছিলেন। চিণ্ডেলরাজ গণ্ডের পুত্র বিজ্ঞাধর তাঁহাকে যুদ্ধে নিহত করেন। এই সংবাদ পাইয়া মামুদ চিণ্ডেলরাজ গণ্ডকে দণ্ডদানের জন্য পুনর্বার গজনী ত্যাগ করেন। তিনি তাঁহাকে পরাজিত করিয়া তাঁহার রাজধানী বারিনগর বিধ্বস্ত করেন। ইহার পর তিনি বিজ্ঞাধরকে দমন করিবার জন্য অগ্রসর হইয়াছিলেন। কিন্তু তাঁহার এই চেষ্টা সফল হয় নাই। তিনি বিফলমনোরথ হইয়াই স্বদেশে প্রত্যাগমন করেন। ভারতবর্ষ আক্রমণে আর কখনও মামুদকে এভাবে বিফলমনোরথ হইতে হয় নাই।

ইহার কয়েক বৎসর পরে ৪১৩ হিজিরায় (১০২২ খৃষ্টাব্দে) মামুদ চিণ্ডেলরাজ গণ্ডকে\* (গির্দিকীর মতে ইহার নাম নন্দ) দমন করিবার জন্য বিপুল সৈন্যদল সহ গজনী ত্যাগ করেন। যাত্রাপথে তিনি গোয়ালিয়র দুর্গ অবরোধ করেন। চারি দিন দিবা-রাত্রি অবরুদ্ধ রাখিয়াও মামুদ ঐ দুর্গ অধিকার করিতে পারেন নাই। অবশেষে দুর্গস্বামী রাজা অজ্জুন ৩৫টি হস্তী উপহার দিয়া মামুদের সহিত সন্ধি করিয়াছিলেন। অতঃপর মামুদ কালাঞ্জর দুর্গে চিণ্ডেলরাজ গণ্ডকে (মতান্তরে নন্দ) অবরুদ্ধ করেন।\* মামুদ যথাসাধ্য চেষ্টাতেও এই দুর্গ জয় করিতে পারেন নাই। রাজা গণ্ড অবরুদ্ধ অবস্থায় অবস্থান করা অত্যন্ত অশান্তিজনক বুঝিয়া অবশেষে সন্ধির প্রস্তাব করেন। মামুদ প্রায় তিন শত হস্তী লইয়া রাজা গণ্ডের (নন্দের) সহিত সন্ধি করিয়াছিলেন। এ ক্ষেত্রে মামুদ সম্পূর্ণ সাফল্য লাভ করিয়াছিলেন বলিয়া মনে হয় না; কারণ, পরে মামুদ ৪৫টি দুর্গ গণ্ডকে প্রত্যর্পণ করিয়াছিলেন। ইহা বিজয়ীর জয়ের নিদর্শন নহে।

মামুদ কর্তৃক মথুরা এবং বৃন্দাবন জয় বিশিষ্ট ঘটনা।\* ১০১৮ খৃষ্টাব্দের অভিযানে তিনি বৃন্দাবন জয় করিয়া বহু সুরম্য হর্ম্য বিধ্বস্ত, এবং বহু ধনরত্ন লুণ্ঠন করিয়াছিলেন। অতঃপর মামুদ কর্তৃক সোমনাথ মন্দির লুণ্ঠনই সর্বপ্রধান ঐতিহাসিক ঘটনা। এই বিখ্যাত মন্দিরটি কাথিয়াবাড়ের সাগরতীরস্থ কোন নগরে প্রতিষ্ঠিত ছিল। এক শিবলিঙ্গ এই মন্দিরের বিগ্রহ। বিপুল পরিমাণে স্বর্ণ এবং মনিমণিক্য এই মন্দিরে সঞ্চিত ছিল। মুসলমান সৈন্যমণ্ডলী এই নগর অবরুদ্ধ করিলে নগররক্ষক রাজপুরুষ মামুদের নাম

\* গির্দিকী ৭০-৭১ পৃষ্ঠা।


শুনিয়াই ভয়ে সপরিবারে নগর ত্যাগ করেন ; কিন্তু নগর-বাসীরা প্রাণপণে নগর রক্ষা করিবার চেষ্টা করিয়াছিলেন । এই নগর কত দিন অবরুদ্ধ ছিল, সে সম্বন্ধে মতভেদ লক্ষিত হয় । যাহা হউক, কিছু দিন পরে মামুদ নগরে প্রবেশ করিয়া নগর অধিকার করিতে সমর্থ হইয়াছিলেন । তাঁহার সৈন্যদিগের রুস্তে বহু ব্রাহ্মণ এবং শ্রমণ নিহত হইয়াছিল । তিনি প্রচুর ধনরত্ন লুণ্ঠন করিয়াছিলেন । ঐতিহাসিক গির্দীজী প্রভৃতির মতে তিনি ঐ মন্দির অভিমুখে যাত্রাকালে অত্যন্ত কষ্ট পাইয়াছিলেন, এবং প্রত্যাগমন কালে রাজা পরমদেবের ভয়ে তাঁহাকে দুর্গম পথে চলিতে হইয়াছিল । পথের কষ্টে তাঁহার বিস্তর সৈন্য বিধ্বস্ত হয় । ইহা ভিন্ন সিন্ধু অঞ্চলে জাঠ এবং সৈইন ( Saihon ) অঞ্চলের ভাটিয়ারা তাঁহার সৈন্যগণকে নানাপ্রকার অসুবিধায় ফেলিয়াছিল । তাহাদিগকে প্রতিফলদানের উদ্দেশ্যে তিনি পুনর্বার ভারত আক্রমণ করিয়াছিলেন, এবং কৌশলে জাঠদিগকে পরাজিত করিয়াছিলেন । ইহার পর তাঁহাকে মধ্য-এসিয়ায় সংগ্রামে লিপ্ত থাকিতে হইয়াছিল । ১০৩০ খৃষ্টাব্দে অর্থাৎ সোমনাথ মন্দির-ধ্বংসের চারি বৎসর পরে মামুদের মৃত্যু হয় ।

সুলতান মামুদ অসাধারণ যোদ্ধা ছিলেন । তিনি যুদ্ধের অনেক নূতন নূতন কৌশল উদ্ভাবন করিয়াছিলেন । ১০২৭ খৃষ্টাব্দে তিনি জাঠদিগের নৌ-বাহিনী ধ্বংস করিবার জন্য স্বকীয় উদ্ভাবনী-শক্তিবলে একপ্রকার নৌকা নির্মাণ করাইয়াছিলেন । তিনি ভারত হইতে বিপুল ধনরত্ন লুণ্ঠন করিয়াছিলেন, এবং সেই অর্থে মধ্য-এসিয়া প্রভৃতি স্থান হইতে অনেক অসমসাহসিক যোদ্ধা সংগ্রহ করিয়া ভারত আক্রমণের পথ প্রশস্ত করিয়াছিলেন । তাঁহার প্রথম কয়েকটি আক্রমণের ভীষণতা দেখিয়া লোকের মনে এতই আতঙ্কের সঞ্চার হইয়াছিল যে, তাঁহার বিরুদ্ধে যুদ্ধ করিয়া কেহই জয়লাভের আশা করিতে পারিতেন না । সেই জন্ত অনেকে যুদ্ধের পূর্বেই রাজ্য বা রণস্থল হইতে পলায়ন করিতেন । দ্বিতীয়তঃ, এই সময়ে হিন্দুস্থান নানা ক্ষুদ্র ক্ষুদ্র রাজ্যে বিভক্ত ছিল । প্রতিবেশী রাজ্যগুলির পরস্পরের মধ্যে বিবাদ লাগিয়াই থাকিত ; কাজেই তাঁহারা সকলে

সম্মিলিত ভাবে মামুদের আক্রমণে বাধাদানের চেষ্টা করেন নাই । তাহার উপর বৌদ্ধ ধর্ম, জৈন ধর্ম এবং বৈষ্ণব ধর্মের প্রভাবে লোকের যুদ্ধের স্পৃহা কতকটা বিলুপ্ত হইয়াছিল । মামুদের আক্রমণের যে সকল বিবরণ এ পর্য্যন্ত পাওয়া গিয়াছে,—তাহা সমস্তই মুসলমান ঐতিহাসিকের লেখনীপ্রসূত—হিন্দুর লিপিত কোন বিস্তৃত বিবরণ এ পর্য্যন্ত পাওয়া যায় নাই । ইহা প্রকৃতই ক্ষোভের বিষয় । মুসলমান ঐতিহাসিক উৎসাহী বিবরণ অত্যন্ত সংকীর্ণ, ফেরিস্তার বিবরণ অনেক পরে লিপিত । গির্দীজীর জৈমুন আকবরের প্রদত্ত বিবরণ অনেক স্থলে পক্ষপাতহীন বলিয়া মনে করিবার কারণ আছে । সংগ্রামে কেহ কেহ স্বপক্ষের পরাজয়, বিশ্বাসঘাতকতা, কূট কৌশল প্রভৃতির প্রসঙ্গ গোপন করিয়া ইতিহাসের মর্যাদা ক্ষুণ্ণ করেন । বর্তমান যুগেও যুদ্ধ সম্বন্ধে এই নীতি অবলম্বিত হইয়া থাকে ; উভয় পক্ষের যুদ্ধের প্রকৃত বিবরণ পাওয়া যায় না ; সকলেই স্বপক্ষের গায়নিষ্ঠারই উল্লেখ করেন । একথা সত্য যে, খৃষ্টীয় সপ্তম শতাব্দীতে মুসলমান ধর্ম আরবদেশে উদ্ভূত হইয়া খৃষ্টীয় অষ্টম শতকের প্রথম পাদেই পশ্চিম-এসিয়ায় সর্বত্র পরিব্যাপ্ত হইয়াছিল । পারস্য ও উত্তর-আফ্রিকা ঐ সময়মধ্যে মুসলিমদিগের অধীন হইয়াছিল । খৃষ্টীয় অষ্টম শতাব্দীর প্রারম্ভেই সুদূর স্পেনেও ইসলাম ধর্মের বিজয়-বৈজয়ন্তী উড্ডীন হইয়াছিল ; কিন্তু ভারতে তত শীঘ্র ইহার প্রভাব অনুভূত হয় নাই । সত্য বটে, খৃষ্টীয় অষ্টম শতাব্দীর প্রথম ভাগে সিন্ধুদেশে মুসলিম-রাজ্য প্রতিষ্ঠিত হইয়াছিল, কিন্তু ইহার পর আর তিন শত বৎসর কাল মুসলমানগণের ভারত-বিজয়ের কোন চেষ্টাই সফল হয় নাই । মুসলমানগণ এই তিন শত বৎসর কাল ভারত আক্রমণে বিরত ছিলেন না ; কিন্তু কর্ণোলের গুর্জর এবং প্রতিহার রাজবংশের শৌর্য্য-বীর্য্যে ব্যর্থমনোরথ হইয়া তাঁহাদিগকে প্রত্যাঘর্ষিত করিতে হইয়াছিল । অবশেষে খৃষ্টীয় একাদশ শতাব্দীর প্রথম-পাদে গজনির মামুদ ভারত আক্রমণ করিয়া ভারত-বর্ষে মুসলমান-অধিকার প্রতিষ্ঠার সুবিধা করিয়া দিয়াছিলেন । তাহার পরবর্তী ঘটনার বিবরণ ইতিহাসে বহুবার আলোচিত হইয়াছে ; তাহার পুনরুল্লেখ বাহ্যিক ।

শ্রীশশিভূষণ মুখোপাধ্যায় ( বিজ্ঞান ) ।





১

৭'টিমাত্র মানুষ লইয়া এই ক্ষুদ্র সংসারটি; বিপত্তীক মাতুল মহিম, ও পিতৃমাতৃহীন ভাগিনেয় জ্যোতি।

জ্যোতি কলেজে পড়ে, আর মহিম গুরু-গম্ভীর চালে সম্পত্তির দেখা শোনা করেন, এবং অকাল-বার্দ্ধক্যকে বরণ করেন। চব্বিশ বৎসর বয়সে মহিমের পত্নী-বিয়োগ হয়, তদবধি যেন কতকটা চেষ্টা করিয়াই, যৌবন-সীমা অতিক্রম করিবার পূর্বেই তিনি বৃদ্ধ হইয়া পড়িলেন। তাঁহার বয়স এখন মাত্র বিয়ান্বিশ বৎসর; কিন্তু তিনি এমন চালে থাকেন যে, তাঁহাকে ষাট বৎসরের বৃদ্ধ মনে করিলেও অসঙ্গত হয় না। মহিম নিরামিষাণী; তিনি খুব পুরাণ চালের ভাত খান, এবং নিরামিষ ঝোল, কাঁচকলা, ডুমুর, হিংচে, গিমে প্রভৃতি অখাদ্য তরিতরকারিগুলিই তাঁর প্রিয়-খাদ্য!—বলেন, বৃড়া বয়সে এইগুলিই সুপথ্য। শীতকাল আসিলে সন্ধ্যার পর আর ঘরের বাহিরে যান না; গলার মাল্‌লার জড়াইয়া, পায়ে উলেন মোজা আঁটিয়া, রুদ্ধ-দ্বার কক্ষে বসিয়া বৃড়া মানুষের মতন খুক-খুক করিয়া কাসিতে থাকেন। ভৃত্য মধু মুহুমুহু গড়গড়ায় কল্কে বদলাইয়া দিয়া যায়। তবে বন্ধুবান্ধব আসিয়া-জুটিলে তাহাদের সঙ্গে ভাগবতের স্মৃতিস্মরণ আলোচনার সময়ের সদ্যবহার করেন।

এই গামার ভাগিনেয় হইলেও জ্যোতি 'নরাণাং মাতুলক্রমঃ' এই প্রবাদ-বাক্যের মূর্তিমান ব্যতিক্রম; আচার ব্যবহারে সে তাঁহার ঠিক বিপরীত। সে কলেজ হইতে বাড়ী ফিরিয়া এক দিন্দা লুচি উদর-গহ্বরে প্রেরণ করে; ষোল আধ সের মাত্র খায়, এবং একজোড়া ডিম উদরস্থ করে। তাহার পর 'টেনিস্-সু' পায়ে দিয়া, র্যাকেট ঘুরাইতে ঘুরাইতে বাড়ী হইতে বাহির হইয়া পড়ে।

সে ক্লাবে ব্রীজ খেলে, ডিবেটিং-সোসাইটিতে বক্তৃতা করে, ইউথ-লীগের প্রেসিডেন্ট হয়, রোয়িং-ক্লাবের ক্যাপ্টেনী করে, সুইমারশ এসোসিয়েশনের সেক্রেটারী হয়, পুটিং দি ডিস্কাসের চ্যাম্পিয়ান হয়, ফুটবলের গোল-কীপারী করে, ছাত্র-সমিতির সভাপতি হয়, প্যাডায় বারোয়ারী পূজা হইলে সেই দলেরও মোড়লী করে, নাট্যসমিতির কোষাধ্যক্ষ হয়, এবং অবসর কালে নিরীশ্বরবাদ প্রচার করে। চরিত্রগত সম্পূর্ণ বৈসাদৃশ্য সত্ত্বেও মাতুল ও ভাগিনেয়ের মধ্যে স্নেহ-প্রীতির বন্ধন প্রগাঢ়। জ্যোতি মাগাকে অত্যন্ত সম্মান করে; তাহার সম্মুখে কখনও চোখ-তুলিয়া কথা বলিতে পারে না। বাহিরে সে যেমন চঞ্চল; ভিতরে মহিমের কাছে তেমনই শান্ত, যৎপরোনাস্তি নিরীহ। মহিমও জ্যোতিকে অত্যন্ত স্নেহ করেন। সংবাদপত্রে যেখানে খেলাধুলা, বা যে কারণেই হোক, জ্যোতির নাম দেখিতে পান, কাঁচি দিয়া সেটুকু কাটিয়া লইয়া একখানি মোটা-খাতার পাতায় আঠা দিয়া আঁটিয়া রাখেন। বন্ধুরা জ্যোতির বিবাহের কথা বলিলে সেই প্রস্তাবে তেমন কর্ণপাত করেন না; কেহ পীড়াপীড়ি করিয়া ধরিলে বলেন—এম-এ-টা আগে পাশ করুক তো।

আসলে কিন্তু ইচ্ছাটা তা নয়, বোধ হয় মনে করেন; যত দিন না বিবাহ হইতেছে, তত দিনই জ্যোতির বহুমুখী প্রতিভা এইভাবে বিকাশ লাভ করিবে। বিবাহ হইলেই সেই মেয়েটাকে কেন্দ্র করিয়া জ্যোতি সৌর-মণ্ডলের গ্রহের ত্রায় তাহার আকর্ষণেই ঘুরিতে থাকিবে, এবং কিছু দিনের মধ্যেই সব প্রতিষ্ঠা হারাইবে। নারী জাতির উপর তাঁহার তেমন শ্রদ্ধা বা স্নেহের পরিচয় পাওয়া যায় না। দিব্যাত্মি শাস্ত্র আলোচনা করিয়া বরং নারী জাতিকে মোহরজু বলিয়াই তাঁহার দৃঢ় ধারণা জন্মিয়া গিয়াছে।

কিন্তু এই নারীবিহীন শূন্ডালা-বিরহিত সংসারে সহসা এক দিন অতর্কিতভাবে নারীর আবির্ভাব হইল; তাহা যেমন তাঁহার অপ্রত্যাশিত, তেমনই অবাঞ্ছনীয়। হুগলী জিলার কোন এক গ্রামে মহিমের এক মাস্‌শাওড়ীর বাড়ী ছিল। পত্নীর জীবিতাবস্থায় মহিম বিভিন্ন উপলক্ষে চারি পাঁচ বার সেখানে গমন করিয়াছিলেন। পত্নীর মৃত্যুর পর তিনি আর তাঁহাদের কোন সংবাদ রাখিতেন না। সেই মাস্‌শাওড়ী সহসা এক দিন এক তরুণীসহ মহিমের গৃহে আবিভূত হইলেন। মহিম তখন ভাগবৎ পাঠে তন্ময়; মধু তাঁহার সন্মুখে আসিয়া নিবেদন করিল—“ছ’টি মেয়েছেলে কোথা থেকে আমাদের বাড়ীতে এলেন।

বিস্মিত মহিম চক্ষু তুলিয়া বলিলেন, “মেয়েছেলে? আঁ্যা, আমাদের বাড়ী মেয়েছেলে? বলচিস্ কি রে? নম্বর ভুল ক’রে এ বাড়ীতে ঢোকে নি ত?”

মধু ঘাড় নাড়িয়া বলিল, “আজ্ঞে না, আপনার নাম বললেন যে!”

অগত্যা ভাগবতখানি মাথায় ঠেকাইয়া ও চশমাটা মুছিয়া-লইয়া তিনি নীচে নামিয়া আসিলেন।

একটি বিধবা প্রৌঢ়া নীচের দালানে দাঁড়াইয়া ছিলেন, তাঁহার কপাল পর্যন্ত অবগুষ্ঠনে আবৃত। একটি তরুণী তাঁহার পশ্চাতে দাঁড়াইয়া ছিল; তাহার অনাবৃত মস্তকটি নতভাবে বৃকের উপর ঝুঁকিয়া-পাড়িলেও প্রৌঢ়ার পিঠের দিকে তাহার মাথাটি প্রায় আধ ফুট উঁচু দেখাইতেছিল।

মহিম জিজ্ঞাসুনেত্রে চাহিতেই প্রৌঢ়া প্রায় রুদ্ধকণ্ঠে বলিলেন, “পরিচয়ের পথ ভগবান যে বন্ধ ক’রে দিচ্ছেন বাবা, তাই আজ নতুন-ক’রে তোমার কাছে পরিচয় দিতে হ’ছে!...আমি নির্মলার সেজ-মাসী।”

বহু দিনের কথা, তবু মহিম তাহা ভুলিতে পারেন নাই; স্মরণ্য তিনি প্রৌঢ়ার পরিচয় পাইয়াই তাঁহার পদধূলি লইয়া বলিলেন, “আপনার এ অবস্থা হ’য়েছে দেখে বড় কষ্ট পেলুম মাসীমা! এটি কি মেয়ে?...আমুন, ওপরে বসবেন চলুন।”—তিনি অগ্রগামী হইলেন, মহিলা ছ’টি তাঁহার অনুসরণ করিলেন।

উত্তরে উপরে আসিয়া বসিলে প্রৌঢ়া (মঙ্গলা) তাঁহার হৃৎকের কাহিনী বলিতে আরম্ভ করিলেন।

তিনি বিনাইয়া বিনাইয়া যে আত্মকাহিনী বিবৃত

করিলেন, তাহার মর্ম্ম এই যে, আট বৎসর পূর্বে তাঁহার কপাল ভাঙ্গিয়াছে। হাতের নোয়া, সিঁথির সিঁধর ঘুচিয়াছে, তাহাতে হৃৎক নাই; স্বামী পুণ্যাত্মা ছিলেন, তাঁহাকে হৃৎক-কষ্ট পাইতে হয় নাই। চারটি ছেলের মধ্যে একটি চলিয়া গিয়াছে, আর ছ’টি আন্দামানে নির্কাসিত। অবশিষ্ট একটিকে লইয়াই তিনি সংসার করিতেছিলেন, সেটিও আজ সাত মাস হইল অস্বরূপে আবদ্ধ হইয়াছে। গৃহ তাঁহার শূন্ড। সন্দের এই মেয়েটি তাঁহার নিজের মেয়ে নয়, সে তাঁহার দেবর কন্যা—পিতৃমাতৃহীনা অনাথা। অবশেষে মঙ্গলা বলিলেন, “বাবা, সংসারে একমুঠো ভাতের অভাব নেই সত্যি, কিন্তু সংসারের কি দশা হ’য়েছে তা গুনলে ত। ওর বিয়ের চেষ্টা কে ক’রবে বল দেখি! কে এমন ব্যথার ব্যথী আছে যে, এই হৃৎকিনে এত বড় ভার—” প্রৌঢ়ার কণ্ঠরোধ হইল, মুখের কথা আর শেষ হইল না।

মহিম অক্ষুট স্বরে বলিলেন, “তা সত্যি বটে!”

কতকটা আত্মসংবরণ করিয়া মঙ্গলা বলিলেন, “বিপদ ত কম নয় বাবা! পাড়াগায়ে বি-বউ নিয়ে বাস করা দায় হ’য়ে উঠ’ছে। বাড়ীতে পুরুষ অভিভাবক কেউ নেই দেখে কয়েক দিন থেকে গাঁয়ের নিকরমা বখাটে ছোঁড়াগুলো নানা রকমে জালাতন ক’রে তুলেছে। হত-ভাগাদের পেটে অন্ন জোটে না, প্রাণে সখের সীমে নেই! মল্লি ত বজ্জায় ভয়ে কাঠ হ’য়ে গিচ্ছল। আমিও বাবা এই ডাগর মেয়ে নিয়ে আর দেশে থাকতে ভরসা পেলুম না। আমি ত এই বড়োমানুষ, কোন বিপদ ঘটলে কি ই বা আমি ক’রতে পারব?”

মহিম সংক্ষেপে বলিলেন, “তা তো বটেই।”

মঙ্গলা একটু খামিয়া নিখাস ফেলিয়া বলিলেন, “তোমার খবর-টবর আগুর কাছে প্রায়ই পাই কি না; তাই ভাবলুম, তোমার আশ্রয়েই এসে পড়ি; কোলকাতায় চেনাওনা লোক আর ত কেউ নেই। এখানে কাছে-পিঠে যদি একটা ছোটখাট বাড়ী ভাড়া ক’রে-দিয়ে একটু দেখাশোনা ক’রতে পার বাবা, তাহ’লে একটু চেষ্টা-চরিত্তির ক’রে মেয়েটার বিয়ে দিয়ে, আমি নিশ্চিত হ’য়ে দেশে চ’লে যেতে পারি।”

প্রস্তাবটা শুনিয়া মহিম একটু হাসিলেন; বলিলেন, “কোলকাতা সহরটাও তত ভাল নয় মাসীমা! যত দিন

মেয়েটির বিয়ে দিতে না পারেন, এখানেই থাকুন। বাসা ভাড়া ক'রে সেখানে আপনার একা-থাকার প্রস্তাবে আমি রাজী হ'তে পারিচিনে। না, তা সম্ভব নয়।”

২

বৈকালে জ্যোতি বাড়ী ফিরিল। বাড়ীতে ঢুকিয়াই দেখিল—অভাবনীয় ব্যাপার! ছোট মামা কোটর ত্যাগ করিয়া দালানে বসিয়া একটি মহিলার সহিত গল্প জুড়িয়া দিয়াছেন! উপরের তিনখানি ঘরের দুই পাশের ঘর দু'খানি মহিম ও জ্যোতির; মামার ঘরখানি খালি পড়িয়াছিল। সেই ঘরেই মঙ্গলার জিনিষ-পত্র তুলিয়া রাখা হইয়াছিল; মঙ্গলা সেই ঘরের ছয়দিক পিঠ দিয়া বসিয়া ছিলেন। জ্যোতিকে দেখিয়া তিনি বলিলেন, “এইটিই বুঝি তোমার ভাগ্নে? খাসা ছেলে তো!” প্রোচার এই মন্তব্য শুনিয়া জ্যোতি থমকিয়া দাঁড়াইল; ইনি কে, সে তা জানে না, কিন্তু তাঁহাকে অতিক্রম করিয়া সে ঘরে প্রবেশ করা সম্ভব মনে করিল না। মহিমের উত্তরের প্রত্যাশায় সে দাঁড়াইতেই মহিম তাহাকে লক্ষ্য করিয়া বলিলেন, “জ্যোতি, ইনি তোমার দিদিমা।”

মাতুলের ইঙ্গিত বুঝিতে পারিয়া, জ্যোতি দুই পা অগ্রসর হইয়া তাঁহাকে প্রণাম করিতে উত্তত হইতেই ঘরের ভিতর তাহার চক্ষু পড়িল। সে দেখিল, যেন অজস্র গুহার একখানি বহু পুরাতন প্রাচীর-চিত্র সহসা ঐক্জালিকের কুহকদগুস্পর্শে প্রাণবন্ত হইয়া সেই ঘরে আসিয়া জুটিয়াছে! জ্যোতির সহিত চোখোচোখি হইতেই মল্লিকা মাথা নামাইল; চক্ষু ভূমিসংলগ্ন হইল।

প্রণাম শেষ করিয়া জ্যোতি মিনিট-পাঁচেক সেই স্থানে দাঁড়াইয়া-থাকিয়া পরে নিজের ঘরে প্রবেশ করিল। গায়ের জামা খুলিতে খুলিতে মুহু হাসিয়া আপন-মনেই বলিল, “উনি ত শুন্‌লুম, আমার একটি দিদিমা, কিন্তু দিদিমার সঙ্গিনী—ওট কে? দোহাই বাবা বিধাতা পুরুষ, ও যেন মাসী-টাসী না হয়। এমন চমৎকার চোখ-দুটি মাসী-টাসীর থাকবার কোন সার্থকতা নেই; হাঁ, সম্পূর্ণ নিষ্পয়োজন।”

এই পর্য্যন্ত বলিয়াই সে থামিয়া গেল। কিন্তু তাঁহার চিণ্ডার একটা খোরাক জুটিল। স্থান করিয়া জ্যোতি

সাধারণতঃ আলগা গায়েই উপরে বায়; আজ কিন্তু কেমন লজ্জা করিতে লাগিল। সে ভিজা তোয়ালেখানি গায়ে জড়াইয়া উপরে উঠিতে উঠিতে আপন-মনেই বলিল, “এ মন্দ নয়। ওদের ঘরের সামনে দিয়েই ছত্রিশ বার আমাকে আনাগোনা ক'রতে হবে।” এই কথা বলিতে না বলিতে সিঁড়ির বাঁকে জ্যোতি মল্লিক একেবারে ঠিক সাম্মুনে পড়িয়া গেল! মল্লিক কাঁধে চওড়া লালপেড়ে গামছা, বাঁহাতে সাবান, ডান হাতে কতকগুলো কাপড়-চোপড়।

জ্যোতির লম্বা-চওড়া দেহের পক্ষে সেই সিঁড়ির বিস্তার তেমন সঙ্কীর্ণ না হইলেও দুই জনের পাশাপাশি চলিবার পক্ষে যথেষ্ট প্রশস্ত নয়। মল্লিক যতটা পারিল পথ ছাড়িয়া কোণ-বেঁসিয়া দাঁড়াইল; জ্যোতি কাত হইয়া উপরে উঠিতে গেল, কিন্তু উভয়ের এতখানি সতর্কতা সত্ত্বেও জ্যোতির হাতখানা মল্লিক হাতে ঠেকিয়া গেল।

হুঁজনে চোখোচোখি হইলে জ্যোতি কুণ্ঠিতভাবে বলিল, “সিঁড়িটা বড্ড—ইয়ে—সরু কি না তাই, তা আমার কিন্তু আগেই নীচে নেমে যাওয়া উচিত ছিল।”

মল্লিক নির্ঝাঁকু ভাবে নতমুখে নীচে নামিয়া গেল।

৩

মঙ্গলা দিবসের অধিকাংশ সময় জপ আঞ্জিকেই অতিবাহিত করেন। দিন-কুড়ি পরে এক দিন দৈবাৎ মহিমের খাওয়ার সময় তিনি সেখানে উপস্থিত হইলেন। এই সময় তিনি প্রতাহ পূজার্চনায় রত থাকেন বলিয়া মহিমের অপরূপ আহার সম্বন্ধে তাঁহার কোন ধারণা ছিল না। তিনি মহিমের আহাৰ্য্য দ্রব্যপূর্ণ থালার দিকে চাহিয়া সবিস্ময়ে বলিলেন, “তুমি কি এখন মাছ খাও না মহিম? আগে ত খেতে।” মহিমের অন্তরে একটা বিপ্লব চলিতে-ছিল; তিনি ঢোক-গিলিয়া বলিলেন, “ভাল রান্না হ'লে খেতে পারি; কিন্তু কে বা আছে, আর কে-ই বা র'াধে!”

মঙ্গলা নিশ্বাস ফেলিয়া বলিলেন, “তা সত্যি।” কণকাল নিস্তরু থাকিয়া বলিলেন, “যুগান্তর হ'ল নিশ্চল। চলে গেছে, তখন তোমার বয়সই বা কি? তার পর এত দিন আবার যদি সংসারী হ'তে, তাহ'লে সংসারটা আর এমন ছন্নছাড়া হ'ত না।—এখন তোমার বয়স কত হ'ল বাবা?”

চিরসত্যাপ্রসূ মহিমের গলার কাছে কেমন একটা

কষ্টদায়ক খাস আটকাইয়া যাইতেছিল, তথাপি বলিলেন, “তা আটত্রিশ পার হ’য়ে গেছে।”

মঞ্জলা বলিলেন, “মোট্টে এই? তা’হলে ত তোমার বয়সী ছেলেরা আজকাল প্রথম পক্ষেই বিয়ে ক’রচে।”

মহিম আর কোন কথা বলিতে পারিলেন না। মিথ্যা কথাটা মুখ হইতে বাহির হইয়া যাওয়ায় অনুতাপে তাঁহার চোখ-মুখ জ্বালা করিতেছিল।

পরদিন মঞ্জলার আদেশে মল্লি যখন দুই-তিন রকম আমিষ ব্যঞ্জন রাঁধিয়া মহিমের পাতের পাশে সাজাইয়া দিয়া গেল, তখন মহিম আর বিরুক্তি করিতে পারিলেন না, নিদারুণ বিতৃষ্ণা বোধ হইলেও সেগুলি বিনা-প্রতিবাদে উদরস্থ করিলেন।

ইহার পর মহিমের ব্যবহারে বেশ একটা স্পষ্ট পরিবর্তন লক্ষিত হইল। মহিম তাঁহার অকাল-বার্দ্ধক্যের বাহ্যিক খোলসটি ধীরে ধীরে খুলিয়া ফেলিলেন। তিনি এখন প্রচুর মাছ-মাংস খান, হাল-ফ্যাসানে ফিট-ফাট কাপড় পরেন, সিনেমা দেখেন, দুই-এক কলি গানও সময়ে সময়ে তাঁহার কণ্ঠে গুঞ্জরিয়া উঠে, সাক্ষ্য বায়ুসেবনে আনন্দলাভ করেন। ভাগবতের আসর আর পূর্বের মত জমিয়া উঠে না। বন্ধুরা তাঁহার এই পরিবর্তন ক্ষুব্ধ চিত্তে লক্ষ্য করেন।

জ্যোতি তাঁহার পরিবর্তন লক্ষ্য করিয়া না হাসিয়া থাকিতে পারে না; আপন-মনেই বলে, “এবারের বসন্তের বাতাসটা ছোট মামাবাবুর গায়েই লেগেছে দেখছি! এ হ’ল কি? পদ্মলোচনা অজস্রাসুন্দরীর নেত্র পাতের ফল না কি?”

তাঁহার ও মল্লির ব্যবধান এখনও সেইরূপই গভীর। মল্লি মহিমের গৃহিণীহীন সংসারের গৃহিণীপণা পূরাপূরিই গ্রহণ করিয়াছে, কিন্তু এই গৃহিণীত্বের অন্তরালে সে আপনার সত্তা সম্পূর্ণ গোপন করিয়াই রাখে।

জ্যোতির অনুপস্থিতিতে সে তাঁহার ঘরে আসিয়া বিছানা ঝাড়িয়া, জামা-কাপড় গুছাইয়া, বইগুলি সাজাইয়া রাধিয়া যায়। নিতান্ত প্রয়োজন হইলেই দুই-একটা কথা বলে; কিন্তু অনাবশ্যক কথা একটিও বলে না। শুধু জ্যোতির মেডেল, কাপ, শিল্ডগুলির সম্বন্ধে তাঁহার ঔৎসুক্যের অবধি নাই। মল্লি সেগুলি প্রতিদিন ঝাড়িয়া-মুছিয়া সযত্নে সাজাইয়া রাখে।

এক দিন কলেজ হইতে ফিরিয়া জ্যোতি দেখিল, নীচে হইতে একটা কাচের আলমারী তাঁহার ঘরে আসিয়াছে, এবং কাপ, শিল্ড, মেডেলগুলি তাহাতে পরিপাটীরূপে সাজান রহিয়াছে।—এ মল্লির কাণ্ড, ইহা তাঁহার বৃত্তিতে বিলম্ব হইল না।

জ্যোতি হাসিয়াই অস্থির; আচ্ছা পাগল বটে মল্লি! তাঁহার পর তাঁহার মনে হইল, এতখানি দরদেব সঙ্গে এগুলি যে সাজাইয়া রাধিয়াছে, তাহাকে একটু ধন্যবাদ দেওয়া তাঁহার অবশ্য-কর্তব্য।

জ্যোতি ঘরের বাহিরে আসিতেই দেখিতে পাইল, মল্লি মাঝের ঘরের ছয়ারের কাছে দাঁড়াইয়া চুল আঁচড়াইতেছে। সুদীর্ঘ কেশরাশির আড়ালে তন্বী মল্লি যেন ঢাকা পড়িয়াছে। জ্যোতিকে দেখিয়া সে কুণ্ডার সহিত চিরুণী সমেত হাতখানা নামাইয়া লইল।

জ্যোতি সচকিতভাবে তাঁহার দিকে একবার চাহিল, তাঁহার পর হাসিমুখে বলিল, “ক’রেছেন কি? কেউ যদি দেখে, হাসবে বে!”

মল্লি ঈষৎ সলজ্জ হাসির সহিত বলিল, “কেন, হা’স্বার কি আছে?”

জ্যোতি বলিল, “নেই? লোকে বলবে, লোকটা কি দাস্তিক! কবে কি পেয়েছে, তারই অহঙ্কারে ফুলে উঠেছে।”

মল্লি বলিল, “কৈ, কারকে ত এখানে আপনার কাছে আসতে দেখিনি।”

জ্যোতি মৃদু হাসিয়া নিঃশব্দে বলিল, “ওরে বান্দা, আমার বন্ধুদের এখানে আনতে পারি—এই শান্তিপূর্ণ আবহাওয়ার মধ্যে? তারা এক একটা ডাকাত!”

মল্লি নিঃশব্দে হাসিয়া মুখ নামাইল।

আট-দশ দিন পরের কথা। মল্লি দালানের একপ্রান্তে অবস্থিত ছাদে উঠিবার সিঁড়িতে বসিয়া পশমের কি একটা বুনিতোছিল; জ্যোতি তাঁহার ঘরের ছয়ারের সম্মুখে দাঁড়াইয়া ব্রেড দিয়া পেন্সিল কাটিতেছিল। অশ্রমস্বভাবে মল্লির কর্মতন্ময় মুখখানির পানে চাহিয়া পেন্সিলে ব্রেড চালাইতে চালাইতে অঙ্গুলির ডগার অনেকখানি হঠাৎ কাটিয়া গেল।

একটা অফুট শব্দ শুনিয়া মল্লি চোখ তুলিয়া চাহিল। জ্যোতির আঙ্গুল হইতে ঝন্-ঝন্ করিয়া রক্ত ঝরিতেছিল।

দেখিয়া সে তৎক্ষণাৎ বোনা ফেলিয়া ব্রহ্মভাবে ছুটিয়া আসিল। রক্তের পরিমাণ দেখিয়া সে ভয় পাইয়া গেল। শঙ্কিতকণ্ঠে বলিল, “কি ক’রে এমন হ’ল? উঃ, কি রক্তই প’ড়ছে! কি ক’রব এখন? জামাইবাবুকে ডা’কব?”

জ্যোতি ব্রেডটা ফেলিয়া-রাখিয়া বলিল, “কি সর্বনাশ! মামাবাবু কি ক’রবেন? ভয় পাচ্ছেন কেন? এমন কিছু হয়নি। আপনি একটু টিন্চার আইডিন আনুন দেখি। হাতটা একটু টেনে বেঁধে দিন, তাতেই রক্ত বন্ধ হ’য়ে যাবে।”

মল্লির মুখ ভয়ে শুকাইয়া গিয়াছিল, শিহরিয়া বলিল, “টিন্চার আইডিন দিলে যে অসহ্জা জালা ক’রবে। তার চেয়ে একবার ডাক্তারের কাছে যান না।”

মল্লির শঙ্কাব্যাকুল মুখ দেখিয়া জ্যোতি কোতুক অনুভব করিতেছিল, বলিল, “ডাক্তার এসে কি ক’রবে, বলুন ত! এই একটুখানি কেটে গেছে, এরই জন্তে ডাক্তারের কাছে যেতে হবে? আপনার কথা শুনে হাসি পায়। রক্ত দেখে আপনি ভয় পেয়েছেন তাই, নইলে ভয়ানক কাণ্ড এমন কিছু হয়নি; দিন তো আঙুলটা একটু বেঁধে, সেরে যাবে। খেলতে গিয়ে কত সময় কত যারগায় কেটে যায়, তার কাছে এ তো কিছুই নয়।”

মল্লি আর কথা বলিল না, আইডিন লইয়া আসিল। কিন্তু তুলিটা ক্ষতস্থানের কাছে লইয়া গিয়াও কিছুতেই তাহাতে ঠেকাইতে পারিল না, বলিল, “এতো নিষ্ঠুর কাজ কি ক’রে আমি ক’রব? আমার গা শির-শির করছে। লোকে কথায় বলে—কাটা ঘায়ে হুণের ছিটে, এ বে তার চেয়েও ভয়ানক! আমি যেন আপনার অতি-বড় শত্রু র...”

জ্যোতি তুলি সমেত মল্লির হাতটা খপ্ করিয়া ধরিয়া তুলিটা ক্ষতস্থানে ঠেকাইয়া দিল। মল্লি তুলি ফেলিয়া চকিতে একবার জ্যোতির দিকে চাহিয়া, আহত হাতখানা মুখের কাছে আনিয়া জোরে জোরে ফুঁ দিতে লাগিল।

জালা একটু কমিলে জ্যোতি মূহু হাসিল; ক্রতজ্ঞতা ও তৃপ্তিতে কণ্ঠস্বর প্লাবিত করিয়া বলিল, “শত্রু নয়, বন্ধু বলুন। কেটে ত কত সময়েই যায়, কিন্তু কে আর এতখানি দ্রুত চলে সেবা করে!”

মল্লি কি জানি কেন চোখ তুলিয়া জ্যোতির পানে

চাহিল না, নতমুখে অক্ষুট স্বরে বলিল, “কি যে বলেন, সেবা ত কতই ক’রলাম!”

এই প্রথম দিন পরস্পরের সাহচর্যে হৃৎজনের এতক্ষণ কাটিল।

৪

মল্লির বিবাহের চেষ্টা চলিতে লাগিল। পাত্র যে না মিলিল তা নয়, কিন্তু মল্লির পিতৃকুলের পরিচয় পাইয়া সকলেই পিছাইয়া পড়ে। এত বড় বিপ্লবী ঘরের মেয়েকে ঘরের বোঁ করিতে কেহই ভরসা পায় না। মঙ্গলার অভিমান, জ্যোতির মত ছেলে ঘরে থাকিতে মহিম ঘটক লাগাইয়া পাত্র খোঁজেন! ইহা তাঁহার প্রাণে লাগে। কিন্তু মুখ-ফুটিয়া কিছু বলিতে পারেন না; ভাবেন, মহিমের মনেও ওই ভয় আছে কি না কে জানে? সাহস করিয়া কথাটা বলিলে হয়ত মুখের উপরেই ‘না’ বলিয়া বসিবেন। সে বড়ই বিস্ত্রী শুনাইবে।

এমনই করিয়া পূর্ণ একটি বৎসর কাটিয়া গেল। মঙ্গলা নিজের শরীরের অবস্থা বুঝিয়া অত্যন্ত ব্যস্ত হইয়া পড়িলেন। আর ত মল্লিকে অনুচা রাখা চলে না। মৃত্যু নয়, সে ত তাঁর মুক্তি; কিন্তু তাঁর অভাবে জগতে যে মল্লির দাঁড়াইবার স্থান নাই!

এই সময় কলিকাতায় ম্যানিঞ্জাইটিস্ রোগের প্রকোপ দেখা দিয়াছিল। মঙ্গলার এক দিন সামান্য একটু অর-ভাব দেখা গেল, এবং সেই রাত্রি হইতেই তাঁহার চেতনা বিলুপ্ত হইল। রোগ পরীক্ষা করিয়া ডাক্তার গম্ভীর হইয়া বলিলেন, ম্যানিঞ্জাইটিস্ই বটে!—চিকিৎসার কোন ক্রটি হইল না; কিন্তু তৃতীয় দিন তাঁহার জীবনদীপ নির্কাপিত হইল। একটি কথাও তিনি বলিলেন না, চক্ষু মেলিয়া একবার চাহিয়াও দেখিলেন না।

অশৌচের কয়েকটা দিন কাটিয়া গেল; অন্তরীণাবদ্ধ তাঁহার কনিষ্ঠ পুত্র কর্তৃপক্ষের অপার করুণায় মায়ের পারলৌকিক কার্য শেষ করিতে আসিবার অনুমতি পাইল। শ্রাদ্ধাদি শেষ হইলে বিদায় গ্রহণের প্রাকালে সে জ্যোতিকে বলিল, “মল্লির জন্ত বড় ভাবনা নিরয়েই যাচ্ছি। আপনাদের আশ্রয়েই ও এতদিন অবশ্রু আছে, —তবু ত মা ছিলেন; আমরা ওর হতভাগ্য দাদা—একটি

মাত্র ছোট বোন, কিন্তু তার কোন ব্যবস্থাই করতে পারিনি” —কর্ণকাল মৌন থাকিয়া বলিল, “যদি অপরাধ না নেন, তাহলে বলি, মল্লিকে আপনিই নিন, ও আপনার অযোগ্য হবে না, এ ভরসাটুকু আমার আছে।”

জ্যোতির বুকের রক্ত ঘেন ছাড়া করিয়া উঠিল; কিন্তু প্রশান্ত হাসির সূত্রে সে বলিল, “কিন্তু প্রকাশ বাবু, আপনার বোনটি বয়স্কা অর্থাৎ তাঁরও একটা মতামত প্রকাশের বয়স হ’য়েছে; সুতরাং আমি যে তাঁর অযোগ্য নই—সেটা তাঁরই বিচার্য।”

প্রকাশ বলিল, “জ্যোতি বাবু, আপনি রমণী-রঞ্জন। আপনাকে স্বামী পেলে কোন মেয়েই অসুখী হবে না।... বেশ ত, মল্লি ত আর ছোটটি নেই; তাকে এক দিন জিজ্ঞেস ক’রেই দেখবেন।”—একটু নিস্তর থাকিয়া বলিল, “জামাই বাবুকে ও কথা বলতে আমার ভরসা হ’ল না। উনি শান্তিপ্রিয় লোক, এই ক’দিনে আমার জন্তে পুলিশের উপদ্রব যা সহ ক’রেছেন, তাতেই অতিষ্ঠ হ’য়ে উঠেছেন।”

জ্যোতি বলিল, “বেশ, আপনি যখন অনুমতি দিয়ে যাচ্ছেন, তখন আমি তাঁর মত জানতে চাইব; তবে তিনি এখন বড় শোকার্তা, এখন কিছু দিন থাক।”

ও

আরও সাত-আট দিন কাটিয়া গিয়াছে। জ্যোতি মল্লির কাছে এখনও কথাটা উত্থাপন করিতে পারে নাই। মল্লির শোকার্ত মুখ দেখিয়া তাহার মায়ী হয়; ইহারই মধ্যে তাহার কাছে বিবাহের প্রস্তাব করিতে মনে ব্যথা লাগে। কথাটা শুনিয়া মল্লিই বা কি মনে করিবে? ছি!

এক দিন মহিম বাড়ী নাই দেখিয়া সেই দিনই বৈকালে জ্যোতি মল্লির কাছে প্রস্তাব করিবে স্থির করিয়া বাহিরে আসিয়া দেখিল, মল্লি ঘরে নাই। হয় ত কাপড় কাচিতে গিয়াছে। জ্যোতি দালানে একটু বিচলিতচিত্তে পাদচারণ করিতে লাগিল, মল্লির প্রতীক্ষায়।

অকারণেই ঘুরিতে ঘুরিতে মহিমের ঘর খোলা দেখিয়া সে অন্তমনস্কভাবে সেখানে প্রবেশ করিল। বোধ হয় বারো চৌদ্দ বৎসরের মধ্যে জ্যোতি এ-ঘরে আসে নাই। এই কক্ষে এমন গাভীর্ষ ও ধর্মতত্ত্বের ছাপ ছিল যে,

জ্যোতি তাহা সহিতে পারিত না, এবং এই জন্তই এদিকে ঘেঁসিত না।

আজ এ-ঘরে ঢুকিয়া, টেবিলের উপর সংরক্ষিত বইগুলির দিকে দৃষ্টিপাত করিয়া জ্যোতি মুহূহাস্তে অমুচ্চ স্বরে বলিল, “আর কি এদের আগের মত আদর আছে!”

বইগুলি নাড়িতে নাড়িতে সে যেন সাপ দেখিয়া চমকাইয়া উঠিল। এ কি! বুদ্ধ ঋষি বাৎসায়ণ এখানে প্রবেশ করিলেন কি কৌশলে? জ্যোতির কৌতূহল বাড়িয়া গেল; এটা ওটা নাড়িতে নাড়িতে দেখে কেবল বাৎসায়ণই নন, ছাভেলক ইলিন, বার্টএণ্ড রাসেল, মারী ষ্টোপস ইত্যাদি অনেকেই আছেন।

জ্যোতি ক্রকৃষ্ণিত করিল; দস্তে অধর দংশন করিয়া সে বইগুলো নাড়িতে লাগিল। এ সকল সরস কাহিনীর সহিত মামা বাবুর ঘনিষ্ঠতার কারণ কি? অশ্রমনস্ক ভাবে বইগুলো নাড়িতে নাড়িতে একখানার ভিতর হইতে আলগা কাগজের একটা কোণ বাহির হইয়া আসিল; খুলিয়া দেখিল—সেটা মল্লির ছবি!

একবার পাটনায় মল্লির বিবাহের সঙ্কল্প হইয়াছিল; বরকর্তা কনের ফটো চাহিলে জ্যোতিই এই ছবি তুলিয়া দিয়াছিল। জ্যোতির হাত হইতে বইখানা মেঝের উপর পড়িয়া গেল। মল্লিকে লইয়া এ কি ছুজের রহস্য সৃষ্টি করিয়াছেন ছোট মামা?

জ্যোতির মাথার ভিতর কেমন করিতে লাগিল। ভূমিকম্প হইতেছে কি? না, এ সাইক্লোন? কি এ? পায়ের তলার মাটা হুলিতে লাগিল! বিশ্ব-প্রকৃতি কি উদ্ধার বেগে ধ্বংসের পথে ধাবিত হইতেছে!

জ্যোতি নিজের ঘরে গিয়া ছই হাতে মাথা চাপিয়া ধরিয়া বসিয়া রহিল। মহিম তার পিতৃতুল্য, সে তাঁহাকেই মাতা-পিতা-একাধারে জানে। মল্লিকে লইয়া তাঁর গোপন অভিসার চলিয়াছে! অবিখ্যাত হইলেও ইহা কঠোর সত্য। মহিমের কামনার ধন মল্লি, মহিমের লালসার বস্তু মল্লি,— মহিমের গোপন ধ্যানের প্রেমসী এই মল্লি!...

যাহার জন্ত মহিমের এই উগ্র কামনা, তাহাকে জ্যোতি গ্রহণ করিতে পারে না। ছি ছি ছি! এ কথা ভাবিতেও যে ঘৃণা হয়! সে ত পশু নয়। মাতুলের লুপ্ত দৃষ্টি যে নারীর প্রতি নিবন্ধ, জানিতে পারিবার পর আ

তাহাকে বিবাহ করিবার চিন্তা করাও পাপ। এত বড় অপরাধ কদাচ সে করিতে পারিবে না। মহিম মল্লিকে কামনা করেন,—তিনিই তাহাকে লউন। সে মহিমের সম্মান তুল্য,—প্রণয়ের প্রতিদ্বন্দী নয়।

“আপনার কি অন্তর্কথন?”—মল্লির কণ্ঠস্বর তাহার কর্ণে প্রবেশ করিল।

জ্যোতি শিহরিয়া উঠিল। তাহার অন্তরে বাহিরে কি অগ্নি-পরীক্ষা চলিতেছে? মুখ না তুলিয়া সে মৃদুকণ্ঠে বলিল “না!”

মল্লি একটু খামিয়া বলিল, “তবে অমন ক’রে র’য়েছেন যে! কোন হুঃসংবাদ পেয়েছেন কি?”

হুঃসংবাদ? হাঁ, হুঃসংবাদ বৈ কি! জ্যোতির জীবন-মন নিঃশেষে নিংড়াইয়া শুক হইয়া গেল, আশা ও আনন্দে উচ্ছ্বসিত তাহার বিকশিত যৌবন-প্রসূন সন্ধ্যার কমলের স্থায় শোভাহীন, মলিন ও শুষ্ক হইয়া ঝরিয়া পড়িতে উদ্যত হইয়াছে; ইহা নিদারুণ হুঃসংবাদ ভিন্ন আর কি?

জ্যোতি এবারও মুখ তুলিতে ভরসা পাইল না। নত-মুখেই বলিল, “না, আপনি ভাবছেন কেন? আমার মাথা ধরেছে।” বলিয়া সে শয্যা শুইয়া পড়িল। মল্লি তথাপি নড়িল না; কি যেন একটা অমঙ্গলের ছায়া তাহার চোখের সামনে গাঢ় হইয়া উঠিতেছিল। সে একটু মৌন থাকিয়া পুনর্বার বলিল, “ওডিকলোনের জল দিয়ে মাথাটা কি ধুয়ে ফেলবেন? না হয় স্মেলিং-সণ্টের শিশিটাই এনে দিই।”

জ্যোতি চোখ তুলিয়া চাহিল না; বলিল, “না, তেমন কিছু হয়নি। এমনই একটু গুরু-পড়েছি। আপনি ভাববেন না।”

ইহার পর জ্যোতিকে আর কি অনুরোধ করা যায়? অগত্যা মল্লি নিঃশব্দে বাহিরে চলিয়া গেল।

রাত্রে মহিম আসিয়া জ্যোতির কাছে বসিলেন; তিনি তাহার অন্তর্কথনার সংবাদ পাইয়াছেন। প্রথমে জ্যোতির পারীক্ষিক অবস্থা সম্বন্ধে প্রশ্নাদি করিয়া শেষে বলিলেন, “দেখ, এত দিন মাসীমা ছিলেন কোন কথা ছিল না। কিন্তু এখন মল্লির এ ভাবে থাকটা ভারী বিস্ত্রী দেখাচ্ছে। এটা আমার ভাল মনে হচ্ছে না কিন্তু।”

জ্যোতি নির্বাক ভাবে মহিমের দিকে চাহিয়া রহিল।

মহিম বলিলেন, “আমি মনে করছি, এই ফাস্তন মাসের

শেষাংশে তোমার সঙ্গে মল্লির বিয়েটা দিয়ে ফেলি। মাসীমারও সেই রকমই ইচ্ছে ছিল।”

জ্যোতি শুইয়াছিল, সবেগে উঠিয়া বসিল; দৃঢ় কণ্ঠে বলিল, “উনি ছোট মাসীমার বোন,—আমার মাতৃস্থানীয়া। আমাকে ও কথা আপনি বলবেন না। আপনিই গুঁকে বিবাহ করুন।”

মহিম বহুজ্বলের মত স্তম্ভিত হইয়া গেলেন; রুদ্ধকণ্ঠ হইতে শুধু বাহির হইল, “সে কি? জ্যোতি! কি বলছ?.....”

জ্যোতি আবার শুইয়া পড়িল; বলিল, “আমি যা বলেছি, তার পর আর এ আলোচনা চলে না ছোট-মামা বাবু! তবে এভাবে থাকা সত্যিই খুব খারাপ দেখাচ্ছে; আপনি গুঁকে যত শীগ্গীর পারেন বিবাহ করুন।”

\* \* \* \*

পরদিন জ্যোতি গুঁতে পাইল—মহিম পাশের ঘরে মল্লির সহিত কথা বলিতেছেন। আলাপের মাঝামাঝি কতক অংশ তাহার কাণে প্রবেশ করিল; সে গুনিল, “আমি অস্বীকার করছি না মল্লি, ‘যে তোমার ওপর আমার প্রচণ্ড আসক্তি আছে। কিন্তু তাকে দমন করবার শক্তিও আমার আছে। আমি আপনাকে সংযত ক’রে রাখবার জন্তে ঠিক ক’রেছিলুম—তোমাকে জ্যোতির হাতে সমর্পণ ক’রব। কিন্তু আশ্চর্য্য হ’য়ে গেলুম—হতভাগটার কথা শুনে! এই চূর্ণালিশ বছর বয়সে পত্নীহার হ’য়েও যে প্রাণশক্তি আমার এ দেহে আছে, ছাব্বিশ বছর বয়সেও ওর তাঁ নেই! ও যেন একেবারেই বুড়ো হ’য়ে গেছে,—আশী বছরের বুড়োর মত ওর মন জড়তার আচ্ছন্ন—জরাজীর্ণ! জ্যোতি বললে, আমারই উচিত তোমাকে বিয়ে-করা!...কিন্তু এখন আমার বয়স অনেক—বয়সে তুমি আমার চেয়ে অসম্ভব রকম ছোট! জ্যোতির ও কথা আমি মনেও ঠাই দিতে পারি নে;...তবে এমনি কঠিন জায়গায় তুমি এসে দাঁড়িয়েছ, যেখানে আর একটি বেলাও তোমার রাখা চলে না। যা-হোক একটা-কিছু করতেই হবে তাড়াতাড়ি।—তুমি কি বল?”

মল্লির নিস্পৃহ কণ্ঠে শোনা গেল—“আপনি গুরুজন, যা’

ভাল বোঝেন করুন। আমার মতামতের জগ্রে আপনি আগ্রহ প্রকাশ করবেন না, আমার মতামত সত্যিই কিছু নেই; আমি কে এবং কি, তাও আমি ত ভুলতে পারিনি।”

অগত্যা মহিম মল্লিকে বিবাহ করিলেন। বিবাহের পর জ্যোতি, যাহা-তোক একটা কাজ-কন্মের চেষ্টায় মাতুলের আশ্রয় ত্যাগ করিল। চাকুরীর মোহ তাহার ছিল না; সে পশমী কাপড়ের এজেন্সী লইয়া পঞ্চমাঞ্চলে খুরিয়া বেড়াইতে লাগিল। আঘাতটা তাহার মনকে বড়ই ব্যথিত করিয়াছিল; তাই নানা কন্মে দিবারাত্রি ব্যাপ্ত থাকিয়া বেদমাটাকে সে ভুলিবার চেষ্টা করিত। তথাপি অবসর সময়ে বা নিদ্রাহীন নিশীথে মল্লির সাক্ষ্য কমলের মত ম্লান মুখখানি তাহার মনে পড়িত। মনের এই হর্ষলতাটুকু সে পরিহার করিতে পারিত না। জ্যোতি তাহাকে প্রত্যাখ্যান করিয়াছে জানিবার পর যে কয় দিন জ্যোতি বাড়ী ছিল, মল্লি আর তাহার গানে চোখ তুলিয়া চাহিয়া দেখিতে পারে নাই। তাহার শোকাঙ্কুর মুখের স্মৃতি এখনও জ্যোতিকে মর্মান্বিত করে। কি জানি, কি ভাবিয়াছিল সেই সরলা পল্লী-বালিকা মল্লি!...কেমন করিয়া সে বিশ্বাস করিবে যে, স্তম্ভ মস্তিকে কেহ নিজের স্তম্ভপিত্তে করাত চালাইতে পারে? মহিম তাহার গুরুজন, মল্লির কে? মল্লি যে তাহাকে এত ভালবাসিত, জ্যোতি কোন দিন তাহা ধারণাও করিতে পারে নাই! যে দিন সে মহিমকে স্পষ্ট জবাব দিল, মল্লিকে চিনিতে পারিল ঠিক তার পর দিন! কিন্তু যে দিন সে ছুড়িয়াছিল, তখন তাহা আর ফিরাইবার উপায় ছিল না।

\* \* \* \*

মহিমের বারংবার পত্র পাইয়া বছর-দেড়েক পরে জ্যোতি পূজার সময় বাড়ী আসিল।

মল্লি বাঙ্গালীর মেয়ে; প্রণত জ্যোতির মাথায় হাত দিয়া বলিল, “এস বাবা! সুখে থাকো।”—কিন্তু কথাটা বলিতেই তাহার বুকের ভিতর কে ছুরি মারিল! বঙ্গবধু হইলেও সে মানবী।

মহিম আসিয়া দাঁড়াইলেন। খানিকটা গল্প-সল্প করিবার পর তিনি সরিয়া পড়িলেন। যাইবার সময় মল্লিকে

বলিলেন, “ওগো, পশ্চিমে ভাল মাচ-টাছ পাওয়া যায় না, জ্যোতি যে ক’দিন থাকে, ওকে ভাল ক’রে খাওয়াও।”

মল্লি মহিমকে দেখিয়া অল্প অবগুণ্ঠন দিয়াছিল; ঘাড় নাড়িয়া সম্মতি জানাইল। তিনি অদৃশ্য হইলে জ্যোতি বলিল, “ছোটমামা বাবু যেন বড় রোগা হ’য়ে গেছেন!”

মল্লি বলিল, “অতিরিক্ত উপোস করেন যে! এই ত নবরাত্রি যাচ্ছে।”

জ্যোতি উৎসুক হইয়া বলিল, “ন’ দিন? কি খান?”

মল্লি বলিল,—“কিছু না। সারাদিন শুকিয়ে থেকে রাত্তিরে একটা ডাব, আর দুটো সন্দেশ।”

জ্যোতি ক্ষুধ হইয়া বলিল, “কি বিপদ! শরীর থাকবে কি ক’রে?”

আহারে বসিয়া কথায় কথায় জ্যোতি জানিতে পারিল, মহিম পুনরায় নিরামিষ-ভোজী হইয়াছেন,—গুরুর আদেশে। একার জন্ত কে আর ও-সব ঝগাট সহ করে, মল্লিও তাই আনিষের সম্বন্ধ ত্যাগ করিয়াছে।

জ্যোতির বুকে কথাটা কাঁটার মত খচ-খচ করিয়া উঠিল।—বেচারী মল্লি!

৭

পূর্বে মল্লি ও তার জেঠাই-মা যে ঘরে থাকিতেন, আজ-কাল মহিম সেই ঘরে লেখাপড়া করেন।

বিষাক্ত শল্যের মত মহিমের রক্ষ কণ্ঠ জ্যোতির কাণে বাজিল, “আহা, কি করো ছেলে-মানুষী! সরো! আচ্ছা জ্বালাতন!...না, পড়ব না! চব্বিশ ঘণ্টাই তোমার সঙ্গে মাথায়ুণ্ড গল্প নিয়ে কাটিয়ে দেব!”

একটা চাপা অনুময়ের শব্দ জ্যোতির কাণে গেল।

ঘটনাটা পরিষ্কার করিয়া দিলেন মহিম; তেমনই উচ্চ তেমনই কঠোর স্বরে বলিলেন, “জ্যোতি বাড়ী আছে ব’লে যদি এতই লজ্জা, তবে ছড় করতে এসেছ কেন? তোমাকে পই-পই বলেছি, ওসব ছেলেমানুষী আমার ভাল লাগে না, তবুও শোন না! কাজের সময় বিরক্ত করা মোটেই আনি পছন্দ করি নে। যাও এখন এখান থেকে—”

প্রায় আধঘণ্টা পরে জ্যোতি বারান্দার বাহির হইতে গিয়া থমকিয়া দাঁড়াইল। বারান্দার মল্লি দাঁড়াইয়া আচ্ছ খামে মাথা হেলাইয়া, সামনের গ্যাসের আলো তার



বেদনা-পাণ্ডুর মুখে পরিপূর্ণ ভাবে প্রতিফলিত হইতেছে।  
 গালের উপর দু'টি রক্তধারা চিক্-চিক্ করিতেছিল।  
 জ্যোতি শুক হইয়া রহিল,—মল্লি কাঁদিতেছে!...  
 অভিমানের কাণ্ডা নয়, ব্যথিতের রোদন,—বুক-নিংড়ান  
 রক্তধারা তার ঐ চোখের জল! কি, এই অশ্রুধারার জন্ত  
 দায়ী কে? মহিম নিশ্চয়ই নন। এ জ্যোতির কৃতকর্ম ;  
 এ অশ্রুধারার জন্ত এ জগতে একমাত্র দায়ী সে নিজে!

ও-পাশের বাড়ীতে একটি তরুণী তখন হারমোনিয়ামে  
 সুর দিয়া দরদভরা কণ্ঠে গায়িতেছিল,—  
 “ছিল তিথি অশুকল  
 শুধু নিমেষের ভুল,  
 চিরদিন ত্র্যাকুল  
 ' পরাণ জলে!”  
 শ্রীমায়াদেবী বহু।

## অন্ধকার সবাঁকার চিত্ত বন্দাবন

মনে পড়ে বন-গায়ে  
 আকুল করিয়া প্রাণমন,—  
 গুনি' সে বাঁশির গান  
 ত্যজি' লাজ-কুল-মান  
 পাগলিনী গোপবধুগণ ;

চঞ্চল মল্ল-বাঁশ,  
 ধেমুগণ করে হাথারব,—  
 এজধামে শত শত  
 কিশোর-কিশোরী যত  
 বাঁশরীর রবে মত্ত সব!

মনে পড়ে রাধিকার  
 হুর হুর কাঁপে তা'র প্রাণ ;  
 প্রাণের দয়িত লাগি  
 সারা নিশি রহে জাগি'  
 নিশিতোরে মান অভিমান।

দুইটি তরুণ হিয়া  
 যৌবনের স্মৃতি পিয়া  
 মাতাইল বন্দাবন ধাম,  
 তাদের বিরহ-ব্যথা  
 মধুর মিলন-কথা  
 স্মৃতিপটে জাগে অবিরাম!

আজো আছে বন্দাবন  
 নাই শুধু প্রাণের বিকাশ,—  
 নাই সে বাসন্তীমেলা  
 রাসলীলা হোলী-খেলা  
 অফুরন্ত যৌবন-উচ্ছ্বাস!

কোথা সেই রসরাজ,  
 কোথা সেই আশ্র-নিবেদন?  
 চারিদিকে হাহাকার,  
 তা'রি মাঝে অন্ধকার  
 সবাঁকার চিত্ত-বন্দাবন।


সদয়-সমুনা হায়  
 ভাবের তরঙ্গ নাহি উঠে ;  
 জীবনের মধুমাস  
 অকাল ক'রেছে গ্রাস,  
 প্রাণের প্রবাহ নাহি ছুটে।

এখনো মাঠের প'রে  
 রাখালেরা খেলা করে,  
 রাখালরাজেরে নাহি চিনি ;  
 আজো গুনি ক্রমে ক্রমে  
 বেণু বাজে বনে বনে,  
 দেখি না ত রাই উন্মাদিনী!

কলসী ভাসায় জলে  
 কা'রো তরে নাহি করে দেৱী,  
 বিজন নদীর তীরে  
 সখীরা কাঁদিয়া ফিরে  
 ব্রজের হুলালে নাহি হেরি!

স্মরি' অতীতের কথা  
 আঁখি মোর করে ছল ছল ;—  
 একের বিরহে হায়  
 সকলের চোখে বারে জল।

শ্রীনীলরতন দাস ( বি-এ )।



## যুদ্ধের কথা

আমি কিছুদিন পূর্বে লিখেছিলুম যে, যুদ্ধের বিষয়ে আর কথা কইব না। কিন্তু এ কথা ছাড়ব বললেই কি ছাড়া যায়!

এ যুদ্ধ অবশ্য আমাদের দেশে হচ্ছে না, হচ্ছে ইউরোপে। ইংলণ্ডের মারফৎ যে ইউরোপের সঙ্গে আমরা ষনিষ্ঠভাবে জড়িত, সে বিষয়ে সন্দেহ নেই। আমরা পলিটিক্যালি ইংলণ্ডের অধীন; হয়ত এ যুদ্ধের ফলে সে অধীনতা থেকে মুক্ত হব। কিন্তু তারপর কার অধীন হব, কিম্বা স্বদেশে anarchy হবে কি না, তা কেউ বলতে পারে না।

কিন্তু পলিটিক্স হচ্ছে সভ্যতার একটি অঙ্গ—সম্ভবতঃ উত্তমঙ্গ। এ যুদ্ধ জায়াগরা শুরু করেছে Democracy ধ্বংস করবার জন্ত। কিন্তু Democracy শুধু একটা বিশেষ রাষ্ট্রতন্ত্র নয়, আসলে ওটা হচ্ছে বিশ্বমানবের একটি মনোভাব, যার উপর Democracy প্রতিষ্ঠিত। এ মনোভাব ইউরোপ গত দু'শো বৎসর ধরে 'গড়ে' তুলেছে। ডেমোক্রাসির ধ্বংস মানে ইউরোপীয় সভ্যতার ধ্বংস; কারণ, ইউরোপের বর্তমান সভ্যতা liberalism হ'তে উদ্ভূত। ইতিহাসে তার প্রমাণ আছে।

আমরা সেই জাতকেই সভ্য বলি, যে জাতের স্ব স্ব ধর্ম, নীতি, কাব্য, দর্শন, বিজ্ঞান, সঙ্গীতবিদ্যা, চিত্রকলা, বিরাট মঠ, মন্দির প্রভৃতি আছে।

আমরা যে আমাদের অতীত নিয়ে গৌরব করি, তার কারণ আমাদের পূর্ব পুরুষেরা বেদবেদান্ত, নানা দর্শন, কাব্য, সঙ্গীতশাস্ত্র ও চিত্রবিদ্যার সম্যক চর্চা করেছিলেন; এবং তাঁদের রচিত কাব্য, দর্শন প্রভৃতি মগণ্য নয়।

এ যুদ্ধে আমাদের মন ইউরোপের কাব্য, দর্শন প্রভৃতি দ্বারা অনুপ্রাণিত। এই নবজাত সভ্যতার প্রাণ হচ্ছে liberty। অর্থাৎ শুধু পলিটিক্যাল স্বাধীনতা নয়,—চিন্তার স্বাধীনতা, মনের সর্কারীন স্বাধীনতা। এই স্বাধীনতার বাণীই ইউরোপের মব-বাণী। এবং ইউরোপে যা-কিছু

শ্রেষ্ঠ, তা এই মনোভাবের উপর প্রতিষ্ঠিত। এই মনোভাবকেই আমি liberalism বলি।

এই liberalism-এর ভিতর 'বসুধৈবকুটুম্বকম্' এই মনোভাব আন্তে আন্তে গড়ে উঠছিল। এই liberalism নষ্ট করাই Hitlerএর উদ্দেশ্য। এই নব-সভ্যতা ও তার অন্তর্নিহিত মনোভাব দ্বারা আমরাও যে অনুপ্রাণিত,—তার পরিচয় নিত্যই পাওয়া যায়।

আমরা হরিজনকে জাতে তুলতে চাচ্ছি, অর্থাৎ জাতিভেদের অত্যাচার দূর করতে চাচ্ছি; এক কথায় জাতিভেদ প্রথা উচ্ছেদ করতে চাচ্ছি।

আমরা সোশ্যালিজম প্রবর্তন করতে চাচ্ছি, মানুষ মাত্রকেই শিক্ষিত করতে চাচ্ছি।

আমরা জীশিক্ষা ও জীস্বাধীনতার পক্ষপাতী হয়েছি। এর মোক্ষ কথা হচ্ছে—সকলকেই মানুষ হিসেবে দেখতে শিখেছি,—জনগণকেও, জীলোকদেরও। মানুষকে মানুষ জ্ঞান করাই হচ্ছে liberalism-এর বড় কথা।

আমরা স্বরাজ লাভ করতে প্রয়াসী হয়েছি। ইংরিজীতে যাকে বলে nationalism, তাও liberalism-এর এক অঙ্গ।

তারপর Democracy হচ্ছে liberalism-প্রসূত। মানুষমাত্রেরই রাষ্ট্রতন্ত্র সম্বন্ধে অস্পষ্ট মতামত আছে, সেই মতামতকে স্পষ্ট স্বীকার ও গ্রহণ কবাই Democracyর মূখ্য উদ্দেশ্য।

আমরা পূর্বে সভ্য ছিলাম বলে—এই সব সভ্য মনোভাব কতকটা আত্মসাৎ করতে পেরেছি।

আমরা দূর থেকে যতটুকু জানতে পাই, তার থেকে মনে হয়, জার্মানী এই যুগসঞ্চিত সভ্যতাকে ধ্বংস করতে উত্তম হয়েছে, আর প্রায় কৃতকার্য হ'য়েছে। পুরাকালে হুগ নামক নরপত্তর দল যে ভাবে ভারতবর্ষের যুগসঞ্চিত সভ্যতা নষ্ট করতে ব্রতী হ'য়েছিল,—একালে জার্মানীও সেই ভাবে ইউরোপের সভ্যতা নষ্ট করতে ব্রতী হয়েছে।

Liberalism অবশ্য ইউরোপে হঠাৎ আবিষ্কৃত

হরনি। বিরোধী মতের সঙ্গে লড়াই ক'রে জয়যুক্ত হয়েছে। মহাত্মা গান্ধী যাকে বলেন—violence, তা' হচ্ছে শক্তির অপপ্রয়োগ ও ছষ্টপ্রয়োগ।

জার্মানী একটি শক্তিশালী সভ্য দেশ। আর ইউরোপীয় সভ্যতাও জার্মানীর কাছে প্রভূত পরিমাণে ঋণী। জার্মানরা হুণ নয়, শুধু শক্তির ছষ্টপ্রয়োগে তাদের সমতুল্য।

জার্মান জাতের একটি গলদ ছিল। তাদের পণ্ডিতদের চিন্তা এ-জাতের ক্ষত্রিয়দের কৰ্ম কখনও প্রতিহত করেনি। যুদ্ধ যে অনেক রাজনৈতিক সমস্যার আশু সমাধান করে, এ তো প্রত্যক্ষ সত্য; এবং জার্মানীর শাসনকর্তারা ও গুরু-পুরোহিতেরা উভয়ে মিলে সমগ্র দেশটাকে প্রত্যক্ষদর্শী ক'রে তুলেছে। এর নাম তারা দিয়েছে real politics; আর এই real-ই সকল রকম ideal-এর মূলোচ্ছেদ ক'রছে। জার্মানী জ্ঞানে-বিজ্ঞানে ইউরোপের একটি অগ্রগণ্য দেশ; সুতরাং জার্মানী ইউরোপীয় সভ্যতা ধ্বংস করবার জন্ত বন্ধপরিকর হয়েছে কেন?

আমি ইউরোপীয় নব সভ্যতাকে liberalism বলেছি। জার্মানী এই নব সভ্যতার পরিপন্থী। কেন?—তার বিচার করতে হলে—জার্মানীর গত তিনশ' বৎসরের ইতিহাসের হিসেব দিতে হয়। এ প্রবন্ধে সে আলোচনার অবসর নেই। আমি কোন বাহ্য ঘটনার আলোচনা করতে চাইনে; কেবলমাত্র এ জাতির মনোভাবের পরিচয় দিতে চাই।

জার্মানী কখনও liberalism-কে প্রশংসা দেয়নি। আমি পূর্বে বলেছি—এ যুগের nationalism liberalism-এর একটি অঙ্গ। এ মতে ব্যক্তিস্বাতন্ত্র্য যেমন গ্রাহ্য, জাতি-স্বাতন্ত্র্যও তেমনি গ্রাহ্য। উভয়েই হচ্ছে ব্যক্তির ও জাতির আত্মরক্ষার উপায় মাত্র। এর জন্তই এক জাতির পক্ষে অন্য জাতিকে শাস্তিতে থাকতে দেওয়া কর্তব্য। Internationalism-এর যে-সকল বিধি-নিষেধ ইউরোপে এতদিন মাজে ছিল—সে-সবই এই মনোভাব থেকে প্রসূত। বড় মাপেটা ছোট মাপে খায়, এ মাৎস্ত ত্রায়ের উপরে নব সভ্যতা গড়ে উঠতে পারে না।

জার্মানী নব-কল্পিত nationalism-এর অবাধ ক্ষুর্তির পক্ষে এ জাতীয় inter-nationalismকে অন্তরায় জানে। জার্মানী অন্ধ nationalism-এর ভক্ত হয়ে পড়েছে এবং

মাৎস্ত ত্রায়কেই ধর্ম ব'লে গ্রাহ্য করেছে। এ যুদ্ধের প্রথম থেকেই জার্মানী এই যুদ্ধ-ধর্মের অহুসরণ করেছে। তার একটি সজ্জিগু ফর্দ দিচ্ছি।

প্রথমে জার্মানী চেকো-স্লোভাকিয়া গ্রাস করেছে। ইংলণ্ডের প্রধান মন্ত্রী Chamberlain তা'তে কোন আপত্তি করেননি। হয়ত সে সময় ইংলণ্ড Russia'র সঙ্গে যোগ দিলে এ যুদ্ধ এমন ভয়ঙ্কর হ'য়ে উঠত না।

তারপর জার্মানী অস্ট্রিয়া গ্রাস করেছে বিনা-যুদ্ধে।

তারপর জার্মানী পোলাণ্ড জয় ক'রেছে,—(Chamberlain-এর বিপরীত) সঙ্কেও। কিন্তু ইংলণ্ড Poland-এর কোনও সাহায্য কার্যতঃ করতে পারেনি। Russiaও এই সুযোগে অর্ধেক পোলাণ্ড অধিকার করেছে।

তারপর Russia ফিনল্যান্ড নামক একরত্তি দেশের অর্ধেক গ্রাস করেছে। তারপর জার্মানী ডেনমার্ক গ্রাস করেছে। ডেনমার্ক ক্ষুদ্র দেশ, তার পক্ষে জার্মানীর সঙ্গে লড়ে' আত্মরক্ষা করা অসম্ভব। ফলে ডেনমার্ক আত্মসমর্পণ ক'রেছে জার্মানীর কাছে।

তারপর জার্মানী নরওয়ে আক্রমণ ক'রেছে এবং খুব সম্ভব সে দেশকে প্রথমে বিধ্বস্ত ও শেষে আত্মসাৎ করবে। ইংলণ্ড নরওয়ের কোন সাহায্য করতে পারেনি।

তারপর জার্মানী হল্যান্ড আক্রমণ ও অধিকার ক'রেছে। তারপর জার্মানী বেলজিয়াম আক্রমণ ও আত্মসাৎ ক'রেছে।

এ সব দেশই জার্মানীর তুলনার অতি ক্ষুদ্র ও আত্ম-রক্ষা করতে অসমর্থ। এই ছোট দেশগুলির সঙ্গে আমরা পরিচিত।

হল্যান্ডের অধিবাসীরা ভারতবর্ষে এসেছিল আর অনেক ভূভাগ করায়ত্ত ক'রেছিল। ডেনমার্কের অধিবাসীরা অর্থাৎ দিনেমাররা শ্রীরামপুরের পত্তন ক'রেছিল। অপর দেশগুলির লোক, যতদূর জানি, কখন ভারতবর্ষে ব্যবসা ও লুণ্ঠরাজ করতে আসেনি।

আজ জার্মানী ফ্রান্স আক্রমণ করেছে, এবং প্রথম থাকায় জয়যুক্ত হ'য়েছে। ফলে জার্মানরা ইংলণ্ড আক্রমণ করবার ব্যবস্থা করেছে।

আজকের দিনে কাল কি হবে আজ তা বলা যায় না। সুতরাং ভবিষ্যৎ সম্বন্ধে নীরব থাকাই ভাল।

ইউরোপের পূর্কোক্ত খণ্ডরাজ্যগুলি যে এতদিন আত্মবশ ছিল এবং যথেষ্ট আত্মোন্নতি ক'রেছিল, তার মূলে ছিল সেই সভ্য মনোভাব,—যাকে আমি liberalism বলেছি। কারণ, এদের কারও আত্মরক্ষা করবার শক্তি ছিল না। ইউরোপের বড় রাজ্য তিনটি—ইংলণ্ড, ফ্রান্স ও জার্মানী—যখন খুনী তখনই এদের গ্রাস করতে পারত।

আমি যে সভ্যতাকে নব-সভ্যতা বলেছি, সে সভ্যতা ইউরোপীয়রা একমাত্র ইউরোপের জন্মই গড়েছিলেন,—বিশ্ব-মানবের জন্ম নয়। এই একদেশদর্শিতাই ছিল এ সভ্যতার প্রধান দোষ।

এসিয়া ও আফ্রিকার উপর ইউরোপীয়গণ যে প্রভুত্ব

বিস্তার ক'রেছে, তার মূলে ছিল প্রভু-মনোভাব। প্রভু মনোভাবের সঙ্গে পশু-মনোভাবের নাড়ীর যোগ আছে জাতিধর্মনির্কিশেষে এ ভূভাগের মানুষকে তাঁরা কখন মাতৃ জ্ঞান করেন-নি। তাঁদের liberalism সকলের প্রাণোজ্য নয়। আজকের দিনেও ইংলণ্ড ভারতবর্ষকে (তিমিরে সেই তিমিরেই রাখতে চান।

এ নব সভ্যতার বাণী বুদ্ধদেবের বা যিশুখৃষ্টের বাণী; মত সর্বলোকগ্রাহ্য বাণী নয়। ইউরোপীয় সভ্যতা যদি কোনকালে ধ্বংস হয়,—তবে এই প্রভু-মনোভাবের ফলে মারামারি কাটাকাটি ক'রেই ধ্বংস হবে।

প্রথম চৌধুরী।

## মানস-প্রিয়া

ক্রান্ত নরনে ব্যথা নেমে আসে পায় না তোমার দেখা,  
চঞ্চল করি চঞ্চলে অগ্নি, রেখে গেলে মোরে একা।  
যে দিন হেরিহু তোমা নিরুপমা  
সুনীল-বসনা অগ্নি মনোরমা,  
মনে প'ড়ে গেল অতীতের স্মৃতি সুদূর স্বপ্নসম,  
তব অলকের পুলক-পাখার উড়ে গেল মোহ-তমঃ।

ভেবেছিহু তোমা গুণে প্রিয়তমা আপন করিয়া লব  
নিঃশেষে দিব যা-কিছু আমার পুরাতন অভিনব;  
বুঝিলে না হার নরনের ভাষা  
দূরে চলে গেলে বাড়ায়ে নিরাশা  
উদাসীন করি বাড়ালে স্বপন গোপনতা গেল গোণা  
স্মৃতিতে তোমার হ'লো স্নান মণি, রুখা হলো ধূলিকণা।

যখন নামিবে আকাশের বৃকে গোধূলির ছায়া প্রিয়া  
মন-হারা দেহে অজানা ব্যথায় গুমরি উঠিবে হিরা;  
ঘরে-ফেরা পাখী, নদী-কলতান  
বিশ্বের বৃকে মিলনের গান  
বিরহ-বিধুর বন্ধের মাঝে সৃজিবে কঠোর কারা,  
সাঁঝের শ্রামল ধরণীর বৃকে রবে তরু লতা-হারা।

গুমরি গুমরি মরিবে সে স্মৃতি; তিলে তিলে যাবে চলি  
রক্তিম আভা, অবশ বন্ধে যদি নাহি পড় চলি,  
অপরাধ যদি ক'রে থাকি প্রিয়া,  
ক্ষমা ক'রো সব তব গুণ দিয়া  
কামনার যত কলুষ কালিমা দীপ্তিতে হোক স্নান  
মম হৃদয়ের যা-কিছু হে প্রিয়ে তুমি তো সকলি জান।

শোন শোন অগ্নি স্মন্দরি মোর, তোমাতে লয়েছি চিনে,  
রাতে তুমি মম হৃদয়ের ধন—নরনের ধন দিনে।  
দেখ আজি সাঁঝে পূজার লাগিয়া  
কত শত ফুল এনেছি তুলিয়া  
এস নামি প্রিয়ে তব রূপ নিয়ে, রূপে দিব মোর ডালি,  
দিব বিলাইয়ে চরণের ছায়ে অন্তর করি খালি।

শ্রীউমানাথ সিংহ।

# বিজ্ঞান-জগৎ

## রবারের গাউন

ওচিয়োর আকরনু সহরে রবারের বিরাট কারখানা। সম্প্রতি এই সহরে বিলাসিনীদের এক বিলাস-আসন্ন বসিয়াছিল। সে আসরে



রবারের গাউন

বিলাসিনীরা রবারের তৈয়ারী বিভিন্ন বেশে উদয় হইয়া নৃত্য ছন্দে যামধন্যর দৃশ্য-বিভ্রম সৃষ্টি করিয়াছিলেন। ছবিতে ঐ রূপসীর পক্ষে যে বেশ-ভূষা, তাহা আগাগোড়া রবারে তৈয়ারী। নাচিতে দিয়া রূপসী গাউনের প্রান্ত ছিঁড়িয়া ফেলিয়াছেন; তাই আসিয়া-নে কারিগরের কাছে—'ভালকানাইজ' করিয়া গাউনটিকে সিন্ধুত তাবে মেরামত করিয়া তুলিবেন।

## কয়লা ও লবণে তৈয়ারী বেণ্ট

রাসায়নিক প্রক্রিয়ায় কয়লা এবং লবণ মিশাইয়া তাহা দিয়া নূতন এক রকম খাতু তৈয়ারী করা হইয়াছে। এই খাতু দিয়া নূতন রকমের বেণ্ট, সাসুপেণ্ডার, গাটার প্রভৃতি নির্মাণ করা হইতেছে। এ বেণ্ট খুব নমনীয়; ঘামে বা এগিঙে ইহাতে মরিচা ধরে না—অক্ষত দেখে বহু বৎসর ব্যবহারযোগ্য থাকে। এ খাতুকে নানা



কয়লা-লবণের বেণ্ট

রঙে রাঙানো হইতেছে, এবং কাচিলে সে রঙ ওঠে না, বা গাটার প্রভৃতি ঘামে ও জলে বিবর্ণ হয় না।

—

## কেশের দীপ্তি

বিলাসিনীর বিলাস-বাসনা পরিতৃপ্তির জন্ত এক নব-উপায়ের সৃষ্টি হইয়াছে। মাথার কেশে যদি প্রদীপ্ত ছটার ঘটা সম্পাদন করিতে




চুলে আলোর ফুল



মাথার কেশে বিজলী প্রভা

## কয়লা-বাষ্পে মোটর চলে

চবিত্তে দেখুন একখানি দোতলা-বাসের সঙ্গে একটি টেলার আঁটা। এই টেলারের বৃকে একটি এঞ্জিন আছে আর আছে একটি ট্যাঙ্ক। ট্যাঙ্কের মধ্যে কাঠ-কয়লা পুরিয়া তাহাতে অগ্নিসংযোগ করিলে যে ধূম-বাষ্পের সৃষ্টি হয়, ঐ ধূম-বাষ্প-যোগে বাস চলে। পেট্রোলে মোটর-গাড়ী যেমন বেগে ও স্বচ্ছন্দে চলে, এ বাসের গতিও ঠিক তেমন হয়, কোনো বৈলক্ষ্য



টেলার

চান, 'গুলস্ত ল্যাকার' ব্যবহার করুন। এ বস্তুটি এ শতাব্দীর নবতম আবিষ্কার! স্প্রিতে করিয়া এই তরল-ল্যাকার মাথার কেশে বর্ষণ করুন, কেশে বিজলী-দীপ্তির বিকাশ হইবে। সে দীপ্তিতে আঁধার-ঘর আলো হইয়া উঠিবে। কায়দা করিয়া মাথার কেশে এ ল্যাকার ছিটাইতে পারিলে বিজলী-প্রভার বহু নম্রা ফুটিবে। পাখীর ছাঁদে, ফুলের ছাঁদে, প্রজাপতির ছাঁদে ল্যাকার ছিটান, মাথার কেশে বিজলী-প্রভার পাখী, প্রজাপতি, ও ফুলের বাহার খুলিবে।



বাস ও টেলার

যটে না। টেলারের সঙ্গে একটি পাইপ দিয়া বাসের সংযোগ আছে; ঐ পাইপের মধ্য দিয়া গ্যাস আসিয়া বাসে গতি সকার

করে। লগনে এ বাস চালাইয়া ধূম্র-বাস্পের শক্তি-  
পরীক্ষা করিয়া বিশেষজ্ঞেরা পরিতৃপ্ত হইয়াছেন। এ বৃক্ষ-  
বৃগ্গে পেট্রোলে টান পড়িলে কয়লা-বাস্প বাস ও ট্যান্সি  
প্রভৃতি চালাইতে বেগ পাইতে হইবে না।

### জলের বৃকে রক্ষা-কবচ

আমাদের দেশে সাঁতার-কাটিবার সময় অনেকে জলের  
বৃকে কোঁচার কাপড় মেলিয়া দিয়া তার প্রান্ত মুড়িয়া  
বেলুনের মত কাঁপাইয়া তাহা ধরিয়া থাকেন। ভিজা  
কাপড়ে এই কাঁপা গোলক রচিয়া তার সাহায্যে জলে  
নিরাপদে ভাসা যায়—ডুববার কোনো ভয় থাকে না।  
এমনি প্রণালীতে একটু রকমকের করিয়া সম্প্রতি কালি-  
ফোর্সিয়ার সমুদ্র-বৃকে নর-নারী নিরাপদে সাঁতার কাটিতে-  
ছেন। চার-পাচ মাপের ভালো মশলিন কিম্বা নয়ানমুক  
কাপড় লম্বাসম্বিতাবে কাটিয়া বালিশের ওয়াড়ের মতো  
তিন দিকে তিন লাইন মুড়ি-সেগাই দিবেন—তাহাতে খুব  
মজবুত হইবে! একটা দিক খুলিয়া রাখিবেন। যেদিক খোলা  
থাকিবে, সেই দিকে শক্ত করিয়া 'সেম' দিবেন। তার পর  
জলে নামিয়া এই  
খলি বা ওয়াড় জলে  
ভিজাইয়া লইয়া  
বাতাসের মুখে ধরিয়া  
খলি টিতে বাতাস  
ভরিতে হইবে,—  
ধরিয়া কি প্রটানে



কাপড়ের খলিতে বাতাস ভরা

খোলা দিকটা জলের মধ্যে সজোরে ডুবাইয়া-লইয়া এ-দিক  
মুড়ি হুঁচ চালায়া বাধিয়া ফেলুন। বাতাসে ভরিয়া এ খলি বেলুনের  
মতো ফুলিয়া উঠিবে; তখন এই কাপড়ের খলি লইয়া যেমন খুশী  
হবে তাহা—ডুববার ভয় নাই।

### বোমা-ভয় বারণ

যুদ্ধে এই মারণ-বস্তু সমুদ্র-বৃকে জাহাজ চালানো নিরাপদ নয়।  
জাহাজের খোলা ডেকে বা ব্রিজে নাবিকের বা কোনো কর্মচারীর

পক্ষে দাঁড়াইয়া থাকা বিপজ্জনক। কোথায় আকাশ হইতে কখন  
বোমা পড়িবে, সে বোমার নিমেষে প্রাণটা অমনি বাহির হইয়া  
যাইবে! অখচ জাহাজকে নিরাপদে পরিচালনা করিবার জন্ত  
ব্রিজে রক্ষী রাখা প্রয়োজন। বোমার ভয়-নিবারণের জন্ত হুঁচারখানি  
সমুদ্রপোতে লেটার-বস্কের ধরণে ইম্পাতের বাস্ক বসানো হইয়াছে।  
এই বাস্কের গায়ে কতকগুলি রক্ত আছে—বাস্কের মধ্যে নাবিক  
বা কর্মচারী নিরাপদে বসিয়া থাকে, এবং ঐ রক্ত-পথে চোখ রাখিয়া  
সমুদ্র-পথ দেখিয়া কাণ্ডনকে খপরবার্তা দেয়। ইম্পাতের বাস্কটি  
খুব মজবুত; হুর্গের মতো হুর্ভেদ্য। উগার উপর বোমা পড়িলে



বোমা-বারণ বাক্স

বাক্স ভাঙিবে না এবং বাক্স মধ্যে উপবিষ্ট বক্ষীরও এতটুকু আঘাত লাগিবে না।

অগ্নি-নির্ব্বাণ ট্রাক

পেট্রোল বা সেলুলয়েড-কিন্তু আগুন লাগলে সে-আগুন নিমেষে দিগন্তব্যাপী ছইয়া উঠে! সে আগুন নিবানো সহজ নয়। সম্প্রতি খুব সঙ্গ্জে এই ভীষণ অগ্ন্যুৎপাত-নিবারণের উপায় মিলিয়াছে। ট্যাকে কার্বন-ডায়ক্সাইড-গ্যাস ভরিয়া জল দিবার মোটা হোন্ধে




কার্বন-ডায়ক্সাইড ট্রাক

ভরিয়া সেই গ্যাস অগ্নিবন্ধে নিক্ষেপ করুন, নিমেষে দিগন্তব্যাপী অগ্ন্যুৎপাতের অবসান ঘটিবে।

ক্লিপ-দেওয়া ঘড়ি

একালে রিষ্ট ওয়াচের বিপুল প্শার। কিন্তু রিষ্ট-ওয়াচ হাতে আঁটলে হইলে তার জন্ত ব্যাণ্ড চাই। সম্প্রতি আমেরিকায় যে রিষ্টওয়াচ তৈয়ারী হইতেছে, তাহার জন্ত ব্যাণ্ডের কোনো প্রয়োজন নাই। এই রিষ্টওয়াচের সঙ্গে টাইটভাবে ক্লিপ সংলগ্ন আছে। এই ক্লিপ-সাহায্যে সার্টির কাফে ঘড়ি আঁটুন, ওয়েস্টকোটের পকেটে আঁটুন, টাইক্লিপের মতো নেকটাইয়ে আঁটুন; মেয়েরা আঁটুন হাতব্যাগে, মাথার চুলে, কিম্বা ব্লাউশে বা আঁচলে। ওয়াচ টাইট ভাবে সংলগ্ন থাকিবে—পড়িবে না! আঁটি-ঘড়ি বাজারে কিনিতে পাওয়া যায়; কিন্তু তার দাম এত বেশী যে, অনেকের পক্ষে তাহা স্তূলভ!



হাতের কাফে ঘড়ি

অদৃশ্য চশমা

বহু ভামিনীকে দায়ে পড়িয়া চশমা



অদৃশ্য লেন্স



চশমা

লইতে হয়, অথচ চোখে তাঁরা শশমা আঁটিতে চান না—পাছে চশমার চপে কমনীয় মুখখানিকে কুলী দে খায়! তাঁদের ছুঃখ-মোঃনের জন্ত আমেরিার চশমাওয়ালারা নতুন চশমা গড়িতেছেন। এ চশমার লেন্স এমন ভাবে ঠিক যে, চোখে এ-শমা আঁটিলে বুঝাইবে



না, চোখে চশমা আছে! ফ্রেম ও চশমার নাসাদণ্ড দেখা যাইবে, কিন্তু সেগুলি দেখাইবে ঠিক যুথপন্ন-ভূষণের মতো। চশমার কাচ আদৌ দেখা যাইবে না। ছবিতে দেখুন—রূপসীর চোখের উপর চশমার কাচ প্রত্যক্ষ হয় কি?

### ব্যায়াম-যন্ত্র

ঘোড়ায় চড়া এবং নৌকার দাঁড় টানো—এ দু'টিতে ব্যায়াম হয় চমৎকার! ঘরে বসিয়া এ দু'টি ব্যায়াম সাধিবার জন্য নূতন যন্ত্র তৈয়ারী হইয়াছে। যন্ত্রটি কজার ভেঁজে চলে। ইহাতে বসিবার আসন আছে—পা রাখিবার জায়গা আছে—সামনে বাইসিকলের হ্যাণ্ডেলের মতো দু'টি হ্যাণ্ডেল আছে। আসনে বসিয়া দু' হাতে হ্যাণ্ডেল দু'টি ধরিয়া যথাস্থানে দুই পা রাখিয়া, শুধু ঐ হ্যাণ্ডেল ধরিয়া হাতলদণ্ড সামনে পিছনে পরিচালনা করুন। ঘোড়ায় চড়া এবং নৌকার দাঁড় টানার সাধ মিটিবে, সঙ্গে সঙ্গে ব্যায়াম-সাধনায় দেহ-খানিও সুন্দর ছাঁদে গড়িয়া উঠবে। এ যন্ত্রের সুবিধা এই যে, নিরীলা ঘরে ইহা লইয়া ব্যায়াম-সাধনা চলিবে। যন্ত্রটি মুড়িয়া রাখিতে খুব বেশী জায়গা লাগিবে না।

### উড়ন-যন্ত্র



উড়ন-যন্ত্র



ঘোড়ায় চড়ে দাঁড় টানো

এ যুদ্ধে সেনাদল কখন পাহাড়ে চড়িবে, সে পাহাড় হইতে কখন কোথায় লাফ দিবে, তার কোনো ঠিক ঠিকানা নাই! পাহাড় হইতে লাফ দিতে গিয়া নীচে হয়তো গভীর খাদ কিম্বা জলা; পঙ্ক-কর্দম, কিম্বা অগাধ জল মিলিবে। কাজেই কাঁপ দিয়া তারা বাহাতে নিরাপদ-ভ্রমিতে অবতরণ করিতে পারে, সেজন্য নিউইয়র্ক-বাসী জর্জ বোধিজাত এক-রকম উড়ন-যন্ত্র তৈয়ারী করিয়াছেন। বৈজ্ঞানিক পাখার ঝুলনদণ্ডের মতো একটি দণ্ডের সঙ্গে দু'খানি প্রোপেলার জুড়িয়া দেওয়া হইয়াছে—আর আছে ঐ সঙ্গে হালকা-ওজনের একটি গ্যাশোলিন্-এঞ্জিন। বেল্ট ও লগেজ গায়ে আঁটিয়া এ যন্ত্রসংলগ্ন আসনে বসিয়া নিজের হাতে অতি সহজে এ যন্ত্র চালাইয়া দু' এক মাইল উড়িতে উড়িতে ভূতলে অবতরণ করা যায়, বেঘোরে পড়িয়া আহত বা নিহত হইবার ভয় নাই!





চেতনা লাভের পর অভয়াচরণবাবু ষথাসাধ্য চেষ্টায় সংযত ও শাস্ত হইলেন। প্রতুলবাবু বরকর্তার নিকট হইতে বাড়ী ফিরিয়া যখন সকল কথা তাঁহাকে জানাইলেন, তখন তিনি ঈষৎ হাসিয়া বলিলেন, “জ্ঞান বুঝি এই ভাবে তার বিবেচনের পরিচয় দিলে? তা’ যা সে ভাল বোঝে করুক; তার অসন্তোষের ভয়ে আমি তো আর বানরের গলায় মুক্তামালা পরাতে পারিনে। জ্ঞানের ছেলের হাতে আমার নয়নমণি শেফালীকে সমর্পণ করা তা’ছাড়া আর কি? রুগুটা লেখাপড়া তো করলেই না, বিজ্ঞার আদরও সে বোঝে না;—আলস্য ও বিলাসিতাই তার সখল। কারণ, সে জমিদারের ছেলে! থাক ও কথা, এখন বিয়ের কি হবে? লগ্ন দেবীতে; দেখ, যদি একটি সংপাত্র এষ্ট সময়ের মধ্যে খুঁজে আনতে পার। বিয়ে তো আজই দিতে হবে।”

তাঁহার কথা শুনিয়া সন্তোষ বলিল, “সে কি দাদামণি! এত অল্প সময়ের মধ্যে ছেলে কোথায় খুঁজে পাওয়া যাবে? আজ এই রাত্রির মধ্যে যোগ্য পাত্র সংগ্রহ করা কি সম্ভব? আজ রাত্রিতে বিয়ে হবে কি ক’রে?”

অভয়াবাবু—“ছেলেমানুষ তুমি—অনর্থক তর্ক ক’রো না। বিয়ে আজ দিতেই হবে—তা’ যাকে ধ’রেই হোক। আজ রাত্রিতে বিয়ে দিতে না পারলে মান-সম্মত সব নষ্ট হবে; এমন কি, সমাজচ্যুত হ’তে হবে।”

সন্তোষ—“এই রকমই যদি সমাজের বিধান হয়, তবে সে বিধান অত্যন্ত নিষ্ঠুর; সেই নিষ্ঠুর, যুক্তিহীন বিধান পালনের জন্য শেলীর সারা জীবনের সুখ-শান্তি,—তার জীবনটা পর্য্যন্ত নষ্ট করতে হবে? সমাজ যদি অবুঝ হয় ত সে সমাজে কাজ নেই দাদামণি; আমি এ ভাবে তার বিয়ে দিতে দোষ না।”

অভয়াবাবু—“চুপ কর। ছেলেমানুষ তুমি, এ অনধিকার-চর্চা তোমার শোভা পায় না। তুমি সমাজ, ধর্ম, এ সকলের কিছুই মর্ষ বোঝ না।”

সন্তোষ—“হিন্দুশাস্ত্রে এ-রকম কুবিধি থাকতে পারে না; এ-সব দেশাচার ভিন্ন যে অস্ত্র কিছু নয়—তা সাধারণ বুদ্ধিতেই বুঝতে পারা যায়। এই অস্ত্রের প্রতিবাদ আমি করবোই।”

অভয়াবাবু—“দেশাচারই যদি হয়, তা’ও তো অগ্রাহ করা যায় না। ও-সব না মানলে সমাজ টিকবে কি ক’রে? আর আমার দিদিমণির মঙ্গল কামনা আমার চেয়ে কেউ বেশী করে না;—দেশাচারবিরুদ্ধ কাজ করলে তা’র অকল্যাণ হবে।”

সন্তোষ—“আমার কথায় আপনি অসন্তুষ্ট হবেন না দাদামণি! কিন্তু বলতে বাধ্য হচ্ছি—ও-সব ভ্রান্ত ধারণা—এ-রকম ক’রে কখনও কল্যাণ হ’তে পারে না।”

অভয়াবাবু বিরক্তিতরে বলিলেন, “যাও, আর মিছে সময় নষ্ট ক’রো না। আমার চেয়ে শেফালীর বেশী হিতাকাঙ্ক্ষী আর কে আছে? আমি যা’ করব, তাতেই ওর ভাল হবে।”

পিতামহ উত্তেজিত হইতেছেন; অথচ ডাক্তার বাবু ইসারায় জানাইতেছেন, উত্তেজনা উৎসার পক্ষে কৃতিকর। নিরুপায় হইয়া সন্তোষ তরু হইল। কিন্তু এই বিভ্রাটের উপর প্রকৃতি দেবীও বিরূপ হইয়া উঠিলেন। অপরাহ্নের অন্ধ গুম্ব খণ্ড খণ্ড মেঘস্তর একত্র মিলিত হইয়া এখন নিবিড়কৃষ্ণ জলদরাপি নৈশাকাশ আচ্ছন্ন করিয়াছে। বৃদ্ধ স্বীয় জামাতাকে যখন পাত্রের সন্ধানে বাইতে বলিয়াছিলেন, সেই সময়েই পবনদেব ভীমবেগে সাড়া দিয়াছিলেন। এখন বায়ুর তাড়নার নিবিড় মেঘ গর্জিয়া উঠিয়া

প্রশান্তভাবে বারিধারা বর্ষণ করিতে লাগিল। গাঢ় কৃষ্ণ মেঘে মধ্যে মধ্যে বিদ্যুৎকোশ হওয়ায় দিগ্‌মণ্ডল আলোকিত হইতেছিল, আবার পরক্ষণেই পৃথিবী ঘোর মেঘাচ্ছাদিত আবৃত হইতেছিল; আর সঙ্গে সঙ্গে কি ভীষণ বজ্রনির্ঘোষ! এ যেন ঝড় নহে, প্লাবন নহে, যেন প্রলয়ের সূচনা! কাল-বৈশাখীর এই আকস্মিক অঙ্কুত খেয়ালে সকলকেই সজ্জ হইয়া উঠিতে হইল।

সময়ের গতি অবাধ, এদিকে বৃষ্টিরও বিরাম নাই। বৃদ্ধ অভয়াচরণবাবু হৃশ্চিক্তায় আকুল হইয়া উঠিলেন। প্রতুলবাবু চঞ্চল হৃদয়ে ঘরে বাহিরে ঘুরিতে লাগিলেন, বিবাহের লগ্ন যে উত্তীর্ণ হইয়া যায়! চিন্তার সমুদ্রে কূল না পাইয়া অবশেষে অভয়াচরণবাবু সন্তোষকে ডাকিয়া জিজ্ঞাসা করিলেন, “কলিকাতা হ’তে তোমার যে কয়েক জন সহপাঠী বন্ধু এসেছে, তাদের সকলেই কি বিবাহিত?”

সন্তোষ—“না। ও কথা জিজ্ঞাসা করচেন কেন?”

অভয়াবাবু—“অবিবাহিত কেউ কেউ থাকলে, ওদেরই মধ্যে কোন কার্যস্থ-সস্তানকে বর মনোনীত করব।”

সন্তোষ সবিনয় বলিল, “তা’ কি ক’রে হবে? ওদের তো সে জন্তে এখানে আনা হয় নি।”

অভয়াবাবু ঈষৎ বিরক্তিতে বলিলেন, “সে কথা তোমায় ভাবতে হবে না; বল, কার্যস্থ ছেলেদের মধ্যে কে কে এখনও অবিবাহিত।”

সন্তোষ বলিল, “হু’জন মাত্র, প্রমথ আর সুনীল। প্রমথর বিয়ের কথা পাকা হ’য়ে আছে; আর সুনীলের সংক্রমে ও-কথা উঠতেই পারে না।”

অভয়াবাবু—“উঠতেই পারে না কেন? সুনীল ছেলেটি তো পাস। সে কুলীন না হ’লেও দত্তরা সৎসংশ। আমার মনে হয়, ওর হাতে শেফালীকে সম্প্রদান করাই ঠিক।”

সন্তোষ সবেগে মাথা নাড়িয়া বলিল, “সে হ’তেই পারে না। কত কষ্টে ওর বাপকে রাজী ক’রে তবে এই একটা রাজ্যের অস্ত্র ওকে আনতে পেরেছি। এখন না ব’লে-ক’রে তার মা-বাপের অজ্ঞাতসারে তার সঙ্গে হঠাৎ বোনের বিয়ে দেওয়া কি ক’রে সম্ভব হ’তে পারে? কথাটা তার দিক থেকেও ভেবে দেখা দরকার।”

অভয়াবাবু—“তা’ কি হবে? এমন বিপদেও কি সে ভদ্রলোকের মানরক্ষা করবে না?”

সন্তোষ—“আমার তো মনে হয় না যে, সে এমন বিয়ে করতে চায়। আর তা’ ছাড়া, সে তা’র বাবার কথার বিরুদ্ধে কখনও চলে না। তাঁর মত না নিরে কি ক’রে সে বিয়ে করবে?”

অভয়াবাবু—“আমাদের কুলের মেয়ে পেলে দত্তবংশের মর্যাদা বাড়বে বই ক’বে না। আর সুনীলের বাবা উপস্থিত থাকলে এমন অবস্থায় কখনও অমত করতেন না।”

সন্তোষ—“তা’ আমি অত জোর ক’রে বলতে পারি-নে। দত্ত সাহেব যে-রকম রুক্ষ মেজাজের লোক, হয় তো বিয়েটা মানতেই চাইবেন না।”

অভয়াবাবু—“নিশ্চয় মানবেন,—আমার দিদিমণিকে বধুরূপে পাওয়া তো ভাগ্যের কথা। সুনীলকে তুমি রাজী কর।”

সন্তোষ—“সুনীল কিছুতেই মত দেবে না; সে তা’র বাবার আজ্ঞা না পেলে কি ক’রে জীবনের এত বড় দায়িত্বপূর্ণ কাজ ক’রে বসবে?”

অভয়াবাবু—“ভদ্র পরিবারকে বিপদ থেকে উদ্ধারের জন্ত পিতৃ-আজ্ঞার অপেক্ষা করতে হয় না।”

সন্তোষ—“মৃত্যুশয্যাশায়ী বন্ধুর অনুরোধ রক্ষা করা যদি এত বড় অস্ত্রায় হয় তো বন্ধুর বোনের বিয়ের নিমন্ত্রণে গিয়ে দেশাচারের পীড়নে হঠাৎ বিয়ে করতে দেয়া হয় না কেন?”

এই কথা শুনিয়া অভয়াবাবু পাংশুবর্ণ হইলেন, ও “বাবা গো” বলিয়া আর্তনাদ করিয়াই আবার সংজ্ঞাহীন হইলেন। শেফালিকা তাঁহার পদসেবা করিতেছিল; ইহা দেখিয়া বলিয়া উঠিল, “দাদা, এ কি ক’রলে? দাদামণিকে মারলে?”—বলিতে বলিতে অশ্রুধারায় তাঁহার উভয় গণ্ড প্লাবিত হইল; সন্তোষ অমৃতপ্ত হৃদয়ে ডাক্তার বাবুর নির্দেশমত রোগীর সেবায় নিযুক্ত হইল।

ডাক্তার বাবু অল্প পরেই শেফালীকে সাহায্য দিয়া বলিলেন, “ভয় নেই মা, তোমার দাদামণি শীঘ্রই সুস্থ হবেন।”

ইহা শুনিয়া শেফালিকা ব্যাকুল কণ্ঠে সন্তোষকে বলিল, “দাদা, আমার মত অভাগিনীর ভাগ্যে সুখ আসতে পারে কি? সুখীই যদি হব তো ছেলে-বেলার বাবা-মা হু’জনকেই হারাব কেন? তা’ না হ’লে এমন বিপদই বা এ সময়

ঘটবে কেন? আমার আর সুখে কাজ নেই, দাদামণিকে বাঁচাও।”

শেফালী পিতামহীর দিকে চাহিয়া বলিল, “আপনি নিজে যান। লেখাপড়া শিখেছেন, ভদ্রবংশের ছেলে, আপনার কথা তিনি ঠেলতে পারবেন না। তিনি যেন বিশ্বাস করেন, বিয়ে হয়ে গেলে আমি স্ত্রী বলে তাঁর ওপর কোনও দাবী করব না। আমার দাদামণির মানরক্ষা হোক, তাঁর মর্যাদা অটুট থাক, আর কিছুই আমি চাইনে। আমার কথা কাঁকেও ভাবতে হবে না।”

শেফালীর কথা শুনিয়া শান্তিদেবী তাঁহার জামাতা প্রভুলবাবুর সঙ্গে চলিলেন, এবং সুনীলকে অন্য দিকে ডাকাইলেন। লজ্জাশীল সুনীল অবনত মস্তকে সবই গুনিল; কিন্তু সে অনেক আপত্তি করিল। তাহার পিতা এ বিবাহে সম্মত হইবেন না, এবং অত্যন্ত অসন্তুষ্ট হইবেন, এ কথাও জানাইল। তাহার নিজের মনও তখন প্রস্তুত নহে। কিন্তু তাহার যুক্তি, আপত্তি সকলই ভাসিয়া গেল; শান্তিদেবীর কাতর প্রার্থনায়—সুনীলকে বরাসন গ্রহণ করিতে হইল।

অভয়াবাবুর যখন জ্ঞান হইল, তখন কতটা সম্প্রদান হইতেছে। সেই কথা শুনিয়া তিনি দীর্ঘনিশ্বাস ফেলিয়া স্থির ভাবে গুইয়া রহিলেন। মনে মনে জগদীশ্বরের নিকট প্রার্থনা করিলেন—নবদম্পতির শুভমিলন যেন ব্যর্থ না হয়।

শুভদৃষ্টির সময় শেফালিকা তাহার লজ্জাবনত নয়ন সুনীলের দিকে ফিরাইয়া দেখিতে পাইল, সুনীলের কাতর দৃষ্টি অবনত, সে মুখ তুলিয়া তাহার দিকে চাহিল না। শেফালিকা ব্যগ্র চিত্তে সুনীলের সৌম্য মূর্তি হৃদয়ে অঙ্কিত করিয়া লইল। সে তাহার পিতামহীর নিকট শিখিয়াছিল, স্বামীই হিন্দু রমণীর একমাত্র জাগ্রত দেবতা। স্বামী বিরূপ হইলেও সতী তাহাকে ত্যাগ করিতে পারে না—হৃদয়ের অন্তর্দেশে তাহার পূজা ভুলিতে পারে না। সকল দেবতাকে স্মরণ করিয়া সে সুনীলের চরণে আত্মনিবেদন করিল; কাতর ভাবে প্রার্থনা জানাইল—সুনীলের পিতা যেন তাহাকে বধুরূপে গ্রহণ করেন।

সুনীল কিন্তু একবারও চক্ষু ফুলিল না। দেখিল না যে, কাহাকে সে বিবাহ করিল। দেখিলে বুঝিতে পারিত,

সে সত্যই ভাগ্যবান—তাহার উপেক্ষিতা সত্যই বাহনীর। শেফালিকার অনুরাগ তপ্তকাঞ্চনের মত উজ্জল নহে; শেফালী পুস্পের মত সম্পূর্ণ গুত্র না হইলেও স্নিগ্ধ। তাহার চোখে চাহনি করুণ অথচ আলোকোজ্জল। তাহাতে জানে আত্মা বিকশিত। কেশগুচ্ছ ঘোর কৃষ্ণবর্ণ, ক্রম্বুগল যেন চিত্রকরের মনোহর অঙ্কিত; অধরোষ্ঠ পাতলা, সুলোহিত, মুখ সদা-হাস্যপ্রকুর। দীর্ঘাবয়ব। কৃশাঙ্গী শেফালিকার সমগ্র মূর্তি যেন ওদার্য্যমণ্ডিত। কিন্তু সুনীল কিছুই দেখিল না, কিছুই জানিল না।

হোমের সময় উঁচাই মন্ত্র উচ্চারণ করিবার পূর্বে সুনীল আরাধ্য দেবতার নিকট তাহার অন্তরের নিবেদন জানাইল, “আমার সঙ্কল্প যদি সাধন করিতে না পারি, হে দেব, আমার ক্ষমা করিও। আমার শরীর এখানে আছে, মন নাই; আমার রসনা যাহা উচ্চারণ করিতেছে, আমার অন্তরে তাহার প্রতিধ্বনি নাই। আমার মনেও পাপ নাই।”

বিবাহ-ক্রিয়া সম্পূর্ণ হইল। বরকন্তাকে যখন বৃদ্ধ পিতামহের নিকট লইয়া যাওয়া হইল, অভয়াবাবুর সমস্ত শরীর তখন যেন অসাড়; তিনি অতি কষ্টে তাহাদের আশীর্বাদ করিলেন। তখন তাঁহার হৃদয় চক্ষু হইতে অশ্রুধারা প্রবাহিত হইল—বহু বৎসরের শোকের উচ্ছ্বাস তাঁহার আর দমন করিবার শক্তি হইল না।

ঝড় ধামিয়া গিয়াছে, মেঘ কাটিয়া গিয়াছে, নিয়তির লীলার প্রথম পর্ক শেষ হইয়াছে। কিন্তু সুনীল, শেফালিকা ও অভয়াবাবুর অন্তরের ঝটিকার বিরাম নাই। চারি দিক নিস্তব্ধ, পুরী নিদ্রালস; বাতায়ন-পথে স্নিগ্ধোজ্জল চন্দ্রকিরণ-সম্পাতে বাসর-ঘর যেন প্রাবিত হইতেছিল। মৃদু সমীরণ পরিশ্রান্ত পুরবাসিগণকে যেন চামর বাজন করিতেছিল। রাত্রি গভীর হইলে সকলেই ঘুমাইয়া পড়িল; কিন্তু সুনীল ও শেফালিকার চক্ষুতে তখনও নিদ্রা নাই। শেফালিকা আজ নিম্পন্দ, অসাড়; অবশুষ্ঠনাবৃতভাবে সে শয্যার এক প্রান্তে পড়িয়া ছিল, এবং নলিন নয়নদুগল নিমীলিত করিয়া আকাশ-পাতাল কি যে ভাবিতোহল, তাহা সেই জানে। কিন্তু সে তাহার ভাগ্যাকাশে পূজীভূত নিবিড় কৃষ্ণ মেঘস্তরে আলোকের ক্ষীণ রশ্মিও দেখিতে পাইল না। সেই তরুণ বয়সেই সে অচলা ভক্তি সহকারে চুপে

নির্ভর করিতে শিখিয়াছিল; তাই জীবনের এই কঠোর পরীক্ষায় সে হতাশ হয় নাই—ভগবৎচরণে সে তাহার অন্তরের সকল বেদনার বাণী নিবেদন করিয়া আজ শান্তিলাভের চেষ্টা করিতেছিল।

সুনীলেরও মনে তখন সবেগে ঝটিকা বহিতেছিল। পরদিন প্রভাতে কলিকাতায় ফিরিয়া তাহার পিতাকে সে কি বলিবে? তাহার পিতার প্রকৃতি তাহার অজ্ঞাত নহে; এ বিবাহ যদি তিনি মঞ্জুর না করেন, তাহা হইলে সে কি করিবে? আর যদিই বা পিতা তাহার সঙ্কট বুঝিতে পারিয়া শেফালিকাকে বধু বলিয়া গ্রহণে আপত্তি না করেন, তবেই বা তাহার কর্তব্য কি? কিছুই সে স্থির করিতে পারিল না। একবার সে চঞ্চল হৃদয়ে গৃহসংলগ্ন বারান্দায় পাদচারণ করে, শ্রান্তিবোধ করিলে আবার শয্যায় শয়ন করিয়া বাতায়ন-পথে নির্নিমেষ নেত্রে চন্দ্রের দিকে চাহিয়া থাকে। যেন সেই চন্দ্রমণ্ডলে তাহার জীবনের সকল সমস্যার সমাধান নিহিত আছে! ঘড়িতে ঠং ঠং শব্দে রাত্রি ছইটা বাজিতেই শেফালিকা চমকিয়া উঠিল। সে নববধুহুলত লজ্জা দমন করিয়া মৃহস্বরে সুনীলকে বলিল, “একটু স্থির হইয়ে শুয়ে থাকলে ঘুম আসবে। আপনার কি কোনও অসুবিধা হচ্ছে?”

সুনীল বিরক্তিতরে উত্তর দিল, “তোমার ঘুমের বুঝি ব্যাঘাত করছি, তা’ আমি না হয় বারান্দায় যাচ্ছি।”

এ কথায় অবগুণ্ঠনের অন্তরালে শেফালীর লজ্জাকরণ মুখে যে বেদনার আভাস ফুটিয়া উঠিল, সুনীল তাহা দেখিতে পাইল না; তাহার উক্তিযে যে কাতরতা ছিল, তাহাও সে লক্ষ্য করিল না।

শেফালী ক্ষণকাল নীরব থাকিয়া ব্যথিত স্বরে বলিল, “আমার জন্ত নয়। আপনি অতিথি, আপনার পরিচর্যাই আমাদের প্রধান কর্তব্য।”

সুনীল এবার ঈষৎ উত্তেজিত স্বরে কিঞ্চিৎ শ্লেষভরেই বলিল, “অতিথিসেবার ঘটায় আর কাজ নেই। বাড়ীতে থেকে এনে যে বিপদে ফেলেছ, আমার বা’ সর্বনাশ করছ, তা’র ওপর আর দরদ দেখিয়ে কর্তব্য পালন করতে হবে না। কর্তব্যটা তোমরা আঠার আনা পালন করেছ; আর কেন?”

শেফালী অচঞ্চল স্বরে উত্তর দিল, “আপনার তো

কোন অনিষ্ট হয়নি। আপনার তো কোনও দোষ নেই; সকল ঘটনার বিবরণ শুনেও কি বাবা আপনাকে কমা করবেন না? আর যদি তিনি আপনার এ বিবাহ স্বীকার না করেন, তা’ হ’লেও আপনি আজকার রাত্রির এই অপ্রীতিকর ঘটনা একটা দুঃস্বপ্ন ব’লে অনায়াসেই তো ভুলতে পারবেন।”

সুনীল বিরক্তিতরে বলিল, “আর বক্তৃতায় কাজ নেই। পাড়ার্গেয়ে কুণো মেয়েদের এমন কি শিক্ষা আছে যে, এই সব ব্যাপারের গুরুত্ব তারা বুঝতে পারবে?”

শেফালী ব্যথিতভাবে বলিল, “এত উত্তেজিত হচ্ছেন কেন? আমি আপনার কাছে এই স্বীকার করছি যে, এই বিয়ের জন্ত আপনার ওপর কোন দিন কোন দাবীই আমি করব না। আমি আপনার জীবনের পথ থেকে আজীবন দূরে স’রে থাকব, আপনার সুখের পথের কণ্টক হব না। আপনাকে যে কাজে বাধ্য হ’তে হয়েছে, সেজন্ত আপনার কোন চিন্তা নেই। আপনি নিশ্চিন্ত হ’য়ে একটু ঘুমিয়ে নিন, আপনার শ্রান্তি দূর হোক—এই আমার মিনতিপূর্ণ অনুরোধ।”

সুনীল আর তাহার কথার প্রতিবাদ করিল না, করিতে পারিল না। এত কঠোরতা, এরূপ রুঢ়তা, এই প্রকার অপমানের পরও শেফালিকা নম্রভাবে মিনতি সহকারে যে উত্তর দিল, তাহা শুনিয়া সুনীল বিস্ময়ে মৌন রহিল। সে শয্যায় শয়ন করিয়া অবিলম্বে নিদ্রা-ভিত্ত হইল।

নিশাবসানে প্রভাতে শেফালিকা শয্যাভ্যাগ করিল। বিবাহকালে শুভদৃষ্টির সময়েও বাস্পাকুল নয়নে সে সুনীলের মুখমণ্ডল সুস্পষ্টরূপে দেখিতে পার নাই। এখন উষালোকে সে নির্নিমেষ নেত্রে স্বামীর সৌম্য সুন্দর মুখ দেখিয়া লইল। কয়েক মিনিট পরে সে নিদ্রিত স্বামীর চরণে প্রণাম করিয়া নিঃশব্দে সেই কক্ষ হইতে নিজ্রাস্ত হইল।

৬

বিবাহের রাত্রিটা অভয়াবাবু স্বপ্নাবিষ্টের মত কাটাইয়া-ছিলেন। অতীতের সুখ-ছঃখের স্মৃতি তাঁহার মন পুনঃ পুনঃ ব্যাকুল ও বিচলিত করিয়া তুলিতেছিল। প্রথম ঘোষনের

কথা তাঁহার স্মরণ হইল। তাঁহার অনেকগুলি সন্তান জন্ম-গ্রহণ করিয়াছিল, এবং শৈশবেই তাহাদের মৃত্যু হইয়াছিল। তাহার পর তাঁহার পুত্র বিমলাচরণ ও কন্যা প্রতিমার জন্ম। কত যত্নে, কত সন্তর্পণে তিনি তাহাদের পালন করিয়া তুলিলেন। সামাজিক প্রথার দাস পুণ্যকামী অভয়াচরণ অষ্টমবর্ষীয়া কন্যাকে গৌরীদান করিয়া তাহাকেও হারাইয়া-ছিলেন। স্বশুরকুলের প্রথানুযায়ী তাঁহাদের বধু পিত্রালয়ে যাইতে পারিত না, একত্র তিনি প্রতিমাকে গৃহে আনিতে পারিতেন না; তথাপি বৈবাহিক সম্বন্ধবংশীয়, জামাতা প্রতুলচন্দ্র ব্যবসায়ে ধনী হইয়াছেন, ভাবিয়া কন্যার কল্যাণ কামনায় তিনি সকল কষ্টই সহ্য করিয়াছিলেন। পুত্র বিমলের প্রতি তিনি হৃদয়ের সফল স্নেহ ঢালিয়া তাহাকে মানুষ করিয়া তুলিবার জন্ত যথাসাধ্য চেষ্টা করিতে লাগিলেন।

অভয়াবাবুর চেষ্টা বিফল হইল না। পুত্র বিমল সকল গুণের অধিকারী হইয়া পিতামাতার গভীর স্নেহের উপযুক্ত হইল। কিন্তু বয়োবৃদ্ধির সঙ্গে বিমল স্বাধীনচিত্ততার পরিচয় দিতে লাগিল। সে মেধাবী ও বুদ্ধিমান, সকল বিষয়েই স্বাধীন ভাবে কর্তব্য স্থির করিয়া সেই পথে চলিত। এইজন্য যখনই সে বিবেকের অনুশাসনে প্রচলিত ধারণার বিরুদ্ধাচরণ করিত, তখনই পিতার অপ্রীতিভাজন হইত। মতবিরোধের ফলে পিতা-পুত্র মনান্তর হইত। বিমলের মাতা শান্তিদেবী নিরুপায় হইয়া অশ্রুজলে ভাসিতেন।

বিমল কণকপুর ইংরেজী স্কুল হইতে ম্যাট্রিকুলেশন পরীক্ষার উত্তীর্ণ হইয়া বৃত্তি পাইলে, তাহার পিতামাতা বিষম সমস্যায় পড়িলেন। প্রজাবৎসল জমিদার অভয়াচরণ বাসগ্রামের প্রতি অমুরক্ত, জন্মস্থান পরিত্যাগ করিয়া কলিকাতায় যাইতে সম্মত ছিলেন না; তাঁহার গুণবতী পত্নী শান্তিদেবী তাঁহার চিরসঙ্গিনী,—অথচ উচ্চশিক্ষার জন্ত বিমলকে কলিকাতায় যাইতেই হইবে। পিতামাতা তাহার মাতামহের বাড়ীতে রাখিবার প্রস্তাব করিলেন; কিন্তু বিমল সম্মত হইল না। “ও বাড়ীতে অত লোকের গোলমালে আমার থাকা পোষাবে না” বলিয়া সে আপত্তি জানাইল। তখন স্থির হইল, সে কলিকাতায় বাসা ভাড়া করিয়া সেখানে বাস করিবে। অভয়াবাবু শান্তিদেবীকে পুত্রের সহিত যাইতে বলিলেন; কিন্তু পতিসেবাই তিনি

পরমধর্ম বলিয়া জানিতেন, তাঁহার অনুপস্থিতিতে অভয়াবাবুর পরিচর্যার ক্রটি হইবে বুঝিয়া তিনি কিংকর্তব্যবিমূঢ় হইলেন। অথচ কি করিয়াই বা তিনি একমাত্র পুত্র নয়নের মণি বিমলকে ছাড়িয়া থাকিবেন? বিমল বলিল, “আমি একাই যাব, তোমরা কি চিরজীবন আমাকে আগলে বেড়াবে না কি? কত ছেলে তো হোষ্টেলে থেকেই লেখা-পড়া শিখচে।”

শান্তিদেবীর ইচ্ছা ছিল, নূতন বাড়ী কিনিয়া বিমল সেই বাড়ীতে থাকিবে; কিন্তু কলিকাতায় বাড়ী কিনিলে পাছে সহরের প্রতি তাঁহার মন আকৃষ্ট হয়, এই ভয়ে বাড়ী না কিনিয়া অভয়াবাবু নবনির্মিত একটি বাড়ী ভাড়া লইলেন। বিমলের পিতামাতা প্রথমে তাহার সঙ্গে গিয়াছিলেন, এবং তাহার নিকট কিছু দিন বাসও করিয়া-ছিলেন। পরে পুরাতন ভৃত্য ভোলানাথ ও বহু দিনের বিশ্বাসী এক জন পাচককে রাখিয়া তাঁহারা গৃহে ফিরিয়া-ছিলেন।

কলেজে বিমলের সহাধ্যায়ীদের অধিকাংশই কলিকাতা-বাসী, কয়েক জন ভিন্ন জিলার অধিবাসী। নবাগত যে সকল ছাত্র ছাত্রাবাসে থাকে, অত্রাত্র ছাত্রদিগের সহিত তাহাদের পরিচয় হইতে বিলম্ব হইল না; বাহারা সঙ্গিহীন রহিল, অমলকুমার রায় তাহাদের অন্যতম। অমলকুমার দূর হইতে সতৃষ্ণ নয়নে বিমলকে দেখিত, যেন বিমলের হৃদয়ের কোন অজ্ঞাত সৌন্দর্য্য তাহাকে আকৃষ্ট করিত। অমলের প্রীতির আকর্ষণ বিমল উপেক্ষা করিতে পারিল না, কারণ, অকপট প্রণয় চুম্বকধর্মী; বিমল অমলের প্রতি সহজেই আকৃষ্ট হইল। কিন্তু লজ্জা ও সঙ্কোচ আসিয়া এই দুইটি তরুণ হৃদয়ের অবাধ মিলনের আনন্দে বাধা দান করিল।

প্রায় এক মাস পরে, এক দিন সন্ধ্যাকালে বিমল তাহাদের বাসার অদূরবর্তী পার্কে ভ্রমণ করিতে করিতে বৃষ্টিতে পারিল, অমল তাহার অনুসরণ করিতেছিল। বিমল কোতূহলী হইয়া অমলকে নিকটে আহ্বান করিল, এবং অদূরবর্তী বেঞ্চে বসিয়া তাহার সহিত আলোপ আরম্ভ করিল। সেই দিন উভয়ে পরস্পরের হৃদয়ের পরিচয় পাইয়া যে বন্ধুত্ব-বন্ধনে আবদ্ধ হইল, তাহা ঐ দিন দৃঢ় হইল।

অমলের পিতা ব্যারিষ্টার মিষ্টার অনিল রায় আইন-ব্যবসারে উন্নতি-সোপানে পদার্পণ করিয়া যৌবন কালেই ইহ-লোক ত্যাগ করেন; কিন্তু তিনি আর্থিক আয়-ব্যয় সম্বন্ধে অত্যন্ত হিসাবী ছিলেন বলিয়া সেই অল্প দিনের উপার্জনেই কলিকাতার একখান বাড়ী নিৰ্মাণ করিতে পারিয়াছিলেন। তাহার উপর তাঁহার জ্যেষ্ঠা কন্যার বিবাহে অনেক টাকা ব্যয় করিতে হইয়াছিল বলিয়া মৃত্যুকালে তিনি বিশেষ-কিছু সঞ্চয় করিয়া যাইতে পারেন নাই। অমলের মাতা উচ্চশিক্ষিতা ও অত্যন্ত বুদ্ধিমতী। স্বামীর মৃত্যুর পরই তিনি ব্যয়-সঙ্কোচের জন্ত গাড়ী বোড়া বিক্রয় করিলেন, এবং দাস-দাসীদেরও অনেককেই বিদায় করিলেন। এমন কি, ব্যয়হাসের জন্ত কত রমাকেও আর স্কুলে না পাঠাইয়া গৃহে রাখিয়া স্বয়ং তাহার শিক্ষার ভার গ্রহণ করিলেন; এবং তাহার কোন কোন বিষয়ের শিক্ষার ভার অমলের হস্তে অর্পণ করিলেন। কিন্তু এইরূপ মিতব্যয়ী হইয়াও সংসারের ব্যয় সঙ্কলান করিতে না পারায় অগত্যা কঠোর পরিশ্রমে সেলাইয়ের কাজ করিয়া তিনি কিছু কিছু উপার্জন করিতে লাগিলেন। এইরূপে অমলকুমারের শিক্ষার ব্যয়নির্বাহ হইতে লাগিল। পুত্র সানন্দে পদব্রজে দূরস্থিত কলেজ যাইত, এবং নবমবর্ষীয়া কন্যা পড়াশুনা করিয়া যে-টুকু সময় পাইত, মাতার গৃহস্থালীর কার্যে যথাসম্ভব সাহায্য করিত। বুদ্ধিমতী রায়-গৃহিণীর ব্যবস্থা-শুণে কেহ তাঁহাদের আর্থিক অসচ্ছলতার কথা জানিতে পারিত না।

অমল পদব্রজে কলেজ যায় ইহা জানিতে পারিয়া বিমল নিজের গাড়ীতে তাহাকে লইয়া কলেজে যাতায়াতের জন্ত উৎসুক হইল। কিন্তু এই প্রস্তাবে অমলের পারিবারিক গৌরবে ও আত্মমর্যাদায় আঘাত লাগিতে পারে ভাবিয়া বিমল বন্ধুকে তাহার মনের কথা বলিতে কুণ্ঠিত হইল। অনেক চিন্তার পর বিমল একটা উপায় স্থির করিল; এক দিন সে অমলকে বলিল, “আমি ভাই এক দিন তোমাদের বাড়ীতে যাব—তোমার মা যদি নিজে রেঁধে আমার গোতে দেন এই লোভে।”

বন্ধুর প্রস্তাব শুনিয়া অমল “হাঁ, তা, এ আর এমন কি—” কুণ্ঠিত ভাবে এইটুকু বলিয়া কথাটা শেষ না করিয়া মাথা চুলকাইতে লাগিল।

বিমল তাহার কুণ্ঠা লক্ষ্য করিয়া বলিল, “ও-সব কিছু গুনচি-নে; আমি তোমার মা’র কাছে গিয়ে তাঁকে ‘মা’ ব’লে ডেকে খেতে চাইব, দেখব, কেমন তিনি না বলেন। আমি কি তোমার মতন তাঁর ছেলে নই?”

অমলের মা প্রফুল্ল চিত্তে পুত্রবৎ স্নেহে বিমলের অভ্যর্থনা করিলেন। সে যে স্নেহময়ী মাতার প্রবাসী পুত্র। বন্ধুদ্বয়ের মিলনের পথে তখন পর্য্যন্ত যে সামান্য বাধা ছিল, এবার তাহাও অপসারিত হইল। অতঃপর প্রভাত হইতে রাত্রি পর্য্যন্ত দিবসের অধিকাংশ সময় উভয়ে একত্র থাকিত; বিমল অমলকে সঙ্গে লইয়া কলেজে যাতায়াত করিত। তাহাদের পড়াশুনা, খেলা, ভ্রমণ—সবই একসঙ্গে চলিত। কেবল ছুটির সময় বিমল গ্রামের বাড়ীতে যাইত। তখন অমলের মনে হইত, কলিকাতা মহানগরী যেন অরণ্যে পরিণত হইয়াছে!

হুই বৎসর পরে বন্ধুদ্বয় উচ্চস্থান লাভ করিয়া এক-এ পরীক্ষায় উত্তীর্ণ হইল, এবং উভয়েই বৃত্তি পাইল। অভয়াবাবুর ইচ্ছা যে বিমল ডাক্তার হয়, কারণ, পল্লীগ্রামে সূচিকিৎসকের বড়ই অভাব। জমিদার স্বয়ং চিকিৎসা-বিদ্যায় পারদর্শী হইলে পল্লীর দীন-দরিদ্র প্রজাবর্গের অসীম উপকার হয়। উদারচেতা বিমলাচরণ পিতার আগ্রহানুসারে কলিকাতার মেডিক্যাল কলেজে ভর্তি হইল। বিমলকে মেডিক্যাল কলেজে ভর্তি হইতে দেখিয়া অমলও ডাক্তারী পড়িবার সঙ্কল্প করিল। পুত্রের এই কামনা পূর্ণ করিবার জন্ত অমলের মাতা অধিকতর উত্তম সহকারে অর্থসংগ্রহের চেষ্টা করিতে লাগিলেন। প্রস্তর-শিল্প, চিত্রাঙ্কণ-প্রভৃতি বিদ্যায় তাঁহার যে অভিজ্ঞতা ছিল, এবার তাহার অমুশীলন করিতে লাগিলেন। ইহাতে আর্থিক স্বচ্ছলতা হওয়ায় রমাকে তিনি পুনর্বার স্কুলে ভর্তি করিলেন। রমা দ্বিগুণ আগ্রহ ও উৎসাহে পাঠাভ্যাস করার ক্রমেই উন্নতি করিতে লাগিল, এবং অবশেষে প্রবেশিকা পরীক্ষার জন্ত প্রস্তুত হইল।

এই ভাবে সুখে ও নিরুদ্বেগে একে একে পাঁচটি বৎসর কাটিয়া গেল। কিন্তু এই সুখ যেন নিয়তির অসহ হইল; ভাগ্যহীনা বিধবার কপাল আবার ভাঙ্গিল। অমল ও বিমল যখন ডাক্তারীর শেষ পরীক্ষার জন্ত প্রস্তুত হইতেছিল, সেই সময় এক দিন অমল হঠাৎ অরে আক্রান্ত হইল। বিজ্ঞ

চিকিৎসকগণের সকল চেষ্টা বিফল করিয়া জ্বর দিন দিন বাড়িতেই লাগিল। দশ দিন পরে রোগীর রক্ত পরীক্ষা করিয়া চিকিৎসকগণ প্রকৃত রোগ ধরিতে পারিলেন; বুঝিতে পারিলেন, অমলকুমারের জ্বর সাধারণ জ্বর নহে, তাহা ভীষণ ব্যাধি টাইফয়েড!

বিমল আহার, নিদ্রা, পরীক্ষার পাঠ, সব ত্যাগ করিয়া বন্ধুর পরিচর্যায় রত হইল। অমলের মাকে আশ্বাস দেওয়া, শঙ্কাতুরা রমাকে উৎসাহিত করা, চিকিৎসকদের সহিত পরামর্শ, তাঁহাদের বিধান পালন করা—সকল ভারই সে স্বয়ং গ্রহণ করিল। কলেজের অধ্যাপকগণ স্বেচ্ছিকিৎসক; কর্তব্যনিষ্ঠ মেধাবী বিমল ও অমলকে তাঁহারা অত্যন্ত স্নেহ করিতেন, অমলের চিকিৎসার জন্ত তাঁহারাও অক্লান্তভাবে চেষ্টা করিতে লাগিলেন। কিন্তু সকলের সকল চেষ্টাই বিফল হইল। রোগারস্তের সতের দিন পরে সকলেই হতাশ হইলেন। পরদিন প্রভাতে মৃত্যুপথযাত্রী অমল চেতনালাভ করিয়া চক্ষু মেলিয়া তাহার শয্যা-প্রান্তে তাহার মাতা, রমা, তাহার জ্যেষ্ঠা ভগিনী ও বিমলকে সাক্ষরনয়নে উপবিষ্ট দেখিল। অমল রোগজীর্ণ কম্পিত হস্তে মাতা ও রমার হাত হুঁখানি টানিয়া তাহা বিমলের হাতে রাখিয়া মুহূর্ত্তে বলিল, “আমি তো তোমাদের সকলকে ছেড়ে চললাম, মা’কে ও রমাকে তোমার কাছেই রেখে যাচ্ছি, তুমি দেখো। আর রমার সকল ভার তোমাকেই দিচ্ছি, বন্ধুর শেষ প্রার্থনা অগ্রাহ্য ক’রো না, ভাই!”

তাহার কথা শুনিয়া সকলেরই প্রাণ কাঁদিয়া উঠিল। বিমল অতি কষ্টে অশ্রুসম্মরণ করিয়া সংযত স্বরে বলিল, “এ সব কি বলছ ভাই! মা’র মনে ব্যথা দিও না। তুমি কোথায় যাবে? ভয় কি? তুমি শীঘ্রই সেরে উঠবে।”

অমল অতিকষ্টে অশ্রুট স্বরে বলিল, “যেতে তো চাইনে; এই সুন্দর পৃথিবী, জীবনের এত আশা, উদ্ভয়,—উজ্জল ভবিষ্যৎ, প্রাণ কি ছেড়ে যেতে চায়, ভাই! কিন্তু বুঝতে পারছি, সব শেষ হ’য়ে এসেছে। কত কথা বলবার ছিল, কর্তৃ চিরনীরব হ’য়ে আসচে, অন্ধকার দেখছি সব। তুমি রমাকে নেবে জানতে পারলে মৃত্যুতে আমি শান্তি পাব, নৈলে.....”

বিমল উচ্ছ্বসিত অশ্রুতার অতি কষ্টে দমন করিয়া গাঢ় স্বরে বলিল, “তুমি ভাবছ কেন? তোমার কোনও ইচ্ছা

কি পূর্ণ করতে আমি কখন কুণ্ঠিত হয়েছি? তুমি মন স্থির কর। ও-সব ভেবে ব্যাকুল হ’রো না।”

রোগী স্থির হইল; তাহার কোটরগত নিশ্চিন্ত নেত্র মুহূর্ত্তের জন্ত উজ্জল হইল, রোগকাতর মুখে আনন্দের ম্লান-জ্যোতি—যেন অন্তোন্মুখ শ্রান্ত তপনের শেষ ক্ষীণ রশ্মি-জাল! অমল শান্ত স্থির দৃষ্টিতে সকলের দিকে চাহিয়া চির বিদায় লইবার শেষ মুহূর্ত্তে মায়ের হাতখানি বুকের উপর টানিয়া লইয়া বলিল, “মা!”—সঙ্গে সঙ্গে তাহার অস্তিম নিশ্বাস বন্ধপঞ্জর ভেদ করিয়া নিঃসারিত হইল। তাহার মৃত্যুঘাতনাক্রিষ্ট মুখে আনন্দ ও প্রশান্তি বিরাজ করিতে লাগিল।

অমলের মাতা মুচ্ছিত হইয়া বাত্যাভাঙিত লতার তায় ধরাশায়িনী হইলেন। সকলের বহু চেষ্টায় চেতনা লাভ করিয়া তিনি স্তম্ভিত ভাবে পড়িয়া রহিলেন। তাঁহার মনে হইল—জগতের সকল বন্ধন অমল ছিন্ন করিয়া চলিয়া গিয়াছে—চারি দিকে কি বিরাট শূন্যতা! জীবনে যাহা কিছু বাঞ্ছনীয়, আশার, আকাঙ্ক্ষার বস্তু, যাহা কিছু সত্য, সব যেন শূন্যে বিলুপ্ত হইয়াছে! অমল ও রমাকে কোলে লইয়া তিনি বৈধব্যযজ্ঞা ভুলিয়াছিলেন; আজ অমলকে হারাইয়া সেই পুরাতন শোক যেন শতগুণে বর্ধিত হইয়া তাঁহাকে আচ্ছন্ন করিল। কোন সাহসনা তাঁহার হৃদয় স্পর্শ করিল না। জ্যেষ্ঠা কন্যার শত চেষ্টাতেও তিনি শয্যা ত্যাগ করিয়া উঠিলেন না; উঠিবার শক্তিও তাঁহার ছিল না! অবশেষে বিমল আসিয়া দরদভরা কাতর কণ্ঠে তাঁহাকে “মা” বলিয়া ডাকিলে তিনি চমকিয়া উঠিলেন। বিমলের কাতর অনুরোধে তিনি উঠিলেন; বিমলের অবিরাম চেষ্টায় তাঁহার শোক যৎকিঞ্চিৎ প্রশমিত হইল। বিমল তাঁহার বুকের ভিতর যেন অমলের শূন্য আসন অধিকার করিল। মায়ের প্রাণে সাহসনাদানের জন্ত অমল যেন বিমলকেই তাহার প্রতিনিধি রাখিয়া গেল।

রায়-গৃহিণী কিঞ্চিৎ প্রকৃতিস্থ হইলে তাঁহার কণ্ঠা জামাতার উপর তাঁহার সকল ভার অর্পণ করিয়া বিমল কয়েক সপ্তাহ পরে আবার কঠোর পরিশ্রমে শেষ পরীক্ষার জন্য প্রস্তুত হইতে লাগিল। পরীক্ষার পর সে আশা করিল, সগৌরবে উত্তীর্ণ হইতে পারিবে।

এক দিন অমলের মাতাকে তাঁহার জ্যেষ্ঠা কন্যা উয়ার



শিশু পুত্রটিকে কোলে লইয়া নীরবে বসিয়া থাকিতে দেখিয়া বিমল তাঁহার সম্মুখে আসিয়া বলিল, “মা, এবার আমি বাড়ী যাব, আপনার অনুমতি চাইতে এলাম। আপনাকে ছেড়ে যেতে ইচ্ছা হ’ল না; কিন্তু বাবা-মা আমাকে অনেক দিন দেখেন নি, তাঁরা আমার পথ চেয়ে আছেন।”

অমলের মা স্নেহোদ্বেলিত স্বরে বলিলেন, “যাবে বৈ কি বাবা, মায়ের ছেলে মায়ের কাছে যাও। আমার মত অভাগীর কাছে যে আসবে সেই যাবে; তুমি থেকে না বাবা! ভয় হয়, পাছে তোমার কোন অমঙ্গল ঘটে।”

বিমল বলিল, “না মা, আপনার কাছে আমার কোন অমঙ্গলের ভয় নেই—আপনি আমার আশীর্বাদ করুন।” অমলের মা গাঢ় স্বরে বলিলেন, “মঙ্গলময় তোমায় সুস্থ রাখুন, সুখী করুন।”

অমল তাঁহাকে প্রণাম করিয়া চলিয়া যাইবার সময় নিভৃত রমার দেখা পাইল; সে রমাকে বলিল, “রমা, অমলের শেষ কামনা আমি নিজের ইচ্ছায় অপূর্ণ রাখিব না। কিন্তু তাঁর আগে তোমার মতও ত জানা দরকার। আমি জানি, অমল তোমার অনিচ্ছায় জোর ক’রে তোমাকে আমার হাতে দিতে চাইত না।”

রমা কিছুক্ষণ নীরব থাকিয়া লজ্জাবিজড়িত কুণ্ডিত স্বরে বলিল, “আমি—আমি আর কি বলবো? আমি জানিনে তোমাকে আম—আমার কি অদেয় আছে। আমি ত আর ধারেও জানি না।”—সে রূপ করিয়া বসিয়া-পড়িয়া প্রসারিত উভয় হস্তে বিমলের পদধূলি গ্রহণ করিল। কিন্তু মাথা তুলিয়া তাহার মুখের দিকে চাহিতে পারিল না; আর কিছু বলিতেও পারিল না; যেন ‘নিমিষের তরে স্রমে বাধিল, মরমের কথা হ’ল না।’

বিমল কনকপুরে তাহার পিতা-মাতার নিকট চলিয়া গেল। গৃহে ফিরিয়া প্রথম কয়েক দিন সে তাঁহার শাস্ত দেও ও ভারক্লিষ্ট হৃদয়কে শান্তি দান করিবার চেষ্টা করিল। সে তাঁহার প্রিয় উদ্ভানে ও ভবনের নিভৃত কক্ষে বিশ্রাম করিতে লাগিল। কিন্তু সে শান্তি লাভ করিতে পারিল না; অনিশ্চিত ভবিষ্যতের চিন্তা তাহার হৃদয়ে কাঁটার মত বিদীতে লাগিল। অবশেষে এক দিন মধ্যাহ্নে অভয়াবুর বিশ্রাম কালে সে তাঁহার নিকট উপস্থিত হইল; শান্তি-দেবীও তখন তাঁহার কাছে বসিয়াছিলেন। বিমলাচরণ

পিতামাতাকে তাহার সহপাঠী প্রিয়বন্ধুর শোচনীয় মৃত্যু সম্বন্ধে সকল কথাই জানাইল। অভয়াবাবু যে সময় কলিকাতায় ছিলেন, সেই সময় অমলকে বহুবার দেখিয়াছিলেন, তাহার শাস্ত প্রকৃতি ও বিনীত ব্যবহারে তিনি আনন্দ ও তৃপ্তিলাভ করিয়াছিলেন। অমলের রোগের বিবরণ শুনিয়া তাঁহার ভাবপ্রবণ কোমল হৃদয় অমলের জননীর প্রতি সহানুভূতিতে পূর্ণ হইল; বিশেষতঃ, পুত্রশোক যে কিরূপ হৃঃসহ বেদনাদায়ক, তাহা তিনি জানিতেন। সকল বিবরণ শুনিয়া বেদনার শান্তিদেবীর চক্ষুও অশ্রুপূর্ণ হইল; একমাত্র কৃতী পুত্র বিধবা জননীকে শোকমাগরে ভাসাইয়া অকালে চলিয়া গিয়াছে, এই চিন্তায় তিনি অত্যন্ত কাতর হইলেন। ক্রমে বিমল তাঁহাদিগকে মৃত্যুশয্যাশায়ী অমলের শেষ অনুরোধের কথা জামাইল, এবং অবশেষে রমার সকল কথাই বলিল। এই সকল কথা শেষ করিয়া সে ক্ষণকাল নিস্তর থাকিয়া উচ্ছ্বাসভরে বলিল, “বাবা, মা, আপনারা আশীর্বাদ করুন, আমি যেন সত্যরক্ষা করতে পারি। আগামী ফাল্গুনমাসে রমার ম্যাট্রিকুলেশন পরীক্ষা শেষ হবে; তার পর—তার পর আমি যাতে অঙ্গীকার পালন করতে পারি, আশা করি, আপনারা তাঁর ব্যবস্থা করবেন।”

বিমলের কথায় অভয়াবাবু বিচলিত হইয়া কহিলেন, “অসম্ভব! আমাদের অকলঙ্ক কুল, বঙ্গজের ঘরে কি ক’রে তোমার বিবাহ হ’তে পারে?”

বিমল কুণ্ডিতভাবে অথচ দৃঢ়স্বরে বলিল, “বঙ্গজ হ’লেও ওঁরা উচ্চবংশীয়, বঙ্গজ সমাজে শ্রেষ্ঠ কুলীন।”

“বঙ্গজের আবার কুল! ও-সব আমি মানি না। আমাদের উচ্চ বংশের তুমি একই ছেলে; আমি আমার সমান ধরের মেয়ে আনব।”—তাঁহার মুখে দৃঢ়তা পরিস্ফুট।

বিমল বলিল, “বাবা, আমি যে মৃত্যুশয্যায় প্রতিশ্রুতি দিয়েছি। কুলের চেয়ে কি সত্য বড় নয়?”

অভয়াবাবুর ক্রোধানল প্রজ্বলিত হইল; তিনি উত্তেজিত স্বরে বলিলেন, “তোমার স্পর্ধা বড় বেশী হ’য়েছে দেখছি! আমাকে নীতি শিক্ষা দিতে এসেছ? ওরা গোড়া থেকেই এই মতলবে ছিল, তোমায় ছেলেমানুষ পেয়ে মৃত্যুকালে তোমার এই প্রতিশ্রুতি নিয়েছে। ঐ প্রতিশ্রুতি তোমার রক্ষা করতে হবে না; তা অগ্রাহ্য করলে দোষ হয় না।”

এ বিষয়ের কথা ভুলে যাও, এ বিষয়ে আমি কিছুতেই হ'তে দেব না।”

পিতার কথা শুনিতে শুনিতে বিমলেরও মুখ আরক্তিম হইল, তাহাতে আসন্ন ক্রোধের চিহ্ন দেখিয়া শান্তিদেবী প্রমাদ গণিলেন। তিনি ব্যস্ত হইয়া বলিলেন, “তুমি তো বাবা রমার ভাৱ নিতে রাজী হয়েছ মাত্র, সে জন্তে নিজেকে বিয়ে করবার কি দরকার? আমি সংপাত্র দেখে নিজের মেয়ের মত ক'রে তার বিয়ে দিয়ে দেব; তুমিও অমলের পরিবর্তে তার দাদার কাজ করতে পারবে।”

বিমল ব্যথিত স্বরে বলিল, “না মা, সে হয় না। অমল যখন রমার হাত আমার হাতে-দিয়ে এই অনুরোধ করেছে, তখন তার প্রাণের ইচ্ছা আমি ঠিকই বুঝেছি। রমা যখন সম্মত আছে, তখন আমি তাকেই বিয়ে করব।”

শান্তি ক্ষুব্ধস্বরে বলিলেন, “ছি বাবা, গুরুবাক্য অমান্য করা কি উচিত? ওঁর চেয়ে হিতৈষী তোমার আর কে আছে?”

বিমল তথাপি বলিল, “সত্যপালনের জন্ত আমি সবই করব। আর মনে মনে রমাকে যখন পত্নীত্বে বরণ করেছি, তখন তাঁকে বিয়ে আমি করবই। তোমরা এতে আর আপত্তি ক'রো না মা!”

অভয়াবাবু অধিকতর উত্তেজিত হইয়া কম্পিত স্বরে বলিলেন, “এ বিয়ে করলে তোমার সঙ্গে আমার আর কোনও সম্পর্ক থাকবে না। আমার ঘরে বঙ্গজ বধুর স্থান নেই; এই আমার শেষ কথা।”

বিমল দৃঢ়স্বরে বলিল, “বেশ, তাই হবে, কিন্তু আমার সত্য ভঙ্গ হবে না।”

এই কথা বলিয়া ক্ষোভে হুঃখে বিচলিত চিত্তে বিমলা-চরণ সেই স্থান ত্যাগ করিল। তার পর যে কয় দিন সে বাড়ী ছিল, পিতাপুত্র আর বাক্যালাপ হইল না। দুই-এক দিন পরে কর্তার মেজাজ নরম দেখিয়া শান্তিদেবী তাঁহাকে বলিলেন, “কি করছ? জিদ ও সমাজের প্রথার জন্তে কি ছেলেকে ত্যাগ করবে? কালের গতি কি রোধ করা যায়? আর সত্যই বিমল যখন রমাকে চায়, তখন তার সুখের জন্ত আমাদের কি এটুকু করা উচিত নয়?”

অভয়াবাবু গভীরভাবে বলিলেন, “ও-সব অনাচার আমি সহিব না। ছেলেরা বিষয়ের জন্তে আগে থেকে

বৌ ঠিক করবে কি? বিয়ে হ'ল না, মঙ্গলপাঠ হ'ল না; কোন নিয়ম পালন করা হ'ল না; সমাজের ব্যবস্থা অত সহজে উড়িয়ে দেওয়া যায় না। আর বেশী বকিও না, ও-সব কথা আমাদের বলা বুধা।”

কয়েক দিন পরে সংবাদ পাওয়া গেল, বিমল ডাক্তারী পরীক্ষায় উচ্চ স্থান অধিকার করিয়া উত্তীর্ণ হইয়াছে। খবর পাইয়াই সে পিতা-মাতার আশীর্বাদ লাভের আশায় তাঁহাদের প্রণাম করিতে গেল। অভয়াবাবু বলিলেন, “জগদীশ্বর তোমার মঙ্গল করুন। এইবার দেশে এসে ডাক্তার হ'য়ে ব'সে তুমি দেশের ও দেশের কল্যাণসাধনে মন দাও।”

বিমল বিনীতভাবে বলিল, “আমারও তো সেই সাধ, সেই ইচ্ছা।”

অভয়াবাবু সোৎসাহে বলিলেন, “খুব ভাল কথা; তোমার মনের মত সেবা-গৃহ করিয়ে নেও, অর্থচিন্তা তোমাকে করতে হবে না।”

অল্পকণ নীরব থাকিয়া অভয়াবাবু বলিলেন, “তোমার মা বহুদিন বড়ই একা একা আছেন; এইবার ঘরে বউ আনা দরকার। আমি সংপাত্রীর সন্ধান করেছি। তোমার বিয়ে দিয়ে এতদিনে আমি নিশ্চিত হ'তে পারব।”

বিমল বলিল, “অল্প পাত্রী খোঁজ করার কি দরকার? আমি তো রমা ছাড়া আর কাউকে বিয়ে করতে পারব না। বন্ধুর মৃত্যুকালে ধর্ম ও ঈশ্বরকে সাক্ষী ক'রে যে সত্য ক'রেছি, তা' ভঙ্গবার শক্তি আমার নেই, বাবা!”

অভয়াবাবু ক্র কুঞ্চিত করিয়া বলিলেন, “আর আমার আদেশ পালন বুঝি তোমার শক্তির অতীত?”

বিমল নরম স্বরেই বলিল, “আপনার অবাধ্য আমি নই, হ'তেও চাইনে। আপনার স্নেহ থেকে বঞ্চিত হওয়াও আমার পক্ষে সুখের হবে না, তাতে শান্তিও পাব না; কিন্তু আমার অঙ্গীকার ভঙ্গ করবার উপায় নেই।”

অভয়াবাবু এ কথায় ভীষণ উত্তেজিত হইয়া কঠোর স্বরে বলিলেন, “তবে তোমার আর এখানে থাকবার দরকার নেই। তোমার সঙ্গে আমার আর কোনও সম্পর্ক থাকতে পারে না। এখনই আমার বাড়ী থেকে তোমাকে চ'লে যেতে হবে।”

বিমল ক্ষুব্ধস্বরে বলিল, “বেশ; তবে বিদায় দিন।”

সে প্রণাম করিতে উত্তত হইলে অভয়াবাবু পা' ছ'খানা টানিয়া-লইয়া সক্রোধে বলিলেন, “ও-সব ভণ্ডামির আর দরকার নেই, এখন পথ দেখ।”—বিমল ব্যথিত চিত্তে পিতার গৃহ ত্যাগ করিয়া তখনই প্রবাস-যাত্রার জন্ত প্রস্তুত হইল। পুত্রের গৃহত্যাগকালে শান্তিদেবী অশ্রান্ত ধারায় অশ্রু বর্ষণ করিতে লাগিলেন। বিমল তাঁহাকে সহানুভূতিভরে বলিল, “কৈদো-না মা, আমি কখন তোমাদের পর হ'ব না। আমার প্রাণ চিরদিনই তোমার কাছে প'ড়ে থাকবে; আর আমাদের কাছে তুমি যদি কখনও যেতে পার, তখন দেখবে, তোমাদের প্রতি আমার মনের কোন পরিবর্তন হয়নি। পার তো আমার কাছে যেও, মা!”

বিমল কলিকাতায় রায়-গৃহে উপস্থিত হইল। সকল কথা শুনিয়া অমলের মা বলিলেন, “কাজ নেই, বাবা, তুমি বাড়ী ফিরে যাও। যে নিজের ছেলে রাখতে পারল না, সে বাপ মা'র কোল থেকে ছেলে কেড়ে নিয়ে সুখী হবে, এ ধারণা আমার নেই বাবা! না। অমলের অস্তিম অহুরোধ রোগীর প্রলাপ ব'লেই মনে কোরো; সে যদি জান্ত যে এমন হবে, সে কখনও এ ইচ্ছাকে মনে স্থান দিত না। মা আমি, তার মনের পরিচয় কি আমার অজ্ঞাত ছিল? এমন কাজ তুমি ক'রো না বিমল!”—রমাও স্তব্ধভাবে সকল কথা শুনিয়া বিমলকে প্রতিশ্রুতি হইতে মুক্তি দান করিয়া বলিল, “আমার জন্ত ভেবো না। আমার প্রধান কর্তব্য মায়ের সেবা করা। মা'কে ফেলে তো আমি কোথাও যেতে পারব না। বিয়েতে আমার কাজ নেই, তুমি বাড়ী ফিরে যাও।”

কিন্তু বিমলের সঙ্কল্প তথাপি অটুট রহিল। সে প্রথমেই চাকুরীর চেষ্টা করিতে লাগিল। সে বুলিল, উপার্জনক্ষম না হইলে বিবাহ করিয়া সংসারের ভার বহন করা তাহার অসাধ্য। যাহা হউক, ডাক্তারী ভাল করিয়া পাশ করা তাহার চাকুরী জুটিতে বিলম্ব হইল না; উত্তর-পশ্চিম প্রদেশের সরকারে সে Assistant Surgeonএর পদে নিযুক্ত হইল।

কালক্রমে এক শুভলগ্নে বিমল ও রমার শুভ পরিণয় সম্পন্ন হইল। বিবাহের অব্যবহিত পূর্বে পিতার সম্মতি লাভের জন্ত বিমল শেষ চেষ্টা করিয়াছিল; কিন্তু পিতা

তাহার পত্রের উত্তর দেওয়াও প্রয়োজন মনে করিলেন না! বিবাহের পর আবার তার করিয়া সে পিতা-মাতার আশীর্বাদ প্রার্থনা করিল; কিন্তু তাহারও কোন উত্তর সে পাইল না। বিমলের তার পাইয়া অভয়াবাবু ক্রোধে ক্ষিপ্তপ্রায় হইয়া শান্তিদেবীকে বলিলেন, “স্পর্ধা দেখ একবার, স্বৈচ্ছায় কুল-ভ্রষ্ট হ'ল, আবার আশীর্বাদ প্রার্থনা করা হ'য়েছে! এত কৃতির উপর এ কি কম অপমান?”—প্রতিবাদ নিষ্ফল জানিয়া শান্তিদেবী নির্বাকু রহিলেন।—তাঁহার প্রাণ চাহিল কলিকাতায় গিয়া নবদম্পতিকে গৃহে লইয়া আসিবেন; কিন্তু তাহা অসম্ভব। অগত্যা গোপনে একখানি পোষ্টকার্ডে নবদম্পতিকে আশীর্বাদ জানাইয়া তাহা ডাকে পাঠাইলেন; কিন্তু সেই আশীর্বাদ-পত্রে নাম স্বাক্ষর করিতেও সাহস করিলেন না। বিমলাচরণ মায়ের হস্তাক্ষর চিনিত, সেই আশীর্বাদই সে বহুমূল্য রত্নের আয় গ্রহণ করিল।

বিবাহের পরই বিমলাচরণ রমা ও তাহার মাতাকে লইয়া নূতন কর্মস্থান আগ্রায় উপস্থিত হইল। আগ্রার ডাক্তারবাবু রমাপ্রসাদ ঘোষ সেই অঞ্চলের খ্যাতনামা চিকিৎসক। তিনি অল্প বয়সেই চিকিৎসা-বাবসারে যথেষ্ট প্রতিষ্ঠা লাভ করিয়াছিলেন। বাঙ্গালা দেশ হইতে নূতন ডাক্তার আসিয়াছে শুনিয়া অবিলম্বে তিনি বিমলের সহিত সাক্ষাৎ করিলেন; এবং কয়েক দিনেই উভয়ের বন্ধুত্ব প্রগাঢ় হইল। তিনি তাহাদিগকে স্বগৃহে লইয়া গিয়া যথেষ্ট আদর-যত্ন করিলেন। ক্রমশঃ উভয়ের বন্ধুত্ব-বন্ধন একরূপ সুদৃঢ় হইল যে, বিমল জীবনে এই প্রথম ভ্রাতৃস্নেহের আনন্দ পাইল।—রমাপ্রসাদবাবু বিমলের অপেক্ষা বয়সে অনেক বড় ছিলেন।

অবশেষে বিমলকে যখন কার্যাহুরোধে স্থানান্তরে যাইতে হইল, তখন রমাপ্রসাদবাবুর গৃহই তাহার স্থায়ী বাসস্থান হইল। অবকাশ পাইলেই বিমল আগ্রায় রমা-প্রসাদবাবুর বাড়ীতে আসিত, না হয়, উভয় পরিবার এক-যোগে বায়ু পরিবর্তনের জন্ত কোন স্বাস্থ্যকর স্থানে গমন করিতেন। কখনও বা রমাপ্রসাদবাবু সপরিবারে বিমলের কর্মস্থলে গমন করিয়া কিছু দিন কাটাইয়া আসিতেন। কেবল রমাপ্রসাদবাবু যখন বাঙ্গালা দেশের স্বীয় বাস-গ্রামে যাইতেন, বিমলাচরণ তখন তাঁহার সঙ্গে যাইত না। সোণার বাঙ্গালার পল্লী-জীবনের কথা স্মরণ করিতেও তাহার

রুদ্ধ হৃৎপ, কষ্ট ও বেদনা সবেগে উদ্বেলিত হইয়া উঠিত ; প্রিয় জন্মভূমির শোকে সে কাতর হইত। সে কত বিভিন্ন দেশে ভ্রমণ করে, কত মনোহর দৃশ্য সন্দর্শন করে, কিন্তু কনকপুরের শাস্ত্র-সুন্দর পল্লীশোভা তাহার নিকট স্বর্গের সুসমা-তুল্য চিত্তাকর্ষক। কনকপুরের মায়া কাটাইবার জন্মই বিমল চরণ বঙ্গপল্লী হইতে সর্বদা দূরে থাকিত।

বিমলের জীবন পশ্চিমাঞ্চলে বেশ সুখেই কাটিতে লাগিল। কেবল রমার মাতা যখন কয়েক বৎসর পরে ইহলোক ত্যাগ করিলেন, তখন বিমল মনে বড়ই বেদনা পাইল। মাতৃবৎসল বিমল শান্তুড়ীর সেবায় মাতৃপূজার আনন্দ লাভ করিত ; এখন সে-সুখেও সে বঞ্চিত হইল। রমা নিজের শোক ভুলিয়া অপরিসীম যত্নে, সেবায় বিমলের ক্ষোভ-হৃৎ প্রশমিত করিবার চেষ্টা করিতে লাগিল। জীর প্রেমে ও পুত্র-কন্যার যত্নে বিমলাচরণ শীঘ্রই আত্মসম্বরণে সমর্থ হইল। তাহার প্রাণে সুখ ও শান্তি ফিরিয়া আসিল।

এইরূপে সুদীর্ঘ চতুর্দশ বৎসর কাটিয়া গেল। সত্যরক্ষার জন্ম প্রাণাধিক প্রিয় পুত্র রামচন্দ্রকে বনবাসে পাঠাইয়া দশরথ শোকে প্রাণত্যাগ করিয়াছিলেন, কিন্তু সমাজপতি অভয়াচরণ এমনই দৃঢ়প্রতিজ্ঞ যে, একমাত্র পুত্রকে নির্কাসিত করিয়াও তিনি অচলবৎ অটল রহিলেন। বিমলের গৃহত্যাগের পর কনকপুর হইতে সকল আনন্দ যেন অন্তর্হিত হইল। এখন আর পূজাপার্কণে কনকপুরে উৎসব নাই ; কেবল ধর্ম্মাহুষ্ঠান ও দরিদ্রনারায়ণের সেবা-তেই পূজা-পার্কণের অবসান হয়। কিন্তু শোকক্রিষ্টা শাস্ত্রি-দেবীর বিলাপ করিবার সাধনাটুকুও আর নাই! তবু তাঁহার পুরাতন ভৃত্য ভোলানাথের চেষ্টায় বিমলের সংবাদ তিনি মধ্য মধ্য পাইতেন ; তাহাতেই মনকে কোন রকমে প্রবোধ দিয়া তিনি পতিসেবার জীবনের দিনগুলি অতি-বাহিত করিতেছেন। ভোলানাথের নিকট তিনি রমার রূপ-গুণের কথা শুনিয়াছেন ; তাঁহার সাধ হইত, পুত্রবধুকে বক্ষে ধারণ করিয়া তাপিত বক্ষু শীতল করেন। কিন্তু তাঁহার সেই সাধ পূর্ণ হইবার বিন্দুমাত্র সম্ভাবনা ছিল না ; তিনি ভয় পাইতেন। তাঁহার কন্ডাই যখন বহু চেষ্টাতেও অভয়াবাবুর মন নরম করিতে পারিল না, তখন স্বামীর নিকট মনের বাসনা প্রকাশ করিতে শাস্ত্রি-দেবীর বিন্দুমাত্র সাহস হইত না।

দিনের পর দিন কাটিতে লাগিল ; হঠাৎ এক দিন কোঃ অপরিচিত নারীর লিখিত একখানি পত্র ডাকঘোঃ শাস্ত্রি-দেবীর নামে আসিল। পত্রখানি দেখিয়াই অভয়াবাঃ চমকিয়া উঠিলেন ; কোন অজ্ঞাত অমঙ্গলের আশঙ্কাঃ তাঁহার মন অত্যন্ত ব্যাকুল হইয়া উঠিল। তিনি তৎক্ষণাঃ শাস্ত্রি-দেবীর নিকট উপস্থিত হইয়া পত্রখানি তাঁহার হাঃ দিলেন, এবং বলিলেন, “শীগগির খোল তো। কে তোমাঃ মাতাঠাকুরাণী ব’লে চিঠি লিখেছে দেখ। এই পত্র দেখেই আমার মনটা হঠাৎ কেমন চঞ্চল হ’য়ে উঠেছে।”

অভয়াবাবুর উদ্বেগ-ক্রিষ্ট মুখের দিকে চাহিয়া শাস্ত্রি-দেবীও শঙ্কাকুলা হইলেন। কল্পিতহস্তে তিনি পঃ খুলিয়া সর্ব প্রথমেই লেখিকার নামের উপর দৃষ্টিপাত করিঃ লেন। তিনি কাতরভাবে স্বামীর মুখের দিকে চাহিতেই অভয়াবাবু বলিলেন, “তোমার ভয়ের কোন কারণ নেই ঐ পত্র কে লিখেছে, তা আগেই আমি অনুমান ক’রেছি। বিমল ভাল আছে তো ? কি লিখেছে দেখ ; আমার মন বড় ব্যাকুল হ’য়ে উঠেছে।” হায় পুত্রস্নেহ !

শাস্ত্রি-দেবী ঈষৎ উচ্চৈঃস্বরে পড়িতে লাগিলেন ; তাঁহার কণ্ঠস্বর আবেগে কল্পিত হইতে লাগিল,—

“শ্রীচরণকমলেষু,

মা জননী আমার,

আপনাকে মা বলিয়া ডাকিবার ও আপনার ক্রোড়ে স্থান পাইবার সৌভাগ্য ত কোন দিনও আমার হয় নাই, হয় ত এ জীবনে হইবেও না। তাই আজ অন্তিম শযায় শুইয়া মায়ের স্নেহ-শীতল কোলে স্থান পাইবার শেষ আশায় এই পত্র দিতেছি, আর পৃথিবীতে সব চেয়ে মিষ্টি ‘মা’ নাম উচ্চারণের শেষ বাসনা মিটাইবার চেষ্টা করিতেছি। মা, আপনার মৃত্যুপথসাত্রী এই হৃঃখিনী কন্ডার এই পত্র পাইয়াই পূজনীয় পিতাঠাকুর মহাশয়কে সঙ্গ লইয়া দয়া করিয়া এখানে আসিবেন, আমার অন্তিম কালের এই মিনতি।

আপনাদের পুত্র-বিচ্ছেদের কারণ আমি ; সে অপরাধ আমার স্বেচ্ছাকৃত না হইলেও মার্জনা লাভের জন্ম আমি বড়ই ব্যাকুল। পিতা-পুত্রের পুনর্মিলন দেখিয়া যাইতে না পারিলে আমি ইহলোকের মত পরলোকেও শান্তি পঃব না। আজ চৌদ্দ বৎসর আমার বিবাহ হইয়াছে ; বিবাঃ জীবনে আমি স্বর্গস্থলের অধিকারিণী হইয়াছি। আমার এ

কথা সম্পূর্ণ সত্য। স্বামীর ভালবাসা, আগ্রাণ যত্ন, এবং দুইটি স্বাস্থ্যবান পুত্র কত লাভ করিয়া পৃথিবী আমার নিকট স্বর্গে পরিণত হইয়াছে, মা! এমন সুখের, আনন্দের জীবনে বঞ্চিত হইয়া স্বর্গে যাইতেও আমার ইচ্ছা হয় না। কিন্তু জীবন আমাকে ত্যাগ করিতেই হইবে, পৃথিবীর সহিত আমার সকল সম্বন্ধ ঘুচিবার সময় নিকটবর্তী; এই আসন্ন কালে জীবনের একমাত্র ক্ষোভ দূর করিবার জন্ত আমার পাপ ব্যাকুল হইয়া উঠিয়াছে। আমি আপনাদের মিলন-কামনা করি। আমি সন্তানের জননী, তাই সন্তানের সহিত বিচ্ছেদের বেদনা কত গভীর, কিরূপ মর্মান্বভেদী, তাহা আমি বুঝিতে পারি। এই জন্তই আজ আমি জীবনে সর্বপ্রথম, স্বামীর অজ্ঞাতসারে এই একটি কার্য্য করিলাম,—এই পত্রখানি আপনাকে লিখিলাম।

“আমার পুত্র সন্তোষের বয়স এখন দশ বৎসর; আর কত্যা শেফালী মাত্র পাঁচ বৎসরের। আমার অবর্তমানে মাতৃহারা শিশু-দুইটির মুখের দিকে চাহিবার আর কে আছে, মা? তাহাদিগকে আপনাদের হাতেই সমর্পণ করিয়া যাইতে চাই। সদয়হৃদয় পিতৃদেব ত বহু অনাথের আশ্রয়; তিনি কি এই মাতৃহারা শিশু দুটিকে আশ্রয় দিবেন না? ইহারা কি আপনাদের স্নেহপূর্ণ ক্রোড়ে স্থান পাইবে মা? তিনি কি তাঁহার মৃত্যু-শয্যাশায়িনী কত্যা এই অস্তিম প্রার্থনার বিমুখ হইতে পারিবেন? আমার আশা হইতেছে, সকল কথা শুনিয়া তাঁহার হৃদয় নিশ্চয়ই কোমল হইবে; তিনি তাঁহার পূর্ব-সঙ্কল্প ত্যাগ করিয়া মাতৃহারা পৌত্র-পৌত্রীকে একটু স্নেহ করিবেন।

“আমার মৃত্যুর পূর্বে যদি আপনাদের সহিত আপনাদের পুত্রের পুনর্মিলন না হয় তো বোধ হয়

ইহজীবনে আর তাহা হইবে না। আমার স্বামী কিরূপ অভিমানী, কিরূপ দৃঢ়প্রতিজ্ঞ, তাহা আপনারা ভালই জানেন। পিতার চরিত্রের দৃঢ়তা, সঙ্কল্পের অটলতা তাঁহার চরিত্রেও বর্তমান। আমার মৃত্যুতে শোকে তিনি বড়ই অধীর হইবেন; তখন আর যে তিনি আপনাদের নিকট প্রত্যাগমন করিবেন, আপনাদের আশ্রয় প্রার্থনা করিবেন, এ আশা আমি মুহূর্তের জন্তও করিতে পারিতেছি না; তাই মৃত্যুশয্যায় আমার মনে একবিন্দুও শাস্তি নাই।

“মা, আসিবার সময় এই পত্রখানি আপনি সঙ্গে আনিবেন ও আমার স্বামীকে ইহা দিবেন। তাহা হইলে আমি তাঁহার অজ্ঞাতসারে এই পত্র-লেখার পাপ হইতে মুক্তি পাইব বলিয়াই আমার বিশ্বাস। আমি আপনাদের পথ চাহিয়াই নিঃশেষিত-প্রায় জীবনের বাকী দিন-কয়টি গণিতেছি, মা! ইহাই আমার শেষ নিবেদন। আপনারা উভয়ে আমার সত্যক্টি প্রণাম গ্রহণ করুন।

আপনাদের স্নেহাকাজিনী

ভিখারিনী পুত্রবধু রমা।”

রমার জীবনের অস্তিম সময়ে লিখিত কাতরোক্তিপূর্ণ, এই মর্মান্বর্ণী পত্রখানির প্রতি ছত্র গুণিতে গুণিতে দৃঢ়প্রতিজ্ঞ, কঠোরহৃদয় অভয়াবাবুর চক্ষুও অশ্রুসিক্ত হইল। তিনি আবেগ-ভরে বলিলেন, “মেয়েটা কি মায়াবিনী! আমি আজই সেখানে রওনা হব; তুমি যেতে চাও তো শীঘ্র জোগাড়-যত্ন শেষ ক’রে প্রস্তুত হও।”

শান্তিদেবী পুত্র, পুত্রবধু ও তাহাদের পুত্রকত্যা কল্যাণ-কামনায় কুলদেবতাদের স্মরণ করিলেন, এবং তাঁহাদের চরণে রমার আয়ুর্জ্বির প্রার্থনা করিয়া তাড়াতাড়ি যাত্রার আয়োজন করিলেন।

[ক্রমশঃ।

শ্রীনীলিমা দেবী।

## অরসিকেশু

অপরের মনে ব্যথা দেছি বটে,—হয় তো পেয়েছি দুখ;  
অপরেও দেছে আঘাত অনেক,—হয় তো ভেঙ্গেছে বুক।  
সত্য কথাই মিথ্যা বলিয়া হয় তো দিয়াছি ছেড়ে,  
অপরের প্রাস নিরেছি হয় তো নিজের বলিয়া কেড়ে।


কিন্তু তাতেও আত্মা তেমন যায়-নি মরমে মরে,—  
যতো মরিয়াছে অরসিক-জনে মস নিবেদন করে’!

প্রাত্যহিকের ঘৃণ্য সে গ্লানি বয়েছি হয় তো কাঁধে,  
পরেরে শাসন করেছি হয় তো অন্ন অপরাধে।  
লোভেতে পড়িয়া মান খোয়াইয়া হয় তো বা কোনো মতে—  
বেত্রাহত কুকুরের মতো ঘুরিয়াছি পথে পথে।

শ্রীমধুবন্দন চট্টোপাধ্যায়।



## বিমান আক্রমণ ও তাহার প্রতিকার



আধুনিক যুগে বৈজ্ঞানিক যুদ্ধের প্রধান অস্ত্র বোমা-নিষ্ক্ষেপক ধ্বংসকুশল বিমান। আকাশিক আতঙ্কের সৃষ্টি করিয়া দৈনন্দিন জীবনের পথ কটকাকীর্ণ করা, হতাহতের সংখ্যা বৃদ্ধি করা, গৃহ-হুম্বাদি নষ্ট করা, বিভিন্ন প্রতিষ্ঠানের সংযোগসূত্রগুলি ছিন্ন করা, এবং কলকারখানার ক্ষতি করা, সেতু, রেলপথ ধ্বংস করা প্রভৃতি ভীষণ কার্যে ইহার উপযোগিতা। এইরূপ ধ্বংসনীলা হইতে রক্ষা পাইতে হইলে, ব্যাপক সংগঠন-প্রণালী দ্বারা আত্মনির্ভরতা, নিয়মানুবর্তিতা, কর্তব্যপরায়ণতা, আদেশানুগততা প্রভৃতি সদৃশ সমূহের পূর্ব হইতে অনুশীলন-সাহায্যে আপনাদিগকে সূনিয়ন্ত্রিত করা একান্ত আবশ্যিক। পরিজ্ঞানের প্রধান সহায় উপযুক্ত আশ্রয়, গ্যাস-মুখোস, ফায়ার-ব্রীগেড, এবং চিকিৎসা সম্বন্ধীয় সর্বপ্রকার সুব্যবস্থা।

যুদ্ধের সময় জনসাধারণকে রক্ষা করিবার নিমিত্ত সামরিক ও বেসামরিক উভয় শ্রেণীর লোকেরই কর্তব্য আছে। বেতনভোগী সামরিক বিভাগ আইনতঃ যেমন তাহার কর্তব্য পালনে বাধ্য, তেমনি বেসামরিক যোগ্য ব্যক্তিগণ স্বদেশবাসীদিগকে রক্ষা করিবার জন্ত কর্তব্যসম্পাদনে ধর্মতঃ বাধ্য। বিশেষতঃ, যদি উপযুক্ত-রূপে শিক্ষিত নাগরিকগণ স্বেচ্ছাসেবক দলভুক্ত হইয়া সামরিক বিভাগকে যথাক্রমে সাহায্য না করে, তাহা হইলে কার্যে সফল লাভ করা সম্ভব নহে। এজন্য পরস্পরের সহযোগিতার বিশেষ প্রয়োজন।

বিমান-আক্রমণ প্রতিরোধের ভার সামরিক বিভাগের উপর জ্ঞাত আছে। কিন্তু উহাদের যথাসাধ্য চেষ্টা সত্ত্বেও যদি শত্রুপক্ষের বিমানবাহিনী নাগরিকগণকে বিধ্বস্ত করিবার চেষ্টা করে, তাহা হইলে বেসামরিকগণ কর্তৃক কার্যোপযোগী দল গঠন করা ব্যতীত প্রতিকারের উপায় নাই। এইরূপ দল গঠন করিতে বিপদের সূচনার বহু পূর্ব হইতে রীতিমত শিক্ষা লাভ করা প্রয়োজন।

ছোট, মাঝারি ও বৃহৎ তিন প্রকার বোমা নিষ্ক্ষেপকারী বিমানের মধ্যে শেষোক্ত প্রকার অতি ভীষণ। উহা ৪০০০ পাউণ্ড (প্রায় ৫০ মণ) ভারসহ ঘণ্টায় ৩০০ মাইল উড়িতে পারে। বিপক্ষবাহিনীর হস্ত হইতে আত্মরক্ষা করিবার নিমিত্ত আক্রমণকালে দিবাভাগে সাধারণতঃ উহারা ইংরাজী 'ভী' (V) অক্ষরের আকারে ২০০ গজ ব্যবধানে ৩ হইতে ৫০টি এক সঙ্গে থাকিয়া প্রায় ২০০০ ফিট উর্দ্ধ হইতে বোমা নিষ্ক্ষেপ করে। কিন্তু রাত্রিকালে সব সময় এই সকল নিয়ম পালন করিবার আবশ্যিক হয় না। দেখা গিয়াছে, ৩০০০ হইতে ৫০০০ পর্যন্ত জনপূর্ণ এক বর্গমাইলে এক টন বোমা পড়িলে রাত্রিকালে ১০০০ এবং দিনে ২৫০০ লোক হতাহত হয়; এবং হত ও আহতের সংখ্যা প্রায় সমান।

বিমান হইতে নিম্নলিখিত কয়েক প্রকার বোমা নিক্ষেপ হয়:—

(ক) সজোরে ও ভীষণ শব্দে ফোটনশীল একটি বোমা

(High Explosive Bomb) ৫০০ পাউণ্ডেরও (ছয় মণের) অধিক ভারী। উহা তিন প্রকারে ক্ষতি করে—

(১) পুরু আবরণ অসংখ্য খণ্ডে বিভক্ত হইয়া নিকটবর্তী ব্যক্তিদের ও গৃহগুলি ধ্বংস করে।

(২) বারুদ স্কুটনের কঠিন ধাতা দরজা জানালা ভাঙ্গিয়া কক্ষের গ্যাস-প্রতিরোধক শক্তি নষ্ট করে।

(৩) ছাদ বিদীর্ণ করিয়া নীচে নামিয়া সমস্ত বাড়ী ভাঙ্গিয়া উড়াইয়া দেয়।

(খ) আগুনে বোমার (Incendiary Bomb) ওজন ২ পাউণ্ড হইতে ৬০ পাউণ্ড পর্যন্ত হইলেও ছোটগুলিই বেশী ব্যবহৃত হয়, কারণ, তাহাতে অল্প ব্যয়ে অধিক সংখ্যক গৃহে অগ্নি-সংযোগ করা যায়। উহা পুরু ছাদ ভেদ করিতে পারে না, কিন্তু ছাদ পাতলা হইলে ভিতরে প্রবেশ করিয়া নিজে জ্বলিতে থাকিবে এবং অপরকেও জ্বলাইয়া দিবে। এইরূপ বোমা জল অথবা অগ্নি-নির্কোপক যন্ত্রের (fire extinguisher) সাহায্যে সহজে নির্কোপিত হয় না।

(গ) বিসাক্ত ও প্রদাহজনক গ্যাসপূর্ণ বোমা (Gas Bomb) নিক্ষেপ হইবার পরে কোন শত্রু পদার্থের সংঘর্ষে ভাঙ হইলে তাহা হইতে তরল অথবা বাষ্পীয় গ্যাস বাহির হইয়া চতুর্দিকে বিকীর্ণ হয় এবং বিপদের উৎসরূপে অবস্থান করে। এইরূপ একটি বোমার ওজন ৫০ পাউণ্ড এবং উহার মধ্যে ৭ পাউণ্ড তরল পদার্থ থাকে। ইহা ব্যতীত তরল গ্যাস উপর উল্লসিত জলকণার আকারে নিম্নে বিক্ষিপ্ত হয়। কিন্তু ২০০০ ফিটের অধিক উর্দ্ধ হইতে এইভাবে গ্যাস বিক্ষিপ্ত হইলে বিশেষ কার্যকরী হয় না। উহার নীচে নামিয়া আসাও বিমানের পক্ষে নিরাপদ নয়। সুতরাং এই ভাবে গ্যাসের প্রয়োগ নিতান্ত বিরল।

(ঘ) অনেক সময় শত্রুপক্ষকে সর্বপ্রকারে বিপদগ্রস্ত করিয়া চরম সীমায় লইয়া বাইবার নিমিত্ত এক সঙ্গে উক্ত তিন প্রকার বোমাই নিষ্ক্ষেপ করা হয়। সাধারণতঃ এই অবস্থায় আক্রান্ত পক্ষ কিংকর্তব্যবিমূঢ় হইয়া শত্রুহস্তে আত্মসমর্পণ করিতে বাধ্য হয়।

বোমার একটি খণ্ড কেবল এক জন লোকেরই ক্ষতি করিতে পারে। তাহার পার্শ্বস্থিত অস্ত্র ব্যক্তির কোন বিপদ হয় না। সুতরাং কোন জনতার মধ্যে বোমা বিস্ফুরিত হইলে হতাহতের সংখ্যা পূর্ব বেশী হয় না। তন্মিন্ন, নিকটবর্তী লোকগুলি তৎক্ষণাতঃ মাটিতে শুইয়া পড়িলে তাহাদের বাঁচিবার সম্ভাবনা থাকে, কারণ বোমা ফাটিবার পর কিছু উপরে উঠিয়া তাহার পর একটু দূরে ছিটকাইয়া পড়ে। কিন্তু কোন স্থানে গ্যাস প্রয়োগ কালে তাহা বায়ুর সহিত মিশিয়া যায়, এবং তৎক্ষণাতঃ সমস্ত লোকই নিঃশ্বাসের সহিত সেই দূষিত বায়ু গ্রহণ করিয়া পীড়িত হইয়া পড়ে।

সুতরাং হতাহতের সংখ্যা অত্যধিকরূপে বৃদ্ধি পায়। এই সুবিধার জন্য নানা প্রকার কঠিন, তরল এবং বাষ্পীয় গ্যাস এখন যুদ্ধের প্রধান উপকরণরূপে ব্যবহৃত হইতেছে। উহা ব্যবহার করিবার উদ্দেশ্য; যথা,—

(১) বিসাক্ত ও প্রদাহজনক গ্যাসের দ্বারা প্রত্যক্ষভাবে আহত ও হত্যা করা।

(২) রাস্তা, ছাদ প্রভৃতি উন্মুক্ত স্থানসমূহ দূষিত করিয়া পরোক্ষভাবে আহত ও হত্যা করা।

(৩) পানীয় জল, খাদ্য ও পরিচ্ছদ দূষিত করিয়া ব্যবহারের অযোগ্য করা।

(৪) হুশিচস্তা, ভয় ও অশান্তির সৃষ্টি করিয়া শক্তি হ্রাস করা।

গ্যাসের ভীষণ প্রতিক্রিয়া হইতে আপনাদিগকে রক্ষা করিবার জন্য সম্পূর্ণ পরামর্শাপেক্ষী না হইয়া নাগরিকগণ নিজেরা যথাসাধ্য ব্যবস্থা করিতে পারে; তজ্জন্য বিমান-আক্রমণে পূর্বসাবধানতা (Air Raid Precautions) সম্বন্ধে তাহাদিগকে কিছু শিক্ষা দেওয়া প্রয়োজন। এইরূপ লোকশিক্ষার উদ্দেশ্য—

(১) গ্যাসগুলি সম্বন্ধে সাধারণ জ্ঞান লাভ করা।

(২) গ্যাস-মুখোস (Respirator) কখন কিসেভাবে ব্যবহার করিতে হয় তাহা অভ্যাস করা।

(৩) গ্যাস-প্রতিরোধক্ষম কক্ষে প্রবেশ করিয়া তাহার উপকারিতায় নিভরক্ষম হওয়া।

(৪) গ্যাস-প্রতিরোধক উপায়গুলির যথাযথ প্রয়োগ বিষয়ে কাঙ্ক্ষিত শিক্ষা লাভ করা।

(৫) বিমান আক্রমণের সময় এবং উহার পূর্বে ও পরে কি করা কর্তব্য, তাহা শিক্ষা করা।

গ্যাসের সংস্পর্শ পরিহারের নিমিত্ত প্রত্যেক গৃহস্থের নিম্নলিখিত নিয়মানুসারে একটি অথবা দুইটি নিরাপদ কক্ষ (Refuge Room) সর্বদা প্রস্তুত রাখা কর্তব্য।

(১) একতলায় বায়ুরোধক (Air-tight) কক্ষই ভাল।

(২) কক্ষের মধ্যে যেন সহজে যাতায়াত করিতে পারা যায়। উহার দুইটি দরজা থাকা আবশ্যিক; কারণ, ঘরের উপরের অংশ ভাঙিয়া পড়ায় একটি দ্বার বন্ধ হইলে দ্বিতীয়টি কাজে লাগে।

(৩) কক্ষের জানালা অল্প এবং আকারে ছোট হইবে। জানালার বাহিরে খোলা স্থান থাকিবে না; শক্ত জমি থাকিলে বোমা ফাটিয়া উহার ঋণ ছিটকাইয়া পড়িয়া ক্ষতি করিবে। নরম জমি থাকিলে সে ভয় নাই। বাহিরে জানালার উপর একটি কঠিন আবরণ থাকিবে। সার্শির কাছে আঠা দিয়া দুই ধারে কাগজ আঁটিয়া বাহিরে কাপেট কিম্বা কঞ্চল ঝুলাইয়া দিতে হইবে।

(৪) ছাদে এবং কক্ষের চতুর্দিকে বালিপূর্ণ বস্তা সাজাইয়া রাখিলে বোমার শক্তি হ্রাস হইবে।

(৫) যে দিক হইতে বাতাস প্রবাহিত হয়, সেই দিকের কক্ষ অস্বাভাবিক। কারণ, বাতাসের চাপে ছোট ছোট ছিদ্রের মধ্য দিয়া গ্যাস ভিতরে প্রবেশ করিতে পারে। গরম জলের সাহায্যে ঋণের কাগজের মত তৈয়ারী করিয়া ছিদ্রগুলি বন্ধ করিতে হইবে, অথবা আঠা দিয়া কাগজ আঁটিয়া দিতে হইবে।

(৬) কক্ষের দ্বার গ্যাসরোধক্ষম হইবে।

(৭) সমগ্র বাড়ীতে বাহাতে অধিক গ্যাস প্রবেশ করিতে না পারে, তাহার ব্যবস্থা করিয়া রাখিতে হইবে।

মনে রাখিতে হইবে যে, এরূপ কক্ষ কক্ষে বেশী লোককে দীর্ঘকাল আবদ্ধ রাখা চলে না। কোন কক্ষে ৫০ জনের অধিক লোকের আশ্রয় লওয়া উচিত নহে। ক্ষুদ্র কক্ষে ক্রমবর্ধিত উত্তাপ এবং আর্দ্রতার জন্য অধিক লোকের বেশীক্ষণ থাকা চলে না। সুতরাং লোকের সংখ্যানুযায়ী কক্ষ বড় হওয়া আবশ্যিক।

### গ্যাসরোধক্ষম দরজা (Air lock)

গ্যাসরোধক্ষম কক্ষের দ্বার খুলিয়া প্রত্যেকবার সেখানে প্রবেশের সঙ্গে সঙ্গে বাহিরে সঞ্চিত গ্যাসের কিয়দংশ সেই কক্ষে প্রবেশ করে; উহা প্রতিরোধের জন্য গ্যাসরোধক্ষম দরজা তৈয়ারী করিতে হয়। কামরার দুই বিপরীত দিকে এইরূপ দুইটি দরজা করা উচিত। কিন্তু দুইটি দরজা একই সময়ে খোলা উচিত নয়। দরজা দুইটির ব্যবধানে কামরাটি বন্ধ হইবে, বাহিরের গ্যাস ভিতরে প্রবেশ করিয়া তথাকার বায়ু দূষিত করিতে তত অধিক সময় লাগিবে। ন্যূনপক্ষে উহা ৪ ফুট হওয়া আবশ্যিক; কিন্তু সেখানে অধিক ব্যক্তির যাতায়াতের প্রয়োজন হইলে উহা ১০ ফুট হওয়া চাই। স্ট্রেচারের সাহায্যে আহত ব্যক্তিকে প্রবেশ করাইতে হইলে উহা ১৪ ফুট হওয়া প্রয়োজন।

এইরূপ দরজা অয়েল-স্কিন (Oil skin), কঞ্চল কিম্বা ক্যান্বিস দ্বারা তৈয়ারী করিয়া কাঠের কাঠামোতে (Frame) আঁটিয়া স্থির রাখিবার জন্য প্রায় ২০ ডিগ্রী হেলাইয়া দিতে হইবে। পরদাটি সর্বদা সমানভাবে বিস্তৃত রাখিবার জন্য আড়াআড়ি ভাবে এক ফুট অন্তর একটি করিয়া সর্ব লম্বা কাঠ আঁটিতে হইবে। ভিতরের কাঠগুলি অপেক্ষাকৃত ছোট হইবে, নতুবা কাঠামোর সহিত ফিট করিবে না। প্রয়োজন না হইলে পরদাটি গুটাইয়া রাখা ভাল। মধ্যে মধ্যে ব্লিচিং পাউডার-মিশ্রিত জল অথবা কেবলমাত্র জল দ্বারা পরদাটি ভিজাইয়া রাখিতে হইবে।

### বিমান আক্রমণ-সঙ্কেত (Air Raid warnings)—

যুদ্ধের সময় বিমান আক্রমণের কোন সম্ভাবনা থাকিলে তথ্যাবিস্কারকগণ (Intelligence Service) কর্তৃপক্ষকে পূর্বেই তাহা জানাইয়া থাকে। তখন পর্যবেক্ষকগণ (Observer Corps) কখন কোথায় আক্রমণ হইতে পারে নিপুণভাবে তাহা লক্ষ্য করিতে থাকে, এবং আক্রমণকারী নিকটে আসিলে কর্তৃপক্ষকে তাহা জানাইয়া দেয়। তৎপরে যথাসময়ে বিপদসূচক সঙ্কেত জ্ঞাপনের জন্য কর্তৃপক্ষই দায়ী।

#### (ক) প্রাথমিক সতর্কতা (Preliminary Caution)—

বিভিন্ন এ আর পি কেন্দ্র (A. R. P.), পুলিশ, ফায়ার-ব্রীগেড, ইলেকট্রিক, টেলিগ্রাফ, টেলিফোন, জল-সরবরাহ-কেন্দ্র, বড় বড় কল-কারখানা, পোতাশ্রয় প্রভৃতি যোগ্যে যথাসময়ে প্রস্তুত হইতে পারে, তজ্জন্য বিমান আক্রমণের কিছু পূর্বে তাহাদিগকে সংবাদ দেওয়া হয়।

(খ) আক্রমণ সঙ্কেত (Action Warning)—প্রকৃত আক্রমণ আরম্ভ হইলে কর্তৃপক্ষের নিকট হইতে বিপদসূচক সঙ্কেত পাইবামাত্র পূর্ব-ব্যবস্থা অনুসারে চতুর্দিক হইতে সঙ্কেত-ধনি

কার্যকরী হাসপাতাল অথবা অল্প কোন স্থান হইতে এখানে আনীত হয়. এবং যত দিন না উত্তমরূপে স্বেচ্ছ হইয়া বাড়ী বাইতে পারে, তত দিন এই স্থানে থাকে।

### প্রতিষেধক কক্ষ ( Anti-gas Cleansing Room )

প্রাথমিক সাহায্য-কেন্দ্র, সাময়িক কার্যকরী হাসপাতাল, প্রধান হাসপাতাল প্রভৃতি স্থানে প্রতিষেধক কক্ষের বিশেষ প্রয়োজন। যদি কেহ গ্যাসের সংস্পর্শে আসে, তখন প্রতিষেধক-কক্ষে বাইয়া নিজেকে পরিষ্কার করিয়া লওয়া কর্তব্য। বিলম্বে ক্ষতির পরিমাণ বৃদ্ধি পায়। গ্যাসমুক্ত করিবার নিমিত্ত এই স্থানে অথবা প্রাথমিক সাহায্য-কেন্দ্রে কোন রোগীকে ২০ মিনিটের অধিক সময় রাখা উচিত নয়। গ্যাসমুক্ত হইবার পরে বাহ্যতে সকলে পরিষ্কার পোষাক পরিতে পায়, তাহার ব্যবস্থা থাকিবে।

( ১ ) যদি চক্ষুতে গ্যাস লাগে, তাহা হইলে এক পাইট গরম জলে ১০ গ্রেণ সোডিয়াম বাইকার্বনেট মিশ্রিত করিয়া অথবা উহার অভাবে এক পাইট গরম জলে এক চামচ লবণ মিশ্রিত করিয়া, তাহা দ্বারা চক্ষু উত্তমরূপে ধৌত করিতে হইবে।

( ২ ) শরীরের কোন স্থানে তরল গ্যাস লাগিলে, এক ভাগ ভেসিলিন ও দুই ভাগ ব্লিচিং পাউডার একত্র মিশ্রিত করিয়া সেই স্থানে দুই মিনিট মাখাইয়া রাখিয়া পরে ভালরূপে মুছিয়া ফেলিতে হইবে।

( ৩ ) তৎপরে সাবান ও জলের সাহায্যে চারি মিনিট ধরিয়া শরীর উত্তমরূপে পরিষ্কার করিতে হইবে।

( ৪ ) পরিশোধে শুষ্ক পোষাক পরিধান করিবে।

### শোধন কার্যাবলী ( Decontamination Service )

( ১ ) শোধনকারী দল ( Decontamination Squad ) বিমান আক্রমণের পরে, যে সকল স্থানে বিপদের উৎসরূপে গ্যাস বর্তমান থাকে, সেই সকল স্থান পরিষ্কার করিয়া দেয়। উন্মুক্ত স্থান, নিম্নভূমি, রাস্তা, বাড়ীর বহির্দেশ প্রভৃতি পরিষ্কার করিবার প্রয়োজন হয়। কোন দূষিত স্থানকে গ্যাসমুক্ত করা অস্ববিধাজনক হইলে সাধারণকে সাবধান করিবার নিমিত্ত তথায় বিপদসূচক কাঠফলক অথবা অল্প কোন চিহ্ন রাখা আবশ্যিক।

( ২ ) শোধন-কেন্দ্রে ( Decontamination Centre ) নানা স্থান হইতে দূষিত পোষাকাদি আনয়ন করিয়া শোধন করা হয়। প্রাথমিক সাহায্য-কেন্দ্র, প্রতিষেধক-কক্ষ, হাসপাতাল প্রভৃতি স্থান হইতে রোগী ও আহত ব্যক্তির গ্যাসমুক্ত পোষাক এখানে প্রেরিত হয়। কোন গৃহস্থের বাড়ীতে অথবা অল্প কোন স্থানে পোষাকাদি শোধন করিবার বন্দোবস্ত থাকে না বলিয়া নাগরিকগণের সমস্ত পোষাক সংগৃহীত হইবার পরে এই স্থানে পাঠাইয়া দেওয়া হয়। এই সকল দ্রব্যের নিতুল তালিকা রাখিবার জন্ত ও প্রত্যেক পোষাকে টিকিট লাগাইবার জন্ত কেবলীয় আবশ্যিক। সকল দ্রব্য বাগাতে প্রকৃত মালিকের নিকট প্রেরিত হয়, তাহার ব্যবস্থা করিতে হইবে। এইরূপ কেন্দ্র সহর হইতে দূরে লোকালয়স্থ স্থানে হওয়া প্রয়োজন; নতুবা গ্যাস উড়িয়া নিকটবর্তী ব্যক্তিগণকে বিপন্ন করিতে পারে।

### পোষাকাদি শোধন করিবার প্রণালী

( ক ) সাধারণ পোষাক—

( অ ) বাষ্পীয় গ্যাস দ্বারা দূষিত হইলে—

( ১ ) পশমের পোষাক অন্ততঃ ২৪ ঘণ্টা উন্মুক্ত বায়ু রোদে প্রসারিত করিয়া রাখিতে হইবে। ইহাতে শোধিত হইলে, তরল গ্যাস দ্বারা দূষিত হইলে যেরূপ করা হয়, সেইরূপ করিতে হইবে। ( ২ ) সূতার সাধারণ পোষাক সাবান-জল দ্বারা অন্ততঃ ১৫ মিনিট কাল পরিষ্কার করিতে হইবে।

( আ ) তরল গ্যাস দ্বারা দূষিত হইলে—

( ১ ) পশমের পোষাক বিশেষ যত্নে বাষ্পের সাহায্যে শোধিত করা হয়। ( ২ ) সূতার সাধারণ পোষাক অন্ততঃ এক ঘণ্টা সোডা-মিশ্রিত গরম জলে সিদ্ধ করিতে হয়।

( খ ) জুতা—

( ১ ) রবারের জুতা দূষিত হইলে অবিলম্বে শক্ত বুরুশে সাহায্যে ব্লিচিং পাউডার দ্বারা ভালরূপে পরিষ্কার করিতে হইবে তার পরে দুই ঘণ্টা গরম জলে সিদ্ধ করিয়া শুষ্ক করিতে হইবে। ( ২ ) চামড়ার জুতা আদৌ দূষিত হইতে দেওয়া উচিত নয়, কারণ উহা সিদ্ধ করিলে অব্যবহার্য হইয়া যায়। অল্প প্রকারে শোধিত করাও ত্বরূপে ব্যাপার। যদি এমন অবস্থা হয় যে, চামড়ার ব্যবহার করা ভিন্ন উপায় নাই, তখন দুই ভাগ ব্লিচিং পাউডার এক ভাগ ভেসিলিনের সহিত মিশ্রিত করিয়া, প্রত্যেকের জুতা ব্যবহারের পূর্বে উহা উত্তমরূপে লাগাইতে হইবে, এবং সাবধানে ব্যবহার করিবার পরে মুছিয়া ফেলিতে হইবে।

( গ ) গ্যাস-মুখোস—

( ১ ) বাষ্পীয় গ্যাস দ্বারা দূষিত হইলে উহা রৌদ্রপূর্ণ উন্মুক্ত বায়ুতে ২৪ ঘণ্টা প্রসারিত করিয়া রাখিয়া দিলে গ্যাসমুক্ত হইবে। ( ২ ) তরল গ্যাস দ্বারা দূষিত হইলে বিভিন্ন অংশকে পৃথক করিয়া রবারের অংশগুলিকে তিন ঘণ্টা গরম জলে সিদ্ধ করিতে হইবে। অল্প অংশগুলিকে দুই ভাগ ব্লিচিং পাউডার ও এক ভাগ ভেসিলিনে মিশ্রিত করিয়া ১০ মিনিট তাহা মাখাইয়া রাখিয়া পরে উত্তমরূপে মুছিয়া ফেলিতে হইবে।

### ( ঘ ) ষ্ট্রেচার ( Stretcher )

বাষ্পীয় গ্যাস দ্বারা দূষিত হইলে রৌদ্রপূর্ণ মুক্ত বায়ুতে অধিকক্ষণ রাখিলে শোধিত হইবে। অয়েলস্কিন (Oilskin) দ্বারা সমস্ত ষ্ট্রেচারখানি এবং রবার দ্বারা হাতল চারিটি আবৃত করিয়া রাখিলে শোধন করা অস্ববিধাজনক, নতুবা তরল গ্যাস দ্বারা দূষিত হইলে কাপিস খুলিয়া অন্ততঃ এক ঘণ্টা গরম জলে সিদ্ধ করিতে হইবে, এবং লম্বা কাঠ দু'খানি ব্লিচিং পাউডার জলে মিশ্রিত করিয়া ভালরূপে মার্জনা করিতে হইবে।

### আহতবাহী গাড়ী ( Ambulance Service )

কোন রোগীকে এক স্থান হইতে অল্পত্র লইয়া যাঁতে হইবে এইরূপ গাড়ী ভিন্ন উপায় নাই। রাস্তা হইতে কিম্বা সাহায্য-কেন্দ্র হইতে অথবা এক হাসপাতাল হইতে অল্প হাসপাতাল রোগীকে লইয়া বাইবার সময় এইরূপ গাড়ীর বিশেষ প্রয়োজন।



অধিক সংখ্যক রোগীকে বহন করিবার নিমিত্ত মোটর-বাস্ অথবা লট্টাকে সাময়িকভাবে কার্যকরী করিয়া লইবার প্রয়োজন হইয়া থাকে।

### অগ্নি-নির্বাপক সম্প্রদায় ( Fire Fighting Unit )

বিমান আক্রমণের সময় অগ্নিকাণ্ডের প্রাদুর্ভাব দৃষ্ট হয়। বিশেষতঃ, যখন প্রজ্বলনশীল বোমা ব্যবহৃত হয়, তখন অত্যধিক সংখ্যক বাতীতে একই সময়ে অগ্নি-সংযোগ হইয়া থাকে। এই অগ্নি অন্ন সময়ের মধ্যে নির্বাপিত করিবার জন্ত ফায়ার-ব্রীগেডের বিশেষ প্রয়োজন। কোন স্থানের অগ্নি নির্বাপিত হইবার পূর্বে বাহাতে তাগ বিস্তার লাভ করিয়া ক্ষতির পরিমাণ বৃদ্ধি করিতে না পারে, তাহার চেষ্টা করা প্রথম কর্তব্য।

### গ্যাস-নিরূপণকারী দল ( Gas Detection Service )

আত্মাণ, দর্শন, প্রদাহজনক প্রভাব এবং রাসায়নিক পরীক্ষা দ্বারা গ্যাস নিরূপণ করা হয়। ইহাদের মধ্যে আত্মাণ ও রাসায়নিক পরীক্ষা অপেক্ষাকৃত বিশ্বাসযোগ্য। অপর দুইটি দ্বারা নিতুলভাবে নিরূপণ করা সব সময় সম্ভব হয় না।

বিমান-আক্রমণের পরে কোথায় কোন্ গ্যাস কিরূপভাবে কতখানি অবস্থান করিতেছে, তাহা স্থির করিবার জন্ত গ্যাস-নিরূপণ-কারী দল অনুসন্ধান করিয়া প্রধান এ-আর-পি কেন্দ্রে সংবাদ প্রেরণ করিলে তাহারা শোধনকারী দলের সাহায্যে তাহা নষ্ট করিবার বন্দোবস্ত করিবে। ঠিকমত সংবাদ পাইলে তাহাদের কার্যের অনেক সুবিধা হয়; নতুবা বিলম্ব হইতে পারে, এবং বিলম্ব হইলে অধিক বিপদের সম্ভাবনা।

### রক্ষাকারী পোষাক ( Protective Clothing )

বিমান আক্রমণের সময় প্রাথমিক সাহায্যকারী দল, উদ্ধারকারী দল, স্বেচ্ছাসেবক প্রভৃতি বাহাদিগকে কর্তব্য সম্পাদনের নিমিত্ত বাধ্য হইয়া বাহিরে থাকিতে হয়, তাহাদের জন্ত এমন পোষাক আবশ্যক যাহা ভেদ করিয়া প্রদাহজনক গ্যাস শরীরের উপর কোন প্রভাব বিস্তার করিতে না পারে। রণপোতে ব্যবহৃত অয়েলস্কিন ( Oilskin ) কাপড় সর্বাপেক্ষা উপযোগী। ঠাণ্ডা অপেক্ষা গরম আবহাওয়াতে গ্যাস সকল দ্রবের মধ্যে দ্বিগুণ গতিতে প্রবেশ করে। সুতরাং অয়েলস্কিন অতিশয় পাতলা হওয়া উচিত নয়। তবে অল্পমাত্র দূষিত স্থানে পোষাক অপেক্ষাকৃত পাতলা কাপড়ের করিয়া কিছু পরিবর্তন করা চলিতে পারে। অয়েলস্কিনকে যতবার সিদ্ধ করিয়া শোধিত করা হয়, ততই তাহার রক্ষা করিবার ক্ষমতা কমিয়া যায়, এবং ছয়বার সিদ্ধ করিবার পরে তাহা নষ্ট হইয়া যায়।

ভাল অয়েলস্কিনকে সর্বাপেক্ষা বিপজ্জনক গ্যাস চারি ঘণ্টাতে বিদ্ধ করিতে পারে না, কিন্তু পাতলা কাপড় প্রায় দুই ঘণ্টাতে বিদ্ধ হইয়া যায়। রবারের পোষাক সর্বাপেক্ষা ভাল, কিন্তু গ্রীষ্মপ্রধান দেশে উহা ব্যবহার করা অসম্ভব। দেখা গিয়াছে, গ্রীষ্মের সময় ভারতবর্ষে অয়েলস্কিন কাপড়ের পোষাক পরিধান করিয়া ১০ মিনিট পরিশ্রম করিলে শারীরিক উত্তাপ প্রায় ১০৩ ডিগ্রীতে উঠিয়া যায়, এবং শরীর অতিশয় ক্লান্ত হইয়া পড়ে। সুতরাং রবারের পোষাক ব্যবহার করা সম্পূর্ণ অসম্ভব। অধিক দূষিত স্থানে নিরাপদে কার্য করিতে হইলে নিম্নলিখিত পোষাকের বিশেষ প্রয়োজন—

অয়েলস্কিনের জ্যাকেট ( কোট )

ট্রাউজার ( পাজামা )

হুড ( টুপি )

গ্লাভ্‌স্ ( দস্তানা )

রবারের জুতা ( হাঁটু পর্যন্ত )

গ্যাস-মুখোস।

শ্রীবসন্তকুমার ঘোষ ( বি-এ )

## সমাপিকা

যবে মোরে যেতে হবে—

এই ধরণীর মেহ-অঞ্চল,

ব্যথা, আনন্দ, হাসি চঞ্চল

মিনতি-ভরা ও নয়নযুগল তখনো কি চেয়ে রবে ?

যবে মোরে যেতে হবে !

যদি কভু পড়ে একটি পত্র বৃন্ত হইতে খসি—

বিরহে তাহার সারা বনানী উঠে যেন নিঃখসি !

চকিতে কখন তমাল-শাখায়

বিতল পাপিয়া গীতি ভুলে যার,—

নন্দর-তানে ব্যাকুল বেদনা ওঠে যেন উচ্ছসি।

শিথিল বৃন্ত হবে না মিলন-মালিকা তোমার গলে ?

মোর স্মৃতি-মেঘে প্রহর তোমার

কণেকের লাগি হবে না আঁধার—

কাজল-নয়ন উঠিবে না ভরি' বিরহের আঁধি-জলে ?

উৎসব-দীপ অন্নান রবে তব প্রাঙ্গণ তলে ?

শ্রীকালীপ্রসাদ ভট্টাচার্য



## অপরান্নে



ফুরিয়ে আসিছে দিন, ঘনিয়ে আসিছে সন্ধ্যা,  
দীর্ঘ হলো ছায়া । .

সোণার স্বপ্নান হরি' এ নয়নে নৃত্য করে  
মরীচিকা মায়া ।

যাত্রা করিলাম হায় জানি না ধরিয়া কা'র  
অভিশাপ শিরে,

সারা পথখানি মোর ভ'রে গেছে ব্যর্থতার,  
দেখি পিছু ফিরে ।

পুঞ্জীভূত হ'য়ে আজ নিফল প্রয়াস যত  
করে পথ রোধ,

ইন্ডিতে বলিছে যেন 'বৃথা চেষ্টা আর কেন ?  
খাম রে নির্কোষ !'

ফলাফল ভাবি নাই, কোন্ দিকে এসে চ'লে  
গেছে দিনরাত ।

আজ অবসর পেয়ে আগে পিছে চেয়ে চেয়ে  
করি অশ্রুপাত ।

হেম-মৃগ অহুসরি কেটে গেল জীবনের  
শ্রেষ্ঠ দিনগুলি ।

জীবনের সার্থকতা সন্ধান করিহু আমি  
জীবনেরে তুলি ।

পায়ের ঠেলিয়াছি যত উপভোগ্য, ভোগে তারে  
করিনি সফল,

বাসনা করিয়া জয় তাই বলি ত্যাগে তারে  
করিনি উজ্জল ।

সকল প্রয়াস মোর

দিল অবসর,

অশ্রুপাত করি তাই

জঞ্জালের 'পর ।

ত্যজিয়া শ্রামল গুচি

হেম কল্পতরু,

দিনান্তে দিগন্তে এসে

সুরু হলো মরু ।

আজি মনে পড়ে হায়

বৃথাই গিয়াছে কত

অনাদরে উপেক্ষায়

রসাল-মঞ্জরী ।

আজি মনে পড়ে কত

শারদ উষার,

করি নাই উপভোগ

পুলক-সঞ্চার ।

হায় রে হইল বন্ধ্যা

করি নাই ভোগ,

কলরবে মুখরিত

দিই নাই যোগ ।

পাইনিক' অবসর

লেগেছে যা ভালো,

হুই ই হারিয়েছি আমি

আকাশের আলো ।

ছুটিয়া এসেছে শিশু

পাইনি সময়,

ভুলে গেছি চিরদিন

হ'য়ে কিশলয় ।

হারিয়েছি কত বারই

উৎসবের মেলা,

স্বপ্নে ভুট্ট জীবনের

কল্পনার খেলা ।


ব্যর্থ হ'য়ে এতদিনে

পুঞ্জীভূত ত্রাস্তিতরা

জীবন, খুঁজিয়াছিহু

কি লাভ হইল শেষে ?

শ্রীকালিদাস রায় ।



মোটর-গাড়ীর একখানি টায়ার তৈয়ারী করিতে কত উপাদানের প্রয়োজন, শুনিলে বিশ্বের সীমা থাকে না!

টায়ার-নিৰ্মাণে মার্কিন যুক্তরাষ্ট্রের ৩৮টি প্রদেশের মধ্যে ৩৯টি প্রদেশকে বিভিন্ন উপাদান জোগাইতে হয়।

টায়ারের কারখানা খুলিতে হইলে শুধু রবারের আ বা দ করিলেই চলিবে না, সেই সঙ্গে চাই তুলার ক্ষেত; লৌহ, কয়লা ও জিঙ্কের খনি; গন্ধক বা সালফার-ডিপজিটের রাশি এবং গ্যাশের ভাণ্ডার। একখানি গাড়ীর চারটি টায়ারে তুলার আঁশ লাগে প্রায় ১০০০ মাইল দীর্ঘ; ইম্পাতের তার লাগে প্রায় ১০০ ফুট। এই সঙ্গে চাই লৌহ! সালফার ও জিঙ্ক-অক্সাইড প্রভৃতি



মণ্টানা হইতে আসে গিলশোনাইট; টেনেসি হইতে আসে হার্ডউড নামে কাঠের চাকলা; ইণ্ডিয়ানা হইতে হোয়াইট; ওহায়ো হইতে লিডার্ক প্রভৃতি। সব-কয়টি উপাদানের তালিকা দিলে রসায়ন ও ধাতু-বিজ্ঞানের একখানি মোটা অভিধান সঙ্কলিত হইবে! মার্কিনে র বাহিরে নানা দেশ হইতেও নানা বস্তুর জোগান আসে। ভারতবর্ষ হইতে যার শেলাক বা গালা; আফ্রিকা ও ফিলিপাইন

তরল-লাটেগে সূতা মিশাইয়া স্নানের বেশ

শাইয়া আর ছুটি মব-উপাদানের প্রয়োজন। এই মিশ্র উপাদানটির নাম মার্কাপটোবেনজোথিয়াজেল এবং ইবেটানাফথিলপারা-ফেনিলেনেডিয়ামাইন।

দ্বাপ হইতে যার ভালের তৈল; সাউথ-সী হইতে নারিকেল তৈল; স্পেন হইতে সোলা বা কর্ক; কলম্বো হইতে এ্যাসবেষ্টশ; এবং চীন হইতে টাঙ্গ-নামে




রবার-বেলুন



রবারের পাত

এক-প্রকার মিশ্র  
ধাতুর তৈল।

মার্কিণের এক  
স্ববহুং টা রা র-  
কারখানার হিসাবে  
দে খি তে পাই,  
দীয়ারের জন্ত এ-  
কোম্পানি বছরে  
তুলা কেনে সাতাশ  
লক্ষ মণ; কালো  
কার্বন কেনে  
পঁচিশ লক্ষ মণ;  
জিঙ্ক-অক্সাইড  
এ কাশী হাজার  
চারিশত মণ;  
এবং গন্ধক চার



রবার রড় করা



রবারের খেলনা



রবারে তৈরী আয়নার ক্রেম

হাজার একশ-ছিয়াত্তর মণ। এ যুগে এই বিবিধ উপাদানের সহযোগিতায় টায়ারের পরমাণু বাড়িয়াছে অসম্ভব-রকম। টায়ার-কোম্পানিরা বলেন, পুরাকালে বিক্রয় করিবার সময় টায়ারের সম্বন্ধে গ্যারান্টি দেওয়া হুইত ৩০০০ মাইল খাশা চলিবে; এখন সে-গ্যারান্টির মাত্রা চব্বিশ-পঁচিশ হাজার মাইলে দাঁড়াইয়াছে।

এক-একটি কারখানা প্রায় ৩০ একর-পরিমিত জমি লইয়া গঠিত। তার মধ্যে ১২৫ একর জমি জুড়িয়া কারখানা; ১৬৫ একর জমি প্রাক্‌গের মতো মুক্ত অবাধ রাখা হয়; এবং ১৪ একর জুড়িয়া থাকে নীল কাচের সাশি আঁটা মস্ত হুল। এই হলে ইট-কাঠের, মাটির বা টিনের দেওয়াল নাই। ছ'মাইল জুড়িয়া টানেল আছে। সেই টানেল-পথে ৭৫খানি ট্রাক্ এবং ৩০০ ট্রেলার-গাড়ী যাবতীয় কাঁচা রশদ বহিয়া যাতায়াত করিতেছে।

কি করিয়া টায়ারের সৃষ্টি হয়, বলি।

নির্যাস জমাইয়া রবারের পাত তৈয়ারীর কথা পূর্বে বলিয়াছি। এই পাত ছোট-বড় নানা আকারের হয় এবং বহু পাত জড়ো করিয়া কাপড় বা চটের

গাঁটের মতো গাঁট বাধা হয়। এক এক টি-গাঁটের ওজন একশো-পঁচিশ সের।

গাঁট পুষ্টির রবারের পাত বাহির করিয়া প্রথমে ই সে পাত কাটার যন্ত্রে ফেলিয়া বৈ ছ্য ভি ব্রেডের তাপে গরম করিয়া খণ্ড খণ্ড ভাঙে



অক্সিজেন যুগোল

কাটিয়া ওয়  
 হয়। গাট  
 পাতগুলি তাত  
 পর কর. গট  
 রো লা রে :  
 সাহায্যে ঠাশি  
 ময়দা - মাখা  
 ম তো ন র :  
 পিণ্ডে পরিণত  
 করা হয়, কাটা  
 ম তো ন র :  
 হইলে এ রবার  
 আরো পাঁচ  
 রকম উপাদান  
 মিশানো হয়



বঁবাবের বোটে জলবিহারের উত্তোগ



হোজের গায়ে রিৎ, আঁটা



নকল-পথে টায়ার চালাইয়া শক্তি-পরীক্ষা

ময়দা মাথিয়া যেমন লুচির লেচি কাটা হয়, কাদার মতো এই পিণ্ড-রবারের তাল তেমনি বর্ফীর ছাঁচে (বর্ফীর মতো ছোট-আকার নয়, নিশ্চয়!) খণ্ড-খণ্ড করিয়া কাটা হয়। কাটিয়া সেগুলি র্যাকে রাখিয়া শুকাইয়া লয়। শুকাইলে তাহা দেখিতে হয় ট্যান্-করা চামড়ার মতো!

এই রবারকে এখন দেওয়া হয় “মিক্সারের”

(mixer) মধ্যে নানা উপাদানের সহিত মিলাইয়া মিশাইয়া লইবার জন্ত। এ-মিশ্রণের পরে রবারকে লাটেক্স বলিয়া আর চেনা যায় না। মিশ্রণ কার্য চুকিলে যে-কম্পাউণ্ড তৈয়ারী হয়, সে কম্পাউণ্ড যার রাসায়নিকের হাতে। এবং এই রাসায়নিকের যাহ-মন্ত্রে সে-কম্পাউণ্ড নব-কলেবরে উদয় হয়।

বড়-বড় কারখানায় টায়ার গড়িতে কেমিক্যাল লাগে প্রায় ৯০০ বস্তা।

এই রাসায়নিক হইলেন রবার-কারখানার বিধাতা-পুরুষ। কোয়ালিটি বুঝিয়া বিভিন্ন মিশ্র রবার-কম্পাউণ্ডকে বাছিয়া ইনিই তাদের চিকিৎসা করেন; নানা প্রক্রিয়ার খুঁৎ সারিয়া এই কম্পাউণ্ডকে নিখুঁৎ করিয়া লন। খুঁৎ সারিবার পর বিভিন্ন কারিগরের হাতে রবার গিয়া পৌঁছায় এবং তখন টায়ারের গড়ন শুরু হয়।

একখানি টায়ারের বুক চিরিয়া কাটুন, দেখিবেন— কত রকমের জোড়া-তালি দিয়া তাহাতে পাঁচটি বিচিত্র section বা স্তর রচিত হইয়াছে। দেখিবেন, উপরের কভারের (bead) নীচেই আছে ব্রেকার। রবারের সহিত আরো জুঁচারি-রকম তন্তু (fabrics) মিশাইয়া এই ব্রেকারের সৃষ্টি। ব্রেকারের জন্তই পথে চলিতে টায়ারের জোড় কাটে না, নড়ে না; সে জোড় খুলিয়া যায় না।

কভার এবং ব্রেকারের পরেই টায়ারের দেহ (body) বা কাঠামো। এটি টায়ারের ভিত্তি। টায়ার এই কাঠামোর জোরেই গাড়ীর ভার বহিতে পারে। কাঠামো বা বডি আশ্চর্য রকম নমনীয়। রবারে ইন্সুলেট দড়ি বা পাত দিয়া এই কাঠামো তৈয়ারী হয়। চাকার রিমের সঙ্গে টায়ারের যে-অংশ ফিট করে, তাহাকে বলে বীড (Bead)। রবারের মধ্য দিয়া ইম্পাতের তার (imbedded) চলাইয়া এই বীডের সৃষ্টি। বীড-তার থাকার জন্ত রিমের সঙ্গে টায়ার টাইটভাবে আঁটিয়া থাকে। টায়ারের কাঠামোর সঙ্গে এই বীডকে টাইটভাবে আঁটিয়া রাখার জন্ত তারের সঙ্গে ফ্লিপার নামে এক-রকম বস্তু কষিয়া জড়ানো হয়।

কভার বা bead; বডি বা কাঠামো; কভারের নীচে ব্রেকার; বীড্ এবং এই ফ্লিপার—এই পাঁচটি বস্তু রবারের পঞ্চপ্রাণ—five toes of a tyre!


এ পাঁচটি বস্তু কিন্তু কারখানার পাঁচটি বিভিন্ন জায়গায় তৈয়ারী হয়।

২৮৩ পৃষ্ঠায় ছবিগুলি চাহিয়া দেখুন। একটিতে দেখিবেন, বড়-বড় পুলে ইম্পাতের তার রহিয়াছে। টায়ারের মধ্যকার এই তারই রিমের সঙ্গে টায়ারকে সুদৃঢ়ভাবে আঁটিয়া রাখে। তারপর অন্য ছবিতে দেখিবেন, স্তার

অজস্র লহর। তরুণী ঐ স্তার হারগুলিকে সুশৃঙ্খল-পন্থায় ক্রমে সাজাইতেছেন। এ স্তাও টায়ারের দেহ-গঠনে অত্যাৱশ্যক। তার পর স্তার তারে জড়িত মিশ্রিত রবারের পাতগুলিকে যন্ত্রের চাপে গায়ে-গায়ে আঁটিয়া এক ও




টেনিশ-বলের সৃষ্টি



আচ্ছাদনীর ছুটি খোল

অটুট করিবার পালা। এ পাত তৈয়ারী হইলে শক্তিমানে যন্ত্রযোগে টায়ারের ষোণ্য-আকারে এ-পাতকে সমানভাবে ছাঁটিয়া-কাটিয়া টাচিয়া-ছুলিয়া মন্থণ ও সুমমজস করা হয়। টাচিয়া-ছুলিয়া কাটিয়া-ছাঁটিয়া সে পাতকে সমান-সমতল করা হইলে বিভিন্নড্রাম-গঠনে আঁটিয়া (২৮১ পৃষ্ঠা) সুগোল-আকারে গড়িয়া কাতে





পেশালার ছাঁচে স্বাস্থ্য কাটি



গাঢ়পাচার আকরণ

বলের ভিত বা অঁচি

স্বাস্থ্য-বর্কীর ছাঁচ


হয়। গড়া হইলে এয়ার-বাগ দিয়া চাপিয়া রবার-চক্রগুলিকে 'ভালকানাইজ' করিবার জন্ত পিপার মত বড় পাতে নিমজ্জিত করিবার পাত্ৰা (২৮১ পৃষ্ঠা)। ভালকানাইজ করার কারণ, কোথাও কোন রক্ত বা ফাঁক না থাকে! ভালকানাইজ হইলে ছাঁচে ফেলিয়া তাপে এবং চাপে ডিজাইন-মাফিক গড়িয়া তোলা হয়। ডিজাইন-মাফিক গড়ন হইলে বড়-হলে সেগুলিকে সারবন্দীভাবে সাজাইয়া তাদের পরীক্ষা করা হয়। পরীক্ষায় কোথাও কোনো খুঁত পাইলে চিহ্নিত করিয়া সেগুলিকে পাঠানো হয় কারিগরের কাছে খুঁত সারিবার জন্ত। এ-পরীক্ষায় যে-টারার পাশ হয়, সেগুলির গারে আবরণ দিয়া বিক্রয়ের জন্ত তাহা মজুত রাখা বা চালান করা হয়।

টারার-পরীক্ষার কথা বলিয়াছি। সে-পরীক্ষার অর্থ তাদের দেহ-পরীক্ষা! টারারের দেহ কোথাও

অমসৃণ না হয়, কোথাও এতটুকু টিলাঢালা বা ফুলা না থাকে, টারারের সর্কাজ নিটোল আছে কি না এ সবেয় যেমন পরীক্ষা লওয়া হয়, তেমনি পথে কাঁটা-খোঁচা, খানী-পোনাল, কাঁচ বা পেরেক প্রভৃতির আঘাতে




কামান-গাড়ীর টায়ার



রবারের জুতা—এক-এক পাটিতে ৫২ টুকরা রবার আছে

টারার না মচ্কার, টারার না ফাঁশে, না কাটে; সে-সব আঘাত টারারের গারে না বাজে; এ-সব আঘাত টারার অবহেলার তুচ্ছ করিতে পারে কি না, তাহারো পরীক্ষা লওয়া হয়। সে পরীক্ষার জন্ত কারখানার পরীক্ষাগারে



১। ছামে ফেলিয়া পাতকে স্রগোল করা  
২। ছাঁচে ফেলিয়া টায়ারের রূপ গঠন

১। এয়ার-ব্যাগ সাহায্যে ভালকানাইজ  
২। টায়ার-পরীক্ষা

তৈয়ারী হয়, তার সৃষ্টিতে জটিলতা নাই! যেমন খুশী আকারের হোজ পাইপ তৈয়ারী হইলে বিবিধ যন্ত্র-যোগে হোজের গারে শীসার পাত বা তারের রিঙ বিজড়িত করা চলে। এ-যন্ত্রে পর-পর ছুটি জ্যাকেট আছে। উপরের জ্যাকেটে থাকে শীসার বা রিঙের পাত,—নীচের জ্যাকেটে পরানো হয় রবার-হোজ; তার পর যন্ত্র চালাইয়া দেওয়া হয়। একজনমাত্র লোক হাতে শুধু রবারের হোজ ধরিয়া থাকে এবং যন্ত্রটি চলিলে একসঙ্গে ঐ শীসার পাত বা রিঙ নামিয়া আসে; রবার হোজ তার নীচে আসিয়া পড়ে এবং কুশলী-যন্ত্রের চাপে হোজের গারে পাত আসিয়া আঁটিয়া ধরে। যন্ত্রযোগে এমনি আঁটা রবার ও পাত সরিয়া-সরিয়া যন্ত্রের অপর মুখাগ্রে পাত-আঁটা দেহ লইয়া বাহির হয়। এ কাজও নিঃশব্দে দ্রুততালে সম্পাদিত হয়।

বিশেষজ্ঞেরা আজ রবারকে এমনভাবে গড়িয়া তুলিয়াছেন যে, তাহা তাপে গলে না, শীতে গুটাইয়া যায় না;—তাছাড়া কোনো রকম এসিডে তার এতটুকু অপচয় বা অনিষ্ট ঘটে না! এসিডে সর্ব-ধাতুর ক্ষয়-অপচয় ঘটে, কিন্তু রবারের অঙ্গ এমন হইয়াছে যে, এসিডের কাছেও লে অক্ষয়-অমর। হাইড্রোক্লোরিক এসিড রাখিবার জন্ত যে আধার তৈয়ারী হইতেছে, পেগুলির ভিতর-দিকে আগাগোড়া রবার-লাইনিং দেওয়া। এ আধার রচিত হইলে ভিতর-দিকটার আঁটা লাগাইয়া রবারের মিহি পাত আঁটিয়া দেয়; রবারের দৌলতে এসিডের পাত্র যেমন অটুট-অক্ষত থাকে, তেমনি এসিডও চূঁরিয়া যায় না, ক্ষয় বা লয় হয় না। পাত্রে যতখানি এসিড রাখিবে, ততখানি ঠিক তাহাতে মজুত থাকিবে।

তার পর খেলার বল; ক্রিকেট-বল, টেনিস-বল। এ সব বলের রচনাতেও অসাধারণ কৌশলের পরিচয় পাওয়া যায়। এ সব বল শুধু রবার দিয়া তৈয়ারী হয় না, এ-বলের রচনা-কার্যে তৃণশস্তাদিরও প্রয়োজন।



রবারের কর্শাঁ



যন্ত্র-সাহায্যে বল ওজন


প্রথমে চাই আঁটির মতো কঠিন ও সুগোল ভিত্তি বা core অর্থাৎ sac. এলুমিনিয়ামের ছাঁচে ল্যাটেক্স-কম্পাউণ্ড চালিয়া এই ভিত্তি বা core বা sac তৈয়ারী করা হয়। ছবিতে (২৭৯ পৃষ্ঠা) বরফীর মতো যে ল্যাটেক্স-কম্পাউণ্ড দেখিতেছেন, গোল খাঁজ-কাটা ছাঁচে গুলিকে ফেলা হয়। তার পর

গোল ভাবে কাটিয়া সেগুলিকে ভালকানাইজ করিতে হয়। আর একটি ছাঁচে থাকে গাটাপার্চ। এই গাটাপার্চার বলের আবরণ নির্মিত হয়। গাটাপার্চার লম্বা পাত হইতে গোল সাইজে এ আবরণ কাটিয়া লওয়া হয়। ওদিকে খাঁজ-গাটা ছাঁচে ল্যাটেক্স-কম্পাউণ্ড জমাট বাধিলে সেগুলির গায়ে-মাথায় চুলের চেয়েও স্থূক্ষ স্থূতা জড়াইয়া লইতে হয়। জড়ানো হইলে গাটাপার্চার অর্ধচক্রাকৃতি খোলে স্থূতা-

না! টেনিশ-বলের আবরণের জন্ত নরম স্ফূর্ণ পশমী কাপড় লাগে। ছবি দেখিলে বুঝিবেন, এ কাপড় কাটিয়া যন্ত্রযোগে কত সহজে তাহা দিয়া বল মোড়া হয়।

সাঁতারের বিবিধ বিচিত্র পোষাক, মেয়েদের বেন্ট, গাউনের বন্ধনী প্রভৃতিও রবারে রচিত হইয়া আজ যে সুসমা-স্বাচ্ছন্দ্যের সৃষ্টি করিয়াছে, তার আর সীমা-পরিসীমা নাই। রবারের জুতা এত সহজে এবং এত শীঘ্র তৈয়ারী

হইতেছে যে, দেখিলে বিশ্বয়ে অভিভূত হইতে হয়! অথচ এক-এক জোড়া রবারের জুতার রবার লাগে ১০৪ খণ্ড (pieces)। রবারকে গলাইয়া প্রথমে প্রকাণ্ড জমাট-পিণ্ড করা হয়; তার পর এই পিণ্ড-রবার যন্ত্রের চাপে পাত হইয়া যন্ত্রযোগেই সরিরা-সরিরা ষোল হাত যুরিয়া জুতার কলেবর ধরিয়া বাহির হয়। পাত-রবার গিয়া যে যন্ত্রে পড়ে, সেখানে বাঁধা-মাপের শোল হয়; অপর যন্ত্রে জুতার বডি বাহির হয়; পরে এই শোল ও বডি গিয়া আর-এক যন্ত্রে মিলিতেছে, এবং সে-যন্ত্রের চাপে শোল ও বডি গায়ে-গায়ে আঁটিয়া যায়; আঁটা বডি-শোল অল্প যন্ত্রে যার— সেখানে সৰু পাতে জোড়া-তালি



এসিড-পাত্রে রবারের কোটিং

জড়ানো ল্যাটেক্স-কম্পাউণ্ড তরিতা মুখে-মুখে জুড়িয়া দেয়। জোড়া হইলে সেগুলিকে ছাঁচে পুরিয়া প্রথমে তাপ প্রাপ দেয়; পরে তাহাতে বরফ-জল দিবা মাত্র আচ্ছাদনীর স্তর লাগাইয়া 'কাপে-কাপে' আঁটিয়া দুর্গের মতো বলকে প্রস্তুত করিয়া তোলে। তার পর প্রত্যেকটি বলকে নির্দিষ্ট মাপে ওজন করিবার পালা। প্রত্যেকটি বলের ওজন চাই ১'৬৮ ইঞ্চি; ওজন ১'৬২ আউন্সের বেশী হইবে না। যারা বল খেলেন, তাঁরা বোধ হয় এতখানি রবার কারিগরির কথা কল্পনাও করিতে পারিবেন

লাগিয়া বডি-শোল কায়েমী ভাবে আঁটিয়া মজবুত বনিয়া উঠে। তার পর কোনো যন্ত্রে ফিতার রক্ত-ভেদ—কোনো যন্ত্রে নক্সা-কাটা,—কোনো যন্ত্রে বর্ণভূষা—এমনি করিয়া প্রত্যহ প্রায় দশ-হাজার বিশ-হাজার জোড়া জুতা তৈয়ারী হইতেছে।

প্রতি-সাইজের জন্ত স্বতন্ত্র ছাঁচ আছে এবং যে-সাইজের জুতা চাই, অনুরূপ যন্ত্রে রবারের পাত ফেলিয়া দিলেই সেই মাপের জুতা বনিয়া উঠে!

সাঁতারের পোষাক-নির্মাণে প্রায় আধ-মাইল দীর্ঘ তরল ল্যাটেক্স লাগে। এই তরল ল্যাটেক্সকে প্রায়

তিন-মাইল লম্বা সূতার সহিত মিশাইয়া জমাট করা হয়। যে রঙ চান, সেই রঙের পাত দিয়া এ-পোষাক তৈয়ারী হইবে। এ পোষাক এত হালকা যে, গায়ে দিলে পোষাক পরিয়াছি বলিয়া মনে হয় না! এইভাবেই আজকাল খুব হালকা বধাতি-কোট প্রভৃতিও তৈয়ারী হইতেছে।

পাশ্চাত্য মহিলার বডিশ্ব বা কর্শেট। পূর্বে তিমির হাড় দিয়া কর্শেট তৈয়ারী হইত। তাহাতে অস্বাচ্ছন্দ্য বোধ করিলেও 'পরো পরো মা গহনা পরো' নীতি মানিয়া বেশভূষার জন্ত এ-অস্বাচ্ছন্দ্য পাশ্চাত্য মহিলারা নিঃশব্দে সহ্য করিতেন। এখন রবারের কল্যাণে মেয়েদের কর্শেট এমন স্বচ্ছন্দ হইয়াছে যে, দেহখানিকে আঁটয়া নিটোল নির্ভাজ করিলেও সে কর্শেট বা বডিশ্বের জন্ত চাপ পড়িয়া নিশ্বাস বন্ধ হইয়া এতটুকু অস্বাচ্ছন্দ্য ঘটে না।

নিত্য-প্রয়োজনে এবং বিলাসভূষণে রবার আজ আমাদের বোড়শ-উপচার

জোগাইতেছে। তাছাড়া আধি ব্যাধিতে প্রাণ-রক্ষা করিতেও রবার আজ কতখানি সহায়, সেই কথা বলিয়া আমরা রবারের স্তুতি-কথা শেষ করিব।

শ্বাসযন্ত্রের বিকৃতি-বৈকল্য ঘটিলে কিম্বা অন্ত্র রোগে শ্বাসকষ্ট ঘটিলে চিকিৎসকেরা রবারের শরণ গ্রহণ করিয়া জীবের জীবন রক্ষা করিতে আজ সমর্থ হইয়াছেন। অস্ট্রেলিয়ার একটি বালক—তার বয়স ছ'বৎসর; পক্ষাঘাত রোগে তার জীবন-সঙ্কট হইয়াছিল। সেখানকার হাসপাতালের বিচক্ষণ চিকিৎসক "জেনারেল টায়ার এবং রবার কোম্পানির" দ্বারা রবারের রিং এবং স্পঞ্জ-রবারের গ্ল্যাপ নির্মাণ করাইয়া—বালক-রোগীর দেহে আঁটয়া তার


শ্বাসগ্রহণে স্বাচ্ছন্দ্য বিধান করিয়া তাকে সম্পূর্ণ সুস্থ করিয়াছেন। তাছাড়া রবারের তৈয়ারী নিশ্বাস-গ্যাসের (breathing-bag) সাহায্যে অক্সিজেন-বাষ্প দিয়া রোগীর প্রাণ-রক্ষা-কার্য আজ অপেক্ষাকৃত সহজ ও সুস্বভে সম্পাদিত হইতেছে। এরোপ্লেনে চড়িয়া বহু উর্ধ্বে উঠিলে আরোগীর দারুণ শ্বাসকষ্ট ঘটত। এখন রবারের ব্যাগে অক্সিজেন-বাষ্প ভরিয়া রবারের নলে সে বাষ্প গ্রহণ করায় বিমান-বিহারী প্লেনযাত্রীকে আর শ্বাসকষ্ট ভোগ করিতে হয় না।

এই রবার আজ মানব-সমাজকে বহু কল্যাণে বিভূষিত



রবারের রিং ও গ্ল্যাপ,

করিতেছে। রবার-বণিক-সম্প্রদায়কে লক্ষী দেবী আজ বহু ঐশ্বর্য্য-সম্পদে বিভূষিত করিয়াছেন। এক কথায়, রবার যেন আজিকার পৃথিবীকে এবং পৃথিবীর নর-নারীকে নব রূপে নব বেশে সজ্জিত করিয়া তুলিয়াছে। এক জন বিশেষজ্ঞ বলিয়াছেন—Rubber is remaking our world. এ-কথা এতটুকু অত্যুক্তি নয়। তার নিত্য-প্রয়োজনের বস্তুকে অল্পব্যয়ে সহজ-প্রাপ্য করিয়া তুলিয়াছে। গাড়ীর চাকা হইতে শুরু করিয়া রোগের পরিচর্যায় পর্যন্ত রবার আমাদের জীবনকে গতি দিয়াছে, স্বাচ্ছন্দ্য দিয়াছে, এবং বহু-সঙ্কটে পরিত্রাতার বেশে উদয় হইয়া আমাদের জীবন-যাত্রার প্রণালীকে সহজ ও সুখদ করিয়া তুলিয়াছে।



১

আমরা তখন হুগলী কলেজিয়েট স্কুলের চতুর্থ শ্রেণীতে পড়িতাম। আমাদের সে-কালের সেই 'ফোর্গ ক্লাস' একালে 'ক্লাস সেভেন' নাম ধারণ করিয়াছে। তখন শ্রেণী গণনা হইত উপর হইতে নীচে; এখন হইতেছে—তলা হইতে মাথার দিকে। কিন্তু সে কথা থাক। একালের মত সে-কালেও আমাদের ফোর্গ ক্লাসে দুইটি 'সেক্সন' ছিল। আমি ছিলাম 'বি' সেক্সনের ছাত্র—প্রায় পঞ্চান্ন বৎসর পূর্বে! আজ বার্ককে জীবনোপাস্তে উপনীত হইয়া সেই বিস্মৃতপ্রায় ছাত্রজীবনের দুই-একটি কথার আলোচনা করিতে বসিয়াছি; একালের পাঠকদের ভাল লাগিবে কি?

তখন 'ইলেক্ট্রিক ফ্যান' বা বিজলী-পাখার আবির্ভাব হয় নাই। স্কুলের সকল ক্লাসেই সুদীর্ঘ টানা পাখা পাখা গুটাইয়া কড়িকাঠে ঝুলিত, এবং ফাল্গুন মাসে দোলের ছুটির পর হইতে আশ্বিন মাসে পূজাবকাশের পূর্ব-পর্যন্ত ছাত্রদের বেগাতার-প্রপীড়িত মস্তকের উর্দ্ধে আন্দোলিত হইত। ঐতকালে সাড়ে-চার কি পাঁচ মাস তাহার বিশ্রাম। হরজীবন কাহার নামক বৃদ্ধ আমাদের ক্লাশের পাখা টানিত। গনিয়াছিলাম, সে নাকি ত্রিশ বৎসরেরও অধিক কাল ঐ একই মাসে পাখা টানিয়া অন্ন-বস্ত্রের সংস্থান করিত। একই ক্লাসে দিয়া সে নির্বিচার চিত্তে, মাসের পর মাস, বৎসরের পর বৎসর মাসিক পাঁচ টাকা বেতনে এই একঘেয়ে কর্তব্য পালন করিত। প্রতিবৎসর নূতন নূতন ছাত্রের দল তাহার কালিত পাখার বায়ু-হিলোলে মিশ্র হইয়াছে। সুদীর্ঘ ৩০ বৎসরে সেই ক্লাসে কত নূতন শিক্ষকের আবির্ভাব ও প্রোভাব হইয়াছে, কিন্তু তাঁহাদের কাহারও কথা কি তাঁহার স্মরণ থাকিত? কখন কখন সে হুঃখপ্রকাশ করিয়া শিদিগকে বলিত, "বাবু, ত্রিশ বৎসর হাম সরকারি

কাম্মে ছায়; সরকার বাহাজুর হামকো ছোড়তা নেহি, পিন্সিল ভি দেতা নেহি! ক্যা করে, নসিব!"—সঙ্গে সঙ্গে সে ললাট স্পর্শ করিত।

একবার গ্রীষ্মাবকাশে স্কুল বন্ধ হইলে সে দেশে চলিয়া গেল। আষাঢ় মাসে স্কুল খুলিলে আমরা ক্লাসে উপস্থিত হইয়া সেই খোঁটা হরজীবন কাহারের পরিবর্তে হরজীবন নামক এক বাঙ্গালী যুবককে পাখা টানিতে দেখিলাম। সন্ধান লইয়া জানিতে পারিলাম, বৃদ্ধ দেশে ফিরিয়া পরলোকে প্রস্থান করায় এই বাঙ্গালী যুবক হরজীবন তাহার কার্যে নিযুক্ত হইয়াছে। হরজীবনের পরিবর্তে নূতন লোকের আবির্ভাবে আমাদের কোন ক্ষতি-বৃদ্ধি ছিল না। তথাপি বৃদ্ধ হরজীবনের মৃত্যু-সংবাদে মনে ব্যথা পাইয়াছিলাম—এই সুদীর্ঘ কাল পরেও সে কথা স্মরণ আছে।

নূতন পাখাওয়ালাকে তাহার নাম জিজ্ঞাসা করা হইলে সে যখন বলিল, তাহার নাম হরজীবন রায়, তখন ক্লাসের সকল ছাত্রের কণ্ঠ হইতে একযোগে হাসির তুফান ছুটিল! হরজীবনের পরিবর্তে হরজীবনের আবির্ভাবে-হাস্তরসের কি উপাদান ছিল তাহা নির্ণয় করা কঠিন; কিন্তু শিশুচিত্তের খেয়াল অতি বিচিত্র, এবং যুক্তির উপর তাহার বনিয়াদ নির্ভর করে না।

যাহা হউক, ঠিক সেই সময় 'স্মার' আমাদের ক্লাশে প্রবেশ করিয়া তাঁহার আগনে সমাসীন হইলেন; তাঁহার আবির্ভাবে আমাদের হাসির উৎস-মুখ সহসা রুদ্ধ হইল।

'স্মার' চেয়ারে বসিয়াই গভীর স্বরে জিজ্ঞাসা করিলেন, "এত হাসি-তামাসা চলছিল কেন? এটা কি হাসি তামাসার আড্ডা?"

স্মারের প্রশ্নের উত্তর দিতে পারি, আমাদের কাহারও ততখানি সাহস ছিল না; কারণ, আমরা জানিতাম, ক্লাশের